









James P. ...

8.47. E.2  
*Domus Reg. Rom. Soc. Jesu*

Π Ρ Ε Σ Β Ε Ι Α  
S I V E  
L E G A T I O  
PHILIPPI III. ET IV.  
CATHOLICORVM  
REGVM HISPANIARVM  
A D  
SS. DD. NN. PAVLVM PP. V.  
E T  
G R E G O R I V M. XV.  
De definiendâ Controuersâ  
IMMACVLATÆ CONCEPTIONIS  
B. VIRGINIS MARIAE,  
P E R

*Illustriff. & Reuerendiff. Dom.*

D. FR. ANTONIVM A TREJO, Episcop. Carthaginensium,  
Regium Confiliarium, & Oratorem, ex Ordine Minorum.

*Continens exactissimè omnia in hac materia desideranda ac consideranda,  
quâ Theologica, quâ Historica.*

Descripta ac concinnata per P. FR. LVCAM VVADDINGVM; Hibernum,  
Manapiensem, eiusdem Illustrissimi Oratoris Theologum &c.

---

L O V A N I I,  
Ex Officinâ HENRICI HASTENII,  
Vrbis & Academiae Typographi,

M. DC. XXIV. 127


CVM PRIVILEGIO REGIS.

*Summa Privilegij.*

**P**HILIPPVS D. G. Hispaniarum & Indiarum Rex, Archidux Austriae, Dux Burgundiae, Brabantiae, &c. Diplomate suo laaxit, ne quis librum, qui inscribitur, *Legatio Philippi I I I. & I V. ad Paulum Papam V. & Gregorium X V. pro definienda Controversia de Immaculata Conceptione.* Authore Reuerendo Patre, LVCA VVADDINGO, citra voluntatem & consensum HENRICI HASTENII Academiae & Urbis Louanienfis Typographi imprimat, aut alibi impressum, in suas editiones importet venalemue habeat. Qui secus faxit confiscatione Librorum, & graui poena multabitur, vt latius patet in literis datis Bruxellae 20. Ianuarij, Anno 1624.

*Signatum*

DE WITTE





# PHILIPPO IV.

HISPANIÆ, LVSITANIÆ,

NEAPOLIS, SICILIÆ ET INDIARVM

REGI CATHOLICO,

GERMANIÆ BELGICÆ PRINCIPI,

MAGNO MEXICANI ET PERVANI

ORBIS IMPERATORI,

OCEANI, INSVLARVMQVE, ASIÆ

ATQVE AFRICAE

DYNASTÆ

PIO FELICI INVICTO

PATRI PATRIÆ

Deuotus Nomini, Majestatiq̃ue eius

MAXIMILIANVS DE BOVCHORNE,

*D. Petri & Aula Brabantica Palatinus.*



Vod votis ab ineunte ætate pio Parentum  
exemplo Maiorumque conceptis, REX  
Inuictissime, decretum mihi fuit Sanctissi-  
mæ Virginis Dei-Matris MARIÆ hono-  
rem & gloriam tueri pro viribus & pro-  
pagare, id iam tandem publicè facere or-  
dior felicissimis Catholicæ Tuæ Maiestatis auspiciis. Da  
veniam Clienti Tuo, REX Maxime, qui se suaq̃ue omnia  
libens meritò dedicat & simul Munus offert Virtute Tua,  
& Magnitudine non indignum. En supplex offero, & ad  
Tuam velut Aram suspendo æternum Paternæ & Tuæ  
Pietatis monumentum. Monumentum, inquam, celebra-  
rimæ *Legationis* quam pro *Immaculata* S. MARIÆ Conce-  
\* iij - ptione



# E P I S T. D E D I C A T.

*ptione* PHILIPPVS III. Pijſſimus & Potentiſſimus Parens  
 Tuus immortalis cum ſua gloria ad S. D. N. PAVLVM V.  
 P. M. direxit, miſſo Illuſtriſſimo & Sapientiſſimo Viro  
 D. ANTONIO A TREJO, ex Generali Ordinis Seraphici  
 Miniſtro, Epifcopo Carthaginienſi. Quam Legationem  
 Apoſtolicus ille Vir, tum pro Ordinis Sacri dignitate &  
 merito, qui auctore Venerabili IOANNE SCOTO Docto-  
 re Subtili Immaculatum B. Virginis honorem, acerrimè,  
 inſtar aquilæ, peruidit ſemper ac coluit; tum pro Heroico  
 perpetuoq; Regum Catholicorum erga Originalem Dei-  
 Matris Sanctitatem, Cultu & Veneratione præclariffimè  
 obiuit, cum incredibili Piorum omnium applauſu. Secu-  
 tus fuit Magnus ille Fidei Orthodoxæ Vindex & Defenſor,  
 exempla Chriſtianiſſimorum Imperatorum, Regumque  
 Anteceſſorum ſuorum, Constantini Magni, Theodoſij,  
 Martiani, Leonis, Iuſtiniani, Caroli Magni, Ludouici Pij,  
 & vt cæteros præteream, Caroli V. Auguſti, & Philippi II.  
 Catholici, qui omnes pro Pace Eccleſiæ, & controuerſia-  
 rum definitione apud Summos Pontifices maximo opere  
 laborarunt, & ad celeberrima Concilia Nicenum, Epheſi-  
 num, Chalcedonenſe, Tridentinum, Epifcopos maximo  
 numero ex S. Sedis Apoſtolicæ auctoritate conuocarunt  
 ad Dei Opt. Max. Diuæque Matris Maieſtatem aſſeren-  
 dam. O digniſſimam Summis Principibus Curam! Quam  
 Deus Regnorum omnium Conditor & Arbitrator, maximis  
 etiã contra hoſtes victorijs ſemper & præmijs honeſtauit.  
 Atque vt vetera prætereã, quid magis admirandum, quam  
 ex quo tempore Rudolphum I. Auſtriacum, Deus ad Im-  
 perium perpetuæ Pietatis merito, palàm euexit, pleraque  
 potentiſſima Europæ Regna in vnã Auſtriam, verè Au-  
 ream ſtirpem Veſtram diuinitus confluxiſſe. Nec id ſolum,  
 ſed immenſam illam Noui Orbis, omnibus antiquis intac-  
 ti, Monarchiam Auſtriacæ Pietati reſeruata, cum maxi-  
 mis Asiæ & Africæ clauſtris & portibus, ad Religionem  
 Catholi-

# EPIST. DEDICAT.

Catholicam vnà cum Imperio Catholico per reliquas Orbis partes feliciter propagandam. Pijssimæ huic Legationi Optimus Regum immortalis, Tibi & Potentissimi Imperij, ac Eximij in Diuam Cultus hæreditatem supremis verbis relinquens, ad cœlestia regna excessit. Tuæ Majestati, Rex Maxime, illa gloria cœlitus seruata est, vt Legationē nobilissimam per Illustrissimos Proceres, Ducem Albuquerqueium, & Comitem Montis-Regij apud Sanctissimum Pontificem Gregorium XV. prosequens, tandem eximium Decretum impetraueris quo Immaculatæ Conceptionis Dignitas Apostolico Iudicio mirificè est constituta.

Maçte ista Pietate & Felicitate, REX Catholice, & Sanctissimæ MARIÆ Honorem Regiè tueri & augere perge. Hoc enim non solum Ferdinandus II. Cæsar Pius Felix Augustus, & Eximia illa Heroïna Serenissima Domina ISABELLA CLARA EVGENIA, ALBERTI PII Belgarum Principis, omni Terreno Imperio Maioris, nuper Coniux dignissima, cum vniuersâ Augustâ Domo AVSTRIACA, cæterisque Proceribus ac Populis gratulantur & satagunt: sed Beatissimus etiam ille ipse Pontifex magnificè suis Litteris laudauit. *Populorumq; Tibi Eidem,* <sup>4. Iunij 1611.</sup> *& Hostium Oppressionem haud temerè est pollicitus,* ex tam Heroico Potentis Virginis, Hostibus & Dæmonibus ipsis Terribilis, Patrocinio. Et annon clarissima signa Deus & Diua dederunt hisce temporibus, dum prælatâ Huius Imagine, & auxilio piè inuocato, ferocissimi subitò Hostes cum innumeris copijs sunt debellati; nobilissima Bohemiæ, Hungariæque Regna cum amplissimis Proincijs Legitimo REGI restituta; Perduellium Regiones iustissimè fortissimeque Cæsareis & Catholicis Auspicijs à Maximis Ducibus subiugatæ? O Victorias celeberrimas, Nouis Constantinis, Nouis Theodosijs, Nouis Carolis Magnis dignissimas, D. Virginis Cultu & Veneratione

\* iiij                    impe-

# EPIST. DEDICAT.

impetratas ! Huius inclytæ LEGATIONIS Acta fidelissimè, conscripta & doctissimè à R. Patre F. LVCA VVAD-  
DINGO S. Theologiæ Romæ in Monte Aureo Lectore,  
& LEGATIONIS Theologo, nobis ab Amico ad legen-  
dum tradita, Magnisque Viris ostensa, visa sunt iis dignif-  
sima quæ ad Maiorem Dei, Diuæque Gloriam in lucem  
publicam prodirent. Egimus igitur pro veteri cultu, erga-  
que Seraphicum Ordinem, cui piè innexi sumus, affectu,  
vt hic Liber legitima Censura probatus in celeberrima  
Urbe & Academia Tua Louaniensi, Orthodoxæ fidei ab  
omni æuo seruantissimâ, Typis publicis sit editus, sub Au-  
gustâ Tui Nominis Tutela. Atque huc non Ambitio nos  
impulit, ingenuè id testor ; sed summorum Virorum hor-  
tatus, & Serenissimæ Principis Auctoritas cui expedire vi-  
sum, vt Tuæ Maiestati consecratum extet publicè præ-  
clarissimum hoc Perpetuæ Dei-Matris Sanctitatis grauif-  
mè assertæ, & Regiæ Catholicæ Pictatis Trophæum.  
Accipe igitur, REX Potentissimè, benignè hanc perpetui  
nostri cultus & obsequij velut obsidem Tabellam, & pen-  
dè repâtere in Augustissimo MARIANÆ Virtutis & Ho-  
noris Templo, dùm alia ad DEI, Diuæque gloriam feli-  
cissimis Tuis per omnes terræ fines Auspicijs diffunden-  
dam ex pijs Maiorum nostrorum Consilijs & conatibus  
molimur. Bruxellæ Anno Christi M. D C. XXIV.  
sexto Idus Maij, quo die Magnus olim Constantinus No-  
uam Romam Beatissimæ Dei-Matri, Coeli, Terræque  
Imperatrici dedicauit.

BENE-

## BENEVOLO LECTORI.

**D**Amus, amice Lector, ad multorum imperium, ad plurimorum preces, quæ præsentibus vidimus, quæ manus nostræ contrectauerunt. Imperantibus & precantibus eo facilius obsequi sumus, quo serius significarunt meam in hac re operam futuris temporibus profuturam, & Ecclesiæ nonnihil utilitatis allaturam. Quippe non mediocriter esse in oliventi adiunxerunt, ut qui post nos erunt, quo modo res Ecclesiastica peractæ sunt, sciant & exactè discere possint ad quos terminos Theologicæ perueniant, controuersia, quibus de causis, qualibus fundamentis stabiliantur doctrina, qui in unaquaque statuti sunt limites, quibus utendum formulis loquendi, & demum quibus gressibus ad eum, quem habent statum, cultus Ecclesiastici pertingunt. Illa etiam utilitas non parua, ut vera & sincera narratione rerum Ecclesiasticarum, serio & graui examine discussarum, magno pondere & grauissimis de causis statutarum, oblocutionibus hæreticorum, ecclesiasticas condemnantium actiones, occurratur, & per veram rei gestæ historiam, illorum refelli possint calumnia. Quam mendaciter oblatrarunt Pomeranus, Tilemannus, Heshusius, Kemnicus, & alij huius farinae nouatores contra ipsum Concilium Tridentinum, tum propter articulos fidei definitos, tum propter hanc ipsam controuersiam, licet nihil certi circa eam statuerit, nulla potiori ratione potuit probari, quam ex ipsis actis Concilij, & rem gestam narrantibus ijs, qui præsentibus adfuerunt. Non quia illi ebarginunt, & dolosè multa ex aduerso confingunt, abstinentium in Ecclesiâ Dei à necessarijs & utilibus controuersiarum decisionibus, sed potius ponderata, & reddita fides, quæ in nobis est, ratione terminandæ quæ videntur necessariae, & deinde blatterantibus hæreticis rerum gestarum sacris & sinceris occurrentium est monumentis. Si ad horum oblocutiones & detractiones sit attendendum, nihil prorsus agendum in Ecclesiâ, quam enim Pontificiam non condemnant actionem? quam Ecclesiasticam non velut insani irrident legem? quam non reijciunt doctrinæ Catholicæ definitionem? Id hæreticis familiare, quæ non probant, irridere, quæ suis delirijs contraria, vituperare, & ut sua stabiliant mendacia, nostras calumniare veritates. Egregie Tertullianus, Hoc illis negotium, non Ethnicos conuertendi, sed nostras euertendi, hanc magis gloriam captant si stantibus ruinam, non si iacentibus eleuationem operentur, quoniam & ipsum opus eorum non de suo proprio ædificio venit, sed de veritatis destructione. Nostra suffodiunt ut sua ædificent. Ne ergo temporum obliuio decursu post nos veniant, qui quæ coram nobis acta sunt, aliter aut minus serio vel minori necessitate.

Vultus  
memoratur  
res Ecclesiastica.

Hæreticorum oblocutionibus, quæli conuictio.

Vide Canonicum lib. 1. de B. Virgin. c. 5. Payua. lib. 4. defend. Trident. par. 3. & Vagam in Concil. Trident.

Tertull. de præscript. aduers. hæret. cap. 41.

# AD LECTOREM.

cessitatis pondere aut leuiori circumstantiarum qualitate facta calunientur, aut Ecclesiam tanquam ex aduerso positam, mendacis dilacerent, morem gessi, quibus debui, ut que in hac difficili euenerunt controuersia, fideliter, sincere & absque verborum lenocinio, aut suco recenserem. Non etenim euasit quod historiarum finis est veritas nec ostentationi, sed fidei veritatisque historia componitur. Veritatem non debet egredi, & honeste factis veritas sufficit. Huic quam maximopere incubui, eamque facile fuit assequi, dum Regio Oratori à studiis & rebus intimis, gestis ipsis interfui. Theopompum aiunt dixisse eum quidem optimum rerum bellicarum historiarum esse, qui ipsius belli particeps fuerit, & quam plurima etiam pericula coram expertus sit. Quo immixisse adiungunt, cum tantum reuera esse bonum historicum, qui de his scribat rebus, quibus interfuit. De ijs, qui de non visis & remotis, ex aliorum narrationibus, quibus omnem suam debent fidem, historias contexunt, quomodo non aliquando fallantur & à veritate aliena conglomerent, nisi diuina ope iuuentur, se ne scire fatetur August. Historia sanè (inquit) cuius Scriptores fidem le præcipue narrationibus suis debere profitentur, fortassis habeat aliquid cognitione dignum liberis, cum siue bona, siue mala hominum, tamen vera narrantur. Quamuis in eis cognoscendis qui Spiritu Sancto non adiuti sunt, rumoresque colligere ipsa humanæ infirmitatis conditione compulsi sunt, quemadmodum non fallerentur in plurimis, omnino non video, est tamen in eis aliqua propinquitas libertatis, si voluntatem mentiendi non habent, nec homines fallunt, nisi cum ab hominibus humana infirmitate falluntur. Ne ego fallerem, sed veritatem quantum liceret, attingerem magna fuit ratio, quod ea sermè omnia, que scriptis tradidi, oculis conspexi, vel ab ipsis rerum authoribus plena & probata publicis instrumentis fide percepi. Citra mea tempora, vel pene ultimum hoc temporis lustrum, historiam non repetij, sed plano & sincero stylo que ab orientibus recentioribus tumultibus Bethicis notiora sunt, obseruaui. Neque quicquam, etsi vellem, fingere licuit cum superstites habeam qui mentientem non segniter redarguerent. Quare si nuda & certa veritate laus constat historiae, nostra vacabit à calumnijs. Illud admonuerim quod si que prurientes aures, & inquieta affectant mentes, requiras, non inuenies. Id forsitan offendes, vel te offendat, quod affectum erga communem & piam de Virgineo conceptu opinionem præferamus, quod ad ampliorem eius declarationem optandam alios excitemus. Id verum fatear, non parum me huius dubij decisionem inhiare, ut vel hac unica ratione tot dissidiorum tempestates confescantur, & tantæ rei veritas manifestius eluceat. Non (ut quibusdam sapinus placuit dicere) aper-

## AD LECTOREM.

tissimæ veritati resistimus, sed aut pro manifesta veritate certamus, sicut ego existimo, aut certe sicut possunt putare, qui nondum istam quæstionem solutam esse arbitrantur, adhuc quærimus veritatem. *Tranquillo spiritu & quæta mente huius molesta quæstionis definitioni insistimus, nullum litigij nisi volentibus, fomitem in enarrando miscuimus. Ita candidè, ita plenè res omnes complectimur, ut quæ vel ipsi aduersæ sententiæ viri scribi velint, & propalari curarint, non abscondamus, sed omnes suis temporibus & rationibus dimetiamur. Non est in his rebus commotio animorum, nec subsanatione verborum agendum, detur locus Christianæ veritati, & inter Orthodoxos concordia non exulet. Mihi licet cum Cypriano asserere. Nos quantum in nobis est propter hæreticos cum Collegis nostris non contendimus, cum quibus concordiam & dominicam pacem tenemus, maximè cum & Apostolus dicat, si quis putatur contentiosus esse, nos talem consuetudinem non habemus, neque Ecclesia Dei. Seruatur à nobis patienter & leniter charitas animi, honor collegij, vinculum fidei, concordia sacerdotij. Inducit optimus antistes suam quemque urgere posse opinionem absque eo quod turgat iracundia; nec si rationes constringat, Christianam obinde solum concordiam. Vidit & sentit ( inquit de eodem alius Afer antistes ) etiam diuersa sentientes posse salua charitate sentire. Etsi quedam hinc inde referantur vel insinuantur, quæ quispiam vellet ex aduerso taceri; dum tamen omnem iuvant causam, & præcipua fuerint fundamenta Regum instantia, Pontificijque statuti, non tam stomachari debet quod recenseantur, quam dolere quod sic committantur. Vias necessarias tentarunt Illustrissimi Oratores ut definitionem obtinerent, aliorum conati sunt rationes euertere, fundamenta nudare, scandala perpetua esse probarunt, novas causas adiecerunt: cuncta ex his Tractatibus licet colligere. Vale mi Lector, & his æquo animo siuere.*

August.  
l. 1. contr.  
Donat.  
c. 3.

Cyprian.  
Epist. 73.  
ad Iuba-  
ran. ad  
fin.  
1. Cor. 11

August.  
citus.

## A P P R O B A T I O.

**F. BENIGNVS A GENVA** totius Ord. Min. Minister Generalis & Serrus, Dilecti in Christo P. FRATRI LVCAE WADDINGO S. Theologiae Professori salutem. Per patentes has nostras literas licentiam concedimus vt Typis detur *Historia Legationis PHILIPPI III. & IV. Regum Catholicorum ad S. S. D. D. PAVLVM V. & GREGORIUM XV. De dirimenda Controversia Conceptionis Virginis MARIAE*, quam sincere scripiam esse, vtilemque fore nostris & futuris temporibus nobis retulerunt, ij quibus reuidendam committimus. In reliquis obseruanda monemus Concilij Tridentini, & nostri Ordinis statuta. Vale & pro nobis ora. Datum Romae in Conuentu Araeceli, An. 1612. 4. Kalen. Decembr.

*F. BENIGNVS A GENVA*

## A P P R O B A T I O.\*

**V**idi ex commissione Reuerendissimi Patris Generalis *Historiam Legationis PHILIPPI III. & IV. Regum Catholicorum ad S. S. D. D. PAVLVM V. & GREGORIUM XV.* ex fide conscripiam à R. P. FR. LVCA WADDINGO Theologiae Professore, & antiquorum nostrorum monumentorum accuratissimo vindice. Placet in re adeo controversâ, sincera & candida narratio, per quam futuris consultur temporibus in quibus liceat perspicere quanta cum maturitate, & quam ponderose sancta Mater Ecclesia, Ecclesiasticos indicit cultus, & Theologicas obfirmet disciplinas. Valde proinde dignum puto hoc opus vt publici fiat iuris, nec dubito quin publicam afferat vilitatem. Dat. Araeceli Prid. Id. Decembr. 1612.

*F. PHILIPPVS NEAPOLITANVS Doctor Parisiensis.*

## A P P R O B A T I O.

**E**x mandato R. P. N. FR. BENIGNI A GENVA Ordinis Minorum Generalis Ministri perlegi summa cum voluptate *Histor. Legationis PHILIPPI III. & IV. Regum Catholicorum ad S. S. D. D. PAVLVM V. & GREGORIUM XV.* concinnatam à R. P. FR. LVCA WADDINGO Theologiae Professore, in qua sinceritatem maximè suspicio, stylum laudo, & exactam in rebus Theologicis penitiam commendo; tantum abest vt quidpiam quod fidei, aut morum puritati repugnet, in accurato hoc opere deprehenderim, quod dignissimum puto vt typis mandetur. Datum in Conuentu Araeceli Romae Idibus Decembris, 1612.

*F. ANTONIVS A SALAZAR Theologiae Prof. ssor.*

## A P P R O B A T I O.

**H**aec Legationis PHILIPPI III. & IV. Regum Catholicorum à PAVLVM V. Pontificem Max. Historica narratio erudita est & ex fide conscripta, nihil continens quod sacris Canonibus vel Ecclesiae Decretis quoquo modo repugnet.

*GVILIEL FABRICIVS Apostolicus ac Regius Librorum Censor.*

## A P P R O B A T I O.

**O**pus hoc de *Immaculata Beatae Virginis Conceptione* doctum & perutile est, vt ad honorem Beatae Virginis & Catholicæ Ecclesiae lumen merito impium possit. Quod puto 6. Ianuar. 1612.

*EGBERTVS SPITHOLDIVS Canonicus & Placatus Antuerpiensis Librorum Censor.*





LEGATIONIS  
PHILIPPI III. ET IV.  
Hispaniarum, & Indiarum Glorio-  
fissimorum Monarcharum

DE

Definienda Controuersia

IMMACVLATAE CONCEPTIONIS

B. VIRG. MARIAE.

SECTIO PRIMA.

TRACTATVS I.

*De Exordijs huius Legationis.*



ANTIQUAM quotidianis incrementis in-  
ualescentem, multoque & Ecclesiae, & sæculi  
Principum fauore se ipsa semper robustiorem,  
deuotionem, in immaculatam Conceptionem  
Virginis Mariæ, ex humilibus, & pæne despica-  
bilibus principijs, & motiuis ita fouit, sulcita-  
uit, & auxit hoc nostro sæculo Deus, vt omnem  
amplissimam Hispaniæ Regionem, aliasque exteras nationes la-  
tenti quodam igne, & manifesto zelo accenderit, & pæne inflamma-  
uerit ad tanti mysterij venerationem. Inenarrabilia sunt; sed &  
pæne incredibilia, quæ varix virorum, ac mulierum congregatio-  
nes, integræ Religiones, magnæ Ciuitates, egregiæ Communita-  
tes,

*Quæ triua  
luerit hoc  
sæculo opi-  
no de im-  
macul. Co-  
ceptione.*

A

tes,

tes, & vastissima Regna suæ deuotionis fecerint pericula, & quam sub hoc Conceptionis nomine Deiparam religioso prosequantur affectu, manifestis, & sumptuosis ostenderint indicijs. Sed nihil sub sole ab omnibus approbatum, nihil sine contradictione, nihil æque ab omnibus receptum; variæ sunt in vnaquaque re hominum sententiæ. Qui puram sectantur Conceptionem, eam extra opinionem esse volunt, & omni proculdubio immaculatam contendunt, vltimum expectantes Ecclesiæ iudicium, vt pro Fidei arcano tantam Dei Matris profiteantur excellentiam.

*Altera opinio alijs placet. & quartæ*

2. Aliud tamen est hominum genus, qui sibi persuadere, vel ab alijs persuaderi non possunt, vt credant tantam puritatem, & à peccato indemnitate Virgini expedire, aut in matris, vel filij redundare dignitatem. Salubrius aiunt Virgini peccasse; honorificentius maculatam fuisse; præclarius, habuisse antiquæ originis culpam; quàm peccatum omne fugisse, maculam non contraxisse, culpam nullam vel subodorasse. Christo, tantæ Virginis filio, magis aiunt tribuere matris peccatum, quàm innocentiam; plus sibi acquirere honoris ex genericis foeditate, quàm puritate; præclariora statuisse trophæa ex deuicta in matre noxa, quàm si semper, & vndeque fuerit innoxia. Hæc suis Theologicis, & Fidei principijs, ex vniuersali seruitute humani generis, & superabundanti Redemptionis beneficio, per Christum seruatorem, per multa sæcula suadere conantur; sed persuadere non possunt; dum salua tantorum principiorum fide, cæteri horreant in hominum, Angelorumque Regina quidquam, quod seruitutem, indignitatem, vel foeditatem redoleat, admittere. Suum cuique in hac re studium, nec vituperabile, dum tamen veram, & laudabilem sibi quisque proponat metam, & æqua statera rem hanc collibret, Christi excellentiæ, & veritatis potius studio, quàm æmulationis affectu, suam quisque tueatur sententiam.

*Non satis conueniens Christi & Mariæ excellentiæ.*

3. Non laudare non possum, qui Christum laudare contendit, sed vereor ne ex tanto matris dedecore plus Christo addat opprobrij, quàm tribuat honoris. Dignum fidei viro studium, vt veras, & inuitabiles velit Fidei regulas, nec eas irreuerenter permittat eludi. At sub generalibus quibusdam, quantumuis indignis, & miseræ seruitutis legibus, eam, quæ nostram seruitutem exculsit, & mundi libertatem restaurauit, comprehendere, timeo ne satis conueniat tantæ matris excellentiæ, & dubito, an vndeque cohercat

reat eiusdem fidei principijs; Presertim cum in sanctâ & catholicâ <sup>Negativa</sup> Ecclesiâ vniuersitate, per tot continuos annos, saluâ fidei veritate, <sup>sententia</sup> videam & credi, & profiteri publicè, & manifestè nœuum hunc, <sup>subiicit</sup> & infamiam sordidati nostri generis Mariam euasisse. Nec credam leuiter ad id credendum inductum absque omni spiritus inflinctu, cui spiritus secretò adest, & indubitanter assillit, ne erret: nec absque verbo Dei, vel scripto, vel tradito id profiteri, cui verbum Dei factum est ad consumationem vsq; sæculi cum eâ permanfurum; vt suâ semper stabilitate consistat, ne in communi, ac generali doctrinâ dolosè circumueniatur ab hoste. Nec ob hoc tamen primos damnamus contradictores, qui contrarium suis temporibus tradiderunt, quando peculiaris hæc Dei Matris dignitas, nondum plenè Ecclesiæ innotuit; nec etiam qui eos modo tenaciter sequuntur, plurimum commendandos affirmem, postquam vniuerso fidelium cœtui per latissima orbis terrarum spacia, Spiritus sancti haud dubiè operatione certius persuasa est communis, & benigna sententia; & Deiparæ Virginis prima, & præclara sanctitudo, plenius reuelata, conualuit.

4 Anterioribus sæculis ita à quibusdam, hæc pia tutabatur opinio, vt eis, qui contrariæ opinionationi adhæserant, liberè, & sine offensione id propalare liceret, nec ita durè audiebatur in populo, <sup>Quoniam non</sup> Mariam in vitæ limine, Patrum origine fuisse sædatam. At nunc <sup>tantopere</sup> prima illa, & peculiaris Mariæ innocentia ita hominum cordibus <sup>difficilis</sup> infedit, ita Christianis inseritur affectibus, & ab vniuersâ contutatur Ecclesiâ, vt vix, aut ne iure quidem, velint, vel infrænes populi, <sup>affirmatio.</sup> vel cordati Viri, vel Præclari Doctores, & grauissimi Præsules, aut vlla hominum conditio à paucis, & singularibus viris audire contrarium. Aliquale ducunt piaculum, in Maria piaculum admittere; non absque crimine putant crimen gloriæ nostræ inferre, cum magno, & certo populorum scandalo, & tumultu.

5 Octo ab hinc annis fortius inualuit & validius præualuit in Hispania, præcipue in regione Betica hæc in Virginem deuotio, quam præ cæteris excitauit & mouit Franciscus à Sant'Iago siue à Diuo Iacobo Minorita vir singularis pietatis & probatæ sanctimonix, cuius summa est commendatio inter Hispalenses, Maioritenses atque vtriusque prouinciæ Beticæ, & Extremiduræ populos, quo ad vitæ spiritualis disciplinam Margarita Austriaca Philippî III. coniux vsa est magistro; cuius etiam plura recensentur

facta, humanam superantia potestatem. Præmonitus hic & accepto in signum annulo (vt piorum grauiumque virorum habet testimonium) à Diuâ Virgine Guadalupense, siue ad aquas lupias de futuro post aliquot annos, non tamen sine contradictione & tumultu, incremento venerationis & cultus erga suam immaculatam Conceptionem, indefessum se gessit deinceps huius misterij promotorem. Sincerâ persualione & candido magisterio affectum commouit & auxit duorum piorum grauiumque virorum Hispalensis Ecclesiæ (quorum vnus Archidiaconus Carmonensis & ex primarijs Canonicis, alter pius Ecclesiastes ob pietatis magisterium summæ venerationis in populo) vt sibi & alijs persuaderent Mariam absque vlla peccati sorde conceptam. Deinde Maioriti prædicto Philippo III. prædixit sub suo Dominatu vltro citroque dilatandam hanc piam credulitatem, suoque firmandam auxilio, quo ne adesse negligeret, solenniter, & veluti ex sacro oraculo commouit; cui Rex quicquid in se erat auxilij impendendum promisit. Hinc cœpit vehementius pullulare, exterius prorumpere, & plurimis communicari pius hic affectus, deuoto ac laudabili præsertim studio prædictorum Hispalensium, quod etiam suo fuit adiutorio Illustrissimus & Reuerendissimus D. Don Petrus de Castro dignissimus vitæ candore, & sacra litteratura, illius loci Archiepiscopus, nec non illius Ecclesiæ viri capitulares. Primas autem tulerunt partes duo supradicti, tam in promouendo feruescens, & multo feruore prorumpens hoc in puram Virginis Conceptionem populi obsequium, quam in retundendo molestas aduersariorum acies quibus omnem prohibere tentarunt in tantum misterium, venerationem.

*Laudabilis  
Hispanorum  
in Virginem  
affectus.*

6. At difficile suâ cedit integer populus sententiâ, nec facile à suo antiquo cultu grauiores reuocantur Ecclesiæ, & illo præcipue, quo in Virginem feruntur, cuius, vel minimum elogium, vel tantillum honorem, ita præ oculis, & animis habent Hispani, ut facultates omnes, & vitam pro defendendis Mariæ priuilegijs libentissimè, & liberalissimè profundant. Prodigos sui (si fas est itâ dicere) homines certe assereres in Mariam; si quæ contempserunt pericula, propter Mariam, si quas subierunt molestias & calumnias, si quas deuouerint substantias, & erogauerint opes, vt Mariæ puritatem colentibus, auxilio essent & obsequio, cominus prospiceres. Valdè, & validè Mariæ sanctitati congra-

*Et in eius  
immaculatam Con-  
ceptionem.*

congratulati sunt, ita vt in omnibus Ecclesijs, tam maioribus, quam inferioribus, in religiosis domibus, & in alijs quibuscumque per annos integros magnis non pepercerint sumptibus, & continuas, magnasque habuerint per Bæticam prouinciam de Mariæ Conceptione festiuitates, ita vt omnes in hanc solam transire viderentur. Nec enim erat Sancti, vel festi solemnis memoria, in quo præcipuè de Mariæ Virginis sanctitate non ageretur, & doceretur ex suggestis, & conclamaretur in plateis, ita vt sæpius mihi in mentem venerit illa ciuitatis Constantinopolitanæ, etsi celebrata, non tamen satis laudata, deuotio, Mariam Dei Genitricem, & Θεοτόκον publicè in foro & in populo contra aduersarios inuocantis, & prædicantis. Passa tamen non paucas à Nestorio, & Anastasio molestias; Nec suas etiam effugerunt Hispalenses, dum apud Regem Catholicum non contemnendas subierunt calumnias, quali nouas, & inauditas introduxerint doctrinas; & intestinas fouerint, & auxerint in populis seditiones. Quas vt per suos internuncios coram Rege deterferunt maculas, iniustasque hominum probarunt querelas, à pientissimo Principe laudati, suas prosequuti sunt celebritates, non tamen sine multa contradictione; sed iaculato è cælo fulmini, resistentia vires addit, *contraria* Contradictione quadam fouetur. *igni aqua passum præbet* (vt habet Philosophus) *& multa sunt quæ* Arist. 2. de anim. c. 4. text. 43. Plin. lib. 8. c. 41. *contradictione fouentur*. Diuina inuenta nesciunt humanis cedere molestijs, nec sortes boniue animi aduersis franguntur, sed roborantur. *Vt enim palma arboris ramus* (inquit Plinius) *imposito onere non deflebitur in terram, cæterarum more, sed remittitur, & vltra aduersus sarcinæ pondus erigit se: ita viri fortis animus, quò plus negotijs premitur, quoque magis scuit fortuna, hoc est erectior*. Et vt habet Poëta Tragicus,

Ἀνδρῶν γὰρ ἐστλδν εἶνον ἔ μαλάσσεται

*Virorum fortium pectus non languescit.*

7 Non elanguerunt Bætica, non tepuerunt aduersis, non animos deposuerunt impetiti, sed fortius impugnati in cæpto persisterunt Virginis obsequio, nouos sibi addentes animos, & circumvicina regna ad similes honores Deiparæ tribuendos exhortantes, & inuitantes. Omnia libenter, & alacriter in se nouas has nouenarias (nec enim paucioribus circumscribebatur diebus tanta festiuitas) solemnitates admiserunt; magna & præclara affigentes trophæa Marianæ de originali peccato victoriæ; platearum exi-

A iij

tus,

Hispalen.  
male audi-  
unt apud  
Regem, sed  
memoria.

Contradi-  
ctione qua-  
dam fouetur.  
Arist. 2.  
de anim.  
c. 4. text.

43.  
Plin. lib.  
8. c. 41.

Bætijs  
contradi-  
ctione fer-  
uentiores.

tus, vicos, publicas vias, compita, templorum frontes, regiarum valuas, hoc obsignantes elogio, *Maria concepta sine peccato originali*. Vna erat totius Hispaniæ vox, idem Ciuitatum, & Populorum consensus & concentus, nullâ vnquam fœdatam maculâ Mariam. Sed quò magis hæc fama percrebuit, & deuotio vndique peruagata est, eo magis maculati conceptus tutores suam inculcabant sententiam, & communem receptamque doctrinam impugnabant, lacerabant, exprobrabant.

*Alia aduersarium contradicte.*

8 Non tantopere admirati sunt cordati viri, quod propriam suam, antiquam, vel antiquatam tueri curarent sententiam, imo & aduersam pro viribus fugare intentarent (hic enim gentilis, & innatus est cuique proprii dogmatis amor) sed quod tot modis, religiosi viris indignis, & priuilegium hoc singulare Mariæ, tanquam heterodoxum & abominabile, contra expressas Pontificum & Trident. sanctiones condemnarent, & à se dissentientes non paucis afficerent conuijs, nec facile ferendis appeterent iniurijs, vt ex historiæ decursu licebit videre. Hinc verò multorum in se concitarunt animos, & prouocarunt calamos, qui iniurias voluerunt remetiri. licet etenim *Christianum sit & laudabile in proprijs iniurijs patientiam tenere*, (vt ait Chrysost.) *nec vt in beneficijs, honestum sit*, (asserit Seneca) *merita meritis repensare, ita iniurias iniurijs; quia illinc vincitur turpe est, hinc vincere inhumanum*: adeo tamen sensibilis, & impatiens est hæc nostra deprauata natura, vt *nesciam quis nostram possit implere* (velut asserit Rabbanus) *vt laceretur opprobrijs fama nostra, & exultemus in Domino; eleganter* (inquit) *in quodam legis volumine, quod si non queras gloriam, tamen dolebis cum inglorius fueris*. Quod & re ipsâ in hoc nostro congressu compertum est. Nam ita doluerunt multi, vt eorum gloriæ detraheretur, & ignominiosè de illorum sententia ageretur, & fama: (quod & falsum fiebat, & publicè)

*Plures in se concitarunt.*  
Chrysost. in Matt. hom. 11.  
Seneca de ira, c. 23.  
Non facile feruntur iniurie.  
Rabban. in illud Matth. Gaudete & exultate.

vt sibi tacendum non duxerint, ne *veteres ferendo iniurias imitarentur*, aut malè audirent in populis, & ignominiosis, stolidis, sordidisque viris solum hæc placere videretur opinio. Aggredientes aggressi sunt alij, offendentes offenderunt lacesiti, & prouocati (vt per publicas constitit Regi informationes, & ego ipse non semel, aut vno in Hispaniæ loco conspexi) vindictam pararunt, & bellum, ita vt tota ferè arserit in dissidij incendium Hispania, nec locus vllus esset absque querela. Grauiora, & indigna quæ tunc hinc inde euenerunt, clariora sunt, quam vt à me referri indi-

Aul. Gel. Atticar. lib. 18.

geant.

geant, aliorum iam litteris consignata, & publicis iudicata sententijs. Quare nullus mihi vitio vertat, quod publica, & iudicata, verè, & absque omni sinistro & prauo affectu breuiter perstringam, dum ex his omnis nostræ & Legationis, & Historiæ series dependeat.

9 Quæ per totos primos tres annos euenire sciens & libens prætereo, in aliudque tempus differo, vt propius accedam ad rem nostram, & Legationis narrationem, quam solum mihi cordi est modo desiderantibus offerre. Illud dumtaxat admonéo, tantis <sup>Pontificis & Regis studiosis de sedandis scandalis.</sup> efferbuisse scandalis, & patuisse dissidijs illas Regiones, vt illarum calamitati compatiens Sanctissimus Dominus Paulus Quintus proprio suo motu, & satis manifesto pacis zelo, & amore concordia illectus, has quæ sequuntur emisit litteras Apostolicas.

## S. D. N.

D. PAVLI *Diuina prouidentia Papa Quinti Constitutio,*  
*innouans alias editas Constitutiones de Conceptione*  
*Beatissimæ VIRGINIS Mariæ.*

PAVLVS Papa Quintus ad perpetuam rei memoriam.

**R**EGIS pacifici quanquam nullo nostro merito diuina dispensatione vices gerentes in terris, ex muneris nostri debito, pacis, & concordia inter Christi fideles, præsertim Ecclesiasticas personas, quæ alijs in viam pacis dirigendo & in unitate spiritus continendo sunt præpositæ, conseruationi sedulo inuigilare cupientes, ea quæ à Prædecessoribus nostris Roman. Pontif. ad scandalorum semina tollenda salubriter constituta sunt, cum hostis antiqui insidijs, qui ab initio dissidia serere cepit, minime obseruari, aut varijs modis eludi dignoscuntur, vt inuiolata seruentur, opportunis remedijs, quantum cum domino possumus provideamus. Olim, siquidem per felicitis recordationis Sixtum Papam IV. Prædecessorem nostrum accepto, quod nonnulli diuersorum Ordinum Predicatores in suis sermonibus ad populum

A iiij      publice



publicè per diuersas ciuitates & terras affirmare non erubuerant, & quotidie prædicare non cessabant, omnes illos, qui tenebant aut asseriebant Gloriosam, & immaculatam Dei Genitricem absque originalis peccati macula fuisse conceptam, mortaliter peccare, vel esse hæreticos; eiusdemque immaculatæ Conceptionis Officium celebrantes, audientesq; sermones illorum, qui eam sine huiusmodi macula conceptam esse affirmabant, grauiter peccare: sed & prædictis prædicationibus non contenti, confectos super eisdem suis assertionibus libros in publicum ediderant, ex quorum assertionibus, & prædicationibus non leuia scandala in mentibus fidelium exorta erant, & maiora merito exoriri formidabantur indices. Idem Sixtus Prædecessor huiusmodi temerarijs ausibus, & peruersis assertionibus & scandalosis, quæ exinde in Dei Ecclesia exoriri poterant, obuiare volens, huiusmodi assertiones prædicatorum eorundem, & aliorum quorumlibet, qui affirmare præsumerent, eos, qui crederent, aut tenerent eandem Dei Genitricem ab originalis peccati macula in sua conceptione præseruatam fuisse, propterea alicuius hæresis labe pollutos fore, vel mortaliter peccare, aut huiusmodi Officium Conceptionis celebrantes, seu huiusmodi sermones audientes alicuius peccati reatum incurrere, utpote falsas, & erroneas, & à veritate penitus alienas, editosq; de super libros prædictos id continentes, quoad hoc reprobanuit, & damnauit, ac statuit & ordinauit, quod prædicatores Verbi Dei, & quicumque alij cuiuscunq; status, gradus, aut ordinis, & conditionis essent; qui ausu temerario præsumerent in eorum sermonibus ad populum, seu aliàs quomodolibet affirmare huiusmodi sic per eum improbatas, & damnatas assertiones veras esse, aut dictos libros pro veris legere, tenere, vel habere excommunicationis sententiam eo ipso incurrerent, à quâ ab alio, quam à Romano Pontifice, nisi mortis articulo, nequirent absolutionis beneficium obtinere; similiq; pœna, & censuris subiecit eos, qui ausi essent asserere contrariam opinionem, tenentes videlicet Gloriosam

gloriosam

riosam Virginem Mariam cum originali peccato fuisse conceptam, hæresis crimen, vel peccatum incurrere mortale, cum nondum id esset à Romana Ecclesia, & Apostolica Sede decisum. Hanc verò Sixti Prædecessoris Constitutionem Oecumenica Tridentina Synodus postea innouauit. ac deinde similis record. Pius Papa Quintus, etiam Prædecessor noster, statuit, & ordinauit, & mandauit, quatenus nemo cuiuscumq; ordinis, vel dignitatis existeret, in popularibus concionibus, vel ubicunque promiscua virorum, & mulierum multitudo conuenire solet, de huius controuersia alterutra parte disputare rationibus, vel doctorum authoritate, asserendo propriam sententiam, & contrariam refellendo, vel impugnando, aut de hac ipsa questione cuiusuis pietatis, aut necessitatis prætextu vulgari sermone scribere, vel dictare præsumeret, qui contra faceret suspensionis pœnam à Diuinis absque noua declaratione ipso facto incurreret, si modò esset in sacris constitutus, & à quocunque præterea gradu, siue dignitate, vel administratione fungeretur, illis omnibus foret ipso iure priuatus, & ad eadem, vel similia munera obtinenda, vel obtinenda perpetuò inhabilitatus censura ipso etiam facto obnoxius foret; super quibus nisi à Romano Pontifice pro tempore existente dispensari, siue absolui non posset, & nihilominus alijs pœnis, si opus foret, à proprio Prælato pro delicti mensura infligendis subiectus esset, prout subiecit. Caterum quandiu per Apostolicam Sedem altera pars definita non esset, oppositaq; sententia condemnata, liceret viris doctis in publica Academia disputationibus, siue Generalium, aut Prouincialium capitulorum, vel ubi aliàs interessent qui rem capere possent, nec scandali vlla subesset occasio, de illa questione disserere, & argumentis utramlibet partem, vel asserere, vel impugnare, dum tamen neutra, veluti erronea predicaretur, seruarenturq; illa omnia, quæ à dicto Sixto Prædecessore statuta sunt, quorum singula etiam quantum ad alias pœnas duxit innouanda, & innouauit, prout in Sixti, & Pij Prædecessorum

literis

litteris desuper confectis plenius continetur. Verùm licet hac prouide statuta sint, nihilominus, sicut accepimus, non nulli in diuersis Christiani orbis partibus interminatis quæstionibus nimis intenti, dissensionum huiusmodi, iam pridem Ecclesie disciplina vigore recisa germina coalescere procurant, indeque contentiones & rixæ non sine Dei offensâ, & scandalo plurimorum exorta sunt, & grauiores indies ne exoriantur periculum est, nisi à nobis opportunè prouideatur. Quamobrem motu proprio, non ad alicuius nobis super hoc oblata petitionis instantiam, sed ex certâ scientiâ, ac maturâ deliberatione nostris Constitutionum Sixti, & Pij Prædecessorum huiusmodi veriores tenores præsentibus pro expressis, & ad verbum insertis habentes, easdem Constitutiones Apostolica auctoritate, tenore præsentium approbamus, & confirmamus, & etiam quo ad earum pœnas quasunque, etiam absolutionis reservationem innouamus, & inuiolabiliter ab omnibus, etiam Regularibus cuiuscunque ordinis, & instituti, & alijs quibuscunque tam Ecclesiasticis, quam secularibus personis, cuiusuis status, gradus, ordinis, & conditionis, aut dignitatis tam Ecclesiasticæ quàm secularis, etiamsi specialis, specifica, & indiuidua earum esset necessario facienda mentio obseruari præcipimus & mandamus, donec à Romanâ Apostolicâ Sede huiusmodi controuersia fuerit definita. Ac præterea si quis quouis modo contrauerit, præter supradictarum Constitutionum pœnas respectiue ipso factò incurrendas etiam concionandi, publicè legendi, seu docendi, & interpretandi facultate ac voce actiua, & passiva in quibuscunque electionibus eo ipso absque aliâ declaratione, priuatus existat, necnon ad concionandum, & publicè legendum, docendum, & interpretandum perpetuæ inhabilitatis pœnas similiter ipso factò incurrat, à quibus non nisi à nobis ipsis, vel successoribus nostris Romanis Pontificibus pariter absolui, seu super ijs dispensari possit, & nihilominus alijs pœnis nostro, & eorundem Romanorum Pontificum successorum nostrorum arbitrio

trio infligendis subijciatur, prout cum subijcimus per praesentes. Et contra huiusmodi transgressores, etiam Regulares, cuiusvis Ordinis et Instituti, etiam quomodolibet exemptos, et alias quascumque, Ecclesiasticas et seculares personas cuiuscunque status, gradus, ordinis, aut dignitatis, tam Ecclesiastica quam secularis, ut praefertur, tam Episcopi, et Pralati superiores, alijque Ordinarij locorum, quam haeretica pravitatis ubique locorum deputati Inquisitores procedant, et inquirent, atque in eos seuerè animaduertant. Nos enim ijs, et eorum cuilibet, contra eosdem transgressores procedendi, et inquirendi ac pœnis coercendi, et puniendi liberam facultatem, et auctoritatem ipsdem auctoritate et tenore tribuimus et impartimur, eosque, ut praefertur, procedere, inquirere, et punire praecipimus et mandamus. Non obstantibus omnibus ijs et singulis, quae tam Sixtus, quam Pius praedecessores praedicti in litteris suis huiusmodi voluerunt non obstare: Quibus omnibus et singulis eorum tenores praesentibus pro plene et sufficienter expressis, et ad verbum insertis habentes, hac vice duntaxat specialiter et expresse derogamus, caterisque contrarijs quibuscunque. Et ne praemissorum ignorantia a quoquam pretendi possit, volumus, et dicta auctoritate decernimus, quod praesentes litterae, seu illarum exempla ad valuas Basilicae principis Apostolorum de Urbe in acie Campi Florae affixa omnes ita arceant, et afficiant, perinde ac si unicuique personaliter intimata fuissent, quodque praesentium transumptis etiam impressis, manu Notarij publici subscriptis, et sigillo alicuius personae in dignitate Ecclesiastica constitutae munitis eadem prorsus fides adhibeatur, quae praesentibus adhiberetur, si forent exhibita, vel ostensa. Datum Roma apud sanctam Mariam Maiorem, sub Annulo Piscatoris, die vi. Julij, Millesimo sexcentesimo decimo sexto, Pontificatus nostri anno duodecimo.

S. COBELLVIVS.

Anno à Natiuitate Domini Nostri IESV CHRISTI  
millesimo sexcentesimo decimo sexto, Indictione decima  
quinta,

quinta, die verò nona mensis Iulij, Pontificatus Sanctissimi in Christo Patris & Domini nostri D. PAVLI Diuina prouidentia Papæ V. anno duodecimo, retrospectæ litteræ Apostolicæ affixæ & publicatæ fuerunt ad valuas Basilicæ Principis Apostolorum de vrbe, & in acie Campi Floræ, per me *Augustinum Bracherium*, Cursorem. *Siluerius Pontiolus*, Mag. Curs.

Rex autem Catholicus tot quotidie populorū commouebatur querelis, vt Legati Apostolici Antonij Caietani Capuani Archiepiscopi, & non ineruditorum Præsulū, nec infimorum, quos tunc habuit in curia præsentēs, Virorum, Archiepiscopi Compostellani, Episcopi Conchensis, & Episcopi Vallisoletani, consilium requisierit, quid in tanta rerum commotione agendum erat, & an illæ Constitutiones Apostolicæ sufficienter hunc ignem extinguerent. Quorum vt illud fuit arbitrium efficaciori esse tanta mala præueniēda remedio, literalque Pontificias solum ea innouare, quæ Sixtus Quartus, & Pius Quintus in hac re præceperant, nec firmiter spes esset inquietos animos æmulatoriasque mentes plus modo compescendas in his nouis, vel renouatis præceptis, quam illorum Pontificum ætate, qua satis super hac re inuigilatum est, & sudatum, quin mala hæc interirent; decreuit per internum instantius à Beatissimo Patre, & summo Pontifice petere, vt efficacius hæc scandala sopiret, & rescissione alterius sententiæ scandalorum germina rescinderet.

*Disiit Rex  
apud Pon-  
tif. pro ul-  
teriori ra-  
medio.*

10 Huic obeundo muneri in Vrbem destinauit Placidum de Tolantes, virum grauissimum, & doctum, quondam Benedictinorum in Hispania Generalem, sibi quæ è rostris non infacundum declamatorem; adhibuitque itineris comites, & laboris participes, qui sollicitudini huius causæ incumberent, & eidem pertractandæ, & promouendæ regio, & Hispalensis Ecclesiæ nomine assisterent, duos quos supra dixi viros, qui dum secum piè perpendere, quantum ab ipso ferme ouo (vt ita dicam) creuerit hoc negotium sub sedula cura & indefesso labore Franciscanorum, & quod annoso atque æquo iure illorum iam proprium euaserit, ne viderentur in alienam messem falcem immittere, & suum vere facere quod alias putabatur alienum, vtque felicius succederet, quod tantopere desiderabant, Franciscanis tertij instituti Maioriti se adscripserunt

perunt in publico confesso solitoque ritu emissis votis in manibus Generalis Ministri : His novos rei fervores & maiores progressus non immerito tribuunt Hispani, quibus & ego non modice putem de tanto opere, & zelo gratulandum ; qui nec laboribus, nec sumptibus parcebant, ut opus hoc Dei (ita facile mihi persuadeo) promoveant, & plures Aduersariorum molestias, & temporum aduersitates in Hispaniâ, & Romæ viriliter contempserunt, & contemnendas sibi inuicem quotidie prædicabant, & hortabantur, donec à noxæ, & culpæ sæditate sacratissimam liberarent Mariam, vel sereniorum his rebus faciem superinducerent. Quibus accessit alius non minoris zeli nec mediocris litteraturæ vir Petrus à Miraval Bethicus quem in pretio ob spectatas virtutes habebat Archiepiscopus Hispalensis suarumque constituit in Romanâ curiâ causarum vindicem, paucis ab hinc diebus ad Episcopatum vocatus, qui consilio & litteris intra proprios lares ad sexennium & ultra his viris semper adfuit, & negotium non parum adiuuit.

II Hi gratanter à sanctissimo Antistite recepti, & benigne exau- Novum remittitur decretum circa Virg. Conceptionem. diti, obtinuerunt decretum satis fauorabile ab Illustrissimis sacræ Congregationis, sancti officij Inquisitionis Cardinalibus coram Sanctissimo Domino in Monte Quirinali promulgatum, ab eodemque revalidatum, ut nullatenus affirmatiua sententia, ad quam populi, & fideles scandalizabantur, & irritabantur, amplius proponeretur in publicis actibus, nec doceretur è cathedrâ, nec prædicaretur è suggestu, nec disputaretur in thesibus. Attamen grauitèr, & seuerè cautum est, ne ab alijs impugnaretur, aut nominaretur, vllaque illius fieret mentio. Cuius decreti dum frequens mihi sit memoria in his tractatibus illud datâ operâ subiiciendum, iudicaui.

*Feriâ Quintâ Die 31. Augusti à Natiuitate Domini  
Nostri IESV CHRISTI, 1617.*

In Generali Congregatione Sanctæ Romanæ, & Vniuersalis Inquisitionis, habitâ in Palatio Apostolico, in Monte Quirinali coram Sanctissimo Nostro Domino, PAVLO Papa Quinto Diuinâ Prouidentia.

12 **S**ANCTISSIMVS Dominus Noster post longam, & maturam discussionem, auditis votis Illustrissimorum & Reuerendissimorum Dominorum Cardinalium contra hæreticam prauitatem Generalium Inquisitorum, re accuratè ac diligenter perpensâ, prouide considerans, quòd quamuis in Constitutione felicis recordationis Sixti IIII super Conceptione Beatissima Virginis Mariæ (pro submouendis inter Christi fideles scandalis, rixis, & contentionibus) editâ à Sanctâ Tridentinâ Synodo innouatâ, & deinde in aliâ Constitutione sanctæ memoriæ Pij Quinti super eadem re, quam similiter Sanctitas sua innouauit cum quibusdam prouisionibus, & adiectionibus penarum pro efficaciore earum obseruatione, relinquatur unicuique libera facultas tenendi, & etiam asserendi utramque partem, quòd scilicet fuerit vel non fuerit concepta cum peccato originali, dum tamèn neutra veluti erronea, aut hæretica damnetur; nihilominus ex occasione assertionis affirmatiuæ in publicis Concionibus, Lectionibus, Conclusionibus, & Actibus publicis, Quod eadem Beatissima Virgo Maria fuerit concepta cum peccato originali, oriuntur in populo Christiano cum magnâ Dei offensâ, scandala, iurgia, & dissensiones. Propterea volens huiusmodi

Ex publicâ  
assertione  
affirmati-  
uæ oriebantur scan-  
dala.



modi scandalis ex debito sui munere providere, decrevit, <sup>Precipitur ne publicè præsumatur affirmati-  
na.</sup> & præcepit, ac præsentis Decreti virtute mandat, & præcipit omnibus, & singulis cuiusvis Ordinis, & Instituti Regularibus, & alijs quibuscumque tam Ecclesiastici, quam secularis, etiam si specialis, specifica, & individua eorum necessario esset facienda mentio, ut in posterum, donec articulus huiusmodi à Sanctâ Sede Apostolicâ fuerit definitus vel per Sanctitatem suam, & Sedem Apostolicam fuerit aliter ordinatum, non audeant in publicis Concionibus, Lectionibus, Conclusionibus, & alijs quibuscumque Actibus publicis asserere, quod eadem Beatissima Virgo Maria fuerit concepta cum peccato originali. Contra facientes eadem Sanctitas sua voluit, & declaravit subiacere debere, & subiecit censuris, & pœnis contentis in supradictis Constitutionibus suorum Prædecessorum, & suâ, ipso facto incurrendis. Per huiusmodi tamen Prouisionem Sanctitas <sup>Non tamè  
pœnis re-  
probatæ.</sup> sua non intendit reprobare alteram opinionem, nec ei vllum prorsus præiudicium inferre, eam relinquens in eodem statu, & terminis, in quibus de præsentis reperitur, præterquam quoad supra disposita. Vltèrius sub eisdem censuris, & pœnis, mandans quod negatiuam opinionem, videlicet, quod non fuerit concepta cum peccato originali in prædictis publicis Actibus asserentes, aliam opinionem non impugnent, nec de eâ aliquo modo agant, seu tractent. Insuper voluit, & expresse mandauit, ut extra hos casus publicorum Actuum in reliquis omnibus supradicta Constitutiones firmæ, & illas remaneant, & exactè obseruentur, perinde ac si præsens Decretum non emanasset. Et ita decrevit, & mandauit ubique inuiolabiter observari, non obstantibus in hac parte supradictis Constitutionibus, & alijs omnibus in contrarium facientibus; Volens, & discernens pro obseruatione & executione præsentis Decreti, <sup>Decreti  
transgres-  
sorijs puniendi.</sup> & omnium in eo contentorum, quòd contra huiusmodi transgressores, & etiam Regulares cuiusvis Ordinis, & Instituti etiam

Decreti  
publicatio  
O. f. d. t.

quomodolibet exemptos, & alias quascumque Ecclesiasticas, & saculares personas cuiuscumque status, conditionis, gradus, ordinis, aut dignitatis, tam Ecclesiastica, quam secularis, tam Episcopi, & Prelati superiores, & alij Ordinarij locorum, quam heretica prauitatis ubique locorum deputati Inquisitores procedant, & in eos seuerè animaduertant, tribuens eis, & eorum cuilibet liberam facultatem, & auctoritatem contra eosdem transgressores procedendi, & pœnis coercendi, puniendi, &c. Voluit demum ne premissorum ignorantia a quoquam pretendi possit, quod præsens Decretum, seu illius exemplar ad valuas Principis Apostolorum de urbe, & in acie Campi Floræ affixa, omnes ita arctent, & afficiant, perinde ac si unicuique personaliter intimata fuissent; quodque præsentium transumptis, etiam impressis, manu Notarij publici subscriptis, & sigillo alicuius personæ in dignitate Ecclesiastica constitutæ munitis, eadem prorsus fides adhibeatur, quæ præsentibus adhiberetur, si forent exhibitæ, vel ostensa.

ANDREAS DE PETINIS,

*Sanctæ Romæ & Vniuersalis Inquisitionis Notarius.*

Anno à Natiuitate Domini Nostri IESV CHRISTI millesimo sexcentesimo decimo septimo, Indictione decimâ quintâ, die verò 12 mensis Septembris Pontificatus Sanctissimi in Christo Patris & Domini nostri PAVLI Diuinâ prouidentiâ Papæ V. anno 13 præsens Decretum affixum, & publicatum fuit ad valuas Basilicæ Principis Apostolorum, & in acie Campi Floræ, per me Franciscum de Clericis, Sanctissimi Domini Nostri Papæ Curforem.

SYLVERIVS PONCIROLVS, Magister Cursor.

*Roma ex Typographia Reuerendæ Camera Apostolicæ 1617.*

Decretum

13 Decretum hoc ut accepit Hispania summo exultauit gaudio, nec conceptam de tanto beneficio læticiam sub pectore potuit continere; quin in exteriores prorumperet iubilos, & solennes præpararet ludos, & spectacula. Plurimi etenim in populis præ oculis solum habentes, affirmatiuam interdicti publicis actibus sententiam, satis obindè fauorem, & consilium putarunt negatiuæ, & fidelium deuotioni & quieti. At alij viri docti, & circumspecti penitiùs rem introspectantes, & enucleantes, licet fauorabile hoc Decretum iudicarent, non tamèn adèd, ut vltior, & maior non deberet in hac re fauor expeti, & expectari. Nec tam efficax duxerunt esse scandalorum remedium, ut plura, & magna in posterum non possent timeri, sicùt, & ipsa videre fecit experientia.

14 Ita plures Theologiæ Magistri, & consilio præstantes animaduertentes & Regi suggererunt; inter quos magnam obtinuit fidem propter animi præstantiam, & spectatam prudentiam, per vniuersam Hispaniam, imò & integram Europam (quam, dum nostri sodalitiij teneret clauum, lustrauit, & illustrauit) Illustrissimus & Reuerendissimus Dominus Franciscus à Sosa Episcopus Oxomensis, postea electus Segouiensis, qui & verbis, & notulis his, quas latino idiomate subiicio, omnem Decreti substantiam, commodum, & incommodum comprehendit & Regi patefecit.

## D O M I N E,

Decretum sanctæ Congregationis Cardinalium à suâ Sanctitate confirmatum, præceptum continet de non affirmando, quod Beata Virgo Domina Nostra peccatum habuerit originale siue in Sermonibus, siue in alijs publicis Actibus, propter scandalum quod ex eiusmodi assertionem recipit populus Christianus. Magnâ hoc dignum æstimatione: 1º. quia hucusque nihil tale prohibitum est sub censuris: 2º. quia mandatum hoc non est singulare pro peculiaribus Hispaniæ partibus, sed vniuersale, pro totâ Ecclesiâ: 3º. quia negatiua opinio iam constituta est in superiori gradu, & proximiori, ut definiatur, sicùt sua prætendit Majestas.

His tamen non obstantibus, Decretum non plenè sufficit, ut obuietur scandalis, imò occasionem præbere potest maioribus. 1º. quia supradicta prohibitio solum extenditur ad casus in Decreto contentos, nimirum ne in Sermonibus, aut Actibus publicis affirmatiua doceatur; & amplum patet ostium, ut puritas Sanctissimæ

*Enid in  
Hispania  
de hoc de-  
creto sen-  
serunt.*

*E. à Sosa  
Oxomens.  
de decreto  
iudicium.*

*Æstima-  
tione di-  
gni d. cre-  
tum pro-  
hibet ista.*

*Non suf-  
ficiet ta-  
men ut  
plena sol-  
uantur  
scandala.*

„ Etissimæ Virginis multis impugnetur modis, & verbis, & scriptis;  
 „ 2º. quia dum relinquuntur quoad cætera in suo vigore Extrauag.  
 „ & Motus proprii aliorum Pontificum (contra quæ peccatur, &  
 „ hæc scandala emergunt, dum sinistrè explicantur) non solum  
 „ eadem adhuc viget occasio discordiæ verum & augetur multis dif-  
 „ ficultatibus, quæ circa huius Decreti sensum occurrunt: 3º. quia  
 „ iubetur etiam in Decreto, vt qui de piâ agunt sententiâ, non im-  
 „ pugnent contrariam, quomodo vero hoc intelligendum, vel exe-  
 „ quendum sit, inter variè opinantes nouæ orientur discordiæ, ac-  
 „ cusationes, & cumultus: 4º. quia si non potuerunt tres Motus  
 „ proprii variorum Pontificum, & Concilium Oecumenicum Tri-  
 „ dent. in quo Sixti Extrauagantes confirmantur compescere ni-  
 „ mios quorundam ausus, ne audacter obloquerentur Sanctioni-  
 „ bus Apostolicis, dicendo eas non obligare, & à Pontificibus, qui  
 „ suis vel passionibus, vel affectionibus ducebantur, emanasse, alia-  
 „ que his similia, quæ affirmatiuæ partis authores dixerunt, quo-  
 „ modo sufficiet, vt fileant, vel quomodo eos refrænabit ab huius-  
 „ modi loquelis, quod nec Motus proprius est summi Pontificis, sed  
 „ Constitutio quædam Cardinalium à Sanctissimo Domino con-  
 „ firmata? Vltimo cum certum sit Papam non posse errare dum de-  
 „ finierit de fide vel ea statuerit, quæ ad vniuersalis Ecclesiæ mores  
 „ spectant, aliter verò posse; dum non definierit hanc controuer-  
 „ siam, semper magnus patebit aditus discordijs, & sinistris inter-  
 „ pretationibus Decretorum, & oblocutionibus contra Pontifices.  
 „ Quantum verò vtriusque partis fautores huic Decreto tribuent,  
 „ & qualiter vnusquisque illud ad suam mentem, & sensum explica-  
 „ bit, clarum habemus exemplum in alio eiusdem congregationis  
 „ Illustrissimorum Cardinalium Decreto in materiâ de auxilijs,  
 „ huic nostro fermè per omnia simili, & promulgato ad eundem fi-  
 „ nem de consequendâ inter controuertentes pace, & obuiandis  
 „ scandalis; & tamen tantum absuit, vt hoc obtinuerint, vt potiùs  
 „ maiores in dies oriuntur similitates.

15 Scriptum hoc, & verba tanti viri, & cuius consilium in pre-  
 cio habuit Rex, aliorumque de hac re iudicium eum commoue-  
 runt, vt aliùs secum rem hanc expenderet, & solemnia, quæ præ-  
 parauit, gratulatoria festa suspenderet, quæ Lermæ tunc agebat,  
 donec ipso experimento, & temporis decursu quanti faciendum  
 esset Decretum, pateret, & si ad eius publicationem aduersario-  
 rum

Maturus  
 Decreti  
 emolumen-  
 tum expen-  
 di Rex.

rum

rum cessaret circa Virginis innocentiam contradictio, in Populis constaret.

16 Interim tamen humiliter magnas habuit gratias Sanctissimo Domino, propterea quod ad suas preces à publicis conuentibus, & consensibus minus gratiam illam sententiam relegarit, per quod facilius se in suis Regnis pacem consequuturum sperabat, licet simul aduerterit se plus in hac re expectasse, nec spem omnem deposuisse, nec depositurum donec in gratiam, & obsequium Dei genitricis, & Christianæ Reipubl. bonum, & quietem, sua Sanctitas difficultatem hanc ultimo terminaret. Gratificatus etiam est ad eundem modum, & similia aduertendo Illustrissimis Cardinalibus sacre congregationis Inquisitionis contra hæreticam prauitatem, quia Decretum illud ediderunt. Illustrissimo Cardinali Scipioni Burghesio, sanctissimi Domini Nepoti, quia eidem Decreto promulgando, & confirmando suis precibus adfuit apud auunculum; & Illustrissimo Cardinali Galpari de Borja tunc Regij Oratoris munere in vrbe fungenti, quia vt edetur non parum adiuit. Alij etiam ex Ciuitatibus, & Regnis, tam sæculares proceres, quàm Religionum Præfecti suam gratitudinem, & gaudium suis litteris sancto expresserunt Pontifici, & per publica iuramenta, & vota, quæ illis diebus nuncupabant, contestati sunt populis negatiuæ sententiæ veritatem, & magnos eis adiderunt animos ad maiores iubilos, & festa.

17 Maculatæ verò Conceptionis fautores ad tantam Hispaniæ læticiam & publica Academiarum multarum vota contristati, non parùm laborarunt in deterrendis populis à celebritate, in retardandis Academijs à voto, in explicandis ad suam mentem clausulis Decreti, & nostris insinuantes sibi plus cæteris sanctum fauisse Antistitem, & Cardinales; publicè insuper contra eorum præceptum suam inculcantes sententiam. Hinc noui, & grauiores tumultus, hinc recentes discordiæ, quibusdã conquerentibus transgredi decreta Apostolica, alijs è regione negantibus, & vtrinque in alterutrum seuiuentibus verbis, item & conuijs inuehentibus, ita vt non à veritate alienum prorsus tunc illud videretur Ouidianum,

*Curando fieri quedam maiora videmus*

*Vulnera, quæ melius non tetigisse fuit.*

Hæc ergo populos vndique nouiter commouerunt, & perturbauerunt, ita vt nouæ deferrentur querelæ ad Regem Mantuam Car-

*Gratias habet Sanctissimo Do. nno.*

*Et Illustrissimæ Cardinalibus.*

*Alij etiam suam exprimunt gaudium.*

*Nouum post Decretum tumultum.*

*Ouid. l. 3. de Pœn. eleg. 9.*

pentanam (quod Madritum vocant) redeuntem, rogareturque vt reuirescentia sopiri curaret scandala, ne latius & periculosius serperent prioribus.

*Cogitat de illorum re-  
medio Rex.*

*Quid h. r.  
de rem.  
amoris.*

18 Re ipsâ, & magnâ experienciâ comperit Rex verum esse, quod circa Decretum aduerterunt (vt suprà dixi) viri eruditi, vnde, & omnem sibi adhibendam curam esse duxit, vt statim malorum imminantium principijs obstarer, nam

---- *serò medicina paratur.*

*Cum mala per longas conualuere moras.*

*Congregat  
grauissimos  
vires quos  
consulat.*

Quas vltcrius non duxit protrahendas, sed conuocandum esse secundò grauiorem & ampliorem conuentum præcipuorum sui status virorum, vt eorum maturo consilio tutius procederet ad remedium. Duo adfuerunt Cardinales S.R.E. Toletanus vnus, Dominus Zappata, alter Archiepiscopus Compostellanus, duo illi supranominati in primo conuentu Episcopi, Conchenfis & Vallisoletanus, Primarius Salmanticensis & Complutensis Theologiæ Professores, doctrinâ, & vitæ integritate spectatissimi. Ille Eremita Augustinianus, hic laicus Presbyter, Confessarius Regius Ordinis Prædicatorij, Prouincialis Fratrum Minorum Prouinciæ sancti Iacobi, duo Prædicatorum Regij, ex Societate Iesv vnus, ex Carmelitarum Ordine alter, Abbas demùm Grauiissimi Sancti Martini Cœnobij Madritensis Ordinis Sancti Benedicti vir vnde quaque grauissimus, ita vt ex omnibus fermè Ecclesiæ statibus congregati sint viri, qui vnum hoc perspicerent, & consulerent, quid in tanto tumultu deliberandum esset, & quid Catholico Regi in hoc negotio incumberet.

*Quod illo-  
rum Regi  
consilium.*

19 Propositi sunt his consulibus processus authentici ex varijs transmissi ciuitatibus de scandalis nouitè exortis, & grassantibus discordijs per Illustrem & Nobilem quendam Heroëm Hispalensem Henricum Guzmanum, qui Regiâ schedulâ, & autoritate constitutus est in Curiâ Mantuanâ huius negotij Procurator, & Agens, quique omnem admouet curam, & sollicitudinem in Virginis puritate defendendâ, & promouendâ. Quibus perlectis, & sedulò examinatis indicârunt digna esse illa scandala, & dissidia, quibus obueneretur, & insopirentur tempestiuè, alia grauiora indubitanter exoritura. Regi ergo consuluerunt, vt omnia illa, quæ in primâ oratione supplici inferius referuntur incommoda, & rationes Sanctissimo Domino exponeret per Prælatum aliquem Illustrem,

Illustrem, & doctum, qui suâ, vel Oratoris vice fungeretur in vrbe; & donec vltimam obtineret definitionem, rogaret interim, vt omninò iuberetur taceri opinio affirmatiua.

20 Annuit horum consilij Rex, & quæ antea excogitauerat, media prosequutus est, ab omnibus expectans Academij, Ciuitatibus, Ecclesijs, Prælatiis, & Ordinibus litteras, in quibus quid sibi videretur in hâc re exponerent, & de definiendâ Controuerfiâ apud Sanctissimum Dominum instarent. Præ omnibus verò sui Regni Prælatiis vnum supra nominatum elegit Dominum Franciscum à Sosa Episcopum Oxomen: à se propter hoc tunc electum Segouien. quem nouit optimè versatum in rebus vrbis, & orbis; sepiusque apud summos Pontifices de rebus arduis egisse feliciter, & in Virginis Immaculatâ Conceptionem summè propensum. Hunc admoneri iussit Regij sui placiti, & desiderij, cui si satisfacere vellet, aut posset, citò citius Romam esse petendam, vt fausto, & felici omine tantæ Reginæ, tantique Regis opus absolueret. Sed licet hominem tot laboribus attenuatum, podagrâ vndique laborantem, & multis magnisque curis senio iam exanguem, multa prægrauaret ætas, fermè 70. agentem annum, tamen ad Regis Nuncium ita iuuenilem, ac validum induit animum, vt statim responderit se non ex tunc sed iamdudum fuisse in procinctu, suisque sumptibus absque Regio subsidio iter hoc longum, tædiosum, & magnarum expensarum, aggressurum, & perfecturum: modo votis velit Deus adesse, & pulsans ad fores mors non præpediret. Sed non paræ tanto animo hominis vires, & eius conatui præualuit senectus. Dum etenim Oxomensi valediceret Episcopatu, quem summâ prudentiâ per aliquot rexit annos, & Regi vellet gratificari propter collatos ampliores redditus, grauioremque oblatam Ecclesiam Segouiensem; & ab eodem cuperet instrui plenè, & præsens, de eius desiderio in hâc Legatione fungendâ, diem clausit (proh dolor) extremum, illi hilarem, nobis mœstum, qui hominem vndeque, & omnibus numeris absolutum, nostræ sodalitatis splendorem, & causæ huius non inualidum promotorem perdidimus, sub Idus Ianuarij anno 1618.

21 Tanti viri mors licet Regem quantisper contristaret, non tamen Regium penitus deiecit, aut conterruit animum, quin in suo desiderio persisteret, & de eodem exequendo anxius cogitaret. Plura molitus est in Virginis obsequium, dum de alio eligendo, & mittendo.

*Eligit Rex  
Episcopum  
Oxomen:  
quem ad  
S. Domi-  
ni mittat  
pro hac cō-  
trouerfia  
definenda.*

*Mors præ-  
uenitur  
Episcopus.*

*Alia mol-  
itur Rex in  
Virginis ob-  
sequium.*

mittendo viro secum diutiùs, & altiùs meditatetur. Propositum ei fuit non inane, nec suis progenitoribus indignum, de instituentâ, & erigendâ, (ad exemplum Clarissimi Cæsaris Aui sui Caroli Quinti,) grauissimâ Sodalitate in Conceptionis Immaculatæ honorem, in Regio sanctimonialium strictioris obseruantia sanctæ Claræ Conuentu, in quo sub communi Regulâ, habitu, & victu præclarissima, & fæminarum Nobilissima Serenissima Margarita Austriaca fælicis Imperatoris Maximiliani filia, & ipsius Regis Consobrina, coronas, & sceptras, quæ sibi parabantur, & offerebantur, pro nihilo ducens, pauperem, & nudum in cruce sponsum pauper exuijs sæcularibus depositis, & mundi speris illecebris Deo laudatissimè famulatur; & huic promouendo negotio sollicitius incumbit. Voluit etiam Rex se Oeconomum huius dici confraternitatis, suamque fælicissimam sobolem Serenissimum Principem, & fratres, confratrum adscribi numero, vt suo suorumque ductu, & exemplo, omnes Hispaniæ Regnorum Proceres ad eandem conuocaret Sodalitatem. Statuit etiam se suaque Regna voti solemnem nuncupatione ad tantam de Virgine excellentiam credendam in perpetuum obstringere. nihilque non considerabat, quo maiores huic rei adderet vires.

*Pontifex  
ulterorem  
dissuadet  
in hac re  
instantiâ.*

22 Sed dum hæc orditur, & tractat, ecce aliquorum suasu superueniunt Pontificis litteræ, non solum officiosæ, vel familiares, sed prementes, & vrgentes satis, quibus rogabat, & suadebat vt Rex orthodoxus tantam in hac re deponeret sollicitudinem, nec vltiori apud se de huius Controuersia definitione ageret instantiâ, propriâ subscribens manu, se totum quod potuit, & expediebat in Decreto nouissimo præcepisse. Hac inexpectatâ Epistolâ paulisper conticuit, animumque collegit deuotus Monarcha pro suaque erga Beatissimum Patrem, summâ reuerentiâ, & fideli obsequio, dum rerum status hoc permitteret, & malorum ingruentium qualitas toleraret, voluit pro Pontificis nutu, non curam omnem deponere, sed mitigare, & quam dissuadebat Pontifex instantiam, in commodius tempus differre.

*Obsequitur  
Rex.*

23 At hæc sibi proponenti, & obsequiosè secum statuenti, perstrepat bellum, sacrum vndique bellum inter regulares, & Ecclesiasticos viros; & tumultus veteres, & diuturni, nouique exorientes quotidie ei afferuntur, & referuntur ex diuersis ciuitatibus, & Regnis, quæ ab eo efficax remedium, & debitum expolcebant patrocinium.

*Non referuntur  
Regi tu-  
mulum.*



cinium. Videre erat modestissimum, & religiosissimum Principem hîc fluctuantem, & cogitabundum hærentem in tantâ anxietate. Labor vndique, perplexitas, & difficultas. Nescit quo se vertat, quid potius agat, penitus ignorat. Si Pontificis annuat votis, periclitantur populi; si populis verum expetat remedium, obstant Pontificis litteræ; si rogat, timet Papam offendere; si non rogat, suis timet nocere. Hinc nolit obesse, nec illinc deesse. Quodnam ergo in tantâ dubietate consilium? Consulendos in hâc etiam difficultate putauit, quos suprà nominauimus viros Consulares (vno Vallisoletano dempto Episcopo, quem multâ ætate, & venerabili senectute languentem, Deus ad meliora vocauerat) quibus omnem vtrinque dubitandi exposuit rationem, litterasque Pontificias expandit, quos etiam plenè informari iussit, de molesto Regnorum statu, & tumultu. Quibus inuicem collatis, comparatoque scandalorum pondere, cum litterarum suasu, & exhortatione, præcepit, vt quid sibi in tantâ rerum difficultate videretur, aperiant.

24 Illi graui lance, & ponderosâ trutinâ expensâ, & lectâ Pontificiâ Epistolâ, & considerato calamitoso Hispaniæ statu responderunt, Christiano Principi, sub conscientie reatu, incumbere inquietis suis Regnis providere, remediumque necessarium à Summo Pontifice humiliter flagitare: litteris verò, aut votis Pontificijs in hoc non obueniri, dum eas ad quorundam, qui suæ causæ timebant, instantiam datas esse faciliè licuerit iudicare, nec Sanctissimo Domino constiterit de tantâ Regnorum Hispaniæ calamitate, vel remedij necessitate, & pereuntibus, vel periclitantibus populis subueniri nolle pium pastorem & benignum Pontificem, neminem sine eius iniuriâ potuisse asserere. Situm igitur, & depositum apud solum eundem Pontificem efficax malorum remedium, tam inueteratæ scilicet Controuersiæ Decisionem, denuò consuluerunt, per peculiarem, sed grauem, & cordatum Oratorem instantius, & quantocius expetendam.

25 Horum innixus consilio, & fretus sententiâ, de nouo eligendo, & creando Oratore pius cogitauit Monarcha, bonumque duxit quorundam, præcipuè vnius ex Consulibus præfatis grauissimi, & pijssimi Viri, arbitrium de seligendo ex omnibus vnum Reuerendissimum P. Antonium à Trejo nostrum olim Generalem Moderatorem, qui huius Legationis munus posset obire, tum quòd

*Quomodo  
eius obsequium  
negit.*

*Consules  
vtrum  
grauissimum  
vires.*

*Prolatoris  
responsio.*

*Alium fuit  
creare fin-  
tius Rex  
pro hoc ne-  
gotio Ora-  
torem.*

quòd familiare erat Pontificibus, & Regibus supremos huius sodalitij viros ad similia munia, & Legationes assumere: tum vt ad hoc electo Episcopo Sosæ, frater fratri, generalis generali, in curiâ experto expertus, & si Regi placeret Episcopo Episcopus succederet; tum quod ingenij præstantiâ, in hoc mysterium deuotione, litteris, & rerum difficilium superandarum facilitate, & arte, omnino huic negotio necessarijs, non modicè præstaret. Tum demum (quod minimū non est) quia in vrbe haberet, qui ei auxilio posset esse, & consilio Illustrissimum Dominum Gabrielem Sanctæ Romanæ Ecclesiæ Cardinalem de Trejo fratrem germanum, hominem numeris omnibus absolutum, quem in curiâ non parum venerabantur omnes, tum propter vitæ integritatem, & litterarum singularem splendorem, tum quòd eius voci, & egregiæ prudentiæ Catholicus Rex fidit, quod alij nulli ex Cardinalibus vel paucis, omnem pro se suisque Regnis in summorum Pontificum electione diligentiam, & publicum suffragium.

*Generalem  
Ord. Min.  
elegit ad  
hoc munus*

26 Quod ergò approbavit, exequutus est consilium bonus Princeps & per luum Secretarium admoneri iussit hominem Maioriti, vel Madriti tunc degentem, ut se ad tædiosum hoc, sed honorificum munus, & iter, accingeret; taliterque res suas disponeret, ut dum ad Iunij initium suæ Præfecturæ curriculum absolueret, nouumque sibi crearet successorem, Religioni que Prælatum, statim possit de hac Legatione obeundâ cogitare. Et ut honorem adderet, & animum, ei Episcopatū consignauit Carthaginensem regni Murcia, Valentino regno confinis, primum, & præcipuum; in Hispaniâ antiquitate, autoritate, & amplo annuo reddito satis commendatum, ad quem ex alijs non infimis Ecclesijs solent prouehi grauiores Episcopi.

*Dignas  
Regi habet  
gratias.*

27 Huic bono, & felici nuncio comitèr, & gratantèr sobrius respondit vir se multas debere, & habere gratias liberalissimo, & pijsimo Principi propter vtrumque beneficium; Illud autem se maius reputare quod ad laborem propter Deiparam obeundum, quàm ad Episcopatum eum elegerit, nihilque se preclariùs, aut honorificentius ducere, quàm Cælorum Regina, & Hispaniarum Regi inferuire, præcipuè in dignissimo hoc obsequio, cui ille totus semper affectu, & animo incubuit, & quod suo fermè iure ex Minoribus vni debebatur, quippe pro hoc Virginis elogio per integra sæcula non parum deludarunt, nec repidè decertarunt.

Omnem

Omnem etiam spondit se curam adhibiturū, vt quamprimum à tanti sodalitij regimine absolueretur, statim se pararet, & accingeret ad opus. Addidit, se per semetipsum Regi ampliùs gratificaturum, & præsentem largiores gratias redditurum.

28 Vt prudens, cordatumque hoc Regis consilium insonuit in Curia, lateque per omnes Hispaniæ Regiones fama percrebuit, *Mulierum in hac elatione gaudium.* exultauit in gaudio totum vndique Regnum propter Virginis honorem, & quem tantopere optabat, splendorem. Plurimi etiam vndeque & Regi de tanto ministro, & viro optimè merito de tanto gratulati sunt honore. Nostrium vbiq; ferè terrarum sodalitiū sui capitis decore magnopere gaudens, suas adiecit laudes, hilaritatemque multis & manifestis prodidit indicijs, electus *Quid inter-  
rim cura-  
merit ele-  
ctus.* verò Episcopus non tam se Episcopum cogitauit, quam ex Minoribus vnum, nec tam de futuro fastu, quàm de præsentè suo statu, & fratrum curauit regimine. Imminebant comitia generalia in grauissima, & capacissima Salmantica Minorum æde celebranda, cui amplas expensas, & magnos sumptus hinc inde parabat, & prouidebat, interim sui fratris Illustrissimi Cardinalis curæ commit- tens, vt pro se ad Regis votum in Episcopum Carthaginensem consecrando gratiæ, & litteræ obtinerentur, Pontificiæ. Illustrissimo etiam Scipioni Cardinali Burghesio Sanctissimi Domini Nepoti propter antiquam, & arctam cum eo necessitudinem in vrbe contractam, dum in ea Religionis nostræ res aliquot retro annis administraret, scripsit quanta in eum fuerit Regis liberalitas, & quanto pius Monarcha flagrauerit studio, de decidenda hac Controuersia, ad illamque flagitandam, & obtinendam se ab eodem Rege destinari in urbem, illius exposcens in hac re consilium, & Sanctissimi Domini consensum. Cui officiosè responsum; duram ei incumbere, vel commendari prouinciam, nec velle aliud in hac re Sanctissimum Dominum statuere; licèt libentissimè annuerit eius in urbem aduentui, se verò ei summopere gratulari de collato honore, & maximopere eius desiderare conspectum.

29 Congregatis per integrum Maium ex Minoribus grauioribus, & conscriptis Patribus Salmantica, adfuit & electus Episcopus, qui Capitulum, quod vocant, regeret. Adfuit & Illustrissimus Dominus Antonius Caietanus Apostolicus in Hispania Legatus, qui in Capitulo præfideret, & rebus pacificè dispositis, & optimè moderatis, omniū ferme suffragijs in decedentis Episcopi seu Gene-

G

ralis

*Diffosus  
Et ab-  
soluit co-  
munita gene-  
ralis Mi-  
norum.*

ralis locum 4. nonas Iunij ann: 1618. Sufficitur Reuerendissimus Pater, Benignus à Genua optimè de Religione meritis, & cuius vitæ probitas, religiosa disciplinæ zelus, & laudabilis in omnes æqualitas felicem spondent Prælatum, & regiminis exitum.

*Mantuanus  
consecratur  
Episcopus.*

30 Vt feliciter absoluta sunt comitia, & tantam deposuit sarcinam tamquam ampli Ordinis regimen, sed non affectum, me pro veteri sua in me benevolentia sibi adsciscens in socium, vt ei in illis, quæ litterarium studium exposcerent, adessem, Mantuanam Carpentanam, seu Madritum remeauit, vt iam liberius agenti, liberius liceret de nouo suscipiendo, & exequendo onere, & honore cum Rege tractare. Id factum per tres integros menses dum pontificiæ expectantur pro consecratione litteræ, quibus acceptis, cum magno magnorum heroum, & Curia procerum concursu in Regio, & Religioso Monialium, de quò supra præfati sumus, cœnobio 3. Idus Septembris Episcopalem ordinem suscepit, & insulam, non sine summa læticia Serenissimæ Infantis Margaritæ, quæ se coram tantâ decorari vidit dignitate, quem illa in illud vsque tempus habuit Prælatum, & religiosâ venerata est humilitate.

*A Rege  
multis do-  
natur fa-  
uoribus.*

31 Iam sacratu Episcopus nihil amplius sibi vel expectandum, vel morandum duxit, sed pro Regijs votis, & suis, Virginis opus & longum iter aggrediendum. Vnde confestim insigne, & mundi illud miraculum, regium Sancti Laurentij Escuriaci siue del Escorial cœnobium, in quo tunc temporis Rex animi quieti, & Religioni vacabat, perrexit, vbi benignissimè, & honorificentissimè ab eodem, & Aulicis regijs receptus, fauorabiliter est dimissus iam priuilegijs, titulo, & honore extraordinarij Oratoris, quæ magni ducuntur apud Hispanos, duodecim etiam millibus aureorum, pro sumptuum subsidio, alijsque fauoribus donatus.

*Multorum  
in eum con-  
gruit in-  
uidiam.*

*Cicer. l. 4.  
ad Heren-  
nium.*

*Nanzian.  
in Ecclef.*

*Cyprian.  
serm. de  
luore.*

*Cicero 2.  
de Orat.*

32 Hæc tanta tanti Regis in hominem collata beneficia imperititique honores multorum in eum intra & extra curiam stimularunt inuidiam, quæ virtutis & gloriæ semper Comes est, bonosque plerumque infestatur, & vt ait Nanzianz. *Probum virum sequitur, æstrum impuri animi.* Quod semper feruet, & alienis honoribus veluti subiectis facibus fortius ebullit. *Malum* (inquit Cypr.) *ingiter permans, & sine fine peccatum, quantoque ille cui inuidetur successu meliore profecerit, tanto inuidus in maius incendium luoris ignibus inardescit.* Sed illi præ cæteris præstanti florentique fortunæ alterius inuident, qui vel pares sunt, vel inferiores, se etenim relictos sentiunt, illum autem dolent euolasse.

*evulasse.* Ex his infurrexerunt in virum per secretum murmur, & bellum, qui falsiores deudorunt prepedire successus, (quod invidiorum est commune) & audientem illius contristare fortunam.

33 Sed immo ille perdidit animo, nec calumnias perterritus, <sup>Nec tantum nec</sup> nec honoribus mutatus, in omnes benignus in cunctos familiaris, <sup>honore</sup> novum non gloria non iactavit si periculum, <sup>matris</sup> ne antiquam, aut religiosam depulit modestiam.

*Non tamen se mutata quies, probataque fœderis*

Stat. 5.

*Invicem, eorumdem animi, morisque modesti*

1. 2. 1.

*Fortunæ crescenti mœnium.*

Illud solum curavit, & summo pere desideravit quantocius a regis mœnibus expediri, sibi que tradi quæ tradenda erant scripta, & Legationi necessaria.

34 Hæc ut obtinuit, litterasq; habuit apud se omnium Academia- rum, Ecclesiarum, Prelatorum, Religionum, Regnorum & Civitatum Hispaniæ, in quibus a Sanctissimo Domino enixius orabant, ut hoc mysterium vellet aperire, Curæ valedixit Kalendis <sup>Curæ valedixit.</sup> Octobris undeviginti a sua Consecratione diebus, & per suum Episcopatum recto transiens itinere, in eoque omnia cum magna sibi subditorum fidelium acceptione ordinate disponens, infirma aliquantulum valetudine, Carthaginem (ad oras maris Mediterræanæ sitam, a qua nomen accepit Episcopatus, & in qua solum Episcopale ædificium erectum, & ubi cum ex Regis præcepto expectabant iugiter, in quibus transirendum erat) appulit, ad Novembriis mensura, navesque se tradidit discernimi, dissuadentibus suæ Ecclesiæ Capitulis, & ipsi qui eum ad navem deduce- <sup>Novem- conferendi- si desinendi- mœnibus.</sup> bant, imo & ipso triternum præfecto, quippe quod illud periculo- sissimum, & maximè tempestuosum erat anni tempus, in quo nemo audeat navigare, & triremes undique ad securi, & tranquilli portus asylum se solent recipere, & in quo verum sit illud Ovidianum.

Onit. 2.

Amor.

11.

*Naves silvæ tam ventos horret iniquos.*

*Et prope tam letum, quam prope cernit aquam.*

35 Sed ille intrepidus in Dei feruens opere, omnia quæ obijcie- <sup>Maris se tradidit de Græmi.</sup> bant, pœnula floccipendens, & pijsimæ Dei Genitricis se com- mittens tutelæ, stellam maris, & navigantium sydus tutamque patronam, ducem sui invocans itineris, eiusque immaculatæ Con- ceptionis pro qua pugnaturus, & oraturus pergebat, effigiem suæ tutæ puppi affigens.

Septu-  
a. Mul-  
Art. 2.

*Suble nuntium nunc ipse ferens  
Rat. cum fidele pectus cupo,  
Terrasque juar post longa sedem  
Amnam tandem credulis auro,  
Undique ferens equora iugis,  
Poluit sacro fides ligno  
Fidei rursus monitus rursus  
Nuntium grati hinc ducit*

Excerpt  
exposit.

Et jam feliciter fluctus per cellaque maris ebugit, & periculorum  
nimis tremibus infestum, linunt Nationensem alijs Lugdu-  
nensem per totidem horarum moram, & sub 25. mensis No-  
vembri nocte, quam pro dita, & illi infelici obsequantur rursus,  
transierant, ut naucles, vel circumnavigatores, qui per mare illud  
Mediterraneum per viginti, & plures annos aquora sustulim-  
dissecant cursitabant, iuramento affirmaverint tantam suam  
tranquillitatem, acrisque serenitatem sub inconstanti, & inel-  
menti illo tempore plus sibi videri Virginis Mariæ gratie, quam  
syderum cursum tribuendam, nec se aliquando tam feliciter, ut  
prosperè nauigasse. Lequid mirum, aut fide indignum, ut fluctus  
componeret, vel omnino tolleretur, & marinos subigeret roboris  
ijs, qui suæ patrocinari erant cause? & quæ maria planum es-  
set Patribus ad Concilium Ephelinum ex remotissimis con-  
stantibus regionibus, benigne suos tutata tutores, si hinc eorum  
innocentia tauribus suo adesse voluerit patrocinio?

Commen-  
tationes  
exposit.  
exposit.

36. Tandem Idibus Decembris ad illum se applicaverunt portus  
tremes, qui, ut quibidam placet, antiquitus dicebatur Centum-  
cellas, modo Civitatecella Italica nominatis, ubi nobile consue-  
torem Oratorem milites Pontificij Presbiterij, & Turris Ducis ma-  
gno homitardum, & tormentorum bellicorum fragore, & sub-  
rum clangore St. Dominici, & Illustrissimi Cardinalis Burgundi  
nomine, salutavit; & statim ab ipsius Presbiterij, & Auditorij  
& domo excoeruit. Hinc in aduentum Illustrissimorum  
fractem per hinc advenit, & deinde se recepisse in Castellan  
Braccianense excellentissimum, & magnificum Ducem Vi-  
nam, in quodam advenit, & deinde se recepisse in Castellan  
Vestibulo, cuius gratiam duxit Cardinalis de Viterbo, Cardinalis  
de Trevis, multi Episcopi, & huiusmodi, & huiusmodi

Exposit.  
Exposit.  
n. 1.

Exposit.

Ecclesiæ viri de quibus supra, D. Mattheus Vasquez, & Doctor Bernardus Taurinus siue Hispanice de Toro, qui præ cæteris Oratoris inhiabant aduentui, & post hos omnes, Illustrissimus Cardinalis de Borja, qui ordinarij Regis Legati vice fungebatur, & cui <sup>Eius aduentui gratulantur multi.</sup> pio suo munere, & generositate incumberebat solemnitate præparare splendidioris in urbem introitus; qui ferme omnes vndique officiosè, & curialitèr Oratoris incolumi, & prospero aduentui congratulati, post tertium diem, ab illo lautissimè, & splendidissimè conuiuio excepti, eundem comitari Oratorem perrexere Romam per viginti millia passuum distantem. In itinere obuios habuit omnium ferme, Cardinalium, Principum & Heroum Hispanis adhærentum & eius aduentui gratulantium curtus sejugos <sup>Homeris urbem ingreditur.</sup> quos de campagna, vel sex equorum vocant Itali, quibus comitatus Romam honorificè ingressus statim Sanctissimum Dominum visit à quo perbenignè susceptus, colloquium cum eo satis familiare habuit de Regis salute, & Hispanicarum rerum statu, deque suo sælici itinere, eique officiosam & commendatitiam suæ personæ & negotij dedit Regis Epistolam, nihil tunc de sua tractans Legatione. Salutatis etiam Domino Cardinali Burghesio, & Salmonæ Principe Sanctissimi Domini Nepotibus ad fratris ædes se collegit, vt quamprimum de imposito sibi negotio agere valeret.

37 Noli in longum rem protrahere, sed ante quartum à suo aduentu diem 14. Kal. Ianuarias rem omnem, & Regis desiderium Sanctissimo Domino exposuit quod & iam ex eiuldem Regis literis ( quas suprà diximus porrexisse, & quarum exemplar hic subnectimus ) suæ Beatitudini constitit. <sup>Legatus de hoc negotio agit apud Pontificem.</sup>

## S A N C T I S S I M E P A T E R.

Ita expedit quieti Christianæ Reipublicæ, vt extinguantur <sup>Regis ad Pontificem epistola.</sup> scandala, quæ proueniunt ex diuersitate sentiendi circa mysterium purissimæ Conceptionis Domini nostræ, vt omnino compellar ad destinandum Sanctitati Vestræ extraordinarium meum super hac re Oratorem Episcopum Carthaginensem, vt in ea Curia assisat, & Vestræ Beatitudini omnia circa hanc rem particularitèr repræsentet, ac iustas, vrgentesque proponat, quæ extant, rationes, vt digneris huius Controuersie decisionem, tantopere necessariam, exhibere. Supplico S. V. vt integram ei adhibendo fidem in omnibus quæ meo nomine in hoc negotio dixerit, com-

placeat illum benignè audire, & prædictam decidere controuersiam eâ breuitate, quam & res ipsa exposulat, & de sancto, & pio tuo zelo expectatur. Eum etiam honorare, & æstimare velit Vestra Beatitudo tanquam peculiarem meum Oratorem, & secundum quod ipse propter multas, & præclaras animi dotes meretur. Ille S<sup>m</sup>. V<sup>ram</sup>. plenè de omnibus informabit, eius proinde relationi, atque ijs, quæ Cardinalis Borja referet me remitto. Dominus noster sanctissimam personam Beatitudinis vestræ in bonum, & prosperum conseruet regimen suæ vniuersalis Ecclesiæ. Datæ apud S. Laurentium 24. Semtembris, anno 1618.

*Propria manu hæc ipse REX subiunxit verba.*

Non possum in hac re non esse importunus apud S. V. spero tamen tibi non futurum molestum in re tanti obsequij & Dei, & Sanctissimæ eius Genitricis.

*Sanctitatis Vestræ deuotus admodum, & humilis filius D. PHILIPPVS Dei gratia Rex Castellæ, Legionis, Aragoniæ, vtriusque Sici-liæ, Hierusalem, Portugalliæ, Nauarræ, Indiarumque qui Sanctos admodum tuos Pedes, & manus exosculatur.*

R E X

*Ex mandato Domini nostri Regis*

ANTONIUS DE AROSTIGVI

*Secretarius.*

*Plurimas  
ei tradit  
litteras cir-  
ca hanc  
rem.*

38 Ipso etiam die capsam non mediocrem obtulit literarum Academicarum, Regnorum, Ciuitatum, Ecclesiarum, Præfulum, & Religionum suis fasciculis distinctarum. Quatuor fasciculis satis magnis continebantur literæ Regnorum quæ sub Corona Aragoniæ reguntur.

Vno includebantur literæ Regni Lusitaniæ. Altero Hispaniæ, vel Castellæ Regni in Comitibus congregati; Alio non exiguo, Archiepiscopi Toletani, Hispaniarum Primatis, omniumque Episcoporum sibi suffraganeorum.

Alij continebant, Archiepiscopi Compostellani, & suffraganeorum litteras.

Alij, Archiepiscopi Hispalensis, & suffraganeorum.

Alij, Archiepiscopi Granatensis, & suffraganeorum.

Alius



Alius habebat fasciculus, litteras Academiarum Hispaniæ; Salamanticensis, Complutensis, Vallisoletanæ, Toletanæ, Compostellanæ, Hispalensis, Granatensis, Siguntinæ, Oxomensis, &c.

Alius item, litteras Reuerendissimorū Patrum Confessoriorum Regis, & Principis Catholicorum, aliorumque Patrum Doctissimorum Ordinis Prædicatorij.

Alij erant tres fasciculi magni litterarum Præfectorum, & Provinciarum omnium Religionum, vnâ dumtaxat exceptâ. Harum litterarum ~~compla~~ otiosum, & molestum nimis esset apponere. Illud nosse sufficiat omnes ad eundem tendisse finem, omnes idem à Sanctissimo Domino expetisse, omnes ab eodem hoc solum rogasse, vt Controuersiam hanc dirimeret, quid etiam circa vtramque partem sentirent, adiicientes.

39 Has vt accepit litteras Sanctissimus Dominus, & petitionem Catholici Regis attentius, & affectuosius audiuit, laudauit <sup>Pontificis responsum.</sup> valdè Regis pietatem, & commendauit utique Regnorum, & fide-  
lium in B. Virginem deuotionem. Se tamen dixit, tunc amplius nil posse in hac Controuersia præstare, præter id quod iam fecerat, & quod ab eo tunc postulatum est, & maturiori hanc rem consideratione indigere. Institit, quâ potuit modestiâ Orator, multas variasque protulit rationes, quibus ad profundiorē, & diuturniorem huius rei considerationem Sanctissimum prouocauit Antistitem, pluraque de scandalis, & tumultibus Hispaniæ retulit, quibus ad commiserationem, & remedium malorum, Pontificis animum flecti potuisse iudicauit.

40 Hoc ipso die Illustrissimos Cardinales Burghefium, & Galum Cardinalitij Collegij Decanum; & subsequentibus, Cardinales cæteros, Principes, & Principum Oratores pro Romanæ Curiae consuetudine visitauit, vnicuique eorum Regis Catholici exponens desiderium, & vt in Virginis Mariæ obsequium, & fauorem suis votis, & animis vellent adesse, rogauit. Singulis porrexit Cardinalibus regias litteras huius rei commendatitias, quæ ad Oratorem, postquam Curiae Madritensi valedixit, transmissæ sunt Murciam, dum res sui Episcopatus componeret, & disponeret, quarum exemplaria subnecto, obseruatâ potius in translatione proprietate & dispositione verborum Hispani idiomatis, quàm phrasi aut elegantia Latinâ; vnde non solum ad sensum, sed ad verbum ferè omnes transcripsi.

*Reuerendo admodum in Christo Patri Cardinali BVRGHESIO  
meo valde charo, & dilecto Amico.*

41. **D.** Philippus Dei gratia Rex Castellæ, Legionis, Aragoniæ, &c. Reuerende admodum in Christo Pater Cardinalis, mihi chare & valde dilecte Amice; Episcopus Carthaginensis in illam proficiscitur Curiam, vt Oratoris mei extraordinarij fungatur munere, & in apud Sanctissimum Dominum, vt velit mysterium purissimæ Conceptionis Dominæ nostræ aperire. Et licet ego de hoc ipso scribam suæ Beatitudini; idemque humiliter, & ea quam rei grauitas exposcit, instantiâ, flagitem, Cardinalique de Borja commendem, vt meo nomine ille etiam omnia, quæ expedierint media adijciat, vt tollantur scandala, & incommoda, quæ ex diuersis his opinionibus oriuntur, & præcipue illa, quæ nouissimè constat euenisse ex Decreto à sua Sanctitate promulgato, propterea quòd minus efficax sit remedium quàm sperabatur, & credibile sit, quòd dum sua Beatitudo benè perceperit iustas, efficacesque rationes, quæ offeruntur, & in promptu sunt, dignabitur nobis declarare hoc mysterium; nihilominus volui vt tibi etiam tua sit pars in causa tanti obsequij, & honoris Dei nostri, & Gloriosæ eiusdem Genitricis; & te affectuosius deprecari, sicut & deprecor, vt suæ Beatitudinis animum ad hoc disponas ea cura, & solitudine, qua ego te hoc facturum confido, & sicut ipsius rei qualitas exigit, ad bonum & quietem Christianæ Reipubl. Omnia particularius intelliges per Cardinalem Borjam, & prædictum Episcopum, quem honorabis, & existimabis, quemadmodum per semetipsum, & multas, præclarasque animi dotes meretur, in quo mihi singulariter complacebis. Et sit, Reuerende admodum Cardinalis mi valde dilecte amice, Dominus noster in tui continua tutela, & protectione. Datum Madriti 9. Septembris, Anno 1618.

E G O R E X.

*Ex praecepto suæ Majestatis*

ANTONIVS DE AROSTIGVI  
*Secretarius.*

*Exemplar*

*Exemplar Epistolæ prædictæ Regis ad Illustrissimum Cardinalem Cratium  
Datum Carthaginiæ Collegii. Decembris, octavo, die mensis  
revera testibus & Off. Perilludatum.*

47. **D.** Philippus Dei gratia Rex Castellæ, Legionis, Aragoniæ, & omniūque Siciliæ, &c. Reuerende admodum in Christo Pater Cardinalis. mihi valde chare & dilecte Amice. Dum Episcopum Carthaginensem in illam destinasti Curiam, ut mei Oratoris extraordinarij fungatur munere, & illustri mihi tuam Sanctitatem cura declarandum mysterium purissime Conceptionis Domine nostræ propter ipsius negotij gravitatem & molem, & quia tamopore expedit quæri Christianæ Republicæ & concordie Religionum, & omnium fidelium ac Dei Genitricis devotiorum, qui hac opinione contrarietate scandalizant, velle etiam ac affectuose rogare, sicut & rogo, ut causam hanc tibi commendatam habeas, & cures, quantum ad te attinebit tam dirigere ad desideratum finem. Præterquam enim quod ad ita faciendum obligeris ex ratione tuæ dignitatis, singulariter mihi in hoc complacere. Et benigne exaudire, & magnopere honorare veli prænominarum Episcopum, ita etenim & illius persona, & multæ præclaræque dotes merentur. Et sic Reuerende admodum Cardinalis mihi valde dilecte Amice Dominus noster in tua continuata benevolentia, & protectione. Datur Madridi. 9. Octob. An. 1609.

F. REX

*Philippus filius Hispaniarum*

ANTONIO DE ARCOBIO

*Secretarius*

*Exemplar Epistolæ ad Illustrissimum Cardinalem de Borja, quædam Recogit  
Ordinarii, & de Frangebat in 1610.*

48. **D.** Philippus Dei gratia Rex Castellæ, Legionis, Aragoniæ, &c. Reuerende admodum in Christo Pater Cardinalis de Borja, & Velasco mihi chare, & valde dilecte Amice, Episcopum Carthaginensem (per quem hanc accipies Epistolam) illustri Curiam miro ad obeundam Legationem extraordinariam apud Suam Beatitudinem, ut velis declarare  
mihi

mysterium purissimæ Conceptionis Domini noster, & sic cessent scandala, quæ eueniunt in Populo Christiano ex opinionum diuersitate, & quæ vltimo agitantur pia Decretorum sine Pœnitentia; cum non fuerit efficax illud remedium, quod à suo pio & sancto zelo sperabatur in re tanti momenti. Et quamvis probè notum quod perspectâ rei gravitate, & magnâ convenientiâ, ut hoc declaretur mysterium, solentè, & diligenter quantum in te fuerit adiunabis Episcopum, ut suæ Beatitudini vniuersè repræsentet prementes vrgentesque rationes, ut hoc fiat (de quibus ille benè est instructus, & quæ illi refert cum ijs quæ offendentur) tamen hoc tibi voluminiungere, sicut iungere, quod ei ab illis, & ad illas, eumque adiuues in omnibus quæ expedierint, eo affectu, quem ego mihi de te promitto. Familiarius circa hæc cum eo communicato, & eum animaduerte de ijs quæ tibi videbuntur expedire ut fiant, eo tempore, & occasione, quibus hoc expediendum sit negotium. Omnia adiunge media, quæ fuerint necessaria, meo etiam nomine pete, a quibus expedient, ad bonam negotij directionem, ut similiter intrent apud suam Sanctitatem, (est enim causâ hæc omnibus communis) certiores eos reddens mihi valde placitum, quod eorum quilibet per se, & quantum potuerit, adiunget, & promoueat opus hoc tam sanctum in Dei obsequium, & bonum Christianæ Reipubl. Honora etiam, & existima valde ipsi Episcopum, sicut meretur propter suam virtutem, sapientiam, & laudabilem zelum, quo pergit ad hoc negotium peragendum. De his omnibus maximopere gaudebo. Ad suam Beatitudinem in Episcopi commendationem, & auctoritatem literas dedi, quarum exemplar hic tibi mitto. Et sit Reuerende in Christo Pater Cardinalis de Borja & Velasco mihi valde chare, & valde dilecte amice, Dominus noster in tui continua tutela, & protectione. Datum apud S. Laurentium 24. Septembris, Anno 1618.

EGO REX.

*Ex præcepto sue Majestatis*

ANTONIUS DE AROSTIGUI

*Legatus*

*Exemplar*

*Exemplar peculiaris Epistolæ ad Illustrissimum Cardinalem  
de Trejo Illustrissimi Oratoris fratrem.*

44. **D.** Philippus Dei gratia Rex Castellæ, &c. Reuerende admodum in Christo Pater Cardinalis, mihi valde chare, & dilecte Amice. Quamuis iam perspectum habeas quot, quantæ, & quàm iustæ se offerant rationes, vt Sua Sanctitas velit, sicut desideratur, mysterium aperire purissimæ Conceptionis Dominæ nostræ, & Episcopus Carthaginensis frater tuus (quem in illam mitto Curiam, vt pro me Legatione fungatur extraordinariâ, & vt hoc solum postulet) in particulari te de omnibus informabit: attamen has ad te volui dare litteras, vt magnopere tibi iniungam, sicut & iniungo, vt eum adiuues, & dirigas in hoc negotio ea sollicitudine, & cura, quam rei grauitas expostulat, alliciendo, & disponendo suam Beatitudinem vt hoc mysterium declarer, ad hoc vt multa cessent inconuenientia, quæ sequuntur ex opinionum contrarietate, & præcipuè quæ nouissimè visa sunt post Decretum, quod Sua Beatitudo emisit, propterea quod non tam efficax fuerit remedium, sicut sperabatur ex sancto, & pio suo zelo, & Reipubl. expediebat Christianæ. Ita ego Sux Beatitudini scribo, hoc ab eo efficaciter flagitans, sicut tibi tuus referet frater. Scripsi etiam Cardinali Borjæ, vt eum adiuuet ad efficaciter, & sollicitè meo nomine instandum in hoc, & similiter cæteris Cardinalibus, sicut ipse percipies. Ad omnia, quæ pro tuo virili feceris, vt benè dirigatur, & breuiter expediat hoc negotium, magnopere gaudebo. Et sit Reuerende Cardinalis mi valde, & dilecte Amice Dominus noster in tui continua tutela, & protectione. Datum Madriti 9. Octob. An. 1618.

EGO REX.

*Ex præcepto sue Majestatis*

ANTONIUS DE AROSTIGVI

*Secretarius.*

45 Exemplar Epistolæ ad Illustrissimos Cardinales de Ara cæli Prædicatorij Ordinis, & de Aquino, quibus specialiter, & affectuosius duxit Rex scribendum. Pio enim suo timore verebatur, ne ille

ille propter innatum erga suam Religionem, & Religionis opinionem affectum, hic propter reuerentiam, & amorem Diui Thomæ ex cuius familia, vel progenie descenderat, huic definitioni, vel declarationi obsisteret. Eadem erat ad vtrumque Epistola nominibus duntaxat mutatis.

46 **D.** Philippus Dei gratia Rex Castellæ, Legionis, Aragoniæ, &c. Reuerende in Christo Pater Cardinalis Aquine, mihi valde chare, & dilecte Amice. Quia tantum est emolumenti ut Sua Sanctitas declaret (quod tantopere conuenit, & desideratur) mysterium purissimæ Conceptionis Dominiæ nostræ ad quietem Christianæ Reipubl. & concordiam Religionum, & pacem omnium fidelium, & deuotorum Dominiæ nostræ Dei genitricis, qui per contrarietatem opinionum scandalizantur, ex qua magna resultant inconuenientia consideratione digna, mitto in illam Curiam Episcopum Carthaginensem, ut Legatione fungatur extraordinaria apud Suam Beatitudinem; & efficaciter super hoc apud eam instet. Et quamuis sim certus quod cum affectu, & promptitudine adiuuabis, ut dirigatur hoc opus ad bonum, qui intenditur finem, (ad hoc enim teneris propter tuam dignitatem, & plures, quæ in te concurrunt rationes.) Verumtamen volui te affectuosius rogare (quod & facio) ut coneris pro tuo virili disponere Suam Beatitudinem; ut declarationem hanc emittat ea breuitate, quam rei grauitas expostulat, & negotium hoc promoveas, & dirigas, sicut de tuo bono zelo in causa, quæ tantopere in Dei, & gloriose Sux Matris vergit obsequium, mihi promitto. Magna mihi erit in hoc complacentia, & quod circa hæc benignè audire velis prædictum Episcopum, qui plenè de negotio hoc est instructus, & cum magnopere honores secundum quod meretur per semetipsum, & multas egregiasque dotes. Et sit Reuerende Cardinalis, mi valde & dilecte Amice, Dominus noster in tui continua tutela, & protectione. Datum Madriti 9. Octobris, Anno 1618.

EGO REX

*Ex precepto sue Maiestatis*

ANTONIUS DE AROSTIGUI

*Secretarius.*

Præter

47 Præter has litteras alias etiam dedit ad suos Proreges, & Ministros in Italia, ad Ducem Vrsæonem Regni Parthenopæi, id est, Neapolitani amplissimi, & ditissimi Proregem, ad D. Comitem de Castro Siciliensem Proregem, ad Ducem de Fera Mediolanen. status Gubernatorem; ut omnes sui status, & amplæ ditiones idem quod illorum Rex, & Hispaniarum Regna petebant, insimul postularent, & Oratori Regio in omnibus, quæ huic negotio expediendo expediebant promptissimè adessent. Vnum est exemplar ad omnes sub diuersis titulis, & formulis loquendi, parumper mutatum, quod hic subiicio.

## R E X.

45 Illustris Dux, noster cognate. Episcopum Carthaginensem Romam mitto, ut meus sit Orator extraordinarius, & insitet apud D. Papam de declarando mysterio purissimæ Conceptionis Domine nostræ. Et quia ad meliorem directionem huius negotij conueniet, quod ex omnibus partibus contutetur, petendo hoc idem à Sua Sanctitate (causa namque est generalis, & quæ tantopere expedit quieti Christianæ Reipublicæ, & ad excusanda scandala, & inconuenientia, quæ sequuntur, vel oriuntur ex diuersis opinionibus, præcipuè quæ nuperrimè prodierunt ex Decreto Sux Beatitudinis, quia non erat illud, quod sperabatur efficax remedium, de qua re Romam scribo quæ conueniunt) iniungo tibi magnopere, quod si tuo pro hoc negotio indigerit auxilio, & assistentia, hæc ei in omnibus, quæ offerentur, & ille aduertet, exhibeas eo affectu, & cura, quæ rei grauitas expostulat. Familiarem etiam te exhibeto prædicto Episcopo quo tibi scribat quod fuerit circa hæc necessarium, & præcipuè eo tempore, quo negotium hoc fuerit perficiendum; in quo gratum mihi exhibebis obsequium. Datum apud S. Laurent. 24. Septembris, Anno 1618.

## E G O R E X.

*Ex præcepto Sux Majestatis*

ANTONIUS DE AROSTIGVI

*Secretarius.*

D

Nec

49 Nec his contentus orthodoxus Princeps, voluit scire quid de hac sua petitione sentirent alij, & quo affectu mysterium hoc prosequerentur cætera Regna, & nationes. Quod si vnum erat omnium votum, voluit, vt omnes apud Sanctissimum Dominum intercederent, vnaq; esset omnium petitio, vt ita desideratam Controuersia decisionem multiplicatis intercessoribus largiretur. Scripsit itaque ad suos Legatos in Italia apud Genuen. & Venetos, in Germania apud Imperatorem, in Bohemia apud Ferdinandum Bohemorum Regem, in Gallia, apud Regem Christianissimum, in Flandria apud Archiducem Albertum, vt Imperatoris, Regum, & Principum voluntates explorarent, & suas ab eis litteras exposcerent, in quibus hoc idem à Sanctissimo Domino enixius obsecrarent. Exemplar dabo litterarum ad Legatum Germaniæ, his etenim concordant cæteræ, in nihilo ferme præter titulos, vel terminos loquelæ, diuersæ.

---

*Epistola Catholici Regis ad Illustrem, & Nobilem Virum Comitem  
de Oñate suum apud Imperatorem Oratorem.*

R E X.

50 **C**omes de Oñate mihi affinis & à Consilijs & in Germania Orator. Episcopus Carthaginensis Romam proficiscitur, vt meus sit ibidem Orator extraordinarius, & instet apud Sanctissimum Dominum de declarando mysterio purissimæ Conceptionis Dominae nostræ. Et quia ad bonam directionem huius negotij expediret, quod omnes Principes, & Respubl. Illud foueant, & adiuuent, idem à Sua Sanctitate petentes, est enim omnibus communis hæc causa, & tendens in quietem Christianæ Reipubl. & ad excusanda scandala, & inconuenientia, quæ oriuntur ex diuersitate opinandi, & quæ nuper constituerunt ex Decreto, quod Sanctissimus Dominus edidit, quia non erat adeo efficax remedium (sicut sperabatur) Tibi iniungo, vt meo nomine eas adhibeas cum Imperatore diligentias, quæ conuenire videbuntur, vt statim efficaciter in hac ipsa conformitate scribat Sux Beatitudini & suo Legato in Vrbe præscribat, vt Imperatoris nomine omnia semper apponat media, & præstet officia quæ conuenerint, & in hoc cum prædicto concurrat Episcopo, vt familiaritèr, & liberè ei reuelet omnia huic rei necessaria, & tempus, & occa-



& occasionem in quo media hæc sint applicanda. Apud S. Laurent. 16. Septembris, 1618.

E G O R E X

*Ex præcepto sue Majestatis*

IOANNES DE CIRIÇA  
*Secretarius.*

*Alia eiusdem Catholici Regis Epistola ad eundem  
Comitem de Oñate.*

R E X.

51 **C** Omès de Oñate mihi affinis à Consilijs, & in Germania Legate. Præter illa, quæ per alias litteras, hoc ipso die datas, tibi præscripsi vt agas apud Imperatorem, vt scriberet Sux Sanctitati circa declarandum mysterium Conceptionis, ad quod Romam mitto extraordinarium nreum Oratorem Episcopum Carthaginensem, expediet etiam vt eisdem vtaris diligentijs apud Regem Ferdinandum, & Archiducem Maximilianum, vt pro suo virili adiuuent etiam hoc nostrum intentum, quibus poterunt vijs; causa etenim hæc est generalis, & quæ conducit quieti Christianæ Reipubl. In hoc mihi te seruiturum agnosce. Apud S. Laurentium 16. Septembris, 1618.

E G O R E X

*Ex præcepto sue Majestatis*

IOANNES DE CIRIÇA  
*Secretarius.*

52 Postquam, quas supra posuimus Catholici Regis litteras ijs, ad quos destinabaneur, distribuit, & misit Orator, æquum, & necesse duxit eundem de rerum statu admonere, & quod suum fuerit cum Sanctissimo Domino colloquium referre. Per primum itaque cursorem sequentes scripsit orthodoxo Principi litteras, in quibus succinctè attingit plura, & potiora quæ supra retulimus, & rei statum, & difficultatem enarrat.

D ij

*Epistola*

*Epistola Illustrissimi Oratoris ad Catholicum Regem  
Philippum III.*

DOMINE,

53 **V**T illam obirem Legationem, qua fungi apud Suam Sanctitatem Vestra mihi præcepit Majestas, parumper ab infirmitate conualescens ministratis mihi ad mandatum Vestræ Majestatis duabus ad transfretandum triremibus classis Hispaniæ, Carthagenâ solui. Genuæ sub septemdecim diebus, cum nauigauerim felicissimè, & cælo adeo sereno ut Dei peculiari beneficio tanta videretur tribuenda aëris marisque clementia in Suæ Sanctissimæ Genitricis obsequium, triremes applicui. Aliam, quæ sola erat in Portu, ad Vestræ Majestatis præceptum mihi præparauit Dux Turfis, & hinc soluens, ad Ciuitatem Veterem, cursus nautici terminum, perueni, absoluto sub integro mense integro itinere. Romam perueni die Dominica, decima sexta huius Mensis, ipsoque eodem die Sanctissimi Patris Pedes exosculatus sum. Pro magno duxit de V. M. vtriusque Principis, & Infantum audire salute: sed quia moris non est, nihil ei tunc de hoc negotio proposui. Subsequenti tamen Mercurij die, solemoni, quo solet, modo, Legatione functus sum, proponens statim in initio, obsequium, subiectionem, & obedientiam, quæ sanctæ Sedi Romanæ Vestra exhibet Majestas. Dixi etiam, quod sub eiusdem obedientiæ professione V. M. me ad Suam Beatitudinem destinauit, ut repræsentem quanti fecerit vltimum Decretum, quod à Sua Sanctitate emanauit, in quo publicis interdixit actibus doctrinam contrariam, illi, quam tota fermè veneratur Ecclesia; & per quod Vestra Majestas indubitanter sperabat pacem, & quietem suis subditis consequendam. Attamen cum modo experientia constiterit magnum, & latum adhuc patere ostium grauioribus scandalis, & proinde se teneri iudicauerit V. M. ad nouiter instandum, & suppliciter rogandum à Sua Beatitudine, ut omnem omnino aditum, præcludere velit his quæ modo grassantur, & ijs, quæ prudenter, & iussè timeri possunt in posterum, per definitionem, & propositionem illius doctrinæ, in quam Vestra Majestas omnium suorum Regnorum, Prælatorum, Academicarum, & vniuersæ fermè Ecclesiæ pietas propendit.

Illam

Illam verò securè, & absque erroris periculo proponi posse fidelibus subiunxi, tum quod infallibiliter Summ. Pontif. definienti Spiritus sanctus intimè assistat, intellectum illuminet, nec eum errare permittat; tum quod negotium suo veluti iure hoc sibi vendicet, in eoque statu vigeat, vt absque vlla difficultate possit determinari, quippe aliud nullum in Ecclesia antequam definiretur meliorem, aut maiorem hac habuit dispositionem, vt Pontificis definitione decideretur. Commoda etiam, & emolumenta definitionis perstrinxi, auctum iri pietatem, & deuotionem in Virginem Sanctissimam, Deo, & Deiparæ maiorem accumulari gloriam, magnopere fideles consolandos, & exhilarandos; quod, etiam egregiæ Tuæ Majestatis satisficeret pietati, sibi Sua Sanctitas nomen acquireret æternum, & demum hæreticos confunderet, qui temerè, & inuerecundè contrarium pro fidei articulo dogma statuerunt. Hanc etiam dixi Deum tribuisse mercedem, & præmium multis egregijsque suis in Virginem obsequijs, dum occasione ei præbebat omnium maximam, & honorem inæstimabilem eidem Deiparæ offerendi. Quapotui etiam efficacia significauì, quanto studio, & anxietate hanc percupiat V. M. definitionem, & Sanctissimo Domino ante oculos proposui quanta sit obligatio annuendi iustis votis, & pijs precibus tanti Regis, qui hoc nostro misero æuo firmissima est Ecclesiæ columna. De his largius protraxi sermonem, & largum contextui discursum, quem ne tedium V. M. pariam in aliud differo tempus, V. M.<sup>us</sup>. simul cum tractatibus, & opusculis in hac Legatione conficiendis, transmittendum. Omnia hæc attente, & benigne Sanctus Pater audiuit, & magnopere se laudare, & æstimare respondit V. M.<sup>us</sup>. pietatem, attamen difficilem videri rem hanc quam postulat, nec aliud modo sibi a Deo inspirari, nec à conscientia dictari præter illud, quod ante præceperat in Decreto, & pro parte Vestræ Majestatis tunc fuerat flagitatum. Ad hæc sub debita modestia quibusdam institi verbis, & postremò recedens adiunxi, spem mihi non minimam esse, quod Sux S.<sup>us</sup>. animum Deus flecteret, & emolliret vt V. M. pio desiderio satisfaceret. In veritate, Domine, grauissimum est hoc negotium & ponderosissima petitio. Vt exaudiat, & obtineatur quod in votis est, multà opus est patientiâ, persuerantiâ, & feruentibus Orationibus. Hæc vt fiant, oro vt iubeat V. M. in suis Regnis. Securè interim, & certo, credat Vestra Ma-

jestas omnem hic adhibendam esse diligentiam possibilem, omnia applicanda media, quæ conuenire iudicabuntur, & omnes proponendas esse rationes efficaciores, vt V. M. pium suum consequatur desiderium, quod & facere, statim vt appuli, cæpi, dum Cardinales inuisi, & suas cuique litteras distribui. Præter quæ aliud hucusque nihil fieri licuit. Deus V. M. custodiat incolumem ad suæ Ecclesiæ bonum, & subditorum suorum splendorem. Romæ 23. Decembris, Anni 1618.

DOMINE

*Humillimus Sacellanus V. Majestatis*

FR. ANTONIVS A TREJO  
*Episcopus Carthaginensis.*

54 Nihil amplius sub illo mense vel anno peragere potuit Orator, nec alias adhibere diligentias propter instantes Natiuitatis Domini festiuitates, nec tamen omnino cessauit ab opere, sed quia res hæc erat Theologica, & Theologicis peragenda principijs, validè studijs incumbens, me ad laboris partem vocauit, plures, & magis necessarios tractatus mihi præscribens componendos, quos suo ordine præfixis argumentis sequenti tradam Sectione. Sub hac priori, qua potui breuitate complexus sum, quæ ante iniunctum hoc munus Illustrissimo Oratori euenire, & quæ ille sub ann: 1618. suæ Legationi vtinam tam feliciter quam sincerè, & prudenter, dedit initia.

*Historia Legationis Philippi III. Ad Paulum V.  
Sectionis Prima Finis.*

LEGA-

# LEGATIONIS PHILIPPI III. ET IV.

Hispaniarum, & Indiarum Gloriosissimorum Monarcharum

DE

Definienda Controuersia

IMMACVLATAE CONCEPTIONIS

B. VIRG. MARIAE.

SECTIO SECVNDA.

TRACTATVS II.



RANSACTIS solemnioribus his festiuitatibus, & Domini Epiphania, nouiter sibi instandum indicauit Orator; & ne fortasse, quas sub mense Decembri elapsi anni proposuit Sanctissimo Domino Orationes, ei iam exciderint, & ut nouas adderet, causamque quæ Catholicum Regem vrgebat, vt post emissum Decretum, de vltiori remedio instaret apud Suam Sanctitatem, ei ob oculos per atramentum, & chartam poneret, Orationem hanc ichethicam, siue supplicem, & totius rei narratiuam concinnandam curauit, quam, & ad Idus Ianuarias, vel circiter in solempni Legationis functione, Suae Beatitudini tradidit, breuiter verbo, & voce tenuis ei omnem scripti medullam proponens. Ad initium numeros apponi voluit, sub quibus veluti sub breuiori compendio facilius, & absque tædio Suae Sanctitati tot tantisque Urbis, & Orbis negotijs circumseptæ, videre, & comprehendere liceret, quod diffusius in ipsa aduertitur Oratione.

D iij

ORATIO

LEGAT. DE CONCEPT.  
ORATIO PRIMA *Trëtica*  
AD S.<sup>MM</sup> D.<sup>N<sup>MM</sup></sup>

PAVLVM PĀPAM V.

*Rationes, & motiua, quæ Catholicum Regem impulerunt ut perpec-  
liarem Oratorem denno instaret circa determinandam Contro-  
uersiam de intemeratæ Virginis immaculatæ Conceptione;  
& status totius causæ aperitur.*

Summarium eorum, quæ supplici hac Oratione Sanctissimo  
Domino proponuntur.

1. Refertur, quæ pietate Rex Catho-  
licus postremum Sanctissimi Domini De-  
cretum suscepit.
2. Duos in illo egregios fines confi-  
derauerunt cordati viri.
3. Quam similiter interpretati sint  
Decretum fautores opinionis affirmatiuæ.
4. Suggestebant æquè negatiua, ac  
sua impositi fuisse in Decreto silentium.
5. Et in secretis confabulationibus  
ac M. SS. sibi licere suam inculcare opi-  
nionem.
6. Ad suam etiam suggestionem  
emissum Decretum.
7. Post Decretum sollicitius doce-  
bant opinionem affirmatiuam.
8. Nullus est, qui audeat aduersa-  
riorum excessus coercere.
9. In fautores opinionis negatiuæ  
acriter inuaduntur.
10. De his admonitus Rex Catholicus  
conuentum coëgit grauitissimum iura-  
rum.
11. Rem omnem proponit, & congre-  
gatorum Presulum exposcit consilium.
12. Respondenti, Regi nouiter esse in-  
standum de ulteriori remedio.
13. Prescribunt, quæ debeantur San-  
ctissimo Domino exponi.
14. Instandum aiunt circa sciti Con-  
ceptionis pars formitatem.
15. Et de sedandis tumultibus, qui  
adhuc perdurant.
16. Nullum iudicant efficax reme-  
dium, præter diffinitionem.
17. Hanc instantissime petendam re-  
solunt.
18. Illorum acquiescit Rex Consilio.
19. Tria proponit Orator consideran-  
da Sanctissimo Domino.

BEATISSIME PATER.

*Decretum  
sui Beati-  
tudinis à  
Rege Ca-  
tholico de-  
ducta c. 171.  
cur patet.*

1 **E**PISCOPVS Carthaginensis Majestatis Catholicæ apud  
tuam Beatitudinem Orator pro intemeratæ Virginis  
immaculatæ Conceptione, ea qua debet humilitate ac  
submissione ad pedes tuos prouolutus, & post humili-  
ma pedum oscula, obediētissimi filij tui Philippi tertij nomine ex-  
ponit, sanctum, ac prudentissimum Decretum à sacra sanctæ In-  
quisitionis congregatione promulgatum, & à Tua Beatitudine  
confir-

confirmatum in Controuersia Conceptionis Beatæ Virg. Mariæ, hilari fronte, libentianimo, & promptissimo ad obediendum, debitaque deuotione, pietate & humilitate ab eodem Rege Catholico susceptum fuisse, dum sperauit futurum illud efficax remedium ad sedandos tumultus, & extinguenda scandala, quæ in Hispania grassabantur. Quod enim ex summa tua sapientia, singularique prouidentia emanauit, & à sanctissima intentione processit, indubitanter putauit non minoris futurum efficacix.

2 Idemque viri doctissimi crediderunt, qui duos, eosque egregios te in eodem habuisse fines ac motiua suspicabantur. Vnum, vt affirmatiua opinio cum honore sepeliretur, ne fautores illius exacerbarentur immodicè; Alterum vt dum careret Magistro, & Doctore, facile à fidelium memoria laberetur, & ita pia doctrina in omnium reciperetur cordibus, plantaretur affectu; & alia à scholis, à Cathedris, ab vniuersa exularet Ecclesia; cuius ita præsentibus obuiaretur incommodis, vt futuræ præuenirentur discordiæ.

3 Sed heu (proh dolor) utroque statim fine nos vidimus frustratos; Aduersarij etenim quid intendebatur, præsenferunt; & ne illorum interiret opinio, nullum non mouerunt lapidem, & hunc præcipuè, vt populis persuaderent, tuum illis fauere decretum, piæ vero sententiæ fautoribus nequaquam, sed affirmatiuam te laudasse, & approbasse. Quod ex eo comprobant, quia non solum eandem te ei tribuisse probabilitatem, quam ante decretum habuerat, sed multò maiore affirmabant. Et addiderunt Pontificum neminem hucusque ei tantum applausisse, quippe non fuit ex omnibus vnus, qui eam impugnari, aut falsam, imò & parum piam, dici, prohibuerit; quæ, & similia omnibus strictè in hoc interdicuntur decreto. Vnde Tuam Beatitudinem suæ opinionis fautorem, protectorem, ac patronum prædicare non cessabant, & te illam ab omnium calumnijs, aut impugnatione per tot tantasque censuras reddidisse securam.

4 Vtlerius suggerebant æquè piæ opinioni, ac affirmatiuæ impostum fuisse silentium; licet enim non expressè iubeatur fileri, tamen moralitèr impossibile putabant eam posse prædicari aut doceri, quin rationibus eius ostendatur probabilitas, & contrariæ probetur falsitas; quin huius declarentur fundamenta, illius eneuentur principia; quin huic tam vetustos Patres, quàm Neotericos omnes adhæsisse Doctores, illam si quos habuit antiquos, eosque non

*Duo in alijs  
proclari fi-  
nes conij-  
dantur.*

*Frustrator  
efficit ob-  
aduer/ariorum  
actiones et in-  
expugnabilem*

*Dicunt ne-  
gatue es-  
sentiam non  
silentium.*

*Nec omni-  
no nutriendi  
ne doceatur  
affirmati-  
ua.*

non magni nominis, fautores, modo ab omnibus derelictam & destitutam esse dicatur; quæ omnia sub grauissimis pœnis Tua Beatitudo voluit interdicta. Quid? Quod neque illi prohibeantur suam sententiam in proprijs Conuentibus suos edocere discipulos, aut de ea disputationes aut scholasticas concertationes habere in suis monasterijs, dummodo magnus non intersit concu- sus populorum. Imò nec se prohiberi dicunt in nouis libris eam prælo mandare, neque aliter, imò minus licere fautoribus pia sententiæ de sua agere vel disputare quàm illis de propria, contendebant. Nam etsi de hoc in decreto expressa non habeatur prohibitio, tamen ultra indirectam, per ipsos ibi prætensam, prohibitionem, affirmabant Tuam Beatitudinem ad illorum instantiam per suum Vicarium in Vrbe, præcepisse ne cui permitteretur in thesibus publicè afferere, quod Beata Virgo fuit concepta sine originali. Quod, tanquam si tale præcepisset Tua Beatitudo, Magistrum Sacri Palatii ita rigotose peragere in Vrbe audio, vt nec in aliquo nouo libro, neque thesibus illud permittat excudi.

*Multa sibi  
adhuc licere  
per decre-  
tum censu-  
dum.*

5 Præterea addebant sibi licere per hoc decretum particulares habere confabulationes, & priuatim apud omnes indiscriminatim de sua loqui & tractare opinione, manuscriptos codices per ciuitates ac populos disseminare, in ijsque rudes, & ignorantes docere suam doctrinam, quod se breui præstituros spondebant, populumque docturos ne vltius scandalizetur. In quo non leuiter, licet inaniter, & infructuosè laborarunt; spe (vt dicebant) ducti, quod postquam suæ opinionis ignari illam perceperint, Tua Beatitudo, quæ contra illam edidit oracula vel decreta, indubiè reuocabit, & amplas in illorum fauorem pronuntiabit sententias. Quod exinde confirmabant, quia Tua Beatitudo proprium non expedierit Diploma, aut ex motu proprio aliquid sanxerit, sed quicquid factum sit, hoc Congregationis tantum esse decretum, faciliter reuocabile; ideo concessum, vt Regis satisfaceret instantiæ, & scandalum quantisper cessaret paruulorum.

*Es pro ce-  
sum diu-  
gisse fa-  
ctum esse  
decretum.*

6 Hæc & alia huiusmodi non solum in Hispaniæ prouincijs, sed & in Vrbe & passim per Italiam in suum fauorem spargunt quotidie. Diuulgarunt etiam multa apud omnes, addideruntque pro eorum dictamine, & desiderio factum esse decretum, extractumque fuisse ex quodam Predicatoriæ Religionis statuto, facto sub grauissimo patre Generali Xauierre, postea Sanct. Rom. Eccles.

Cardi-



Cardinali, cuius hæc est substantia. *Stricte prohibemus, ne quis audeat in publico predicare, vel docere quod Beata Virgo fuit concepta in peccato originali propter scandalum fidelium.*

7 Hæc omnia permulti illorum quotidie, & sollicitè per domos fidelium & suorum amicorum cursitantes, curabant hominibus persuadere, per quod supradictos fines à Tua Beatitudine intentos, vidimus omninò delulos. Etenim tantum abest vt illorum sepeliretur opinio, vt potius sollicitius vndique persuaderetur, & doceretur, magno cum Christianorum scandalo, ita vt in magnam deuenirent desperationem immaculati conceptus sinceriores zelatores & cultores, putantes iam negotium hoc irremediabile, dum asseueranter dicerent aduersarij, Tuam Beatitudinem nihil penitus iam in hac materia facturam, & in nullo piæ sententiæ fauturam; imò alteri adhæsisse, eamque approbasse. Insuper videbant aduersarios in indignas prorupisse actiones, & noua & magna passim excitasse scandala, quorum aliqua in particulari memoriali fideliter Tuæ Beatitudinis præsentabo conspectui.

8 Grauius ferendum erat, quod nullum iam puræ Conceptionis zelatoribus relictum videbatur tantorum malorum remedium. Nec enim erat qui huiusmodi excessus aut scandala auderet, seu veller cohibere vel punire. Si enim Tuæ Beatitudinis Nuncium & Apostolicum Legatum super his coërcendis requirebant (vt sepius factum est ante, & post decreti promulgationem pro præteritorum, & præsentium varietate & grauitate malorum) incunctanter respondebat, recurrendum esse ad sanctæ Inquisitionis tribunal. Cum autem ad hoc recursum est, rem ad se non pertinere dicebat, nec decere per sua supplicia in illos animaduerti, eo quod non parua ei inuritur infamia, qui per sanctæ Inquisitionis ministros punitur; & in omnem familiam aut cognationem eius, redundat ignominia. Ordinarij verò locorum Prælati se nihil circa hæc audere fatebantur, quibusdam ducti timoribus, & exemplo Apostolici Nuncij & Inquisitorum.

9 Si verò aliqui suum erga piam opinionem affectum demonstrabant, aut eam quibuscunque fauoribus prosequabantur, apud aduersarios statim male audiebant, quorum vitæ & famæ in suis conuersationibus apud quoscumque detrahebant; & quod grauius est, ex ipsis suggestis & rostris non modicis eos conuicijs, & cauillosis aut palliatis iniurijs afficiebant, ac contra eos, qui suæ non ad-

*Sollicitius post decretum dicitur affirmata.*

*Puri Conceptus Virginitatis zelatores quasi dissonant de i. medio.*

*Nullos est qui aduersarios r. primat excusset.*

*Acriter inuehiuntur in negatine fautores.*

hærebant doctrinæ, irritatoria verba & inuectiua non pauca effundebant, vocantes eos ignaros, idiotas, simplices, stultos, & quamplurimis huiusmodi ignominijs eos prosequentes, quorum multa, simul cum iniurijs illatis, in particularibus de his tractatibus omni suspicione vacuis, largius tuæ Beatitudini referam.

*Ad Regem  
plura post  
Decretum  
scandala  
deserui-  
tur.*

*Congregati  
Cardina-  
les &  
Prælatus  
grauissi-  
mum con-  
uentum.*

10 Qui vero Dei zelabant honorem, Virginis Deiparæ optabant splendorem, Ecclesiæ desiderabant tranquillitatem, rituum ac ceremoniarum eiusdem affectabant vniformitatem, & Tuæ Beatitudinis desiderij consecutionem, de his omnibus ex omni ciuitate & loco Catholicum admonuerunt Regem, & vt prouideri de maturo curare vellet remedio, instantissimè rogauerunt. Ille autem ne temerè remedium aliquod adhibere videretur, congregari iussit conuentum grauissimorum virorum, ad quem vocauit Illustrissimos Cardinalem Toletanum, & Cardinalem Zapata, Compositellanum Archiepiscopum, Episcopum Conchensem, Episcopum Vallisoletanum, Confessarium suum: duos itidem Prædicatores Regios, duos primarios duarum grauissimarum Academicarum Salmanticensis & Complutensis Theologiæ prælectores, & Prouincialem vnum ordinis Diui Francisci, Abbatem etiam ædis D. Benedicti Matritensis.

*Proposuit  
congregatio  
statum  
negotij &  
Regis in-  
tentum.*

11 His congregatis, propositum est hunc Regis fuisse animum, à Tua Sanctitate petere, vt vellet vltimam huic Controuersiæ addere definitionem. Quod si hanc statim non obtineret, rogare vt iubere dignaretur Tua Beatitudo pro scandalorum remedio, ne quis vllatenus auderet affirmatiuam opinionem publicè aut secretò docere, nec verbo aut scripto vllò modo de ea agere, & quod præciperetur vt omnes vndique fideles eodem nomine ac sensu, quibus ab Ecclesia celebratur, colerent festum Conceptionis Beatissimæ Virginis. Magna etenim fuit semper omnibus petra scandali, diuersitas huius solemnitatis. Cum etiam in Decreto Pontificio vltimo solum prohibeatur publicè prædicari, aut doceri alteram opinionem, magnum videbatur patere ostium scandalis & dissentionibus, vt experientia compertum erat. Etenim in priuatis, & secretis colloquijs de sua agebant opinione aduersarij, ex quibus maiora & grauiora proueniunt scandala: tum quia liberius vtrimque altercantes loquuntur, & effrenatim suis ducuntur passionibus ad affirmandum vel negandum, quod pro suis visum fuerit affectibus, sine moderamine, & immodeste, vno in alterum sine teste, sine

sine iudice inuehente; tum quia sæpius, & passim hæc offeruntur conuersationes, non vnâ aut alterâ festiuitate, vel particularibus diebus ( quos sacratos & destinatos habent ad conciones & lectiones ) sed omni hora & tempore, frequentelq; habent colloquutores & auditores, qui audita statim alijs referunt & per vulgus spargunt. Hinc frequentiores disseminât discordias, dum quod aliquibus dicitur cum illorum scandalo, omnibus communicatur cum magno totius reipublice discrimine. Varia sic vndiq; orta sunt inter ecclesiasticos & seculares dissidia, quorû plurima euenisse post huius Decreti sanctionem omnibus est manifestum. Quare iussit Rex vt prædicti Prælati ac Patres, quid in tantis molestijs faciendum erat, consulerent, & de recursu pro vltiori remedio ad Tuam Beatitudinem, quid sibi videretur, renuntiarent.

12 Illi maturè pensatis, quæ pientissimus Rex proposuerat, & consideratis non leuiter tantis Regni & Ecclesiarum tumultibus, eoq; plures nasci ex colloquio familiari, & secreto quàm publica lectione, & solempni prædicatione, quo plures sunt confabulatores, & collocutores, quæ magistri & prædicatores; & quo sollicitius illi curant, quod per ipsos suppleatur, quicquid his per prohibitionem non licet; necessarium duxerunt ad Tuam Beatitudinem recursum pro efficaciori tantorum malorum remedio, ad quod postulandum sub conscientie reatu Catholicum Regem teneri iudicarunt.

Hoc verò Tux Beatitudini nullatenus displiciturum collegerunt ex eo, quod in prudentissimis tuis litteris tam in prima Constitutione a te edita, innouando factas à tuis Prædecessoribus, quàm in vltimo Decreto fatearis, quod perspicuum est, obligationem esse Pastoralis officij obuiare scandalis, & discordijs fidelium; hanc quoque pro vnica, & speciali ratione, Decreta hæc publicandi, statim in eorum assignes initio. Hæc autem hoc tempestuoso tempore nihil minor, aut infirmior est, quam ante Decretum; cum ex particularibus conuersationibus maiores in dies nascentur discordiæ, & eiusdem speciei, plura numero, grauiora qualitate, scandala succrescant. Quæ certè (vt illi rectè censue-

*Patrium  
Congrega-  
tionum Con-  
siliurn.*

*Regi conue-  
nit Regni  
sui scandalo  
la Papa  
referre.  
Bernard.  
epist. 199  
ad Inno-  
centium.*

*frum referri Apostolorum pericula queque & scandala emergentia in Re-  
gno Dei.* Imò si illa ad se non referret Catholicus Rex, iustè ti-

Leo ad  
Flavian.  
Epist. 8.

muerunt Illustrissimi Cardinales, Archiepiscopi, Episcopi, & Patres congregati Tuam Beatitudinem posse conqueri de Catholica Majestate, & mirari quod in tantis Hispaniæ motibus & nouis scandalis sileret, & ad vestrum Apostolatum non recurreret. Imo veriti sunt ne vestra Sanctitas in Catholicum Regem iuste vsurparet verba illa, quæ Leo magnus in Flavianum intorsit. *Miramur fraternitatem tuam quicquid illud scandali fuerit) quod scilicet paucis ante mensibus Constantinopoli acciderat) nobis silere potuisse & non potius procurasse, ut primitus nos insinatio magis tue relationis insinueret.*

Præscribit  
Consules  
qua sunt  
sanctissimo  
Domino  
proponen-  
da.

13 Omnino ergo necessarium iudicarunt, de his certiores facere Tuam Beatitudinem; & insuper exponere magnum magnis patere aditum scandalis, & certam extrinsecam viam tumultibus, dum prohibetur ne de affirmatiua opinione quicquam publicè verbum faciat. Quia moraliter impossibile est piam prædicari, & doceri à fundamentis, quin alterius sententiæ rationes eneruentur, ac probabilitas infirmetur, quod à Tua Beatitudine strictissimè ac sub grauius poenis interdictum.

Vnde vnum vel alterum eligendum est; aut penitus ab hac opinione prædicandâ, & docendâ abstinere, quod æquum non est, nec auctoritati Ecclesiæ, nec tantæ Christianorū deuotioni consentaneum: vel eam, quo decet ac solet modo, prædicare & docere. Sed imminet statim non contemnendū periculum. Aduersarij etenim si prædicari aut doceri negatiuam, & impugnari affirmatiuam, aut de ea tractari audiuerint, statim accusationes formabunt, & Decreti poenas in predicatorum exequi expostulabunt. Quod, quantè futurū sit causa discordiæ, tumultus, imò & cruentarum rixarum inter vtriusque partis fautores, inter integras familias, & grauiissimas communitates, nullus erit, qui non facile præsentiat.

Monendam etiam Tuam Beatitudinem dixerunt, adhuc imminere scandalum, si contrariæ partis sectatores discipulos, qui ad ipsos confugiunt, in suis Conuentibus partem affirmatiuam doceant, & concertationes ac disputationes de illa habeant; quod sibi licere vel non esse prohibitum per Decretum, dummodo magnus populi concursus non interlit, (vt supra dixi) constanter affirmant. Quod scandalum adhuc erit intolerabilius, si in nouis libris suam sententiam prelo mandare audeant, quod etiam sibi non esse interdictum affirmare præsumunt; quasi actus ille non esset magis publicus, quam publicæ disputationes, lectiones vel conciones.

Consu.

14 Consulendâ etiam dixerunt Tuam Beatitudinem circa ipsam *Consulen-*  
festi Conceptionis celebrationem; an liceat in ea celebranda à sensu *dum Pon-*  
Eccl. Romanæ discrepare? In prima etenim ad Tuam Beatitudinē *ificem de*  
supplicatione hoc Rex Catholicus intendit, vt vnanimiter ab om- *fisti cele-*  
nibus coleretur immaculata Conceptio V. Mariæ. Cum autem ad *britate.*  
hanc, & cæteras Regis instantias, solum responderit Tua Beatitudo  
te prohibere, ne affirmatiuæ opinionis sectatores amplius in publi-  
cis concionibus aut lectionibus suam prædicet vel doceant senten-  
tiam; dubium facescit, si facta hac prohibitione, liceat contrarijs pu-  
blicè ac solemniter celebrare non Conceptionē, sed Sanctificationē  
Virginis à peccato? Quod si liceat, non parua erit occasio scandalorum  
populo Christiano, ac in Virginem deuotissimo, dum inter *Festi dissi-*  
Missarum solemnia & fratrum psalmodiam, in magno populi con- *missa ma-*  
cursu audit publicè profiteri, ac expressè ex illorū mente supponi, *gna parte*  
quod B. Virgo originale contraxerit peccatum, cuius contrarium *scandala.*  
piè, sanctè, ac purè vniuersaliter affirmat, & celebrat Ecclesia. Nec  
certè in hac parte futile ac sine fundamento erit hoc scandalū; nec  
est aut fuit paruulorum & indoctorum solum, sed & grauissimorū  
ac doctissimorum hominum, dum dubitant, nec illis constet, qua  
auctoritate aut cuius Pontificis licentia, hunc nouiter introduce- *Recenti est*  
rint ritum, aut discrimen celebrandæ Conceptionis, quum anti- *hac celebri-*  
quitus, & ante paucos elapsos annos, sub eodem nomine cum Ca- *tatis dispo-*  
tholica Ecclesia, ac Romano Clero illam coluerint, vt planè ac *manita.*  
apertè ex illorum antiquis constat Martyrologijs, Breviarijs, &  
Missalibus; nunc autem, vt videre est in Missali ipsorum ad diem  
8. Decembris in Calendario, & in festo ipso, pro Conceptione ap-  
posuerunt Sanctificationem; de quo specialem offeram Tuæ Bea-  
titudini tractatum. In hoc dubio & discrimine non parum aut  
leuiter certe doctissimi quique scandalizantur, & fideles à festi de-  
uotione ac veneratione retrahuntur.

15 Præter omnia hæc etiam considerarunt illius congregationis *Scandala*  
Prælati, quanta, ac qualia fuerint scandala antiqua, quam sine fructu *ad hunc*  
fuerint supplicia, quam inefficacia remedia, quoties intenta per Six- *grauissim-*  
tum i. v. tribus grauissimis pro hac sola materia editis Cōstitutioni- *bus.*  
bus, quarum nulla suffecit, vt tumultus sedaretur; per Alexandrū vi.  
qui per alteram, quæ Sixtus statuit, confirmauit, ac insuper iudices, *Non potuo*  
pro executione Apostolicarum litterarum, constituit; per Pium v. *ruce illa*  
dum alias emisit, in quibus non dissimilia à Sixtianijs præcepit; per *extinguere*  
*Pontificis.*

Concil. Occumenicum Trident. in confirmatione constitutionum Sixti; nec tamen aliquid horum suffecerat ad sedanda scandala & lites tollendas. Ita Tua Beatitudo expressè ait dum nouo Diplomate prædecessorum, & concilij Decreta reualidauit, & aliud insuper nouissimum, rigorosum satis, addidit Decretum. Quibus non obstantibus mala adhuc perdurant, illaq; nos, non sine magno nostro malo, quoridiè experimur. Nec Regum potestas, aut valida Principum manus, id potuit efficere, aut cooperari per horribiles minas, terrores, aut pœnas seuerissimas, præcipientes vt summorum Pontificum obseruarentur sanctiones, in ueneratione haberentur Decreta, atq; Ecclesiasticæ haberetur ratio consuetudinis. Quid in hoc negotio laborarint Galliarum Reges, quid insudarint Aragonum, & Cataloniae Principes, quid Nauarræ, quid Valentix, quid Maioricarum, & alij Reges Catholici? satis omnibus notum est, & desideratam adhuc in suis Regnis non sunt assecuti quietem.

*Nec Reges  
Catholici.*

*Nullam  
videt astu  
maiorum  
remedium,  
nisi diffi-  
cultas.*

16 Totale ergo ac vnicū congregati Præsules iudicarunt esse malorum remedium, vt quid in hac Controuersia tenendum esset, diffiniretur, quod & ipsos affirmatiuæ sententiæ patronos visum fuit desiderasse. Tantas etenim in illos molestias ac graues calumnias Controuersia hæc excitauit, vt honorabiliter illam finiri perciperent. Nullum autem honorabiliorem definitione putant præcipui inter illos in hoc casu exitum, seque libentissimè definitioni dicunt assensuros. Quare præter hanc, aliud quodcunq; iudicant cordati viri inefficax remedium, dum ad nullum aliud acquiescent aduersarij, & ad omnia quæ præter definitionem adhibebuntur, varias solutiones, & intricolâs interpretationes adducent, Diffinitioni autè colla, tanquam veri, & obediens Ecclesiæ filij, submittent, & quicquid proponetur alacriter, & facillimè amplectentur.

*Etiam va-  
soluunt in  
stanter pe-  
nitentiam.*

17 His ergo & alijs rationibus ac motiuis non infirmis, graui trutinâ libratis, vnanimiter prædicti Prælati censuerunt æquum, & necessarium esse vt à Tua Beatitudine instantissimè peteretur, vt quid in hac re tenendum sit aperte & determinatim per diffinitiuam sententiam velit aperire, nullaque in re tanti momenti negligeretur sollicitudo, quin omni efficacia & cura Tux Beatitudini representaretur tam ampli Regni, tam Catholicæ ditionis necessitas, & periculorum instantium, & præteritorum scandalorum grauissimum pondus, quo tua ad subueniendum populo Christiano clementia facilius valeat inclinari.

Horum

18 Horum maturo iudicio & prudenti tantorum virorum arbitrio acquiescens Rex pientissimus, & Regnorum suorum scandalis laborantium illectus necessitate, misit ad Tuæ Beatitudinis pedes me tibi deditissimum seruum, qui pro ipso instantissime flagitem, & qua possem submissione, humiliter, ac affectu deprecor, ut suis regnis ac populis, scandalis oppressis, ac seditionibus commotis, dignetur paternè compati, & hanc Regi & subditis gratiam præstare, Controuersiam hanc adeo ingratam, & exosam dissoluendo diffinire; quod Christianæ Reipublicæ, cuius hinc desiderata pax pendet, gratissimum futurum sperat, & spondet. Pacem namque, & Christianam tranquillitatem aliter consequendam non esse, ampla & veridica scandalorum informatio, quam Tuæ Beatitudini offeram, satis superque ac euidenter demonstrabit. Ex qua etiam apertè constabit, quam parum obseruauerint aduersarij vltimum Tuæ Beatitudinis Decretum, & quam facile pœnas, in illo contentas, contempserint.

19 Ex his omnibus tria non leuiter Beatitudini Tuæ consideranda, inferre licet. Primum quantum distet ab executione, sapientissima dispositio tui vltimi Decreti, & quàm fraudetur vtroque illo fine à te intento; quorum etiam culpâ hæc accidunt, innotescet. Alterum est, quod si Apostolica Decreta apud tales tantosque viros parui fiunt, quid erit inter simplices & rudes? quem illis honorem exhibebunt? Indocti Doctorum sequuntur exempla & quod illi parui faciunt, hi facillimè contemnunt. Vltimum tandem, & quod maximè mentem & animum tuum (Beatissime Pater) inclinare debet, est, consulendum certe esse Tuæ, & Ecclesiæ authoritati, quæ non contemnendum in hac re patitur detrimentum, dum in longum hæc protrahitur Controuersia, non sine quotidiano Apostolicarum litterarum contemptu, ut in alio memoriali clarius & diffusius monstrabo. Hæc humiliter precatur & rogat Catholicus Rex Philipus, ut Tua Beatitudo velit secum altius cogitare, & vltimam iam tandem manum huic rei apponere, Controuersiam hanc definiendo. Hoc sperat tanti Regis pietas obtinere. Dignus est, qui pro summo suo in Te & in Ecclesiam obsequio, exaudiatur à Tua Beatitudine quam Deus Opt. Max. per multos ac felices annos in Ecclesiæ splendorem, & fidelium commune gaudium & consolationem seruet incolumem.

Ut rationes has nouæ Regis instantiæ, & Controuersię dirimen-

Rex Catholicus ille  
rum animis  
Commissio.

Quid peris  
de desiderat  
apud Sanctissimam  
Domum.

Trius consideranda  
proponuntur.

dæ Sanctissimus Dominus ab Oratore, scripto accepit, & verbo, non improbare, se dixit Regis instantiam, nec pium condemnare in Virginem affectum, sed quod Christiani, & Cordati Regis est fecisse: Pontifices tamen omnibus Regum, & Principum votis adesse non posse, præsertim in ijs, quæ non humanâ, sed diuinâ terminantur sententiâ, nec hominum iudicium, sed Spiritus Sancti inspirationem, & internum exposcunt impulsum. Spiritus autem quando, & ubi vult spirat, secundum suæ diuinæ dispositionis, & prouidentiae secretum. Nec temere, inquit, licet homini his seingere, nec fidei declarandis præcipitanter intendere arcanis, sed multâ & magnâ opus esse consideratione, & matura deliberatione, ut aliquid statuat de fide, & præcipuè in hoc ipso negotio, circa quod variae fuerunt hominum sententiæ, & grauiores inter se dissidebant Doctores. Addidit, traditum sibi scriptum, quando per tempus liceret, se lecturum, & rationes expensurum; tumultus verò Hispaniæ componi posse, dummodo secundum Decreti statuta, & licentiam animaduertetur in transgressores, & Christianæ pacis perturbatores. Non facile posse hos coerceri, nec in eos animaduerti respondit Orator propter rationes in oratione positas, quas humiliter rogauit Sanctum Antistitem, ut dignaretur percurrere, & secum examinare. Ex quibus & cæteris, quæ offerebantur, fas erat colligere vltiori indigere Hispaniam suorum tumultuum remedio. Per hæc fecit tunc finem dicendi, benigne dimissus à Sua Beatitudine.

Hoc ipso tempore superueniêre Serenissimorum Austriæ Archiducum eiusdem voti & desiderij litteræ quas Sanctissimo Domino nostro solemni ut solet ritu detulit qui pijsimorum horum principum res curat & causas agit in Curia: cui affabiliter & grauius à Pontifice responsum magni esse apud se momenti pias sanctorum Principum preces, tales tamen esse quibus ex tempore & ex abrupto non liceat subscribi, nihil vero omittendum fore dixit in quo iuste ijs possit satisfieri. Litterarum istud exemplar.

#### SANCTISSIMÆ PATER.

Quæ Regis Catholici in Deiparam pietas impulit, ut à Sanctitate Vestra litteris suis expeteret quatenus illa autoritatis suæ Decreto Conceptionis immaculatæ mysteriū asserere dignaretur, eadem nos deuincti, Regis precibus nostras quoque coniungere  
partium



Partium nostrarum esse credidimus, quibus maximè in votis est tantæ Virginis cultoris desiderio intelligere Sanctitatem Vestram sententiæ suæ interpositione annuisse. cuius accelerationem si quæ vnquam tempora desiderarunt, præsentia certe sunt, in quibus quantum in deprimenda Virginis excellentia hæreticorum prauitas defudat, tantum in ea extollenda Orthodoxorum zelus debet eminere quorum deuotioni incredibile est quantum mysterij supradicti declaratione accedet. ergo dum illam pro tanti negotij pondere & paterno Sanctitatis Vestræ in nos affectu, vna cum Rege Catholico ardentè expectamus, Deum Opt. Max. rogabimus quatenus Sanctitatem Vestram Ecclesiæ regimini & solatio diu seruet incolumem. Furæ 6. Decembris, Anno 1618.

## SANCTITATIS VESTRÆ &amp;c.

Ad horum aliorumque Principum preces, suas sæpius addebat tam apud Pontificem, quam apud Illustrissimos Cardinales Regius orator, nihilque omittebat quod huic tanto bono promouendo conducere videretur. Sed dum hac sollicitudine, & curâ ad Regis votum, & ordinem res has tractabat Orator, aliæque adhibebantur diligentia, secretum insurrexit in Catholicum Regem murmur, & insolens quorundâ detractio, indigna, & grauiora impropèrantium. Iam sinister hic, sed secretus rumor incepit per quosdam in Hispania, dum ibidem grauisimos illos adhibuit Rex de hac re Consiliarios, totusque in hanc curam incubuit, omnemque apposit, vt in suis Regnis pacificè, & tranquillè absque feralibus odijs, & disidijs suam viuerent vitam Christiani, sed & maximè Ecclesiastici: Mulsitatio hæc latius serpsit, & pluribus se communicauit, ita vt iam clarius suos proderet authores, & audactè absq; timore, vel erubescencia essent qui diceret plurimum sibi arrogasse Regem Catholicum, suas metas transiisse, sæcularia spiritualibus immiscuisse, Ecclesiasticis se rebus ingerere attentasse, & tum demum grauisimam adiecerunt calumniam, & vocem, schismaticum hoc esse, vel schismatici more se Regem in his gessisse, vt vim inferre velit Pontifici, definitionem extorquere tanti mysterij, ac satis superque in hac re iam egisse Pontificem, nec vltius debuisse Regem instare.

Tantæ in tantum & tam orthodoxum Principem calumniæ obueniendum iudicauit Orator, & temerarios ausus insolentesque

E iij

horum

horum loquendi modos compescendos, vel refellendos voluit solidioribus, & manifestis rationibus, & ipsius facti notitiâ, per quam & maledicorum retunderetur obreſcatio, & cæteris sana, & recta pateret Regis intentio, & quantâ prudentiâ, quantâque cum submissione ad Ecclesiam & Ecclesiæ verticem se gesserit in omnibus. Apologiam ergo, quæ sequitur, grauioribus & sincerioribus viris communicari, & spargi fecit in Vrbe, per quod factum est, vt parum æquum illud murmur paulatim cessarit.

## Apologia pro Rege Catholico, & quod rectè, & catholicè se gesserit in ijs, quas adhibuit diligentias pro definienda Controuersia Conceptionis Virginis Mariæ.

*Posse, imò debere, & teneri Hispania Regem Philippum III Regni sui tumultus circa Controuersiam de Conceptione Virg. Mariæ exortos sedare, Ecclesiasticorum tollere discordias, & apud Sanctissimum Dominum nostrum PAVLUM Papam V. de scandalorum agere remedio: Pontificum Decretis, orthodoxorum Conciliorum pondere, Sanctorum Patrum autoritate, utriusque iuris contextu, & tum demum firmissimis ostenditur rationibus.*

*Periculosa  
superiorum  
negatur  
posse fieri.*

*Aug. l. 1.  
de don.  
perſeu.  
cap. 21.  
tom. 7.*

**N**ihil vnquam Reipubl. perniciosius, nihil populis periculosius, nihil vndeque grauius infert damnum, nihil plus affert detrimenti, quam legum inciticia, circa supremas potestates ignorantia, & quid Præfecti, Reges, Monarchæ, in suis possint dominijs crasse nescire. Hinc sæpenumerò populorum tumultus, hinc Ciuitatum discordiæ, hinc Regnorum dissidia, nihil suo loco consistit, nihil firmum, aut stabile, nihil in Reipubl. pacatum, omnia susque deque aguntur, dum quid Monarcha valeat, aut possit, ab indomitâ plebe, & seditioso tumultu, aut penitus nescitur, aut malitiosè negatur. Quorum eo grauior ignorantia, quo grauius est, quod nescitur. *Plurimum etenim interest* (vt ait August.) *in quantum, aut in quibus rebus erratur, præsertim si res diuinæ sunt, aut de iure controuertitur supremarum potestatum; nam in his tam iniuste principibus negatur, quod possunt, quam impiè conceditur, quod non licet. Promiscua etenim Ecclesiasticæ & sæcularis potestatum confusio non parua intulit damna Ecclesiæ, non parum*

parum nocuit regnis, cruenta excitauit bella, & opulentas subuertit nationes: Dum enim alterutro foro, aut vtrilibet Principi ius suum denegatur, aut quid valeat, dubitatur; consilio, armis, bellorum strepitu, quid possit, ostendit, & ne proprium lædatur, aut aliquantulum minuiatur, curat dominium. *Cauenda ergo in rebus grauioribus pessima mater ignorantia, cuius pessime itidem sunt due filie, falsitas, & dubietas; illa perniciosior, ista molestior.* Qui leges non scrutatur, Canones nescit, Apostolicas sanctiones non vidit, & regum potestatem ignorat, incertiam suam facile prodens, falso & periculosè, quod regum est, negat, vel temerè, & molestè, quæ certa sunt, dubijs inuoluit.

2 Cuius rei argumentum non obscurum, aut vetustum, sed patulum, & nouitium quosdam præbuisse sciotos in Hispania accepti, quorum incertiam ad alios in Italia non ignoti nominis viros comperi transfusam. Propter calamitosos tumultus, varias discordias, non contemnendas lites, & innumera exorta scandala in Hispaniæ Regnis propter æmulatoriam, & contentiosam disceptationem quorundam contra Virginis Mariæ originalem Sanctitatem, & conceptus indemnitatem, animum applicuit Philippus III potentissimus in orbe Christiano Monarcha, ad pacem suis Regnis consequendam, & amotis seditionibus serenam tranquillitatem superinducendam. At quia inter ecclesiasticos & de ecclesiasticis lis erat, temerè, aut præcipitanter illorum se ingerere noluit discordijs, sed pientissimè, & catholicè ad Ecclesiæ accurrit fastigium, instantissimè à Summo Pontifice fidei magistro petens, vt velit tantæ calamitati obuenire. Nihil ipse in tanto Regni florentissimi discrimine & superimminenti periculo peregit, nihil Rex sua auctoritate præcepit, nullum ex tantis, quæ potest, voluit adhibere remedium. Non rogauit, non iussit, Catholicorum more prædecessorum, regnorum suorum Primates, & Archipræsules, vt Nationalia cogerent Concilia, in quibus statuerent quid circa hæc facienda essent in suis dominijs. Noluit, quod potuit, quæ Serenissimi Aragonum Reges in suis regnis ordinarunt circa hanc Controuersiam, ad alias suas ditiones extendere. Renuit, quod à multis inculcatum fuit, ab officijs, cathedris, & Regijs stipendijs excludere eos, qui aliter quam omnes, vel præcipuè totius orbis Academia, & ipsa Ecclesia Vniuersalis docet, sentire constaret. Nihil horum effecit, nihil regiâ potestate intentauit, sed Ecclesiasticos tantùm adhibuit Consiliarios; doctissimos Prælatos, pijsimos Doctores consuluit, quid

Leo Epi-  
stola 15.  
ad Syno-  
dū Ephē-  
sinam.

quid in tantâ discordiâ faciendum. Quorum idem cum ipso Rege consilium fuit, ad Summum Pontificem confugiendum, & firmissimè instandum, quod & fecit, vt tantæ cladis adhiberet remedium. Ita Religiosa Clementissimi Principis fides (quod in Theodosio Iuniore magnus laudauit Leo) *hanc reuerentiam diuinis detulit insituriis, vt ad sanctæ dispositionis affectum, auctoritatem Apostolicæ Sedis adhiberet, tanquam ab ipso Beatissimo Petro totum cuperet declarari.* Hæc sola, hæc vna tanti, & tam Catholici Regis in re tanti momenti sollicitudo, hæc vna eius diligentia, vltèrius nullatenus his se immiscuit discordijs. Quid verò in tam recto Consilio detractorum, & sciorum deprauatus affectus? quid præuè dispositorum in tam inculpabili actione calumniare potuit inscitia? Hoc ipsum, quod iustum erat, fecisse. Non licere Regi Ecclesiasticis se causis immiscere, nec de spiritualibus aliquàlter agere, constanter affirmarunt, cuius regimen dicunt non immeritò ad negotia solum extendi secularia. Grauius aliquid addiderunt, & indigniori notâ, & Regem, & Regis factum affecerunt, magnum erga Hispaniæ Rempubl. zelum præferentes, illius condolentes exitio, Anglicani regni hinc prouenisse dicebant interitum, quod illius Reges, & Principes, Ecclesiæ usurpare aut minuere voluerint dominium; nec modo aliter, aut æquius in hac Controuersiâ Regem fecisse Catholicum. O rectos Iudices, ô præclaros Censores, ô bonos Hispaniæ Amicos, qui & Regi timent, & certum Regni deplorant exitium!

*Quam ini-  
que & in-  
iuste ha-  
calumniet.*

Theod.  
& Valen.  
in Epist.  
Cyril. in  
Concil.  
Ephes.  
Leo Epi-  
stola 21.  
in actis  
Concil.  
Chalced.  
par. 1.

3 Sed timere desinant, metum deponant, ob hoc non peribit Regnum, non hinc timenda ruina; Catholici, & pij Regis firmum manebit Imperium, in cuius manum dedit Deus tantorum iura Regnorum. Hæc pietate fouet, fide imbuit, Religioni Christianæ subegit, tantum abest, vt ab illâ deficiat. *Pietate in Deum* (vt de se Theodosius, & Valentinianus gloriati sunt) *& submissione ad Ecclesiam nihil Hispaniæ Regibus antiquius est.* Quando Sacerdotibus (vt de Pulcheriâ interrogauerat Leo) *quando Christiana religioni aut fides defuerunt*, vt ita temerè, & facilè hi eorum timeant, aut prædicent inconstantiam? Quid sinistrum, quid minus rectum, aut pium, in eo, quem hoc nostro xuo Fidei protectorem Deus concessit Ecclesiæ, quid contra Ecclesiam moliri viderunt, vt Ecclesiasticæ iurisdictionis eum dicant inualem? Quando Pontificijs necessitatibus ope, armis, classe, subsidio defuit, vt de eius erga Pontificem fide, & amicitia dubitent? Hi velut ægri frenetici pium acculant

culant Medicum, sanam, & bonam respuunt medicinam. Indignum sanè, & satis iniquum, ut tanti regis laudabile factum horum inscitia, tam iniusta notetur censura, & pietissimi, & Catholici Regis feruentissima fides, & inuiolata deuotio huiusmodi calumnijs tam grauem subeat infamiam. Referam? sed & dicam, quod de eiusmodi susurronibus, & detractoribus Bernardus scripsit ad Ludouicum Regem Francorum: *Sunt aliqui, qui Regem conturbant, & conturbare nituntur Ecclesies, sua lucra sectantes, quodque grauius est, Summi Pontificis, & Serenissimi Regis gratiam, & amorem, diabolico studio dirumpere moluntur. Absit hoc; iudicium portabunt quicumque sunt illi, & Rex semper faciet, quod bonus Rex, sicut haecenus fecit.* Credite viri iudices, non mihi, sed omnibus, imò ipsi experientie, & his quæ volmeti ipsi oculis videtis, & rei veritate palpatis, nullum ex Regibus aut Monarchis tantum Summo Pontifici, aut eius Prædecessoribus obediisse, nec Ecclesiæ desiderasse, aut promouisse Dominium, quantum solus hic & votis, & factis semper obedierit, & Ecclesiasticum dilatauerit, vel conseruauerit Imperium.

Bernard.  
epist. 182  
ad Ludouicum.

4 Quæ ergo quorundam audacia, ut in tantum Regem verba faciant? Quæ licentia, ut nimiam sibi sumere licentiam dicant moderatissimum Monarcham? imo quæ auctoritas, ut Principum maximum, qui tantos suo subdidit Imperio, ignare subijciat censuræ? Plus certe (Seneca teste) quàm regnare videtur, cui liceat censuram agere regnantium. Vbi summa illa reuerentia, & fides debita Regibus, quas, omnia in vniuersum iura, leges politicæ, sanctiones Pontificæ & Apostolicæ, & ratio ipsa expostulant? Non alio animo (Seneca) Populus Rectorem suum intueri debet, quàm si Dii immortales potestatem sui visendi faciant. Magna & sacra res est præfectura; Magnorum fluminum capita veneramus, subita & ex abdito vastissimis eruptio aras habet, columnæ aquarum calentium fontes, & stagna quedam, quæ vel opacitas, vel immensa latitudo sacrauit; si hominem videmus ex superiore loco homines videntem, non subibit nos veneratio eius? Hæcne horum in Regem veneratio? Hæc illa reuerentia, veluti Schismaticum, & Ecclesiastici iuris inuasorem, sacrum, iustum, & pietissimum prædicare Monarcham? Itane facile qui Christianum defendit orbem, offendere licebit? Qui effrenem Paganorum, & Tartarorum rabiem freno suæ potentiae cohibet, & ab inuadendâ Catholicâ Ecclesiâ toties repulit, & quotidie retinet, nunquid ab eiusdem Ecclesiæ filijs talia meretur opprobria? Quàm his dissimilis Bernardus, quàm diuersus eius

Quam nitidus & reuerentiss.

Seneca  
epist. 109

Idem 1.  
de Clem.  
c. 19.

Seneca  
Epist. 41.

sus eius

Bernard.  
epist. 117

ius eius erga Regem affectus? *Si totus inquit Orbis adversum me conuaret, ut quippiam molirer adversus regiam Majestatem, ego tamen Deum timerem, & ordinatum ab eo Regem offendere temerè non auderem.* Quid ergo de his dicam, malitiam accusabo, an ignorantiam? si ex malitiâ lepeccasse negauerint, facillimè iudicabitur ex crassâ ignorantia tantam prodixisse calumniam, quam ut facile prodam, & è medio tollam, quid in hac re Summi Pontifices, Concilia Oecumenica, Patres Ecclesiæ sentiant, quid legibus Canonicis, & Civilibus sancitum sit, quid ipsa etiam ratio exoptulet, paulo fufius, & clarius ostendam.

## Pontificum Decreta.

In Eccl. sin.  
flatus dicitur.  
fua Pontificis regnum  
potestatem.

5 **A**Nte omnia obseruatum volo amplam esse differentiam, & latum discrimen inter eum, qui tanquam supremus iudex, verus magister, ac præcipuus legislator leges fert Canonicas, dubia dissoluit, statuta Ecclesiastica condit, sanctiones edit, communes Ecclesiæ mores instruit, malè ordinata reuocat, quæ bona præcipiat; ac inter eum qui leges obseruari, in certis dubia amoueri, statuta venerari, sanctionibus obediri, ad Ecclesiæ normam, mores prauos componi, reuocata contemni, & præceptis Ecclesiæ omnem exhiberi reuerentiam sollicitè curat, modeste, ac prudenter inuigilat. Illud Pontificis Summi, hoc Regis officium est Christiani. Primum ad Pontificem pertinere communis est ipsorum Pontificum, & Conciliorum doctrina; secundum Regibus, ac Monarchis conuenire, ac proinde iuste, ac sanctè fecisse Hispaniæ Regem in sui Regni, & Ecclesiæ pace procurandâ, multis volumus testibus comprobatum.

Ex Pontificis  
fidei doctrina  
naque fidei  
regni  
Catholicæ  
ostenditur.  
Bonifac.  
Epist. 1.  
quæ est  
ad Honor.

6 Primus, sit inter Pontifices Bonifacius huius nominis Primus, qui Honorium Augustum affectuosissimè rogat, ut Ecclesiæ velit studere quieti. Ipsa (inquit) *Eccl. sin. deuotionem tuam Christianissime Imperator meo quidem sermone, sed suo venerabili appellat affectu, quam Christus Dominus noster cælestis fidei rector & gubernator imperij, cum desponsatam sibi, & intactam Virginem seruat, ne eam aliquos patiamini procellarum fluctus illidi, & quiescentem faciem tempestatis insolite turbine turbari, gloriosissime, & tranquillissime Imperator Auguste.* Cui satis bene a se Ecclesiarum & Populi perturbationibus proniti in esse, Imperator ius postea litteris respondit. Secundus, esto Leo Pontifex huius nominis Primus ad



mus ad Leonem Imperatorem. Cum (ait) Clementiam tuam Dominus Leo Epi-  
 tantâ Sacramenti sui illuminatione distauerit, debes incunctanter aduertere, Re-  
 stol. 75.  
 ad Leo-  
 nem Au-  
 gustinâ.  
 giam potestatem tibi non solum ad mundi regimen, sed maximè ad Ecclesie præ-  
 sidium esse collatam, ut ausus nefarios comprimendo, & quæ sunt bene statuta  
 defendas, & veram pacem his, quæ sunt turbata, restituas. Videndus idem  
 Epist. 24. & 25. ad Theodos. 31. ad Pulcheriam, 42. ad Martianum &  
 alijs plerisq; ad eosdem Imperatores. Tertius adit Simplicius, qui  
 sibi, & Ecclesie gratulatur de Zenonis Augusti curâ circa Ecclesie  
 tranquillitatem. Ego quidem (inquit ad eundem) litteris, quas Vestra  
 Simplic.  
 Epist. fol.  
 7. ad me-  
 dium.  
 Clementia destinauit, pignus immensum veneranda religiositatis accipiens, & in-  
 genti gratulatione respiro, & omnino non ambigo mentē vestram in rebus diuinis  
 gesturam longè potiora, quam cupio. Quartus, Anaſt. II. ad Anaſt. Au-  
 gust. ita scribit. Pectus Clementie vestre sacrarum est publica felicitatis, ut  
 per instantiam vestram, quam velut Vicarium Deus præsidere iussit in terris, E-  
 uangelicis, Apostolicisq; præceptis non durâ superbiâ resistatur, sed per obedientiâ,  
 quæ sunt salutifera, compleantur. Quintus, Hormida Papa ad Euphem.  
 Hormi-  
 da Epist.  
 27.  
 August. Ecclesiarum (inquit) pax iam celesti ordinatione componitur, cum vos  
 ad Imperium elegit Deus, apud quos esse integrum semper religionis suæ cognouit  
 affectio. Et inferius eam rogat, ut cum Imperatore agat, ut uterq; non  
 læculares, non milites, sed Episcopos inter se dissidentes reconciliare,  
 ac ad pacem, & vnanimem sensum & consensum attrahere laboret;  
 Quia sanctum (subnectit) coniugij vestri constat esse propositum, has fiducialiter  
 ad vestram Clementiam litteras destinamus, ut per vos ad perficiendam Ecclesie  
 pacem mariti vestri pietas amplius incitetur. Magnum opus arripistis, magna  
 vobis causa commissæ est, per vos enim populos Christus vult reuocare ad Ecclesie  
 fœdera, quos per se voluit à morte redimere. Magna etiam sexui vestro parata  
 est laudis occasio, si vobis instantibus Ecclesie suæ Christus quæ diuisa fuerant,  
 membra coniungat. Nec enim maior est gloria illius, quæ humana salutis lignum  
 scrutata est, & sola crucem (Helenam intellegit Constantinæ matrem)  
 quam omnis veneratur mundus, inuenit; superabitur quinimodò illius merita, quia  
 Ecclesie unitas per illam suum meruit signum, per vos est habiturus remedium.  
 Sextus, Gelatius Anaſtadium August. admonuit, eum non solum  
 in rebus ludicris, & læcularibus, sed etiam serijs, & diuinis sub con-  
 scientiæ reatu teneri esse vigilantissimum. Taceo (dicit) quod pro re-  
 Gelat.  
 Epist. fol.  
 10.  
 ad Anaſt.  
 August.  
 lins ludicris populares tumultus nunc etiam vestre pietatis auctoritas refrenarit  
 atque ideo multo magis pro salute animarum suarum necessario vobis Constân-  
 tinopolitanæ Ciuitatis obtemperat multitudo, si eam ad Apostolicam & Catholi-  
 cam communionem, vos Principes reducatis. Etenim, Imperator Auguste, si

*contra leges publicas aliquid, quod absit, quisspiam fortasse tentaret, nullâ pati id ratione potuisset; ad Diuinitatis puram sinceramque deuotionem, vt sibi plebs subdita redigatur, conscientia tua non putas interesse? Septimus, quare Regnû terrestre Regibus cælitus confertur, satis pro re nostrâ dicit magnus*

Gregor.

Epist. 62.

Vidēdus

idem l. 9.

Epist. 70.

& l. 11.

Epist. 44.

Greg. Mauricio, *Ad hoc (inquit) potestas dominorum meorum pietati cælitus data est super omnes homines, vt, qui bona appetunt, adiuuentur, vt Cælorum via largius pateat, vt terrestre Regnum cælesti Regno famuletur. Ex tanti Pontificis sententia rogo pios bona appetentes, scil. Virg. Mariæ, atque exinde ipsius Dei honorem, Feltorum pariformitatem, & populi ædificationem, non adiuuabit Philippus? vt cælorum via latius pateat per plurimas, easq; maximas indulgentias, Fest. Conceptionis celebrantibus concessas, non permittendo illas irrideri, aut contradici, non procurabit? non famulabitur Ecclesiæ, eius tranquillitati insistendo? commoueri ac perturbari Regna permittet catholica? Legant etiam Gregorium Septimum epistola decimona ad Rodolphum, & Agathonem epistola ad Constantinum 4. Innumera aliorum Pontificum testimonia sciens, & lubens prætereo, ne in infinitum abeam, sat citata nostrum confirmant intentum. Viderint hi nostri Censores si Rex noster Pontificiam vsurpat authoritatem, pro quo tanta Pontificia facit authoritas? Pontificem inuadit, quem tot defendant Pontifices? Non huius timenda Pontificibus inconstancia, non ad eò instabilem censeant, qui ab Ecclesiâ recedat, qui Anglorum more Ecclesiam inuadat, aut à vero tramite aliquantulum deficiat.*

## Concilia Oecumenica.

Idem probatur ex  
Concilio.

7 **I**Ta commune fuit, ac receptum semper in Ecclesiâ, Imperatores, ac Principes de pace stabiliendâ inter Ecclesiasticos, & Ecclesiæ discordijs sedandis adiutorio esse Pontificibus, vt pœnè nullum sit Concilium, in quo illi se in his diligentiam adhibuisse non testentur. & ob id à Pontificibus, & Patribus non laudentur. Quid in primo generali Niceno publicè ad omnes Episcopos dixerit Constantinus vndique Magnus, Tua Beatitudo non grauetur audire. Ideo me Deo gratias agere debere fateor, (inquit) quod mihi præter alia omnia largitus est, vt istud quod, fere



ferè omnibus bonis antecellit, nempe vos in vnum conuocatos, <sup>Const. in orat.</sup>  
 vnamque omnium, & consentientem esse voluntatem, oculis tan- <sup>de pace ad Pa-</sup>  
 dem aspiciam. Nolite igitur pati, vt vlla inuidiæ tempestas no- <sup>res</sup>  
 stris rebus prosperis inimica, illud bonum labefaciet, neque cum <sup>Conc. Nicen.</sup>  
 tyrannorum inuidiæ dimicatio contra Deum suscepta, iam Dei  
 virtute profligata sit, vt denuo perditus dæmon diuinam Christi  
 disciplinam, & religionem maleuolorū obrectationibus laceran-  
 dam obijciat, quandoquidem intestina seditio in Ecclesia Dei  
 conflata multo plus molestiarum, & acerbis, quàm quoduis  
 bellum, pugnaue videtur mihi in se complecti, atque hæc longè  
 plus quam externa, doloris attierre videntur. *Infra.* Vt primum  
 dissentio vestra ad aures meas præter omnem spem peruenit ru-  
 morem illum de eâ allatum non planè neglexi, sed optans inpri-  
 mis, vt huic rei finem operâ, & sedulitate remedium inueniretur,  
 omnes vos absque morâ accersui. *Parum infra.* Itaque ne vlla sit  
 (quæso) in vobis mora, ô charissimi, ac ministri, bonique famuli  
 Dei, ne grauemini (inquam) deinceps causas dissentionis inter  
 vos grassantis iam penitus tollere, primoque omnium operam de-  
 tis, vt omnia vincula, quibus constricta tenetur controuersia, pa-  
 cis legibus omnino dissoluantur. Sic enim estis & Deo omnium  
 gubernatori rem gratam facturi, & mihi vestro Conseruo maxi-  
 mum præstituri beneficium. Et in Epistolâ ad Ecclesias quæ re-  
 fertur in eodem Concilio: Illud omnium maximè (inquit) mihi <sup>Idem in Epi-</sup>  
 à Deo propositum putau, vt in Sanctissima Ecclesiæ multitudine <sup>tol. ad Eccle-</sup>  
 vna fides, sincera charitas, & consentiens erga Deum omnipoten- <sup>lias.</sup>  
 tem religionis cultus seruaretur. Cui Concilio se tanquam vnum  
 è numero Episcoporum interfuisse ad hanc pacem conciliandam,  
 ipse testatur in eadem Epistola, & aliâ ad Ecclesiam Alexandri-  
 nam, & alterâ ad Nicomediensem contra Eusebiû, & Theognium.  
 Quantum verò, & quam clarè Theodos. & Valentin. munus  
 Regium de Republ. in pace conseruandâ, & Ecclesiâ tutelândâ  
 declararint, satis constat ex grauissimis eorum litteris ad Cyrill. A-  
 lexandr. de cogendo Concil. Ephesino: Reipubl. (inquiunt) no- <sup>Theod. & Va-</sup>  
 stræ constitutio, eâ, quæ in Deum est, pietate præcipuè nititur, mul- <sup>lentin.</sup>  
 taque inter hanc, & illam cognatio, ac familiaritas intercedere so- <sup>ep. 2. ad</sup>  
 let. Nam & ex se inuicem pendent, & vtraque prosperis alterius <sup>Cyrill.</sup>  
 successibus incrementa sumit, quandoquidem, vt vera Religio <sup>Alex.</sup>  
 iustâ actione perficitur, ita Respubl. vtriusque ope innixa florescit. <sup>& refer-</sup>  
<sup>tur in Conc.</sup>  
<sup>Ephes.</sup>

„Cum itaq; Deus nobis habenas imperij tradiderit, ijsque qui impe-  
 „rio nostro parent, pietatis, & securitatis quoddam quasi vinculum  
 „nos esse voluerit, harum inter se societatem, partim quidem priua-  
 „tâ nostrâ freti, partim quoque humano præsidio vñ, indiuisam  
 „perpetuò conseruari enixe contendimus, ad eumque modum pro-  
 „mouendæ pietati propter Reipubl. salutem incumbimus, vt in om-  
 „nibus ferè subditorum nostrorum commodo intenti, vñ hoc  
 „perpetuo vrgeamus contendamusque sæculo, vt piè religioseque  
 „priuatim viuant omnes, & vt pios decet in Republ. versentur vni-  
 „uersi. Denique vtrique quam par est, curam impendere non desi-  
 „stimus. Fieri enim vix potest, vt qui alteri seriò inuigilant, alterius  
 „curam negligant. Ante omnia autem ad id operam damus, vt Ec-  
 „clesiasticus status eiusmodi sit, qui & Deum deceat, & temporibus  
 „nostris quàm maximè congruat, idemque ex omnium concordia,  
 „& consensione suam tranquillitatem obtineat; tum per Ecclesia-  
 „sticarum controuersiarum pacem, à turbis, & seditionibus liber exi-  
 „stat; tum demùm, vt pia religio ab omni omnino notâ, & repre-  
 „hensione immunis perseueret, eorumque vita, qui vel inter clericos  
 „censentur, vel magno quoq; inter illos Sacerdotio funguntur, omni  
 „prorsus nœuo, & culpâ vacet. Hæc præclari Imperatores satis clarè,  
 „& appositè ad nostrum intentum: & in aliâ Epistolâ ad ipsam Sy-  
 „nodum id ipsum clarius confirmant. Cum magnam (aiunt) om-  
 „nium quæ in Republ. sunt, curam habeamus, tum verò maximam  
 „illarum quæ ad pietatem religionemq; conseruandam pertinere ar-  
 „bitramur. *Infra.* Non arbitramur pietatem vestram, vt alijs pacem  
 „conciliet, alterius cuiuspiam extrinsecæ opis egere, nihilominus  
 „ad nostrum erga religionem studium, singularemque prouiden-  
 „tiam spectabat, & hanc quoque non negligere. Et in antygra-  
 „pho interpretationis Decreti Theodosij Senioris scripti ad Ilido-  
 „rum Præfectum Prætoriorum, & Consulem, idem Regis offi-  
 „cium de sacrâ tuendâ Religione non obscurius ostenditur. Ana-  
 „stasix etiam pietatem, & studium circa res Ecclesiasticas promo-  
 „uendas, & in pace disponendas laudauit Nanzianzenus coram  
 „Patribus Concilij Constantinopolitani, quam affirmauerat, do-  
 „ctrinam fidei, quæ vsque ad illud tempus contemptui erat, ex-  
 „citasse. In Chalcedonensem laudarunt Episcopi Valentiniani  
 „& Martiani solertiam de compescendis Ecclesiarum tumulti-  
 „bus, vt constat ex illorum ad eisdem Epistola. Vos verò (in-  
 „quiunt)

Eidem  
in epist.  
missâ  
ad Sy-  
nod.  
per  
Candi-  
dianũ  
Comi-  
tem in  
prin-  
cip.

Greg.  
Nanz.  
in orat.  
ad Pat.  
Conc.  
Con-  
stant.

quiunt ) Christianissimi diuinum suscipientes Decretum præ  
 alijs omnibus competentem diligentiam adhibuistis Ecclesijs , <sup>Conc.</sup>  
 Pontificibus , Concordiæ medicinam machinantes ; Vndique <sup>Chal-</sup>  
 enim nos congregantes omne commodastis auxilium , quate- <sup>cad. ad</sup>  
 nus & factæ interimantur discordiæ , & paternæ fidei doctrina ro- <sup>Impe-</sup>  
 boretur : & in fine Epistolæ. Scimus quantam pacis Ecclesiasticæ <sup>ratore</sup>  
 geritis prouidentium, experimento edocti. Ad quintam Synodum <sup>actio-</sup>  
 generalem , & Constantinopolitanam secundam, litteras dedit Iu- <sup>ne 3.</sup>  
 stinianus Imperator, ita incipientes. Studium nostrum fuit, & est, <sup>Iustin.</sup>  
 Sanctam Dei, & Apostolicam Ecclesiam à turbis securam custo- <sup>ad Sy-</sup>  
 dire. Constantinus Pogonatus dixit ad sextam, se fidei zelo con- <sup>nod. 5.</sup>  
 flagrantem studuisse, vt Ecclesiæ Dei pro sui Imperij temporibus <sup>gener.</sup>  
 in pacis ordine perseverarent. Quid in septimâ Synodo cogendâ, <sup>Const.</sup>  
 & in ea circa imaginum cultus laborarint Constantinus & Trene- <sup>Pogon.</sup>  
 satis patet ex historia ipsius Concilij, & ex illorum ad Adrianum <sup>in Sy-</sup>  
 Pontificem litteris ; & Apologetico Taratij, postea Patriarchæ, in <sup>nod. 6.</sup>  
 quo eos vocat immaculatæ fidei nostræ, & Christianorum custo- <sup>act. 18.</sup>  
 des, ac eorum, quæ in gloriam Dei fiunt, æmulatores. In octaua,  
 quantum Adrianus Basilij Imperatoris laudauerit rerum diuina-  
 rum, & pacis Ecclesiæ curam, his ad eum verbis constat. Tu fæ- <sup>Adria-</sup>  
 lix Imperator, & multis præconijs dignus quasi verus ecclesiastes <sup>epist.</sup>  
 mox perceptis habenis Imperij, Ecclesiæ paci consulere, magis <sup>ad Bas.</sup>  
 quam ad cæteras res humanas attendere procurasti; ac ferè alter <sup>referen-</sup>  
 quodammodo Salomon, id est, pacificus temporibus nostris, <sup>118. Syn.</sup>  
 apparuisti. Ipsius verò Concilij ad eundem Imperatorem, & fi- <sup>adhoi; 1.</sup>  
 lios eius Constantinum, & Leonem acclamations, & gratiarum  
 actiones qui legerit, quid de illorum pietate ac studio pacis, & Ec-  
 clesiæ profectus senserint, non sine admiratione perspicier. Pæne  
 omnia hoc testantur Concilia, pæne nullum est quod Regum, &  
 Principum circa res Ecclesiasticas tuendas, fouendas, promouen-  
 das, ac stabiliendas negligentiam, si quæ erat, non expergefaiat,  
 vel curam, & sollicitudinem non laudet, & hoc eorum proprium  
 esse opus non doceat. Quid verò tot Toletana, & quamplurima  
 Hispana Concilia in hac re senserint, ne in propria causâ domesti-  
 cos testes adhibeam, referre supersedeo.

## Patrum Authoritates.

8 **M** Agistri nostri, Ecclesiæ Sanctæ Doctores, quid in hac re tenendum sit, adeo dilucidè proponunt, vt de eorum mente, nec de Regis æquitate, & iustitia in eo quod fecerit vllatenus possit dubitari. Primum & illustre proferet testimonium magnus Augustinus, qui ad Bonifacium Comitem militarem ex Cæsaris comitatu de hac ipsa re scribens, quorundam sibi proposuit obiectionem; non esse scilicet conueniendos in rebus ecclesiasticis Imperatores, aut Principes, nec eorum implorandum auxilium, cum nullum ex Apostolis hoc fecisse legamus, cui largissimè respondit. Legere, quæso, non tædeat, ea quæ ex ipso tam

Aug. Epist. 50. ante med. tom. 2. „ ad rem nostram clarè conducentia transcripsimus. Cum (inquit ille) angustijs affligitur Ecclesia quisquis existimat omnia potius „ sustinenda, quam Dei auxilium, vt per Christianos Imperatores „ ferretur, fuisse poscendum, parum attendit non bonam de hac negligentia reddi potuisse rationem. Quod enim dicunt, qui contra „ suas impietates leges iustas constitui nolunt, non petiisse à Regibus „ terræ Apostolos talia; non considerant, aliud fuisse tunc tempus, & omnia suis temporibus agi. Quis enim tunc in Christum „ crediderat Imperator, qui ei, pro pietate contra impietatem leges ferendo, seruiret, quando adhuc illud propheticum implebatur. *Quare fremuerunt gentes, &c. Assiterunt Reges terra & Principes conuenerunt in unum aduersus Dominum, & aduersus Christum eius?* Nondum autem agebatur, quod paulo post in eodem Psalmo dicitur. *Et nunc Reges intelligite, erudimini qui iudicatis terram, seruite Domino in timore, &c.* Quomodo ergo Reges seruirent Domino in timore, nisi ea quæ contra iussa Domini fiunt, religiosâ seueritate prohibendo, atque plectendo? Aliter enim seruit, quia „ homo est, aliter etiam quia Rex est. Quia homo est, ei seruit viuendo fideliter; quia vero etiam Rex est, seruit leges iusta præcipientes, contraria prohibentes, conuenienti rigore sanciendo. Sicut „ seruiuit Ezechias lucos & templa Idolorum, & illa excelsa, quæ „ contra præcepta Dei fuerunt constructa, destruendo. Sicut seruiuit „ Iosias talia, & ipse faciendo. Sicut seruiuit Rex Niniuitarum vniuersam ciuitatem ad placandum Dominum compellendo. Sicut „ seruiuit Darius Idolum frangendum in potestatem Danielis dando; &

Confirmatur Sanctorum Patrum doctrina.

Aug. Epist. 50. ante med. tom. 2.

Psal. 2. num. 1. Ibidem nu. 20.

4. Reg. 10. 4.

4. Reg. 23. 4. Ion. 3. 6.

Dan. 14. 21.

do; & inimicos eius Leonibus ingerendo. Sicut seruiuit Nabucho-<sup>»Dan.</sup>  
 donosor omnes in Regno suo positos à blasphemando Deo, lege<sup>»3. 96.</sup>  
 terribili prohibendo. In hoc ergo seruiunt Domino Reges, in<sup>»</sup>  
 quantum sunt Reges, cum ea faciunt ad seruiendum illi, quæ non<sup>»</sup>  
 possunt facere nisi Reges. Cum itaque nondum Reges Domino<sup>»</sup>  
 seruirent temporibus Apostolorum, sed adhuc meditentur inania<sup>»</sup>  
 aduersus Deum, & aduersus Christum eius, vt prophetarum præ-<sup>»</sup>  
 dicta omnia complerentur; non vtique possent impietates legibus<sup>»</sup>  
 prohiberi, sed potius exerceri. Sic enim ordo temporum voleba-<sup>»</sup>  
 tur, vt & Iudæi occiderent prædicatores Christi, putantes se officiũ<sup>»</sup>  
 Deo facere, sicut prædixerat Christus, & gentes fremerent aduer-<sup>»</sup>  
 sus Christianos, & omnes patientia martyrum vinceret. Postea<sup>»</sup>  
 verò quam cepit impleri, quod scriptum est, *Adorabunt eum om-*<sup>»Psal.</sup>  
*nes Reges terræ, &c.* Quis mente sobrius regibus dicat, Nolite cu-<sup>»71. 11.</sup>  
 rare in Regno vestro à quo teneatur, vel oppugnetur Ecclesia Do-<sup>»</sup>  
 mini vestri; non ad vos pertineat in regno vestro, quis velit esse<sup>»</sup>  
 siue religiosus, siue sacrilegus, quibus dici non potest: non ad vos<sup>»</sup>  
 pertineat in Regno vestro quis velit esse pudicus, quis impudicus?<sup>»</sup>  
 Hæc, & alia satis lectu digna ibidem August. Videndus etiam lib.<sup>»</sup>  
 1. cont. epist. Parmen. à c. 8. vsque ad finem. Secundum adducet<sup>»</sup>  
 testimonium Gregorius Magnus, & cognomento Theologus ad<sup>»</sup>  
 Posthumianum, cui maiorem, quam Rex noster sibi sumpserit,<sup>»Greg.</sup>  
 circa res ecclesiasticas, tribuit facultatem. Quoniam (inquit) ma-<sup>»Nanz.</sup>  
 gna consequutus magnorum quoque factus es debitor, & Deus suo<sup>»epist.</sup>  
 beneficio, primum te nostræ Religionis esse fecit, postea etiam no-<sup>»128. in</sup>  
 bis præfecit, simulque absurdum fuerit abs tanto viro non magna<sup>»»ter Epi-</sup>  
 repetere, vt illud te admoneam, patere, videlicet vt nihil ita princi-<sup>»stolas</sup>  
 patum tuum decere putes, vt sub te, ac per te, pacificentur Ecclesiæ,<sup>»Basilij.</sup>  
 & si opus fuerit, acriter reprehendantur seditiosi. Eandem etiam<sup>»</sup>  
 concedit Saturnino Epistola 129. Cui tertius subscribit Basilij di-<sup>»Basil. in</sup>  
 cens, reges ad pastorale regimen (tutelam scil. & pastoriciam defen-<sup>»c. 13. lfa.</sup>  
 sionem) eligi Ecclesiæ. Videndus etiam in Commentarijs ad prin-<sup>»in illa</sup>  
 cipium Prouerb. Sit mihi quartum firmum & expressum Isidori,<sup>»verba</sup>  
 Hispani viri, & Hispalen. Archiepiscopi testimonium, quod pro-<sup>»vox Re-</sup>  
 pter singularem eruditionem, & excellentiam Gratianus retulit in<sup>»gum, &c.</sup>  
 Decretum 23. q. 5. Principes (inquit) sæculi nonnumquam intra<sup>»Isidor.</sup>  
 Ecclesiam potestatis adeptæ culmina tenent, vt per eandem pote-<sup>»de sum</sup>  
 statem disciplinam muniant. Cæterum intra Ecclesiam potesta-<sup>»mo bo</sup>  
 tes ne-<sup>»yno c. 53</sup>  
<sup>»& habet-</sup>  
<sup>»tur 23.</sup>  
<sup>»9. 5.</sup>

tes necessariæ non essent, nisi ut quod non præualeret Sacerdos efficiere per doctrinæ sermonem, potestas hoc impleat per disciplinæ terrorem. Sæpè per regnum terrenum cœlestè regnum proficit, ut qui intra Ecclesiam positi, contra fidem, & disciplinam Ecclesiæ agunt, rigore Principum conterantur, ipsamque disciplinam, quam Ecclesiæ humilitas exercere non præualeret, ceruicibus superborum potestas principalis imponat, & ut venerationem mereatur, virtutem potestatis impertiat. Cognoscant Principes sæculi Deo debere se rationem reddere propter Ecclesiam, quam à Christo tuendam suscipiunt. Nam siue augeatur pax, & disciplina Ecclesiæ per fideles Principes, siue soluatur, ille ab eis rationem exiget, qui eorum potestati suam Ecclesiam credidit. hæc Isidorus. Quintum proponat ex recentioribus vnus, multis antiquioribus non postponendus vir religione, pietate, & fidei doctrinâ, & propugnatione contra hæreticos satis vndique notus Franciscus Feuardentius, qui ideo conferri, ac constitui à Deo hominibus Principibus imperia dicit & regna, ut subiectos sibi populos æquis legibus moderentur, cultum Dei seruent, ac promoueant, terrori sint malè agentibus, laudi verò innocentibus, ut docet Apostolus, *Gladium portat Magistratus in vindictam malorum, laudem verò bonorum*. Ad hæc tot gentes, ac Prouincias vni homini subijcit, ut omnes publicâ tranquillitate fruenter, facilius, & liberius verum Deum prædicatione Euangelica cognoscant, vereantur, & inuocent, Sacramentis ab eo institutis ad remissionem peccatorum suorum vtantur, & sacrum fidei Catholicæ depositum ad posteros fideliter transmittant; sicque Deo vero, & viuo subijciatur vniuersus orbis. Hanc enim ob rem cum sublato Saule Dauid in Regem Israël eligeretur, dictum est ei à Domino: *Tu pascis populum meum Israël*. nimirum saluberrimo publicæ pacis, & legis diuinæ pabulo. Et in Psalm. 77. refertur: *Elegit Dauid seruum suum*, &c. *Pascere Iacob seruum suum, & Israël hereditatem suam*; & *pauit eos in innocentia cordis sui*, &c. Promisit enim Dominus Ecclesiæ suæ: *Et erunt Reges nutricij tui, & Reginae nutrices tue*, &c. Hæc Feuardentius, & in cap. 9. eiusdem libri ad illa verba, scripsit *Marchochens omnia hæc*, ait. Cum Reges, ac Magistratus Christiani non solum custodes, ac defensores sint religionis Christianæ, verumetiam primum, ac potissimum locum inter Christianos laicos teneant, multa sancta vtiliaque possunt Pastoribus Ecclesiæ suadere, eosdem de officio monere, simulque eisdem adesse, ut quæ

commu-

Feuard  
in c. 1.  
Esther.

Rom.  
13.

2. Reg.  
5.

Isa. 49.

communi consilio statuerint, fixa, firmaque maneant, & à subdi-  
tis sibi populis sanctè, constanterque seruentur. Hucusque Gallus,  
hæresiomastix. Quod argumentum alius non infirmior fidei pug-  
gil, & Christianæ veritatis validus defensor Illustrissimus Cardina-  
lis Belarminus prosequitur laicius, & accuratius probat, l. 3. de laicis  
c. 13. cui titulus. licere Christiano magistratui gladio punire pertur-  
batores Reipubl. aut publicæ quietis. Cohæretque alius Societatis,  
I E S V non obscura propago Franciscus Suarez. l. 3. aduersus erro-  
res sectæ Anglicanæ c. 25. n. 10. & 11. ubi ait. Pertinere ad Reges in-  
tra ordinem suum, & modo sibi accomodato abusus tollere, & cor-  
ruptelas sui Regni purgare, quæ sunt & contra naturalè iustitiam,  
& ciuiles leges iustas, vel contra pacem Reipubl. & si sint in mate-  
ria religionis, si constat esse abusus, & corruptelas etiam ad Reges,  
pertinet huiusmodi abusus tollere, vel pœnis in sibi subditos, &  
coërcitione vtendo, vel etiam sollicitè procurando, vt Ecclesiastici,  
Pastores simul in hoc suam operam adhibeant, vel denique forti  
brachio suo occasiones prauarum consuetudinum tollendo. His,  
coronidem imponat Angelicus Doctor qui l. 1. de reg. princ. ait, ad  
Regis pertinere curam, vt populus in pace viuat, & procurare vitam  
populi bonam, secundum quod congruit ad cœlestem beatitudi-  
nem consequendam. Multi sunt in hac sententia Patres, argumen-  
tumque latissimè prosequuntur: ex recentioribus Doctoribus  
videndi citati, & Ioan. Azorius tom. 2. Instit. moral. lib. 11. c. 6. de  
Regum vitijs. §. antepen. penul. & vltimo; ex scholasticis Aegid.  
Columna Rom. tribus libris de reg. princ. præcipuè l. 3. c. 8.

Belarm.

Suarez

D. Tho-  
mas l. 1.  
de reg.  
princ.  
c. vlt.

## Vtriusque Iuris contextus.

9 **R**egem ad factum teneri, vel vltiores ab eodem adhi-  
bendas fuisse in hac re diligentias, ita clarum est in sacris,  
ac ciuilibus legibus ex communi Doctorum interpreta-  
tione, vt superfluum quis iudicare possit hoc ex eisdem comproba-  
ri. Attamen vt qui eas ignorant, manifestius suam aduertant in-  
scitiam, quæ, & quantæ sint Pontificiæ, ac Imperatoriæ sanctiones,  
quæ facto faueant, & regem ad pacem suæ Reipubl. procurandam  
adstringant, ex multiplici capite, percipiant. Regis pacifici cœle-  
stis, Vicarius est in temporalibus in suo Imperio Imperator, vel Rex  
terrestris, vt in l. 2. in fine tit. 3. par. 2. piè declaratur, & expressè  
docuit

Ex utroque  
Iure com-  
probatur.

docuit Anastasius Papa episcopus, ad Anastasium Augustum supra relatâ in Pontificum Decretis, ad quem ex citata lege pertinet, quæ sua sunt imperij pacificè, & rectè disponere, & præstare, ut sicut vnus est Regum, & populi Rex Deus immortalis, ita in suo domino circa res fidei, & religionis sit vna anima, & cor vnum in tranquillitate, & mansuetudine pacis; quod latè prosequitur, & probat ex illo Pauli ad Ephes. 4. *Solliciti seruare vnitatem spiritus in vinculo pacis*, Iacobus Valdesius suo illo lib. de dignitate Regum Hispaniæ c. 10. Azor. to. 2. Instit. moral. l. 11. c. 6. §. penul. & alij. Quare & Reipubl. & pacis perturbatores coercere, & refrænare abusus, quos tales esse constat, tollere tumultus, & corruptelas ad ipsum pertinet, etiam in materia religionis, ut doctè probant Suarez & Azor: citati: tum quia hæc sunt contra bonum commune ciuitatis, vel Reipubl. cuius ille in ciuilibus est caput, & Clerici, ac Regulares ciues sunt & quasi membra in ordine ad bonum commune, & publicum totius communitatis, qui licet sint exempti à potestate Regis, non tamen simpliciter, & absolutè, ut communiter tenent Iuristæ, communemque esse opinionem testantur Prosper Farinac. tit. de Inquisit. q. 8. n. 30. Vincent. de Franch. Decis. 9. n. 5. Franc. Marcus Decis. 456. n. 9. parte prima, Surd. conf. 1. n. 7. vol. 3. & alij. Vnde dixit Nauar. in suo Manua. c. 23. n. 88. ad med. quod licet Clerici ita sint exempti à Iurisdictione Regis ac exteri, tamè quoad aliqua hoc intelligendum esse, non quoad omnia. Idemque sentit Soto in 4. d. 25. q. 2. concl. 4. Mol. to. 1. de Iustitia & Iure disp. 31. concl. 6. Illustris. Bellarm. de Cler. c. 28. vers. 1. propositio. Couar. in regula possessor. 2. par. §. 4. num. 9. Chagueranus in Decis. 68. n. 6. & alij. Tum quia huiusmodi abusus contra bonum Reipubl. aut tumultus tollere, non sunt solum, & propriè iurisdictionis Ecclesiasticæ, & spiritualis, sed vtriusque fori, quia ad finem vtriusque potestatis conducunt, ut docet Suarez l. 4. de Leg. c. 11. Demum, vel ex eo maximè, quia ad executionem legum, vel sanctionum Pontificum, solet esse necessaria potentia Regum, propter quam dicitur, ad eos pertinere defensionem religionis, & Ecclesiæ, ut latè probat Illustris. Bellar. l. 3. de Laicis c. 19. & expressè habetur l. 1. tit. 3. l. 1. Recopil. & probatur in c. Duo ista 23. q. 4. c. Quod sicut, de electione c. Solitæ de maior. & obed. in fine & l. fin. C. de sum. trin. & fide cath. & in auth. Quomodo oporteat collat. 1. vbi dicitur regiam potestatem ad hoc inter cætera esse institutam, ut Sanctorum Pa-

trum



trum Decreta saluberrima executioni demandari faciat, & inuiolabiliter obseruari, vt etiam cit. Bellarm. c. 18. & habetur expressè C. Administratores 23. q. 5. d. 96. C. fin. Boni Principis & C. Christianis 2. q. 1. C. si quis, Glos. ibi verbo *Preceptione regia* d. 8. C. De rebus 12. q. 2. d. 63. C. Salonitanæ eamque suorum Decretorum constituit proteſtricem, ac defenſatricem Conc. Trident. c. 20. Sess. 25. ibi. *Propterea admonet Imperatorem, Reges, &c.* propter quod Philippus II. verè Catholicus, lege latâ Madriti mense Iulij ann. 1564. vt videre est in lib. Conc. Tridentini edito eo anno Salamanticæ, & refert Bouadil. in sua Polit. l. 2. c. 18. n. 194. præcepit, vt omnes Episcopi, ac Prælati illud reciperent in suis districtibus, populo publicari ac ab omnibus obseruari curarent, & Prætoribus, ac Magistratibus imperauit, vt illius executioni in omnibus fauerent. Vnde ad Ecclesiam muniendam, stabiliendam, & pacificandam multiplicem habent Reges intra eandem, Potestatem, vt aduertit, & explicat Glos. ad C. Principes sæculi 23. q. 5. cuius textum ex Isidoro supra retulimus inter Sanctorum authoritates, & C. Res autem, & C. Regum officium, C. Liguribus ibi, C. Filijs, & ibi Glos. verbo *Regis* 16. q. 7. Glos. in C. Tua in 1. de Decimis, C. Vt famæ de sent. excommun. C. Ad abolendam de hæreticis. Aufre. de potest. sæcul. super Eccles. perso. reg. 1. n. 11. vers. 3. Fallit. Bern. Laurent. in eod. tract. n. 8. Palac. Rub. in C. Per vestras §. 44. Notab. 1. Bellu. in specu. Princ. rubr. 11. §. videndum n. 17. Decia. in tract. Crim. to. 1. lib. 4. c. 9. n. 8. & alij plures, quibus subscribit Bouad. citatus, idemque tenent Belamer. Achid. Barbat. & Turrecrem. in C. Administratores 23. q. 5. vbi Anathemati subiiciuntur Magistratus sæculares, qui ab Episcopis, & Ecclesiasticis viris conuenti, & secundo vel tertio ab eisdem admoniti, illorū querimonias attentius non audiant, & secundum quod necessitas expetierit, absq; negligentia non examinent, & diligenti studio malefacta non corrigant; quæ si negligent, ait ibidem Turrecr. quasi infideles culpantur; quibus applicat illud Isa. 1. *Principes tui infideles, &c.* & cum tex. dicat eos admonitos debere Ecclesiam tutelari, & oppressis subuenire, addit ille, *etiam si non essent moniti, ex suo officio hoc facere tenentur.* quod probat ex l. Præses & l. Congruit penul. ff. de Offic. Præsid. & certè iustum erat, imò & necesse Reges ad ista & his similia potestatem habere, quia vt habetur in C. Intelleximus, de noui operis enunciatione, & C. Res autem 23. q. 5. quod ex Leonis Epist. 29. ad Pulcheriam desumptum est; *Res hu-*

*mane aliter tutæ esse non possunt, nisi quæ ad Diuinam confessionem pertinent, & Regia, & Sacerdotalis defendat autoritas.* Præsertim cum Romanus Pontifex cum cæteris Prælati, ac Clericis, & Reges cum Laicis non efficiant duas Respubl. sed vnā. 1. vnā Sanctam Ecclesiam Vniuersalem. Ita Paul. Rom. 12. & 1. Corint. 12. & C. Solitæ de maior. & obed. §. Præterea nosse, Illustr. Card. Bellarm. lib. 1. de Rom. Pont. c. 7. post princ. nec similiter in vno Regno Prælati, & Clerici illius, ex vna parte, & Rex cum Laicis ex alia efficiunt duo Regna, vel Respubl. vt docet C.ual. to. 4. opin. commun. q. 899. num. 140. sed vnā tantum cuius caput in spiritualibus, & in temporalibus in ordine ad spiritualia est Rom. Pontifex, & in temporalibus Rex. Vnde in eadem Republ. de qua vtriusque interest, debet vnus ab altero adiuuari C. Conuenior ad fin. 23. q. 8. ibi, *Bonus Imperator querit auxiliū, ac Ecclesia non refutat, C. Cum ad verum, d. 96. D. Aug. 5. de Ciuitat. c. 14. Petrus Gregor. Sintag. Iuris t. p. l. 3. c. 8. num. 3. Bouad. cit. num. 296. nam inter vtramque potentiam* (vt dixerunt Theodos. & Valent. supra relati in Decretis Conciliorum) *multa cognatio, & familiaritas intercedere solet, & Reipubl. constitutio pietate in Deum præcipue nititur, vnde & ex se muticem pendunt, & vtraque prosperis alterius successibus incrementa sumit.* Quod & magnus contentus est Leo Epist. 24. & 25. ad Theod. cum ait non imperij solum, aut Regni causā, aut propter ipsius Imperatoris emolumentum se desiderasse sedare tumultus, & scandala Constantinopolitana, sed Ecclesia (inquit) causā. *statum Regni vestri agimus & salutis, vt Prouinciarum vestrarum quieto iure potiamini.* Ecclesia ergo spiritualibus studijs & Ecclesiasticis censuris Regnorum procurat prosperitatem, & pacem; & Reges, ac Regna suā potentiā, & secularibus viribus illius student tranquillitati, & authoritati; quod nequaquā præstare potuissent, si vel intra Ecclesiam nullam haberent potestatem, vel intra se ipsa intestina paterentur bella, ac domesticas discordias, quibus nullatenus possent obuenire. Quod si quæ sit ex tantis, quas Leges, & Constitutiones citatæ ei concedūt, apud Regem Catholicum in hac re potentia, nullā tamen voluit vti, nisi tantum ad SS.<sup>m</sup> D.<sup>m</sup> recurrere, vt ab eo tantorum malorum reportaret antidotum: non suæ potentiæ, sed tanti Pontificis pietati voluit tantum opus adscribi. Quid ergo? ob suam submissionem, & reuerentiā ad Ecclesiam, laudandus, an ex falso impositā temeritate, & calumniā vituperandus: iudicet qui præscriptas Leges intelligit.

Ratio-

## Rationibus idem confirmatur.

10 **N**Ec demum firmæ ac validæ defunt rationes, quibus ap-  
 probari, & laudari possit Regis instantia, quarum non-  
 nullas non latenter insinuarunt prædictæ Pontificum, <sup>Rationibus  
 varij hæc  
 res amplius  
 ostenditur.</sup>  
 Conciliorum, & ac Patrum auctoritates, quibus addendum, de Iure  
 esse naturali, & diuino, Regem omni modo sibi licito, debere præ-  
 stare suis subditis, quæ ad illorum quietem, & vitam tranquillè  
 transigendam, necessaria esse deprehenderit. Caput etenim beni-  
 gnè, & salutiferè in membra debet influere, anima vitaliter corpus <sup>Prima  
 ratio.</sup>  
 viuificare, Pater suos filios protelare, Spiritus suauiter hominem  
 animare. Sed caput sibi subditorum est Rex, vel Imperator, vt  
 docuit Senec. 2. de Clem. cap. 2. *Populi caput Rex, à capite autem bona* <sup>Rex caput  
 est populi  
 Senec.</sup>  
*valetudo, inde omnia vegeta aut erecta, aut languore demissa prout animus ho-*  
*minum viget, aut marcescit.* Pater est Patriæ, vt habet Calistratus l. 19. Calistra-  
 ff. de Interdictis, & Relegatis. *Princeps Pater Patriæ est, cuius ratio-*  
*nem reddit Sen. 1. de Clem. c. 14. Vt sciret (inquit) datam sibi potesta-*  
*tem Patriam, quæ est temperatissima, liberis consulens, suæque post illos reponens.* <sup>Pater est  
 Patria.  
 Senec.</sup>  
 Animus est reipubl. illa corpus eius: ita Senec. citatus ad Cæla rem  
 c. 4. & 5. Spiritus vitalis est Regni. *Ille (Seneca) vinculum est per quod*  
*Respublica cohaeret, ille spiritus vitalis, quem hæc tot millia trahunt, nihil ipsa*  
*per se futura, nisi onus, & præda, si mens illa imperij subtrahatur.* <sup>Animus  
 respubl. &  
 spiritus vi-  
 talis regni.  
 Sen. 1. de  
 clem. c. 4.</sup>  
 Rursum quando Deus per Samuelem primum creauit, & vnxit sui populi  
 Regem Saulem, statim per eundem Regis munus, & obligatio-  
 nem circa populi defensionem, & pacem nouo Regi præscripsit.  
 Vt ad illa verba, *Vnxit te Dominus super hereditatem suam, & liberabis* <sup>1. Reg.  
 c. 10.</sup>  
*populum suum de manu inimicorum eius;* egregiè ponderat magnus Gre-  
 gorius l. 4. Moral. c. 5. Quis ergo ob tot, ac tanta capita neget Regi  
 agendum esse de tantorum sibi subditorum tranquillitate?

Vltra. Ad vtilitatem Ecclesiæ & Populorū, Regna Regibus con-  
 ceduntur, vt in Concilio Toletano tertio confessus est Rex Re-  
 cardus, & docet Innocent. III. in C. Solitæ de maior. & obed. ad fi-  
 nem, quod communis est Doctorum, & Patrum consensus: sed  
 quæ maior vtilitas, quam tumultuantem cohibere populum, in-  
 testinis discordijs minitantes auertere minas, & certum popu-  
 lorum præuenire periculum? hanc præstare vtilitatem populis  
 non poterunt Reges?

G

S. Thom.

3 S. Thom. opusc. 20. de reg. princ. lib. 1. c. ult. tom. 17. ait, vt supra in Sanctorum authoritatibus diximus, ad Regis officium pertinere eâ ratione vitam multitudinis bonam procurare, secundum quod congruit ad cœlestem vitam consequendam; sed rixæ, discordiæ, scandala, dissidia, ac perturbationes quotidianæ congruunt ad consecutionem cœlestis beatitudinis? nequaquam, ipso D. Tho. ibidem paulo inferius, teste; *Sicut* (inquit ille) *homo nihil bene agere potest, nisi presupposita suarum partium unitate, ita hominum multitudo pacis Unitate carens, dum impugnat se ipsam, impeditur à bene agendo.* Præterea conducunt ad cœlestem beatitudinem consequendam pax, erga Dei matrem deuotio, Indulgentiæ, Suffragia, & speciales Ecclesiæ gratiæ, quæ ad vnanimem festi Conceptionis celebrationem in sensu ab Ecclesia vtitato, largiuntur Pontifices. Nec enim (ex eodem D. Thom. 2. 2. q. 43. art. 7. ad 4.) in veritate doctrinæ, vitæ, aut iustitiæ ad beatitudinem consequendam necessaria, solum comprehenditur id quod est de necessitate salutis, sed etiam id, per quod perfectiùs, & faciliùs peruenitur ad salutem: Secundum illud 1. Corinth. 12. *Emulamini charismata meliora.* Sed perfectiùs, & faciliùs per has speciales Ecclesiæ gratias, & tantas adeoque peculiare indulgentias lucrando peruenitur ad salutem, quàm si eas quis contemnat, aut lucrari omittat. Quid ergo? vt hæc à quibusdam, irrideantur, & à Beatæ Virginis Mariæ Festo per orbem celeberrimo celebrando dissuaderi, aut deterreri populum permittet Rex Catholicus, qui vitam multitudinis bonam procurare tenetur?

4 Regem, in suo Regno potentem, non posseturâ conscientia in eodem liberam religionem permittere, aut vt quis quidquam in diuinis, aut religione innouet, multorum est sententia, & nouissimè Azorij tomo 2. libro 11. capite 6. §. penult. & ultimo; quod & rationibus, & exemplis confirmat; attamen inter diuina & Ecclesiastica, hæc sunt maximè diuina & sacra; quo non obstante, circa illa hanc Regibus potestatem tribuunt Pontifices; non ergo quod ad suæ ditionis, & Reipublicæ bonum, & stabilitatem, omninò necessarium est, pacem scilicet sui Regni stabilire, & humiliter ad ipsos recurrere, ijs aliquando negarunt.

5 Reges filij sunt sanctæ matris Ecclesiæ: vnde & à Summis Pontificibus, Ecclesiæ sponsis, in suis diplomatis, & litteris honorabili, & amabili nomine filiorum quotidie appellantur, sed vt ait  
August.

• August. *Pertinet hoc ad Reges seculi, Christianos Ecclesiae filios, ut tempo-* August.  
*ribus suis velint pacatam habere matrem suam Ecclesiam; Quod & Va-* track. 11.  
 lentin. docuit Ambrosius in Epistola ad eundem. Despiciet ergo in Ioan.  
 Charissimus Ecclesiae Filius Philippus tantam matrem; eamque  
 sibi summè dilectam iacturam pati notoriam, natorum discordiâ  
 consentiet?

6 Corona Regis salus est ciuium, qua nullam magè præci-  
 puam, aut honorabiliorem Reges duxerunt antiquitus, dum tem-  
 pora his verbis, *ob ciues seruatos* Coronæ, vel Cidari inscriptis, glo-  
 riosè cingerent; cuius testis est Ouid. i. trist. Cui consuetudini  
 allulit Seneca, dum ait: *Nullum ornamentum Principis fastigio dignius,* Seneca 1.  
*pulchriusque quam illa Corona (ob ciues seruatos)* de qua plus cæteris glo- track. Clem.  
 riabatur Scipio Africanus: cuius hæc sententia fuit, qua Antoni- c. 26.  
 nus Pius sæpius vsus est. *Malle se unum ciuem seruare, quam mille ho-* Capitol.  
*stes occidere.* Et hinc euenit, ut antiquitus Reges pro sceptris ha- in Anto-  
 stis vterentur, ut aduertit Iustinus historiographus lib. i. Vnde pro tin. Pio.  
 eodem apud antiquos sumebantur: & vetusta Deorum simula-  
 chra hastas habere solebant, quasi Regiæ dignitatis symbolum  
 sit custodia, siue protectio populi, quæ fieri solet per hastam, &  
 clypeum, vel cætera bellica instrumenta, quibus sibi subditos  
 vndeque defendunt à periculis. Quare pro eo quod in nostra  
 vulgata habetur; *Viri sortes terre vehementer eleuati sunt.* In Hebræo  
 est; *Reges, scuta terre, vehementer eleuati sunt.* Sunt enim Principes  
 veluti clypeus & scuta, quibus populus protegitur, & defenditur;  
 sicut enim scutum corpus, sic Principes vndique Rempubl. & po-  
 pulum tutelant. Solus ergo Rex noster suæ tutelæ commissos non  
 seruabit? non aget de periculorum remedio? quos in fronte por-  
 tat, conculcari, scandalis spiritualiter occidi, & discordijs non leui-  
 ter conteri omninò permittet?

Vltimo, sanctissima, pientissima, & iustissima mater Eccle-  
 sia nunquam hominibus subtraxit, quod nec ipsa natura, quæ  
 nusquam deficit in necessarijs, eisdem negauit. Nihil autem Rei-  
 publ. Christianæ magis opus pace, concordia, & à scandalis vaca-  
 re: si ergo bonis his caret, quid Regi faciendum? Statim cum reis,  
 perturbatoribus, & scandalizantibus digladiandum? Suum in il-  
 los exercebit furorem? Iustâ in eos animaduertet indignatione,  
 nullo facto discrimine, siue Clerici, siue Laici sint; qui Rempubl.  
 conturbant, omnes supplicium subibunt Regis edicto? Hoc sce-

lus maximum, facinus egregium utique quis iudicabit. Quod ergo ei per se faciendum interdicit, quis præstabit? Pontifex. Cuius precibus? qua instantia? ipsius Regis, & Regni, cui imminet periculum. Vel si hoc etiam remedium auferre volunt hi Censores, quod solum Rex adhibuit, tantæ controuersiæ, aliarum omnium fomitis, decisionem petens; omnia Regna subuertenda dicent, omnia breui pessundabunt.

## Epilogus.

Seneca  
Epist. 93.  
in princ.

**Q**Uare, ô viri Iudices, quam æquum hoc sit iudicium agnosceite, iniquum expendite murmur, malitiosam, si sapientū; nesciam, si ignarorum, iudicate censuram; Hoc secundum (bona horum venia) certius puto; nec enim sacra, aut prophana, huiusmodi docuit, aut habet Philosophia, Reges falsò calumniandi licentiam, quod optimè dixit Philosophus. Errare (inquit) *mibi videntur, qui existimant Philosophiæ fideliter deditos contumaces esse, ac refractarios, & contemptores magistratum, eorumque per quos publica administrantur. E contrario enim nulli aduersus illos gratiores sunt, nec immerito. Itaque hi quibus ad propositum bonè viuendi aditum confert securitas publica, necesse est auctorem huius boni ut parentem colant, multo quidem magis, quam illi iniqui qui multa Principibus debent, sed & multa imputant.* Hi certè beneficiorum immemores præclara, nec tacenda, nec obliuiscenda à Rege acceperunt. Sed heu reddiderunt; quid? beneficia, an conuicia? munera, an calumnias? Multa huic Regi debent, sed & imputant, quid? infamiâ, dedecus, grauem iniuriam. Perpendite (quælo boni Iudices) quem offenderunt Principē, quantus, & qualis sit considerate; hominem cogitate à quo nemo vnquam Ecclesiasticorum (quod de Agésilao dixit Xenophon) *se vlla re spoliatum esse questus est, quum multi multa faterentur ab eo accepisse beneficia. Cui potius pro voluptate est sua ad hominum vtilitatem largiri. Qui nam is aliena rapere velit, quo male audiat?* Qui totum quod habet, vniuersum quod regit imperium, pro Ecclesiæ Imperio, vel nutu, eius dicauit famulatui, quem, vbicumq; se profuturum Ecclesiæ putaret, non labores subterfugisse nouimus, non recusasse pericula, non pepercisse facultatibus, non exercitus, non terræ marisque discriminis, aut distantiae excusatione usum fuisse; quid modo hi de eius erga eandem summa reuerentia & catholica submissione dubitant?

Xenoph.  
orat. de  
Agésilao  
c. 23.

bitat? Hispaniæ Regibus hoc semper, præ cæteris, peculiare à Reccaredi Regis tempore, qui ad an. 627. regnavit in Hispania, nunquam ab Ecclesia aut eius Pastoribus aliquantulum defecisse, quod & S. Gregorius ad martyrium B. Hermenigildi prædicti Reccaredi fratris, prophetice prædixit; Quinimò (quod notatu dignum censerì debet) quantumcumque inter dissidentium de Regni successione Rom. Pontifex vni faueret, & alteri contradiceret, nec ille, quem adinuabit, aut iste cui contradicebat, aut resisteret, debitam, & sanctam aliquando eidem negavit obedientiam. Nullum fuit legitimum Concilium, quod à vero Rom. confirmaretur Pontifice, quod ex tempore observari non præceptum sit in Hispania. Nullo vnquam tempore Hispaniæ subsidij indiguit Ecclesia, cui non expeditissimè validdissimis copijs subueniretur. Qui aliqua ex multis, quæ in Ecclesiæ obsequium, & emolumentum fecerint Hispaniarum Principes videre voluerit? consulat Iacob. Valdesium à nobis supra citatum: Videbit huius Imperij incredibilem erga Pontifices reuerentiam, sanctam obedientiam, debitam fidem, iustam submissionem. Nulla gravis vnquam fuit, aut excogitata est de illis suspicio infidelitatis, aut inobedientiæ erga Christi Vicarios. Vnde ergo hæc noua dubitatio, aut recentis inconstantia assertum? Vnde authoritatis Ecclesiasticæ inualionis periculum? Respicite quæso, egregij Censores, dictum indictum facite, conuicia retractate. *Æquum est* (vt dixit August.) *ut secundas habeatis partes modestie, qui primas non potuistis habere sapientie, & qui non voluistis omnia non penitenda diligenter dixisse peniteat, quæ cognoueritis dicenda non fuisse.* Quem tanti etiam Regis iniuste laulstis nonorem, debitum restituite. Cuius munere (Deo auctore) securi, & tranquilli viuimus, eius sanctæ deuotioni annuite, votis subscribite, pietatem laudate, sanctam, & catholicam iam amplius offendere, aut perturbare timete Majestatem.

Aug. ep.  
7. post  
init. to. 2.

*Apologetici finis.*

## Continuatio Historiæ.

**D**etersâ iniquâ calumniâ per hanc Apologiam, perq; manifestas rationes, quas adhibuit præcipuis in vrbe viris Illustrissimus Orator, & Regiæ instantiæ apud Sanctiss. Dom. comprobauit rectitudinem, & ipsius rei narratione obtrectatorum reuelauit malitiam. Rationibus sibi semper apud omnes agendum

Stob.  
serm. 3.

esse in tam arduo duxit negotio, vt non tam Regis potentia nec nimia Oratoris importunitati, quàm ipsius rei æquitati, & iustitiæ quidquid fieret, videretur, & deberet adscribi. Optimum sanè consilium, nam & benè Phocylides apud Stobæum, *Rationem telum dixit quous ferro acutius*, quia & ratione, qui absque ratione pugnat confoditur aduersarius: qui aliter vinci non potest, ab iniusta deijcitur causa, & cuius malignitas debellari nequit aliunde ratione facile posternitur calumniator: suum etiam quisque ratiocinatione æquâ, & legitimâ promouet, & vrget negotium, & ad eos quandoque terminos perducit quibus nec Magnatum vires, nec Regum potentia, nec plurima sufficeret militum manus. *Vt ingentia* (inquit Plin.) *pondera, quæ nullis hominum viribus tolli possunt, machinis facile tolluntur, ita quod vi nequit fieri, ratione facile efficitur.*

Plin. in  
lunil.

Quamuis Oratori tunc Regius adfufflaret fauor, & multorum aderat Principum animus de hoc absoluendo, & claudendo negotio, non tam hos profundendos, aut venditandos, quam ipsius petitionis Regiæ æquitatem, grassantium scandalorum tempestatē, & remedij necessitatem expandendas iudicauit, & persuasibilibus sermonibus Dominum Papam allicere, atque gradatim commouere, vt aliqualem Regem exaudire, & scaturientibus malis obuenire dignaretur. Persuasum etenim sibi habuit, turbatis Ecclesijs & inquietis Regnis suo auxilio sanctum adfuturum Antistitem, & dum de orthodoxi Principis iusta pro eisdem sollicitudine & recta intentione constaret, eius votis subscripturnum. Orationem ergo hanc paræneticam, siue exhortatoriam sub mense Februarij Sanctissimo Domino tradidit, qua plura complexus, & Regis, & multorum Regnorum desiderium, iterum expandit, & iustum esse comprobauit. Rationes adiecit, & exempla, vt Rex audiretur, emolumenta propoluit definitionis, aliaque accuratius ponderauit, quæ leuiori calamo in prima perstrinxit oratione.

ORATIO



## ORATIO SECUNDA Παραινετική

AD S.<sup>MM</sup> D.<sup>N</sup>VM

## PAVLVM PAPAM V.

## TRACTATVS III.

Quàm iusta sit Regis Catholici petitio de Controuersia Conceptionis Virginis Mariæ definienda, & quod à Beatitudine Vēstra debeat benignè exaudiri.

- |  |  |
|--|--|
| 1. <i>Necessitas semper importuna.</i>   | 11. <i>Instantiam de B. Didaco canonizando.</i>  |
| 2. <i>Hispania calamitas propter turbulentas de Concept. Virg. disceptationes.</i>   | 9. <i>Potiores rationes ut exaudiat in hoc re Philippus III.</i>                                 |
| 3. <i>Quia Oratori cura à Rege demandata, &amp; quam salicem speret successum.</i>   | 10. <i>Commune erit orbis gaudium, si Sanctam fuisse Virginem in sua Conceptione definiatur.</i> |
| 4. <i>Beneficia accepta, de hoc obtinendo eius augeat confidentiam.</i>  | 11. <i>Aliqua definitionis emolumenta, consideratione digna.</i>                                 |
| 5. <i>Propositur Catholici Regis, &amp; totius Hispania petitio.</i>   | 12. <i>Tollendam esse Conceptionis cultus differentiam.</i>                                      |
| 6. <i>Dignam esse Regis petitionem, qua laudetur, &amp; cui subscribatur.</i>  | 13. <i>Sanctæ Ecclesiæ Patres fauere Virginis præseruationi ab originali labe.</i>               |
| 7. <i>Alios Reges, &amp; Monarchas ob similes petitiones laudatos à Pontificibus, &amp; Concilijs, &amp; ad illorum preces, &amp; vota multa definita.</i> | 14. <i>Providendum populi deuotioni, &amp; Hispania discrimini ac tumultibus.</i>                |
| 8. <i>Quantū laudauerit Sixt. V. Phil.</i>   | 15. <i>Peroratio totius tractatus resolutoria ad Sanctissimum Dominum.</i>                       |

BEATISSIME PATER.

**M**ORBO laborantes, & malis oppressos, medicaminis indigentia, & remedij necessitas, mortales semper fecit importunos. Quorum apud omnes eo excusabilior iudicatur instantia, quo longius protrahitur infirmitas, grauius imminet damnum, certius instat periculum, & morbi intolerabilior censetur peruicacia. Clamant, rogant, instant, urgent, voces dare non cessant, quoadusque ab eo, penes quem desiderata latent remedia, pro malorum qualitate benignè exaudiantur, & solamine misericorditer subleuentur. Efflagitatum tandem mouet pietas, imploratum tum demum allicit misericordia, sæpius rogatum rogantis flectit miseria. Mulierculæ Cananæ importuna petitio Christi Redemptoris animum inclinauit, à quo non solum postulata recepit, sed etiam laudibus, & encomijs illis Euan-

*Necessitas  
importuna.*

*Importuni  
tandem ex  
audiantur.*

Matt. 15.  
n. 28.

Hieron.  
epist. 58.  
ad Da-  
masum.

Hispania  
calamitas.

Oratori  
in oratione  
munus.

Eius consi-  
derantia.

Cyribus  
Alexandr.  
Epistola ad  
Caelest. Pa-  
pam ex  
Concil.  
Ephesino.

Confiden-  
tiam au-  
get accepta  
beneficia.

gelicis meruit honorari, *O mulier magna est fides tua.* De qua in mate-  
ria non dissimili ita praefatus est D. Hieronymus ad Damasum. *Im-  
portuna in Evangelio mulier, tandem meruit audiri.* Et addit; *Clauso cum ser-  
uis ostio, media lucet nocte, ab amico panes amicus accepit. Deus ipse, qui nullis  
contra se viribus superari potest, publicani precibus vincitur importunis.*

2 Quanto scandalorum morbo vltior labore Helperia, quan-  
tis opprimatur discordiarum damnis Hispania, circa antiquam, &  
iam satis discussam de Mariae Virginis Conceptione quaestionem,  
sacro Tuæ Beatitudinis solio non semel fuit patefactum, & à te  
multoties rogatum, vt vnicum, & efficax diffinitionis applicaretur  
remedium. Quædam pro tua, cælo digna, prudentiâ adhibuisti,  
quibus tantis obuiaretur incommodis, quæ propter tabidum vul-  
neris virus, recrescentis morbi malitiam, languentem animorum  
dispositionem expectato fraudantur effectu. Adhuc malis tabesci-  
mus, in dies crescit infirmitas, latè per orbem se quotidie diffundit,  
& in totius grassatur Hispaniæ detrimentum.

3 Huius Tuam beatitudinem admonere iubeor, has ad Te defer-  
re calamitates, malorum causas detegere, præsentia nunciare, futu-  
ros exitus (nedicam exitia) ob oculos ponere, & tuam orare Cle-  
mentiam, vt certo, & vnico, quod in tuo pectore situm est, reme-  
dio, sæculi turbines, & Regnorum procellas velis præuenire. Quod  
si non statim, vt primum Oratoris munus exercui, latus obtinue-  
rim, de felici non despero successu nec de tua iustissima, & fauora-  
bili diffido sententia. Capacissimo tuo iudicio, maturo consilio, &  
sagacissimæ circumspectioni referendum iudico Te renuissè statim  
infallibili, & irrefragabili tuo oraculo dubium hoc aperire, & con-  
trouerfiam componere, *non ignorans* cum Alexandrino illo Antistite  
*præcipitem celeritatem in rebus grauioribus cum vitio plerumque coniunctam  
esse solere.* Tamen pro rei necessitate, & temporum, ac Regnorû cala-  
mitate, adq; paterna tua erga omnes beneuolentia & charitate, non  
dubito quin cito viam, per quam æquè omnibus incedendum sit,  
Tu verus Ecclesiæ Mercurius, nobis iam tandem digneris aperire.

4 Si propria ego agerem negotia (Beatissime Pater) adhuc me  
securum redderet tua erga me benignitas, & toties tua mihi explo-  
rata humanitas. Certum etenim de tuo patrocinio, & beneficia  
reddūt accepta, & securum de fauore constituit satis comperta Cle-  
mentia. Sed nunc securiorem, & magis intrepidum animum in-  
dui cum propriarum rerum mihi cura non sit, sed totius pæne orbis  
Christiani

Christiani desiderium expandam, & vniuersæ pœne Ecclesiæ tibi eiusdem Pastori, & Patri preces offeram, & vota demonstram. Quæ quanto maioris iudicantur emolumenti, tanto supremo tuo sunt digna senatu, & quo grauiora & periculosiora, tanto opportu-  
niori, obueniendum, consilio.

5 Hoc instantissimè per me pro vniuersis Hispaniarum plagis, & Regi Pe-  
gnorant  
petitio. conditionibus non alius quam obsequentissimus Tuæ Beatitudinis fili-  
lius & verè Catholicus Rex efflagitat Philippus; hoc idem exposcu-  
lant omnia Hispaniæ pijsima Regna; hoc expetunt Ecclesiæ; hoc  
illarum Prelati prudentissimi; Archiepiscopi, & Episcopi; hoc  
omnes doctissimæ Academiæ, grauissimi religionum Proceres ac  
Pastores generales, & Prouinciales; hoc cuncti etiam desiderant  
Principes, & Duces, quibus non leue inest desiderium propter Dei  
matris honorem, nec inanis cupiditas propter instantem Ecclesia-  
rum necessitatem, vt iam tandem huic materiæ vltima apponatur  
manus, & tam ingratae controuersiæ finalis addatur decisio.

6 Tantorum precibus annuere & votis subscribere, vt benignè, & Digna est,  
que cano-  
nizetur. opportunè Tua dignetur Sanctitas, nec leue adest fundamentum,  
nec modicæ suppetunt rationes. Non etenim potentissimi Regis,  
& tantorum ex præcipuis Ecclesiæ natis, qui eandem armis prote-  
gunt, & subsidio defendunt, despicienda est deprecatio, aut reiicien-  
da petitio, sed laudanda continua deuotio, vltioribus fouenda  
fauoribus precamina, & desiderato claudenda successu. *Dignum et-  
enim est* (vt de altero Hispaniæ Rege dixerunt Patres Concilij V. I. Cocil.  
Tolet. 6.  
act. i. s. ad  
ann. 676.  
sub Cin-  
thilano  
Rege. Toletani) *vt cuius regimine habemus securitatem, eius posteritati tuo Decre-  
to velis impartiri quietem. Tanta sunt huius nostri Principis erga nos benefi-  
cia, vt longum sit ea promerere lingua. Ipse enim (authore Deo) nobis pacem,  
ipse quasi captiuam reduxit charitatem, ipsius ope quieti, ipsius sumus largitione  
ditati.* Quæ certe verba Regi Philippo adaptari optimè possunt, &  
suo nomine, & eisdem de causis, Regnorum Hispaniæ licet à te po-  
stulare quietem. Philippus etenim hic (vt de eius patre Sixtus præ-  
dicauerat V.) *curam, cogitationemque omnem habet locatam, & fixam in* Anton.  
Buaapa-  
dul. pro  
Santo V.  
in cano-  
nizati. B.  
Dadaci. *Catholica religione tuenda, & propaganda, qui, & semper antea, & hoc maxime  
tempore, summis opibus contendit, vt delet à hæreticorum perfidia fides catholi-  
ca in veterem dignitatem, atque amplitudinem vindicetur, cuius omnia tum  
belli, tum pacis studia ad Dei gloriam referuntur, in eaque consumuntur.* Ita vt  
ego æquiùs, & iustiùs eum appellarim *Fidei custodem*, quam magnus  
Leo Martianum vocarit Imperatorem. Hic, hic ille est qui Te  
humili-

humiliter rogat, suppliciter deprecatur, non auri talenta multa, non militum turmas copiosas, non loca, non castra; sed quod tui; & illius interest, Ecclesiæ & Regni tranquillitatem. Hic non regni terminos, sed sacra deuotionis mysteria dilatare contendit; non imperia stabilire, sed Ecclesiasticas lites sedare laborat; non se ab hostium iaculis protegi, sed subditos à scandalorum periculis liberari desiderat. Vider suorum ruinas populorum; audit tantarum dissidia Ciuitatum; quotidie ad illum oppidorum, & locorum deferuntur querelæ; timet intestina ciuium bella; cauet spirituales hominum lapsus; obuiare Ecclesiasticis cupit discordijs; Ecclesiæ summam anhelat vndequaquæ concordiam. *Quantum Dominus Ecclesiæ*

Leo epi-  
stola 7. ad  
Theod.  
August.

*sue* (vt de Theodosio Augusto Leo aduertit) *in fide huius Principis præparauit, his etiam litteris, quas ad Tuam Beatitudinem misit, euidenter ostenditur, ut illi non solum Regium, sed etiam Sacerdotalem animum inesse, tibi gaudendum sit, siquidem præter Regias, & publicas curas, piissimam sollicitudinem Christianæ religionis habet, ne scilicet in populo Dei, aut schismata, aut hæreses, aut ulla scandala conualescant.* Gratulandum certe Ecclesiæ, quod quæ ad Ecclesiastica pertinent, ita pie & amanter Rex curet Catholicus, vt in his tractandis, defendendis ac promouendis, animum non Regium, sed Sacerdotalem præferat, non Laicum, sed Ecclesiasticum induat, non Sæcularem, sed spirituales ostentet affectum.

Fonitices  
laudantur  
in Monar-  
chiæ religio-  
ni affectu.

Concil.  
Constanti-  
nop. in  
epist. ad  
Theod.  
tom. 1.  
Concil.  
edit. Ve-  
net.  
Theod.  
& Valer.  
epi. 1. ad  
Cyril. in  
Concil.  
Ephesi-  
no p. 1.  
Cyril. lib.  
apolo. ad  
Theod.  
p. 3.

7 Tuæ Beatitudinis prædecessores, æternâ digni memoriâ, in suis coæuis Imperatoribus, & sui sæculi Regibus, nunquam satis pro voto huiusmodi laudabant in fidei mysterijs sollicitudinem. Magnum Constantinum sæpius in his laudauit Syluester, & Patres Concilij Niceni. Constantinopolitanæ Synodi Episcopi & Præsules in suis ad Theodosium Seniore litteris, se Deo gratias egisse tancantur, quod illius pietatis imperium constituerit ad communem pacem Ecclesiarum. Quam ita se zelasse scripserunt Theodosius, & Valentinianus, vt dixerint Cyrillo Concilij Ephesini præsidenti, *sue illi qui uicti discedent, veniam impetraturi sint à Patribus, sue non; nos sane Ciuitates simul, & Ecclesias conturbari nequaquam sinemus.* Quod summè in istis laudauit Concilium, & sanctum propositum summopere his verbis extulit Cyrillus. *Illius Regni quoddam simulacrum, & hominibus exemplum propositum vos estis, & quidem soli in omnes imperium sortiti, ut timore ac mansuetudine subditos vestros conseruetis, & veluti illiusrem quandam pacatamque serenitatem per orbem diffundatis.*

Præcla-

Præclara illa fœmina Pulcheria Augusta vehementer desiderabat sedare tumultus, & discordias, quæ in Ecclesia exortæ sunt circa credendum vel tenendum, an Virgo Maria dicenda esset Θεοτόκος, seu mater Dei, de quo primus dubitauit, vel saltem negatiuam partem publicè prædicauit Anastasius presbyter, Nestorij tenacissimus Comes, & contra quem definitum est in Concilio Ephesino, quod sollicita curâ & deuotione eiusdem Pulcheriæ, & Eudoxiæ sub Cœlestino Papa congregatum est. Quia verò Eutyches, & eius sequaces Nestorianam charybdim vitare cupientes, inciderunt in aduersam Scyllæ voraginem, asserentes vnam solam & personam & naturam, vere in Christo fuisse & humanitatis veritatem non induisse sed figuram, & consequenter nec propriè Mariam Christi matrem dicendam, nec proinde huiusmodi honorem ipsi tribuendum esse docuisse videbantur; vt constitit ex Eutychetis libello recitato in 4. Synodo Generali verbis illis sublatis ex Symbolo, *qui conceptus est de Spiritu sancto, natus ex Maria Virgine*: Concilium Chalcedonense, rogante Leone Pontifice, cogi curauerunt Imperatores Martianus, & Pulcheria, cuius quieti, & pacifico processui consilarem Bythinæ Strategum præfecerunt, ad quem litteras misit Pulcheria honorem Virginis Mariæ, & Ecclesiarum pacem vehementer exoptans, quibus initium est. *Intentio nostra tranquillitatis est, ante ciuiles causas, sanctas Christi Ecclesias, eisque dicatos in pace consistere, & orthodoxam fidem, quam continere iudicamus nostrum Imperium, imperturbatam ac immotam ob omni hominum genere custodiri. Vnde dudum praua quadam emergente discordia, multam curam habuimus vt undique multorum sancto- rum Episcoporum conuentus simul congregaretur in Nicea, quatenus vniuersorum concordia omnis turbatio de medio tolleretur, & in futuro firma, & immobilis fides venerabilis prævaleret.* O egregiam fœminæ in fœminarum præcipuam, & Reginam, deuotionem! ô Mariæ honoris zelum, omnibus celebrandum! ô pacis, & pietatis studium! Quid si hoc nostro æuo vixisset, & Mariæ puritatem in dubium reuocari vidisset, procellosasque tempestates, & scandalosas Ecclesiarum discordias conspexisset? non minorem certè in his zelum ac animum, quam in illo Concilio ostendisset. Quas verò laudes Synodus illa de ea prædicauerit longum esset recensere. Plures sunt ad eam, & Imperatores ac Imperatrices, Pulcheriæ virum, natos ac filias eiusdem Concilij litteræ, in quarum vnâ ad Valentinianum ac Martianum Imperatores, ita Patres loquuntur: *Magne agritudines & medicamine*

Pulch. rie  
d. hunc  
Martianus  
et illa.

Pulche-  
ria Aug.  
in epist.  
adstrate-  
gum cō-  
tuleram,  
que est  
12. in 2. p.  
Concilij  
Ephesi.

Leu. in  
Concilio  
Chalcedon.

Concil.  
Chalced.  
ad Valer.  
& Mart.  
act 3.

*dicamine sorti, & medico indigent sapienti. Propter hoc igitur omnium Dominus passionibus orbis terræ sicut medicum optimum vestram superinstituit pietatem, ut has congruentibus sanetis medicamentis. Vos vero Christianissimi diuinum suscipientes Decretum, præ alijs omnibus competentem diligentiam adhibuistis Ecclesijs, Pontificibus, concordie medicinam machinantes.*

Theodosius  
laudatus à  
Leon.  
Leo 1.  
epist. 12.  
quæ cit  
ad Theo-  
dium.  
Idem ep.  
17. ad  
cunctem.

Quid ad Theodosium Augustum scripserit Leo huius nominis primus sacræ huius Urbis Antistes, dignum est, quod referatur: *Quantum (inquit) rebus humanis consulere providentia diuina dignetur, solitudo Clementiæ vestra spiritu Dei incitata demonstrat, quæ in Catholica Ecclesia nihil impacatum, nihil vult esse diuersum, quoniam fides, quæ non nisi vna est, in nullo potest sui esse dissimilis. Et in epist. 17. ad eundem: Multum (ait) vniuersali Ecclesiæ gaudendum est, quod Clementiæ vestra Christianam fidem in nullo dissimilem, in nullo vult esse discordem. Quoties de hoc prædictum laudauit Theodosium? quoties præconijs Leonem, & Martianum Imperatores euexit? quoties Pulcheriæ Augustæ per epistolas gratias egit, ob indefessum illorum circa res fidei definiendas studium, ob instantias non tepidas de cogendis Concilijs, ob instantem sollicitudinem, qua Pontificem, rogabant ut per eius definitiuam sententiam ab hominum cordibus tollerentur errores, à populis remouerentur scandala, inter Christianos componerentur lites, & omnino euellerentur semina discordiæ?*

Celebratur  
à Concilio  
Imperatorum  
pactum.

Concil.  
Chalced.  
in hinc.

Ipsum verò Concilium Chalcedonense statim ac res fidei ad Imperatorum vota stabilitæ sunt, ita semel, bis ac iterum in laudem Theodosij ac Pulcheriæ vnanimiter conclamauit. *Vos estis pax orbis: Theodosi, Orthodoxam fidem tu roborasti, sicut Apostoli, ita creditis. Auguste, Multos annos, Vos lumina orthodoxa fidei, propter Vos ubique pax est, lumina pacis, Domine tu custodi, &c. propter Vos pacificatur orbis terrarum, hæc fides digna vestro imperio, per Vos orthodoxa fides firmata est, &c. Vbi plura addunt in tantorum laudem Imperatorum.*

Iustinia.  
in rebus  
fidei stu-  
dium.

Iustinia.  
in litteris  
ad Syno-  
d. Gener.

Idem in  
sua con-  
fessione  
in illo  
Concil.

Quale vero fuerit Iustiniani Imperatoris circa Ecclesiarum pacem, & Christianorum concordiam indefessum studium, ex ipsius verbis ad Concilium 5<sup>m</sup>. Generale, & Constantinopolitanum 2<sup>m</sup>. aperte patet, ita enim scribit; *Studium nostrum fuit, & est sanctam Dei & Apostolicam Ecclesiam à turbis securam custodire. Et in eodẽ ipso Concilio ita coram omnibus affatus est; Scientes quod nihil aliud sic potest misericordem Deum placare, quam ut omnes Christiani unum idemque sapiant in re, & immaculata fide, nec sint dissensiones in sancta Dei Ecclesia, necessarium putauimus, omnem occasionem interimere eis, qui scandalizantur, vel*  
*quisquam*

qui scandalizant. Quas verò gratias Synodus retulerit, & quomodo eius corresponderit votis, satis in ipso patet Concilio. Suum etiam desiderium explicauit Constantinus Pogonatus in sexta Synodo Generali, actione decima octaua, quod nullum aliud esse affirmauit, quàm *sanctam Dei Ecclesiam in pacis ordine perseuerare pro temporibus sui Imperij*. A qua gratanter, & statim meruit exaudiri.

Propositum Constantini Pogon. in 6. Synodo generali act. 18.

Aliorum Imperatorum, Regum, & Principum pacis studium alij laudant Pontifices, & Concilia: Sed & plerisque Hispaniæ Reges, Cinthilenum, Leouigildum, Sisenandrum, Recaredum, Recensuirtum, Asiamirum, Eruigium præconijs non contemnendis affecerunt ob inauditam in suis regiminibus vigilantiam, & solertiam qua fidei scrutabantur, interrogabant, & definiri quotidie deprecabantur mysteria. Nullum pæne est, ex tot Hispanis, quæ quidem multa fuerunt, Concilium, quod vel illorum instantiâ, vel prece, aut curâ congregatum non fuerit, rarumque dicitur, & videbitur, in quo hæc illorum sollicitudo non laudetur, sed & sanctissimis illorum votis in his, quæ proponebant, non subscribatur.

Multis Hispania Reges laudati a Pontificibus.

8 Nihil minùs laudandus Catholicus & Pientissimus Rex Philippus, dum doctrinam, quam ab Ecclesiæ vberibus fideles suxerunt, vt irrefragabilem sortiatur authoritatem, cui nemo contradicere valeat, à folio tuo (à quo omnis credendarum rerum stabilitas) petit ac humiliter flagitat cœlesti reualidandam oraculo. Eo autem obnixius orat, quo certius scit quòd per huiusmodi definitionem, Christianis Principibus, & vniuerso fidelium cœtui plura obsecrandi pro Dei honore, & animarum profectu confidentiam Tua Beatitudo ingeret; hæreticis, fidei nostræ aduersarijs peruicacia obturabit ora, quibus reuelationes, huiusmodi veritatem attestantes, ab Ecclesia approbatas, dilacerant (quippe in ipsa eadem Ecclesia vident esse, qui sanctas, & pias pro falsis, & mendacibus reproben) quibus etiam Feltorum derident institutionem, dum vident à quibusdam ipsius Ecclesiæ natis, hanc Conceptionis non admitti; aut saltem in Romanæ Ecclesiæ sensu non celebrari. Quod certè grauiter ferendum est, & lacrymis potius quam admiratione obseruandum, tantam in retam recepta, celebrata, & approbata ab Ecclesia, durare, & perpetuari discordiam.

eadem assensu etiam emoluerunt.



Constant.  
indignè tuis  
differentiā  
celebrandi  
Paschatis.

Constant.  
in episto-  
la ad Ec-  
clesias in  
Concil.  
Nico-  
Tom. I.  
edit.  
Venet.

9 Ante Concilium generale Nicenum festum Paschatis, & Resurrectionis Dominicæ vniuersaliter celebrabatur in Ecclesia, diuersis tamen ritibus, non eodem modo, non eodem die: à quibusdam enim die Dominico, ab alijs sabbatho; illis festiuè, his mœstè, & luctuosè eandem solemnitatem colentibus; quorum dissensionem in festo celebrando, ac discordiam in die obseruando, grauiter ( vt æquum erat ) ferens Constantinus Magnus, ad omnes Ecclesias litteras misit, in quibus ad vniuersalem cultum eiusdem festi eos persuasit. Ipsa eius verba, licèt largiora, quia ad hanc nostræ Festiuitatis dissonantiam optimè accommodari possunt, placuit distinctè referre. *Cum ex florenti, & prospero (inquit) rei publicæ statu, quanta sit diuinæ virtutis erga nos benignitas, compertum haberem, istud omnium maximè mihi propositum putauim, vt in sanctissima Ecclesia multitudine vna fides, sincera charitas, & consentiens erga Deum omnipotentem religionis cultus seruaretur. Et paulò inferius: Quid præstabilius? quidue augustius esse poterit, quàm vt hoc festum, per quod spem immortalitatis habemus, vno modo, & ratione apud omnes continenter obseruaretur? Porro illud etiam faciliè intelligi potest, maximum nefas esse, vt in tanto, & tam solemnī religionis nostræ die regnet dissensio. Vnum enim libertatis nostræ diem sanctissimæ Passionis Saluator noster nobis tradidit, vnamque suam Ecclesiam Catholicam esse voluit, cuius quidem membra, tametsi in multa, & varia loca dispersa sint, tamen vno spiritu, hoc est, diuina voluntate, & nutu coalescunt. Quapropter illud rectius instituendum est, & ad vnā formam ac modum redigendum; hoc enim, sicut omnes satis animaduertere existimo, diuina providentia vult. Et infra: Modus ille eximius decorusque seruandus est, quem omnes Ecclesie totius Orbis partes, vel versus Occidentem, vel versus Meridiem, vel versus Septentrionem incoleantes seruant, ac nonnullæ etiam, quæ in locis ad Orientem spectantibus, habitant. Idcirco omnes in presentia hoc rectè se habere arbitrati sunt, ipseque etiam in me recepi vestram sapientiam facile assensuram, vt quod in Vrbe Romæ, in Italia, in tota Africa, in Egypto, in Hispania, Gallia, & Britannia, in Libia, & in vniuersa Grecia, & Diocesi Asiatica & Pontica in Cilicia denique, vnâ, & consentiente sententiâ conseruatur, hoc à vobis quoque lubentibus animis approbaretur, illud sedulo reputantibus, non solum in locis, quos modo citavi maiorem Ecclesiarum numerum existere, sed etiam sanctissimum institutum esse vt omnes communi consilio id ratum cupiant, quod accurata & reſtatio postulare videtur. Et inferius: Nec enim in re tam sancta ac solemnī, vlla dissensio debet existere, imò vero hanc sequi sententiam, cui nullus à fide alienus error,*



error, nullum vitium admixtum sit, & multo maximam habeat commendatio-  
nem. Hæc Constantinus.

Qui adeo molestè ferebat, quod in modo celebrandi Pascha-  
tis vlla esset inter Ecclesias aut Ecclesiasticos dissensio, quid fa-  
cturum censemus, si in ipsa substantia eiusdem festi discrepent? Qui conformitatem in festi ritibus, & tempore exigebat, dispa-  
ritatem in ipso solemnitate mysterio pateretur? Qui in eodem  
die, eodemque modo Pascha resurrectionis voluit celebrari, nun-  
quid dormitionem aut incinerationem pro resurrectione per-  
mitteret prædicari? Pro intemerata Conceptione Deiparæ Vir-  
ginis immaculatæ, à tot tantisque Prouincijs in Catholicis ac  
Christianis Ecclesijs recepta, imò in Romanâ, instituta, & cele-  
brata, nunquid Virginis fœdatæ, & maculatæ sanctificationem  
ab aliquibus & paucis venerari ferendum aut aliquantulum dis-  
simulandum iudicaret? Te ipsum Beatissime Pater iudicium su-  
preum, & iudicantium normam, huius rei iudicem humillimè  
appello, huius litis conciliatorem deuotius imploro. Tux  
sapientiæ relinquens modo considerandas pientissimi Imperato-  
ris rationis, quæ optimè pro hac nostra possent virgeri Con-  
trouersia.

10 Hanc itaque (Sanctissime Pater) in festo hoc celebrando dis-  
cordiam, Oraculo tuo tolles; Sanctorum Patrum consules Doctri-  
næ, & authoritati, quæ multa est, & magna pro Virginis origina-  
li indemnitate, pro condemnatione, exigua, imò nulla, dum in-  
trepidè ausim dicere ex antiquis, & approbatis Patribus (ex-  
ceptis aliquibus Scholasticis) ferè nullum esse, qui asseueran-  
ter aut tenaciter tenuerit, Virginem in originali labe fuisse con-  
ceptam.

11 Fouebis Christianæ Ecclesiæ in Dei matrem deuotionem,  
quæ tanta est, vt si quod petit, à te sponso suo minime obtinuerit,  
non exigui erit causa doloris, non parua origo trilitiæ, & magnæ  
de quotidiano solamine occasio diffidentiae. Hispaniæ sedabis  
lites, tolles zizania religionum, populi discordias, quid creden-  
dum sit in tanto dubio, certo tuo oraculo propones. Dignum certè est  
(vt magni Basilij verbis vtar) illâ excellentissimâ voce tuâ, qua te Christus  
Beatum predicauit, quod pietati tue à Domino donatū est, vt quod adulterinum  
est, à legitimo & puro discernas, ac fidem Patrum sine vlla subtractione confirmes.  
Dignumq; est tua benignitate, vt petitionem hanc benignè audias,

H ij

de Rei.

Non facile  
ferendum  
dissensio-  
nem festi  
Concep-  
tionis.

Præserui-  
tionem Vir-  
ginis confor-  
mitatem esse  
Sanctorum  
Doctrinam.

Præside-  
ntium trau-  
sa instan-  
tia peti-  
tione.

Basilij  
in episto-  
la data  
Diacono.

Theod.  
Epist. ad  
Leonem  
Pontif.

de Reipublicæ pace sollicitos amplexeris, & tantorum digneris precibus acquiescere. Nec est cur ob sollicitam repellamur instantiam, graue enim præuenimus periculum, & plurimis obuiamus incommodis. Si Paulus præco veritatis ( vt ponderauit Theodoretus ) & Spiritus Sancti tuba ad magnum Petrum accurrit, vt ijs qui Antiochie de insititis legalibus contendebant, definitionem, & explicationem ferret, multo magis nos, qui pusilli sumus, & viles ad solum vestrum Apostolicum accurremus, vt à vobis medicinam ulceribus Ecclesiarum accipiamus.

## Peroratio ad S<sup>m</sup>. Dominum.

12 **V**lcera nostra nos sæpius & satis aperte detegimus, necessitatem pandimus, pericula declaramus, Tu ( Pater Sanctissime ) vulneribus obuiantia adhibe medicamenta, necessitati præbe remedium, periculis appone securitatem. Exemplo Christi Domini, non mulierculæ Cananæ, sed potentissimi Monarchæ lauda fidem, æstimandam honora deuotionem. Non solum amici Regis, sed amantissimi filij tui, precibus flectere. Amici fideles auscultant te, fac illos audire vocem tuam. Instanter clamant mediâ noctis obscuritate, & confusâ doctrinarum caligine à te illuminari petunt. Illorum audi preces, vota suscipe fluctuantium, esurientes paruuli panem petunt, panem ( inquam ) vitæ, & intellectus in locis obscurissimis sacræ Scripturæ latitantem. Tu ( Beatissime Pater ) sensum exprime, legem expone, & pane solido infallibilis, & irrefragabilis doctrinæ, & deuotionis illorum pasce esuriem, fluctuantem corrobora deuotionem, sinceram firma fidem. Si Deus vnus se superari precibus permittit, tua Clementia instanti, & deuotâ tantorum se vinci sinat oratione. Quod tot, tantique Reges, Imperatores, Imperatricesque à Summis Pontificibus & Orthodoxis impetrarunt concilijs, à te obtineat potentissimus Hispaniarum Monarcha. Nec plura, nec maiora illi, quam iste ab Ecclesia meruit accipere beneficia. Quos illis exhibuit amplissimos, iustis non fraudetur iste fauoribus, præsertim in Ecclesiæ fidem, & pacis augmentum. Tolle diuersos Festorum modos, idem celebrent vniuersi, vnus vnus, idemque sit sensus solemnitatis. Iube vt omnes idem credamus, idem

idem confiteamur, vt sub te vno Pastore pacifico, oues pacificè pacis pascantur pascuis, & sub vero ac sano capite membra inter se nullam iam sentiant discordiam. Vt ita iubere velis (Pater verè Sancte) Beatitudinem Tuam obtestor eisdem verbis quibus Hieronymus Damasum in simili materia deprecatus est. *Per crucem Domini, per necessarium fidei nostræ Decus, per passionem Christi, vt qui Apostolos honore sequeris, sequaris & merito: ita in solio cum duodecim iudicaturus sed eas, ita municipatum cæli cum Paulo consequaris, vt nobis litteris, & oraculo tuo quid tenendum certò, quid amplexandum determinatum sit, declares. Noli despicere animas, pro quibus Christus mortuus est. Considera multarum iacturam, Ecclesiæ discordiam, dissidia Ciuitatum, & magnorum imminetia pericula Regnorum, quibus tu solus obuiare potes, & vales.*

Hieron.  
epist. 8.  
ad Da-  
mas. in  
fine.

*Orationis secundæ finis.*

## Continuatio Historiæ.

**A**D vtramque hanc Orationem, siue Tractatulum, Sux Sanctitati oblatum, dum fermè idem respondit, se tunc non posse Controuersiam definire, nec longiori, quam res hæc expetebat, discussione omnino intendere propter procellosas, & grauissimas illius temporis calamitates, & Ecclesiæ non modicam sollicitudinem ob Imperatoris Matthiæ ex hac vita decessum, & hæreticorum conamen de quopiam sibi propitio creando successore, Illustrissimus Orator meliorè sortem, & potiorè temporis conditionem sibi expectandam iudicauit, spem tamen omnem non exuendam, sed expectandum à Rege responsum illarum litterarum, per quas sub mense Decembri, vt in prima huius Historiæ Sectione dixi, ei patefecit, quam difficile Pontifex definitoni assentiretur. Has itaque, per menses Martij Cursores accepit, & tres Conciones authenticas, quas apud me habeo, habitas Matrili Vallisoleti, & apud Ciuitatenfes, in quibus post Decretum, suam inculcarunt opinionem aduersarij. Litterarum hoc est exemplar.

*Reuerendo in Christo Patri Episcopo Carthagenensi mihi à Consilijs,  
& meo extraordinario Romæ Legato.*

REX,

**R**euere in Christo Pater, Episcopo Carthagenensis, mihi à Consilijs & mi Legate. Tuas recepi literas, 23. Decembris datas, ex quibus licet intellexerim Sanctissimū Dominum cum primum apud eum pro me functus es Legatione pro definiendo mysterio Conceptionis, annuere noluisse, non obinde tibi desistendum erit, sed vrgentia applicanda media, & efficacia obeunda officia. Conaberis suam Sanctitatem conuincere, vel commouere opinione, & subscriptione tot, tamque Illustrium Prælatorum, Religionum, & Academiarum, quæ in hac vna sententia conueniunt, vniuersali etiam populi acclamatione, & graui necessitate de amputandis scandalis, quæ quotidie exoriuntur. Nec enim per vltimum suæ Beatitudinis Decretum extincta sunt, vel sopita, vt per hos sermones, quos in hoc fasciculo ad te do, qui publicè habiti sunt post Decretum, constabit. Hos ostendes Sux Beatitudini, vt persuadeatur, nullum aliud efficax præter definitionem extare remedium. Ita enim mihi confidenter promitto meis votis Sanctissimum Dominum assensurum, & medijs tuis diligentijs facinus hoc absoluedum. Quidquid ex ijs quæ peregeris, euenerit, scribe, quod pro grato mihi præstito obsequio reputabo. Madriti 10. Februarij, 1619.

EGO REX.

*Ex praecepto Domini nostri Regis,*

GEORGIUS DE TOVAR

*Secretarius.*

Has vt accepit litteras, & sermones maiorem sibi addidit animum Orator, continuum & feruidum, videns in Epistola, Regis affectum erga hoc mysterium; nec rei difficultate, aut Pontificis renitentia desiderium exuisse definitionis. Nec ego, inquit, depenam solitudinem,

*Ouid. 9.  
Met.*

— *Nec tedia capti*

*Vlla mei capiam.* —

nec laborem vllum subterfugiam; quodque difficilior hæc res apparet, eo virilius mihi agendum, & impensius instandum. *Turpe est*  
*eternum*

*etenim cedere oneri, & luctari cum officio, quod semel recepi. Nec est vir fortis, ac strenuus, qui laborem fugit, nec crescat illi animus ipsa rerum difficultate.* Et si semel ac iterum aliqualem repulsam passus sim, iterum tamen instabo; iterum petam, fortassis exaudiar; denuo pulsabo, forsitan aperietur, quod volo, mysterium.

Hac animi constantia S<sup>m</sup>. D<sup>m</sup>. adiuit, cui & sermones tradidit Hispanos, & conclusiones Belgicas, vel theses ostendit, publicè propugnatas in Academia Duacena, ex eadem ad se transmissas, & librum cuiusdam Syluij, Duaceni etiam Doctòris in 3. par. D. Tho. sub illo tempore, & post emissum Decretum, in lucem datum, in quibus facta Decreti mentione affirmatiuam tuebantur partem. Per hæc probatum voluit, adhuc vigere in multis Regionibus scandala (nec enim pauca, aut exigua scandala ex illis sermonibus in Hispania) & multimodo contemni, & præteriri Decretum; nec omninò efficax esse remedium ad sedanda tot, tantaque quæ quotidie hinc inde pullulabant disidia. His satisfecit Sanctissimus Pontifex dicendo per ignauiam & socordiam ministrorum, & iudicum Ecclesiasticorum, temerarios hos ausus seminato, vel exortos in populis; si etenim secundum quod statutum, & decretum fuerat, pœnas exercerent & minas adderent, in Apostolici mandati præuaricatores, & Decreti transgressores, nec hæc mala in illis Regionibus oriunda, nec mandatum ad scandalorum radices penitus euellendas, inefficax iudicandum. Se autem curaturum spopondit, vt abusus illi, & ausus immodici punirentur, & Legatis suis in vtraque Regione scriberetur, vt de supradictis inquirerent, & in publicos hos Decreti contemptores seuerè animaduernerent. Quod & factum est; nam Prædicatores Hispani asperum subierunt postea iudicium sub nouo Legato, & Caietani supranominati successore, cuius in eos graues latas sententias vidi in Vrbe. Quid circa illos Belgas actum sit, ferè ignoro, vel exactè dicere nequeo, solum noui per illud tempus, Syluij librum delituisse in Urbis officinis, nec profutuisse, aut venalem alicui patuisse.

Præter hæc, plura protracto colloquio Sanctissimo Domino expandit Orator, eique eandem subiungens petitionem circa huius mysterij definitionem, plura adnotauit iterum, & perstrinxit commoda, si adhiberetur, & incommoda si negaretur, ac oblato hoc largiori tractatu, cum ad profundiorum, & exactiorum huius rei considerationem prouocauit.

## ORATIO TERTIA

AD S.<sup>M</sup> D.<sup>N</sup>M

PAVLVM PAPAM V.

## TRACTATVS IIII.

Exacta consideratio Controuersia de Virginis Conceptione proponitur.

1. Ostenditur considerationem plurimum valere, & necessariam esse ad res, de quibus agitur, perficiendas.
2. Controuersiam hanc de Conceptione rem esse grauissimam, & magnam dignam consideratione.

## BEATISSIME PATER.

Consideratio  
is agenda  
necessaria.

**R**ES magnæ, quantumcumque graues, & magni ponderis, si leuiter perpendantur, facillimè contemnuntur, & si quæ minoris sunt momenti medullitus discussæ, ipsæ ne negligantur impellunt, & vt sollicitius fiant, ei, cui incumbit, inculcant. Quæ leuiter attinguntur nec studiosè enucleantur, quid momenti contineant non exactè percipitur; quid lateat periculi, non bene perspicitur. Vnde nec quæ circa illas cura impendenda, statim aut efficaciter præscribitur. Consideratione ergo in rebus agendis opus est, quæ, quid, qualiterue in vnaquaque faciendum sit, mente, studiosè depingit; *Quid* (inquit Bernardus) *tam ad omnia valens, quam consideratio, quæ ipsius quoque actionis partes, benigna quadam presumptione, suas facit, præagendo quodammodo, & præordinando, quæ agenda sunt? Hæc est quæ confusa determinat, hiantia cogit, sparsa colligit, secreta rimatur, vera vestigat, verisimilia examinat, ficta & fucata explorat. Hæc est quæ agenda præordinat, &c.* Qui ergo mentem non applicuit ad considerandum, aut vix aut tepidè manus mouebit ad opus; *Ille quippe solus rei gerenda est efficax, meditatur omne qui prius negotium.* Pro varietate autem negotiorum, debet esse, & considerationis modus, vt quæ grauiora sunt, grauius pensentur, & accuratiùs examinentur, nam quæ diuersi sunt ponderis, non æquâ libranda sunt trutinâ, aut eâdem iudicanda mensurâ. Magnæ res & magna meditatione, & non contemnendo meditatore indigent.

Bernard.  
lib. 1. de  
consideratione  
c. 7.

Aufoni.  
de Ludo  
Sapient.

Quam

2 Quam iam Tuæ Beatitudinis considerationi obtuli, & denuo refero, de Virginis Conceptione, quæ, quanta, qualisue sit, & Regis Hispaniarum continua instantia, & meæ humilitatis quocidia-  
 na sollicitudo petit aduerti, & quid desuper spiritus infuderit po-  
 pulo proponi. *Magna sane res ista, & egens consideratione non minima.* Bernard.  
*Quod si res magnas à Magnis considerare oportet; cui æque, ut tibi id studij* lib. 2. de  
*competis, qui parem super terram non habes? Sed tu secundum sapientiam, & confide-* rat. c. 1.  
*poteſtatem datam tibi desuper facies de hoc. Non est meæ humilitatis dicere*  
*tibi, sic, vel sic fieri quicquam; sufficit intinasse, oportere aliquid fieri, unde &*  
*Ecclesia conſoletur, & obſtruat os loquentium moleſta. Hoc ſaltem, modo*  
*mihiliceat Tuæ Beatitudini tot, tantisque circumſpectæ negotijs,*  
*pro tui temporis modulo, licet non plenè pro voto, nec ſatis pro rei*  
*dignitate, cuius ſit ponderis aduertere, quod per tria capita breui-*  
*ter expellam.*

## Rei grauitas.

### §. I.

3 Considerandam, & dolendum in  
 dubium verti tantæ Virginis Sanctita-  
 tem, cuius varia ex Sanctis afferuntur  
 encomia.

4 Indecorè, & irreuerenter aduerſa-  
 ri. agere de hac Controverſia.

5 Magnum & licitum honorem  
 modò B. Virgini denegari, pro cuius vel  
 leui quocunque privilegio Patres omnes  
 antiqui tam zeloſè & fortiter dimica-  
 bant.

6 Chriſti honorem cum Matre com-  
 munem indicari.

7 Expenduntur, qui ſe in hac cauſa  
 Virgini opponant.

8 Admirari quosdam, diſſimulari  
 tantum ac tale diſſidium à Summis Pon-  
 tificibus.

9 Quare in principio affirmatiua  
 opinio, tolerata à Pontificibus.

10 Modo iubendum omnino taceri.

11 Suis & Apoſtolicis Decretis con-  
 traire aduerſarios agentes de ſua ſen-  
 tentia.

12 Quam ſperare poſſunt ex ſua te-  
 nacitate victoriam?

3 **P**Ræ omnibus ſerio expendendum, cuius in hac Contro-  
 uerſia res agitur, quid vocetur in diſcrimen, à quibus ad-  
 ducatur in iudicium. Virginis Mariæ, Dei Omnipoten-  
 tis Genitricis cauſa diſcutitur, eius innocentia, eius honor & ſan-  
 ctitas vertitur in dubium, ab ipsis eius natis, ab ipsis Eccleſiæ filijs  
 tanta res agitur. Dolendum certè, imò, & lugendum eoſque  
 proceſſiſſe diſceptationis ſtudium, ut illa vocetur in iudicium, quæ  
 indicandis mortalibus eſt aſſutura patrocini-um, eius diſcutitur  
 Mater, qui diſcuſſurus eſt omnes, & diſcrimen patitur, quæ cun-ctis  
 obrulic

*Dolendum  
 contro-  
 verſia  
 de Maria  
 ſanctitate.*

Elegia

Sanctorum  
de Virgine.Sedul. in  
opere  
Psalch. l. 2  
paululu  
ab initio.Cyrill.  
hom. ha-  
bita Ephe  
syp. act.  
1. concil.  
Ephes.

obtulit remedium. Non est hæc scæmina communis, non de me-  
dia plebecula Mulier, ipsas superiores transgreditur heroínas, nec  
primam similem visa est, nec habere sequentem, imò, & Angelorum quo-  
rumcumque superuolat ordines, superiorem, suum tantum agno-  
scit authorem. Hæc est illa Deipara Maria (vt in alia eiusdem Con-  
trouersia proposuit meditandum Cyrillus) *venerandus totius Orbis*  
*Tthesaurus, lampas inextinguibilis, corona Virginitatis, sceptrum rectæ Doctri-*  
*næ, templum indissolubile, locus eius quilocho capi non potest, Mater, & Virgo,*  
*per quam is benedictus in sanctis Euangelij nominaretur, qui venit in nomine*  
*Domini. Illa est quæ immensum incomprehensumque in sancto Virgineo viro*  
*comprehendit, per quam Sancta Trinitas glorificatur & adoratur, per quam*  
*pretiosa Crux celebratur, & in vniuerso Orbe adoratur, per quam Cælum exul-*  
*tat, per quam Angeli & Archangeli letantur, per quam Demones fugantur, per*  
*quam tentator Diabolus cælo decidit per quã prolapsa creatura in cælum adsumi-*  
*tur, &c.* <sup>a</sup> Hæc illa est humanæ naturæ venusta. <sup>b</sup> Hæc præclarum  
naturæ nostræ ornamentum, gloria luti nostri, quæ Euam pudore,  
Adam comminatione liberavit, audaciam Draconis absci-  
dit. <sup>c</sup> Hæc cæli & terræ inhabitatæ mysterium. <sup>d</sup> Hæc vñitarum in-  
ter se naturarum officina, Hæc salutaris reconciliationis panagi-  
ris. <sup>e</sup> Hæc animarum cælum. <sup>f</sup> Hæc declaratio profundorum Di-  
uinæ incomprehensibilitatis. Hæc scopus qui excogitatus est ante  
secula. Hæc summa diuinorum Oraculorum. <sup>g</sup> Hæc flos Sancti-  
tatis, Vas cælestis gratiæ mundissimum. <sup>h</sup> Hæc vniuersum com-  
plementum totius Trinitatis. <sup>i</sup> Hæc illa de qua qui omnia illustra  
& gloriosa dixerit, nunquam à veritatis scopo aberrabit. <sup>k</sup> Hæc de-  
nique, quæ toties à Concilijs immaculata proclamatur, & in sexta  
Synodo, <sup>l</sup> *puritate fulgens, castitate lustrata, sancta, præclara, quæ Deus*  
*sapiens, & ab omni contagione libera, & corporis, & animæ & intellectus præ-*  
*dicatur, De hac controuertitur in qua nouo, singulari, & excellen-*  
*tiori modo est Christus, quia idem quod ipsa* <sup>m</sup> *idem cum Virgine*  
& ex Virgine. <sup>n</sup> Eadem etenim caro Christi, caro est Mariæ & caro  
Christi, quamuis gloriâ resurrectionis fuerit Magnificata: eadem  
tamen mansit, quæ suscepta est de Maria. <sup>o</sup> Hæc illa de qua nisi  
Magnalia & mirabilia magna fides Catholica, certitudo miranda  
non recipit.

<sup>a</sup> Damaf-  
cen. orat.<sup>i</sup> de Nati-  
uit. Virg.<sup>b</sup> Helych.<sup>c</sup> serm. a. de  
laudibus

Virgins.

<sup>d</sup> Epiph.<sup>e</sup> sermo de  
laudibus

Virgins.

<sup>f</sup> Proclushom. ha-  
bita in

Ecclef.

Mag.

<sup>g</sup> Const.<sup>h</sup> Andr.<sup>i</sup> Hierosol.

in salut.

Angel.

<sup>j</sup> Andr.

Creten.

<sup>k</sup> serm. de  
Assumpt.<sup>l</sup> Bonifa.<sup>m</sup> 9. in Bull.

superni

Benignit.

<sup>n</sup> Helych.<sup>o</sup> hom. 2. de  
B. Virg.<sup>p</sup> Basil.<sup>q</sup> Sculec.<sup>r</sup> Episcop.<sup>s</sup> A. multis Hispan. a. 6. Synod. à Trident. & alijs.<sup>t</sup> Sexta Synod. general. actio 11.<sup>u</sup> Damian sermo  
de Natiuitate Virgins.<sup>v</sup> Proclus citatus.<sup>w</sup> Authoi. serm. de Assumptione apud Augustinum.<sup>x</sup> Icanus  
Rex Aragon. Priuleg. 11.



4 Hæc illa est quæ pro tribunalibus fertur, in omnium ore diuersimodè, & quorundam linguis vsquequaque indecenter agitur, fuit qui dixerit in magno populi concursu, ea quæ grauissimi Magistri, & Doctores cuiusdam Academiæ de eius Conceptione immaculata predicauerant, technas esse, & chymeras. Est, qui irreligiosè, & pro contemptu dicat (quod licèt verum esset, pro insultantis vel exprobrantis modo, aures perterritat) nullam fuisse Virginis Mariæ in sua Conceptione à cæteris Mulieribus differentiam; imò & contumeliosius addidit, non fuisse melioris conditionis sanctissimæ Mariæ, quam spurcissimi Mohometi conceptum. Alia irreligiosa addiderūt alij, quæ religiosum erit tacere, sic ignominiosè tantæ Virgini debitus honor, & licitum beneficium (*huius erga nos beneficiorum non est numerus*) æmulatoria disputatione negatur. Quid tandem denegat adiungo.

*Irreligiosè in hac Conceptione sua agitur.*

German. Constantinop. de zona Virginis.

5 Gratiarum vberissimo fonti, gratia negatur, cœlestium donorum aquæductui, magnum, & singulare donum subtrahitur in eius conceptu, in primo eius vitæ limine sanctitas & innocentia procul ablegatur, & huius loco subintroducitur sœditas, spurcicies, & macula noxæ originalis, quæ in Adamo omnes constituit æquales tributarios. Præclare certè cum tanta agitur Virgine, egregiè illius cauetur honori. Heu quanta priscis temporibus de eius laude sollicitudo? quale defendendæ Virginis studium? quas excitauit Constantinopoli lites, clades, & mortes dum ab Anastasio tenacissimo Nestorij Comite, & postea ab Euthyche de diuina eius dubitatum est Maternitate? quos intulit tumultus? quæ excidia, quot cum diuersis refractarijs congressus quotiescumque aliquantulam illius vel leuiter negarunt excellentiam. Qualia exhibuerunt tot, tantique Ecclesiæ Pontifices, & Doctores suæ deuotionis indicia, dum varijs temporibus controuersum est de eius maternitate, integritate atque innocentia, etiam antequam hæc ab Ecclesia definirentur? Quod portentum illud sæculis inauditum, nullo ante exemplo firmatum, aut Lege ecclesiastica præscriptum, tremendum, admirabile, & omni veneratione dignum Theodori Pontificis factum: Dum Pyrrhus Monothelitarum Sæctator, & præcipuus fautor vnam tantum in Christo admittebat voluntatem per quam hæresim, totam dispensationē Sacramenti incarnationis, & consequenter Mariæ veram maternitatem negabat, & Nestorij verbis & sententijs ardentè adhærebat, vt contra eum deduxit, & efficacissimè intulit

*Quam studiè antiqui Patres cuiuscunque honoris Virgini.*

Theoph.  
ann. 20.  
Hier. l.  
Imperat.  
in Anal.  
Gæor.  
Baron.  
an. 648.  
& in no-  
tis ad vitā  
Theodo-  
ritom. 2.  
conc.  
par. 2.

intulit sanctus & præclarus ille Archymâdrita Maximus in celebri disputatione habita in Africa cum eodem Pyrrho coram Gregorio Patricio, quam videre licet tom. 2. conc. p. 2. post Theodori vitam; & apud Baronium in fine tomi octauī. Dum (refert Theophanes) Pyrrhus post obtentam veniam ob retractatas hereses, iterum tanquam canis ad vomitum ad eandem reuertetetur, idque compererit Theodorus plenitudine conuocatâ Ecclesiæ, ad sepulchrum verticis Apostolorum accessit, & diuino Calice expositulato, ex viuifico sanguine in atramentum stillauit, & ita propria manu depositionem Pyrrhi excommunicati fecit. O reuerendum Pontificis zelum, circa verbi incarnati dispensationem, & Mariæ singularem prærogatiuam. Aequum duxit Matris calumniam, filij sanguine detergendam, nec inhonorem esse putauit, quod circa viuificum fieret calicem, dummodo per facti singularitatem, Mariæ populo testaretur excellentiam.

Christi &  
Mariæ ho-  
ner com-  
munia.  
Ambros.  
lib. 2. in c.  
1. Lucæ  
tom. 3.

Proverb.  
17. nu. 6.  
D. Thom.  
3. p. q. 27.  
art. 4. in  
corpor.

August.  
li. de nar.  
& gratia  
c. 26.  
Fulbert.  
Carnot.  
de nativ.  
Virgin.  
Ita ex-  
presse te-  
nent Me-  
dina de  
penitēt.  
q. 6. & de  
orat. q. 7.  
Rutil. in  
Magnifi-  
cat. Cor-  
dub. li. 1.  
quæst. 44.  
Morales  
lib. 3. in Matth. 1. Tract. 1. n. 56. Suarez. 3. p. q. 27. art. 2. disput. 3. lect. 5. & alij.

6 Perspectum habuit Pontifex filij erga matrem affectum, quem quiduis circa se patrari velle cognouit, dummodo Matris prouideatur iniuriæ. Ideo cum voluisse nasci ait Ambrosius ex Virgine desponsata, ne temerata Virginitatis aduiceretur infamiâ, cui grauis alius corruptela videretur insigne preferre. Maluit enim aliquos de suo ortu, quam do Matris pudore dubitare. Communis est vtriusque causâ; sibi cauet dum Matris repellit ignominiam, sicuti enim gloria Filiorum sunt Patres eorum ipso S. Sancto attestante, ita vicissim (ait D. Thom.) per oppositum ignominia Matris ad Filium redundat, propter quod in B. Virgine peccatum veniale originali leuius, fuisse negauit. Quod & mouit August. cum de peccatis (siue de actualibus solum, siue etiam de originalibus modo non disputo) contra Iulianum ageret, propter honorem (inquit) Domini nullam volo de Maria habere questionem, Filij etenim (cum Fulb.) gloriam non tam communē cum Matre iudicauit, quam eandem: Attamen nec corporis integritas, nec Dei maternitas erat bonum Virgini eligibilis, præseruatione ab originali, nec illud iultē potuit huic præferre, dummodo optio daretur vtriusque. Nec veniale peccatum, quod D. Thom. & August. (quem modo de- mus hoc solum voluisse) propter Filij honorem ab ea excludendum iudicarunt, ita graue Virgini inferret damnum, nec tam turpiter feedaret, sicuti originalis reatus. Nec enim in hac re futilis distin- ctio de magis aut minus voluntario, negotium facessit, dum maior est macula, & infamia in Filij opprobrium, huius, quam illius. Ad

hoc vo-

hoc vocatur Maria in iudicium, vt peccasse cum cæteris dicatur hominibus in sua origine, & actualement peccati maculâ contraxisse. Peccati, rerum omnium turpissimi, accusant, & non peccasse aut non deliquisse, *quod primum felicitatis genus est*, creaturarum fælicissimæ audent denegare.

7 Qui verò Virgini hoc negotium facescunt? Quinam superni iudicis Matrem in iudicium vocant, quam cæteri omnes innocentem prædicant, immaculatam omnino, vndiq; & semper sanctam proclamant? Inter Catholicos soli, & pauci vnus Instituti viri, & vnus vel alter ab illis edoctus, Deiparam Mariam noxæ ream, maculatam, non sanctam in suo Conceptu affirmare non verentur. Ordo sanctissimus peculiari obsequio Virgini addictus, specialibus institutis adstrictus, innumeris ab eadem Virgine acceptis beneficijs deuinctus, cæteris Ordinibus, Magistris, Doctoribus, Academicis, Ecclesijs, & communi populi Christiani deuotioni, & pietati in neganda summa hac excellentia Virginis, in animarum iacturam & populi scandalum hinc quotidie exorientia, semet opponit. Dolendum certe quod *cum in cæteris gloriose* (ait ex ipsis vnus dignitate & litteris clarus, Catharinus) *incedat, hoc vnum retinet, quo plurimi scandalum merito patiuntur, quoniam multi illorum* (non enim omnes) *illam Virginem maculâ aspergunt, quam omnis Ecclesia sponsi vocem audiens, concinit penitus immaculatam.* Rem certe hanc (inquit idem) *minime vltius dissimulandam, & forte diutius, quam præstabat, dissimulatam.*

8 Si res cum Hæreticis esset, qui censoriam Ecclesiæ virgam non timent, qui orthodoxorum Prælatorum obedientiam excusant, qui nihil se rectè sentire putant, dummodo à communi Ecclesiæ sententia non recedunt; nullus esset admirationi locus; dissimulare Pontifices dogmatis discordiam, si in re minus leui, pluribus Doctoribus approbatâ Ecclesiæ, & Pontificibus receptâ, magnæ alicui Ecclesiæ parti familiari; si in doctrina Ecclesiæ grata, populo salutari, affirmantibus, aut docentibus Pontifex conniueret; nulli mirum appareret. At graue, ingratum, & vniuersis exosum, dissimulare dissidium, non præcipere, vt huius fomentum & causam tollant obedientissimi Ecclesiæ filij, qui citiùs dicto pareant, non relegari opinionem, à doctissimis, & sapientissimis Ecclesiæ viris reiectam, populis vndequaue grauem, & molestam; non est qui grauissimè non doleat, & summo opere non admiretur.

I

Quod

D. Cy-  
prius.  
Epist. 3.

Si negas  
immacu-  
latam Virg.  
ab origi-  
ne.

Cathar.  
in exhor-  
tat ad Pa-  
tres Oed.  
Prædica-  
torum.  
Idem in  
Epist. ad  
Patres  
Concil.  
Trident.

Minimè  
sanctis  
dissimulari  
cui aduer-  
sus.

*Quare  
dissimula-  
uerint pri-  
mi Pontifi-  
ces.  
Ioannes  
Maior in  
c. 1. Lucae  
ad illa  
verba,  
Huc gratia  
plena.*

*Canus  
de locis  
lib. 7. c. 1.*

9 Quod si in principio tolerata & Pontificum fauore, omnino necessario, protelata est; ideo factum iudicant doctissimi Viri, & præcipuè Ioannes Maior, *ut pacem inter concionantes alerent, sufficantes illos temporis lapsu suo pte ingenio cessuros, cum omnes plausibiliter piam sententiam assument & inuicè oppositam. Rebatur (inquit inferitis) illorum placitum breui pessum ire optimus ille Sixtus IV.* Præterea illis sæculis non paucos habuit fautores Scholasticos; imò (vt illis videbatur) aliquos Patres, qui (vt ait Maior) *colore aliquo fulciebantur illo priore sæculo: sed in hoc, penitus ratione vacat.* Imò & Cano Prædicatoriæ familiæ Magni nominis vir dicit; *modo infirmum ex horum omnium auctoritate duci argumentum.* Quare tantorum fautorum, quorum tunc rationem habuerunt Pontifices, iam cessat autoritas, nec tunc vrgebant grauiora, quæ modo experimur incommoda.

*Non diffi-  
mulandum  
vltimus.*

*Baron.  
an. Dom.  
648. n. 8.*

10 Dum grauissima illa Controuersia de vnitæte, vel pluralitate voluntatum in Christo adhuc dubia erat, disputatio adhuc anceps, quælibet pars multis defenderetur authoribus, nullumque exinde notorium populo aut Ecclesiæ emergebat periculum, tantisper dissimulatum est; ab Honorio vtrique parti indictum est silentium. At posteaquam ceruicosâ disputatione ab ijs, qui à recto tramite deuiabant, violatum est, & magnus in populo timebatur tumultus, statim indicto Concilio Laterani, Martinus I. veram diffiniuit sententiam, quamuis Imperator, & multi ex Græcis essent pro contraria; nec enim vllus locus potuit esse silentio, vbi nullus iam liber erat à scandalo. Quantum & quale sit vel ab affirmatiuæ opinionis fautoribus datum, vel à doctis & indoctis auditoribus acceptum, (cui etiam obueniendum) non vnum, aut alterum, sed plura testata sunt sæcula, experientia ipsa demonstrat, & quoties in diuersis Prouincijs ob populorum dissidia tacere iussi aduersarij, & suam sibi occultare sententiam, nec vllatenus eam in medium proferre, hoc omnibus compertum. At quod in aliquibus cautum est Regionibus, Tumetipse (Pater Sanctissime) ob exorta scandala grauissima in omnibus vbi-que terrarum locis in publicis actibus præcepisti. Sed violatum est audacter ab Aduersarijs silentium, vt certissimè tibi proposui; suis exilijs è latebris delitescens parumper opinio, ad grauem populorum commotionem & notabilem Apostolici Decreti contemptum.

11 Eo grauior hæc res omnibus visa est, quo sanctiores & doctiores sunt aduersarij, quo in cæteris sunt obsequentiores suis, & Canonici institutis; sed vtrisque posthabitis, interrupto silentio, & vltimum tuum Sanctissimum paruipenderunt Decretum, & quoddam suum (si statutum cum alijs dicam) ad annum 1524. quod in Manuali, vel Chronicis breuiuiculis ipsorum circumfertur, & vidi sub his verbis *ordo Prædicatorum sustinuit hucusque opinionem, quod Beata Virgo fuit Concepta in originali, sed iam de hoc non est curandum, cum sit materia nullius utilitatis, & valde scandalosa, &c.* Imò, & aliud grauissimum ad annum 1602. factum (vt fertur) sub Reuerendissimo Generali Xauierre, in quo præcipitur, quod de hac opinione non protrahatur vltèrius controuersia. Sed & in suis constitutionibus sanctè præceperunt Prædicatoribus, à scandalis abstinere, sub his verbis. *Caveant fratres nostri, ne ponendo in cælum os suum (ò quale cælum Maria!) in suis predicationibus Religiosos & Clericos scandalizent.*

*Resistantur sui & Canonici, insistent aduersarij.*

*Manuale Prædicatorum c. 20. in Chron.*

*Constit. Prædicatorum c. 12.*

12 Quare hæc non obseruant? vt quid his non obediunt? solum, vt maculam Dei Matri inurant? peccatum impeccabilis vel effingant vel propalent? vt fœdatam, & labe turpissimâ resperfam omnibus expandant? Hicne quem sperant ex diro certamine triumphus? Hæc ex pertæso, & molesto cōgressu victoria? Hoc conamen? Hic ardor? Hoc desiderium? Demus assequutos: quæ trophæa? quæ spolia victoriæ? Mariæ ignominia, populi luctus, mæstitia, horror, erga Dei Matrem imminuta deuotio. Et tum demum ipse Populus, Clerici, Religiosi, Magnates, Principes scandalizentur in magnam suarum animarum iacturam. Lugendum certè ipsius Mariæ filios (quo nomine gloriosè & iustè gloriantur) tam malè de Mariæ audire, talia in Mariam effutire, & qui ad populi ædificationem institutus est ordo, sit illi modo per molestam & longam contradictionem, in lapidem offensionis, & eius vertatur in scandalum.

*Quem sperant triumphum.*

Hæc aliquantulum depicta rei grauitas (Pater Sanctissime) de Dei Genitrice agitur, de peccato arguitur, peccati rea vocatur in iudicium, charissimi eius filij leuauerunt contra immaculatam eius Conceptionem vocem suam, primos vitæ gressus maculatos fuisse contendunt. Quæ hinc sequantur incommoda, paulò fusiùs aduerte.

## Rei Periculum.

## §. II.

13 *Indefessum pro maculata Conceptione studium, alienum esse à mente Ecclesie & Summorum Pontificum.*

14. *Multam præbere hæreticis occasionem res nostras sinistrè iudicandi.*

15 *Non esse valdè consonum ritui Ecclesiastico.*

16 *Multam hinc emergere animarum iacturam.*

17 *Quotidiana etiam fidelium scandala populorum.*

*Quæritur  
sit Ecclesia  
authoritas  
pro opinio-  
ne negati-  
ua.*

13 **N**on inaniter cordati viri iudicant continuum hoc pro maculata Conceptione studium, Ecclesiasticæ authoritati præiudicare, ansam sinistris hetherodoxorum præbere oblocutionibus, ritui contraire Ecclesiæ, non medio-crem ex eo oriri animarum iacturam, & multam scandalorum occasionem. Vnumquodque singillatim expendam. Ecclesiæ authoritas in multis rebus vel maximè firmatur, aut præcipuè stabilitur consuetudine, vt latè probant vtriusque Iuris Doctores ad titulum de Consuetudine, & Scholastici ad 2. 2. quæst. 91. artic. 1. & quæst. 93. artic. 2. cum Diuo Thoma, & Diuo Augustino, quem ille citat. Ita verò consuevit varijs modis Ecclesia opinionem fouere piam, ei que fauere, vt ex consuetudine & vsu Ecclesiæ adeo iam cæperit apud eam præualere, vt nesciam, quam maiorem probabilitatem & authoritatem habuerit alia quæque opinio in Ecclesia Dei antequam definiretur. Nihil huic deesse aliquis dicet, nec vltèrius aliquid adijci necesse putabit, vt definiatur.

*Doctores  
fermè om-  
nes & Epi-  
scopi ex his  
sentiuntur.*

*Vincent.  
Iustin. in  
addit. ad  
vitam Lu-  
douici.  
Beltrani  
paragr. 7.*

Communis est recentiorum consensus, nullus pænè est Doctor qui his bis centum annis (præter vnus Instituti viros) scripserit, qui hanc tenaciter non tenuerit, nulla pænè est iam Academia, quæ alterius fieri patiatur mentionem, (vt cordate considerat Vincentius Iustinianus Prædicatorij Ordinis eruditus Magister) imò & celebriores quæque voto se adstrinxerunt semper piam defensas. Ex Episcopis & Ecclesiæ Principibus etsi sollicitè, & meridianis lucernis perquirantur, paucissimi erunt, aut nulli, qui affirmatiuè subscribant.

Summi



Summi autem & Romani Pontifices, qui hucusque post motam hanc questionem extiterunt, ita vniformiter negatiue adhæserunt, vt nullus ne vel leuissimum contrariæ exhibuerit fauorem. Plura ediderunt Diplomata huic sententiæ adeo fauorabilia, vt nisi qui non videre voluerit, solus non perspiciet, in illis spiritum latuisse interiorem, eoque semper incitasse vt huic parti magis se inclinarent. Hoc ipsi clariùs significarunt, dum Festum, Officia, Missam, expressè immaculatam testantia Conceptionem instituerint, dum maximas elargiti sint indulgentias hanc eandem celebrantibus, dum sub titulo, & in honorem Conceptionis immaculatæ, duas erigi inter fratres Minores integras Prouincias voluerint, & religionem non modicam Monialium approbauerint, quarum Instituta & regulam, quinque celeberrimi confirmarunt Pontifices. Norma autem viuendi harum Sanctimonialium, mystica habitus significatio, & rationes, quæ in constitutionibus illarum assignantur, vt fratrum Minorum curæ & regimini subijciantur, & Decretum Concilij Basiliensis, quod ad verbum per lectiones distributum in officio recitabant ex concessione, & confirmatione tantorum Pontificum, quid illi, & precipuè inter illos, Iulius II. & Leo X. in hac parte senserint, aperte declarant.

Quid tandem tumet ipse ( Pater Sanctissime ) inter Pontifices tempore vltimus, meritis & sanctitate non infimus, in hac parte senseris, quam intus foueas, quam amplexeris opinionem, quo calescas igne, quo ardeas feruore in immaculatam Mariæ Conceptionem, tumet noueris in pectore, & nos perspicimus in opere. Ad quid Aras extruïs? Mundi optimum ædificas sacellum, ( cui post multos annos, faxit Deus, venerandum Corpus es traditurus ) in Mariæ immaculatæ honorem. Quo spectat pulchram & magnam anciam illam superauratam Conceptionis Virginis statuat, admirandæ altitudinis & magnificæ molis, columnæ superstruxisse, omnibus videndam, cunctis venerandam, vniuersis adorandam? Leuastin' in signum cui credetur? Testimonium Pandisti veritati? Nonne voluisti, vt quod sacrâ later in mente, in tantâ pateat imagine? Vt quid populos ad Conceptionem celebrandam, & clavis verbis prædicandam spiritualibus fauoribus inuitas? Vt quid tot Diplomata tradis? Oracula diuina eruétas? Aliam iubes taceri sententiam? Nisi quia Prædecessorum & Patrum more piorum, totus, totus abis in piam, & iam tua tam ma-

nifesta propensio in hanc partem ita populum moueat, vt immobilem, & duro cauaso natum se putet, qui tuo non rapiatur exemplo, & in credenda immaculata Conceptione sanctæ Ecclesiæ se inniti non putet authoritati?

Hi sergo & similibus fauoribus allectos, non leuiter & sine fundamento dixisse putabimus (vt alios plurimos clarissimos testes omittam) doctum sane virum Laurentium Surium opinionem de immaculata Virginis sanctissime Conceptione videmus ab Ecclesia receptam; & Locrium Germanum Antistitem, Ecclesiæ Romanæ authoritate accedente, non modo in Lugdunensi Diœcesi, sed Gallia, sed Germania, sed Italia, Hispania, Europa ipsa denique tota, imò integro Christiano orbe eiusmodi solemnitas Conceptionis B. Virginis obseruari cepta est, & hactenus persequatur. Hæc Ecclesiæ authoritas Doctissimum Virum, & Prudentissimum Augustinensium quondam Generalē, Thomam Argentinam in hanc (vt ipse fateatur) protraxit sententiam. Ipsum Manuale Prædicatorum citatum ait, iam non est curandum de opinione maculatæ Conceptionis, præsertim cum tota fere Ecclesia, cuius usus & authoritas secundum B. Thomam præualeat dicto Hieronymi, & cuiuscunque alterius Doctoris, iam afferat, quod fuit præseruata.

Clementis  
VIII. ei-  
dem fa-  
uit.

Sit mihi huius Ecclesiæ authoritatis validum argumentum: Clementem VIII. bonæ & sanctæ memoriæ Pontificem, diplomate emisso iussisse, vt Compendium Doctrinæ Christianæ eiusque declaratio ab Illustrissimo Cardinale Bellarmino edita, examinata, & approbata à sacra Congregatione reformationis, posthabita aliorum Compendiorum varietate, ab infantibus & fidelibus addisceretur, ipsique vteretur congregatio Doctrinæ Christianæ in pueris edocendis, vel erudiendis. In quo tamen Compendio cap. 5. ad hunc sensum explicantur illa verba salutationis Angelicæ, Gratia plena. Ideo (explicat Bellarminus) hoc dicitur, quia quantum ad primum effectum gratiæ, qui est delere peccata, Virgo sanctissima nunquam habuit maculam aliquam peccati cuiusquam, nec originalis, nec actualis, mortalis aut venialis. Hoc lacte benigna & chara Mater Ecclesia suos voluit filios educari. De cuius fidendum est pietate, non venenum falsæ doctrinæ, sed cibum salutarum, & potum salutarem veri dogmatis semper propinasse fidelibus.

Terminatur  
contraria  
authorita-  
tis Ecclesiæ  
diuina  
tum.

Quid ergo? erit, qui authoritatem Ecclesiæ pro hac parte stare negabit? erit qui alteram eiusdem authoritati contraire inficiabitur? Nonne minorem dices, cui deest, aut defuit in hac parte magna



magna pars alicuius Instituti, quam maiorem affirmares, si illa conueniret, vel si nullam afferret eius consensus, nec vllam auferet, aut habebit eius dissensus, propter quam retardetur Summus Pontifex à definitione. Illud timendum Ecclesiasticae autoritatis præiudiciū, ne qui non bene sapit, nec permissionem aduersæ sententiæ percepit, dicat sibi quidquam licere, etiam si in contrarium tendat Ecclesia, dum sanctissimi & doctissimi Instituti viros, tantæ illius videt authoritati non conformari: *Quod certe* (inquit Catharinus) *in Summorum Pontificum & omnium Ecclesiarum non leuem contumeliam aperte vergit.* Non leue est negotium, à quo tantæ imminet authoritatis periculum.

Cathar.  
in Prolo.  
ad Patres  
Concil.  
Tucient.

14 Nonne & derisuros Hæreticos timendum est, dum viderint inter nosmetipfos non constare, quid credendum aut tenendum sit, quibusdam, imò fere omnibus, affirmantibus, pauculis admodum negantibus, post tot tantosque disceptationis annos, quibus vtrinque plus satis congressum est, & sæuitum? Prædicator veritatis, & doctor gentium Paulus Apostolus eorundem cachinnis, & derisionibus voluit obueneri dum tanto affectu & conamine Philippenses orauit, vt omnes tollerent è medio dissensiones dicens, *si qua consolatio in Christo, si quod solatium charitatis, si qua societas spiritus, si qua viscera miserationis, implete gaudium meum, vt idem sapiatis, & eandem charitatem habentes, & unanimes idipsum sentientes, nihil per contentionem, &c.* & infra reddit rationem, *omnia facite sine murmurationibus & hesitationibus*, siue (vt habet textus Græcus) *disceptationibus.* *Vt sitis sine querela & simplices filij Dei, sine reprehensione in medio nationis prauæ & peruersæ.* In quem locum Caietanus, *Considera* (inquit) *prudens Lector hæc tria & conser cum contentione, & perspicies, quam apte Paulus hæc colligat, vt sint quoad veritatem puri, quoad mores irreprehensibiles, quoad proximos, ne dent occasionem querelæ, horum enim opposita familiaria sunt contentiosis, disceptantibus, & murmurantibus, & tanto magis studendum est, vt tales se exhibeant, quales Paulus petit, quanto sunt in medio nationis tum prauæ, tum distortæ, omnia illorum facile interpretantis tortuose aut prauè.*

Irriid. bene  
Hæretici  
nostros si  
mutilat.

Ad Phil.  
lip. 2.1.

Idem n.  
15.

Caietan.  
ibidem.

Qualiter nostras actiones & intestinas interpretabuntur Hæretici discordias? Qualiter nostras nobis obuertent contentiones? si Ecclesiasticam illis prædicamus concordiam, nonne nostram nobis obijcient discordiam? si pacem, & vnitatem commendamus, nonne lices nostras & dissensiones nobis opponent? si cultum Virginis inculcamus; circa eum apud nostros dubitari nonne dicent?

Ex his, quæ  
enitit nos  
inferent.

si insanam illorum Britannicam exprobramus definitionem, quâ Virginem, & in peccato conceptam & natam pronunciarunt; respondebunt ex nostris esse, qui idem, quod illi de Conceptione affirmant. Quod verò ad Natiuitatem attinet, non plures sibi pro illius sanctitate suppetere sacræ Scripturæ autoritates, quam pro Conceptione, nec validiora pro illa stare Patrum testimonia, quam ex autoritate Ecclesiæ desumpta, quam paripendere dicent hos nostros aduersarios. Si nouiores hæreticos incusamus, quòd Virginem Deo gratissimam, aliquando vel venialiter peccasse asseruerint, replicabunt, ex Catholicis esse, qui grauius imputent scelus, aut natum peccati originalis. Quòd si pro istis dicamus vel admittamus aliquos esse Patres, qui ita senserint; plures, & grauiores esse dicent, qui actualiter peccasse expressè tradiderint. Si dedecus & Matris & Filij hoc asseramus; maiorem, & turpiorem hanc, vtriusque prædicabunt infamiam. Si iam tandem vltimum contorqueamus telum, sanctam natam, sanctè sine vlllo peccato vixisse, & gloriose animâ, & corpore ad cœlos euolasse, nos firmiter credere dicamus, solum propter maiore Virginis Excellentiam & magnam Ecclesiæ autoritatem; idem in nos retorquere non verebuntur iaculum, nihil horum tantum Virgini tribuere, quantum per peccati originalis maculam, quam eidem ingerimus, ab eadem auferimus; nec paucas adhibuisse Ecclesiam diligentias, aut parum suæ autoritatis in hoc vno stabiliendo consumpsisse.

Videndi  
pro hac  
obiectio:  
Vega lib.  
14. in  
Trid. c. 18  
Suarz  
tom. 2. in  
3. p. disp.  
4. sect. 3.  
& Valq.  
tom. 1.  
disp. 120.  
c. 3. & 4.

Pacis ini-  
mici nos  
dicunt.  
Ioan. 14.  
27.

Constat.  
in epist.  
ad Ponti-  
ficem  
Donum.

Quid ergo post has apparentes solutiones adijcient? Hoc vtique, nos, qui pacem illis prædicamus, nos, quibus arētissimè commendata est, *imò & data, & relicta à Christo*, tantam & talem respuere hæreditatem, diuino renuntiare legato, & nostris disceptationibus, v oculis, & sensu diuersis, Ecclesiasticam turbare quietem. Nihil tam mouit Constantinum Pogonatum, vt in sua Diuali ad Donum Pontificem datâ, sed Agathonis eius immediato successori contradita, peteret sextam cogi Synodum, quàm ne fides nostra per varias contentiones Constantinopolitanas & Græcorum in contemptum, & derisum apud hetherodoxos abiret. *Animo* (inquit) *dolebamus ultra omnem dolorem, tam pro exprobratione, quæ nobis ab iniunctis inferebatur, & propter ipsum veritatem, quòd Pontifices secundum vos, & orthodoxus noster populus propter quasdam nouitates vocum, in schisma incidisset, exultatioque ex hoc fieret impijs & hæreticis, attamen, &c.* Nec Cyrillus potiori ratione quàm ex Ecclesiæ, & Ecclesiarum famâ & vltima-  
tione

tione Nestorium voluit commouere, vt à pertinacia, qua Deiparam esse, negabat Mariam, in illud vsque tempus non expressè definitum, discederet, dicens: *Ne graueris obsecro ijs, qui non leuiter offensi sunt, vnā hanc Theothocos vocem largiri, sacramque Virginem Deiparam appellare, quo illi, qui non leuē hinc mœsticiam ceperunt medentes, & nostræ quoque fama & æstimationi consulentes, in populorum pace animorumque consensione Ecclesiasticos conuentus celebremus.* Hunc Hæreticorum derisum ita hi suis temporibus ex Ecclesiasticorum dissidijs timuerunt; in tanta, & tam inueterata, & protracta contentione, nos quid expectabimus? exprobrationem, improprium, & derisum ab his, qui in circuitu nostro sunt. Heu quā nostris (Pater Sanctissime) gaudent, & tripudiant inimci, dissidijs!

Cyrtill. ad  
Nestor.  
Epistola  
in Con-  
cil. Ephes.  
p. 1. c. 6.

15 Ecclesiasticos etiam ritus nonne facilè contemnet quis, quos à grauiſſimis & doctissimis Viris viderint reprobari? Maculate Conceptionis fautores non solum verbo, sed & facto contrarium celebrantes, ritum Ecclesiæ in Virginis Conceptione celebrandâ respuunt, dum nec factò, aut verbotenus volunt cum eadem co-hærere. Insuper sudant, insudant, & totis viribus vniuerso hominum generi persuadere nituntur, se solos in hac re pro veritate sapere, & cæteros omnes tam in doctrina, quàm in cultu aberrare. Quod certè adeo horruit, & molestè tulit Episcopus Catharinus, Ord. Præd. vt ad ipsos suos Patres, nostros in hac re aduersarios, hæc verba habuerit; *Quod si patimur (ô Patres) hanc persuasionem inualescere, & apud eos etiam vigere qui se maximè Catholicos profitentur, certè (quod cum dolore dico, dicam tamen, quia veritas est) Lutherana secta, imò communi omnium hæreticorum errori perniciosissimè fauemus. Nam in hanc petram in omni suo dogmate impingunt, omnia respuentes, quæ ab ipsa fiunt sine Dei verbo (vt aiunt) expresso. Quid si quis obijciat illos minus irrationabiliter quàm vos in hac parte loqui? Nihil enim non certum admitti velunt in cultu Dei, quod quidem sapienter dicitur propter periculum idolatriæ quo stante in eo solum aberrant, quod nihil certum esse arbitrantur etiam ab Ecclesia probatum, nisi fuerit verbo Dei, & inscripturis expressum, ideoque totam Ecclesiæ faciē deturpant: Vos autem dum in ijs ordinandis, atque instituendis, quæ ad cultum Diuinum pertinent, aberrare posse Romanam & vniuersalem Ecclesiam existimatis, ac de facto in hac celebritate aberrare contenditis, incertum nobis omnem Diuinum cultum redditis, & nutantem facitis Christianam fidem, quam præcipuè in Diuino cultu profitemur, atque protestamur. Minus autem insipienter erraretis, nullos penitus cultus admittendo, quos Ecclesia instituit, absque Dei verbo*  
expresso

Prædicat  
contraria  
Antentia  
Ecclesiasti-  
co ritui.

Cathari-  
nus cita-  
tus p. 2. c.  
1. au. fin.

expresso (ut habet Lutheranium Dogma) quam illos admittendo, fateri simul posse eos esse mendaces, ut cuique liceat ad libitum vel admittere vel negare, absque nostra fidei præiudicio & scandalo. Hæc Catharinus.

Certè horrendum est, & terrorem incutit audire, ipso eodem tempore, quo alij Sacerdotes tremendum potestatibus, salutare & viuificum Mysterium & incruentum sacrificium Corporis & Sanguinis Domini offerunt Omnipotenti Deo in laudem & honorem immaculatæ Conceptionis Virginis, profitentes ex concessione, institutione, ac ritu Ecclesiæ eam à peccato præseruatam, alij insuper insultent, hæc derideant, reprobanda doceant, falsa, chimeras, & figmenta esse diuulgent; quod nescio, quomodo ipsismet horrorem non ingerat, pauere ac trepidare non faciat. Non potuit insignis eruditione, & pietate conspicuus Ludouicus Blofius de his non admirari; *Modo* (inquit) *in orbe Christiano Catholicis sequenti ipsam Romanam Ecclesiam, festum illud iam olim receptum alacri, letaque deuotione celebrant, recolentes exordium nostræ felicitatis, quando scilicet nobilissima anima Mariæ à Deo creata, & ipsius sanctissimo corpusculo citra originalis culpæ contagionem infusa fuit. Quapropter mirum sanè est, adhuc in nostro æuo inueniri aliquos, qui hac in parte non satis illuminati, puritatem Conceptionis eiusdem Beatissimæ Virginis vocent in dubium, & suam opinionem ea in re obstinatiùs tuentur.* Mirum etiam est amantiſsimos Ecclesiæ filios eius authoritatis, & ritus zelosissimos aliàs propugnatores & sedulissimos Promotores, in hac re tantam ac tam manifestam perhibere occasionem, ut vel ab inimicis ritus Ecclesiæ omnino contemnatur, vel à nostris, quorum præ oculis patulum manet exemplum, aliquantulum negligatur, facilè etenim quisquis contemnet, quod tot eruditi despiciunt.

Ludouic.  
Blofius  
in dictis  
Patrum  
c. 5.

Concerta-  
tio hæc ani-  
marum  
paris in-  
dignum.

Caietan.  
opuscul. de  
Concept.  
in fine.

16 Animarum etiam iacturam non modicam quis non timebit inter tot dissidia, dissensiones, & tumultus populorum, & dissensionem Doctorum? Perplexi, animo suspensi, iudicio dubij, nesciunt aliqui, quo se vertant, cui adhæreant opinioni, dum utramque suis fouere, & tutelari videant fautoribus. Hanc vident consensu totius præne orbis, & (ut ait Caietanus) *multitudine sequacium, & fauoris amplitudine conspicuam*; illam continuo, & instanti multorum grauissimæ familiæ patrocínio, non prorsus destitutam: Nonnulli minùs docti hærent, cui parti firmiter hærendum, fluctuantibus dubitant; quid de concertantium discordiâ sentiant, pauidi ignorant. Qui ad fidem nouiter accedunt in Hispaniæ Regnis, quibus

quibus non paruus est Neophytorum numerus, ex tot deuictis infidelium Regnis aduentantium dum dissidentibus inter se fidei Magistris & Doctoribus, ab vnoquoque in suam vocantur sententiam, post quem abeant, cui credant, cuius teneant doctrinam, non audent deliberare, ne errent; vt certam teneant viam, circa hoc, & cætera quandoque fidei mysteria, differunt assensum, quod aliquando, & multoties euenire poterit, cum magno animarum dispendio. Huius rei consideratio non minima, & scrupulus non leuis mouit B. Theodoretum, vt sententiâ & causâ cederet, cum B. Cyrillo Alexandrino (in quem plura scripsit & dixit) in opinione conueniret, & de vera cognoscenda B. Leonem Pontificem consuleret; *Mibi (inquit) Dominus Deus est testis, quod nec honor curæ est, nec gloria, sed tantum scandalum, quod factum est, quod multi ex simplicioribus, & maxime, qui ex diuersis hæresibus à nobis capti sunt, sedem eorum, qui nos condemnarunt attendentes, existimabunt nos fortasse hæreticos, vt qui quod sit rectum perfectumque dogma, videre nequeant.* Quod si nostri Nouelli iam tandem viderint, & huic vel illi opinioni adhæserint, tamen ita agitantur Ecclesiasticorum tumultibus, & Religiosorum discordia, vt nec de animarum profectibus cogitare valeant; quibus totum in lite hac sinistrè vel dubiè interpretandâ, tempus absumitur. Nouellas nouæ Romæ disceptationes circa pluralitatem voluntatum in Christo Constantinus in Epistola ad Donum citatâ, tolerari terribile existimauit; *Vt (inquit) ne plebs quæ vt sanctificetur accedit ad sanctas Dei Catholicas, & Apostolicas Ecclesias, contrarijs cogitationibus agitur, aut occupetur, considerans Antistitum ad inuicem dissonantiam.* Non leuis ergo vtrinque iactura, dum noui verentur accedere, & veterati possint aliquantum deficere.

Theod.  
Epist. ad  
Leonem.

Const.  
in Epist.  
ad Donū  
Pontific.

17 Orbis Christiani scandalum non leue est, orthodoxorum præceptorum, & magnorum Prædicatorum dissidium. Nouerunt & audierunt fideles quantum Spiritus Sancti tuba Paulus pro Magistorum concordia laborauerit, quantum has nostras contentiones oderit, quantum per omnes Ecclesias illas Deo displicere docuerit, ipso teste; *Non enim (inquit) dissonis Deus, sed pacis, sicut* <sup>1. Cor. 14 n. 33.</sup> *& in omnibus Ecclesijs doceo, vnde, & eisdem Corinthios exire deprecatus est, vt in nihilo pertinaciter discreparent. Obsecro (inquit) vos* <sup>1. Cor. c. 1. n. 10.</sup> *fratres per nomen Domini nostri Iesu Christi, vt id ipsum dicatis omnes, & non sint in vobis schismata, sitis autem perfecti in eodem sensu, & in eadem sententia.* Quod adeo instantèr efflagitasse Paulum, ait Caietanus, non quod dissen-

Magnum  
vnde quæ  
generat  
scandalum.

1. Cor. 14  
n. 33.

1. Cor. c.  
1. n. 10.

dissen-

Cajet. in  
c. 1. epist.  
p. ad Co  
tint.

*diffensiones Corinthiorum essent tam male, sed quia erant initia & via ad tantum malum; si enim fuissent manifeste scissiones Christi non peperisset Paulus nominibus capitum, non tacuisset dogmata eorum contra Christum, sed tacendo dogmata & nomina, factiones autem & inflationes tantum scribendo, insinuat, quod talia erant huiusmodi dissidia, qualia sepe apparent in Ecclesia Dei, inter diuersarum Religionum Professores, dum gloriatur in Patribus, aut præfert quisque statum Religionis suæ, & hinc lites, rixæ, & reliqua, quæ melius est non videre. Huic ergo nostræ controuersiæ similes detestatus est Paulus; hanc ex qua proueniunt tot scandala, rixæ & lites, tolli per Christum deprecatus est; quæ via & initia sunt tantorum malorum, quæ melius est, non videre, nec audire. Non fuit qui lites Hispaniæ, & tantarum dissidia Ciuitatum ex hac controuersia exorta, siccis oculis considerare; nec totum vndique Regnum lite agitatum, populos discordijs laborantes, ciuitates ad arma paratas, Clerum, & Religiosos sibi inuicem detrahentes, inoffensis auribus, & sine graui scandalo audire potuerat.*

*Ex affirmatiua sententia hoc generari scilicet.*

Blosius in dictis Patrum

c. 5.  
Abulen. in paradox. 1. c. 21.

Surius in appen. Naucl. citat.

Vasquez.

3. p. q. 27. ar. 1. disp.

117. c. 2.

Vincent.

Iustin. in

addit. ad

vitam Lu

do. Beltr.

pag. 14.

Terent.

Corduba

l. 1. q. 44.

conclu. 3.

1

Non solum est huius nostræ ætatis hoc scandalum, sed antiquius, à tempore enim Sixti I V. rarus erat, qui libenter Virginis Conceptionem maculatam esse vellet audire. De suo ait Blosius; *Pias aures offendit, quisquis modo asserere non veretur præcelsam illam Heroidem, quæ spiritibus Angelicis sanctior est, obnoxiam fuisse peccato originali, quod hominem efficit membrum Diaboli & filium iræ.* Abulen. doctissimus vir, *seditionis filium & spiritu diffensionis stimulatam* vocat, qui contra piam insurgit. Magnæ pietatis vir, Laurentius Surius rogat affirmatiuæ sententiæ fautores, *ut videant ne dum minus honori & privilegio cum multorum graui scandalo, & offensione derogant, filij eius scelerum in se iudicium prouocent.* Gabriel Vasquez. cuius laus est in Theologia, inquit, *Omnes qui Christiani nominis fidem profitentur in hanc sententiam uno animo & affectu ita conspirant, ut sine magno populi scandalo iam nemo possit oppositam populo in concionibus exponere.* Vincent. Iustinianus ex Prædicatoribus non infimus litteris aut pietate, ait. *Eius sententiæ fautores omnibus exosos esse, & à cunctis insectari iniurijs, quibus applicat illud Comici, frustra niti, & laborando nihil aliud nisi odium querere, extrema demencia est, quia certe (inquit) qui in defendenda maculata Conceptione se occupant nihil in hac re consequentur, & vniuerso molesti sunt mundo.* Et doctus ille vir Corduba ait. *In partibus Hispaniæ & Galliæ probabiliter imminere scandalum ex affirmatiua opinione, & hoc patere experientia.* Proh dolor quantum nos hoc experti sumus his diebus, & quàm periculosè adhuc



adhuc hæc scandala perseuerant. Hæc te veritatis oraculum (Sanctissime Pater) mouerunt, vt illam in publicum proferri vetarès & in suis angulis delitescere iuberès, vt totius pænè orbis bono consuleretur.

Hæc sunt (Beatissime Pater) huius controuersiae incommoda; hæc tantæ dissensionis non parua, nec despicienda pericula.

## Diffinitionis necessitas.

§. III.

18 *Sola diffinitione tantis malis posse obueniri.*

19 *Illam efflagitasse plures & graues etiam ex Patribus Dominicanis.*

20 *Maturâ & celeri diffinitione præuenienda multa mala quæ ex hac ingrata & odiosa controuersia oriunda timentur.*

21 *Non contemnendum, nec leue esse quod Virgini imponunt aduersarij.*

22 *Obstandum vilibus de Virgine inquisitionibus, & Hæreticorû derisionibus.*

23 *Autoritatis Ecclesiast. cõtemptui.*

24 *Animarum iactura.*

25 *Populi & orbis Christiani scandalo.*

18 **N** Vllum iam tantæ cladis remedium, nihil quo tantis obueniatur incommodis, quo certis, & quotidie emergentibus obuietur periculis, reliquum est, nisi vt Tua Beatitudo infallibilis Decreti, & irrefragabilem diffinitionis interponat autoritatem. Satis multa tantæ infirmitatis pharmaca ex salutarî Ecclesiæ Apotheca prodierunt. Varia adhibuere Pontifices dissidij remedia; nullam non excogitantes medicinam pro Ecclesiarum & Regnorum concordia: sed prædominata est infirmitas, præualuit fraus inimici, superinfusâ aquâ plus hic ignis exardescit; applicatis remedijs maiores exorta discordiæ, dum vni prouidetur incommodo, innumera vndique reuirescunt scandala, quotidianis dissidijs nouam & molestiorem pugnam contentio instaurat. Nihil ergo est quod pullulantiæ; & noua hinc inde exorientia huius lernæ capita omnino rescindat, nisi diffinitio. Ita doctissimus & grauissimus Abulensis Præsul Alphonsus Tostatus iudicauit, dum dixit. *Fuit Beatissima Virgo à peccati originalis macula immunis, circa quod Conuentus Fratrum Minorum & Prædicatorum antiqua habent litigia, & pænè cum ipsis suis ordinibus antiquata, quod fiet proculdubio immortale, nisi interueniat Decretum aut sententia Superioris, qui habens potestatem super hoc suam interponat autoritatem.*

*Sola diffinitio scandalorum remedium.*

*Abulensis citat.*

19 Hanc etiam tanquam vnicum & vltimum remedium apponi

K

estlagi.

*illam petierunt ipsi aduersarij.*

Turrecre  
mata in  
Epilogo  
I. de ve-  
ritate  
Concep-  
tionis.

Cathar.  
in Epist.  
ad Patres  
Concil.  
Trident.

Caiet. in  
opusculo  
de Con-  
ceptione  
in fine.

Granado  
lib. de  
Concept.  
& disp. 3.  
quæst. 29.

Ioan.  
Bacon.  
in 3. sent.  
D. 3.

efflagitarunt tres grauissimi viri ex Ordine Prædicatorum. Primus, & antiquior fuit Cardinalis Turrecremata, qui omni qua potuit deuotione & flexis genibus (vt ipse ait) Concilium Basiliense, dum in sua mansit obedientia sub vero Pontifice, exorauit, vt finem dare vellet huic quæstioni; Et sanè (inquit) ex huius quæstionis determinatione, magna salus, pax, & tranquillitas, & integritas religionis expectatur in populo Christiano. Cuius verbis & libro, multis superadditis, & intrusis vsi sunt postea ad Concilium Tridentinum Bartholomæus de spina, & Albertus Deuimius, vterque Prædicatorij Ordinis, ille sacri Palatii, iste in Sapientia magister. Secundus idem, sed instantius ab eodem Concilio Tridentino petijt Ambrosius Catharinus Ord. Prædicat. Archiepiscopus tunc Compsen. Illud (inquit) ego vehementer exopto, quod, & omnes viri pii, & vere Catholici de hac re, & ceteris summo desiderio à vestra pietate desiderant, nempe vt ea vestris sententijs discernatis, quæ ad vnitatem & pacem, & decorem vniuersæ Ecclesiæ faciant, &c: Quam definitionem huius quæstionis de Conceptione Virginis superius dixerat, esse rem sanctam & Christiana fraternitati congruentem, quæ in primis eundem in dogmatibus sensum, eandemque in cultu Dei obseruantiam possit, quod iterum in fine tractatus inculcat. Tertius his non inferior fuit doctissimus Cardinalis Caietanus, qui postquam in opusculo de Conceptione ad Leonem X. docuerat res fidei definiri posse à Pontificibus adhibito Concilio vel sine illo, & hanc differentiam solum ad maiorem solemnitatem vel congruitatem spectare iudicij Apostolici, de his quæ sunt fidei, & non ad necessitatem, orat Pontificem, vt tanquam Arbitrarius medius inter vtriusque sententiæ fautores, in sancta Lateranensi Synodo, in hac re Religionis Christianæ veritatem firmiter amplectendam tradere dignaretur. Sed & nouiter alterius sodalitiij vir doctus addit, quod singularis deuotio, plausus populi Christiani, celebritas Conceptionis, iam pridem instituta clamare videntur, & suo quasi iure definitionem postulare; & certe (inquit) vix aliud est dogma definitum ab Ecclesia, quod ante definitionem tantâ acclamatione receptum fuerit. Quod certe multum mouere debet Principes & Prælatos vt hanc definitionem à Summo Pontifice enixè petant. Alium adduco his omnibus antiquiorem, Ioannem Baconem Carmelitani Ordinis virum certe doctum, qui ante trecentos ferme annos, proxime elapsos, sibi dubium hoc proposuit: An Ecclesia Romana immaculatæ Conceptionis festum debet statuere? & respondit, Quod gratissimum esset Deo & Sacrosanctæ Romanæ Ecclesiæ, laudabili consuetudini consonum, hoc festum generaliter statuere per totam Ec-



*tam Ecclesiam celebrandum* quod definitionis vel canonizationis quoddam genus esset per quod tanta cessaret contradictio.

20 Antiquum est hoc desiderium definitionis, peruentus hic plurimorum de definitionis convenientia consensus. Iam nullus ferme est, qui eam non desideret; nullus, qui toto conatu non efflagitet, antequam malum recrudescat, latius serpat hoc dissidij virus; maiora & ineuitabilia sequantur incommoda: *Diabolus namque res ab initio minus recte habentes*, (vt Nestor. antequam ab Ecclesia expellere-  
tur admonuit Ioan. Episcopus Antiochen.) *per superbiam nouit amplificare, in eamq; magnitudinem paulatim euehere, vt postea omnē curam, omnenq; medicinam respiciant*. Solam hanc res nostræ prostitutæ expostulant; ne ulterius ditteratur omnes deprecamur. Considera (Pater Sanctissime) discrimen esse in mora, periculum in tarditate, authoritatem Ecclesiæ, quæ pro hac sententia perspicua est, labefactari: perpende quid de tanta Virgine affirmatur.

21 Peccatū habuisse dicitur & tale quod ab illo præcipitur in abyſſum  
ire ac maledictionis Divinæ hereditate Regni celeſtis in æternū priuamur, æternæ  
damnationi deuotemur, Sathane ſeruituti mancipamur. Hæc præterea tabes mille  
perturbationibus & damnatis cupiditatibus inficit, voluntatem incredibili mali-  
tis deprauat, liberum arbitrium debilitat, intellectum ignorantia pudenda ſædiſq;  
erroribus obnubilat, memoriam beneficiorum & iudiciorum Dei obliterat ex ani-  
mis, vaſtum denique pelagus malorum ad funditus perdendum miſerabile genus  
humanum inducit. Hæc vilia in ſuo fonte & cauſa de Sanctiſſima Vir-  
gine affirmantur, dum peccatū originale contraxiſſe contenditur.

22 *Propter riles igitur inquisitiones non fit infinita contentio (vt Agatho- nem rogauit Imperator Constant.) ne nobis insultent Pagani & Hære- tici, neq. in nobis vsquequa; locum accipiant semina aduersarij. Hostes Eccle- siæ nostris discordijs insultant, quod non leuiter suo tempore mouit Leonem Pontificem, vt suâ sententiâ grauem & non parum discus- sam inter Beatos Theodor. & Cyrill. controuersiam dirimeret. Vnde (inquit) hoc quoq. contra Ecclesiæ hostes providere condignum est, & eis nul- lam calumniandi occasionem (quoad nos attinet) penitus relinquamus.*

23 Ritus Ecclesiæ auctoritatem necesse est omnino defendi, ne si  
quantumlibet contemnatur, magnum fidei nostræ & rerum credē-  
darum apud externos & nostros pereat argumentum. *Vix etenim* (vt  
bene in hac re notauit & probauit Catharinus) *illum est argumentum*  
*validius, quam quod ab institutis Patrum sumitur in cultu Diuino.*

24 Animarum iacturæ consulendum; & ne in præcipitium cer-

Cælestin.  
Epist. ad  
Cyrill. 1.  
p. Concil.  
Ephes.  
cap. 15.  
tum & quotidianum abeant, tam varietate doctrinæ, quam dissidentium Sacerdotum haud sano exemplo, studium aliquod est interponendum. Nam ut inquit Sanctus Cælestinus ad Cyrillum, *Pontificis est, ut quempiam in præcipitium proximè adductum, vel in ipso verius præcipitio, Unde eum prolabi necesse est, iam constitutum, si qua ratione poterit, à lapsu prohibeat; ne si opem non tulerit, ipsum ad casum impulsisse videatur.*

Medin.  
in 3. par.  
q. 27.  
Nauarro  
Tom. 1.  
de Sanctis  
sermo de  
Concept.  
Quod facile à te fiet (Pater Sanctissime) si doctrinam, in quam omnes impingunt, extermines, & *piam, ac populi deuotioni accommodam* (quo insigniuit Epitheto Medina Dominicanus negatiuam sententiam) eidem præponas. *Ad hanc enim magis edificari, & maiorem sibi conciliare deuotionem, testatur Antonius Nauarro etiam Prædicatoriæ familiæ.*

Communi  
etiam oris  
scandalo.  
Cyrill. ad  
Nestor. 1.  
p. Concil.  
Ephes.  
cap. 8.  
Cathar.  
cit.  
Caiet.  
opus. de  
Concept.  
25 Populi etiam & totius pænè orbis scandalum tollendum, & curadum: Nam si (ut Cyrillus ad Nestorium) *vehementer illi Deum irritant qui è pusillorum numero, vel vnum tantum in Christum credentem scandalizauerint, quantà diligentia, quantaque dexteritate opus sit, cogites, si tota quæpiam multitudo grauius offensa sit, ut scandalia prudenter præscissis, Pontifices, sanum fidei sensum, sermonemque veritatis studiose afferant.* Hinc Catharinus in fine sui tractatus, rogat Patres Concilij Tridentini, *ut ad amonendas iam diu nimis agitatae contentiones, & præscindenda scandala & schismata, auctoritatem suam in hac re interponerent, & Caietanus in fine sui opusculi Leonem rogauit, Ut publicis oblocutionibus & scandalis in hac controuersia obuiare dignaretur.*

## Diffinitionis utilitas, & Peroratio

Ad Sanctissimum Dominum.

### §. IIII.

26 **H**AEc tantæ controuersiae diffinitionis necessitas, cuius non minor utilitas; dum tantis, iisque grauissimis malis obuenitur & pax Christiana vndique per vniuersam Ecclesiam stabilitur, quâ nihil in Ecclesia felicius, nec desiderabilius, *quâ in rebus terrenis atque mortalibus* (inquit Augustinus) *nihil gratius soleat audiri, nihil desiderabilius concupisci, nihil postremo possit melius inueniri.* Qua omnes sub eodem Pastore pacificè viuant, & in vnitæte fidei corroborentur; qua inter Christianos conseruatâ, vires omnes Sathanæ inualidæ sunt ad nocendum, & mulcipulæ insidiarum comminuuntur. *Pax etenim* (ut idem habet Augustinus) *plebis*

Aug. de  
ciuit. Dei  
l. 10. c. 11.  
tom. 5.

*plebis est sanitas, gloria Sacerdotum, patria letitia, & terror hostium suorum.* Aug. ser. 165. de temp. 1. o.  
*sibilium, sine insibilium.* Per desideratam hanc definitionem contentio & discordia quæ nos conturbant, & primæ ac præcipuæ sunt omnium nostrarum calamitarum causæ, è medio tolluntur. Hac definitione, tantorum miraculorum in immaculatæ Conceptionis testimonium à Deo, & sanctis patratōrū, veritas elucet; multarum reuelationum certitudo firmabitur, ritus Ecclesiæ consolidabitur, sanctorum Patrum doctrina, quæ pro hac sola parte est magis extolletur, vnus erit vnus festi in Ecclesia cultus, Virgo sanctissima Maria omnino sancta, semper immaculata, ab omni peccato libera, per totum orbem prædicabitur; Tuæ Beatitudini non parua erit occasio letitiæ, nec modicæ causæ gloriæ, quod Tibi soli post tot Pontifices sanctissimos, tot tantaque sæcula reseruatū sit in fauorem Mariæ & honorem Christi tantum aperire dubium, & certam proferre sententiam. Cateri hucusque de aduersariorum Vrbaniatate erga Deiparam, non parum fidentes, certo sibi promiserunt, illos huic pertæse, ingrati, & molestæ contentioni valedicturos, & suā sententiā cessuros, quod per tot sæcula expectarunt, Tuque (Pater Sanctissime) sperabas, sed frustra. Nihil vltra sperandum, tempus iam adest definitionis, & necessitas Decisionis. Res satis discussa est, ad vltimum peruenit discrimen, nihil non examinatum, nihil non reuissum, nihil non agitatum; Patres omnes pro hac parte esse constat, Concilia huic sententiæ fauere, nonnulla sacræ scripturæ loca non obscure hoc subindicare, Ecclesiæ ritus, & cultus illud comprobare (vt suis quæque tractatibus ostendam) & populi Christiani deuotionem huic adhærere sententiæ palam est. Hæc vna omnibus sufficit, iam altera cunctis superfluit.

*Age ergo (Pater sanctissime) puta tempus putationis adesse si tamen Bernard. l. 2. de cōsider. c. 6. Psal. 44. 4. Et hæl. 6. 18.*  
*meditationis preiuit, si cor mouisti, mouenda iam lingua, mouenda est, & manus. Accingere gladio tuo, gladio spiritus, quod est verbum Dei, glorifica manum & brachium* in defendendo Mariam, in definiendo eius omnimodam sanctitatem, in decernendo sanctam fuisse in suæ Conceptionis instanti, vt nullum esse iam amplius affirmetur, in quo omnino sancta non fuerit, & immaculata.

*Tractatus tertij finis.*

## Continuatio Historiæ.

**D**Um hoc Tractatu, duabus superioribus orationibus, & validis, quæ quotidie inculcabantur, rationibus, Hectendum, vel aliquantulum commouendum sperat Orator Pontificem, dum etiam Francorum, & Bohemorum Regum, aliorumque Principum vota, & litteras per Oratores Regis Catholici, quibus id à Philippo curæ demandatum, expectat: En circumueniunt Oratorem, & eius insidiantur apud Regem honori, (qui, vel ut superius dixi viri auctoritate stimulati erant, vel qui inhonorum putabant ut amplius quippiam in hac re fieret, vel qui gratiam, & obsequium se præstituros quibusdam iudicabant Magnatibus,) egeruntque per internuncios, ut reuocaretur in Hispaniam. Iam etiam percerebuit, grauit, & molestius tulisse Ducem Alburquerqueum tunc Cataloniae Proregem, iam designatum Oratorem Romanum, ut alius quispiam ex Hispanis, Legatione fungeretur secum in Vrbe. Ex eadem etiam non defuerunt, qui ipsius negotij zelo, & bono, (ut ipsi dicebant) ducti, scriberent expedire, ut Episcopus ad suam remearet Ecclesiam, quippe id vel ipsum desiderasse dicebant Summum Pontificem. Diuersum, & vanum hinc inde multorum in hac re studium.

Fama lubrica.

Senec. epist. 102

Tetert. in Phorm.

Tam diuersâ, & aduersâ hominum opinione, & indignâ quorundam criminatione, considera qualiter vnus potuit fama consistere. *Ad gloriam, & famam non est satis vnus opinio; consensum multorum exigit. Multorum iudicijs constat.*

Benè Comicus, *Non sat, tuum officium te fecisse, si non id fama approbat.* Misera hominum conditio, ut quod præcipuum æstimant, & cui plus cæteris inhiant, famam, & honorem habeant tam lubricum, tam fragilem, tam vitreum, ut nihil sit quod difficilius feruent, nec quod facilius perdât, nec cui homines sine sui commodo, plus insidientur. Qui aurum rapit, habet quo miseriam subleuet; qui alterius deprædatur vestem, aut tunicam, habet quo se à frigore, vel cæli inclementiâ contegat; qui alterum suâ spoliât gloriâ, gloriosus non est, spoliatum solum reddit inglorium. Alteri nocet, sibi prodesse non potest. Illud etiam habet fama nostra malum, ut mille modis ei noceri possit, per mille artes possit obscurari, & latus pateat, præcipue in aula, campus honoris iniurijs. *Illud cogita* (inquit

inquit prudens ille Stoicus ) *iniuriarum latissimè patere materiam illis*, per Seneca lib. de const. sapient. c. 9.  
*quos periculum nobis questum est, ut accusatore submisso, aut criminatione*  
*falsâ, aut irritatis in nos potentum motibus, quæque alia inter togatos latrocinia*  
*sunt.* Magnum certè facinus, rem magnam præstat quis, si inter  
 tantas invidias, inter tot nocendi modos, inter tot famæ denigrato-  
 res, illæsum seruet honorem.

Tot commotus Rex suggillationibus, ad quorundam etiam  
 consilium, negotium hoc commendandum iudicauit supradicto  
 Excellentissimo Duci Albuquerque, qui iam se præparabat in Vr-  
 bem itineri, ad quem litteras dedit, ut solus ille res Romanas cura-  
 ret, & iniunctam Episcopo Legationem sollicitius & instantissimè  
 prosequeretur; hic verò in suum rediret Episcopatum. Peracta  
 sunt hæc sub mense Martio, cum per quatuor tantum menses tan-  
 to fauore Regio, & honore, hac potiretur in Vrbe, dignitate Epi-  
 scopus, ad eandem ultro paucis antea mensibus tanto hominum  
 applausu vocatus. Magna gloria, magno labore seruatur longo Gloria re-  
 sentu diffi-  
 cili.  
 tempore. Difficillimè retinetur, quam multi vndique obseruant.  
 Auida res est felicitas, sed multorum auiditati exposita. Verum  
 illud Socraticum. *Glorie pulchritudo luore cito marcescit.* Graue est inter  
 tot hostium insidias latere. Præstringere omnium oculos non po-  
 tes, in te tanto studio defixos. Gloria huius sæculi, fallax est suau-  
 itas, & infructuosus labor, & perpetuus timor, & periculosa subli-  
 mitas, & excelsus casus, & inopinatum præcipitium.

*Ardua per præceptis gloria vadit iter.*

Ouid. 4.  
 Trist. 3.

Meliùs quis lateat, certè tutius. Hoc grauius dixit, qui multa leui-  
 ter. *Benè qui latuit, benè vixit.*

Idem 3.  
 Trist. 4.

Liuidis hominū huius sæculi quis non timeat se exponere ocel-  
 lis, liuor omnia penetrat, rimaturque, putas conspecta prætereat?  
 Quid? quòd pauci sunt, quibus expediat apparere, & conspici;  
 pauci quorum famæ non noceat ad plenum nosci.

Nihil horum nouit Episcopus, nec quid circa se agebatur tunc  
 intellexit, litteræ etenim quibus ei significandum erat Regis placi-  
 tum, de deponenda hac cura, & de repetenda sua Ecclesia, ad præ-  
 fatum Ducem datæ sunt, ut ad suum in Urbem aduentum, eas  
 Episcopo porrigeret. Prosequitur ergò constanter iniunctum sibi  
 munus, cuius difficultatem perseverantiâ, & continua instantiâ  
 vincendam iudicauit, & consulto. *Perseuerantia namque vi est efficax;* Plutarch.  
 in fert.  
*multaque quæ uno impetu confici non possunt, paulatim absoluntur. Est enim*

*assiduitatis vis inuicta, quæ omnem superat, exceditque potentiam, & tempus plurimum auxilij est ijs, qui prudenter occasionem captant.*

Vires etiam & constantiam auxit consideratio rei, quæ agebatur, perpendit sanctum esse negotium & Dei Genitricis, Deumque ipsum huiusmodi ausibus adesse, & suâ ope omnes superare difficultates. Sanum, & acceptione dignum illud Menandri consilium.

Ὅταν π πράτῃς ὅσιον ἀπαθῇς ἐλπίδα

Πρόσθ' ἑαυτῷ τῶτο γινώσκων, ὅτι

Τόλμη δίκαια καὶ Θεὸς ὑλλαμβάνει.

*Quum quid sanctum agis, bonam spem*

*Tibi propone, certus quod*

*Conatum iustum etiam Deus adiuvat.*

Sanctum adiit ergo Pontificem, ut quid de ultimo Tractatu, & ijs, quæ in eo proposita sunt considerata, sentiret, renuntiaret. Cui responsum magna illa, & graua incommoda huius controuersiae non leuiter à se considerata, & se magnopere desiderasse ut euitarentur, seu præuenirentur. Per definitionem verò non posse hoc ita facile præstari, quippe Aduersarij continuo instabant suam sententiam omnium Sanctorum Patrum esse vnanimem doctrinam, idque omnibus persuadere conari, tum per ipsorum opera, tum per tria grauissimorum virorum expressa testimonia Augustini, Bonauenturae, & Magistri Sententiarum, primi, l. 2. con. Iulia. c. 10. secundi, & tertij in 3. sent. d. 3. se verò maximè adhaerere patris opinionem, & in B. Virginem, eiusque puram Conceptionem summè propensum, & summopere desiderare, ut omnes conuenirent in eadem colendâ, & sectandâ. Ut verò inuiti cogerentur affirmatiuae sententiae fautores suam dimittere, & ad aliam accedere, id pro tunc non expedire, sicut à pluribus in vrbem, & extra urbem per varias litteras, suae Sanctitati significatum est; praesertim cum habeant, vel contendant habere, quo se tueantur, tot scilicet Doctores, & Patres, quos ad ducentos, & plures sibi in quodam libello tradidisse Aduersarios, aperuit Episcopo. Quod ut rescivit Orator nihil tam sibi curandum duxit, quàm dolum hunc de mente Patrum suae Sanctitati detegere, & quid de illo libello, quem Vincentij Bandeli esse iudicauit sentiendum erat, intimare. Quod & ei promisit se quantocius facturum, saltem generaliter, & in communi; in particulari etenim ad vnumquemque Doctorem, & Patrum,

Patrum, quos illi pro se citabant descendere, operosum nimis esset & longum; pro temporis verò commoditate, & si per alias negotij circumstantias liceret, id aliquando præstiturum. Iussit ergo, ut cito citius sequentem orderet, & absoluerem tractatum, quem infra paucos dies Sux Beatitudini obtulerat, de hoc eodem circa mentem Sanctorum Patrum coram & præsens plura subiungens.

## ORATIO QUARTA

AD S.<sup>MM</sup> D.<sup>NVM</sup>

## PAVLVM PAPAM V.

## TRACTATVS V.

Nullatenus sanctos Patres sensisse Virginem Mariam in originali peccato fuisse conceptam, ostenditur; & eorum fallacia, qui pro affirmatiua sententia plurimos sanctos adducunt, detegitur.

1 *Quanti sit ponderis Sanctorum Patrum auctoritas.*

2 *Satis laborant plerique infirmas sententias per eam stabilire.*

3 *Periculosum esse quidquam falso Patribus ascribere.*

4 *Aduersarij per quosdam libellos intentant Sanctissimum Dominum à definitione retardare.*

5 *Plerosque ex sanctis Patribus citant parum fideliter.*

6 *Paucissimos, eosque parum sibi constantes, posse citari pro affirmatiua.*

7 *Augustinus non sensit sanctos Patres dixisse, Mariam habuisse peccatum originale.*

8 *Nec Magister Sententiarum.*

9 *Quid in hac re senserit B. Bonaventura.*

10 *Testimonium negativum Bonaventura non sufficit, ut dicantur Patres affirmatiuam tenuisse.*

11 *Non asseruit B. Thomas, sanctos Patres secum sensisse.*

12 *Primus inter Scholasticos publicè docuit negatiuam.* (titul.)

13 *Quare firmitus adhaerit affirmatiua.*

14 *Doctores quique possunt aliquando errare.*

15 *Augustinus, Doctorum maximus, falsus est se in quibusdam errasse.*

16 *B. Thomas Augustinum imitatus à se perperam dicta, vellet retractari.*

17 *Si nunc vixisset probabiliter affirmatur sententiam mutaturum.*

18 *Paucissimi vel nulli Patres adhaerent affirmatiua.*

19 *Non fuisse commynem eorum sententiam multis comprobatur.*

20 *Licet quidam ex sanctis Patribus docuerint affirmatiuam, posse tamen negatiuam definiri.*

21 *Videri oporteret sub sinceris iudiciis sanctos Patres in suis codicibus.*

BEATIS.

## BEATISSIME PATER.

*Auctoritas  
sanctorum  
Patrum  
maxima.*

*Lateran.  
V. Sess. 11  
Trident.  
Sess. 4.  
Hilarius  
in Plat.  
138.  
Malach.  
2. n. 7.*

**S**ANCTORUM ECCLESIAE PATRUM DOCTRINA, & MAGNORUM DOCTORUM AUTHORITY IN REBUS FIDEI EXPLANANDIS, & MYSTERIIS QUIBUSCUMQUE INTELLIGENDIS PLURIMI SEMPER FUIT PONDERIS, & MAGNO IN HONORE OBSERVATA EST IN ECCLESIA. Vnde in Concilio Lateranensi sub Leone X. & Tridentino, ab eorum unanimi sententia nec latum vnguem discedere sub anathemate cautum est, nec insipienter, aut immerito, quippe *hi Ecclesiae lumen sunt, & oculi* (vt ait Hilarius) *& eorum labia custodiunt scientiam*. Hinc euenit vt quicumque opuscula vel lucubrationes suas in lucem edere proposuit, & suam sententiam stabilire cupit, Doctrinamque siue à se cogitatam, siue ab alijs acceptam approbari desiderat, vt quodcumque vel sanè vel minùs rectè dixerit, auctoritatem conciliet, totum Sanctorum Patrum auctoritate firmare laborat. Hic mos apud Catholicos, hoc semper obseruatum etiam apud Hæreticos. Nullus est, qui non sibi velit suffragari tantos catholice veritatis testes, & magistros, per quos omnem suspicionis, & falsitatis scrupulum remoueri à doctrinis.

*Per illum  
stabilien-  
tur senten-  
tia infirma.*

*Hilar. l. 6.  
de Trini-  
tate ad  
initium.*

**2** Sed horum patrocinio illi præ cæteris fulciri procurant, eosque sibi adstipulari auidius desiderant, qui vel suspectam adinueniunt doctrinam, vel sententiam aliquam sequuntur infirmam. Quibus eò maior est cura Patres pro sua opinione aggregandi, quò, minus illa habet roboris aut veritatis, vt quod illi deficit probabilitatis, multorum suppleatur auctoritatq. Hinc communiter hethodoxi veritatis expertem veram esse hominibus rudioribus & simplicibus persuadent, dum singulis assertionibus quædam ex diuinis voluminibus testimonia subdunt; quæ corrupto intelligentiæ sensu ad speciem veri blandientis adaptantur, speciem veritatis secundum astutiam interpretantium præstitura. Insuper siue iure, siue per iniuriam, magnas Patrum turmas, ingentem Doctorum cateruam vndiq; coaceruant *ex numero, hoc habentes impudentia* (ait Hilarius) *vt quod errant, prudentiam velint existimari, & quod cum multis errant, intelligentiam esse asserant veritatis, dum minus esse erroris existimatur in multis*. Nullus ergo ex Doctoribus ab huiusmodi securus, dum per fas aut nefas, velit, nolit, cum illis sentire cogetur, quippe ad ipsorum mentem non verentur eius verba accommodare. Quicquid illis fauet, pro se adducunt; quod non fauet, reiiciunt; quod contrarium est, tacent;



facient; sententiam adiectis verbis adornant, suppletis accommodant, deletis adaptant; mutilant, secant, dissecant, truncare non erubescunt, quoad quod illi velint, palam affirmet.

3 Graue certe malum hoc, & periculosum in Ecclesia; graue, Authoritas Sanctorum Patrum fingere periculum. dum toties mentiuntur, quoties quosvis suæ sententiæ fingunt fautores; periculosum, dum palliatis, & artificiosis autoritatibus pro veritate mendacium in re quaquam subintroducunt. Eo etiam periculosius est hoc figmenrum, quo etiamnum à quibusdam Catholicis, & bonæ notæ viris, quibus facilè se credant Christiani, vsurpatur; quo etiam communius redditur, dum prælo mandatur, & libris commendatur; quod dum per multorum manus transit, & multis communicatur, facilius plurimos decipit, & subducit, & tunc periculosissimum, cum non solum membra, sed, & caput Ecclesiæ aggreditur, dum veritatis fontem deceptionis cæno turbare conatur, dum oraculorum cælestium thesaurum, & Diuinorum arcanorum depositum, pectus Pontificium sub veritatis specie subintrare molitur. Iustam ergo Tuæ Sanctitatis indignationem merebitur, qui talia attentare præsumperit, & infimæ probabilitatis opinionem, aut placitum pro vera, & certa sententia per multorum Patrum autoritates, Tibi persuadere curauerit; maximè si in re graui, aut sententiâ, de cuius veritate inter Catholicos sollicitè agitur, & apud te de ultimo illius iudicio tractatur, hac vtatur calliditate. Nam hoc solum ab huiusmodi intenditur, vt veritas occultetur, minus probabile, minusque verum, tenaciter pro vero defendatur, & suprema sedes, magistra fidei, & veritatis, ab eadem definienda retardetur.

4 Grauius vexatur hoc tempore Sacrosancta Mater Ecclesia Libelli quidam ab aduersarij datæ Sanctiss. Dominus. tantorum fidelium discordijs circa Conceptionis Virginis Mariæ sanctitatem, charissimorum filiorum non parum molestatur dissidijs, & obinde præcipui eius Prælati, maximi orbis Principes, cum vniuerso pænè populo Christiano, petunt ad ingratas has lites sedandas, vt Tua Beatitudo velit resolvere, quid in tanta rependum sit controuersia. Accedunt clam alij, & Tuæ Beatitudini offerunt libellum, vel cathalogum quendam Doctorem, & Patrum à Vincentio Bandelo, siue à Castro-nouo confectum, vel ab eo extractum, in quo ad 260. omnis farinæ viros pro sua sententia conglomerauit eius author, & ad suum placitum addendo, vel auferendo quod placuit, eorum verba fallaciter adaptauit. Pro quo aduertere velim

Tuam

Tuam Beatitudinem, Bandeli librum, eique similes, iam per multa sæcula in populo fideli legi prohibitos esse, per extrauagantes Sixti IV. propterea, quod sententiam piam, impiam, erroneam, & suspectam, imò à fide alienam esse non semel asseruerint. Constitutiones autem Sixti in omnibus confirmauit Concil. Tridentinum, imò sententia lata in Diœcesi Toletana & per proprium super hæc re Iulij II. Diploma executioni mandata in districtu Carthaginen. & Conchenſi Bandeli librum è medio tolli, consumi; & comburi mandatum est. Quod cum ità sit, nescio quomodo illum præ manibus ferre, populo ostendere, & Tuæ Beatitudini præsentare ausi sunt Aduersarij, præsertim cum perspectum habeant, & omnibus constet quot excitauerint scandala, & molestias intra extraq; Hispaniam, dum per plateas, domos, & vicos hunc librum omnibus legendum in multis oppidis, & Ciuitatibus offerrent.\*

*Male citan-  
tur nō ad-  
uersarij  
Dilecti.*

5 Quod vero ad Authorem (quorum tam immensum coëgit aceruum Bandelus, eiusque compendiarj) citationem attinet, tam infideles se exhibuerunt horum relatores, vt multi ex ijs, quos pro se adducunt nunquam tale somniauerint; tam sinistros, vt illorum verba & sententias mutilare, truncare, & discerpere non dubitauerint; tam fallaces, vt multa ex suis addiderint, & plurima ex illorum verbis tacuerint. Quin tandem illicità hac adhibita solertiâ, plurimi ex ipsis, quos asserunt, parum aut nihil tenent eorum opinioni. Manifesta huius falsitatis testem adhibeo domesticum, ex ipsis vnum, Ambrosium Catharinum Minorien. Episcopum, quem & veritatis vis, & detectæ fictiones, & explorata fallaciâ, ab affirmatiua in negatiuam opinionem abire coëgerunt, quamuis in se multorum animos, & non exiguas persecutiones ob id excitauerit. Hæc eius verba de huiusmodi Tractatibus, quos apud eos seruari ait in bibliothecis ad instruendum nouicios, vt huiusmodi imbuantur doctrinis. Ego (inquit) fateor primo anno professionis mee, cum paulo curio-

*Cathar.  
lib. 1. diſ-  
put. pro  
immacu-  
lata Con-  
ceptione  
paragr. fi  
quod.*

sior in huius rei disquisitione essem, incidi in huiusmodi quorundam Tractatus, quos vt legi, facile fateor seductus sum, & ad eas partes tractus, quas nunc ab omni prorsus veritate destitui existimo. Nam pro illa, quam sustinent, opinione, tot ac tanta congescerant, vt eam, quam nunc arbitror veritatem, penè blasphemiam existimarem. Non enim tunc bene callebam argumenta Sophistica, nec deprehenderam citationes falsas; totamque disputationem ex contentione ac zelo magis tractatam, quam sincere, & ad veritatis manifestationem non sanè perspiciebam. Ne verò de eo, quod dixerat vllus dubitaret, ipsum Christum

stum eius rei contestem adhibuit. *Dent* (inquit) *chsecro mihi teniam* in gratiam veritatis, qui hac nol. s. s. ferunt; non enim sic assererem t. sic *Cirsis*, nisi e. comperta haberem & in promptu etiam cuius postulanti illa ostendere possem. Horum verò authorum altutias vltieris cetergit, eorūq; genia vel ingenia aperit his verbis. *Ipsi primo* (ait) *numerant authores suos*, quidam adducunt circiter, alij etiam sermē ad trecentos extendunt. *Caietanus* vltimo ad quindecim reducit numerum. *Alij multos memorant* infirmā clas-  
Idem l. 2.  
parat. on  
co. mili-  
cias.

6 Rogatam ego Tuam velim Beatitudinē vt aduertere dignetur, quomodo paulatim ingens hic numerus decreuerit, tā magna multitudo euauerit. Multos conuocauit Bandellus, nō paucos, sed nec totidē nouus vel fictus Turrecremata; Capeolis paulo plures 40. pauciores alij, solos xv. Caietanus, ex quibus solos quinque, pro ea citari posse probant alij, imò non plures tribus concedunt insigniores nostrae aetatis Theologi. Quod pro comperto habemus, est, ex Sanctis Diuorū albo adscriptis, solum D. Anton. Florentin. Præd. Ord. ita affirmatiuæ adhæsisse sententiæ, vt pro negatiua aliud eius non reperiāmus testimonium. Cæteri enim Bernard. Thom. Bonauent. & si qui alij maculatam fuisse V. Mariæ Conceptionem affirmarunt in aliquibus locis suorum operū, ita id præstiterūt, vt in alijs pluribus euidenter dixerint oppositum. Imò (quidquid sit de mente D. Thom. & Bonauent.) Bernardū, versatissimi in eius doctrina, & plurimi ex eius filijs, & sectatoribus, magnæ eruditionis viri eruditissimē ostendunt non sensisse cū affirmatiuæ sententiæ fautoribus, in epist. ad Lugdunen. 174. qua tanquam fortissimo clipeo se putant defendi aduersarij. Egregium, & eruditum tractatum de huius sancti mente, separatim curabo tradendum Tux Beatitudini.

7 Quod verò quidam velint quibusdam testimonijs probare, affirmatiuam sententiam communem fuisse inter sanctos Patres, & primo ex quodam Augustini loco, quem quotidie circumferunt, & confidenter obijciunt, in quo sanctum Doctorem plures Patres pro eorum sententia compulisse affirmant, parum certē habet roboris, nec ex Augustini verbis, id quod volunt, colligitur. *Locus*  
Augustin.  
& non sensisse  
S. Patres  
Vergentem  
sub marginem  
conueniunt  
dij.

I.

namque

namque ille, qui ex l. 2. contra Iulian. c. 10. ita deducitur. *Propter quam Catholicam veritatē, Sancti ac Beati, & in diuinorum eloquiorum pertractatione clarissimi Sacerdotes, Irenaeus, Cyprian, Reticus, Olympius, Hilar., Ambros., Gregor., Innocent., Ioan. Basyl.* quibus addo presbyterū (velis nolis Hektor. ym. ii.) *Vt emittā eos, qui nondum dormierunt, aduersum vos proferunt de omnium hominū peccato originali obnoxia successione sententiā; vnde nemo eruit, nisi quem sine lege peccati repugnante legi mentis, virgo concepit.* Suas habet non violentas, nec toruolas explicationes; sed genuinas, & euidentes patitur solutiones. Nec certē expresse in casu nostri dubij loquitur S. Doctor; quod ex eo manifestius patet, dum illi, quos nominat, Doctores, nec verbū habuerint de V. Maria in locis, quæ huic Augustini propositioni fauere possent, & quæ ille l. 1. contra eundem Iulianum citauit. Sed tantum de lege, & obnoxia successione (sicut ipse loquitur ibidem Auguft.) omnium mortalium ad contrahendum originale peccatum. Quod non obstat, quin ex eiusdem Augustini, & Doctorum, quos citat, mente & doctrina, singularem hanc faminam *puram non solum ab omni contagione peccati, sed & singularitate naturæ* (vt egregie dixit Bernardus) singulari præuentam gratiā fuisse dicamus, ne peccatum, cui cum cæteris obnoxia erat, incurreret.

Bernard.  
serm.  
aquæ  
ductu.

Nec Magi-  
ster senten-  
tiarum.

8 Eundem vel faciliorem habet sensum Magister Sententiarum, quem etiam adhibent testem in 3. d. 3. dum interroganti sibi, *an caro Verbi priusquam conciperetur, obligata fuerit peccato?* respondit, sanè dici potest, & credi oportet iuxta Sanctorum attestacionis conuenientiam, ipsam prius peccato fuisse obnoxiam, sicut reliqua Virginis caro, sed Spiritus Sancti operatione ita mundatam, vt ab omni contagione peccati immunis vniretur verbo, &c. Nullam etenim his verbis animæ, cui soli peccatum inherere necesse est, mentionem fecit, nec de actuali contractione, sed de debito, & obligatione peccati loquutus est. Imò & æquare videtur in hoc, matris ac filij carnem, quod vtraque (vt ait ibidem) mundata fuerit, non à peccato, quod nullum fuisse in Christi carne constat, sed quod illa ab omni contagione immunis vniretur verbo, hæc sanctissimæ animæ Mariæ; quod solum Sanctos in hoc dubio dixisse, ex verbis ipsius Magistri credendum est.

Quid in  
hac re ser-  
uatur Euan-  
gelistæ.

9 Tertium & his clariorem adducunt Bonauenturam item in 3. d. 3. art. 1. q. 3. in corp. Dum præter cætera ait, affirmatiuā magis concordare Sanctorum authoritati. Sed ipse hoc se dixisse declarat *pro eo, quod communiter Sancti cū de materia illa loquuntur solum Christū excipiunt ab illa generalitate, qua dicitur, omnes peccauerunt in Adam.* Nec aliquē audie-  
rit, qui

rit, qui expresse eam ab originali immunem fuisse tradiderit. Hic illorum Achilles, hoc expresso testimonio pro fundamento præcipuo vtuntur, vt hanc suam opinionem S<sup>c</sup>. Patrum esse assueverent. Sed quam imbecillis, & inermis hic sit Achilles, & fragile hoc fundamentum, quis non videt? Non dicit Seraphicus Doctor, SS. Patres Virginem comprehendisse sub peccato; sed communiter solū Christum excepisse: Verum hoc est communiter de prioribus illis Patribus: Verum etiam quod illi dixerunt, si de debito ad contrahendum, & lege generali, quā totum humanū genus obstringitur, loquebantur. Quod si de ipsa contractione actuali eos loquutos fuisse insistere velint Aduersarij, dum contumaciter aut fastidiosè nolim modo de hoc protrahere vel instituere sermonē, dico quod ita tunc eos loqui conueniebat, quando tam vehementer Ecclesiā, eiusq; Doctores urgebat illa infectissima, per multa sæcula protracta, & nouis semper Patronis suffulta & instaurata Pelagianorum hæresis, quæ nullū in vllō infantulo admittebat deductum ex parētibus reatum. Cui extremæ hæresi, & interminatæ negationi firmam ex aduerso veritatē, & illimitatam affirmationem opponere opus erat; ne si Virginem exciperent orthodoxi Patres, hetherodoxi cauillatores nullo maiori fundamento hanc, quā alium quempiam, aut ceteros omnes à generali lege, & cōmuni peccato excipi statim instarent. Quod omnino certum erat dicturos homines, qui solum, quod expressum habeatur in verbo Dei scripto, negandum, aut affirmandum docebāt. Quando autem sanctis Doctoribus res erat cum Christianis, & vbi se obtulit occasio, adeò clarè se pro Virginis immunitate ab omni peccato, sensisse insinuant, vt solum, quos propriæ opinionis tenet affectus, id ibunt inficias.

10 Argumentum autem negatiuum eiusdem Seraphici Doctoris, scilicet se non audisse Sanctorum quempiam, qui expresse staret pro immaculata Virginis Conceptione, licet sancto viro sufficeret, vt contrariam sequeretur, nos non conuincit, vt ex aduerso credamus, alteram esse sanctorum Patrum firmum consensum. D. enim Bonauentura adolescentiori ætate hæc edidit Commentaria, vt eius vitæ acta tellantur, & grauib; præcipuisque sui ordinis præfecturis ad varia distractus, non potuit omnium Patrum intentæ incumbere lectioni; maximè dum, & si per tempus liceret, non ei omnium suppetebat copia librorum, tum propter Euangelicam, & strictam eius paupertatem, tum etiam propter illius ætatis codicum

*Testimoni-  
n gatuens  
Bonauentura non  
vige.*

penuriã, vnde multi, vel ex multis multa eius subterfugere poterant studium, & auditum. Non igitur, quia ille horum loca satis luculenta, quæ nobis in promptu sunt, non viderit, aut non audierit, nullũ omnino extare dicendum est. Nec quia antiquiores Patres, & communiter illi, qui Bonauenturam præcesserunt, in suis cum hæreticis congressibus, solum Christum exceperint, ideo Beatam Virginem sub generali Decreto eos comprehendisse putandum est. Forlan post hæc Commentaria, in quosdam incidit, ad quorum rationes, & fundamenta, iam senior negatiuam amplexus est sententiam in luculentissimo, & deuoto sermone de B. Virgine, qui habetur Tom. 3. suorum operum.

*Nilil fl-  
tuis de mō  
te sanctiorũ  
D. Thomas.*

11 Hoc etiam de mente sanctõrum (meo videri) ex D. Thoma colligi potest non leuiter, eumque nullatenus sensisse hanc sententiam fuisse Augustini, aut alterius ex Ecclesiæ Doctoribus, quippe qui tantus, & tam frequens erat in citandis pro quacumq; opinione Doctoribus, totiesque de hac materia egit, Sanctõrum auctoritates nullatenus pro ea adduxit, nec sanctõrum Patrum sententiam esse affirmauit, quod credibile est propterea non fecisse, quod nullum viderit, qui verè, & expressè secundum rigorem controuersię, quo inter Scholasticos tractatur, parti adhæserit affirmatiuæ.

*Primum  
Scholasticorum  
docuit  
negatiuã.*

12 Quod si ipsius opera purè, & sincerè expendamus, videbimus eum inter Scholasticos primum piam scriptis commendasse sententiam, vt videre licet in Commentarijs eiusdem ad primum Sententiarum, alijsq; in locis, quæ plus æquã quorundam industriã iam nobis exciderunt. Qui si in 3. p. q. 27. suæ Summæ, & alibi dixit contrarium, hoc non tam fuit mutare sententiam, quam propter summam semet continere modestiam, nec tam dictum voluit corrigere, quam semet parumper colligere, ne temerè aliquid cõcederet, quod tunc non viderit ab Ecclesia probatum: Retardauit itaq; eum à negatiuã firmiter tenendã, communior sui temporis doctrina, & licet quarundam Ecclesiarum cultu vrgeretur, tamen Festum illud tunc temporis adhuc non erat ab Ecclesia Romana vniuersaliter institutum, nec quo sensu deberet coli à Pontifice declaratum.

*Quare te-  
nuirit af-  
firmati-  
uam.*

13 Præterea quando pro affirmatiua vltimum protulit sanctus Doctor iudicium, non satis discussa erat controuersia, nec plures extabant inter Scholasticos, qui validè, & tenaciter negatiuam propugnarent sententiam. Non erant, qui obijcerent, qui examinarent, qui inter se ea cura, ac diligentia, qua his sæculis factum est, sancto-

sanctorum Patrum, & sacrae Scripturae testimonia. Adhuc non erat pro negatiua sententia clarus, aut manifestus Ecclesiae sensus, non aderat pro ea tunc vnanimis, quem modo perspicimus, fideiū consensus; non erant, qui se palam affirmatiuae opposerēt, quos modo habemus viros doctissimos quoadvsq; viam aperuit sua subtilitate, & felici ingenij acumine Scotus, à cuius ætate ad nostram paucissimi, aut ferè nulli sunt, qui cum eo negatiuae, non subscribant. Vnde non erit, qui in eo rerū statu summoperè non laudet D. Thom. prudentiam, qui sui temporis, & controuersiae circumstantiarum rationem habuerit, & qualem opinionis status, & temporis conditio exposculauerit, sequutus fuerit sententiam. Sed & qui modo propter temporis & controuersiae varietatem, & Ecclesiae manifestā propensionem in sententiā piā, illam sectantur, nec à D. Thomae mente recedere, nec eius se cōtraire doctrinae doctē, & cordatē contendūt.

14 Demus verò hunc, & ceteros, de quibus actum est, nunquam sententiam retractasse, ve plurimi ex eorum doctrina frustra probare nituntur, sed semper, & firmiter in affirmatiua perstitisse; nūquid ita huius rei veritatem sunt assequuti, vt qui cum illis non senserit, ab ea penitus recedet? Nunquid ita in hac re omnem omnino certitudinem explorarunt, vt nihil posterius explorandum superesset? Nōne vt homines errare potuerant? nec enim omnibus quæ scripsit, aut dixit quispiam mortalium, omnimodam, & irrefragabilem attigit veritatem. Solis canonicis scriptoribus, & quibus continuo spiritus ille veritatis altiterat, hoc concessum esse facemur. *Pertransibunt plurimi, & multiplex erit scientia.* Quælibet ætas suam veritatem aut parit aut aperit, temporibus suis res aguntur & varia dogmata varijs referantur ætatibus: Nihil ergo iniuriæ his aut alijs Patribus irrogatur, cum nouiores Theologi, quod illi non percæperunt, attingunt; nec honoris subibunt dispendium, si quidquam illis contrarium affirmant.

15 Nullius certè sub canonicis scriptoribus authoritas maior est Augustini, quem Hieronymus *conditorem antiquæ nostræ fidei appellauit.* Et quem in generalibus Concilijs, in catholicis Academijs, in Ecclesiasticis tribunalibus pro sacrae Doctrinae deposito & germano interprete venerantur Orthodoxi; & nihilominus non est, qui neget, quod & ipse fatetur, aliqua eius captum superuolasse, aliqua excidisse, non omnia percepisse, quædam minus recte scripsisse, non ita certo scopum attigisse, vt omnes suæ doctrinae velit habere

*Doctorem  
quisque pō-  
tius errat.*

*Daniel  
12.4.*

*August.  
fatetur se  
aliquando  
errasse.  
Hierony-  
mus Epi-  
stola ad  
August.*



August. bere sectatores. *Neminem* (inquit sanctus, & humilis Doctor) *ve-*  
 lib. 2. de *lim sic amplecti omnia mea, ut me sequatur, nisi in ijs, in quibus me non errare*  
 dono *perspexerit. Nam propterea nunc facio libros, in quibus opuscula mea retractan-*  
 petuer. *da suscepi, ut nec me ipsum, in omnibus me sequutum fuisse demonstrarem.*  
 ca. 1. to. 3.

*Non pude-*  
*ra D. Tho-*  
*mas se re-*  
*tractare.*

16 Augustinum certe imitari non puduit D. Thomam eius do-  
 ctrinæ, & humilitatis discipulum, si credimus opusculo 72. quod  
 inter cætera illius opera circumfertur. Ingenue etenim intellexit in  
 tot tantisque eius operibus aliqua esse, quæ sibi coherere vel non  
 poterant vel non videbantur, & in aliquibus locis sui immemo-  
 rem, contradicentia fortasse dixisse; quæ si offenderit benignus Le-  
 ctor, ea vel inter se reconciliare, vel minus exercitatum aut minus  
 verum reijcere, & saniorē amplecti illum rogavit. Hæc illius opul-  
 culi verba: *Supplicamus ut si quid aliquis invenerit à nobis non concordatum,*  
 D. Tho. *si ei non sit magna causa dicendi, ex qua (secundum Hilarium) accipienda sit*  
 opus. 72 *intelligentia dictorum discretorum, & magis exercitatum consulat; si vero non*  
 in princ.  *fuerit inuentum, quod simul utrumque stare possit, id illorum eligat, quod magis*  
 tom. 17. *veritati consonum indicaverit, alterum vero renovaremus nos, si talis nobis*  
*discordia occurreret.*

*Si nunc vi-*  
*xisset, in*  
*negativam*  
*abores.*

Medina  
 in 3. p. q.  
 27. art. 2.  
 in respō.  
 ad 3. pro  
 sententia  
 affirmat.  
 Iustin. in  
 addit. ad  
 vii. B. Lu-  
 dou. Bel-  
 tram. pa-  
 ragr. 1.  
 Idem Bel-  
 tramus  
 ab eo ci-  
 tatus, &  
 alij.

17 Probabiliter ergo credere possumus quod si hodie hanc vitam  
 viveret gloriosus Doctor, & controuersie statum perspiceret, ea-  
 dem facilitate, qua Augustinus multas, ille vnam retractaret sen-  
 tentiam, ut pie, & non inani ducti fundamento, multi ex probatis-  
 simis eius iudicarunt discipulis. Quod, & eius sectatores iam tan-  
 dem facere conueniret, nec ita tenaciter adhærere opinioni cui præ-  
 cipiunt eius author libentissime valediceret. Expediret certe non  
 parum hanc dissimulare & omnino tacere, non secus ac alias quas-  
 dam eiusdem Doctoris sententias, quas communi hominum ca-  
 ptui displicere deprehendunt, vel ingenij dexteritate, qua pol-  
 lent, explicare; & ad saniorē ac magis gratum sensum accommo-  
 dare; tum propter illa, quæ diximus; tum quia in ipsius sancti Do-  
 ctrina non infirma sunt piæ opinionis de qua agitur, fundamenta;  
 imò solidiora quæque à multis ex recentioribus adducta, ex eius  
 sunt operibus deprompta.

*Ex sanctis*  
*Patribus,*  
*& ex Ra-*  
*centioribus*  
*feri multis*  
*adversis*  
*affirmati-*  
*on.*

18 Hæc ergo tantorum Doctorum acies ab aduersarijs conuo-  
 cata, quæ sedulâ indagatione Theologorum destructa, & profliga-  
 ta, ad paruum ternarium numerum, imò minorem (si alijs creden-  
 dum) redacta est. Doctores quosdam Scholasticos, & alios mino-  
 ris notæ viros, antiquitus fuisse pro hac sententia non inficiabor,  
 qui



qui continuâ successione sine maiori inuestigatione in fide magistrorum, sanctorum Patrum fuisse sententiam putantes, eis subscribebant; sed ut lis hæc dirimenda proposita est, & quæstione exactè per tot sæcula discussâ, veritas eluxit, Ecclesiæ auctoritas accessit, vniuersam Theologorum schola (pauculis qui se vinci putant inhonorem, exceptis) negatiuæ firmiter adhæsit, eamque omnes fermè Principes Christiani tuâ sententiâ stabiliendam instantèr efflagitant.

19 Vel hinc demum sufficienter nobis persuaderi poterit hanc non fuisse Patrum opinionem, ut inaniter iactant vel obijciunt aduersarij. Nec enim se illis opponerent recentiores Doctores, nec in illorum despectum negatiuam foueret Ecclesia, sequerentur Principes, crederent populi, summi venerantur Pontifices: Aliter namque periurij reos dicemus tam Doctores, quam Pontifices, qui, contra iuramentum præstitum dum ad illos gradus vel honores ascenderent, aliter interpretantur Scripturas, quam communis patiatur sanctorum Patrum doctrina. Certè si illorum esse sententiam affirmatiuam intelligerent Patres Concilij Tridentini, nequaquam vererentur eorum innixi auctoritati, sub communi hominum conditione & sub eadem alea conditionis humanæ in Decreto de peccato originali Virginem comprehendere. Nec de Tua Beatitudine credendum (imò iniuriosum in Tuam illustrem in Christo prudentiam reputo dicere contrarium) si tale quid perspexisset, aut aliquantulum suspicaretur, Patres conuenisse in aduersariorum sententia, quod illam iuberet taceri, & silentij tenebris iniuste præciperet inuolui. Hæc certè magna; & plana excogitati figmenti indicia.

20 Nequaquam igitur Tuam Beatitudinẽ debet retardare appatens illa sanctorum congeries, quum (ut iam dixi, & me probaturum spondeo, ac palam ostensurum adstringo) paucissimi sint pro affirmatiua, & multi pro negatiua, præsertim quod & si plures pro aduersarijs essent, ob id statim Regis Catholici pro diffinitione instantia non esset repellenda, cum multa, contra multos Ecclesiæ Patres, non in eorum contemptum, sed in necessariam fidei veritatem, iam ab Ecclesia fuerint definita. Innumera sunt mihi horum exempla, quorum copiam largiùs & liberiùs in alijs Tractatibus Tux Beatitudini faciam. Modo breuiter dico aliquos ex prisca Patribus docuisse Angelos esse corporeos; animas non fruituras glo-

*Non tenent  
se affirmatiuam SS.  
Patres con-  
probatur.*

*Quamuis  
aliqui do-  
cuisse af-  
firmatiuam,  
pess: tamen  
definita  
contrariã.*

ria ante diem iudicii, hæreticos esse rebaptizandos, Spiritum Sanctum non procedere à Filio, Virginem actualiter peccasse: D. Thomas etiam cum suis docuit votum simplex sine adhibita solemnitate ad religionis professionem non sufficere; attamen nihil horum modo recipitur in Ecclesia, & contrariæ ferme omnes opiniones sunt à Pontificibus vel Concilijs definitæ.

## Humilis expostulatio ad S<sup>m</sup>. Dominum.

*Vidri espor  
tes sanctos  
Patres in  
suis origi-  
nalibus.*

21 **N**ihil iam ergo vnde quavis superest, quo à Divino eructando oraculo remoretur Tua Beatitudo, aut aliquatulum hæsitet, cum hoc argumentum de Sanctorum Patrum doctrinâ, quo solo aduersarij in extremo iam discrimine positam suam sententiam tantopere commendauerint, apparens sit, & infirmum. Cuius rei si facere velit Sanctitas Vestra periculum, præsto adsumus, præ manibus sunt Patres, perquisita, & examinata eorum eloquia, expensæ eorum sententiæ, quas non sine magna iniuria, & infidelitatis notâ quidam ex aduersarijs protulerunt. Liceat ergo hæc in suis originalibus, vel libris optimè castigatis, & medica manu in Romana, & alijs Catholicis limatissimis Typographijs, correctis, & cum antiquis codicibus comparatis, conferre ut tantus Tuus, & doctorum hominum iudicio, dolus possit aperiri. Nihil nouum, nec iniustum peto. Hoc idem petierunt, & obtinuerunt Legati Sancti illius Pontificis Agathonis in illa 6. Synodo, in qua qui vnâ tantum in Christo voluntatem adnitebant, legitimam, & vnanimem illud fuisse sanctorum Patrum consensum iactitabant. Quorum fallacia ut detegeretur, Theodorus, & Ioannes Diaconus, qui locum præsentabant Sanctissimi Papæ Agathonis, & qui cum eis erant Episcopi, & ceteri Patres Concilij dixerunt ad Imperatorem Constantinum Pogon. qui assistebat Concilio. *Piissime Domine adhuc aliquid de vna voluntate, & vna operatione non ostenderunt Macharius Archiepiscopus Antiochia, & alij Episcopi aut Patres eius sequaces per testimonia ab eis prolata. Sed & ipsa testimonia, que protulerunt coram vestra pietate ac sancta Synodo detruncauerunt, & que ad Trinitatis attinent rationem de vna voluntate pro incarnationis dispensatione Domini nostri Iesu Christi, protulerunt, que vero conueniunt, & que proprie pro huiusmodi carnis dispensatione Domini nostri Iesu Christi posita sunt, tam sensum quam verba detruncauerunt. Unde petimus vestram piissimam*

*In 6. Synodo generali act. 6.*

*simam fortitudinem authenticos Codices prolatorum ab eis paternorum testimoniorum proferri ex venerabili Patriarchio huius Regie ciuitatis. & conferri cum codicibus ab eis oblatis, & demonstramus quæ ab eis in his facta est obcelatio.*

Quod ad sequentem actionem 7. fieri iussit Imperator. Ad hoc idem multo antè tamquam ad vltimum malorum remedium, cogerè voluit Arianorum sequaces Imperator Theodosius ex Consilio Sisini, & Nectarij, vt collatis inter se sanctis Patribus, & periculo facto veritatis authoritatum eorundem, quas vtrinque Catholicorum acies, & Ariana colluies proferebant, sisterent iudicio ipsorum Patrum & Codicum, & per illud tanta rescinderetur controuersia.

*Histor.  
tripar. l. 9.  
c. 19.*

Hoc idem humiliter, & quâ possumus instantiâ petimus, & nos stare volumus iudicio Patrum; & veltro, quod omnium firmissimum, & certissimum reputamus, & credimus; nullius alterius Patris aut cuiuscumq; Doctoris dictis infallibilem omnino tribuentes certitudinem, & securitatem, quam in sinu Patrum suam assequutam esse sententiam finxit Caietanus. Tuum erit hoc iudicare, à te solo securitatem prodire nos confitemur. Quidquid fidei, quidquid certæ veritatis in hac re speramus, à te illud expectamus, quam multis & magnis Doctoribus, & maiorem, & veriore orthodoxy suspicit & veneratur Ecclesia. Non fuit ex non Pontificibus summis post Apostolos, vllus, qui in Dogmatibus stabiliendis errare non potuerit. A te solo, & Tux Sedis Pontificibus omnis error est alienus, in te stabilita est veritas, in Tua Sede venerandum, & perpetuum sibi thronum constituit. Ab illo solio nullum vnquam poterit oriri mendacium.

*Caiet.  
opus. de  
Concept.  
cap. 5. ad  
fin.*

*Tractatus Quarti Finis.*

## Continuatio Historiæ.

**V**T per hunc Tractatum, & quæ sub familiari colloquio Orator intimauerat, Sua Sanctitas percepit, horum authorum nimiam imponendi libidinem, factamque tantam in authoritatibus obcelationem intellexit; se vehementer admirari, ait, quomodo per tot annorum spatia, fallacia hæc inualuerit, nec deprehenderetur; & iam deprehensâ (si verum erat) & detectâ, adhuc insisterent aduersarij in persuadendo populis, tam sanctos omnes



mnes Patres, quàm vetustiores Doctores sibi fauere. Magnum sibi tunc inesse deliderium ostendit, vt huius fallaciæ (si quæ erat) fieret periculum, & exactè seriùsque omnes consulerentur in suis operibus Doctores; (quod & summè percupijt, & enixius petijt Orator) non tamen hoc sibi tot molestijs, & grauissimis Ecclesiæ rebus circumseptò, & vndique obfesso, tunc temporis licere, & proinde in aliud commodius esse differendum. Quod verò attinebat ad libellum, in quo ingens Patrum, & Doctorum numerus coaceruabatur, & quem sibi oblatum paucis ante diebus Oratori reuelauerat, in eo illum deceptum admonuit, quod Vincentij Bandelli cum esse putauerit, esse tamen alterius Authoris eiusdem instituti. Hanc facilè diuinavit, & dixit Orator Bandelli compendium esse, propterea quod omnes, qui post eum quidquam in hac Controuerlia scripserant de mente Patrum, totum fermè ex Bandello desumpserint. Libellum ipsum promisit Sua Sanctitas Episcopo se in suas aedes destinaturam, quod & beneuolè compleuit per suæ Cameræ Præfectum. Non inanis nec temeraria fuit Oratoris de libello suspicio, quippe nihil aliud continebat, præter compendium, vel potius cathalogum Doctorum à Bandello citatorum, per Fratrem Petrum de Vincentia concinnatum; præfixis in initio quibusdam temerarijs contra piam opinionem censuris.

Cogitauit ergo Orator non parum causæ profecturum, si nouo edicto tolleretur è medio Bandellus, nec eo ita liberè, & absque timore vterentur Aduersarij ad persuadendum quæ volebant de mente Sanctorum, quotidie cum omnibus obrudentes, & pro probatissimo, & omnium in hac re doctissimo commendantes. Voluit ergo, vt ex duobus eius libris contra immaculatam Conceptionem editis (quorum vtrumque inuestigare facilè non est, & nobis habere licuit ex Bibliotheca Illustrissimi Cardinalis de Trejo optimis libris refertâ) omnia colligerentur, quæ grauiora erant, & duriora, & Apostolicis videbantur Decretis contrairè; & iterum inculcarentur, quæ minùs fideliter dixit de sensu priscorum Doctorum, & quæ minùs modèstè in aduersæ sententiæ fautores effudit, sub hoc Tractatu Sanctissimo Domino exponerentur.

## ORATIO QUINTA

AD S.<sup>MM</sup> D.<sup>NMM</sup>

## PAVLVM PAPAM V.

## TRACTATVS VI.

Libros duos Vincentij Bandelli contra Conceptionem immaculatam Virginis Mariæ conscriptos, sæpius fuisse interdictos, & adnumerari debere auctoribus in Indice, vel Catalogo librorum reprobatis.

- |  |  |
|--|--|
| 1 Referantur temeraria quedā propositiones contra sententiam negatiuam.            | 7 Conuincitur alterum tractatum esse Bandelli.             |
| 2 Condemnāntur litteris Apostolicis.   | 8 Quæ dixit in 1. p. tractatus 2.                          |
| 3 Iisdem litteris subscribunt alij Pontifices.                                     | 9 Quæ in 2. p. eiusdem tractatus.                          |
| 4 Propositiones illæ condemnata modo seminantur in populis per Bandelli tractatus. | 10 Quæ in tertia parte.                                    |
| 5 Recensentur iniuriosa, & minùs æqua verba, quæ Bandellus habet l. 1. p. 1.       | 11 Quæ in 4. parte.  |
| 6 Quæ scriptis in secunda parte eiusdem tractatus.                                 | 12 Quid minùs verè de mente Sanctorum Patrum inculcauerit. |
|  | 13 Quæ dixerit in contrarios, conuicia.                    |
|  | 14 Apostrophe ad Sanctissimum Dominum.                     |

## BEATISSIME PATER.

**P**ostquam Sixtus IV. ad annum 1476. vniuersos fideles hortatus est, & largissimis indulgentijs inuitauit ad celebrandum Conceptionis Virginis Mariæ Festum, iam ante ab Ecclesia vniuersaliter receptum; quidam diuersorum ordinum Prædicatores ausi sunt prædicare, & editis insuper libris docere, non esse celebrandum huiusmodi Festum, aut saltem intelligendum de spiritali Conceptione, aut sanctificatione eiusdem Virginis, opinionemque asserentium eam fuisse sine peccato conceptam, hæreticam esse, mortaliterque peccare eos, qui ita sentirent, aut docerent; imò, & quoscumque qui sermonibus ita asserentium interessent.

2 Ex quibus assertionibus dum non leuia, nec pauca oriebantur scandala, duas edidit extrauagantes idem Sixtus, quarum vtraque incipit *Græue nimis*. Primam peculiarem pro partibus Lombardiæ an. Dom. 1482. In quibus magis tunc huiusmodi vigeabant dissidia. Se-

*Temeraria quorundam propositiones contra negatiuam sententiam.*

*Condemnantur à Sixto IV.*

dia. Secundam vniuersalem, & quæ habetur in corpore iuris Tit. de reliq. & venerat. Sanctorum in Extrauag. communibus, anno Dom. 1483. In quarum prima specialiter illam Felsi explicationem condemnauit, in vtraq; verò ceteras relatas præfatorum Prædicatorum propositiones, tanquam falsas, erroneas, ac à veritate penitus alienas, dictosque desuper libros, illas continentes, auctoritate Apostolica reprobauit, ac damnauit, & eos, qui in posterum præsumerent in suis sermonibus ad populum, seu alias quomodolibet prædictas propositiones approbare, aut veras esse dicere, vel dictos libros pro veris legere, tenere, vel habere, excommunicationi & æternæ maledictioni subiecit, cuius absolutionem soli Romano reseruauit Pontifici.

Et nò alijs  
Pontifici-  
bus.

3 Prædictas verò Extrauagantes, saltem secundam reualidauit, eius executioni Iudices constituens, Alexander VI. in Bulla quæ incipit, *Illius qui se*. an. Dom. 1502. Postea ad an. 1546. easdem confirmauit Concil. Trident. sess. 5. de peccato originali. 3. Pius V. in motu proprio, cuius initium *Super speculam* an. 1570. Ac tum demum Tua Beatitudo an. 1616. in Diplomate *Regis pacifici* multis superadditis pænis illas roborauit.

Uno Ban-  
dello tract.  
contra pu-  
ram Virgi-  
niæ Conce-  
ptionem.

4 Non obstantibus tot, tantisque summorum Pontificum litteris censurisque in iisdem contentis, plurimi ferunt præ manibus duos libellos vel tractatus Vincentij de Bandellis & Castro Nouo Diocesis Terdonensis, Ord. Prædicat. quorum vnum suppresso proprio nomine edidit an. Dom. 1475. dedicauitque Comiti Petro de Gambara, cui Brixienfi, cui titulus *libellus de veritate Conceptionis gloriose Virginis Mariæ*. Eius hunc esse constat ex altero libro, quem in lucem dedit sub suo nomine an. Dom. 1481. & ita ad Herculem Estensem Ferrariæ Ducem inscripsit. *Tractatus de singulari puritate & prerogatiua Conceptionis Saluatoris nostri Iesu Christi*. In hoc primi libri multoties meminit, citatque in pluribus locis plura, quæ eodem modo, & loco, quo citantur, in illo inueniuntur, quorum aliqua inferius subiiciuntur, vt liquido constet vtrumque opusculum eiusdem fuisse authoris. In vtroque non solum prædictas assertiones à tot tantisque Pontificibus reprobatas, ac condemnatas, verù etiam alia multa, & Catholicæ fidei, Christianæ concordie, ac paci & bonis moribus aduersantia falsim habet, & sæpius inculcat. Horum compendia fecerunt alij, in quibus easdem similesque propositiones docere in tot Apostolicarum litterarum contemptum non verentur.

Multa in  
hi habent  
grauis cen-  
suræ digna.

rentur; quarum summam hic subiicio, recensens primo, quæ habentur in secundo libro, tanquam authoris nomine præfixo, notiori, & quia in volumine quod offertur primū habet locum; cuius alia plures extant editiones, vna Venet. an. Dom. 1501. per Christophorum de Pensijs, alia Mediolanen. per Leonardum Vegium an. 1512. altera facta est an. Dom. 1502. cura cuiusdam Patris Dominicani, qui licet in principio eiusdem præfixerit Epistolam ad Fratres sui Ordinis, nomen tamen suum & locum in quo excusus est liber, omnino reticuit.

## In primo libro.

**I**N Epist. Dedicatoria ad *Herculem Ducem*, multoties vocat opinionem, quæ negat Virginem in peccato conceptam errorem, insuper, insanam opinionem, temina falsitatum, & in fine dicit, esse quid mortale, perniciosum, falsitate plenum, & fidei diuinisq; litteris contrarium.

*Cap. 1. ait.* Huic singulari puritatis Christi excellentiæ detrudere nefandissime videntur, qui contra Sanctorum Patrum clarissimas sententias Beatissimam Virginem in sui Conceptione ab originali peccato fuisse immunem conantur astruere.

*In fine eiusdem capituli conclusione 2.* Dicere Beatam Virginem non fuisse conceptam in peccato originali, non est pium.

*Ibidem Corolario 1.* Non est licitum credere, aut pertinaciter asserere B. Virginem non fuisse conceptam in peccato originali.

*Ibid. Corol. 2.* Non est licitum prædicare assertivè quod B. Virgo fuerit in sui Conceptione immunis à peccato originali.

*Ibidem Corolario 3.* Periculosum est accedere ad prædicationes illorum quando actu prædicant Beatam Virginem fuisse conceptam sine peccato originali.

*Cap. 9. circa finem,* consequens est, ut quicumq; dicat B. Virginem nullum unquam habuisse peccatum, sit Hæreticus appellandus.

*Cap. 22. citat auctoritatem cuiusdam Ioannis Ord. Cisterciensis quam approbat, in qua dicitur,* quod Deus Pater præcepit Spiritui Sancto, aufer rubiginem, &c. quod quo sensu inter Catholicos possit proferri, Doctissimi quique dubitabunt.

*Capite 34. in princip.* Opinio quæ dicit Beatam Virginem non fuisse conceptam in peccato originali, contradicit sacrae Scripturae, & est impia.

M

Cap. 35.

*Cap. 35. in princip.* Positio quæ dicit B. Virginem non contraxisse originale peccatum, contradicit auctoritatibus Sanctorum, & est impia.

*Cap. 36. in princ.* Positio quæ dicit B. Virginem non contraxisse originale peccatum, contradicit antiquæ fidei omnium Catholicorum, & est impia.

*In fine eiusdem capituli insert.* Patet quod excipientes B. Virginem ab illâ generalitate, contradicunt fidei antiquæ omnium Catholicorum.

*Cap. 37. in princ.* Illud quod Sancti & famosi Doctores dicunt esse erroneum, superstitiosum, & hæreticū, non est pium, sed impium, sed dicere quod B. Virgo vel alius præter Christum non habuerit aliquod peccatum, Sancti & Doctores famosi dicunt esse erroneum, ergo dicere B. Virginem non contraxisse peccatum originale non est pium.

*Cap. 38. in princ.* Illa positio quæ contradicit determinationi Ecclesiæ non est pia, sed impia, sed positio, quæ dicit B. Virginem non contraxisse originale peccatum, contradicit determinationi Ecclesiæ, ergo non est pia, sed impia.

*Ibidem ante medium Capituli.* Si quis diceret Ioannem Baptistam vel Apostolos non habuisse originale peccatum esset hæreticus, quia contradiceret illis Concilijs ( *quæ scilicet ille ibidem refert* ) ita & qui dicunt B. Virginem non contraxisse originale peccatum contradicunt illis Concilijs.

*Ibidem in fine.* Positio quæ dicit oppositum, scil. B. Virginem non habuisse peccatum originale non est pia, sed impia, quia contradicit Spiritui Sancto, qui est author sacræ Scripturæ.

*Cap. 39.* Quod contradicit sacræ Scripturæ & Doctoribus sanctis & determinationibus Ecclesiæ caret veritate, sed prædicta positio est huiusmodi ergo.

*Cap. 40.* Personæ quibus factæ sunt revelationes de V. Mariæ immunitate à peccato originali sunt personæ suspectæ, carnalibus vitijs deditæ, nihil in se spiritualitatis ostendentes. *In quo certè non leuiter B. Brigitte, & aliorum piorum hominum sanctitati derogat, imò & Ecclesiæ eosdem canonizanti, & revelationes quasdam ex his approbanti.*

*Cap. 41.* Quod contradicit S. Scripturæ & sanctorum Doctorū auctoritatibus & antiquæ fidei & demonstrationi Ecclesiæ & repugnat dignitati, & veritati Christi, non est licitum illud credere, sed



sed positio quæ dicit B. Virginem non fuisse conceptam in peccato originali est huiusmodi, ergo non est licitum credere vel tenere ipsam non habuisse peccatum originale.

*Ibi in 2. Corolario.* Non est licitum prædicare B. Virginem non habuisse originale peccatum, quia repugnat autoritatibus sacræ Scripturæ, & sanctorum Doctorem, & antiquæ fidei omnium Catholicorum, & dignitati Christi.

*Ibi in 3. Corolario.* Non est licitum audire prædicantes Beatam Virginem non habuisse originale, quia est doctrina corruptiva fidei, & contradicit sacræ Scripturæ, & sanctorum Doctorem, & derogat dignitati Christi.

*Ibi in 2. probat. 3. Corolarij.* Qui audiunt prædicantes B. Virginem fuisse conceptam sine peccato originali, dant eis occasionem peccandi, quia dant eis occasionem dicendi mendacium, & prave exponendi sacras Scripturas, & falsa miracula confingere, à quibus malis retraherentur si non haberent auditores.

*In peroratione primæ partis eiusdem libri ad Ducem Ferrariæ concludit.* At nos relicto populari errore amplectemur veritatem, quam nobis Apostoli & alij Doctores sanctissimi in suis codicibus tradiderunt.

## In 2.<sup>a</sup> parte eiusdem Tractatus.

**6** *I*N decimâ ratione secundæ partis ad infirmendam auctoritatem Ecclesiæ quia Festum Conceptionis celebrabat, hæc verba effudit. Vnde dicta Augustini & aliorum sanctorum Doctorem in his quæ pertinent ad fidem & ad bonos mores, in maxima reuerentia à Summis Pontificibus habentur, imò eorum dicta in sacris Scripturis exponendis & in causis decidendis, maximè quando fundantur in sacra Scriptura in his quæ pertinent ad fidem, & ius Diuinum videntur esse præferenda constitutis Summorum Pontificum vt notatur in glossâ *De libell. distyn. 20.* imò præferuntur determinationi Concilij vt habetur in c. *Placuit 35. q. 2.* vbi præfertur sententia Hieronymi Concilio Calcedonen. prohibenti raptam posse Matrimonio copulari raptori, quia auctoritas Hieronymi erat in sacra Scriptura fundata, *Exodi 22.* Et ideo cum Augustinus & alij Doctores sancti, ac Summi Pontifices fundantes se in sacra Scriptura promulgante ius Diuinum, dicant Beatam Virginem in originali peccato fuisse conceptam, videtur ex prædictis sequi quod

M. ij senten-

sententia sanctorum Doctorum in hac parte sit dictis, & constitutis quorumcunque preferenda, &c. *Quæ propositio quam perniciosam contineat heresim, & quantum sacra & suprema Pontificia præiudicet dignitati, & nostri temporis heresibus applaudat, Tuae Beatitudinis est exacte perpendere.*

*Ratione 21. quæ talis erat;* Dominus Papa dedit Indulgentiam his qui dicunt officium Conceptionis Virginis iuxta piam, deuotam, & laudabilem ordinationem Magistri Leonardi de Nogarolis ergo &c. „ *Respondet;* Posito quod Dominus Papa viderit illud officium, quod „ multi negant propter multa verba nugatoria, quæ in illo continentur, &c. In quo quam iniuriam irrogauerit & Summo Pontifici & sanctæ Ecclesiæ, eo quod dicat inconsiderata, non examinata, aut perspecta, sed nugatoria proposuisse fidelibus recitanda in officio Diuino, & ad eorumdem recitationem tam amplas elargitus sit Pontifex Indulgentias considerari certè debet & perpendi.

*Ibidem cum sibi obieciſſet quod in Læſione quapiam illius officij reſer- tur pro pia ſententia auctoritas ſancti Dominici, dicit.* Respondeo primo quod mentitur in caput suum, ex hoc enim concludere possumus quod illud officium multis conſperſum eſt mendacijs, cum allegat librum, quem natura nesciuit. *Et tandem in fine concludit sic.* Et idè quidam dicunt quod Dominus Papa illud officium non vidit, quia cum sit vir doctissimus, & semper Doctores sanctos in veneratione habuit, non est tam faciliſter credendū quod intendat præſtare fauorem his, qui ſententijs ſanctorum Doctorum contradicunt. *Vbi apertè ſatetur hoc officium fauere his, qui contradicunt ſententijs ſanctorum, & illud approbaſſe Pontificem nescientem quid continuerit, quod non leuiorem cenſuram quam præcedens meretur aſſertio.*

*Ibidem in fine multa dicit ſatis indigna contra prædictū Leonar- dum, & vitam eius ac mores, & officio prædicto ait illum inſeruiſſe multa falſa, & libros citafſe, quos natura nesciuit, vnde colligit Pon- tificem officium illud non vidifſe, quod tamen piè, ſanctè, & lauda- biliter diſpoſitū fuiſſe ait in Extrauaganti Cum præ excelfa ipſe Sixtus. Et in Extrau. Graue nimis ab ipſa Eccleſia ait inſtitutum.*

*Ratione 33. Quia aduerſarius arguens ei obiecit etiam ipſum Ma- hometum de Virginis originali innocentia protuliſſe teſtimonium, „ ait. A fide Chriſti alienos ſe eſſe oſtendunt, qui in his quæ ad fidem „ pertinent relicta ſacrâ Scripturâ, Mahometi teſtimonium requi- runt, &c. Cum tamen multa etiam Sancti Patres ab Ethnicis & fi- dei noſtræ*

dei nostræ aduersarijs, citauerint, vt ex ipsis inimicis inimicos debellarent, semper tamen sacræ Scripturæ innixi testimonijs. *Et addit;* non esse mirum si Mahometus hunc errorem seminauerit, &c.

*Rat. 34. ait.* Hæreticum esse dicere Virginis Conceptionem præintellectam esse in mente Diuina conceptioni aliorum hominum, quod tamen satis probabile, & receptū est apud plures Theologos.

*In Epilogo, dicit.* Quod si aduersarij (*defensores scilicet Conceptionis immaculatæ*) in eadem stultitia, & præsumpta nouitate perdurent necesse est, vt egregios Catholicæ veritatis acerrimos defensores qui ingenti gloria in Ecclesia Dei claruerunt, turpiter accusent, & Scripturas sacras perniciosè deprauent, & errorem Pelagij, Cælestini & Iulianij suis peruersis expositionibus impie defendant.

In Carminibus Antonij Fauentini eidem libro affixis in editione an. 1502. negatiua sententia seu pia, vocatur *error*; & in alijs sequentibus cuiusdam Anonymi dicitur Bandellus per hunc suum librum consolidare fidem, aggredi valide, & sternere superna manu adiutus, hostes Diuini nominis, & solum quod ille dicit, verum esse; quod non probat, atrox; quod spernit, falsum; quod tenet, esse pium, & non nisi mentis inopem aut perniciosum hominem contradicturn, aut acerbis eum rosurum dicetis. *Et in Carminibus M. L. Iurissærit. dicitur;* hunc librum errata sophismata soluere.

In fine totius operis post relatam epistolam D. Bernardi in peroratione authoris ad detractores dicit, *contrariam opinionem esse errorem & copiosam ignorantiam.*

## De 2. libro huius voluminis.

7 **Q**Uamuis hic libellus sub præfati Vincentij Bandelli nomine non prodierit, eius tamen esse constat ex primo quem hucusque discussimus qui in editione fuit posterior, in eo etenim se in hoc 2. multoties citat, nam in c. 9. 1. partis in fine agens de expositione cuiusdam authoritatis D. August. ait; Expositionem prædictæ authoritatis diffuse posui in alio libello, quem Comiti Petro, de Gambara intitulaui, in ratione 11. 3. viæ, vbi eiusdem loci August. expositio illa inuenitur. *Cap. etiam 31. habetur.* Idem tenet August. 44. alijs locis sicut allegaui in alio libello quem intitulaui Comiti Petro de Gambara cuius Brixienfi in ratione 13. 2. viæ, quo in loco habentur omnes illæ Augustini authoritates.

M iij

Cap. 11.

*Cap. 11. 2. partis respondens ad quedam loca D. Anselmi sibi obiecta ab aduersario ait; Respondeo quod liber ille & epistola illa non sunt Anselmi Cantuariensis, sicut diffusè per nouem rationes probaui in solutione 32. rationis alterius tractatus, quem intitulaui Comiti Petro de Gambara, vbi omnes illæ rationes habentur ex quibus alijsque citationibus sine dubio eidem auctori tribuendus est vterque libellus.*

8 *In præmio huius libri dicit; Opinionem de Conceptione immaculata esse errorem mortalem fugiendum, falsitate plenum, impium, profanum, vtpotè fidei diuinique litteris aduersatissimum, perniciosum.*

*Ibidem paulo inferius ait; Se velle oppositum sentientes ad sinum Matris Ecclesiæ relicto errore conuertere.*

*Inferius. Quod nulla ratione persuasi, nec autoritate freti aduersarij in iniuriam sanguinis Christi contra tot Sanctos & Doctores propter popularem tantum fauorem, illam sine originali fuisse conceptam audent prædicare.*

*Statim subiungit titulos capitulorum, que habentur in quatuor libri partibus, & in titulis 2. viæ, partis 2. has habet assertiones grauiores præ alijs multis, viro Theologo satis indignas.*

*Tit. 4. Si Beata Virgo sine peccato fuisset, Christi sanguine nec reconciliata, nec iustificata fuisset.*

*Tit. 6. Si Beata Virgo sine peccato concepta fuisset, ad populum Christi non pertinuisset.*

*Tit. 11. Qui Beatam Virginem sine vllo peccato fuisse asserit, dignitati Christi nefandissimè detrahit.*

## Tituli rationum 3<sup>æ</sup>. viæ.

1 **S**I Beata Virgo sine peccato concepta fuisset, eius Mater in concipiendo Virgo fuisset.

2 Beatam Virginem fuisse sine peccato originali conceptam, caret omni veritate.

3 Dicere Beatam Virginem sine peccato fuisse conceptam, est contradicere sacræ Scripturæ.

4 Dicere Beatam Virginem sine peccato fuisse conceptam, est resistere fundatissimæ fidei.

5 Qui Beatam Virginem sine originali peccato fuisse asserit, Christianæ fidei fundamenta subuertit.

6 Qui

6 Qui Beatam Virginem sine omni peccato dicit, horrendâ peruersitate Christianæ Religioni infestus existit.

7 Dicere Beatam Virginem peccatum non habuisse, est dicere eam seipsam decessisse.

8 Beatam Virginem sine peccato fuisse conceptam, Sancti dicunt esse erroneum, & temerarium.

9 Beatam Virginem in originali peccato fuisse conceptam 200. Doctores famolissimi tenent.

10 Dicere Beatam Virginem non habuisse originale peccatum, est dicere oppositum eius, quod est per Ecclesiam determinatum.

11. 12. & 13. dicit; Sanctos Doctores approbatos specialiter affirmare de Virgine fuisse sine peccato conceptam; & hoc concludi efficaciter & clarè ex authoritatibus sacræ Scripturæ & Sanctorum Doctorum.

## In secunda parte libri.

9 **I**N titulo *secundæ partis* ait. Incipit 2. pars in qua demonstratur quod impium est tenere Beatam Virginem sine peccato fuisse conceptam.

*Cap 1. pro conclusione statuit.* Dicere Beatam Virginem non fuisse in originali peccato conceptam, est valdè impium, & temerarium.

*Ratione 1. 2. 3. & 4. primæ viæ* ait; Else impium valdè dicere Virginem sine peccato fuisse conceptam.

*Ratione 1. 2. 3. 4. 5. 6. 7. 8. 9. 10. 12. & 13. secundæ viæ idem repetit, & 11.* Non else piè tenendum.

*Ratione 1. tertriæ viæ* ait; Si Beata Virgo originale peccatum non contraxisset, de Spiritu Sancto concepta fuisset. *Et statim* ait. Se velle luce clariùs demonstrare impium ac temerarium else, dicere Beatam Virginem non fuisse conceptam in peccato originali. *Et infra* ait. Else valdè impium hoc asserere.

*In ratione* ait. Else impium valdè, quia caret omni veritate.

*In 3. idem* ait. Quia contradicit sacræ Scripturæ.

*In 4.* Quia est resistere fundatissimæ fidei.

*In 5.* Else impium valdè, quia est subvertere fundamenta Christianæ fidei, quod iterum in fine eiusdem rationis repetit.

*In 6.* Else impium valdè quia est infestum horrendâ peruersitate Christianæ fidei.

*In 7.* Quia exinde sequitur quod Virgo seipsam decepit.

*In 8.* Esse impium valdè, quia est attribuere Virgini id quod Sancti dicunt esse erroneum, præsumptuosum, & superstitiosum.

*In 9.* Esse impium, & temerarium, quia est oppositum eius, quod ferè omnes famosi Doctores tenent.

*In 10.* Quia est asserere oppositum eius, quod est determinatum per Sedem Apostolicam, & per Concilia generalia. *Et in fine.* Esse impium, & etiam Hæreticum.

*In 11.* Quia est negare quod Sancti affirmant, & affirmare quod negant.

*In 12.* Quia est negare illud, quod clarè potest concludi ex dictis Sanctorum, unde esse valdè impium ait ibidem, & ratione 13.

*In fine rationis 9.* Refert & approbat illam suspectam sententiam, seu potius manifestam Hærelim, quam ipsum asseritue docuisse supra retulimus ad principium 2<sup>æ</sup>. partis 1. libri; scilicet *Sententiam Doctorum fundantium se in sacra Scriptura esse præferendam quibus (cumque opinionibus & determinationibus etiam Pape & Concilij.*

*In fine 2<sup>æ</sup>. partis dicit quod defendentes Conceptionem immaculatam, Scripturas sacras perniciosè deprauant, hærelim Cælestini, Pelagij, & Iuliani suis expositionibus defendunt. Et §. ultimo affirmat esse impium.*

### In 3<sup>a</sup>. parte 1. libri.

10 **I**N principio 2<sup>æ</sup>. partis dicit. Impium, profanum, & hæreticum fore pertinaciter asserere B. Virginem in sui Conceptione à peccato originali fuisse immunem.

*In responsione ad rationem 23. 25. 26. & 33. vocat sententiam negatiuam, errorem.*

*In responsione ad rationem 30. dicit. Quod miracula, quæ fiunt pro Conceptione, fiunt à Dæmone, quia Dæmon, vt diuisionem ponat inter seruos Dei, & errorem nutriat in Ecclesiâ Deo permittente, vt qui in sordibus est, magis sordescat ad inuocationem Conceptionis sanat aliquas infirmitates, & alia plura huiusmodi ibi addit, quæ certè matura indigent animaduersione.*

*In responsione ad rationem 31. dicit quod Papa non potest determinare aliquid contra dicta Sanctorum Patrum in sacra Scripturâ se fundantium, quasi velit solis Patribus, & non Pontifici datum esse à Deo in fano, & irrefragabili sensu scripturas intelligere, & interpretari.*

*Ibidem*

*Ibidem in fine, ait, negatiuam sententiam contradicere sacrae Scripturae & dictis sanctorum Patrum.*

## In 4<sup>a</sup>. parte 2<sup>i</sup>. libri.

II **I**N responsione ad rationem seu Euationem (ut ille vocat) nonam, de sententia negatiua ait. O dogma diabolicum quod in sui perniciem diuersa mendacia fingens peruertere nititur veritatem!

*Ad Euationem 17. dicit. Ante Incarnationem nullum hominum per Christum fuisse redemptum; quod qualiter intelligendum sit, expositione indiget, nec enim sic absolute prolatum potest admitti.*

*Ad Euationem 20. ait; Doctores antiquos dixisse esse tenendum secundum fidem Catholicam, Beatam Virginem in originali peccato fuisse conceptam, & eisdem affirmasse, atque approbasse quod oppositum tenere erat erroneum, temerarium, superstitiosum, & haereticum etiam.*

*Ibidem ait falsum esse dicere, quemlibet in hac Materia de Conceptione Virginis posse partem quamcumque tenere, sed semper affirmatiuam de maculata Conceptione esse tenendam.*

*Ibidem paulo inferius ait; affirmatiuam cedere in dignitatem Christi, propter quasdam rationes, quas ibi assert, & subinsert; sed opinio, quae dicit quod Beata Virgo non sit concepta in peccato originali, destruit omnia illa, quae cedunt in honorem Christi, quia dicit solum Christum mortuum non esse debitorem mortis. Et dicit postremo, Christum non esse redemptorem omnium hominum, ergo opinio nostra est magis pia: Opinio vero contraria est impia, & ideo omnes, qui meditantur veritatem, tota deuotione nostram debent sententiam amplecti, & oppositam partem, quae falsitati, & impietati nititur tanquam perniciosam detestari.*

*Ad Euationem 36. qua obijcitur vniuersitatem Parisien. determinasse Festum Conceptionis esse celebrandum; ait in fine. Determinatio, quae est contra doctrinam Augustini, Bernardi, &c. qui dicunt Beatam Virginem esse conceptam in peccato originali, nullius est auctoritatis, sed est praesumptuosa, temeraria, & superstitiosa.*

*Tandem in Epilogo ad Comitum Petrum; Dicit, impium fore, Catholicaeque fidei aduersatissimum credere, tenere, aut praedicare Beatissimam Virginem originale peccatum non contraxisse.*

Quid

## Quid de mente sanctorum Patrum minus vere dixerit.

12 **I**N *Proëmio libelli primis seu Epistola ad Ducem Ferrariae s. seu versic.*  
Et cum primus, ait, innumeras ferè authoritates sacræ Scripturæ, & sanctorum Virorum adduxi, quæ nihil aliud asseriebant nisi beatam & sanctissimam Virginem ex virili semine propagatam in conceptu suo originalis peccati maculam contraxisse.

*Cap. 2. primæ partis eiusdem libri, positus pro conclusionibus, non esse piam opinionem dicere Virginem non contraxisse originale, nec ita credere licitum, aut predicare, & periculosum esse accedere ad Conciones illorum, qui talia asseriebant,* ait; Ducentorum sexaginta Doctorum testimonia in medium fideliter adducam, quæ ita esse affirmant, sicut nostræ conclusiones loquuntur.

In *Prologo 2æ partis eiusdem libri*, Adduxi (inquit) ducentorum sexaginta clarissimorum Doctorum apertissima testimonia, qui nemine discrepante nobis tradiderunt non esse secundum fidem Catholicam tenendum Beatam Virginem in sui Conceptione ab originali peccato fuisse immunem.

*Ibidem ratione 10. ait;* Quod omnes Doctores & Patres Illustres nemine discrepante asserunt Beatam Virginem in originali peccato fuisse conceptam.

*Idem asserit in Epilogo eiusdem secundæ partis, & quartâ parte alterius libelli, Euasione 18. Augustinum, Anselmum, Gregorium, &c. Hanc veritatem apertè docuisse, pluriesque idem repetit.*

*Probat  
multi san-  
ctos Patres  
à Bandello  
falso citari.*

Quod quam falsum & fictitium sit sedula sua diligentia in Patribus euoluendis, & Doctoribus à Bandello citatis consulèdis, recentiores editis super his doctissimis libris & scriptis demonstrant, & tres tantum sanctos Patres, vel ad summum secundum alios, quinque, admittunt esse, qui expressè affirmatiuam huius Controuersie partem docuerint, quamuis hi etiam tres vel quinque sibi in hac re, non omnino constiterint, & illorum authoritates contra immaculatam Conceptionem claras non violentas patiantur solutiones, & genuinas explicationes.

*Parum et-  
iam fide-  
ter eorum  
verba ab  
eodè referri*

Insuper deprehensus est plura pluribus ex his Doctoribus, quos citat, falso imposuisse, dum illorum verbis sua adijciat, illorum authoritates decerpat, & mutilet, & qui nunquam tale quid somnia-  
runt,



runt, in suam ſententiam adducat. Imo & contrariæ opinionis fautores & Principes pro ſuâ citare non eſt veritus, vt numerum 260. à ſe promiſſum compleret, ita vt Scorum ipſum, & Bernardinum Senenſem contrariæ ſententiæ egregios patronos, pro ſuâ, velint, nolint, compellauerit.

Alios etiam toto cælo ignotos, quorū nulla fuit apud antiquos <sup>ſententes ad-</sup> notitia, nec eſt apud recentiores memoria, nec vnquam natura co- <sup>traxiſſe</sup> gnouit, in medium produxit, & neſcio quibus ex angulis extraxit, quos ſuo catalogo interſerit, vt putetur eſſe in multitudine domi- <sup>Doctores.</sup> nus, ex tantâ congerie Doctōrū (quorum multos ille hoc nomine inſigniuir, & laureaui) magnâ conciliet ſuæ opinioni autoritatē.

Magnam certè in hoc, Eccleſiæ ſummiſq; Pontificibus, feſtum Conceptionis ſub ſenſu ſatis manifeſto immaculatæ approbanti- <sup>Inuenia eſt</sup> bus & indulgentiarum largitione proſequentibus, ipſamq; opinio- <sup>hoc Eccl'eſia</sup> nem negatiuam, & piam omni fauore quotidie ſectantibus, iniu- <sup>& auctori-</sup> riam irrogat, quaſi voluerint in deſpectum, & contemptum om- <sup>torum.</sup> nium Patrum & Doctōrum, opinionem ab illis relegatam, ſed & condemnatam (vt ille ait) amplecti, & illorum vnanimem conſen- ſum, & omnibus communem opinionem, ac doctrinam, flocci pendere, nouam & inauditam quandam introducere, contra illud quod in profeſſione Fidei ſub ſolemni iuramento ſe ſpondent Præ- lati & Doctores faicturos, communem ſcilicet ſanctorum Patrum doctrinam, & vnanimem conſenſum ſemper ſequuturos. Vnde ſi verum eſt, quod Bandellus de mente tantorum Patrum & Doctōrum pro ſua opinione aſſert, conſequens erit omnes Eccleſiæ Præſules & Doctores, qui omnes præter quosdā Prædicatorij ordinis & paucos ab illis edoſtos negatiuæ ſententiæ adhærent, eſſe periuros. An vero vel leuiter hoc ſit de illis ſuſpicandum, Tu Pater ſanctiſſime iudicato; quid autem immodèſtius, & irreligio- ſius in contrariæ ſententiæ fautores dixerit omnino prætereundum non iudicaui.

Quid contra bonos mores & viri Reli-  
gioſi modèſtiam in contrariæ ſententiæ fauto-  
res contumelioſius, & irreuerenter adiecerit.

13 **I**mmodèſtius, quam Religioſum deceat virum, inuehi-  
tur immodicis conuicijs in eos, qui Virginem Mariam  
ab originali labe excipiunt, quorum aliqua grauiora in medium  
profero

profero, alijs innumeris, quibus vterque libellus reſperſus eſt, conſulte omiſſis.

*In Epifſola Dedicatoria primi libri ad Ducem Ferrarie parum poſt princip. verſ.* quod vbi, poſtquam retulit contradicſiones Prædicatorum qui Ferrarie concionabantur quibuſdam dicentibus fuiſſe conceptam Virginem in originali, alijs è contra negantibus, ait, hos templa clamoribus compleuiſſe, ineptiſſimas voces deprompſiſſe, veſanâ mente deſipuïſſe, ac veluti delirantes diuinam deteſtando veritatem in ſanctiſſimos clarosque viros deſœuiſſe, & quo ſeminandi erroris ſui maior ſe cauſa offerret, forum eaq; loca, in quibus advertebant ineruditam vulgi frequentiam, aſſidue perluftraſſe, vulgi audientia contentos, peritos Doctorum aures aſpernatos.

*Ibidem verſic.* O deliramenta nequitiz, exclamat, vnde æterne genitor funeſtum hoc virus eorum mentes obrepit, qui caſtiſſimæ Matris Eccleſiæ laribus educati à primis (vt aiunt) vnguiculis veritatem diuinarum rerum ſuxiſſe debuerant? Quid porro hac peſte pernicioſius? Quid tanta labe execrabilius excogitari poterit? Neſandum ſane eſt id alteri attribuiſſe quod ſolum Chriſto in diuinas laudes fides immaculata donatum fuiſſe proſitetur. Veruntamen cum pro noſtra conſuetudine eorum flagitioſis dogmatibus pro veritate Chriſtianæ fidei tutandâ Illuſtrium Virorum clariſſimas ſententias obijceremus, ad conſueta vulgi populariumque conſugia ſe conferebant, clamoribus atque vociferationibus ſe armantes, in quibus ſuæ erroneæ opinionis fundamenta icciſſe, atque omnem ſpem, & præſidium collocaſſe videntur.

*Ibidem verſic.* Proinde, ait, cum rationum noſtrarum fundamenta ſuis tortuoſis argumentationibus, vel ſaltem leuiter ſœdare non poſſent, eos illico tanta inuaſit rabies, quod in me fremere labijs, ſtridere dentibus beſtiarum more ceperunt, ita vt ſpumantes apros peſtifero telo percuſſos, aut certè rapaciſſimis canibus vndique coarctatos hos facile putares; nos enim quia rationibus ſuperare facultas non erat, contumelijs conuiitijsque affectos terrere nitabantur.

*Inferius verſic.* Eo maxime. Aduerſarij noſtri longa iam conſuetudine id agere ſolent, quod vbi ſe victos conſuloſque noſtris rationibus in diſputationis certamine ſuccubuiſſe viderint, imperito poſtmodum vulgo prædicantes, victores ſe exticiſſe gloriantur. Tales enim habemus obtreſcatores, qui dente canino nos rodunt,  
vt niſi

vt nisi acerbe inflicti veritatis baculo repellantur, latrare non cessant, armantur mendacijs, falsitatibus se muniunt, vt veritatem perdant, quam persequuntur.

Taceo multa & graua quae primâ parte eiusdem libri capite 19. dicit in *Panormitanum*, aliosque Concilij *Basilien.* graues viros, quos ideo statuisse fert partem negatiuam à cunctis tenendam propterea quod *Predicadores* ab eo Concilio receperint, eorumque factis noluerint assentiri; quasi in illorum odium & ad vindiictam de illis sumendam, illi qui remanserunt in illa congregatione Sessionem 36. celebrauerunt, in qua de *Mariae* immunitate ab originali credendâ Decretum illud satis repetitum, efformatum est. *Vtinam* verum esset, quod de suorum recessu fingit, sic etenim ad miserum & detestabilem illum exitum Concilium illud non peruenisset, nec in tantam prorupisset insaniam, vt verum Pontificem deponendum, & *Pseudo-Papam* creandum curaret, & ita temere nefas illud adoriretur. *Crimen* etenim omne, & culpam in *Predicatore* quendam *Burgundionem Nicolaum* nomine referunt cum *Aenea Sylvio* postea *Pio II.* huius *Tragœdiae* teste oculato, alij qui de hac re sermonem fecerunt, quod & ex ipsis actis eiusdem Concilij licet colligere.

In *Epistola Dedicatoria* secundi libri ad *Comitem Petrum de Gambara* versic. Sic ilti (inquit.) Isti diuinarum litterarum ignari dum *Virginem Dei Genitricem* sub specie pietatis falsis honoribus extollunt, *Christi dignitati* nefandissime detrahunt sanctas *Scripturas* peruerse exponunt, *Sanctorum Patrum sententias* spernunt, & tandem propter humanum fauorem ac terrenum lucrum, nouos errores confingunt. Hi secundum *Hieronymum* veluti adulterini filij à Patrum suorum vestigijs discedentes, veritatem vertunt in mendacium, & superstitiosâ temeritate armati, terminos transferre praesumunt, quos posuerunt *Patres* eorum. Isti de domo *Domini* populos seducunt, & vt suum pertinaciter defendant errorem, diuinas *Scripturas* perniciosè deprauant, *Doctores antiquos* condemnant, & imperito vulgo praedicantes, audent alijs dicere, quod ipsi non intelligunt; nec fateri etiam verentur se aliquid videre quod eorum non intellexêre *Magistri*, ô stupendum Prodigium. Vt quidam, (vt ita dicam) scalciati, moderni, vento pleni, sapientiâ vacui tam facile intellexerunt, quod *Doctores antiqui*, vitâ sanctissimi, &c. ignorauere. Hi profecto ignorantiae tenebris inuoluti, volentes sapere plusquam oporteat sapere, nouas non cessant adinventiones confingere, nec dignantur disce-

N

re, quid

re, quid Apostoli, quid Euangelistæ, & quid S. Doctores diuinâ gratia illuminati de hac materiâ senserunt, sed Sanctorum veritates floccipendentes ad fabulas sese conuertunt, & ad sensum erroremque suum perniciosum incongrua adaptant testimonia, quasi grande sit & non vitiosum dicendi genus, deprauare sententias, & ad voluntatem suam sanctam Scripturam trahere repugnantem, &c.

*In eodem libro 3. Vt 2. partis ratione 13. ad finem: Quidam (inquit) fabricatores mendacij sanam doctrinam non suscipientes ad fabulas se conuertunt, & sententias sermonibus imperitis inuoluunt, dicentes & obstinata fronte prædicantes Beatissimam Virginem nunquam originali peccato infectam fuisse, & tamen ad Christi redemptionem, ac saluationem pertinere. Tales profecto Scripturas perniciosè deprauant, & hæresim Pelagij, Cælestini & Iuliani suis expositionibus defendunt. Vbi increpatoria, & acerba verba Augustini aduersus eosdem, in hos retorquet. Et ibidem post verba Augustini statim addit; Oportet secundum Catholicam fidem, & sanam doctrinam, & intelligentibus perspicuam veritatem, fateri, quod nec quisquam sanari potest non infirmus, nec aliquis potest dici redemptus, nisi fuerit sub seruitute captiuus. Quod si quidam aduersarij Catholicæ veritatis vellent sine pernicioso studio defendi errorem suum, cum Dei timore cogitare, & oculo sinceræ veritatis sacras Scripturas inspicere, profecto non ita scelestissimè blasphemarent, vt dicerent naturam humanam post Adæ peccatum, antè liberam, & sanam fuisse, quam liberator, ac saluator adueniret. Ita verò eos dixisse infert ex eo quod subiicit, Ita enim errantes, ita delirantes, ita insanientes sunt, vt non aduertant in eo quod Beatam Virginem originale peccatum non contraxisse asserunt, quod ipsam saluatam aut redemptam fuisse abnegant, &c. Egregiam certe illationem, alienam satis à negatiua sententia fautoribus.*

*In princ. etiam 3. partis §. Ideo. In hac postrema, & 28. emissionem, & alijs quam plurimis in locis acrius inuehitur in aduersarios, immodicis eos afficiens conuijs, & contumeliosis verbis infectans, que illos iniuriæ vindictam Christianæ concordie, & paci inimicam, non leuiter incitant, & alios quosque vehementer scandalizant.*

Apostro-

Apostrophe ad S<sup>m</sup>. Dominum.

14 **H**Os nihilominus libros ( Beatissime Pater ) multi per Italiam & Hispaniam præ manibus ferunt, in cathedra, & manu scriptis quasi codices vndique commendatos citantes, populo, & omnis generis viris illos intrudentes, in super dicentes solum Bandelum hunc docere veritatem, & huius dictis non alienis standum esse; His tanquam perpetuo Cliepo ( quo nomine primum à me reuissum, sed ab illo secundo loco, vel posterius editum ipse author insigniuit in Prologo ad Ducem Ferrariæ ) semet defendere conantur contra communem Ecclesiæ consensum, & vnanimem ferè omnium Doctorum, & Vniuersitatum doctrinam, ne cogantur cum illis consentire; Ex quo multa, & grauià vbique oriuntur scandala, quibus obuiare voluerunt suis sæculis Pontifices in principio huius scripti relati, hos & similes libros prohibendo; Imo sunt qui dicant propter hos ipsos libros Sixtum IV. Constitutiones illas grauiissimas *Graue nimis* edidisse, quod omnino est verisimile, dum primum ad Comitem Petrum scripserit anno Dom. 1475. & alterum in publicum dederit anno Dom. 1481. ( vt ex hoc codice constat ) ante vtramque emissam constitutionem *Graue nimis* sub annis Domini 1482. & 1483. In illisque habeantur omnes & singulæ assertiones, quas Sixtus in illis extrauagant. à tot Pontificibus reualidatis condemnauit, sed & de illis comburendis & penitus è medio tollendis sententiam latam ( vt iam in superiori Tractatu proposui ) in Dicecesi Toletana à Iudicibus Apostolicis suo Diplomate *Cum notis* confirmauit Julius II. ad ann. Dom. 1502. Et exequi præcepit in Diocesis Carthagenen. & Conchen. quod & ita factum est, vt per publica, & originalia scripta, quæ apud me sunt, constare poterit.

Ludouici  
Caruajal.  
in decla.  
exposit.  
proCon-  
cep. Virg.  
c. 31. &  
respons.  
ad obie-  
ctione 1.  
& alij.

Quare humiliter orat Catholicæ Maiestatis Orator, vt Vestra Beatitudo denuo dignetur declarare, quatenus per tot Summos Pontifices hic liber alijque eiusdem farinae prohibiti sunt legi, aut retineri apud quemquam Catholicorum sub grauiissimis illis censuris quæ in supradictis constitutionibus continentur, & præcipere velit Consiliarijs Sacræ Congregationis Indicum, vt eos in Cathalogo librorum prohibitorum statim apponant; Qua ratio-

N ij

ne ob-

ne obuiatum iri spondet multis scandalis, quotidie exorientibus ex prædictorum librorum lectione, & retentione. Et quod suavius poterit ulterius procedi ad æquam huius Controverſiæ compositionem. Quod in re adeo iuſta, & penè neceſſaria ſe conſequuturum à Veſtra Beatitudine non diffidit, quam Deus Optimus Maximus ad plures & felices annos ſeruet incolumem.

*Tractatus Sexti Finis.*

## Continuatio Hiſtoriæ.

**N**on potuit non horrere Sanctiſſimus Antiſtes ad tot taleſque Bandelli aſſertiones, & tam temerarios auſus non condemnare; ſatis ſuperq; tamen dixit prohibitum eſſe vtrumque Tractatum per conſtitutionem Sixti, *Graue nimis* propter hoſ ipſos libellos factam, & pro maiori obſervantia in corpore Iuris repositam, & à ſe, alijsque Pontificibus, & Concilio Tridentino reuaditam, nec ulteriori, nec celebriori indigere condemnatione, vt verò adnumerarentur expreſſè alijs proſcriptis in Indice librorum prohibitorum, ſuperfluum eſſe laborem, quippe adeo notoriè conſtat, Pontificem Sixtum ſub grauiffimis pœnis vetuiſſe, vt pro veris, aut ſanis legerentur, aut apud quempiam retinerentur, & licet nominatim in Indice non haberentur, ex regulis tamen præfixis ipſi Indici innotefcere omnibus quodnam de eis ferendum erat iudicium.

Hæc & quæ aliàs à S<sup>mo</sup>. respondebantur Pontifice, quas etiam ipſe adhibebat diligentias, quam aſſumebat, vel deponebat ſpem Catholico Regi ſcripſit Orator, quemadmodum ei præſcripſit in vltimis ſuis litteris orthodoxus Princeps. Sed cum in Luſitaniam, vt magno illius Regionis hominum deſiderio, & bono proſpiceretur, Rex ſe expediret, non reſcripſit, nec reſponſum expectabat Orator, donec iterum Maioritum curia remearet.

Statuit ergo ea, quæ ſibi præſcripta erant ex conſilio illorum grauiffimorum Virorum quos ſub prima Sectione dixi Regem conuocaſſe Maioriti, proſequi, & ad vnguem obſervare. Illud præ cæteris ei commendatum, vt ſolicius inſtaret circa vniformitatem cultus, & conſonantiam in celebrando myſterio Conceptionis, vt & omnes iuberentur ritum, vocem, & ſenſum Eccleſiæ obſervare,  
nec

nec cuiquam in posterum liceret sub Sanctificationis, aut alterius cuiuspiam vocis varietate ab ea discrepare. Sæpius de hoc antea egit cum Sua Sanctitate. Per sequentem Tractatum sub mense Maio voluit rem amplius vrgere. In eo grauiora huius dissonantiæ Prædicatorum à communi ritu incommoda adnotauit, & vniformitatis in cultu bonum subtexuit.

## ORATIO SEXTA

AD S.<sup>MM</sup> D.<sup>MM</sup>

PAVLVM PAPAM V.

## TRACTATVS VII.

Non esse tolerandam aduersariorum in celebrando Conceptionis Festo dissonantiam, & expedire vt vniuersaliter Ecclesia illud celebrare iubeantur.

Grauitè ferri tantam in celebranda Conceptione Virginis dissonantiam.

## § I.

1 Dabitur qua authoritate aduersarij discrepens à communi ritu Ecclesia in celebranda Conceptione Virgini-  
 2 Responsio eorundem Patrum ad præfatum dubium.

## BEATISSIME PATER.

1 **Q**Vam molestè ferant viri grauisimi, & quam non dissimulandum iudicent homines doctissimi aduersariorum ritum, non solum diuersum, sed & alienum à communi totius Ecclesiæ cultu, eidemque non solum dissimilem, sed & omnino sensu contrarium, & voce discordem in celebranda Conceptionis Virginis Mariæ Festiuitate, ab Ecclesia Romana vniuersaliter instituta, semel ac iterum Tuæ Beatitudini proposui. Quorum scrupulum exinde augeri adnotaui, quod nequaquam eis constet, vel leuiter attingant, aut aliunde percipere valeant, vnde prouenerit tanta licentia ab Ecclesia discrepandi, vel qua authoritate Pontificia freti, Ecclesiæ morem in hoc Festo ita respuerint, vt vel ipsum Conceptionis nomen eisdem cum Ecclesia Catholica quandoque commune, reiecerint; & à

N ij

libris

libris suis tam Missalibus, Breuarijs, Diurnis, quam alijs quibuscumque officio Diuino inseruentibus, hoc nostro æuo penitus aboleuerint.

*Responsum  
aducersarium.*

2 Sed responsum est, & Tuæ Beatitudini inculcatum hanc suam in tanta re diuersitatem, & diuturno esse iam tempore inueteratam, & Ecclesiastico exemplo munitam. Nam apud se per plura sæcula ita celebrari hanc Festiuitatem affirmant, & iam olim sub eodem nomine, & sensu à Romana Ecclesia receptam. Primum antiqua, & non interrupta (vt aiunt) suæ Religionis consuetudine probant; secundum expresso, & firmo Aluari Pelagij Minoritæ Episcopi Siluenfis testimonio confirmant. Hic enim cum sentiret Beatam Virginem in peccato fuisse conceptam, consequenter adiunxit. *Ideo Romana Ecclesia Festum Conceptionis non agit & si tolerat quod alicubi fiat, vel illud Festum debet referri ad Sanctificationem Virginis, non Conceptionem;* Et ita dicit Oratio que dicitur in hoc Festo Roma in Sancta Maria Maiori. *Deus qui Sanctificationem Virginis, &c. sicut vidi & audiui, quum ibi de ista Sanctificatione prædicarem in Festo Sanctificationis, quod sit in mense Decembris ante Festum Natalis per 15 dies.* A quo idem transumpsit testimonium Turracrem. seu Bartholom. de Espina, & Albertus Decimius in editione libri eiusdem Card. part. 13. cap. 9.

*Alu. Pelag. l. 2. de plane. Eccles. art. 52. littera B.*

Inter Prædicatores antiquum fuisse Conceptionis Festum, & Sanctificationis nouiter in tota Religione introductum.

## §: II.

3 Nequaquam erat vniuersale inter Prædicatores hoc Sanctificationis Festum.

4 A quo tempore hac celebrandi dissonantia capis inter Prædicatores.

5 Ex litteris Clementis VIII. colligitur non constituisse illi de hac vniuersali innoatione.

6 Nec vllatenus eidem scienter consensit.

7 Ad illam Sixti IV. permissionem diuerse opinandi; non sequitur licentia diuerse celebrandi.

8 Vanum est effugium dicere idem sub Sanctificationis ac Conceptionis titulo celebrari.

*Festum  
Sanctifica-  
tionis re-  
centis inter  
Prædicato-  
res.*

3 **S**atis certè mirari non possum viros doctissimos, insuper, & religiosissimos quamcumque vel leuissimam aut infirmam ansam arripere ne opinioni, ab omnibus receptæ, cogantur subscribere; & solemnem Ecclesiæ Festiuitatem; in legitimo, & manifesto iam sensu compellantur admittere. Sed quam à veritate alienum sit in Prædicatorum Ordine semper celebratum fuisse Festum hoc, sub titulo *Sanctificationis* grauissimum probat

Vincen-



Vincentij Iustiniani Dominicani testimonium, qui in pluribus Conuentibus sui Ordinis non solum celebrari Festum Conceptionis ait, sed taliter vt splendidius, & magnificentius nusquam. Imò, in tota Prouincia Berthica quæ magna, & lata est, & magno grauissimorum Prædicatorum, & Doctorum numero decorata, celebrari, & colascerit cum Octaua solemnissimè. Sed & in tota Gallia, & vbiq; ultra montes celebrari de Conceptione testificatus est Archiepiscopus Compse Catharinus. Ipsi etiam eorum libri rituales Milsale, Breuiarium, & Martyrologium antiquiora, hoc apertissime demonstrant. Milsale etenim aduersariorum Hispali impressum an. Dom. 1530. sub titulo *Conceptionis* habet propria Milsam eiusdem Festi, in qua pluries repetitur *Conceptionis* nomen. Et in Calendario eiusdem ac rubrica de præfationibus B. Virginis semper habet idem commune, & receptum vocabulum. Breuiarium etiam eorundem excusum Parisijs an. Dom. 1550. eadem cum tota Ecclesia vitur voce *Conceptionis*. Martyrologium denique ipsorum per Fr. Ioan. de Palencia grauissimi Conuentus D. Stephani Salmanticens. Ord. Prædic. præcentorem de licentia R<sup>mi</sup>. P. Seraphini Caualli generalis magistri typis mandatum Venetijs an. 1582. in Calendario eidem Martyrologio præfixo 8. Decemb. ita habet: *Conceptio B. Mariæ Virginis totum duplex.* Et in ipso Martyrol. ad 6. Idus Decemb. *Conceptio Sacratissima V. Mariæ Genetricis Dei, & Domini Nostri Iesu Christi: totum duplex.* Adnectit autem prædictus Martyrologij collector in Tractatulo quodam, quæ in initio præfigit ijs, qui Ord. Prædicatorum incipiunt profiteri, librum hunc nulla in re ab ijs, quæ in Ecclesia Rom. sunt in usu, & ab eadem approbantur, vllatenus differe, & ex antiquioribus sui Ordinis libris se eum concinasse. Alij etiam, si qui sunt illorum libri Diuino ritui accommodati, quos videre potui, non alio quam hoc vtuntur nomine.

4 Ex plurium itaque librorum variarum editionum collatione probabiliter colligi potest solum in Missali & Breuiario, quæ a tempore magistri Generalis Hieronymi à Xauierre prodierunt in lucem, initium habuisse hoc diuersum celebrandi genus sub nomine *Sanctificationis* vniuersaliter in grauissimo Prædicatorum sodalicio. Qua verò auctoritate vel licentia Pontificia id factum sit, penitus ignoratur. Nec enim in Diplomate Clementis VIII. nouo Missali præfixo vlla mutandarum vocum vel innouandarum Festiuitatum mentio habetur, sed solum conceditur, & iubetur vt libris

Vincen:  
Iustin. in  
addit. ad  
vit. I. el-  
tia. pa-  
ragr. vlt.

Cathari-  
nus de  
congr. ex-  
orta inter  
Prædic. &  
Sermon. in  
defens. 3.  
rationis  
paragr. 2.  
adnota-  
ui.

Qualiter-  
tia intro-  
ducti hoc  
discrimen  
ignotum

Choralibus, Missali, Breuiario, Diurno, in capitulo generali anno Domini 1601. in æde Sanctæ Mariæ supra Minervam, celebrato, in quo idem Xauierre in generalem coopatus est, ordinatis, ac reformatis, totus Prædicatorum ordo vtatur, & cauetur vt alius null præter Alphonsum Ciacconum Typographum prædictos libros aut imprimat, aut vendat.

Noluit  
hanc va-  
riationem  
Clement  
VIII.

5 Sed quales voluit, & putauit hos libros, hoc aduertendum; hic scrupulus, hoc necessario considerandum. Quod certè non clam, aut obscure ipse animaduertit. Ait enim se significasse generali illi capitulo per Illustrissimum Cardinalem Cæsarem Baronium in illo Præsidentem, se maximopere desiderasse, vt libri omnes rituales illius Ordinis, quam maximè conformarentur ad normam, & præscriptum Missalis, Breuiarij, & Diurni Romani, præcipuè quoad Epistolatum, & Euangeliorum seriem, seruato tamen antiquo prædicti Ordinis ritu. Cuius iusto desiderio omnes in Capitulo cōgregatos refert ipse Pontifex annuisse, ac prædicto Generali à Capitulo commissum, vt executioni mandaretur, quod Pontifex desiderauerat, & illi ad eius votum ordinauerant. Quod vt factum esse innotuit, vel dictum erat Pontifici; iussit vt libri Chorales huiusmodi ad præscriptum Missalis, Breuiarij, ac Diurni Romani, vt prædictum est, conformati; per totum Ordinem reciperentur. Desiderium ergo Pontificis, quod Illustrissimus Baronius in Capitulo expressit, quodque eis aniam, & occasionem præbuit, vt noua hæc librorum reformatio fieret; erat vt conformarentur cultui & ritui Romano, seruato tamen antiquo ipsius ordinis; Et ita factum esse supposuit in Diplomate, quando iussit vt his, & non alijs libris Fratres Prædicatores vterentur. In hac verò mutatione Conceptionis in Sanctificationem nec conformantur Romano cultui, nec obseruant antiquum sui Ordinis ritum. Ecclesia etenim Romana, nec Sanctificationis sensum à Dominicanis vsurpatum recipit, nec ipso Sanctificationis vtitur vocabulo: sed nec antiquus Prædicatorum ritus, vt iam ostendi, hanc vocem admisit. Vnde consequenter apparet tam à Romanâ, quam à suâ laudabili, & antiqua consuetudine descivisse.

Nec tam  
suum per-  
mitteret.

6 Nequaquam ergo putandum, aut sentiendum ex Clementis litteris aliquid in hac re licuisse mutare, qui enim voluit, & iussit vt Ecclesiæ conformarentur, quomodo ab ea discrepare vocabulo, imò & sensu contrarium profiteri, permetteret? Qui Prædicatorij  
Ordinis

Ordinis ritum antiquum voluit seruari, quomodo nouum & inusitatum consentiret introduci? Qui etiamnum in Epistolis & Euangelij Festorum differentiam tolli fecit è medio: nunquid in Festis ipsis diuersitatem, multo minus contrarietatem tolerare voluisse putabitur?

7 Vnde ergo huius discriminis licentia? Ab illâ forsan Sixti (vt quidam voluerunt) aliorumue Pontificum aliter sentiendi, quam communis tener opinio? Nec hinc certè licet. Videndæ ipsæ constitutiones Sixti; nullum prorsus habent verbum de celebranda à quopiam Conceptione sub titulo *Sanctificationis*, & cum in iisdem, post institutum & commendatum pro vniuersali Ecclesia Conceptionis Festum, facultatem faciat libere opinandi, non eam facit libere celebrandi, imò condemnat (vt alias ostendam) quorundam glossas & interpretationes eiusdem Festi, dicentium celebrari sub vocabulo *Conceptionis Sanctificationem*, quod pro falso condemnat & erroneo. Aliud certè est permissio qualitercumque opinandi, aliud facultas diuersè celebrandi. Illa in rebus, quæ non sunt fidei, vel fidei proximis; etiam inconsulto Pontifice, pænes probatos est Doctores. Hæc non nisi à Pontifice, vel eius quoad hoc auctoritatem habente, potest concedi. Nec enim (vt aptissimò vtar exemplo) Augustino, cui (vt aliquibus visum est) licuit dubie vel aliter opinari de Ioannis Baptistæ Sanctificatione in vtero, quam communis habet Doctorum; nec alijs quibuscumque, qui cum illo sentirent, aut aliquando senserint Ioannem non fuisse Sanctificatum ante natiuitatem, exinde vel eo ipso liceret Festum Natiuitatis eius ab Ecclesia institutum celebrare, sub titulo *Sanctificationis*, quasi sub illo senserint Baptistam post natiuitatem ex vtero fuisse Sanctificatum: vt hi Patres circa natiuitatem in vtero asserunt de Virgine. Quibus licet permittatur opinari Virginem fuisse in peccato conceptam, non licet exinde sua auctoritate Conceptionis eius Festum ab Ecclesia institutum, & veneratum, sub *Sanctificationis* titulo, quasi post natiuitatem in vtero fuerit Sanctificata, celebrare. Nec ex eo quod liceat alicuius sancti viri facta laudabilia, heroicæ virtutes, & præclara Sanctitatis indicia publicè recenser, permittaturque credi, & opinari Sanctum, & Deo dignum fuisse, statim tolerabitur eius Festum aut Natale celebrari. Quanto minus è contrario licebit propter tolerantiam opinionis affirmatiuæ, tantæ Virginis Dei Genitricis (cuius omnimoda Sanctitas, & in

*Vtrius opinari  
sanctitas  
non licet  
variè cele-  
brare.*

*Aug. epi.  
17. ad  
Darda-  
nū post.  
med.*

& in primo Conceptionis instanti puritas ab Ecclesia colitur, & dignis honoratur præconijs ) honori detrahi per noui, inusitati, & ab Ecclesia non approbati, Festi introductionem ?

*Aduersa-  
riorum re-  
igitur ef-  
fugium.*

8 Quod si contra illud quod docent, & publicè hucusq; in scholis profitentur, dicant se idem sub *Sanctificationis* titulo celebrare quod tota Ecclesia, & illi hucusque per diuersas Provincias & Nationes sub *Conceptionis* coluerunt vocabulo, statim se ingerit scrupulus, & interrogandos admonet, quare si sensum Ecclesiæ admittunt, nomen quo suam exprimit mentem, omnino rejciunt ? Sensus Ecclesiæ patulus est, & manifestus, tam ex primæua huius Festi institutione, quam ex Extrauag. Pontificum, ex officijs Diuinis, ritu ipso Ecclesiæ, communi hominum conceptu, & graui præcipuorum non paucorum Prædicatorij Ordinis virorum consensu, illam scilicet venerari Virginæ Conceptionis Sanctitatem in primo instanti. Si ergo Conceptionis nomen, sub quo Conceptionis Sanctitas celebratur, effugiunt, & respuunt, non temerè de illorum sensu quis dubitabit, aut sinistrum quid suspicabitur, dum contra communem Ecclesiæ & peculiarem suam vetustam, & antiquam consuetudinem Sanctificationis agunt, & Conceptionis respuunt officium.

Nunquam in Romana Ecclesia Sanctificationis Festum  
admissum fuisse in sensu Aduersariorum.

### §. III.

9 *Dubitatur an verum sit quod-  
dam Aluari Pelagij testimonium in  
hac re.*

11 *Antiquum esse, & nequaquam  
interruptum Conceptionis Festum in Ec-  
clesia.*

10 *Quomodo possibile fuerit aliquan-  
do hoc Festum celebrari sub titulo San-  
ctificationis.*

12 *Ecclesia omnes si aliquando San-  
ctificationem, modo, Conceptionem cele-  
brant.*

*Dubitatur  
de Aluari  
testimonio.*

9 **Q**Uod verò secundo obiecerunt ex Aluaro Hispano, ita antiquitus celebratam huiusmodi Festiuitatem sub titulo *Sanctificationis* in Ecclesia, & præcipuè in æde Maiori S. Mariæ de Vrbe, pro suspecto, & falso reputat Catharinus, nec legitime probatur (inquit) ab authoribus. Me aliquantulum mouit vt hoc crederem, illud Aluari viri eruditi testimonium grauissimum, dum ait se ita vidisse, & audijse celebrari in templo prænominato, donec in Bibliotheca Sfortiana ad læuam ingredientis in vltimo, & infimo scamno citatus Aluari liber, non sine gaudio

*Cathar.  
in dispu.  
pro Con-  
cep. Virg.  
ad Conc.  
Trid. pa-  
rum ante  
finem.*

gaudio mihi occurrit in ingenti volumine num. 13. manuscriptus in ipsa Vrbe an. 1474. per Petrum Symonetti de Francia de Malerij super Moram Remen. Dioc. pro R<sup>mo</sup>. Domino Urbano de Flisco electo Foroliuien. & Referendario S<sup>mi</sup>. Domini Nostri Sixti IV. in quo nihil tale nec verbum, quod ad Festum vel Festi modum attineat, habet: licet enim opinionem affirmatiuam in loco citato sectetur, tamen Festi non meminit. Vnde grauis mihi irrepit calumnia vel fictæ additionis suspitio. Quam non plene tollet quispiam, dum mihi obijciat Aluarum bis hos suos de planctu Ecclesiæ libros correxisse, & examinasse, vt ipse aduertit in fine, & in vno forsan exemplari hæc inueniri verba, in alio nequaquã. Nam credendum est post tot annos in Vrbe de vtraque correptione constitisse, & prædictum electum Foroliuien. Sixti Referendarium correctionem, & emendatiorem codicem sibi transcribi voluisse, & curasse alium consuli codicem Bibliothecæ Excellentissimi Ducis Urbini & Pisauri, manuscriptum an. 1482. qui nec verbum habet præallegati testimonij, in quo dum nihil horum, quæ aduersarij afferunt, inuenitur, & codici à tot annis manuscripto potius credendum sit, quam excusis in quos crassiores errores, & spurix additiones multoties irrepunt, iuste hoc ab eis prolatum testimonium, tanquam adulterinum poterimus rejicere. Cui adstipulatur diligens illa disquisitio facta anno proximè elapso in archiuis eiusdem templi Mariæ Maioris per doctissimos Episcopos ac Præsules, & grauißimos viros, in quibus nec minimum huiusmodi Sanctificationis Festi vestigium aut monumentum apparuit.

10 Sed ob reuerentiam tantorum Virorum, qui hoc expressum proferunt testimonium, & ne omnes Codices vbique excusos reprobare, vel mendacij incusare dicamur, concedamus modo ita vere testatum fuisse prænominatum Aluarum Hispanum eumque & auritum, & oculatum fuisse huius rei testem, sicut in excusis circumfertur codicibus. Admittamus etiam nunc veritatis indagandæ gratia, ita aliquando in illa, aut alijs particularibus Ecclesijs aliquando fuisse celebratum hoc Festum, sub illo, quem assignant, titulo. Sed temporum aduertamus curricula; quæ si distinguamus, leui cura concordabimus diuersos hos ritus.

Aluarus hic teste Trithemio clauit sub annum 1220. ad tempus Archidiaconi in iurispergentia celeberrimi, & Scoti; quorum primum in iure Canonico, secundum in Theologia habuit magistrum.

Cuius

*Licet verum  
esset, quid  
viserat.*

*Quando  
hic floruit  
Aluarus.*

Cuius eruditionem habuit in precio Ioan. XXII. qui cum suum confessarium postea pœnitentiariæ magistrum, demum Episcopum creauit Siluensem. Citatum verò exhibuit Aluarus testimonium ad an. 1332. in quo se libros illos de planctu Ecclesiæ edidisse ad finem secundi animaduertit. Circa hæc autem tempora in his partibus initium habuit huius inualescentis mysterij Festum, & extendi cepit ad particulares quasdam Ecclesias, in quibus timidè, & cautè admittebatur, tum propter multorum contradictionem à Bernardi tempore protractam, tum quod eousq; palam suam mentem Romana non declarauerit Ecclesia. Vnde ne errarent, forsàn sub Sanctificationis titulo, (sub quo tam Sanctificatio post peccatum contractum, quam Sanctificatio in primo instanti Conceptionis & nullo præsupposito peccato) aptissime potuit tunc celebrari, Festum hoc in illis Ecclesijs à quibus introducebatur.

*Antiquum  
& conti-  
nuit in  
Ecclesijs  
Concept.  
Festum.*

II At paulo post statim ac diligentius Ecclesia rem examinauit, instituit, vt in omnibus Festum fieret Conceptionis sub hoc ipso vocabulo. Cuius institutionis mentionem facit Concil. Basilien. in suo illo qualicumque Decreto, edito anno Domini 1439. dicens; *Renouantes præterea institutionem de celebranda eius Conceptione, quæ tam per Romanam, quam alias Ecclesias antiqua, & laudabili consuetudine celebratur, &c.* Sixtus verò I V. denuo ad annum 1476. idem Festum sub eodem titulo per omnes etiam Ecclesias coli hortatus est, & colentibus magnas elargitus est indulgentias. Et quia aliqui dubitabant imò & alij contradicebant, dicentes; non materialem, & veram Conceptionem celebrari statutum fuisse, sed potius venerari Sanctificationem, sententia excommunicationis lata contra huiusmodi assertores, in partibus Lombardiæ ad an. 1482. declarauit proprie, & vere intelligendam esse generalem huius Festi institutionem de vera, & materiali Conceptione, sed in gratia facta; & anno sequenti 1483. aliud vniuersale edidit Diploma ab Alexand. VI. Concil. Trid. Pio V. & tum demum à Tua Beatitudine confirmatum, in quo vtriusque sententiæ assertores, & immaculatæ Conceptionis cultores, à grauioribus aduersariorum censuris defendit; à cuius tempore in hoc nostrum semper perseverat communis, & clarus hic sensus, & Conceptionis titulus in Ecclesia.

*Sole aduer-  
sarij persis-  
tens in ce-  
lebranda  
Sanctific.*

12 Expenso igitur rerum ordine, & subductis à primo numero calculis, patet Aluarum testimonium præfatum (si illius sit) protulisse ante annos 287. & præcessisse primam Festi vniuersalem institutionem

stitutionem (nobis quantum ad institutorem incognitam) ferme ad centum annos, & manifestam, ac notam Sixti eiusdem Festiuitatis exhortationem ad 144. annos. Nihil ergo mirum, si tunc à quibusdam Ecclesijs aliter voce, non sensu; quam modo, celebratum fortasse sit hoc Festum, dum nec de manifesta intentione, nec de singulari institutione Ecclesiæ illis constiterit. Vt verò constitit, statim, si quæ erant, ritum seu vocabulum mutauerunt: celebratur enim modo in Sancta Maria Maiori, & alijs quibuscumque Urbis & Orbis Ecclesijs palam de Conceptione. Vt quid ergo antiquatū & ab Ecclesia derelictum nomen vsurpant, & reassumunt? cur pariter cum Ecclesia Sanctæ Mariæ Maiori, cuius nobis auctoritatem obijciunt, ritum non prosequuntur, & colunt? Cur quod vniuersa colit Ecclesia, celebrare contemnunt? Sanctificationem à peccato contracto venerantur, non Sanctificationē subiecti, quod ex semetipso, non propter peccatum quod inuit, Sanctificari indigebat; nec præseruationem à peccato contrahendo, nisi gratia præueniretur, cum Ecclesia, volunt admittere. Acquum certè erat, & tantorum Virorum ingenio dignum à communi cultu non recedere (inquit Catharinus) nec nouum sibi nec, quasi soli scaperent contra Ecclesiam fingere cultum, quæ contra illos merito in hac parte conqueritur.

Catharinus ubi supra.

Non debuisse affirmatiuæ fautores propter Pontificum tolerantiam in Festiuitate celebranda à cæteris discrepare.

#### §. IV.

13 Non debent aduersarij propter Pontificum tolerantiam à cæteris differre. 14 Pontius conuenit, ut omnino, & undequaque Ecclesiæ conformentur.

13 **I** Vltam certè esse hanc Ecclesiæ de Religiosis, & doctis his Patribus querelam, non infimæ notæ viri ex recentioribus subscribunt Catharino quum in magnum Ecclesiasticæ auctoritatis detrimentum vergere possit: (vt in alio Tractatu aduerti) quod illa omnibus proponit, ita dure, & constanter à quibusdam viris Religiosis, non admitti sed repelli. Abutuntur profecto eiusdem Ecclesiæ tolerantia ac benignitate, dum ex illâ legem sibi constituere, & hac se defendere conantur ne nunc in contrarium sensum aut ritum à Tua Beatitudine vel ab alio quopiam attrahantur. Sed considerare deberent, prudentissimam ac pietissimam Matrem Ecclesiam Catholicam multa tolerasse & quotidie permittere nec tamen omnia quæ permisit

Tract. III. num. 13.

Ecclesia nō approbat quidquid permittit.

permisit aut tolerauit, eam approbasse vel commendasse. Quod enim permittitur, non approbatur, vt habetur 4. D. Denique 21. q. 1. Hac ratione. Non est ergo quod T<sup>he</sup> Beatitudini obijciant aut dicant, quod Summi Pontifices eorum approbauerint in hoc Festo celebrando ritum, imò nec opinionem; nam ex exoritentibus nunc scandalis tolerari non debet, quia ratione scandali intolerabilis facta est hæc consuetudo.

Decet ut  
cum reli-  
giosa uni-  
uersa Ecclē-  
sia conueni-  
atur.

Calixtus.

Nicol.  
Epist. ad  
Michael.  
Imper.

Iulius.

Innoc.

14 Religiosissimis certè viris, & tantis Ecclesiæ filijs sufficere debuisset eandem hoc Festum sub hoc, vel illo ritu proposuisse celebrandum vel leuiter suam intentionem declarasse, aut tantum insinuassee vt dicto citius parerent; & in vnum cum vniuersa Ecclesia conuenirent, nec ita se solos ab illa in tanta disgregarent Festiuitate. *Non decet* (inquit Calixtus Papa & habetur 12. d. c. non decet) *à capite membra discedere, sed iuxta sacra Scripturæ testimonium omnia membra caput sequantur.* Nulli verò dubium est quod Apostolica Ecclesia mater sit omnium Ecclesiarum, à cuius regulis nullatenus hos conuenit deuigare; sicut Deifilius venit facere voluntatem Patris sui sic & hos implere decet voluntatem Matris sue, quæ est Ecclesia, cuius caput Romana consistit. Vnde consequens est (vt Nicolaus Papa ad Michaelem Imperatorem scripsit, & habetur 11. d. c. consequens) vt quod ab huius sedis Recltoribus plena autoritate sancitur, nullius consuetudinis præpediente occasione, proprias tantummodo sequendo voluntates remoueat. sed firmitus & inconcuse teneatur. Satis enim indignum est (vt alterius Pontificis Iulij verba, quæ ibidem c. nolite habentur, subnectam) quemquam vel Pontificem, vel ordinum subsequentium, hanc regulam refutare, quam Beati Petri Sedem & sequi viderit, & docere, multum enim conuenit vt totum corpus Ecclesiæ in hac sibi obseruatione concordet, quæ inde autoritatem habet, ubi Dominus totius Ecclesiæ posuit principatum. Et ibidem c. quis nesciat, ait Innocentius in simili casu oportet sequi quod Ecclesia Romana custodit, à qua eos principium accepisse non dubium est, ne dum peregrinis seruanibus student, caput institutionum videantur amittere. Sunt pro hoc ibidem egregij textus c. Ecclesiasticarum c. In his rebus cum tribus sequentibus, & est insignis locus d. 12. c. Præceptis. vbi egregiè docet Gregorius Papa nullatenus discrepandum esse à præceptis aut constitutionibus Ecclesiasticis. pro quo etiam facit ibidem c. Illud breuiter. & c. Ridiculum.

Maximum



Maximam debere haberi rationem consuetudinis Ecclesiasticæ  
in cultu Diuino & Sanctorum.

§: V.

- 15 *Sancti Doctores ac Patres deside- contrarij.*  
*rarunt semper cultus uniformitatem.* 17 *Rationes, quas assignant aduersarij*  
16 *In Ecclesia non possunt esse cultus suæ dissonantiae, non sunt admittenda.*

15 **H**anc diuersitatem celebrandarum Festiuitatum non Damia. l. de Dom. vobis. c. 7  
solum abhorruerunt Patres, vt docet D. Petrus Da-  
mianus dicens; *Doctores Ecclesiæ vnum nos docuere ordi-*  
*nem in Officijs inuolabili semper obseruatione tenere.* Microlog. de Ec-  
clesiasticis obseruationibus capite 25. & 42. sed eam etiam omni-  
nò è medio tollendam summopere laborauerunt Paulus, & Pius  
Quarti; per hos Concilium Trident. post illud Pius Quintus, &  
Clemens Octauus vt eorum litteras, Breuiario Romano præfixas  
legenti patebit. Imo Augustinus huiusmodi diuersitatum intro-  
ductores coercendos docet Epistola ad Casulanum & altera ad in-  
quisitiones Ianuarij, dicit, *rescandas illas que nec auctoritatibus sacra-*  
*rum Scripturarum, nec Concilijs Episcoporum statuta inueniuntur, nec consue-*  
*tudine vniuersalis Ecclesiæ roborata sunt.* August. Epist. 86. & Epist. 119. c. 19.  
In ipsis Festorum modula-  
tionibus aut psalmodia Officiorum vniuersalis Ecclesiæ consue-  
tudinem sequi iubent sub-grauissimis pænis Concil. Toletan. 11.  
& Bracaren. 1. cap. 19. quorum verba referuntur Dist. 12. cap. De  
his & cap. Fin. placuit. Quæ ergo nec in psallendo varietatem ad-  
mittunt, credendum est diuersitatem, imò, & contrarietatem per-  
missura in Officijs?

16 Prædicator veritatis & Doctor Gentium Paulus Apostolus Non sunt in Ecclesia cultus contrarij.  
huius Urbis incolis deprecatus est à Deo vt id ipsum scaperent, vt  
idem agnoscerent & sectarentur. Sed ad quid? vt vno (inquit)  
*ore honorificetis Deum.* Vbi Hieron. *Tunc verè Deus honorificatur si vno*  
*animo, & concordia voce laudatur.* Rom. 15. num. 8. Hieron. ibidem.  
Nec enim voce discordi, aut contra-  
ria Ecclesiasticæ, Deum faciliè laudari posse putauit. Cultum om-  
nem, qui contra Ecclesiæ consuetudinem sit, superstitionem esse  
docent cum D. Thoma 2. 2. q. 93. in cor. communiter Theologi,  
& in diuersis Ecclesijs diuersa & repugnantia esse non posse secun-  
dum veritatem, subiungit ibidem Angelicus Doctor in responsio-  
ne ad vltimum, & benè equidem nam Ecclesia nequaquam ea  
fertur leuitate, vt dicat **E S T & N O N**, vt magnus eiusdem Prædi-  
cator,

O ij

cator,

permisit aut tolerauit, eam approbasse vel commendasse. Quod enim permittitur, non approbatur, vt habetur 4. D. Denique 21. q. 1. Hac ratione. Non est ergo quod ~~Tunc~~ Beatitudini obijciant aut dicant, quod Summi Pontifices eorum approbauerint in hoc Festo celebrando ritum, imò nec opinionem; nam ex exorientibus nunc scandalis tolerari non debet, quia ratione scandalii intolerabilis facta est hæc consuetudo.

*Decet ut  
cum reli-  
quis uni-  
uersa Eccl-  
sia conue-  
niat.*

Calixtus.

Nicol.  
Epist. ad  
Michael.  
Imper.

Iulius.

Innoc.

14 Religiosissimis certè viris, & tantis Ecclesiæ filijs sufficere debuisset eandem hoc Festum sub hoc, vel illo ritu proposuisse celebrandum vel leuiter suam intentionem declarasse, aut tantum insinuassee vt dicto citius parerent, & in vnum cum vniuersa Ecclesia conuenirent, nec ita se solos ab illa in tanta disgregarent Festiuitate. *Non decet* (inquit Calixtus Papa & habetur 12. d. c. non decet) *à capite membra discedere, sed iuxta sacre Scripturæ testimonium omnia membra caput sequantur.* Nulli verò dubium est quod Apostolica Ecclesia mater sit omnium Ecclesiarum, à cuius regulis nullatenus hos conuenit deniare; sicut Dei filius venit facere voluntatem Patris sui sic & hos implere decet voluntatem Matris sue, quæ est Ecclesia, cuius caput Romana consistit. Vnde consequens est (vt Nicolaus Papa ad Michaelem Imperatorem scripsit, & habetur 11. d. c. consequens) vt quod ab huius sedis Rectoribus plena auctoritate sancitur, nullius consuetudinis præpediente occasione, proprias tantummodo sequendo voluntates remoueat, sed firmitus & inconcuse teneatur. Satis enim indignum est (vt alterius Pontificis Iulij verba, quæ ibidem c. nolite habentur, subnectam) quemquam vel Pontificem, vel ordinum subsequentium, hanc regulam resutare, quam Beati Petri Sedem & sequi viderit, & docere, multum enim conuenit vt totum corpus Ecclesiæ in hac sibi obseruatione concordet, quæ inde auctoritatem habet, ubi Dominus totius Ecclesiæ posuit principatum. Et ibidem c. quis nesciat, ait Innocentius in simili casu oportet sequi quod Ecclesia Romana custodit, à qua eos principium accepisse non dubium est, ne dum peregrinis sermonibus stident, caput institutionum videantur amittere. Sunt pro hoc ibidem egregij textus c. Ecclesiasticarum c. In his rebus cum tribus sequentibus, & est insignis locus d. 12. c. Præceptis. vbi egregie docet Gregorius Papa nullatenus discrepandum esse à præceptis aut constitutionibus Ecclesiasticis. pro quo etiam facit ibidem c. Illud breuiter, & c. Ridiculum.

Maximum

Maximam debere haberi rationem consuetudinis Ecclesiasticæ  
in cultu Diuino & Sanctorum.

§: V.

- 15 *Sancti Doctores ac Patres desiderarunt semper cultus uniformitatem.* 17 *Rationes, quas assignant aduersarij*  
16 *In Ecclesia non possunt esse cultus sua dissonantia, non sunt admittenda.*

15 **H**anc diuersitatem celebrandarum Festiuitatum non solum abhorruerunt Patres, vt docet D. Petrus Damianus dicens; *Doctores Ecclesie vnum nos docuere ordinem in Officijs inuolabili semper obseruatione tenere.* Micrologus de Ecclesiasticis obseruationibus capite 25. & 42. sed eam etiam omnino è medio tollendam summopere laborauerunt Paulus, & Pius Quartus; per hos Concilium Trident. post illud Pius Quintus, & Clemens Octauus vt eorum litteras, Breuiario Romano præfixas legenti patebit. Imo Augustinus huiusmodi diuersitatum introductores coërcendos docet Epistola ad Casulanum & altera ad inquisitiones Ianuarij, dicit, *refecandas illas que nec auctoritatibus sacramentum Scripturarum, nec Concilij Episcoporum statuta inueniuntur, nec consuetudine vniuersalis Ecclesie roborata sunt.* In ipsis Festorum modulationibus aut psalmodia Officiorum vniuersalis Ecclesie consuetudinem sequi iubent sub grauißimis pænis Concil. Toletan. 11. & Bracaren. 1. cap. 19. quorum verba referuntur Dist. 12. cap. *De his* & cap. *Fin. placuit.* Quæ ergo nec in psallendo varietatem admittunt, credendum est diuersitatem, imò, & contrarietatem permissura in Officijs?

16 Prædicator veritatis & Doctor Gentium Paulus Apostolus huius Urbis incolis deprecatus est à Deo vt id ipsum scaperent, vt idem agnoscerent & lætarentur. Sed ad quid? vt vno (inquit) ore honorificetis Deum. Vbi Hieron. *Tunc Verè Deus honorificatur si vno animo. Et concordia voce laudatur.* Nec enim voce discordi, aut contraria Ecclesiasticæ, Deum facile laudari posse putauit. Cultum omnem, qui contra Ecclesie consuetudinem fit, superstitionem esse docent cum D. Thoma 2. 2. q. 93. in cor. communiter Theologi, & in diuersis Ecclesijs diuersa & repugnantia esse non posse secundum veritatem, subiungit ibidem Angelicus Doctor in responsione ad vltimum; & benè equidem nam Ecclesia nequaquam ea fertur leuitate, vt dicat **EST & NON**, vt magnus eiusdem Præ-

O ij

cator,

Damia. l.  
de Dom.  
vobis. c. 7

Microlog.  
in auctor  
Bibl. vet.  
lat. to. 1.  
edit. no-  
vior. Pa-  
risien.

Reprobant  
S. Patres  
eulm. di-  
necitat.  
August.  
Epist. 86.  
& Epist.  
119 c. 19.

Non sunt  
in Ecclesia  
cultus con-  
trarij.

Rom. 15.  
num. 8.  
Hieron.  
ibidem.

2. Cor. 1. cator; & Magister dixerat Paulus. *Nunquid* (inquit ille) *leuitate vsus*  
 n. 18. *sum, aut que cogito secundum carnem cogito, vt sit apud me* EST & NON.  
*Fidelis autem Deus quia sermo noster qui fuit apud vos non est in illo* EST  
 & NON. Sed nunc Ecclesia vniuersalis publice tanquam sibi mor-  
 taliter certam, proponit venerandam, vt Sanctam Virginis Con-  
 ceptionem, & in Officio proprio antiquitus à Sixto IV. instituto,  
 & in Ecclesia per centum aut circiter annos frequentato atque ex  
 eiusdem speciali priuilegio Fratribus Minoribus concessio dixit, &  
 dicit expresse; *Est preseruata Maria à peccato originali*. Et particularis  
 Ecclesia Prædicatorum celebrat Sanctificationem eiusdem Mariæ  
 à peccato; Hic itque expressa sua opinione, & manifesto suo sensu.  
*Non est preseruata Maria à peccato originali*. Istumne aut fortasse ex-  
 pediens alicui videbitur vt hac leuitate, instabilitate, ita & contra-  
 rietate feratur Ecclesia, vt in tanta re, tamque graui Mysterio di-  
 cat, EST, NON EST? Mirum profecto quod cordati, Religiosi,  
 docti, & grauissimi Ecclesiæ filij, qui vel nutui eiusdem parere de-  
 buerant, iam tandem post tam infestas conuersiones, & scandala  
 non velint suæ Matris auctoritati consulere, vt vel voce duntaxat,  
 & Festo, si non opinione, cum eadem conueniant; & nolentes à  
 Te, Beatissime Pater, fidei præceptore, & Christianorum modera-  
 tore non omnino compellantur.

*Ratio qua-  
 re discordis  
 an Fisto  
 aduersarij.*

17 Sed respondebunt forsitan se in hac re non infirma duci ratio-  
 ne; se esse veritatis amatores qui sicut opinantur, celebrare volue-  
 runt proindeque totum Ordinem in hoc ritu nunc conuenisse, nec  
 modo faciliè posse reuocare, aut ablegare quod statuit. Alias quas-  
 dam rationes quæ iam tritæ satis sunt, quotidie producant in me-  
 dium, propter quas aiunt semet impelli vel induci vt communem  
 Ecclesiæ celebrandi morem non admittant.

*Nulla præ-  
 nales ratio  
 contra Ec-  
 clesiæ au-  
 thoritatem.*

Micro-  
 cit.

Radulph.  
 Tugrè.  
 l. de Can.  
 obferu.  
 propof. 7  
 to. i. au-  
 tor. Bibl.  
 vet. Pat.

Sed nescio quæ contra Ecclesiæ auctoritatem ratio sufficere  
 possit, quæ nos vrgeat causa, vt à debita pariformitate, & conso-  
 nantia cum eadem, deflectere aut recedere velimus. In Ecclesia-  
 stica consonantia, non est ratio requirenda, sed tantæ Matris au-  
 thoritas sequenda. Benè certe author ille Micrologi. *Auctoritati*  
 (inquit) *Sedis Apostolica omnes per omnia absque omnibushesitatione debemus*  
*obedire, cui nunquam debitam exhibemus obedientiam si eius statuta potius ui-*  
*dicare, quam implere curamus.* Et alius author libri de Canonum ob-  
 seruantia. *Notandum* (ait) *quod in omnibus auctoritas Ecclesiastica imi-*  
*tanda est magis quam ratio, quoniam auctoritas semper obedientie est, & hu-*  
*milis.*

*militatis; ratio nonnunquam presumptionis.* Quod optimè adnotauit, D. Tho:  
 & obseruauit D. Thomas dum propositis non infirmis rationibus 3. p. q. 68.  
 art. 1 o. &c  
 vt probaret pueros Iudæorum, vel aliorum infidelium baptizan- 2. 2. q. 10.  
 art. 1 2.  
 dos esse inuitis parentibus, parti negatiuæ subscribit propter au-  
 thoritatem tantum negatiuam Ecclesiæ, quâ rationes suas, tan-  
 quam omnium fortissimâ, concludit: quia scilicet Ecclesia non  
 habebat consuetudinem huiusmodi baptizandorum. Si ergo pro  
 celebranda Virginis Mariæ Conceptione est autoritas positua,  
 & institutua Ecclesiæ, & consuetudo rata ac firma celebrandi,  
 nunquid eidem contradiceret vel ipse D. Thomas autoritatis, &  
 consuetudinis Ecclesiæ diligentissimus obseruator? Omni procul Tract. 4.  
 num. 17.  
 dubio nequaquam, vt ex ipsis eius Sectatoribus accuratius alias à  
 me obseruati cordatissimi ac doctissimi viri docuerunt.

## Apostrophe ad S<sup>m</sup>. Dominum.

18 **H**Acc pro vnanimi huius Festi obseruantia, & cultu  
 Tuæ Beatitudini consideranda, & exactius discutienda  
 offero, vt iam videre liceat, quam necessarium sit  
 huiusmodi Festorum diuersitatem è medio tollere, & præcipere,  
 vt hi religiosi viri, cum reliquâ conueniant Ecclesiâ. Illi & tibi eius  
 Sponso, & Pastori non parum incumbit. Sunt qui sentiant grauissi-  
 mi viri, & palam doceant te voluisse hos religiosos Patres ad com-  
 munem cultum admittendû adstringere in Decreto illo nuperrimo,  
 dum in illo prohibes eisdem, ne in vllis actibus publicis suam  
 proferre audeant sententiam. Alium nempe nullum, isto magis  
 publicum censent dum psallentes & canentes in Choro, Ecclesia,  
 & Altari coram magnis, & innumeris populorum confensibus per  
 omnes suos Conuentus Sanctificationem in sensu suo peculiari,  
 & vniuersis populis satis noto concelebrent. Tuum, cuius est de-  
 cretum, & verba, erit hoc iudicare, & nostrum, supplices exorare,  
 vt iam tandem dignetur Vestra Beatitudo tantis obueneris scandali-  
 bus, prouidere disidijs, & Catholicis viris indignam Festorum re-  
 probare diuersitatem.

*Tractatus Septimi Finit.*

O iij

Conti-

## Continuatio Historiæ.

**A**D hæc Sanctissimus Dominus sæpius de hac re actum fuisse, seque non parum desiderasse, ut æquè ab omnibus hoc cole-retur Mysterium, nec vlla esset in Ecclesia vel membris eius in tanto Festo obseruando differentia. Semper tamen à Prædicato-ribus responsum se à reliqua Ecclesia non discrepare, idemque se omninò cum cæteris celebrare fidelibus, & nomine solum differre, nam quod Ecclesia sub Conceptionis titulo veneratur, hoc illi sub Sanctificationis. Quando verò Virgo sacratissima Sanctificata fuerit, dicunt adhuc non expressisse Ecclesiam, sed reliquisse sub dubio, an in primo instanti, an in aliquo subsequenti, idque solum intendi ut pro illo tempore, sub quo gratiam recepit, festinus ha-beatur eius spiritualis Conceptus. Hoc idem verò celebrari inter Prædicatores affirmant, non hoc vel illud instans, cum de nullo certo adhuc constiterit in Ecclesia, nec determinatum fuerit à Pon-tificibus, sed quodcumque vagum, & indeterminatum, sub quo Virgo fuerit Sanctificata, siue in primo instanti, ut asserit commu-nis sententia, siue in subsequenti, & post contractum peccatum, ut illorum tenet opinio; & sub nomine Sanctificationis se vtrum-que tempus comprehendere vagè, & indeterminatè, siue hoc fue-rit, siue illud, ut sic in re adhuc incertâ, & indefinitâ ab omni erroris periculo liberentur.

Inane hoc, inquit, Episcopus, effugium ab omnibus Doctori-bus explosum, imò à Pontificibus condemnatum, & ab Ecclesia esse reiectum. Nullus est enim huius sæculi Doctor, qui non faci-lè, & euidentè refellat commentum hoc. Illud iam à multis annis expressè condemnauit Sixtus peculiari illa Extrau. *Græue nimis* pro Longobardis edita, & Ecclesia suo cultu, & expressis verbis in di-uino Officio à Sixto instituto, recitatis, se veram, naturalem, in pri-mo instanti gratia decoratam, Conceptionem celebrare manifestè declarat. De illa Sixti condemnatione, imò & constitutione du-bitari inter Prædicatores ait Pontifex, & circa illud expressum offi-cium eos obijcere è Pio V. fuisse abolitum, vel è medio sublatum, vnde nec eos faciliè à suo cultu dimoueri posse. Orator vadem se obtulit, & sponsores in peculiari de his Tractatu se demonstratu-rum Ecclesiam non vagum, nec indeterminatū, sed primum Con-ceptionis instans ab Ecclesia celebrari, & locuplerem authoritatem & fidem,

& fidem, Sixti extrauagantem obtinere; per quæ faciliè constaret Patres Prædicatores non verbo-tenus, sed & sensu ab Ecclesiastico cultu recedere. Per hæc finem tunc fecit dicendi.

Sub hoc tempore certius percepit Orator, quod iam ante in Vrbe sub dubio quorundam rumore divulgabatur de eius recessu, & decretum esse in Hispania, vt aduenienti Albuquerque Duci locum cederet & Legationem. Faciliè quisquis animo commoueretur, & corde concideret ad immaturam, & immeritam tanti nominis & muneris iacturam. *Nulla est etenim tanta humilitas, quæ dulcedine gloria non tangatur;* Verum fassus Romanæ eloquentiæ Princeps. *Trahimur omnes laudis studio, & optimus quisque maximè gloria ducitur. Ipsi illi Philosophi etiam in illis libellis, quos de contemnenda gloria scribunt, nomen suum inscribunt; in quo predicationem, & nobilitatem despicunt, predicari se, & nominari volunt.* Nec ego dubitem, aut negem illustrissimum Oratorem fortassis humanum quid passum, aut pro animi celsitudine ei displicuisse re infecta ab Vrbe recedere; tamen nec vultu commotum, nec animo perturbatum cum quisquam deprehendit, sed imperterrito pectore, quem ante præuidit & à longe prospexit, fortunæ ictum sustinuit. *Iacula, quæ prævidentur, minus feriunt.* Illis grauis est Plaga, quibus est repentina, faciliè eam sustinet, qui semper expectat. Hostium aduentus eos prostermit, quos inopinatè occupauit, at qui futuro se bello ante bellum parauerunt, compositi, & aptati, primùm, qui tumultuosissimus est, ictum faciliè excipiunt. Consilium prudens; Qui in sublimi totus exultas, nunquam rebus te crede caducis, nec ei, quam Gentes Fortunam appellant, quidquam fidas, etiamsi videatur in te beneuola, pacem, & amicitiam tecum agere, & in sinum tuum sua fundat, & profundat. Quæ in te indulgentissimè confert, pecuniam, honores, gloriam eo loco reponere, vnde possit ea sine motu tuo repetere. Interuallum inter te, & illa magnum habe, vt si placeat, auferat illa, non auellat. Neminem aduersa fortuna comminuit, nisi quem secunda decepit. Illi, qui munera eius velut sua, & perpetuam amauerunt, qui se propter illa suspici voluerunt, iacent, & mærent, cum vanos, & pueriles animos omnis solidæ voluptatis ignaros, falsa, & mobilia oblectamenta destituunt. At ille, qui se rebus lætis non inflauit, nec mutatis contrahit, aduersus vtrumque statum inuictum animum tenet, exploratæ iam firmitatis, nam in ipsa felicitate quid contra infelicitatem valeret, expertus est.

Valer.  
Max. l. 8.  
c. 14.

Cicero  
Orat. pro  
Archia  
Poëta.

*Præuisa  
plaga, le-  
nior.*

Gregor.  
Hom. 35  
in Euang.  
& D. An-  
ton. Pa-  
tauin.  
in serm.  
Domini.  
6. post  
Pascha.

*Scuti re-  
bus pruden-  
ter reponen-  
dum.*

Horat. 1.  
carin. 10.

*Sperat infestis, metuit secundis.*

*Alteram sortem; bene preparatum*

*Pectus.* —

*Mundi fa-  
licitas in-  
stabilis.*

Boët. l. 2.  
de consol.  
lat. prof. 8

Tinuit prudenter sinistram hanc sortem Orator, dum prospera gauderet, tunc metuit fortunæ vultus, dum læta, & benigna arrideret. Dum aduersa premit quid speret? Secundâ. Bina fortunæ fors, in alterutram suum voluit orbem, alteram altera commutet necesse. Potior spes sub sinistra laborantis, potior, & si neget, conditio: Hominibus; ego reor, aduersa plusquam prospera prodest. *Illa enim semper specie felicitatis, cum videtur blanda mentitur. Hæc semper vera est, cum se instabilem mutatione demonstrat. Illa fallit, hæc instruit. Illa per mendacium specie bonorum, mentes fruuentium ligat, hæc cognitione fragilis felicitatis absoluit. Itaque illam videas ventosam, fluentem, suique semper ignaram; hanc sobriam, succinctamque & ipsius aduersitatis exercitatione prudentem.* Sed nec sub hac ipsa aduersitatis exercitatione stabilitatem habet, ipsa aduersa licet sui molestiâ patientibus diuturna videatur, tamen constans non est; se continere non valet; si manere incipit fors esse desistit. Nec sub aduersâ semper gemes, nec sub hilarî semper iocundaberis.

Hæc facilis, & frequens humanarum rerum vicissitudo Oratorem in profundiorē, & verè Christianam huius Mysterij deduxit contemplationem. Humiliter de se sentiens rem hanc, & Legationem altiorē, & superiorem esse dicebat, quam ut ab ipso, indigno, deberet absolui, & Deum immortalem, qui res has supernaturales, & nostræ credulitatis arcana peculiari moderatur prouidentia, per alium digniorem sub tempore præordinato Controuersiam hanc terminare voluisse, & imperuia esse Dei iudicia, nec rationibus humanis posse inuestigari, & proinde libenter, & sine tadio se locum cessurum cuicumque quem huic muneri aptum, & idoneum Princeps Orthodoxus iudicaret. Desiderasse vero per quam vehementer, ut qui eo functurus esset, sincero in ipsum Mysterium duceretur affectu, Scholasticam calleret Theologiam, ut facilius Controuersia terminos, & statum perciperet; nec alia curaret negotia, ut huic vni, quod totum requirit hominem, liberius vacaret, & affectuosius intenderet.

\* Nec tamen ob hæc ei licuit tunc omnem exuere sollicitudinem vel Oratoris depōnere nomen, aut curam, donec per litteras Regis de eius constaret Decreto, & adesset cui cedere deberet. Voluit itaq;,  
vt, quem



vt, quem promissit Pórfici, perficeretur Tractatus de sensu Ecclesiæ in celebrando Festo Conceptionis; inuestigatis tamen prius in quibusdam intra & extra urbem Archiuis, & Tabularijs antiquitatis huius Festi, & rituum eiusdem monumentis. Percurri plura, plura ubiq; offendēs, præcipuè in Ciuitate Perusij, & Bibliotheca Minorum Conu: Alsiliat: antiquitate, & varietate multorum codicum M.S. insigni. Ingens est in eadem Breuiariorum, & librorum ritualium peruetustorum, & manuscriptorū cumulus, in quibus diuersa sunt Officia immaculatā expresse testantia Conceptionē, & variæ temporum obseruationes, pluraq; huius deuotionis vestigia, quæ oportunitati temporis reſeruo. Dabo modo quam hucusque apud neminem, qui de hac Controuersia scripserat, videre potui, Epistolam, seu supplicem libellū magistri Leonardi Nogaroli ad Sixtum IV: pro defendenda Virgine ab hac macula, & pro instituendo, & confirmando illo Officio Conceptionis à se composito, & in Ecclesia celeberrimo. Illam ipsi Officio præfixam, non sine gaudio, offendi ad initium Breuiarij vetustissimi M. S. in Bibliotheca nostræ Aedis Aræ Cæli in ipso Capitolij vertice erectæ, antiquioribus, & vetustissimis libris nouiter hinc inde iussu R<sup>mi</sup>. Patris Benigni Genuens, Supremi nostri Sodalitij Rectoris, collectis, & aggregatis locupletè. Sed characterem habuit adeo vetustum, & deformem, vt in quibusdā locis transcribendis laborare, & fermè diuinare oportuerit. Quæ ex alijs citat, in margine notaui & vnum vel alterum locum ex ipsis authoribus restitui.

---

*Ad Sanctissimum ac Beatissimum D.*

## D. SIXTVM QVARTVM

Pontificem Summum, Sacrumque Confessorem.

EPISTOLA seu SUPPLICATIO.

*Beatissimo ac Domino verè Sancto SIXTO Pontifici Summo Clarissimo Theologo, & Amatori Sapientia, Mariaque dilecto filio, pro omnibus eius deuotis ex omni hominum genere congregatis, LEONARDVS NOGAROLVS vnus ego hodie hoc defero postulatam.*

**S**I cæli Reginam atque terrarum, matrem esse gratiæ, spem nostram, & Aduocatam omnes vno ore conueniunt; quis adeo mentis hebetis, vecorsue, vt cum talem audierit in mundum venientem, summa non afficiatur læticia? Beatum profecto se quisque

quisque iudicabit, qui eam summis laudibus extollere possit. Felicemque, beatissimumque diem dicent annalibus adscribendum, easque laudes sibi attribuendas iudicabunt, quæ nihil turpe, nihil flagitiosum contineant, sed quæ magis gloriam sapiant, ac laudatam magnificam reddant. Nullus igitur mentis sinceræ in Mariæ laudes prorumpens, matrem eam dicet Dei, simulque quondam filiam fuisse Diaboli. Deformem profecto reddit laudatam. Num matrem dices gratiæ, eamque antea inimicam largitoris gratiæ? Ingrati, non laudantis est hoc Officium. Nunquid viam ad vitam affirmabis, quæ & ipsa quandoque ignorauerit viam? Te sanè confundis. Spemne peccantium affirmabis, & medium ad tollenda omnia peccata, quæ peccatum gustauerit? Te ipsum à veritate alienum ostendis. Extollis, & deprimis, magnificas, & vilipendis, sanas, & percutis, te ipsum censurâ circumuienis; Benedictam dicis, cui maledicere non desinis. Nullus igitur recto iudicio Mariæ laudans aduentum, Sanctificationis dicat diem, si id intelligendum duxerit, ut ex priuatione transitus sit ad habitum, ut scilicet prius inficias quam Sanctam facias. Præclare quidem Thomas Christi animam Sanctificatam docet. Hoc dicere non veretur, dum tamen non ex priuatione, sed ex negatione transcas ad Sanctitatem: Quod namq; non erat, tunc Sanctum non fuisse perspicuum erit. Vnde & Apostolus de IESU loquens, ait. *Quem Pater sanctificauit*; & ipse Saluator, *Ego sanctifico me ipsum*. Vis igitur laudare orbem terrarum introeuntem? Vis laudare ad nos venientem? Vis Festum diem constituere? Eas sibi laudes tribue, quæ ignominiam non miscent; sic nomina, ut extollas, non deprimas, singularem, admirandam, manuque Dei fabricatam Conceptionem.

Tho. 3. p.  
q. 34. art.  
1. ad 2.

Ioan. 10.  
36.  
Ioan. 17.  
19.

Cant. 1.  
14.  
Virgil. 6.  
Æneid.

Pseudo  
August.  
tract. 8. c.  
5. to. 9. in  
append.  
Matth. 5.  
18.

Te igitur Theologorum Principem, veritatis amatorem, Mariæ charissimum filium, qui in alto culmine resides, per tuam, quæ te diligit, matrem, oro, imploro, obsecro, & obtestor, intueri eius faciem. Ostendet tibi, quia decora nimis, sonet vox sua in auribus tuis. Videas Columbæ puritatem; *se moueat tantæ pietatis imago*. Mariæ filij vicem geris, eius diceris filius. Cur igitur Matris causam non suscipis? Quæ te tantæ tenuere moræ? Audire digneris Augustinum. Si filium decet honorare matrem, *nunquid non pertinet, inquit) ad benignitatem Domini Matris honorem seruare, qui legem soluere non venerat, sed adimplere. Lex enim sicut honorem Matris præcipit, sic in honorem damnat. Qui enim in vita præceteris illam gratia sui conceptus honorauit, &c.*

nit, &c. Potuit eam à pulvere, & à putredine alienam facere, quæ humane est opprobrium conditionis. Intellige & tu sententiam, qui potes Pater Sancte. Audi etiam Ambrosium. *Maluit Dominus aliquos de sui ortu quam de Matris pudore dubitare. Sciebat etenim teneram esse Virginis verecundiam, & lubricam famam pudoris, nec putauit ortus sui fidem Matris iniurijs adstruendam.* Curigitur Tua Beatitudo Matris luæ non misere-  
 tur? *Miserere animi non digna ferentis.* Suscita, lauda Matrem tuam, quia tempus est, extolle illam, quia iam ipsa vult. Tibi si te dignum sui gratia reddideris, reseruauit grande Mysterium. Audi in Canticis sæpe replicatum sermonem. *Adiuuo vos filia Hierusalem per capreas ceruosque camporum, ne suscitetis, nec euigilare faciatis dilectam quoad usque ipsa velit.* Monet enim sponsus (vt Glossæ vtat verbis) nouellam sponsam ne peccato inquietent. Filia, inquit, Hierusalem, hoc est, vos, qui in fide iam generati estis, adiurat vos filius Matris vestræ, ne peccato inquietetis ipsam, propter quod Doctores à quiete surgere cogantur, Glossa, eadem volente. Sequitur, per capreas, ceruosque camporum, quæ, inquit, munda sunt animalia, venenorum inimica, & sibi cauent contra hostis insidias: Et iterum sequitur; Dilectam, hoc est in corpore meo quiescentem; Caro enim vnus, caro est alterius, vt apud Augustinum legimus. Siluit humilis Mater tua, multo ante tempore; Euigilare iam vult. Iam tempus est, Pater Beatissime ipsam audi, piè, benigneque ad te clamantem; *Hodie si vocem meam audieris, noli obdurare cor tuum*, sicut fecerunt Prædecessores tui. Quid times, quid vereris? Dubitas fortasse laudare Filium? Non, nec dubites etiam laudare Matrem. Audi Hieronymum qui tibi inculcat: *Nulli dubium esse debet, quin totum ad gloriam laudis Christi pertineat, quidquid dignè Genitrici sue fuerit impensum, ac solemniter attributum; quoniam (vt verum fatear) quicquid humanis potest dici verbis, minus est à laude calæ, quæ Diuinis, & Angelicis est excellentius prædicata & laudata præconijs.* Addit Augustinus: *Quicquid de Redemptore potest cogitari, & quicquid lingua humana potest loqui, ad laudem tuam optimè potest sacratissima Virgo adaptari, quia quicquid in te laudatur, Filio tuo profalute humani generis crucifixo deputatur.* Similiter Basilus: *Quicquid de Redemptore mundi potest cogitari, quicquid non solum humana lingua, sed Angelorum rite loqui poterit, ad laudem tuam potest optimè adaptari, & maximè cum quicquid in te laudatur, dilecto Filio tuo crucifixo sponte pro me deputatur.* Non deprimimus igitur Filium, si Matrem extollimus, quia ipsi à Filio omnia concedimus, non enim progreditur in propria virtute. *Sed*

Ambr. l. 2. in c. 1. Lucæ tom. 3.

Cantic. 2.7. &c. 8.4.

Varus & accommodatus suum sensum contextui ex glossa orân. & uacillat.

Psando. August. proximè citatus.

Psal. 94.8

Psando. Hieron. serm. de Assump. parumper post initium tom. 9.

August.

Basil.

inmixta

Cant. 8. *innixa super dilectum suum.* Media est Maria inter Peccatores, & tantum Redemptorem. Redempti enim nos à peccatis, redempta plus ipsa, non à macula quæ infuerit, sed infuisset, nisi dilectus Filius à longe insonuisset. *Copiosa* etenim *apud Deum redemptio*, qui non solum lapsos redimit, sed ex sua natura labe maculandam, unicam Matrem ne caderet merito retinuit. Maculatam fortasse Conceptionem embrionis, & seminis, ac propagantium, non maculatæ animæ intellige qui docte sapis. Peccatum quippe tanquam causa, & materiale quid in corpore est, formalis verò sola anima capax est. Sic igitur Mater tua immaculata concepta est. Privilegium verò hoc teste Hieronymo, non naturæ est, sed gratiæ eius, de qua natus est Deus & Homo. Nulli ergo iniuria fiet, si hanc sine macula prædicaueris, nemini sanè derogat, multis congruit.

*Deducit ex  
verbis qui-  
busdam  
Hieronymi  
supra citati.*

Vide si potentem Patrem decet, inuenit ipse medium ad tollendum peccatum ab ea, quæ omnium iudicio peccato subiaccere non debuit. *Nullam enim in massa humani generis inuenit viam, per quam ut disposuit* (inquit Anselmus) *eius subueniret luctuosa perditioni, donec ad illam, de qua loquimur Virginem ventum est.* Præseruatur igitur medium, non maculatur, liberatur, non inficitur, custoditur, & carceribus non deputatur. Recordare Augustini verborum: *Si in potestate Dei est Sanctorum de capite nullum perire capillum, est illam animam, & corpore integram posse seruare.* Memineris Iobi sententiæ. *Quis potest facere mundum de immundo conceptum semine? nonne tu, qui solus es?* Audiant, qui Mariæ derogant. Non enim solum factum mundum dicit Christum; sed solum Deum, de immundo factum semine, mundum posse facere docet.

Scrutare Filij amorem in Matrem. Nunquam enim à peccato exclusum se facit, quin occultè Matrem si inspexeris exclusam non inuenias. *Erue, inquit, à framea animam meam; Sequitur, & de manu canis unicam meam.* Similiter, *Salua me de ore leonis, & à cornibus unicornium humilitatem meam;* & his quidem multa similia. Lege, quem sæpè legisti Augustinum. Vide si tribus hypostasibus conuenit. *Si elegit diuina voluntas solâ gratiâ inter crepitantes vehementium ignium flammæ non solum corpora puerorum seruare illa, verum etiam ipsa vestimenta inusta; cur abijciat in Matre propria, quod seruauit in veste aliena?*

*Pseudo-  
Aug. pro  
xime ci-  
tatus.  
Daniel.  
3. 94.  
Idem i. l. 6.  
Ionz 2. 2.*

Ausculata, quia Spiritum Sanctum decet. *Ionam, inquit Augustinus, seruare in ventre cæti præter naturalem cursum voluit incorruptum solâ misericordia, solam Mariam Matrem incorruptam præter naturam non serua-*  
*bit gra-*

*De ipsius Senectute est Daniel ab intemperatissima sine leuitate. Denique  
 vnde est Mariæ spem in vitam beatam certis, & proinde. Lege Ambrosi-  
 um tuum. Quod uoluit De. Mariæ quid speret iuxta, quam ipse  
 daretur, quod uoluit, quæ corpore per corpora certissima peruenit. Ibi  
 Sequitur, Talem tuam sperie talem sperans Sanctus alio. Quæ enim  
 in finibus uicinis. Digna fuit, ex qua Dei Filius nasceretur.*

Decebat præterea naturam nostram, uisualle Mariam humani  
 generis innocentiam, nec tui speciei inferas inimicem. Quæ ex re  
 canitur. In uisum quædam populis nostris. Quod & ipsi demque duntaxat  
 affirmare poterunt. Nominis & ipsi consilii redduntur, cum in Ma-  
 ria inmensam in humani generis naturam conspiciunt Dei chan-  
 tatem. Offensibile & inobediens, ac inueniunt præter ad celandum  
 peccatum. Tanti presentia, ut se hominem in ipsam ueniens faciat,  
 salutem quædam hominum. Gaudeant & peccatores, cum tantam,  
 actalem in exilis apud Deum Patrem sentiant inueniunt aduo-  
 catam, quam pro eorum redemptione presentiam cognoscant.  
 Confidunt uult, quia tandem Regiæ mentis optatum finem adipi-  
 sci poterunt. Latentur Angeli, qui eorum Regiæ Angelorum  
 sapit inuenerunt, tace re Deorum superbia, quia inuenerunt Re-  
 giæ non inuenerunt, qui iam inuenerunt Christo subire & Abhor-  
 ruerunt. Beati Deipotentiam laudent sapientiam adueniunt, ho-  
 nitatem, & gratia largiuntur humana reuerentia reuerentiam. Ergo

*apud causâ reuerentia ferunt*

*De uisum uultus & in uisum uultus uultus*

Inimicus & humani nominis Meumeth in Alcoram, uisum  
 in maculam a Christi Mariæ excludit, & in tantæ Mariæ filius  
 non excludit. Audi faciem, audi, inquit ille, nuncium Dei  
 dicentem: *Nihil de seipso uultu nascitur. quem non tangat situm. Et uultu  
 plant ex eius facie uisum, uisum Mariam, & filium eius. Lege tu ad  
 epistolam ferio est. Leuiticum, Summus, inquit, Pontifex, qui uisum  
 faciem est sanctum uisum ad omnes mortuum non inuenerunt uisum, Faci-  
 tam dicit, uisum, uisum & reuerentiam, & fordidam, uisum reuerentiam  
 non accepit, in uisum faciem suam situm, uisum. Non inuenerunt  
 ergo faciem quingentum ad maculatam, & inuenerunt diaboli  
 scortum aliquando Deus: Mortuum præter nihil, sed plenum  
 gratia uisum. Non est uisum puella, non sicut extera eius  
 Conceptu, sed singularis, atque admiranda.*

Recordare igitur, Summus Sacerdos, ne quam accepisti spon-

lam, maculari permittas. Præuicator eius Legi, semarum molitum in sponsa, qui seruatur in filio sponsæ. Mandatum sponæ, ut igitur te culpabilem reddis? Declara innocentiam tuam, non te transgressorem exhibeas. Vir stipulando de via, pro uxoribus illam uiam habuisse conceditur. Hoc Leges indicant, quoniam illi sunt in carne uia, hoc est in filio. Quid igitur mirum si sponsa & mater unum, si filius & sponsus idem, uiam innocentie seruauit Christo, seruabit Mariæ, quæ eius sponsa, & mater est?

Hieron.  
cap. 18.  
Bernard.  
cap. 174  
Vulg. 1.  
Aenid.  
lib. 144  
16.

Cur igitur Pater Sancte trocisci Mariæ deuotos filios? Hieronymus ad Damianum exortus facile spernit, si Sedem Apostolicam approbare sententiam uelit. Bernardus in rebus recomendationum docet. *Ad te igitur confugio, & supplico tuam uiam, per quam uenit tuum, qui implet omne animal benedictione, gratiam, & ceteris benedictionem tribuas nobis.* Vide omnes Mariæ filios, iumentorum facies, uide lachrymas, uide singultus. Recordare *Floruit* Matris tuæ magnæ, miserere animi non digna ferentis. *Per uicera* ergo Matris tuæ, per suam benignam clementiam, quam in te monstrauit, per illos diuinos oculos, quos in te direxit, per summam in te pietatem, per suam in omnia charitatem, honorem eius tibi commendamus, & ad te clamamus, clamat, & ipsa, *Miseramini* honoris nostri saltem uos amici mei. Saltem tu fili mi, quem uere super chronum Dauid, super iedem Regem, in qua

Iob 19.  
21

Vulg. 1.  
Aenid.

per uiam tuamque  
Concilio denique epula decembris diuini.

Hoc saltem postremo obtineamus ut, Pater Sancte, ut qui hoc, & te emendandum, quod humiliter offerimus, digni deuotione celebrauerint Conceptionis Officium, Indulgentiarum tuarum partem, quam ipse uolueris, capiat, ut ipsa te in regno celorum, capiat Mater tua, quæ benedicta est à principio sua Conceptionis, & in sæcula seculorum, Amen.

Et sequitur immediate ipsum Officium Conceptionis, sub hoc uocabulo.  
*Incipit Officium Immaculate Conceptionis. Incipit. Gloria uobis per*  
*R. P. D. I. OMNIBUS NOMINIBUS. Trinitatem, &*  
*scriptum. Actum, & ceteris. & ceteris. & ceteris. & ceteris. & ceteris.*

**O**fficium etiam assignitur consuetudo illa antiqua, & celebrata. *Cum premissa*, quæ Sacris Officiis continuatur, recitandum instituit, & amplius commendatur Indulgentiæ. Adnotari,

## VIRG. MARIAE, SECTIO II. 171

notauit, benè in hoc codice obseruatum fuisse annum Dom. 1476. in quo ediderit hanc Constitutionem Sixtus; nam quidam, qui de hoc Mysterio scripserunt, & Iuris Canonici codices omnes antiqui, quos videre licuit, præsertim ille Lugdunen. ann. Dom. 1531. per Franciscum Fradin excusus, imò & recentiores, sed Gregorianâ correctione priores in annorum numero errauerunt, decem etenim integros subtrahunt; & supputant ann. Dom. 1466. quod nequaquam constare potest, Sixtus etenim in Pontificem assumptus est post Paulum Secundum ann. Dom. 1471. 5. Idus Augusti, & vixit in Pontificatu annos 13. dies 4. mortuus est enim Septuagenarius ann. Dom. 1484. Idibus Sextilibus, vt in sepulchri legem Epitaphio. Vidi etiam, & præ manibus habui, ipsum originale huius Constitutionis sub plumbeo sigillo Pontificio, quod asseruatur in Sacratio D. Francisci Alsisiatis Patrum Conuentualium, in quo diligenter obseruari certam esse annorum computationem sub an. Dom. 1476.

Perquisitis, & inuentis pluribus antiquitatis, & sensus huius Festi vestigijs, voluit Orator vt plena, & plana fides fieret Sanctissimo Domino, & ei clarè constaret in celebritate Conceptionis non Sanctificationem Virginis à peccato contracto, nec instans aliquod vagum, aut indeterminatum, in quo Sanctificata fuerit Virgo, sed primum, & præcisum suæ Conceptionis humanæ, in quo præseruata est, ne originale contraheret, ab Ecclesia celebrari. Hoc largius probat sequens Tractatus, quem ad Nonas Iulias Sanctissimo Domino exhibuit.

## ORATIO SEPTIMA

AD S.<sup>MYM</sup> D.<sup>MYM</sup>

PAVLVM PAPAM V.

TRACTATVS. VIII.

Catholicam, & Sanctam Ecclesiam in Festo Conceptionis Virginis Mariæ, nihil aliud aliquando intendisse, aut modò velle, quam celebrare immunitatem, ac præseruationem eiusdem Virginis à peccato originali, eo sensu, quod in nullo instanti eidem actualiter subiacerit; euidenter ostenditur.

Varia recensentur aduersariorum ad varias obiectiones effugia.

§. I.

1. *Aduersarij multo tempore in sua sententia tenaces.* 2. *Plura argumentis adhibent effugia.*

BEATISSIME. PATER.

*Aduersarij  
longa etate  
tenaces.*

I **D**E Controuersia Conceptionis Virginis Mariæ per tercentum & plures annos agitur cum Patribus Dominicanis, quorum plures adhuc hoc nostro sæculo Virginem Dei Genitricem in peccato Conceptam esse tenaciter defendunt, vel quia ita aliquando senserit D. Thomas in cuius verba iurauerunt, vel quia ita se ipsos sentire professi sunt, & modo nolint cantare palinodiam. Magno rationum pondere, & præcipuorum Patrum autoritate plurimi homines doctissimi per totum hoc tempus, cum suis scriptis, tum publicis disputationibus conati sunt eos ab hac sententia auertere, plurima obijcientes, quæ liberos quosque homines nec suæ sententiæ plus æquo addictos faciliè conuincerent. Nulla fuit ætas in qua aliqui eorum, propria reiecta sententia, vel ipsa veritate victi, negatiuam non sunt amplexati. Sed quos nimius amor, aut propriæ opinionis affectus possedit, tantum abest, vt ei valedicant, vt potius quotidie, tenacius adhæreant.

2. Omnibus quæ Religiosis his viris obijciuntur, rationibus, quibus totus fermè conuictus est orbis Christianus, & magni ipsorum



rum celsere Magistri, nescio quas adinueniunt solutiones, & fortissimis argumentis confingunt effugia. Si pium dicamus bene sentire de Virgine, quodcunque vel minimum ab ea remouendo peccatum, mage pium dicunt hoc soli eius Filio concedere. Si nihil hoc Filij dignitati detrahere, imò addere, probauerimus, statim respondent, melius esse cum sacra Scriptura, illis (aiunt) applaudente, sentire. Si iam libere, & sine fidei, aut erroris periculo à regulis vniuersalibus & communibus Decretis sacræ doctrinæ, eam eximere licere quis ostenderit, tum per alia Virginis priuilegia, tum quod Concilium Tridentinum sub illis vniuersalissimis Decretis, à quibus mortalium nullum ab Adamo naturali modo descendendum exemit, Virginem noluerit comprehendere; recurrunt ad commune placitum Doctorem. Si Doctores fere omnes ex quo hæc Controuersia exactius discutitur, alteram defendere obiecerit, dicunt se solis priscis credere Patribus. At hoc telum & clypeum, quo se secure defendi gloriose iactant, iam euidentissime eis ereptum est, dum diligenti examine, & acurata Sanctorum Patrum lectione, quid senserint modo luce clarius innotescat, & pauculos eosque in sententia varios, nec satis sibi constantes eisdem fauere aperte fuerit demonstratum, ad vltimum tandem confugiunt asylum, Pontifices scilicet suam sententiam, vt probabilem iudicasse, eisque ita per Ecclesiam licere opinari. Instant alij, & non improbabiler, Pontificum nullum eam hucusque iudicasse probabilem. Quod si aliter, quam cætera Ecclesiæ pars sentire, quidam ex illis permiserint, hoc illos fecisse iudicant ad euitanda maiora incommoda, pro certo reputantes veros Ecclesiæ fideles cum eadem vel aliquando consensuros, præcipue cum solemniter per orbem Festo instituto, illa manifeste omnibus suam mentem aperuit. Ex quo non inane aut eis parum molestum argumentum sumunt, quicquid contrario contendunt, vt eos omnino à sua sententia deiciant. Sed illi, quo magis eius vim percipiunt, & præcipue hoc tempore, quo tam sollicitè instatur de stabilienda altera sententia, nihil tam curant, quam hoc argumentum infringere, eique plures adhibere euasiones. Aliquando dixerunt non esse Festum vniuersale totius Ecclesiæ, dum in aliquibus tantum Ecclesijs celebraretur, aliquando non esse in Ecclesia Romana, vel Pontificia Curia receptum, quia in ea Summus Pontifex assistentibus Cardinalibus Conceptionis Festum non egerit. Quæ tamen

modo vident se non posse respondere. Alij addiderunt institutam hanc Festiuitatem, vt pro ipsa Conceptione, vel quia Virgo nostræ felicitatis Mediatrix, in Mundum aduenit, gratiæ redderentur Altissimo. Alij quia Conceptio illa principium erat futuræ Sanctitatis, & excellentiæ festiuè colendam dicebant. Alij alia excogitarunt penitus improbabilia, & ab alijs satis explosa. Alteram etiam euadendi inuenerunt rimulam, videlicet, quod licet Festum hoc, commune, vniuersale & Pontificium sit, & iam omnimoda sibi suffragetur autoritas Ecclesiæ (quæ quanta, & quam magna sit ad sententiam quamuis stabiliendam, non possunt negare) negant tamē celebrari in Ecclesia Conceptionem naturalem, seu corporis Virginæ animationem in gratia factam, sed solam Conceptionem spirituales seu Sanctificationem eiusdem Virginis; siue in ipsa animæ infusione, siue post peccatum contractum contigerit, nec Ecclesiam adhuc in celebratione huius Festi suam mentem aperuisse, nec determinatè hoc vel illud tempus assignasse contendunt; vnde nec ex Festo vniuersali se cogi ad contrariam opinionem sectandam obiectant. Ad hos terminos deducta est modo Controuersia.

In Festis omnibus Sanctitatem coli ab Ecclesia.

§ II.

**D**E cæteris aduersariorum effugijs, vel Tractatus Tuæ Beatitudini obtuli, vel præsens sermonem habui. Hoc postremum eorum responsum ad vltimum scriptum à me præsentatum, quam contemnendum & reiiciendum sit, maturo tuo iudicio tumetipse Beatissime Pater iudicabis, & ego euidenter conabor ostendere.

3 Præsuppositum tamen prius, & breuiter à grauissimis Patribus probatum volo, non celebrari Festum qualecunque in Ecclesia, nisi pro aliqua re sancta, nec alicuius Sancti natiuitatem, mortem, aut quodcunque vitæ eiusdem tempus, coli in Ecclesia, nisi ratione Sanctitatis pro tunc in eo existentis, ita quod ipso facto, quod Romana Sedes venerandum proponat quemcunque illius vitæ terminum, certò tenendum sit, illum tunc nulli subiacuisse peccato. Hinc magnus Ecclesiæ Doctor Augustinus rationem extraxit, quare D. Cypriani mors potius, quam Natiuitas celebratur in Ecclesia, ideo videlicet, quia illa fuit sub gratia, hæc vero sub peccato. Verba eius sunt. Quid est hoc fratres? quando natus (Cyprianus scilicet) igno-

*Cur mor-  
tu non Na-  
tuitatis  
Sanctorum  
dies cele-  
bratur.*

*ramus,*

*ramus, & qui hodie passus est, Natalem eius hodie celebramus: sed illum diem* August. ferm. 113 qui est de B. Cypriano Tom. 10.  
*non celebraremus, & si nosceremus, illo enim die traxit originale peccatum, isto*  
*autem die, vixit omne peccatum.* Et inferius ostendens nullam aliam  
 esse rationem Festiuitatis præter Sanctitatem, addit, *Vnde nos cele-*  
*braremus Natalitiam eius, nisi esset pretiosa in conspectu Domini mors Sanctorum*  
*eius?* Quæ etiam fuit ratio D. Bernardi, & aliorum inferius à no-  
 bis magis examinanda, vt dicerent, Conceptionem Virginis non  
 esse celebrandam, propterea quod in peccato factam iudicauerint.  
 Quod vt sibi visus est probare Bernardus, intulit. *Quenam iam erit* Bernard. Epistola 174.  
*ratio Festiue Conceptionis?* quasi doceat nullam assignari posse Festiui-  
 tatum Ecclesiæ rationem, nisi solam Sanctitatem; vnde & conse-  
 quenter ipse Sanctum Ildefonsum Toletanum Antistitem imita-  
 tus, & vtrumque D. Thomas, ex eo colligunt eiusdem Virginis  
 Natiuitatem fuisse Sanctam, quia eam Ecclesia celebrabat, quasi  
 velint, & credant nullatenus Ecclesiam eandem celebraturam esse,  
 nisi iudicauerit fuisse Sanctitate præclaram. Quod & vniuersaliter  
 de omnibus Sanctis, Sanctorumque diebus Festiuis docuit D. Bo-  
 nauentura; *Statuta* (inquit) *vniversalis Ecclesiæ de Sanctorum celebri-*  
*tatibus omnia fundata sunt super Sanctitate, vt nullo die pro aliquo Sancto so-*  
*lemnizet, in quo, vel pro quo persona Sancta non fuerit cui honor ille deferretur.*  
 Nec doctrinam hanc, quam nos supponimus, & tanti tradiderunt  
 Ecclesiæ Magistri, ipsi negant aduersarij quam præclariore inter  
 eos ex D. Thoma docuerunt, & suis scriptis mandauerunt, etenim  
 D. Thomas (à cuius verbis vel latum vnguem discedere nefas pu-  
 tant) expressis his verbis huic sententiæ locis proximè citatis sub-  
 scripsit; *Non celebratur* (inquit) *Festum in Ecclesia, nisi pro aliquo Sancto.* Thom. ubi su- pra.  
 cuius vt tueantur doctrinam, hanc explicationem tanto Festo ad-  
 hibuerunt; quam falsâ vero & inutilis sit, facili, licet longiori aliquan-  
 tulum sermone, tua venia licet demonstrare.

Celebrari in Ecclesia veram & naturalem Conceptionem  
 in Sanctitate factam.

## §. III.

- 4 *Assumitur probandum veram & Sanctam Virg. Conceptionem celebrari.* 6 *Sub eodem receptum Festum à Gallis.*  
 5 *Sub hoc sensu incepit in Anglia.* 7 *In eodem transiit ad reliquas Ec-*  
*clesias.*

4 **P**erfecta rerum notitia ab ipsa earum origine perfectius de-  
 ducitur & Festorum intelligentia à primæua eorum insti-  
 tutione, instituentium Pontificum verbis, & celebrantium sensu

P fujj

erit re-

erit repetenda. Per hæc tria capita faciliter probabimus non Sanctificationem vt sic, aut spiritualement Conceptionem, sed veram, naturalem, ac humanam, seu corporis & animæ vnionem, in ipso primo instanti in gratia factam ab Ecclesia celebrari. Taceo modo quam antiqua sit huius Festi, tam apud Latinos, quam apud Græcos solemnitas, nec immorari volo in probando, quod per plures Ecclesias ab Apostolorum tempore sub Conceptionis immaculatæ titulo ad 6. Idus Decembris, per continua sæcula fuerit celebrata. Solum repetere volo principium illud mage notum, quod in Anglia habuit post annos mille, vnde in Galliæ confinem Regionē ad idem tempus, & paulo post ad alia Regna fuerat translatum.

*Veram Conceptionem, & Sanctiæ celebrationem Angli.*

5 Licet apud aliquas Angliæ Ecclesias circa Venerab. Bedæ tempora Festum hoc celebratum sit, vt ex eius Martyrologio inferitur, & viris doctis placet, tamen multo pōst; & paulō ante, vel circa Anselmi sæculū ad omnes fere fuerat propagatum. Sed quibusdam adhuc renuentibus, seu religiose timentibus, illud admittere, idem Anselmus suasit, & persuasit vt nemine discrepante, Episcopi omnes Angliæ in suis Diocæsibus Festiuitatem hanc ordinarent, quam licet tunc ex præcepto obseruari non iusserint, tamen eam admisisse innuitur ex Concilio Oxoniensi ad annum 1261. & ex Cantuarien. B. Anselmum eam per omnes introduxisse. Rem omnem vel solus, vel potissimus peregit, tum sermonibus exhortando, tum litteris inuitando. Illius est celebris illa ad Episcopos Angliæ de hoc Festo admittendo epistola, & homilia de eodem celebrando, vt multi firmiter asseuerant, & non obscure constat ex Breviarijs Romanis antiquis (quorum plurima vidi) in quibus sub eiusdem nomine in Officio huius Festi per lectiones distributæ recitabantur licet ex aduersarijs, pro suo more, sint, qui de illarum dubitent authore. Cuiuscunque tamen illæ sint, siue Anselmi, siue alicuius Viri sancti, aut venerabilis Prælati eius coætanei, clare, & expresse explicant ad quid celebrandum populos inuitauerit, præposita namque in homilia duarum distinctione Conceptionum, naturalis in coniugali congressu, & spiritualis in animæ creatione, & infusione; ad hanc, quam tantopere in Epistola extollit, celebrandum inuitat, his verbis; *Si non placet illis celebrare solemnia Conceptionis carnalis Dominicæ Matris, placeat eis colere animæ eius spiritualement creationem ac corporis & animæ copulationem, o quanta est dies illa, qua nostræ reparatricis anima digna creatur & sacatur, & sanctissimo corpori*

*Concil. Oxoniens. Can. 1. Tom. 3. Concil.*

pori *emittitur*. Quibus verbis licet in voce aut nomine *spiritualis Conceptionis* conueniat cum aduersarijs, re tamen, ac vocis ipsius interpretatione ac explicatione, à se præmissâ, nostram seu quam nos naturalem, veram, ac humanam vocamus Conceptionem, venerandam, ac colendam proponit: Ita enim quam spiritualement vocat, ac declarat. *Spiritualis*, inquit, *Conceptio est; qua spiritualis anima noua & pura Domino operante, corpori diuinitus datur & coadunatur*. Quasi actionem ipsam à termino denominet & spiritualement vocet Conceptionem quia spiritualis tunc creatur & vnitur substantia. Vnde expresse, ac clare Festi intentionem, celebrantium sensum, & Conceptionis Mysterium declarauit. Quod nihil aliud est quam animæ sanctæ, dignæ, gratiæ ornatæ, in corpus infusio. Ita hanc huius Festi institutionem intellexerunt illius temporis Viri, & post illos Concilium Cantuarien. nationale Anglicanum. Vt testatur Ioannes Bacon in signis & peruetustus Theologus.

Ioannes  
Bacon.  
l. 3. quod-  
lib. quæst.  
13.

6 In hoc sensu receptum fuit hoc Festum à Gallis, vt euidenter constat ex illa Epistola, quæ inter litteras D. Bernardi est 174. ad Lugdunen. Canonicos, in qua eius author (quem ego non negari esse Bernardum) toto conatu intentat prædictos Canonicos auertere à Conceptione celebrandâ, hoc potissimum argumento, quod sancta non fuerit. Cum enim eos viderit & ex Ecclesiæ constantissima consuetudine intellexerit, non celebrasse, nec celebrare debuisse, nisi Conceptionem omnino sanctam, seu in ipsa Conceptione sanctitatem; vt eos ab illo Festo deterreret, nihil tam sibi probandum ingeniosè duxit, quam in ipsa Conceptione non fuisse Virginem sanctam; vnde cum multas, sanctitatem ipsius Conceptus improbant, cumulasset rationes, (quæ an concludant, vel intelligendæ sint de prima Conceptione, vt doctissimi Viri, & in Bernardi doctrina versatissimi, multis comprobant, & Tuæ Beatitudini me promisi ostensurum, modo non disputo) statim subiunxit; *Cum hæc ita se habeant, quenam erit ratio Festiua Conceptionis? Quo pacto, inquam aut sanctus asseretur Conceptus, qui de Spiritu Sancto non est, ne dicam qui de peccato est? aut Festiuus habebitur, qui minime Sanctus est?* Et paulò superius, postquam reuelationes, quas illi referebant & à quibus asseriebant Festum initium sumplisse, rationesque quas ipse effinxit, sibi refellisse visus est, subinfert, *vnde ergo huius Conceptionis sanctitas?* Quæ verba, & totius ferme Epistolæ rationes satis indicant Ecclesiam illam grauissimam introduxisse, admi-

Laudem  
receptionis  
Gall.

admisisse, & celebrasse Festum Conceptionis naturalis, sed ratione omnimodæ Sanctitatis, & in Festi celebratione intellexisse Virginem Sanctissimam in sua Conceptione nequaquam vllum contraxisse peccatum. Vnde & Sanctitatem in primo instanti tanquam sibi moraliter certam, vel ad minus satis probabilem, festiuis laudibus coluisse. Neque enim si in sensu Sanctificationis eam celebrarent, illos reprehenderet Bernardus, qui Virginem copiosiori, & potiori Sanctificationis genere in vtero Materno Sanctificatam esse, quam Ioannes Baptista aut Ieremias mundati fuerint, libenter in eadem Epistola admittebat, & prædicabat. Ideo ergo reprehendit, quia ei constitit in sensu immaculatæ & sanctæ naturalem Virginis Conceptionem ab eisdem celebrari.

In eo sensu  
transiit ad  
ceteras Ec-  
clesias.

Concil.  
Basilien.  
parag. 36

Concil.  
Avinio-  
neu.

7 Hinc in eodem sensu ad multas Europæ Ecclesias transfusa est hæc Festiuitas, & ad annos quadringentos supra millesimum omnibus facta est communis, vt constat ex testimonio historiali Decreti Basilienfis facti ad annum Domini 1433. cuius verba refero, non vt statuentia validū, benè tamen vt denuntiantia verum. In quibus refertur Conceptionem non qualemcunque & in peccato factam, sed in sensu præseruationis ab originali, *& sanctam, tam per Romanam, quam per alias Ecclesias v. l. Idus Decembris antiqua & laudabili consuetudine solitum fuisse celebrari.* Quare consequenter & conformiter ad hanc, quam retulit, Romanæ & aliarum Ecclesiarum consuetudinem iam antea dictum erat in illo Decreto, *Doctrinam illam disserentem Virginem à peccato immunem, & præseruatam fuisse non solum consonam fidei Catholicæ, rectæ rationi, & sacra Scripture, sed & cultui Ecclesiastico fuisse.* A quo tempore, & post Concilium Prouinciale Auinionense, celebratum præsidentibus duobus Illustrissimis Dominis Cardinalibus huius Sanctæ & Apostolicæ Sedis Legatis (in quo idem quod in Basilien. firmissime statutum est circa hanc Controuersiam ad an. Dom. 1457.) ita receptum est in eodem sensu hoc Festum in omnibus, sed præcipuè Gallicanis & Hispanis, Ecclesijs, vt illæ nefas semper putauerint de hoc dubitare, istæ per manifestum suum cultum, & intentionis suæ non obscuram expressionem omnem aduersæ suspensionis, vel explicationis occasionem procul amouerint, & penitus resciderint.

Idem



subiectum illi a line ideatestantia conueniente, quia verbi Imaginatio, seu conceptus ad fetusubilius, ut quod mouentur ad hunc finem, hinc sunt Conceptus illi quod Imaginatio. Conceptus vero huius conuenienter fideles ad Conceptionem non solum in partu huius, tunc in primo, aut in secundo instanti, sed in eo instanti, & singulis eius instanti functioni: quippe quae non sunt sancti, & cetera. Sed praesentatio a contrahendo peccato. Unde & ad Christum Mariæ Filium, qui cum ita praesentatur, adorandum, & colendum fideles inueniunt. *Christum* inquit altera Inuentio in partu, cuius pro uocatur *adoremus hominem*. Praesentatio a contrahendo, non divergentem a contrahendo, Christi sui, qui Virginitatem praesentat a matre, non qui inueniunt inlectam, adorandum voluit hinc videri. Etenim Milla propria eiusdem Fidei, quae inquit *Christum*, quia statim ab ipsa eadem instanti inueniuntur. P. V. inquit tota Roma in Ecclesia in huius officio videri, per hoc uti recipiunt ad illud, quae quid inueniunt, et illi, duntaxat hinc sola Milla in Fidei Conceptione non Ecclesiae ab ipsa instanti. Sicut ad hunc propositum Item in prima, quae in hunc instanti P. V. inueniunt propter praesentiam *Christum* duntaxat, & quod dicitur *Christum* propter praesentiam vocatur. Quibus & dicitur inueniunt instanti verbi quibus totam hanc resperit est *Christum*, quod in hunc instanti per hunc Praesentationis ab originali peccato celebrat.

¶ Sed quia nec solitudo, laudatissimo colorum alio, sua nebula defuit, sed quibus tantum orbis lumen & fulgentissimum subit, & quando laborer, & abscondi videri, ita nec veritati quantumcumque laudatissimo, tantum & multa defuit interpretationes, & applicatas quaedam rationes, quibus clarissimam quippe doctrinam cuius similitudinem, & obediens conueniunt, & in hunc instanti apud veritatem signantur in partibus. Item ac quod quod promittit, & velle quod inueniunt, & hinc, & hinc hinc videri videri interpretari, & in conueniunt ex plura, quae in hunc instanti inueniuntur. Insuper ex sua hinc & ceteris, conueniunt inueniunt quod inueniunt. Item duntaxat hinc videri non praesentationem Virginitatis peccato, sed laudatissimo a laudatissimo, non conceptionem naturam, sed inueniuntur, sed ipsam instanti, quae a peccato conueniunt hinc & ceteris, & quo aliter laudat, vel facit inueniunt, praesentat hinc instanti inueniuntur.



10 His temerarijs ausibus, & erroneis assertionibus obuiare volens idem Pontifex, alias Pontificias dedit litteras ann. Dom. 1482. incipientes, *Graue nimis*, in quibus speciatim illos Longobardos Prædicatores vehementer increpauit, eorumque assertiones, vt erroneas condemnauit, & explicite docuit, non aliam Conceptionem spirituales, quam præseruationem à peccato originali celebrari ab Ecclesia, sub his verbis; *Assertiones illorum, qui affirmare præsumerent sanctam Romanam Ecclesiam de spirituali dumtaxat Conceptione & sanctificatione eiusdem Virginis gloriose Festum celebrare; & eos qui crederent, & tenerent eandem Dei Genitricem, ab originalis peccati macula in sua Conceptione præseruatam fuisse, propterea alicuius hæresis labe pollutos fore, vt pote falsas, & erroneas, ac à veritate alienas, auctoritate Apostolica reprobamus, & damnamus.*

11 De huius Bullæ veritate, licet facile & inaniter dubitare voluerint aduersarij ( vt nihil quod contra ipsos profertur non vocent in dubium,) ne tam expressio, & claro testimonio cogantur admittere iam manifestè constare de mente, & intentione Ecclesiæ, cuius auctoritati & cultui ingenue putant non refragandum; tamen doctissimi quique viri, quos propriæ opinionis affectus in alterutram violententer rapuit partē, eam omni semoto dubio recipiunt, & vt vere Pontificiam suscipiunt, & reuerentur. In Monumentis ordinis Minorum, libro, tam vetustate quam fidelitate commédato, & in supplemento eiusdem habetur in omnibus, & varijs impressionibus, nihilo in vlla re variato, aut mutato. In varijs etiam inuenitur Bullarijs quæ collatis transumptis cum originalibus collecta sunt, & communita grauissimorum præfulum testimonio.

Eam summatim citauit Emanuel Rodericus to. i. quæst. Regul. q. 57. art. 1. & in sua benè authentica collectione Bullarum, & priuilegiarum Apostolicorum regularium, illam inter cæteras habet sub eodem Sixto IV. Bulla 17. Quæ collectio & compilatio à Catholicæ Majestatis supremo Consilio reuidentia, & examinanda commissa est grauissimo D. Gregorij Vallisolerani Collegio Patrum Dominicanorum, cuius Rector vir sane doctus, & Doctor Paredes in sacra Theologia præsentatus, fidē fecerunt summa cura dictam collectionem se euoluisse, illamq; non parum commendauerunt, tanquā rem multo labore insigniq; diligentia editā, dignamq; iudicarunt, quæ prælo mandaretur. Quod credendū est non facturos, præsertim quod ad hanc Bullam attinet, nisi ipsis copijs authenticis, vel originalibus oblati vincerentur, & omnino conuincerentur,

Q. tur,

*Et eodem  
rat Pontifi-  
cis speculi  
Bulla.*

*De ea dubi-  
tant cultus  
sary, sed  
inimicus.*

*Eam ha-  
bent varij  
antiqui  
codices.*

*Diuer-  
sæ  
Bullarum.*

*Emanuel  
Rodericus.*

tur, vt testimonium perhiberent veritati; Nec enim putandum est illos e mentituros, aut aliter contra se causam dicturos, & iudicium prolaturos, vel in huius solum Bullæ controuersia, quando actualiter, & continuo Fratribus Minoribus, ac alijs Ecclesiæ Doctoribus, cum eisdem in hac materia Conceptionis līs ac disputatio fuerit.

*Compend.  
priuilegiorum.*

Huius etiam Bullæ mentionem faciunt Alphonsus à Casarubios & Hieron. Sorbo in Compend. priuilegiorum. Mendic. verbo Conceptio. n. 6. quam ex authentica Bulla se citasse significat collector apposito illo charactere B ad finem illius numeri, ita enim ad principium illius libri pag. 7. declaratur litteram illam B maiusculam significare Bullam authenticam.

*Ioannes  
Bapt. Com-  
posit.*

Ioan. quoque Bapt. Confectius Protonotarius Apostolicus sub eisdem verbis eam habet in sua collectione priuilegiorum sacrorum ordinum Clementi VIII. dicatâ. Cuius singulas Bullas ex authenticis transumptis extractas & exemplatas fuisse ipse in admonitione ad Lectorem aduertit. Idemq; Offredus Offredij Nunc. Apostolic. in Hetruria testatur plena fide, & expresso testimonio in calce collectionis affixo, in quo ait se collationare iussisse omnia illius libri priuilegia, indulta, & Diplomata Apostolica, per Cancellar. suum, & Notarium publicum qui omnia retulerat, cum suis authenticis transumptis conuenire; opus hoc, & collectionē summopere Clem. VIII placuisse scribit Hyppolitus Donesmondus Vincentij quondam Ducis Mantuani Theolog. & notæ litteraturæ vir, in sua historia vel chronologia ecclesiastica Mantuana p. 2. l. 9. ad an. 1597. eundemq; omnes illas Bullas, & indulta Pontificia confirmasse, conseruatorēq; vniuersalem pro obseruantia, & patrociniis illarum Bullarum, pro omnibus ordinibus, & nomine Sedis Apostolicæ constituisse, & creasse Illust<sup>m</sup> & Reu<sup>m</sup> D. Dominum Franciscum Gonzaga Mantuanum Episcopum, Sacri Romani Imperij Principem.

*Proc. ff.  
vigu. sub  
Iulio II.*

Sed & sub Iulio II. an. 1504. indict. 7. die Sabati 14. mensis Decembris prænominati Pontificis an. 2. omnis omnino circa huius Bullæ veritatē suspicio remota est, dum venerabilis Dominus Antonius de Monte electus ciuitatis castelli, Apostolicus Camerarius, Curie & Camere causarum auditor generalis, omnium itidem litterarum Apostolicarum ac sententiarum in Rom. Curia latarum iudex vniuersalis, & executor, processu iuridico à se super hac & alijs Bullis Apostolicis solemniter, & iudicialiter factō, omnes, ad quas attinere poterat personas, & procuratores Religionū per suos termi-

nos

nos peremptorios citando, testes & alias quascunq; iuris diligentias adhibendo, originalia de verbo ad verbū legendo, transcribi eodem modo faciendo, copias cum originalibus iterum collationatas elargiendo, testimoniū, & instrumentum publicum de earum veritate præbuit, seq; vidisse testatur hanc Bullam originaliter non-vitiatā, non cancellatam, suspicione omni falsitatis aut corruptionis carentem, vnde & copiat à se concessit eandem adhibendā iudicauit fidem grauissimis penis & censuris ( earum absolutione Rom. Pontifici reseruata ) fulminatis in eos, qui huic transumpto sub Notarij testimonio testiū præsentia, & sigillo pendente à se concessio contradicere, fidemue denegare, aut eius executionē impedire non vererentur. Quod transumptū & iudicialis processus adhuc eodem Camerario & generali auditore superstitē, & sub eodē Pontif. an. 1511. indict. 14. affixo ad valuas Eccl. Cathedr. Salmantinæ per Petr. Vacca I. V. D. generalem Vicar. R<sup>m</sup> D<sup>m</sup> Ioan. de Bouadilla Episc. Salamanticen. edicto generali citationis contra omnes, & singulos sua cōmuniter, vel diuissim interesse putantes, & nemine contradicente, vel in contrarium quidquā allegante ab eodem recognitum fuit, & approbatum tanquā verum, & omni suspicione vacuum, eiusdemq; varias fieri concessit, & iussit copias, & transumpta cum originalibus collationata, & Notarij publici ac Apostolici manu, subscriptione, & signo munita, quorū vnum apud me est, pluraq; esse credo in Vrbe, & in multis scio obseruari archiuis tam Italiæ, quam per Hispaniā. Vnde non immerito tantopere admirantur cordatissimi viri licentiam & facilitatē aduersariorum in hac Bulla ( quam etiam à Concil. Trid. confirmatam dicunt ) deneganda, & calumniam cuiusdam Religiosi viri, qui in scripto à se superioribus annis in Vrbe oblato conuictos fuisse præcipuos fautores immaculatæ Conceptionis hanc Bullam finxisse vel mutasse, nimis fidenter, & parum verè dixit, cum nec in iudicium aut quæstionem de huius Bullæ veritate fuerint, vocati, nec de ea iudices hucusque dubitauerint, & facillime per supradicta & ex alijs capitibus eius certitudo legitime & plene possit comprobari. Cum igitur Bulla hæc tantis titulis & probatis testibus commendata, tam expresse prædictam explicationem condemnet, nescio qua ratione eam adhuc inculcant, & tam violenter Festum ipsum interpretentur.

Vidend.  
Egid. Lu-  
lit. l. 3. q. 6  
§ 6. n. 36.

12. Insuper ne omnem vim facere & negotij firmitatem in hac Bulla constituere videamur tanquam non suppetat aliunde ex quo hæc res probari possit, ex ipsa Extrauag. communi quæ habetur in

Ex alia  
Bulla often-  
ditur Fissi-  
sensu.

Q ij

corpore

Caiet. in  
opusc. de  
Conc. c. 3

corpore Iuris, & quæ ab eodem Pontifice *in fauorem* (inquit Caietanus) *opinionis de præseruatione à macula originali*, prodijt an. 1483. sub iisdem verbis, *Graue nimis*, incipiens, rem hanc non obscure probatâ volo. Aduersarij etenim iam relatas assertiones erroneas inculcare non omittebant dicentes peccare mortaliter eos, qui Officium sic intellectu recitabant, aut Festum, in sensu præseruationis à peccato, celebrabant, imò & hæreticos esse, & reatum incurrere mortale, eos, qui prædicatores, Virginem sine peccato originali conceptam fuisse docentes, audiebant. Quas assertiones eadem censura, qua superiores, data per vniuersum orbem communi hac Extrauaganti damnauit Pontifex, & constitutionem illam quæ specialis erat pro Longobardis ad omnes extendit, in ea propositiones illas falsas & erroneas, ac à veritate pænitus alienas esse, decernens, non aliam assignans rationem, quam, *quod Romana Ecclesia de intemerata semper Virginis Marie Conceptione Festum solemniter celebret, & speciale ac proprium super hoc Officium ordinauerit*. Reprehendit ergo eos, ac condemnat eorum assertiones, quia condemnabant pro hæresi, quod Ecclesia celebrabat, & eos, qui illud, quod Ecclesia suo cultu profitebatur celebrabant, hæreticos dicebant, ex eo quod hæreticum putabant dicere Virginem fuisse sine peccato conceptâ; vnde consequenter ac immediate inferre necesse erat Ecclesiâ in suo cultu hæresim àmplexatam fuisse, eamque fidelibus in suis Festiuitatibus propinasse. Refert eorum propositiones, quibus expresse condemnât defendentes immunitatem Virginis à peccato originali, ac eandem celebrantes, & his opponit Ecclesiæ Festiuitatem, propter quam iudicauit Sanctissimus Pontifex abstinendum ab huiusmodi assertionibus, & illis sufficere debuisse, videre Ecclesiasticum de Conceptione immaculata cultum, ad hoc vt abhorrerent & vererentur simile quid proferre. Aliter namq; si in hoc sensu non celebraretur, ex Conceptionis Festo, & Ecclesiastico cultu futiliter, & inefficaciter argumentaretur sapientissimus & doctrina spectatissimus Pastor, dum facile respondere potuissent aduersarij, se nihil contra Ecclesiæ cultum dixisse, quippe quæ non præseruationem Virginis à culpa, sed Sanctificationem ab eadem celebrabat, seque proinde nihil, quod eidem derogaret affirmasse. At omnem huiusmodi euadendi viam præcluserit Pontifex, dum ex Ecclesiæ ritu, & ex eo quod Festum Conceptionis instituerit propositiones illas adeo seuerè reiecerit, vt non solum falsas, sed erroneas nuncupauerit. Nihil autem apud Theologos erroneum dicitur, quod aliquo modo, saltem

saltem indirectè, aut mediata, alicui non opponatur fidei principio. Illud verò apud verè Catholicos satis notissimum est, & indubitanter pro fidei articulo receptū, Deum semper suæ Ecclesiæ assistere, nec eam aliquando permisisse, aut in æternum permissurum in suis definitionibus, aut in communi, & vniuersali suo cultu hæresim amplecti vel errorem. Propositiones illæ huic non immediate opponuntur, non enim expresse, & data opera hanc negant veritatem, sed aliud affirmant, ex quo consequenter, & mediata veritas illa erat neganda. Affirmat Pontifex Ecclesiam Romanam ordinasse Festum Conceptionis, idemq; celebrasse, seque de eadem Officium (in quo expresse sensus Festi habetur) instituisse. Aiunt harum propositionum assertores Officium in sensu hoc dicere, aut Festum in sensu præseruationis à peccato, celebrare, hæresim esse & crimen mortale. Hoc erroneum esse definit Pontifex, quia statim per immediatam consequentiā sequebatur Ecclesia in communi cultu suo hæresim colere, & hinc inferre necesse erat, Deum secundum datam fidem & promissum Ecclesiæ factum, non semper & infallibiliter eidem assistere; Quæ omnia non aliter inferebantur quam ex primo, & vnico illo assumpto, quod ad suæ illationis fundamentum proposuit Pontifex, videlicet quod Ecclesia Romana de Conceptione immaculata Festum celebrauerit, & proprium de eadem Conceptione Officium ordinauerit, quod Officium immaculatae Conceptionis celebrare, aut recitare, hæresim, vel peccatum mortale esse dicebant aduersarij. Ex quo liquidissime constat, quid Ecclesia in hoc Festo celebrauerit.

13 Vltcrius & non obscurius; cum dixerit in eadem Extrau. Pontifex, speciale ac proprium se ordinasse ac instituisse recitandum de Virg. Conceptione Officium; illud videlicet Leonardi Nogarolis tantis propolitis Indulgentijs, vt à populo christiano libentius frequentaretur, in quo palsim (vt aduerti) manifestissime hic Ecclesiæ sensus propalatur, statim hoc idem ostendit esse Officium quod ab aduersarijs impugnatur, dum refert eos dixisse mortaliter peccare, vel esse hæreticos celebrantes Officium, non Sanctificationis seu Conceptionis vtcumque, sed Immaculate (inquit) Conceptionis, quam propositionem reassumens inferius, condemnat eos, qui tali censura damnant recitantes huiusmodi Officium Conceptionis, illud scil. Officium de quo superius affatus est, Conceptionis, videl. Immaculate, Conceptionis sanctæ, & à peccatis præseruatæ, quod (vt ipse dixit in

principio eiusdem Bullæ) speciale ac proprium Ecclesia de hoc Festo ordinauit: euidenter ergo iam patet quid instituerit Ecclesia celebrandum, & quis sit Ecclesiæ sensus in hoc Festo celebrando; tam ex institutionibus primæuis quam ex verbis huius Pontificis; vniuersalis Festi promotoris, ac proprii eius Officij institutoris, nec non ex mente omnium ferme suorum successorum, & cui ipsius (Beatissime Pater) has illius Extrauagantes confirmantis.

Idem confirmatur ex Concilij Tridentini declaratione.

## § V.

14 Probatur ulterius intentum ex  
Concil. Tridentini declaratione.

16 Confirmatam fuisse probatur.

15 Dubitarunt quidam confirmatam  
fuisse Extrauag. cum præ excelsa à  
Concil. Trident.

17 Dux ad minus constitutiones Six-  
ti confirmata sunt.

18 Virgetur ulterius sensus Ecclesiæ  
ex declaratione Concilij.

Virgetur ex  
Concil.  
Trident.  
declaratio-  
ne.

14 **C**Oroborat non parum argumentum hoc illa Concilij Tridentini declaratio, qua cautissime doceri, & sciri voluit se noluisse comprehendere Virginem Mariam sub illo vniuersalissimo, & ineffragabili Decreto de peccato originali, & ulterius Sixtinas constitutiones sub pænis in eis contentis obseruandas esse decreuit. Nam si paulo accuratius eius verba expédantur & diligentius obseruentur, quando vel qua occasione ea protulerit, ex mente ipsius eiusdem Concilij videbitur non aliud quam præseruationem ab originali in primo instanti in Festo Conceptionis Mariæ celebrari. Cum etenim statuisset pro fidei articulo, ab omnibus credendo, nullum ex Adam per naturalem propagationem descendere, qui in primo instanti suæ animationis originale non contrahat, tunc meminit B. Virginis, illamque sub graui illo iugo & miseria protoplasti parentis non audet comprehendere; sed obseruare in hac re iubet Sixti constitutiones, in quarum vna Festum Conceptionis iam in Ecclesia, antiqua consuetudine receptum, promouet, & Officium in quo sensus Festi exprimitur instituit: in altera grauiter inuehitur in eos, qui Festum hoc vel Officiū condemnant. Vnde cum illo eodem tempore, quo de necessaria contractione originalis in primo instanti Conceptionis agit; circa controuersiam de Virginis Mariæ Conceptione recurrendum dicat ad Sixti constitutiones, eas voluit propriè, & in terminis difficultatis, quam dirimebat, intelligendas, & per eas declarari, quid  
circa

circa eandem Virginis Conceptionem erat censendum. Quasi dicat, quando omnes homines in ipsa sui animatione & vera conceptione, peccato infici decerno, nolo Mariam sub hac vniuersali regula comprehendere. Recurrendum erit ad Sixti constitutiones, quæ quid in Mariæ Cōceptione vel animæ infusione, de qua modo tractatur acciderit non obscure docebunt, dum ad immaculatæ Cōceptionis Festum & Officium omnes inuitant. Aliàs enim impropria esset declaratio generalis regulæ, si quæstio de Virgine in illis Extrauag. diuersi temporis casum contineret, ab eo quem vniuersalis continebat regula, maxime dum accepta occasione ex illo vniuersali Decreto istas innouat eosque obseruari præcipit, sub pænis in eis contentis; quod nihil aliud est, quam idem ipsum quod Sixtus in hac re statuerat denuo præcipere. At quid Sixtus ordinauerit, & decreuerit iam satis superque vidimus ex verbis eius supracitatis, in quibus proprium & speciale sub manifesto sensu (vt supra ostendi) Officium toti proposuit, & ordinauit Ecclesiæ recitandum, in Festo Conceptionis Mariæ, & sub grauissimis pænis prohibuit huic Festo vel Officio contradicere, vel opinionem eorum, qui tam ab vniuersali Decreto excipiunt, condemnare; satis certe expressum, si intimius penetretur, pro expresso isto sensu Concilium protulit iudicium.

15 Sed non defuerunt quileui & inani ducti fundamento voluerint dubitare an Concilium duas illas extrauagâtes generales confirmauerit, partim vt fortissimum ex autoritate Concilij ductum argumentum infringerent, partim ex eo quod Concilium ipsum suis verbis quandam huic hæsitati aniam videatur præbuisse, dum iubet illas constitutiones Sixti obseruari sub pænis in eis contentis. At in vna tantum prædictarum constitutionum præfixæ sunt pænæ; in altera propositæ gratiæ; vnde solam illam quæ incipit *Græue nimis* innouatam esse deducunt.

16 At contra hos sufficit Theologorum ac Doctorum ferè omnium qui post Concilium scripserunt de vtriusque constitutionis innouatione vnanimis consensu, ac verba ipsius Concilij adeo clara, vt solum is, qui Latine non sapit, ea ita violenter interprete-  
*Confirmatam fuisse ostenditur.*  
 tur. Dum etenim dicunt Concilij Patres, *obseruandas esse constitutiones Sixti sub pænis in eisdem constitutionibus contentis, quas innouat*, quis vel Latini idiomaticis ignarus, sub numero plurali toties in Oratione apposito, vnā solam ac singularem constitutionem velit intelligi.

Qui constitutiones iubent obseruare, qui in constitutionibus pœnas contineri aduertunt; qui constitutiones denuo innouant, non vnâ vel singularem intelligunt, sed ad minus duas, sub quibus pluralis verificetur numerus, obseruare commendant. Atque ita tanquam quid indubitatum hoc supposuerunt, qui in varijs locis, & Regnis Concil. Trident. per se seorsim imprimi curauerint, dum ad finem eiusdem vtramque constitutionem adiecerunt. Et certe si ipsa Concilij consuetudo, & modus eiusdem in Bullis & litteris Apostolicis citandis consulatur, videbitur nullibi dum vnâ tantum litteras cuiuscunque Pontificis citat, in plurali sed solum in singulari loquutum. Videat, qui voluerit, Sess. 7. 14. 21. 23. 24. de reformatione per varia capita, & Sess. 25. de regular. c. 8. de reformatione c. 10. in quibus varias citat Pontificias constitutiones semper sub numero singulari. Et vt verba in re tam Manifesta non absumam, testes oculos & Doctores grauissimos, qui etiam ad illam declarationem faciendam concurrerunt, in medium adducam. Huic interfuere concilio Ambros. Catharinus, & Didacus Payua grauissimi Theologi, qui ita testantur intellexisse vel dixisse concilium. Imo addit & notat Catharinus nullum totius concilij Virum huic declarationi obstitisse, quamuis in eo plures adfuerint ex Prædicatoribus Episcopi & Payua §. *sed quoniam*, asserit, quod, *Catholicis viris Sixti Pontificis, Tridentinique concilij satis profecto esset authoritas, vt Virginem Deiparam, generalibus illis Pauli Sanctorumque Patrum sententijs nequaquam contineri sibi persuaderent.*

Cathar.  
opuscul. de  
Concept.  
ad Trid.  
Patr. p. 1.  
§ Verum,  
Deus.  
Payua l.  
§. defens.  
T. id. p. 3.  
parag. vt  
vero.

Duo con-  
stitutiones  
Sixti con-  
firmatis  
Concilium.

Vidend.  
Egidi.  
Lusit.  
citat.

17 Admittant ergo aduersarij vel ipsa ratione, & graui tantorum virorum testimonio conuicti, tam primam quam secundam constitutionem nouum à Concilio robur accepisse, & consequenter Officium & Festum in sensu in Officio explicato, innouatum fuisse. Vel si admittere noluerint Extrauagantem *Cum præcelsa* solamque illam in qua pœnæ iniunguntur dixerint reualidatam, aliam ego proferam constitutionem, cui hæc non desit conditio. Duas saltem ad veritatem verborum Concilij sustinendam debent admittere constitutiones. Refellunt illam, quæ incipit *Cum præcelsa*. Præter hanc duæ sunt adhuc Sixti constitutiones, quas supra retulimus, *Græue nimis*, incipientes, in quarum vtraque non leues continentur pœnæ. Videant ergo quid tutius ducant si omnes tres velint admittere à Concilio fuisse approbatas, si duas illas corpori iuris insertas, si duas alias, *Græue nimis*, incipientes, vt plures dixerunt Theologi.

Tres



Tres vereor ne velint concedere; si verò duas illas communes, tunc consequenter, & euidenter inferemus, & velint nolint, admittent Concilium approbasse Festum Conceptionis immaculatæ & Officium speciale ac proprium eiusdem, in quo (vt sæpius aduerti) hic sensus habetur expressus. Si alias duas, *Graue nimis*, iam explanationem illam violentam Festi videlicet Conceptionis spiritualis, aut sanctitatis indeterminatæ, condemnauit. Siue ergo Extrauag. *Cum præcelsa*, siue, *Graue nimis*, illam particularem Lombardiæ (quarum alterutram (vt dixi) necessario propter verborum Concilij veritatem, & proprietatem tenentur admittere, vt cum alia illa, *Graue nimis*, in numerum coalescat pluralem) concefferint à Concilio confirmatam, sua exident sententia, & nostra satis vndequeque stabilitur.

18 Vrgetur hoc argumentum ex eo quod illo tempore quo Concil. Trident. dictam adhibuit declarationem vniuersali Decreto, *Probatur  
alterius  
Festi sin-  
sus.* Catholica & sancta Ecclesia Romana celebrabat Festum Conceptionis naturalis, gratia diuina ab originali labe præseruatæ, nam eodem Officio & Missa utebatur in Festo immaculatæ Conceptionis, quibus nunc cum alijs vitur religio S. Francisci, & quæ à Sixto I V. approbata in libris ritualibus Romanis illius temporis excusâ ab omnibus recitabantur. Vt videre est in varijs editionibus, quæ tunc prodierunt, præcipue in Missali Rom. edito Venetijs an. 1535. quod apud me habeo, & in quo Missa illa quæ incipit, *Egredimini*, à Magistro Leonardo Nogarolo concinnata in Festo Conceptionis habetur; in illius autem Missæ orationibus clarè, alijsque eiusdem partibus mystice ostenditur Virginem fuisse à peccato præseruatam (vt sæpius aduerti, idque solum Ecclesiam Catholicam festiuis laudibus celebrare.) Cum ergo Concilij Patres in eadem hac ipsa Missa vsi sint in Festiuitate Conceptionis, & Extrauag. Sixti in qua Missam illam & Officium proposuit recitanda, innouauerint, manifestum est voluisse eos & intellexisse Festum in hoc sensu celebrari, dum ille tam expresse pateat, & manifestè declaretur in Officio, quo tunc utebantur, & secundum Sixti Constitutionis tenorem frequentandum volebant. Vnde, & sunt qui dicant, & insistent ex vi declarationis & intentione Concilij restituendum & repetendum esse vniuersaliter in Ecclesia illud Nogaroli Officium à Sixto institutum, approbatum, & fidelibus tantopere commendatum. Toto ergo cælo errare ac veluti amplissimum solis iubar palmo

palmo occludere velle iudicari, eos qui rem tot argumentis adeò manifestam negare, eamque in controuersiam adducere suis violentis intentant explicationibus.

Idem habetur Festi intentum ex Officio Sanctimonialium  
immaculatæ Conceptionis Mariæ.

## § VI.

19 **A**ddam ad hæc Officiū, quo in hoc Festo & per Octauam utebatur ex prima sua fundatione religiosus ordo Monialium Conceptionis Mariæ, in quo sicut & in professione ac habitu sanctam & immaculatam à primo instanti fatentur, & profitentur fuisse Mariæ Conceptionem. Nam præterquam quod in Antyphonis, Oratione, Inuitatorio, & alijs plerisque; conueniat vel idem sit cum supra citato Nogaroli Officio, tamen habet hoc peculiare quod plura referat loca ex S. Patribus, Virginis immunitatem à peccato originali testantia, & in aliquibus orationibus, præcipue illa, quæ pro Feria 4. assignatur expressus Festi sensus habetur sub his verbis; *Vt qui Matris tue puritatem in sua Conceptione recolimus, &c.* Et in hymno Feria 2. dicitur; *Legem generalis propagationis Virginem non sedit, & inferitur ibidem quali argumento de minori ad maiorem decentiam & æquitatem, (quo communiter in hac re vtuntur Doctores) quod si Angeli fuerunt creati in gratia, & absque peccato, multo magis gratiam hanc & priuilegium Virgini Dei Matri concessum esse credendum est. Illudque præ cæteris habet singulare Officiū hoc, quod Decretum illud qualecunque quantumuis ex se inefficax Concilij Basiliensis de credenda Virginis præseruatione ab originali peccato in sua Conceptione, & de celebrando sub illo sensu hoc Festo, distributum sit per primas sex Lectiones Feria 2. sicque frequentabatur & recitabatur in toto ordine prædicto. Quod Decretum licet ex illius concilij autoritate, quæ nulla erat, nullam sortiatur, tamen hinc mihi ali-*

quam & magnam adipisci videtur, vt bene adnotauit Canisius quod totum hoc Officiū ita ordinatum, prædictumque habens incertum Decretum confirmauerint & confirmatum concesserint recitandum illis Sanctimonialibus quinque Summi Pontifices tui Prædecessores. Quod ex primis earundem Sanctimonialium Breuiarii verbis præsignatum, & aduertitur; hoc enim eius principium incipit Breuiarium secundum ordinem sanctæ atque immaculatæ Conceptionis Beatissimæ

Sancti-  
monialis Con-  
ceptionis  
varie pro-  
fitetur  
eam fuisse  
immacu-  
latam.

Canisius  
de Beat.  
vi g. c. 7.

*Beatissimæ Virginis Mariæ, indultum, concessum, ac confirmatum à Sacrosanctâ Romana Ecclesia per Beatissimos Pontifices atque Dominos Sixtum IV. atque Innocentium VII. præfatum ordinem & religionem insituentes, & Alexandrum VI. & Iulium II. dictum ordinem & Officium approbantes, atque multiplicibus gratijs, privilegijs, atque indultis, & indulgen:ijs eum corroborantes, decorantes, & faventes; quæ indulta & gratias etiam Dominus Leo Papa X. demum multipliciter amplavit, & alias de novo concessit. Huius ergo Officij expressum, & manifestum sensum non erit, qui poterit vel leuiter negare. At si totus ille ordo ex concessione tantorum Pontificum celebrauit Conceptionis Festum sub expresso & manifesto sensu immaculatæ in primo instanti, nequaquam credi potest, aut asseri in reliqua Ecclesia sub alio contrario, vel indeterminato sensu celebrari eandem Festiuitatem. Nec enim Sancta Mater Ecclesia vario, & contrario ducitur spiritu ( vt in alio Tractatu proposui considerandum ) nihil etiam est in Christiana observatione diuersum, nec contrarias aliquando vel admisit, vel permisit Ecclesia celebritates:*

Tract. 6.  
n. 16.  
August. l.  
1. contra  
Crescon.  
Gramat.  
c. 4. & 14.  
c. 11. to. 7.

Non obesse huic aperto Festi sensui mutasse P I V M V.  
Conceptionis Officium.

## §. VII.

20 *Officium Conceptionis à Sixto institutum, non condemnauit Pius V.*

21 *Imo illud videtur approbasse ex varijs argumentis.*

22 *Tantopere ab Ecclesia approbatū, non potuit vs falsum condemnari.*

23 *Quid auctoritatis addideris Pius huic Festo.*

20 **I**nfirmitas certe sibi sumpserunt aduersarij fundamentum ad denegandum certum hunc Ecclesiæ sensum, adeo manifestum, & declaratum in Officio Diuino, ex eo quod præcitatum Officium à Nogarolo compositum, à Sixto propositum, ab eodemque & alijs approbatum, Pius V. non inseruerit cæteris Breuiarij Romani à se publicati Officijs, non solum, non approbatum à Pio asserentes; sed & omnino abrogatum, & prohibitum addentes. Quod certe nescio qua veritate, aut cui innixi testimonio asserere audent. Nam aliud est nouum Breuiarium (quod fecit Pius) ad antiquorū normam, vel antiqua ad nouam formam reducere, & ad confusionem in Officijs vitandam, & laudabilem in cultu Ecclesiastico vniformitatem introducendam, varietatem rituum, vel Officiorum è medio tollere, vel prohibere, ne quis alijs vtatur Breuiarijs. Aliud vero Officia antiqua, approbata ab Ecclesia, &

Pius V. Officium antiquum Conceptionis non can. condemnauit.

sia, & in illa recepta & publicè frequentata, eorumq; sensum, dam-  
nare, aut reprobare. Et tantum abest quod Pius V. huiusmodi of-  
ficia, vel eorum sensum reprobare voluerit, vt potius expresse ea ap-  
probauerit, & decantanda concesserit.

*Imò illud  
videtur  
approbatiss.*

*Ex Rubricis  
Breuiarij.*

21 Eius etenim mens, & animus satis constat ex 1. rubrica ab eo  
reformati Breuiarij, in qua fieri officium duplex, & solemne iube-  
tur, tam de illis Sanctis ac Festis, quæ in Breuiarij Calendario sub  
eisdem notulis habentur, & in eodem Breuiario peculiare habent  
officium, *quam de his quæ apud quasdam Ecclesias, Religiones, vel congrega-  
tiones consueverunt solemniter celebrari, cum Officijs proprijs à Sede Apostolica  
approbatis, aut ex eiusdem Sedis auctoritate receptis vel recipiendis; seruata  
tamen forma huius Breuiarij.* Vnde cum hoc Officium ex prima sui in-  
stitutione fuerit à Romana Sede approbatum, Indulgentijs etiam  
superadditis per tot lustra in vniuersali Ecclesia celebratum, & so-  
lemniter recitatum, in multis etiam Ecclesijs & Religionibus addi-  
tis solemnitatis diebus Octauis, nullatenus dici potest aliquando à  
Pio damnatum, aut reprobatū, sed solum ad commodiorem vni-  
uersalis Ecclesiæ vsum omissum, & ad antiquum Breuiariorum  
modum recitandi reductum fuisse, retento tamen eodem Festi  
Conceptionis nomine, & sensu pro vniuersali Ecclesia.

*Ex Officijs  
Minorum.*

*Vinc. Iu-  
stinianus.  
par. 3.*

Idem insuper constat ex speciali viux vocis oraculo (de quo fu-  
tiliter quidam ex aduersarijs voluerunt dubitare) quo idem Pius  
Fratribus Minoribus concessit huius Officij recitandi potestatem  
ad annum 1569. die 25. Maij, vt testatur Iustinianus Dominica-  
nus, & expresse habetur in principio Calendarij Festorum eorun-  
dem Minorum, vbi habentur hæc verba; *Ex concessione D. N. Pij,  
V. Pontificis Maximi, & ex prima Rubrica seu primo Notabili pro  
dictis Festis rite celebrandis appposito; cuius hæc est admonitio,  
Cum etiam Summus Pontifex Pius V. nobis conceperit, vt hæc Officia cele-  
bremus, sicuti antea celebrabamus, seruata tamen forma Officij noui, &c.* Pri-  
mum autem inter illa Officia Minorum propria, est hoc Conce-  
ptionis, de quo loquimur. Idem etiam in Registro rerum Memo-  
rabilium apud Procuratorem Generalem Romanæ Curix pro fa-  
milia Cisimontana eiusdem Religionis adnotatur, sub præfato  
anno, Tomo 2.

*Ex consue-  
tudinibus super  
speculam.*

Et confirmatur, quia paulo post editionē noui Missalis & Bre-  
uiarij, idem Pius in sua Bulla, *Super speculam*, approbauit illa quæ  
Sixtus I V. statuerat circa immaculatam Virginis Conceptionem,  
maximè

maximè quæ à Concilio Tridentino fuerant confirmata, vt pater ex dicta Bulla cuius verba sunt hæc; *Nos igitur qui predecessorum nostrorum saluberrima Decreta pro viribus salua esse cupimus, potissimum illa quæ à Sacrosancta Tridentina Synodo denu sunt confirmata, &c.* & statim quod statutum fuerat in hac re à Sixto I V. & quod à præfata Synodo innouatum est, Apostolica autoritate confirmauit, & approbavit. Cum ergo Decreta à Sixto I V. comprehendant Missam & Officium immaculatæ Conceptionis ( vt supra sub numeris 8. & 9. probatum est ) sequitur à Pio V. fuisse confirmata, tantum abest vt possint dici ab illo fuisse reprobata.

Et vt rem omnino concludam, recordor, & addo, quod tu metipse ( Pater Sanctissime ) qui sanctissimos Antecessores tuos deuotione in immaculatam Beatæ Virginis Conceptionem longe antecellis, concessisti vt dictum Officium in Minorum Religione potuisset recitari Sabbatis quibuscunque, duplici aut semiduplici Festo non impediris, extra Aduentum tamen, & Quadragelimam.

22 Non ergo rectè quis argumentari aut probare putabitur hunc non esse apertum Ecclesiæ sensum, ex eo quod vniuersaliter in eadem non recitetur modo hoc Officium in quo tam expressè quid in hoc Festo intenderit, explicauerit. Nam licet in nullâ Congregatione, Religione aut Diocesi modo recitaretur sufficit aliquando recitatum, & frequentatum fuisse vniuersaliter in tota Ecclesia per centum circiter annos; imo per vnum sufficisset seu annum, seu mensem, siue diem, ex autoritate, propositione, vel institutione ipsius Ecclesiæ, ad hoc vt quod semel adeo manifestè professa est per suum cultum vniuersalem ex supremi Pontificis autoritate, & ordinatione, nunquam postea reuocari possit in dubium. Nec enim nisi qui male de rebus fidei senserit, dicere poterit, hodie Ecclesiam proposuisse omnibus fidelibus aliquid expresse, & illud pro certo venerasse, ac postmodum illud voluisse occultare, dubijs inuoluere, aut tanquam incertum indiscrimen reuocare. Sicut nec ex eo quod ex ipso eodem Breuiario aboleuerit, vel abstulerit prædictus Pius Præsentationis Virginis & Beatæ Annæ Officia, sequitur quod Beata Virgo non fuerit in templo præsentata, nec eius Mater sancta; sed voluit solum admittere ea Festa, & Officia, quæ in antiquioribus habebantur Breuiarijs. Non fertur hac leuitate, nec ferri potest Sancta Mater Ecclesia, inconcussam habere suæ

R

verita-

*Magna  
approbatio  
Pauli V.*

*Officium  
hoc semel  
ab Ecclesia  
approbatum  
non potuit  
re saluam  
reprobare.*

veritatis, & stabilitatis fundamentum; assistente gubernatur Spiritu Sancto, qui nequaquam in errorem aut mendacium eam ferri permittet, ut modo vnum, modo dicat alterum, & tanquam prolatus mendacii poeniteat, retractare, aut mutare velit sententiam. Officium vero, ritum aut aliquales caeremonias, quando rei necessitas, aut temporum ratio exposulauerit, poterit mutare, semper tamen sub primo permanens cultus sensu, aut fidei veritate.

*Quare Officium hoc mutauit Pius. Supra n. 8.*

Mutauit ergo Officium non inconsulte Pius V. tum propter alias rationes, tum prudentissimè (ut mihi persuadeo) ut renouaret primam Festi institutionem, nobis magis notam (ut superius dixi) habitam ex reuelationibus illis in Anglia factis, in quibus, & modus eiusdem celebrandi proponitur, & Officium sub quo celebrandum erat praescribitur, ac Festum hoc sub Natiuitatis Officio celebrari, sicut modo fit, omnino praecipitur. Ut ergo Officium illud quod in Anglicana illa vetusta huius Festi institutione ordinatum est, frequentaretur, hoc solum voluit Pius praesertim cum in plurimis Antiquissimis Breuarijs sub hoc ipso Officio reperiatur, & Festa omnia Beatæ Virginis tribus exceptis, scilicet Purificationis, Annunciationis, & Assumptionis, sub Officio Natiuitatis olim recitabantur.

*Quid ad hoc attinet theotatum Pius hunc Festum.*

23 Kalendario insuper Romano sub duplicis Festi ritu Mysteriorum hoc celebrandum proponit omnibus, ita ut iam nefas sit tale Festum respicere, quod anterioribus illis saeculis, sine graui reatu potuit fieri, ita ut omnino Romanum, Vniuersale, ac Pontificium hoc Festum pijsimus ille Pius reddiderit, quod antea, licet falso, negabant tale fuisse aduersarij. Sanctam etiam pleno ore ab omnibus dici fecit per hoc Officium Virginis Conceptionem: Publice etenim fideles in ultimo Responsorio eiusdem Officij profitentur. Sanctam esse Virginis Conceptionem, in alijs, dignissimam, & solemniter recolendam, non quod in peccato facta sit, à quo postea Sanctificata fuerit, sed quod omnino munda fuerit, & Sancta. Etenim tam in proprio Officio Sixti I V. quam in hoc communi, semper retinuit & expressit eundem sensum Sancta Mater Ecclesia ita clare, & euidenter, ut repellendi sint, qui circa illum ita faciliter velint dubitare.

Festum

Festum sub hoc sensu intelligi in Ecclesia & à Doctoribus,  
 • præcipuè à quibusdam ex Dominicanis.

## §. VIII.

- 24 Plures ex Patribus Dominicanis  
 hunc esse huius Festi sensum fatentur.  
 25 Alij etiam docti viri id affirmant.

26 Ita ipsa indicat Ecclesia.

27 Omnes ita unanimiter sentiunt.

24 **V**T autem rem concludam, & huius manifestæ veritatis testes, licet minime necessarios, Tuæ Beatitudini offeram, quatuor vel quinque ex multis ipsius Dominici ordinis, & alios omni suspicione maiores, & à passione liberos in medium adducam. Primus veluti generalior & communior, sit author illius libelli Manuale Prædicatorum dicti, non semel à me citati, dum asserit *totam ferè Ecclesiam asserere quod Virgo fuerit præservata, & Ecclesiæ authoritati potius standum esse, quam cuiuscunque, licet eximij Doctoris, quam Ecclesiæ auctoritatem ex eius cultu desumpsit, & per quem eosdem Prædicatores voluit à sua sententia removere.* Ad stipulatur huius festi Patris Dominici.

2<sup>us</sup> sit Ioannes Viguerius, vir sanè eruditus, qui postquam ex autoritatibus quibusdam sacræ Scripturæ hoc probavit Virginis priuilegium, addit; *idem haberi maximè ex auctoritate Ecclesiæ, quæ non potest errare: ubi tanquam certum reputat Virginem à peccato originali fuisse immunè, quia Ecclesia quæ in suo cultu omnino non potest errare, ita celebrabat.* Manuale I radie. cap. ult. Chron.

3<sup>us</sup> Ambrosius Catharinus Compse Archiepiscopus, qui data opera largissime & doctissime probat non sanctificationè, vel instantia hæc moralia sanctitatis, sed Conceptionè sanctam, & primum instans animationis Virginis in sanctitate factam, celebrari determinatim, & certò. Quod & in cap. 3. Controversiæ exortæ inter ciues Senenses, & Prædicatores ad finem vltius probat, & celebrationem hanc esse de Conceptione immaculata, sicut de verâ, & determinatâ, adnectens, *nihil stultius, imò periculosius esse, quam celebrare non solum de re dubia, sed etiam de re quam quis existimet esse dubiam, & ita non adorari Deum in spiritu, & veritate, sed indubietate.* Viguer. de pecc. orig. c. 18. parag. 9. vlt. a.

4<sup>us</sup> Sit Vincent. Iustinian. qui ex professio probat ita intelligi hoc Festum, & ex Ecclesiæ manifesto sensu in hac solemnitate deducit indubitanter Virginem fuisse absq; originali macula conceptam. Cathar. tract. de Concep. ad Conci. Trid. p. 2. c. ult.

5<sup>us</sup> Sit Barthol. à Medina, olim apud Salmanticen. Primarius Theol. Professor, qui dum negatiuam sententiâ iudicauit satis probabilem, Iustinian. in addit. ad vit. Beltrami §. 3.

R ij

babilem,

Medina  
in 3. p. q.  
27. art. 2.  
ad fin. ex  
posit. ar-  
ticuli.

babilem, voluit etiam respondere ad argumenta pro affirmatiuâ à se adducta, ad quorum 3<sup>m</sup> desumptum ab autoritate & multitudine Doctorum ait, *ad 3<sup>m</sup> Respons: quod omnes Doctores Sancti & Catholici plus adhererent determinationi Ecclesie & approbationi eius, quam proprio sensui, cum ergo Ecclesia nunc approbet, consequens est, quod si nunc Sancti vixissent mutassent sententiam.* In quibus verbis innuit determinationem, & approbationem Ecclesie (non alibi expressius quam in cultu & officio diuino) negatiuam sententiam, & præseruationem Virginis ab originali expresse attestari. Alij sunt non pauci Prædicatorij ordinis, qui & libris editis, & è suggestis & Cathedris his Doctoribus subscribant, & sermones habent integros in suis operibus in quibus hoc clare docuerunt.

Alij etiam  
viri docti.

25 Ex schola verò communi alios toridè nominabo viros, quos nec æmulationis ardor, nec victoriæ desiderium, sed veritatis non parua vis in vnam potius, quam in alteram partem flexit, & qui inter Doctores sanctitate conspicuos, & litteris præclaros, infimum non habent locum. Primus sit Ioan. Eckius, qui inter primos in Martinum Lutherum, & Bucerum, arma sumpsit, & ei publicè restitit, cuius sanctimonie non tenue, aut obscurum viget inter Germanos & Belgas testimonium, qui ita in Homilia 2. huius Festi ait ad populum; *Dilectissimi in Christo fratres, hoc tam solemnem Festiuitatem per vniuersam Ecclesiam Catholicam cum omni gaudio summaque alacritate exordium recolimus nostre salutis, quando nobilissima anima Mariae creata, & sanctissimo corpusculo est infusa citra omnem originalis peccati contagionem, quod nulli alijs hominum contigit nisi Mariæ & Christo Domino.* 2<sup>o</sup> Ludouicus Blosius cuius virtutis, & vitæ Religiosæ transactæ non leue præbent indicium eius opera, tanta pietate referta. hic inter cætera quæ de hoc Festo, & opinione scribit, habet hæc; *Plerique ex antiquioribus Patribus dubitalle videbantur circa præseruationem V. Mariæ ab originali peccato, quum nondum Festum eiusdem Conceptionis in Ecclesia Romana celebraretur. modo verò in orbe Christiano Catholici sequuti ipsam Romanam Ecclesiam, (quæ omnium Ecclesiarum caput, & Magistra est) Festum illud iam olim receptum, alacri lataque deuotione celebrant, recolentes exordium nostre felicitatis, quando scilicet nobilissima anima Mariæ à Deo creata, & ipsius sanctissimo corpusculo citra originalis culpe contagionem infusa fuit.* Quæ verba videtur ab Eckio citato sumpsisse. 3<sup>o</sup> Ioan. Tritemius Epistola 33. scripta anno 1494. *Mibi visum (inquit) est à S. Romana Ecclesia nullatenus abhorre, purissimæ Conceptionis fidem, quam illa credit, & veneratur.* Et alibi;

Ioan.  
Eckius  
Hom. 2.  
de Con-  
cep. tom.  
3. serm.

Ludou.  
Blosius  
dictis Sacer-  
dotum.

Ego



Ego piam hanc de Mariæ purissima Conceptione assertionem, & possum securius admittere quo me scio cum S. Ecclesia Rom. sentienti non posse ullatenus errare. Infra, Mariam ob originali sorde præseruatam S. Rom. sentit Ecclesia. Quibus verbis clare ostendit quid de Rom. Ecclesiæ cultu senserit. 4<sup>ta</sup> sit Laurét. Surius, qui sedulo, & christiano zelo hominibus persuadere conatur orthodoxis ne pertinaces sint in impuggandis rebus, quas certum est nihil officere pietati, *qualis est* (inquit) *opinio de immaculata sanctissima Virginis Conceptione, quam videmus ab Ecclesia receptam.* Non aliunde vero magis receptam iudicat ab eadem, quam ex solemnitate, qua eandem colit Conceptionē. Ita etiam omnes in vniuersum ferè Doctores (vt molestior non appaream) intelligunt, & colunt; & potissimum pro opinione Conceptionis immaculatæ ex eo deducunt argumentum, vt nullus ferè sit ex eis, qui eandem tueantur opinionem (quos fere omnes esse constat præter Patres Dominicanos) qui vel leuiter de hoc dubitauerit.

26 Imo ita clarè voluit pia Mater Ecclesia hoc à suis filiis intelligi, vt omnem propellere voluerit dubij ansam, nihil prætereundo in quo possit suam mentem declarare, quin solícite eam omnibus expanderit, tam in multis Officijs & varijs quæ huius extabant Festi in diuersis Ecclesijs & Religionibus, in quibus expressus est hic sensus; quam in Institutione grauissimi ordinis Monialiū, & erectione multarum Confraternitatum præcipue egregiæ illius Regiæ & Imperatrici Toletanæ speciali authoritate Adriani VI. Pontif. Max. sub immaculatæ Conceptionis titulo, in cuius cōstitutionibus non semel, sed pluries *hic* sensus apertissimè declaratur, quam in quotidianis sermonibus huius festiuitatis, in quibus declaratur, & publicè prædicatur quid colat Ecclesia. Quam demum in ipso nomine, vel titulo Festi, sub *Conceptionis* vocabulo, ita vt nomen semper abhorruerit ac euitauerit *Sanctificationis*, non quod egregium, & honorificum non iudicaretur, & sit, quippe ipse Dominus & Saluator noster non semel dicitur in sacra pagina sanctificatus; & quasi sub eo non possit hoc celebrari *Mysterium*, sed quia latet anguis in herba, & sub sano, & pio vocabulo (vt cordate aduertit Iustinianus citatus) aliqui introducere voluerint alienum ab Ecclesiastico, sensum, & sub æquiuoca voce, vniuocum sensum, & indubitatum, dubium facere, ne ex certo Festo, certum esset, fuisse sine crimine Mariam: repulit ergo semper à suis Breniarijs sanctificationis nomen, & Conceptionis apposuit, vt sub eo de Festi sensu non dubitaretur.

R iij

Plura

Trithem.  
in mirac.  
B. Mariæ  
de Vitice-  
to. c. 2.

Surius in  
addit. ad  
Chron.  
Haud an.  
109.

Ita ipsa  
Ecclesia  
voluit in-  
telligi.

Semper re-  
spuit San-  
ctificationis  
nomen in  
hoc Festo.

*In evidenti  
hoc sensu  
conueniunt  
omnes.  
August. 1  
de pecc.  
merit.  
cap. 35.  
Tom. 7.*

27 Plura potuisssem huius rei argumenta proferre, sed vetat, imò, & adducta superflua esse docet, & taceri voluit ipsius rei euidencia, nam (vt cum Augustino dicam) *nusquam sic non inuenio quid dicam quam ubi res, de qua dicitur manifestior est, quam omne quod dicitur. Valeat aliquid apud hos ad se ipsam persuadendam, ipsa euidencia quæ tanta est, vt omnes ferè in hoc vno lecerit conuenire. Cõmunis est orbis Christiani Conceptus præseruationem Mariæ à peccato celebrari; Ad hanc celebrandâ læti confluunt cuncti, id dicit è suggestio Prædicator, hoc docet è cathedra Magister, hac intentione celebrat in altari Sacerdos, hoc fine accedit populus ad Ecclesias. Ita demum hoc Festum celebrari commune est omnium placitum, quod sibi in rebus maximè dubijs omninò sufficere, vt eos pro certis haberet, magnus dixerat Augustinus; Neque enim (inquit ille) vt videamus quam aliquid sit verum, scripturarum authoritas necessaria est, ac non sensus ipse communis, ita verum esse perspicua ratione proclamat vt quisquis contradixerit, dementissimus habeatur.*

*August.  
epist. 7. ad  
Marcell.  
in fine  
Tom. 2.*

## Peroratio ad Sanct<sup>um</sup> Dominum.

*August.  
contra  
Crescon.  
Gram.  
mat. 1.4.  
cap. 53.  
Tom. 7.*

**C**Um ergo (Beatissime Pater) hic sit communis consensus, celebrari Conceptionem in primo instanti sanctam, & soli, quorum interest, Dominicani, (nobiscum sentientibus ali- quibus & multis ex ipsis) contradicant, pro quibus ferenda est sententia, quibus in hæ re credendum erit? an illis paucis, an toti multitudini fidelium aliter sentientium? Horum ego credo certio- rem & veriore esse sententiam, nisi nobis illi velint obijcere, quod Grammaticus ille Cresconius Augustino; *In paucis frequenter est veritas, errare multorum est*, quos certe eodem Augustini contra eundem Grammaticastrum argumento, refellere licebit, dum satis paucos pro nostra sententia dicant esse Doctores sacros, aut Patres, & plurimos, seu satis multos pro suâ. *Si ergo verum est quod asserunt, & in paucis frequenter sit veritas, & multorum sit errare, permutant vt nostri Doctores quanto suis Doctoribus sunt impares paucitate, tanto eos superent veritate. Non facient certè. Nolint ergo in comparatione multitudinis gentium Catholicorum de sua paucitate gloriari, sicut nec volunt vt Doctores nostri (quos paucos putant) in comparatione multitudinis suæ, de sua paucitate glorientur. Nec velint vltcrius contra patulum, & manifestum Ecclesiæ sensum vel leuiter obijcere, aut respondere, non primum instans tantę gratiæ*

gratiæ Virginæ Conceptionis celebrari, sed secundum, aut alterum indeterminatè, aut incertè, non Conceptionem, sed Sanctificationem, festiuis laudibus honorari, ipsi euidentiae, & veritati cedant, quam vt confiteri voluerint, dum negare non possunt, vinci se permittant tanta, & tam magna Ecclesiæ autoritate, tam laudabili, tam antiqua, tam vniuersali eiusdem consuetudine, quæ veris Ecclesiæ filijs omnino, & abundantissime debet sufficere, vt nihil contra eam sentiant, sed manibus, & pedibus ( vt aiunt ) post eam abeant, & communi eius consuetudini suam nolint opponere singularitatem. Qui filiorum Ecclesiæ nomine gloriamur; *Non possumus* ( vt grauitèr, & Christiane docuit vetustissimus Tertullianus ) *respuere consuetudinem quam damnare non possumus, utpote non extraneam, quia non extraneorum, cum quibus scilicet communicamus ius pacis, & nomen fraternitatis. Una nobis & illis fides, vnus Deus, idem Christus, eadem spes, eadem lauacrisacramenta, semel dixerim, vna Ecclesia sumus: Ita nostrum est quodcunque nostrorum est, ceterum diuidis corpus.* Qua grauissima sententia, sententiam tulit pro autoritate & pondere consuetudinis Ecclesiæ contra eos, qui ei refragari non timent. Nec minus eos reprehendit alius Afer, huic non inferior, Augustinus, qui nullatenus respuendum, aut contradicendū docet *si quid tota Deiper orbem frequentat Ecclesia, nam hoc quin ita faciendum sit, disputare, insolentissimè* ( inquit ) *insanie est.* Desinant ergo iam tandem docti & religiosi hi Patres vniuersali, & consuetudinario cultui Ecclesiastico de Conceptione immaculata Virginis Mariæ suam singularem, & à se excogitatam Sanctificationis festiuitatem obijcere, & contra communem Ecclesiæ consuetudinem. *Hic* ( Beatissime Pater ) *sicut in omnibus varè institutis, & dubijs, & incertis fieri solet, adhibenda est examinatio* ( vt optimè docuit Tertulianus ) *& quæ magis ex duabus tam diuersis consuetudinibus, disciplinæ Dei conueniret; ea vtiq; eligenda.* Quod vt quam citius fiat conuenientissimum, & necessarium est, tam ad Ecclesiastici cultus autoritatem, & certitudinem, quam ad vniuersalis Ecclesiæ tranquillitatem, & Virginis Mariæ honorem. Et hoc facto examine, hæc alia præcipere dignetur Tua Beatitudo, vt omnes in hoc sensu ab Ecclesia intento, Festum hoc sub titulo Conceptiones immaculatae celebrent, & festiuis laudibus colant, ac tandem controuersiam ipsam dirimere, vltimum tuum interponendo iudicium, & ferendo sententiam irrefragabilem pro Virginis sanctitate, & immunitate, cui nullus valeat contradicere; Quod vt fiat, omni, qua

Tertul. l.  
de vel.  
Virg. c. a

August.  
epist. 108  
ad. Ia.  
nuar. ad  
med.  
Tom. 2.

Tertul.  
citatus.

possunt humilitate, & submissione, cum Catholico Rege, fidelissima eius Regna, vniuersitates, Prælati, Ecclesiæ, Proceres & Magnates iterum, atque iterum deprecantur, & obnixius efflagitant.

*Tractatus Octauæ Finis.*

## Continuatio Historiæ.

**P**receptis tot manifestis rationibus nulli dubium esse posse dixit Sanctissimus Dominus, Sanctam & Catholicam Ecclesiam suo Conceptionis cultu profiteri Mariam ab originali labe fuisse præseruatam, nec semet de hoc aliquando dubitare. Non obinde tamen consultum esse affirmavit, vt quidam in hac re tunc innouaretur, quod & Tua Dominatio (inquit Oratori) mecum assereret si quæ mihi suggeruntur à plerisque & ab hominibus exterarum Regionum in immaculatam Conceptionem propensis, à quibusdam etiam ex ipsis Parisiensibus per litteras mihi significatum est, percepisses. Nullatenus se dubitare respondit Orator plures plura suggessisse, & scripssisse non tam ad mentem suam, quam ad aduersariorum instantiam, quod vel ex ipsis illis Parisien. litteris facile iudicare liceret, quippe nihil tam venerantur Illustrissimæ illius Academiæ Magistri, & omnes Galliarum incolæ, quam immaculatam Virginis Conceptionem; quam tam certam, & absq; dubio esse volunt, vt multis ab hinc annis eam definitâ esse censeant; nec aliud sit, quod modo magis desiderent, quam vt indubitanter vniuersi huic Virginis priuilegio subscribant.

Adiecit vltcrius Pontifex satius esse in calamitoso, & turbulento illo Imperij Romani, & Germanici statu, & quando Christianorû rebus summum imminebat discrimen, domesticæ paci incumbere, quâ aliquid innouare, quod intestinos tumultus, aut rumores possit generare. Propterea semper contendisse aduersarios suam sententiâ esse maximè probabilem, & licet in nuperrimo Decreto publicis sit actibus interdicta, non proinde aiunt, ita à suo statu decidisse, vt facile, & absque vltcriori disquisitione & largiori disputatione omninò possit explodi, vel eorum celebrandi ritus condemnari, præsertim cum in ipso eodem Decreto relinquatur in statu, & terminis, quibus antea vigeat.

Adhæc Orator; nullius tumultus subesse in hac re periculum, & omnes ad statuta Apostolica acquieturos, & cuiuscumque Pontificiæ

ficiæ ordinationi veluti veros Ecclesiæ filios obsequuturos. Nec ut quippiam in hac Controuersia innouetur, maiori opus esse indagine, cum omnia, quæ dicenda erant & adhuc obijci poterant adeo trita, & terfa sint, ut facillimi sit negotij quippiam in hac re statuere. Reliquisse verò Decretum, affirmatiuam sententiam in statu, & terminis, sub quibus antea debebat, non ob stare, ut amplius aliquid vel circa ipsam sententiam, vel sanctificationis cultum decerni possit, quippe ante Decretum debilem omninò habuit statum, & sub languidis versabatur terminis, post verò edictum hoc, & indictum silentium ferè penitus emarcuisse, vel sub infimo probabilitatis gradu paulatim interire; alteram verò è regione doctrinam ad summum probabilitatis gradum pertigisse, quod diligenter, & manifestè se ostensurum dixit, & sub mente Augulii per hunc Tractatum voluit probatum.

## ORATIO OCTAVA

AD S.<sup>MM</sup> D.<sup>MM</sup>

PAVLVM PAPAM V.

## TRACTATUS IX.

In quo statu & terminis versetur controuersia de Conceptione Mariæ Virginis, & quanta sit vtriusque opinionis inæqualitas.

Ostenditur sententiam vno tempore probabilem, alio reddi posse omnino improbabilem.

## §. I.

1. *Multa fidei veritates successiuè aperiuntur temporibus.*

2. *Recensentur quedam, olim dubia, modo certissima*

3. *Diligenti Doctorum indagatione obscura patent veritates.*

4. *Vnde capit probari quibusdam affirmatiua sententia huius controuersia.*

5. *Bernardus perperam à suis coëtanis intellectus potissimum strauit initium affirmatiua.*

6. *Post annum 1300. discussa utraque opinione, prauauit negatiua.*

7. *Quam probabilis & certa enasit negatiua.*

BEATIS-

## BEATISSIME PATER,

Veritas  
pauculum  
aperiuntur

1 **C**uncta, quæ sub sole sunt, vel sub cæli clauduntur ambitu, paulatim crescunt, & gradatim proficiunt, ita, ut singula videamus non tam repenti compleri, aut subito consumari, quam suis quæque terminis agi, & successivis gradibus ad perfectum usque perducere. Res suis mensurantur temporibus, suas habent ætates; nihil sine ætate est, & omnia tempus expectant. Ipsa itidem veritas ita paulatim obscuritatis inuolucris exiit, ita temporis diuturnitate aperitur, ut non abs re *temporis filia* à priscis diceretur authoribus. Singulis ætatibus singulæ referantur veritates, neque enim omnes simultaneæ sunt, aut repenti aperiuntur, sed succedentibus sibi temporibus, & longa discussione præmissa, nunc hæc, nunc illa detegitur, & quæ antea latebat, apparet; quæ erat incerta, certitudinem sortitur; quæ improbabilis, probabilitatem, quæ obscura & ineuidens, omnimodam assequitur claritatem, & irrefragabilem adipiscitur evidentiam. Hinc quotidie humanus proficit intellectus, hinc naturalis crescit disciplina, hinc vel ipsa diuina amplificatur doctrina. Propterea (inquit egregie Tertull.) *Paracletum misit Dominus, ut quoniam humana mediocritas omnia semel capere non poterat paulatim dirigeretur & ordinaretur, & ad perfectum perduceretur disciplina ab illo Vicario Domini, Spiritu Sancto. Adhuc inquit multa habeo loqui vobis, sed nondum potestis ea bauiare*, (ita transfert Tertul.) *cum venerit ille Spiritus veritatis, deducet vos in omnem veritatem, & supervenientia renuntiabit vobis. Quæ est ergo Paracleti administratio, nisi hæc, quod disciplina dirigitur, quod scriptura revelantur, quod intellectus reformatur, quod ad meliora proficitur?* Ita nos quotidie hanc Spiritus Sancti administrationem, seu particularem eiusdem circa Ecclesiâ gubernationem experimur, ut nova videamus quotidie è sacris eloquijs depromi mysteria, & quæ sub opinionis formidine nutabant, sub cœlestis oraculi firmitate infallibilem experiamur fortiri certitudinem.

Tertull.  
l. de Ve-  
lan. Virg.  
c. 1. to. 2.

Ioan. 16.  
11. 12.

Videndi  
Gregor.  
hom. 15.  
& 16. in  
Ezech. &  
Bernard.  
Epist. 77.  
ad Hug.  
de Sæcto  
Victo.  
post med

Adulæ  
iniquitas  
adulæ nunc  
habetur  
pro carnis

2 Multa hoc sæculo credimus, & tenemus pro fidei arcanis, quæ in alijs anterioribus ætatibus sub parva, aut nulla probabilitate fluctuabant, & multa sunt iam pro fidei articulis definita, quæ apud plures, & grauiore ex antiquis Doctoribus duram sunt passa repulsam, & non leuem apud priscos Patres sustinuerunt contradictionem. Verum esse baptismum qui rite ab hæreticis confertur, modo

modo docet Ecclesia, quem tamen nullum esse Cyprianus, & duo Concilia contenderunt Africana. Ioannes XXII. voluit credi, & nullam non adhibuit diligentiam sola definitione excepta, vt celebriores orbis Academiae, & illustriores Magistri docerent, solum ad diem Iudicij videndam esse diuinam essentiam, nec ante illum, hominem quenquam, in quantavis gratia ab hoc saeculo discedentem, gloria fruiturum, quod falsum esse temporis tractu clarè innotuit, & definiuit Benedictus XII. Innumeri fuerunt ex prioribus Ecclesiae Doctoribus, qui vel clarè docerent, vel non obscure insinuant Angelos esse corporeos, cum modo constans sit Theologorum sententia esse omnino spirituales. Ad Augustini vsque saeculum, & ipsa eius aetate quantum fluctuatum sit circa animae originem, & quam ipse Augustinus semet haesitabundū praeberit, quam nam ex quatuor sententijs quas refert Epist. 7. ad Marcel. in fine sequendam & tenendam iudicaret, videbit, qui aliqua ex eius operibus (in quibus de hac re passim) & precipuè quatuor eius libros de hoc ipso dubio legere voluerit; & ferè plures habuit fautores sinistra, & contraria opinio, animas videlicet esse ex traduce; quam vera, quam modo sectamur, sententia, easdem à Deo immediatè, creari. Quot fuerint Patres tam Graeci, quam Latini, qui peccati commissi, & proprii venialis Virginem sanctissimā arguerent, sciet, cui placuerit legere eosdem ad illa verba Ioan. 2. *Quid mihi & tibi est mulier?* & ad illa Lucae 2. *Tuam ipsius animam pertransibit gladius;* & recentiores Doctores ad 3. p. D. Thomae quaest. 27. art. 6. qui ibidem eos eorumque verba referunt, licet aliqui benignè eos interpretari voluerint. Attamen sacrosancta mater Ecclesia diligenti, & longā factā de hac re discussione, & diuturno examine, edocta est à Spiritu Sancto, non standum esse illorum sententijs, sed tenendum esse contrarium, quod & illa docuit in Concil. Trid. sess. 6. can. 13. imò & definiuit expressè in Concil. Claremont. si verum est quod apud An-

Andr.  
Vega in  
Trid. 14  
cap. 13.

3 Non aliter etenim modo, difficilis, aut obscurus scripturae sensus aperitur, aut à Pontificibus, vel Concilijs, pro vero statuitur, quam

Multaeque  
runt veri-  
tates Do-  
ctores.

August.  
l. 2. cont.  
Donat.  
c. 4. to. 7.

quam post exactam Doctorum indagationem, & longam eorundem concertationem, qua quæstio hinc inde discutitur, scripturæ loca, & rationes ad inuicem conferuntur, & maior, vel præcipua Ecclesiæ pars in hanc, vel illam propendit sententiam. *Quomodo enim* (inquit Augustinus loquens de longa, & graui illa controuersia cum Africanis Episcopis circa baptismum non reiterandum) *potuit ista res tantis altercationum nebulis inuoluta, ad plenarij Concilij luculentam illustrationem, confirmationemque perducì; nisi primo diutius per orbis terrarum regiones multis hinc, atque hinc disputationibus, & collationibus Episcoporum pertractata constaret?* Doctores, & Patres Ecclesiæ suis alternis disputationibus difficultates aperiunt, & veram longo studio depromunt è sacra Scriptura intelligentiam. In initio dum exoritur difficultas, & in debili principio versatur opinio, dum fuerit tunc, qui se audacter ducem exhibeat, plurimos habebit sequaces, cateruatim eum sequentur plerique, sine lite, sine molestia, sine controuersia eius subscribunt sententiæ, dum non sit qui se illis opponat, qui aliam aperuerit viam, qui contrarias diluat rationes, fortiores eisdem contraponat, & principium dederit strictiori examini, atque exactiori disquisitioni. Attamen dum locus præbetur ulteriori discussioni, dum continuis rationum, & fundamentorum collationibus, opinionis veritas sedulò inuestigatur, tunc apparere incipit, & quænam ex duabus tenenda sit, perfectius dignoscitur. Vnde & quæ ante disquisitionem inualecebat opinio, adhibito Doctorum examine, paulatim robur amittit, & continuatis sapientum hominum disputationibus, infirmata declinat, & veriori cedit sententiæ.

Vnde caput  
probari af-  
firmatiua  
scholastica

4 Non aliter in hac nostrâ controuersia euenisse iudicabit, qui omnem rei progressum aduerterit, qui principium difficultatis cum præsentì statu contulerit, & quam primam habuit sententiæ affirmatiua probabilitatem, viderit fere penitus amissam. Hinc autem (ut rem totam breuiter ob oculos ponam) illa cepit probari quibusdam, & primis scholasticis, quod paulo ante eos Bernardus (qui primus ex professò, & datâ operâ eandem visus est probasse) in illâ Epistolâ ad Lugdunenses Canonicos num. 174. (dummodo, quod ego non dubito, eius auctor sit) & negatiuam, quam suo cultu illorum profitebatur Ecclesia, refutare; & affirmatiuam quam nullus, vel ad summum vnus, vel alter ante eum insinuarat, voluerit inculcare. An verò legitimè id præstiterit, vel eius rationes aliquid probent in vero & rigorofo sensu controuersie, doctissimi homines dubitant,



dubitant, & in eius doctrinâ, & religione præclari ( vt alias aduerti ) Tract. 4. n. 6.  
 negant absolutè. Vnde autem aulus, vel inductus sit Bernardus  
 hanc insinuare, vel primus docere sententiam, non facilè erit in-  
 uestigare; nisi vel ideo, vt prædictos Canonicos à nouâ Conceptio-  
 nis immaculatæ Festiuitate, tunc primum apud eos, & inconfultâ  
 Romanâ Ecclesiâ, introductâ, licet alijs in locis celebri, ( vt alias Tract. 7. n. 4 & 5.  
 ostendi ) deterreret; vel quia negatiua opinio ab Apostolis edo-  
 cta ( vt spondeo me non ineficaciter alias probaturum ) pacificè  
 per omnia Doctorem sæcula admissa, à nullo impugnata, imo &  
 in aliquibus particularibus Ecclesijs celebrata, communi consen-  
 su contenta, calamitosis, & turbulentis illis temporibus ( sicut &  
 res aliæ satis in Ecclesia receptæ ) paulisper exciderit, nullosque  
 tunc sparserit de se rumores in Gallia, in qua de alijs fidei Myste-  
 rijs quotidie magna erat cum hereticis concertatio. Vnde & Ber-  
 nardum latere potuit, vel forsan non latuit, sed malè intellexit  
 illam Lugdunensem celebritatem de primo conceptu, quam  
 clarè & expressis rationibus in sua impugnauit Epistolâ, utpote  
 quem nullius sanctitatis capacem, & proinde nec celebritate di-  
 gnum iudicauerit.

5 Siue ergo negatiuæ sententiæ traditionem Apostolicam, mul-  
 tarum Ecclesiarum celebritate firmatam perceperit, siue genuinum,  
 & verum Lugdunensium cultum, ad illos ab Anglis deductum, Bernardus p. r. cum multum secuti sunt constant.  
 intellexerit, ille potissimum occasionem obtulit; vt ad affirmati-  
 uam alij accederent, & illum tanquam ducem venerarentur huius  
 opinionis. Hunc etenim veluti Antesignanum sequuti sunt suæ  
 ætatis viri, & hos primi illi Theologorum magistri Alensis, Alber-  
 tus Magnus, Henricus, D. Bonau. & Doctor Angelicus, licet hi Hos alij Theologi.  
 Theologiæ Coryphæi melius, & verius Bernardum intellexerint de  
 primo conceptu, vt in illorum videre licet operibus, & ego alias eu-  
 dentiùs ostendam. An verò testimonio Bernardi ita firmiter eius  
 crediderint coætanei, & affirmatiuæ sententiæ ita tenaciter Theo-  
 logiæ adhæserint magistri, vt alteram nec docuerint, nec approba-  
 uerint, inferius adnotabo. Hos ex Theologis præcipuos, sine vlte-  
 riori controuersia secuti sunt omnes ferme illius Centuriæ Docto-  
 res Scholastici, solo tantorum virorum ducti exemplo, & commu-  
 nibus illecti sacræ scripturæ de vniuersali contractione originalis  
 peccati autoritatibus, quas strictissimè, & sine vllius exceptione  
 putarunt intelligendas: Ita cateruatim posteriores, sequuti sunt an-

S

teriores

teriores, nec erat tunc, qui ex aduerso se opponeret, aut qui rem hanc diligentius discuteret.

Quando  
& quomodo  
d. u. habuit  
negatima.

6 Vt verò circa annum trecentessimum supra millesimū, Scotus sui acrimoniā & subtilitate ingenij difficultatē aperuit, viam strauit disputationi, modumq; adinuenit, & ostendit, quo rationibus satisfieri posset aduersariorum, & illorum diluerentur fundamenta, & sacrae Scripturae loca debuerant explicari, statim capit affirmatiua paulisper declinare, & negatiua vires reassumere. Pensatis etenim vndique rationibus, & librato pondere vtriusque sententiae, omnes ferme sequuti sunt negatiuam, ita vt paulatim gradatimque, haec proficeret, illa ex aduerso declinaret. Longā itaque vtrinque & per tot centurias protractā disputatione, ita haec alteri quotidie praualescebat, & alteram superabat; vt non ineptē eis accomodem verba illa sacrae Scripturae de alia concertatione inter domum Dauid, & Saulis à Spiritu Sancto prolata. *Facta* (inquit) *est longa concertatio inter domum Saul, & inter domum Dauid. Dauid proficiens & semper seipso robustior. Domus autem Saul decrescens quotidie.* Longa concertatione inter D. Thomae ac Scoti sequaces, opinio de immaculata Conceptione proficiens, & se ipsa semper robustior, opinio vero de maculato Conceptu quotidie decrescens, vt iam ad vltimum & infimum deuenerit probabiliratis terminum. Rectē certē, & vere de ea Christianus & Religiosus ille Poëta cecinit Baptista Mantuanus

2. Reg. 3.  
num. 1.

Baptista  
Mantuanus  
lib. 1.  
Puthen.

*Ista hominum communis erat sententia; verum  
Iam senio exangui frigus, sua robora sensum  
Perdit, & amissa iam maiestate recedit  
Sponte sua, ceditque nouo Latonia Phoebus.*

Expensa etenim, & detectā exiguā eius probabilitate, & infirmitate veluti diffluit, & agnitā in tam longo examine alterius sententiae veritate, firmior & probabilior semper euadit. Quod in similibus opinionibus, & controuersijs aptissimā similitudine exposuit priscorum quidam, dicens; *Quoniam & glacies diutius ad solem expentur, diligentiusque puerorum manibus tractatur, eò magis funditur, & collaquatur, atque ex natura solida, magis indurantur: Ita opiniones falsae quidem dum ad rationem expendantur, diffluunt, verae autem magis ac magis firmae euadunt.*

Thri in  
Apophthegm.

Magna  
est enim  
opinionum  
iniquitas.

7 Quam verò firma haec, infirma illa, hac concertatione euaserit, perspicier, qui vel leuiter considerare voluerit praesentem vtriusque statum, & quanta sit inter vtramq; probabilitatis inaequalitas. Haec probabilissima est, ne dicam verissima & certissima, ita vt iam falsa esse

esse non possit: illa parum habet probabilitatis, hinc solum mutuum, quod ex Patribus Dominicanis aliqui collabentē sustineant. Iam etenim cætera probabilitatis argumenta per ictus defecerunt. Iam euauit apparens illa Sanctorum Patrum congeries, quæ veritatem contrariæ sententiæ obnubilare videbatur, dum ad summū duos vel tres quidquam expresse in hac materia contra Mariam dixisse, & cæteros solum in communi de humani generis obnoxia successione, & necessariâ peccati originalis contractione vniuersaliter, nulla B. V. facta mentione loquutos esse, ex sedula ipsorum lectione constat. Iam non vrgent nec metum incutiunt vniuersales illæ sacræ Scripturæ locutiones, quæ homines omnes sub originalis reatu comprehendunt, dum nec illas intelligi voluit de sacratis. Virgine Conc. Trid. Iam desijt illa Scholasticorum conspiratio facilis, & indiscussa propensio in affirmatiuâ, dum modo ferme vnus non sit (præter aliquos Prædicatores) ex tot millibus, quos felicissima & doctissima hæc nostra habent tempora egregios Doctores, qui non applaudat negatiuæ. Rationes quæ pro ea infirmæ, & inefficaces confectæ vel confictæ sunt, satis solutæ penitus cessarunt, vt ex probabilitate, & fundamentis contrariæ sententiæ latius ostenditur.

Quinq; præcipua fundamenta quibus summa probabilitas negatiuæ sententiæ, & exigua vel nulla affirmatiuæ ostenditur.

## §. II.

8 **P**RÆTER cætera, quæ sententiam de immaculata Conceptione tutissimam & verissimam reddunt & omnino certissimam esse ostendunt, sunt sacræ Scripturæ testimonia, sanctæ Romanæ & Catholicæ Ecclesiæ auctoritas, Pontificij fauoris continua successio, Doctorum vnanimis assertio, pia credulitas firmaq; populorum omnium Christianorum vbique terrarum consensus, vt rationes & cætera argumenta omittamus, quæ largiora requirunt opuscula. Vt se contineret Augustinus in Ecclesia Catholica, veramque esse Christianam Religionem contra Manichæos ostenderet, non alia sibi requirenda putauit argumenta, quam eruditorum, & sapientum iudicium, cæteræ turbæ piam credulitatem, & vniensem consensum, Ecclesiæ auctoritatem, & in eadem fide & sententia tot Pontificum continuam successione. *Ista* (subinfert) *tot ac tanta Christiani nominis clarissima vincula recte tenent hominem credentem in Ecclesia Catholica: etiamsi propter nostræ intelligentiæ tarditatem, vel vitæ meritum, veritas nondum se apertissime ostendat.*

August.  
contra  
Epist.  
fundam.  
c. 4. to. 6.

S ij

Hæc

Hæc ipsa (præter cætera) fundamenta, quæ Augustino efficacissima visa sunt ad probandam Catholicæ fidei veritatem, huius de immaculata Conceptione sententiæ omnimodam, & summam probabilitatem quantum est ex se, apertè demonstrât, licet propter nostræ intelligentiæ tarditatem, aut vitæ de meritum non se nobis Mysteriū hoc huculq; euidenter patefecerit. Attamen licet de fide non sit, nec nobis hæc fuerit sententia reuelata, vt quanta sit eius probabilitas, & veritas videatur, singulas illas rationes percurram, & primo quantum ex ipsa sacra Scriptura colligatur præmittam.

Primum fundamentum ex sacra Scriptura.

§. III.

9 Primum fundamentum desum- nem, negatiuam stabilium.  
ptum ex sacra Scriptura.

10 Duo præcipue loca ex Canticis per firmatiua in sacra pagina.  
Doctorem & Ecclesia accommodatio-

9 **M**ulta pro ea adducunt ex sacra pagina tam veteris quàm noui Testamenti loca Doctores nō pauci expositiui & scholastici, quæ non leuiter hanc opinionem inculcant. Quædam sub figurarū obscuritate illam insinuant, alia sub prophetiæ oraculis prædicunt, alia sub sensu spiritali prætendunt, nonnulla in 2º sensu literali, aliqua in 1º ex mente & explicatione multorum Doctorem, eam non leuiter docent, aut exprimunt obscure. Ea videre licet, nec enim breui opusculo comprehendi possunt, apud Aegidium Lufit. l. 3. de præser. Virg. q. 5. a. 6. à 2º. vsq; 6. Ioan. de Cartag. to. 3. homil. lº. 1. ab homilia 3. vsq; ad 19. Petrum Canis. l. 1. de Deipara Virg. c. 6. Ambr. Cathar. l. 3. de Concept. Virg. in testim. 7. & ultimo, Francisc. Feuard. in sua Theomachia l. 10. c. 2. his antiquiores Ant. à Cucaro Episcopum Acernen. in suo Elucidario Virginis p. 2ª. ad med. Ludouicum à Turre in sua Apologia, & alios quam plures qui doctissime multa loca vrgent pro immunitate Virginis à peccato originali in suo conceptu, præcipue, illa verba Angelica, *Aue Gratia plena*, &c. & *inuenisti gratiam apud Dominum*, quæ de omnimoda plenitudine per omnia Virgineæ vitæ instatia, & inuentione seu receptione gratiæ in 1º passiuæ suæ Conceptionis momento explicant quàm plurimi Doctores grauissimi, quos doctè collegerunt quidam ex citatis. Quorū explicatio magni habenda, & recipienda est ab ingenuis viris, & in Virginē propensis dum nec hinc aliquod oriatur inconueniens, nec sit ex Patribus qui sensum hunc tanquàm alienum à textu repellat, aut veluti

LUC. 1. n.  
23. & 30.

veluti verbis ipsis contrariū condemnet. Si ergo sint, qui hæc verba tanto Virginis priuilegio fauere, & accommodari debere asserant, ex Doctōribus probatis, & Catholici nōminis non infimi; quibus præclariore, imo vel mediocri notæ viri, præter Dominicanos, nō contradicāt, vt quid negemus esse in sacra Scriptura loca, quæ litteraliter hanc subindicent sententiam, licet adhuc ex communi Ecclesiæ aut Pontificis declaratione, expressam hanc non habeant intelligentiā?

10 Illa verba Canticorum; *Sicut lilium inter spinas, sic amica mea inter filias*: Et alia; *Tota pulchra es amica mea, & macula non est in te*. Mihi rem hanc non ineffaciter probant. Præterquam etenim quod grauissimi Doctōres dicant totum hunc librum Canticorum de Christo, & Maria explicandum, & de ijs omnia sua cantilena in spiritu, & præuisione præcinitisse pacificum Regem Salomonem, posteriora, hæc verba video à multis Doctōribus assumi ad probandā personalem Virginis innocentiam & immunitatem ab omni vel minimo actuali peccato, nullumq; lego aut scio ex Catholicis, cui expositio hæc displiceat, aut accommodatio improbetur, nec qui dubitare visus sit, an ex hoc loco possit sumi sufficiens fundamentum, vt Virginis actualis innocentia potuerit definiri. Ex communi ergo Doctōrū in hac explicatione consensu non potest negari verba illa de Maria intelligi aut ei posse accommodari. At alij in sua explicatione in sola actuali innocentia non sistunt, sed vterius procedunt, & immunitatem hanc à peccato in illis verbis, *macula non est in te* denotatam, ad originalem extendunt. Quorum piā, & in Virginem fauorabilem interpretationē licet aduersarij non admittant, firmum tamen robur habet, & non cōtemnendam auctoritatē ex Ecclesiæ accommodatione & applicationis insinuatione dum hæc verba in ipso introitu Officij Conceptionis inseruit & per annorum centuriā vniversaliter recitauit, atq; adhuc in pluribus & copiosissimis religionibus ex aliorum Pontificum, tuarq; (Pater Beatissime) indulgentia frequentat, sub hac intentione, vt à peccato originali Virgine præseruatam fuisse profiteatur, vt iam in Tractatu de sensu Festi Conceptionis Tuæ Beatitudini clare ostendi. Horumq; verborum hunc esse sensum omnes, qui per hoc Officium horas persoluunt de illorū intelligentia, & accommodatione interrogati, respondēt. Imò & expressius ipsam se Ecclesia explicatā & declaratā voluit, adiungendo illud verbū *originalis*, dicens, *macula originalis non est in te*, vt habetur in Antyphona & Responsorio sæpius repetendo in Officio

Cant. 2.  
& 4.Probat  
anglus  
negat  
ex quib  
dam verb  
Canticor  
rum.Rupert. f.  
7. de glor.  
Trin. c. 13  
to. 1. An-  
dr. Cret.  
de dorm-  
mit. Mar.  
& alij.Tract. 7.  
a nu. 11.

illo à Sixto pro tota Ecclesia instituto à Leonardo Nogarolo ordinato, & per integram centuriam in vniuersa Ecclesia decantato. At quis audeat dicere verba illa Scripturæ quæ Ecclesia tantæ Virgini manifestato iam sensu accommodat, & adiectis verbis de Conceptione immaculata pronunciat, non esse de eadem ita intelligenda, cum & ipsa sacra Scriptura Ecclesiæ auctoritatem impertiat, & eandem vicissim ab eadem recipiat. Quicquid Ecclesia circa Scripturam ordinauerit, quicquid ab illa tanquam suspiciolum tollendum dixerit, quidquid tanquam necessarium in quacunque occasione adiecerit, quidquid alternat, quidquid alterat, aut mutat, hoc pro vero & rectè ordinato tenendum est, cum & ipsa secum habeat consilium, & spiritum authoris scripturarum, sponsi, & Dei sui, cui dilectus inter vbera commoratur ipsam cordis sui sedem possidens, & conseruans. *Quando igitur* (vt pie & doctè in simili aliorum verborum sacri textus applicatione ad aliud Festum docuit Bernardus) *Ecclesia in scripturis diuinis verba alterat vel alternat fortior est illa compositio, quam positio prima verborum: Et fortassis tanto fortior quantum distat inter figuram & veritatem, inter lucem & umbram, inter dominam & ancillam*; si ergo compositionem hanc *macula originalis non est in te*, adhibuit Ecclesia in hoc Festo ad celebrandam Virginis omnimodam & originalem innocentiam, si ita sacræ Scripturæ verba accommodauit, & adiecto illo verbo (*originalis*) veluti illorum verborum sensum exposuit, quis non ex ipsis diuinis litteris maximam huius piæ sententiæ probabilitatem concedet? ita argumentum hoc, & verba isthæc aduersarios torquebant, & adhuc virgènt, vt mille euadendi vias excogitarint, & varias eis adhibuerint explicationes, quas nec ipsorum verborum manifesta significatio, & apertissimus sensus admittunt, nec Doëtorum aut candidorum hominum iudicia vllatenus approbârunt.

Compositio  
Ecclesiæ in  
verbis Scri-  
pturæ quæ-  
ritur facien-  
da.

Bern. ser.  
3. de Vig.  
Nat. Do-  
mini ad  
pauca.

Affirmati-  
ua vñtū  
habet in  
Scriptura  
fundamen-  
tum.

11 At si contrariæ sententiæ fundamenta in sacra Scripturâ inuestigemus, nullum inueniemus præter communes illas & vniuersales locutiones, quibus totum humanum genus sub peccati originalis reatu clauditur; neque enim vllum in particulari apparebit, aut ab aduersarijs afferri poterit sacræ paginæ testimonium, in quo specialiter, & nominatim de sacratissima Virgine agatur, aut aliquantulum vel leuiter dicatur peccatum originale contraxisse. Sed cum Concilium Tridentinum locutiones illas vniuersales, & veram eorum intelligentiam examineret, ac ex eisdem, præcipue illis verbis

D. Pauli

D. Pauli ad Rom. 5. *Per unum hominem intravit peccatum in mundum, & per peccatum mors, in quo omnes peccaverunt.* Illud constitueret decretum, omnes & singulos homines ex Adam naturaliter descendentes, peccatum originis contrahere; statim aduertit statutam illam à se regulam ex illis vniuersalibus Scripturæ regulis depromptam, non comprehendere Beatissimam Virginem Mariam. Cum ceteros omnes originalis peccati sceditate maculatos definit, illico Mariam vocat immaculatam, & proteltatur, non esse suæ intentionis statutum illud de Maria intelligere. Cum ergo Concilij Patres, ac proinde Spiritus Sanctus, & vniuersa demum Ecclesia non voluerint, vt de Mariâ loca illa explicarentur, aut Decretum intelligeretur, quis modo audebit dicere sibi illam ad stipulari Scripturam, vt Mariam dicat originaliter peccasse? si Spiritus Sanctus, qui ipsius Scripturæ author est, & Decreti illius inspirator, dicat aperte per Concilij Patres, se non velle illam de Maria intelligi, nec istud de Maria pronunciari; quis erit modò qui Mariam sub illis vniuersalibus locutionibus Scripturæ contineri, & consequenter sub illo Decreto comprehendendi, tenaciter asseueret? Spiritus Sanctus dicit non esse suæ intentionis eam comprehendere, si velint aduersarij hæc loca de illa intelligi, necesse est vt dicant, esse suæ intentionis eam comprehendere. Et ita Spiritus Sancti intentioni contraire, dum quod ille circumspexitissime, & provide se non velle aduertit, illi tenaciter se velle demonstrent.

Liquet ergo quanta sit negatiuæ opinionis probabilitas ex sacra Scriptura dum per speciales auctoritates, & verba quæ tam expresse, & vnanimicer de Mariæ immaculata Conceptione explicant Doctores, & eidem accomodat Ecclesia, satis manifestum sit eam primorum parentum non contraxisse peccatum, & contrariæ sententiæ videtur infirmitas, dum vel illa generalia loca, quæ pro illa primitus eius fautores vrgebant, nec hæc ipsa voluerit Ecclesia de illa explicari.

Secundum fundamentum ex auctoritate Ecclesiæ.

§. II. III.

12 *Quanti sit æstimanda Ecclesiæ stenderit Ecclesiæ se negatiuam amplecti.*  
*authoritas.* 16 Nullatenus vel minimum fauit affirmatiuæ.

13 *Non minus amulanda est Ecclesiæ authoritas in hac opinione, quam in alijs.* 17 *Negatiua multis argumentis secunda, firmiter est amplectenda.*

14 *Magnus fuit eius amulator D. Thomas in plerisque opinionibus.* 18 *Quantum debeat vtrique opinio Ecclesiæ.*

15 *Quantopere & quibus signis o-*

S iiij

12 Quod

Quantum 12.  
tribuat au-  
ctori senten-  
tie Ecclesie  
auctoritas.

**Q**uod verò sententiâ de immaculata Concept. tutissimam reddit, & magno probabilitatis excessu contrariâ superare facit, est Catholica Ecclesiæ auctoritas, quæ tantæ existimationis, & pōderis est, eamq; habet ex se eminentiam, & potestaté, ut sententiæ quantumvis infirmæ firmitatem, debili sollicitatem, & fluctuanti tribuat securitatem. Nihil est quod auctoritate fulciatur Ecclesiæ, quod metuat ruinam, nihil est cui illa suffragetur quod securum non sit & firmum. Et si aliunde non probetur, licet in Concilijs non diffiniatur, licet apud Doctores non habeatur, nec in Scriptura reperiatur, frequentetur tamen, & recipiatur in Ecclesia, hinc irrefragabilem sortitur auctoritatem.

Accumulan-  
da est in  
hoc opinio-  
ne sicut in  
alijs.  
Aug. l. de  
cura pro  
mortuis  
agend. c.  
1. tom. 4.

13 Ad probandum deberi curam agi mortuorum, licet aliqua veteris Testamenti loca protulerit Augustinus, statim subiunxit; *Sed etsi nunquam in Scripturis veteribus omnino legeretur, non parua tamen est vniuersæ Ecclesiæ, quæ in hac consuetudine claret, auctoritas. Vbi in precibus Sacerdotis quæ Domino Deo ad eius altare funduntur, locum suum habet etiam commendatio mortuorum.* Vbi solum ex precibus Sacerdotis, vel ex eo quod in Ecclesia oratio fiebat pro mortuis, iustam, sanctam, ac debitam probat eorum esse memoriam. Si ergo in eadem Ecclesia in precibus Sacerdotis, & Ecclesiæ orationibus memoratur, & solemniter pronunciatur Conceptio immaculata. Conceptio Sanctæ Mariæ, si ut hanc publice profiteatur & colat (ut in citato Tractatu probauimus) Festum instituit, & illud in Romano Calendario signari curauit, quis refragabitur probabilissimam esse, & verissimam sententiam, quæ Conceptionem hanc nulla labe fœdatam esse defendit? Si ipsa Euangelij veritas, & infallibilis certitudo credulitatem, & fidem meruit, & obtinuit apud Augustinum solum per Ecclesiæ auctoritatem, ut clare ipse falsus est, verbis illis grauilissimis, & satis à Theologis obseruatis. *Ego Euangelio non crederem, nisi me Catholica Ecclesiæ auctoritas commoueret.* Ut quid apud omnes pijsimam, & maximè rationabilem de immaculato Conceptu Mariæ sententiam, credulitatem, & maximam probabilitatem obtinuisse, vel saltem obtinere debuisse per eandem auctoritatem inficiemur? Si idem Augustinus sat sibi visus est probasse peccatum dari originale in infantibus ex eo, quod in remedium originalis in Ecclesia baptizabantur, & Christum ad inferos descendente Adamum à vinculis absoluisse, eo quod hoc ita sentire visa sit suo tempore, non absolutè & in vniuersum tota, sed fere tota Ecclesia, quis contradicat hanc Virginis

August. l.  
contra  
Epist.  
fundam.  
c. 5. to. 6.

Idem in  
libris co-  
tra Iu-  
dæos & ali-  
bi sepe.

Idem epist.  
99. ad F-  
ructianum  
post pœni-  
tiam.



Virginis immaculatam Conceptionem non sat, & omnimode probatum iri, dum & eam vniuersa per orbem colat Ecclesia (sola particulari, sed contradicente, Dominicana excepta) & vndique per orbem diffusa, in hanc vnam consentiat doctrinam?

14 Si vel ipse D. Thom. vt verum, & certum approbat, plures Sa-  
cerdotes posse vnam, & eandem hostiam consecrare, hinc solum  
motus, quod illud admittat consuetudo quarundam inquit Ecce-  
siarum, videlicet, quando in noua ordinatione Sacerdotum plures  
simul concelebrant Episcopo ordinanti, quod fundamentum ad  
hanc opinionem probandam, maximè vrgere, in Commentarijs  
ad eundem locum adnotat Caiet. licet ipse alio diuertat; si & idem  
commentator alibi asserit esse rationem cogentem illam, quam af-  
fert Petrus de Palude de consuetudine quarundam & paucarum  
Ecclesiarum particularium, nobis fere ignotarum, consecrantium  
in spelta *propter auctoritatem* (inquit) *Spiritus Sancti easdem gubernantis*  
ad hoc vt probabilis reputetur opinio dicentium panem ex spelta  
confectum posse consecrari, vel idoneam esse materiam Sacramen-  
ti Eucharistiae. Si hæc (inquam) particularium, & quarundam  
Ecclesiarum auctoritas, prædictas reddat opiniones probabiles, &  
veras; nonne & totius Catholicæ Ecclesiæ, atque ipsius Romanæ,  
omnium Ecclesiarum matris ac magistræ, auctoritas sufficiet ad  
conuincendos Romanos ac Catholicos viros, vt hanc de Sancta  
Mariæ Conceptione sententiam vt veram admittant. Si (vt alias  
Tuæ Beatitudini proposui) vel auctoritas negatiua Ecclesiæ coëgit  
D. Thomam, vt diceret non esse infidelium filios baptizandos in-  
iunctis parentibus; quia hoc non habuit vsus Ecclesiæ, quem cuiun-  
que ex Doctoribus vel sanctissimo vel doctissimo indicat præse-  
rendum: cur non & apud eius sequaces, vel positiuam consuetudo, &  
affirmatiua auctoritas, tam in cultu, quam in doctrina præualebit  
quorundam Prædicatorum sententijs? *Si maximam* (inquit D. Thom.)  
*habet auctoritatem, Ecclesia consuetudo, & in omnibus semper est emulanda:*  
solum in hac re contra Matrem Domini & Ecclesiæ protectricem  
paruiam habebit? si ipse idem sanctus Doctor animam agens, in  
ultima decubans infirmitate, in proximo, mundo valedicturus, cœ-  
lum petiturus, *tanquam fidelis seruus & prudens, non pertinax, non proprio*  
*sensui aut prudentiæ inmitens, & nulla de se scientiæ suæ opinione superbus sapien-*  
*ter atque humiliter omnem suam verbo vel scripto doctrinam ad Ecclesiæ fidei*  
*normam fidei deuotione reduxit*, vt de eo ait Ioan. XXII. in eius cano-  
nizatio-

*agni cā-  
fuit fœm-  
per D. Th.  
in alij spi-  
rituata,  
D. Tho.  
p. q. 82.  
ait 2 arg.  
contra &  
in cor.  
C. auct. 3.  
p. q. 74.  
ait 3. 4.  
ad quæ.*

*Tract 6.  
num. 17  
Thom.  
2. 2. q. 10.  
art. 12 in  
cor. & 3.  
p. q. 68.  
art. 10.*

Cathar.  
l.2. disp.  
pro im-  
macul.  
Concep-  
t. Primo  
quod.

nizationis Bulla ; si in morte adstantes vltima , vere Christi-  
na , & humili voluntate rogauit vt magis Ecclesiæ vocem quam  
suam audirent, vt de eo refert Catharinus. Vt quid modo tam ex-  
pressam Ecclesiæ vocem non velint audire, tam manifestæ eius  
voci in publico cultu, solemnî prædicatione, & fidelium consensu,  
potius quam dubiæ D. Thomæ assertioni vel voci non eligant ob-  
sequi, & obedire? Si sancta Romana Ecclesia magistra est cætera-  
rum, si Tua Sanctitas fidei est rector & regula, si Ecclesiæ tibi com-  
missæ, & tuæ traditæ fidei, spiritum discernis, mentem assequeris,  
& sententiam tenes, quam non aliam fateris, quam fuisse Mariam  
sine originali conceptam, quod & in suo cultu per omnes mundi  
Regiones, & te coram præsentibus Reuerendissimis & Illustrissi-  
mis Cardinalibus profiteri, & prædicari dignoscis, vt quid te præ-  
ceptorem sequi, illam magistrâ imitari morantur? Cur illius cultum  
respuunt, cur eius sententiam rejiciunt, qui vtriusq; Tuæ Beatitu-  
dinis, & sanctæ mætris Ecclesiæ se iactitant filios, & discipulos esse  
catholicè gloriantur? quis illum laudet discipulum, qui magistrum  
non audiat? quis illum commendet filium, qui vel sugillanti matri,  
vel clarius aliquid insinuanti non obediat? quis & Christianum  
non reprehendat, quæm vel aliter videat, quam Christiana frequen-  
tat Ecclesia peragere; aut quod publice nostra veneratur Religio,  
respuere, præsertim cum ab hac magistra, à te Præceptore, à Ca-  
tholica Ecclesia omnem, & solam habent Religio, sententiæ, &  
cultus noster, auctoritatem? eo autem tribuit maiorem, quo clario-  
res adhibet demonstrationes, aut manifestiores circa rem aliquam  
aut opinionem subministrauerit comprobationes, per quas &  
apertius de eius constet sententia, & clarius iudicare liceat de ipsius  
rei veritate.

Quantum  
præcedens  
negati-  
ua Eccl-  
sæ.

15 Tot autem & tanta in hac re adhibuit suæ propensionis indi-  
cia, vt ausim dicere, in nulla alia etiam ex ijs quæ credit de fide, an-  
tequam definirentur, viris Catholicis tot signa præbuisse, nec vt  
suauiter pro filiorum conditione fideles in aliquam inclinaret sen-  
tentiam, tantam sumfisse ( verius dicam ) consumfisse diligentiam,  
quantam in hac vna, solum vt religiosius Religiosi sentirent de Vir-  
gine. Maximam Ecclesiasticarû demonstrationum applicuit, dum  
Festi cultum de immaculata Conceptione instituit, & largissimas  
elargita est Indulgentias, ijs, qui immaculatæ Conceptionis Festum  
celebrarent. Alias superaddidit non leues, dum religionem in ho-  
norem

norem immaculatæ Conceptionis approbavit, dum aras erexit, dum templa construxit, quorum præter cætera, quæ in ipsâ sunt Vrbe, vnum frequenter videt, & laudat Tua Beatitudo in tuo illo delectabili monte Tusculano quod in ipsâ fronte suam habet inscriptionem & professionem, his litteris intusculptam; *Virgini Mariæ sine originali peccato conceptæ Sacrum*, quod & tu metipse tua sententiâ approbasti, & tuæ Curæ magnates maxime opere commendant. Fraternitates insuper plurimas, & magnas stabilivit, in quibus innumeri & bonæ notæ viri in honorem immaculatæ Conceptionis, religiosi & charitatiuis insistant operibus. In scholis, in cathedris, in pulpitis, vel in ipsis imaginibus, in tabulis, in statuis, quæ in altari- bus proponuntur adorandæ, appolitis verbis, vel accommodatis picturis, expresse & clare docet Mariam fuisse sine peccato conceptam. Nihil sancta reliquit Ecclesia intactum, nihil intentatum præterivit, quod ad huius opinionis commendationem spectaret, vel conducere aliquantulum videretur. Hæc tanta Ecclesiæ pro hac sententia manifesta & declarata auctoritas, hæc illa quæ non solum summam ei tribuit probabilitatem, sed & maximam irrogat certitudinem.

16 Quam verò vel minimam aliquando tribuit Ecclesia alteri opinioni auctoritatem? quando suo cultu eam commendavit? approbavitne forsitan Officium illud de contaminatione, & corruptione Virginis, quod quendam ex aduersariis composuisse & concinnasse testatur Bernard. à Buis? quando Festum instituit maculatæ Conceptionis? siue (vt honorabiliori nomine rem hanc cum ipsis dissimulem) Sanctificationis celebrauit festiuitatem vniuersaliter (vt particularem illam Prædicatorum sine vlla Pontificia auctoritate excogitatam, vt latius Tuæ Beatitudini probavi, sub- ticeam, quam ad æmulationem aduersus Ecclesiam introductam esse, ait suus Catharinus) quando, vel vbi terrarum vidimus Sanctificationis templum fabricatum? Vbi Mariæ in peccato conceptæ vel ab eo emundatæ extructum altare? quas aras? quas vel rudes tabulas? quæ Sacella in aliquo vel occulto angulo vidimus sub titulo emundationis Mariæ à peccato? Imo quod consideratione dignum est, nec ipsi ausi sunt aliquid horum etiam in proprijs domibus extruere, vel si aliquando id attentarunt, credo nequaquam licentiam à Romana sede impetrare potuisse. Quæ præmia spiri- tualia proposuit Ecclesia? quas obtulit aut taxauit Indulgentias sancti-

*Nihil est  
Ecclesiæ  
à moribus  
pro aucto-  
ritate.*

Bernard.  
Buis. ser.  
9. de Cō-  
cept. 1. p.

Cathar.  
p. 2. tract.  
ad Conc.  
1. rid. c. 2.  
§. sunt  
qui dicant.

sanctificationis Festum colentibus? quas approbauit Religiones? quos sub aliquo Sodalitio confratres ordinauit, vt profiterentur Mariam sine gratia conceptam? quando iussit illam in Academijs doceri? quando præcepit vt prædicaretur? quando vt publicaretur? quando vt negatiua taceretur? cum è regione, strictissimè prohibuerit, ne in publicam affirmatiua prodiret, & solam negatiuam voluerit fidelibus tanquam à scandalis liberam, & à periculis remotam, è suggestis & cathedris propinari, & à teneris vnguiculis hoc voluerit lacte pueros educari?

*Tenenda  
pro vniuersi-  
ta negati-  
ua.*

• 17 Quod si hæc tot actanta sint auctoritatis Ecclesiæ manifesta argumenta pro negatiua sententia, quorum nec vnum habet affirmatiua, si maximam & omnimodam probabilitatem cuiusque sententiæ suâ auctoritate præbet Ecclesia, quid inferemus? illamne, an hanc de immaculata Conceptione esse probabilem? illamne tanquam probabilem sectandam, an hanc vt probabilissimam & penitus verissimam amplectendam? Prorsus hæc vera, prorsus probabilis, prorsus irrefragabilis, quam tanta Ecclesiæ confirmat auctoritas. Nullum in hac parte errandi periculum, nulla erroris formido, dum veritatis regula & magistra suâ adstipulatur auctoritate. Hinc se indubitanter & firmiter adherere dicebant negatiuæ sententiæ Ioan. Eckius, Trithemius, Ludouicus Blosius & alij homines pij, quod iudicauerint se cum Ecclesiâ in hoc sentientes errare non posse. Ad aliam qui accesserit sententiam, non habet quo se teneatur, vel vnde tutus aut securus reddatur, ne erret; non est, quo ab errandi periculo liberetur, quam nec expressè teneat Scriptura, nec Ecclesiæ approbet auctoritas, nec Conciliorum determinet definitio. Hanc igitur omnes & præcipui amplectuntur, & illam reiiciunt Christiani, non imprudenter certè, aut absque fundamento, nam vt egregiè docet Augustinus, *Nobis tutum est in ea non progredi aliqua temeritate sententiæ, quæ nullo in regionali Concilio capta, nullo plenario Concilio terminata sunt: id autem fiducia secunda vocis asserere, quod in gubernatione Domini Dei nostri, & Saluatoris IESU Christi vniuersalis Ecclesiæ consensione roboratum est.* Vniuersalis Ecclesiæ consensus, maxima Christiani nominis auctoritas dicit Mariam sine peccato conceptam, pauci paternarum traditionum æmulatores in angulis & secretis confabulationibus insimulant peccato scdatâ, solâ permissione Ecclesiæ contenti, quam & in rebus parum commendatis, & palam condemnatis, videmus vigere. Hanc positiua

*August.  
l. 7. contr.  
Donat.  
c. 53. to. 7.*

auctori-

auctoritas, & vniuersalis Ecclesiæ consensus commendat, illam ne omnino condēnetur, & penitus explodatur solū permissio defendit.

18 Satis superq; debet vtrq; opinio sanctæ Matri Ecclesiæ, ne- Sensu dicitur  
vtriusque  
vtriusque  
etiam  
gatiua quod eam sua auctoritate stabiliat; affirmatiua, quod ne in  
eam cuncti animaduertant, & censuris afficiant, sua benignitate  
prohibeat. Negatiuam approbat, affirmatiuam clarè non damnat;  
illam cunctis inculcat, hanc sectari rigoresè non vetat; at non pro-  
pterea sectandam proponit. *Non propterea* (inquit Tertul.  
1. ad  
Rom. c. 3.  
101. 2. *scilicet Tertullianus*) *ap-  
petenda sunt quedam, quia non vetantur, & si quodammodo etantur dum alia  
illis præferuntur: Prælatio enim superior, diffusio est inferiorum.* Et in Apo-  
loget. aduersus Gentes c. 13. *Prælatio* (inquit) *ulterius sine contumelia al-  
terius non potest procedere.* Eo ipso quod Ecclesia sua auctoritate &  
quotidianis fauoribus negatiuam proponat, & præferat, facilè &  
sine iniuria inferre valemus eam pedetentim, & suauiter iam affir-  
matiua dissuadere. Probabilissimam ergo & veram reddit piam  
sententiam, Ecclesiæ auctoritas, solum ne condēnetur tribuit af-  
firmatiuæ eius permissio.

Tertium fundamentum ex approbatione tantorum Pontificum.

§ V.

19 *Quantum tribuat alicui doctrinæ.* \* 22 *Nullus tantillū sanis affirmatiua.*  
*approbatio Pontificum.* 23 *Eam e publicis locis relegant Pan-*

20 *Plurimus Pontificum fauor ad ne-* *lus V. & quantum ei fuerit per hoc de-*  
*gatiuam sectandam innuit.* *rogatum.*

21 *Recensentur suo ordine omnes à* 24 *Ingenuorum est, velipsis nitiis,*  
*Sixto IV. & eorum in negatiuā fauores.* *& suggestionibus Pontificum atque scire.*

19 **P**ontifices etiam summi totius Ecclesiæ Pastores, non pa- Quantum  
tribuat  
alicui do-  
ctrinæ Pon-  
tificum ap-  
probatio.  
rum probabilem suis indultis & fauoribus hanc reddide-  
runt sententiam, in quam omnes continua successione  
inclinarunt. Quo certè nihil gloriosius, nihil præclarior, nihil fir-  
mius alicui potest accedere doctrinæ, quam vt à vero, & salutari  
veritatis fonte propinetur. In his etenim, in Romanæ sedis Pasto-  
ribus, omnium Pastorum fidem Christus fundauit, in his veritatis  
arcem construxit, horum oraculis vera firmatur doctrina. Id circo  
qui ignorantia tenebras exuere, qui errorum velit vitare pericula,  
ad hanc scholam docendus accedit, ad hanc Petri Cathedram in-  
struendus festinat. Hinc catholicè, & sanctè, Hieronymus in vlti-  
mis Syriæ finibus degens, quorundam Episcoporum controuer-  
sia de tribus admittendis vel negandis in diuinis, hypostasis, agi-  
tatur,

tatus, tot inter iacentibus spatij, Damasum Romæ sedentem consulendum duxit, nihil sibi nouum in fide, nec inauditum fidelibus nomen, admittendum vel negandum censens, Romano non annuente Pontifice. *Mibi* (inquit) *Cathedram Petri & fidem Apostolico ore laudatam, censui consulendam, inde nunc mea anima postulans cibum, unde olim Christi vestimenta suscepi. Neque vero tanti vastitas clementi liquentis, & interiacens longitudo terrarum, me à pretiosa margarita potuit inquisitione prohibere. Ubique fuerit corpus, illuc congregabuntur & aquile. Profligato à sobole malâ patrimonio, apud vos solum incorrupta Patrum seruatur hereditas.* Incorruptæ ergo veritatis fontem signatum, & purum consuluit, eius expostulans licentiam, non nili illâ obtentâ nomina illa tunc sibi peregrina approbaturus. *Obtestor* (inquit) *Beatitudinem Tuam per Crucifixum, mundi salutem, per homousion Trinitatem, vt mihi Epistolis tuis, siue tacendarum, siue dicendarum hypothesis detur auctoritas.*

20 At si solum & vnius Pontificis licentiam desiderauit Hieronymus, vt libenter & facile, quod alias abhorruit, admitteret, & cum dissidentibus Episcopis conueniret, quid tantorû Pontificum non solum licentiam, aut consensum: sed etiam auctoritatem, & exhortationem ad commendandam Mariam Virginem, & à communi hominum sorde excipiendam, præstare iudicabimus? Pontifices non solum coniuuantes, aut consentientes, sed & inuitantes, & bonis spiritualibus allicientes, habemus, vt dicamus Virginem sine peccato conceptam. Quid: nullo docente Pontifice, creaturarum mundissimam peccato maculatam prædicabimus: nullo lucro trahente, originali, & communi hominum labe, Angelorum Reginam fœdatam affirmabimus?

21 Percurram paulisper aliquos à Sixto I V. cuius tempore maiores vires hæc sumpsit opinio, vt liquidò constet non extitisse post eum vllum, qui piæ non adhaereret sententiæ. Alexandrû prætereo V. & alios huius opinionis egregios propugnatores. Ceteros taceo anteriores, sub quibus non tam sollicitè fuit hæc agitata controuersia, vnde nec de illa egerunt, aut si verbum fecerint, nihil, quod illi minus faueat, è sede, vel in Pontificatu (vt inferius ostendemus) aliquando pronuntiarunt.

Sixti I V. erga hanc sententiam deuotionem, & propensionem satis mensurant tres illæ extravagantes quas Tuæ Beatitudinis in Tractatu de sensu Festi Conceptionis, in quarum prima omnes indulgentias, & peccatorum remissionem concessit ijs qui interfunt

Officio

Hieron.  
Epist. 57.  
ad Damas.  
mas. co. 2

Matth.  
23. n. 28.

Lucæ 17.

Ad negati-  
uum seclan-  
dum Pon-  
tificum  
Hieronymus.

Sixtus  
I V.

Tract. 7. a.  
num. 11.

Officio & Missæ Conceptionis à se institutis, quas maximas sui Prædecessores Urbanus IV. Martinus V. & alij elargiti sunt ijs, qui adfunt Officijs diuinis in Festo corporis Christi. Officium insuper illud particulare huius Festi à Bernardo de Buis editum, in quo expressè sæpius inculcabatur Virginis à peccato originali præseruatio, approbauit. Et tam se deuotum erga hoc Mysterium exhibuit Festumque Conceptionis tam solemne esse voluit, vt Dominicæ cuiusque Aduentus locum non cederet, & Octauam superaddiderit, infra quam de nulla alia Festiuitate agi liceret. Tot sunt huius erga hanc opinionem fauores, tot suæ in illam propensionis indicia, vt non immerito magnus, & præcipuus eius promotor censeatur à cunctis.

Huic successit Innocentius VIII. quem & Sixti extrauagantes <sup>Innocen. VIII.</sup> confirmasse ferunt, & sub eo Religionem sanctimonialium Conceptionis incrementa suscepisse, quarum constitutiones, sed sub Benedictinorum regulâ confirmauit.

Innocentio superuenit Alexander VI. qui propter suum in hanc <sup>Alexand. VI.</sup> opinionem affectum extrauagantem Sixti, *Crauenis*, secundam pro vniuersali Ecclesia non illam particularem pro Longobardis editam, confirmauit, inseruitque suis litteris *Illius qui se* incipientibus, cuius executioni iudices applicuit. Religioni insuper Conceptionis sub suis Prædecessoribus Sixto & Innocentio inceptæ, summopere fauit, ita vt sub illo non modicè se dilatauerit per Hispaniæ Regionem, in quibus sub eodem etiam Pontifice plurima templa sunt edificata, & Fraternitates institutæ, præcipuè in Lusitania, & Catalonia in immaculatæ Conceptionis honorem.

Huius successor Pius II. dum solum 30. dies sederit in Pontificatu, suam exprimere non potuit, per externa indicia, deuotionem. At Iulius II. post eum electus satis suam monstrauit, regulam Monialibus Conceptionis præscribendo, quam se confirmasse ait in *Genitricis Dei, immaculatæ Conceptionis venerationem*, in qua etiam rationem assignat cærulei scapularij & mantelli, quod eadem portant Moniales cælestem videlicet, & immaculatam in suo conceptu fuisse Mariam. Proponensque profitendi normam, hæc verba assignauit; *Ego soror N. ob amorem, & seruitium Domini nostri, & immaculatæ Conceptionis eiusdem Genitricis conuoco, &c.* Et capite tertio ait animam Beatæ Virginis sanctam fuisse in primo suæ Conceptionis instanti. Rationemque reddens

T ij

quare

quare eas regimini subiecerit Fratrum Minorum, ait: Se idcirco hoc fecisse, quia *prædicti Fratres indefesso studio, & vigilantia perpetui extiterint huius Virgines privilegij defensores*. Magnas insuper concessit Indulgentias tam viris, quam sceminis Regni Castellæ, imagines Conceptionis in pectore gerentibus, quasi deuotionem hanc in immaculatam Beatæ Mariæ Conceptionem, non solum voluerit intus in corde latere, sed & exterius in pectus prodire.

Leo X.

Post hunc in Pontificem assumptus est Leo X. qui in hac re suos prædecessores vicit pietate, plurima ædificando templa in honorem huius Mysterij, magnas etiam elargiendo Indulgentias, non solum Fratribus Minoribus, & Monialibus Conceptionis, hoc Mysteriũ, & Festum tanto prosequentibus affectu; sed etiam alijs Religionibus, vt constat ex eius Bulla, *Sanè Religionis sinceritas*, in qua Fratribus Benedictinis indulgit facultatem interdictum suspendendi in Festo, & per totam Octauam Conceptionis, quod postea omnibus Hispaniæ Ecclesijs communicauit. Aedemque Sanctæ Mariæ in Campo sancto à Leone I V. constructam reedificauit in Conceptionis honorem, cui & alijs quamplurimis Urbis Ecclesijs S. Mariæ de Populo, de Monte, de Araceli, Sanctorum Apostolorum, Sancti Francisci trans Tyberim. S. Laurentij in Damaso, &c. in ipso Conceptionis die iubileum concessit, Hymnos insuper approbauit Zachariæ Episcopi Gardienfis, quos ad ipsius Pontificis iussu in Encomium composuit Conceptionis, & maximas concessit Indulgentias vtriusque sexus personis, imaginem Conceptionis deferentibus.

Adrianus  
V L

Leonem sequutus est Adrianus VI. qui Pontificiâ Bullâ incipiente, *Romanus Pontifex*, datâ Tarraconæ anno Dom. 1522. vltimo die mensis Iulij, & sui Pontificatus anno primo, regiam, & grauissimam approbauit Confraternitatem Toletanam in obsequium, & laudem Conceptionis immaculatæ fundatam. In qua æconomus, & primus confrater erat Carolus V. Imperator, cuius deuotionem in Virginem imitati totius Regni procures se eiusdem Sodalitij legibus subiecerunt, in quibus multoties profitebantur expressè, se omnia illa, & magna quæ exhibebant obsequia, Deo obtulisse in honorem immaculatæ Conceptionis suæ Genitricis, & in capite 15. earundem constitutionum, iubetur celebrari Festum S. Annæ. *Ut (subditur pro ratione) memoria habeatur purissima Conceptionis*



ceptionis eius filiae, in cuius ventre fuit anima Maria creata in maiori gratiâ, quàm Adami vel Eue; quàm Angeli etiam aut Archangeli, Cherubim aut Seraphim, qui cum naturâ gratiam acceperunt. Hæc etenim ad maius præ illis ministerium eligebatur & creabatur. Et hanc Sodalitatem concessit per omnes Hispaniæ ciuitates fundari, quam per cunctas propagari præcepit prænominatus Imperator.

Adriano extincto, in eius locum successus est Clemens VII, qui Officium Conceptionis à Francisco Quinonio Cardinale ordinatum, satis clarè hanc exprimens sententiam, approbavit, quod ab illo usque ad Pium V. à plurimis recitabatur, litteris etiam Pontificijs satis fauit Religioni monialium Conceptionis, circa quam cuncta confirmavit, quæ sui concefferant Prædecessores.

Post Clementem creatus est Paulus III. qui priuilegia etiâ omnia illius Religionis confirmavit. Hic indixit Concil. Trident. sub quo facta est illa declaratio Decreti vniuersalis de peccato originali Sess. 5. adeo fauorabilis piæ sententiæ (sicut superius & in opusculo de sensu Festi animaduersum est) vt eam liberauerit à magna molestiâ aduersariorum, quotidie obiectantiû Virginem comprehendi tam sub vniuersalibus locutionibus sacræ Scripturæ, quàm alijs aliorum Conciliorû generalibus Decretis. Tantumq; tribuit hæc declaratio huic opinioni, vt præcipuos, & grauissimos ex ipsis Dominicanis nutare, & in suâ fluctuare sententiâ coegerit. Vnde & Pontificem hunc non minùs suis Prædecessoribus, imò cunctis præstantiùs huic sententiæ fauisse iudicandum est.

Eius successor Iulius III. confirmavit etiam cuncta, quæ circa Religionē Conceptionis sui statuerunt Antecessores, approbavitq; quidquid Patres Conc. Trid. sub Paulo III. ordinauerint, vnde & cum illis negauit esse suæ intentionis, Mariam Virginem sub comuni regulâ de peccati originalis contractione comprehendere.

Mediauit inter hunc, & Paulum IV. Marcellus II. per solos 20. dies in Pontificatu sedens; sed Paulus nihil minùs cæteris propensus in hoc Mysterium, varias elargitus est per specialia Diplomata indulgentias, & gratias sanctimonialibus Conceptionis. Et quoad declarationem Concilij Tridentini, idem fecit quod eius Prædecessor Iulius III.

Sub Pio IV. Pauli IV. immediato successore conclusum est Concilium Tridentinum, quod & confirmavit plenariè, & consequenter declarationem prædictam, nec sat sibi in hoc fecisse in Vir-

ginis obsequium visus est, nisi & plures concederet gratias religionibus Minorum, & Conceptionis pro eâdem celebrandâ, quas ad alias postea extendit præcipuè Hieronymianam, in qua tolli interdictum concessit in Festo Conceptionis.

Pius V.

Pium I V. sequutus est V. qui præterquam quod more suorum prædecessorum gratias, & fauores exhibitos prædictis religionibus, & Sixti I V. litteras stabilierit, in hoc se exhibuit specialem immaculatæ Conceptionis cultorem, quod cum multa in Romano Breuiario reformauerit, & aliquas Festorum celebrationes abstulerit; Festum tamen Conceptionis per vniuersam Ecclesiam celebrari præceperit, Missalique, Breuiario, & Calendario Romanis à se publicatis, & obseruari præceptis inseruerit, solemnitatemque istam, & Conceptionem Virginis Mariæ sanctam, & dignissimam in ecclesiastico officio ab omnibus acclamari voluerit. ita vt virtute præcepti pijsimi Pij V. necesse habeant vniuersales fideles Romanum Officium persoluentes sub Conceptionis sanctæ nomine, & professione illud celebrare; sancto certè Pontifici pia hæc debet opinio: Sed & Fratres Minores non parum se ei debere fatentur, quibus proprium & antiquum Conceptionis recitare Officium libenter indulgit, cuius largiorem feci mentionem in alio proximè citato opusculo.

Tracl. 7.  
§. 3.

Gregor.  
XIII.

Vt huic Gregorius XIII. superuenit, & concessa supradicta indulta reualidauit, & vt plura ædificaretur monasteria ordinis Conceptionis tam in Hispaniæ regionibus, quam in Indiarum remotissimis plagis, proprijs Diplommatibus, in quibus non tepidè fideles ad huius Mysterij & opinionis deuotionem incendit, liberaliter concessit.

Sixtus V.

Hic successorem habuit Sixtum V. qui privilegia prædictarum Religionum, amplioribus, & fauorabilioribus clausulis intertextis confirmauit, & cōstitutione *exposuimus nobis*, editâ an. 1586. omnibus, ac singulis monialibus prædicti ordinis Conceptionis, & vtriusque sexus fidelibus, visitantibus Ecclesias monasteriorum prædictarum monialium in Festo Conceptionis Mariæ Virginis, Indulgentiam plenariam, & omnium suorum peccatorum remissionem elargitus est in perpetuum, multis etiam fauoribus commédauit Confraternitates in Indijs erectas in obsequium immaculatæ Conceptionis, pluraq; alia tam exhibuit exteris suæ in hanc opinionem deuotionis indicia; quæ reliquit domesticis in suis scriptis præclara vestigia.

Post

Post Sixtum V. vixit in Pontificatu Urbanus VII. dies 13. post hunc Gregorius XIV. menses 10. in quibus tamen supra dicta privilegia firmavit. Innocentio IX. huius successori post menses duos vita functo successit Clemens VIII. qui sub eisdem clausulis litterarum Sixti V. prædictarum Religionum confirmavit privilegia; & Bullâ datâ Ferrariæ anno 1598. prohibuit, ne aliud compendium doctrinæ Christianæ præter illud, quod Illustrissimus Cardinalis Bellarminus edidit, & ipse Clemens approbavit per totam Italiam haberetur in usu, nec alio vteretur religiosi Congregationis doctrinæ Christianæ ad erudiendos, & instruendos in eadem puerulos. In qua tamen ad illa verba salutationis angelicæ, *Gratia plena* (ut iam alias Tuæ Beatitudini proposui) expressè docetur Virginem nullum habuisse peccatum actuale, aut originale, ita hanc amplectus est opinionem devotus Pontifex, ut eam à primis rudimentis doceri voluerit uniuersos Christi fideles.

In sedem post Clementem assumptus est Leo X I. qui 27. diebus in eâ sedit. Huius imò Petri, Tu Pater vndeque Beatissime (utinam & faxit Deus, ut in multos, & felicissimos annos) cathedram tenes, in qua licet supra memoratos Pontifices tempore sequeris, eos deuotione & fauore in hanc opinionem longè præcedis. Præclara etenim & magna sunt Tuæ in eam propensionis indicia. quid non egisti? quid aliquando omisisti, ut tuum in hanc Virginis prærogatiuam affectum demonstrares? iam in alio Tractatu proximè citato ea tibi in mentem reuocaui. Statuam erexisti, alia extruxisti in honorem immaculatæ Conceptionis. In Religione Minorum alijsque sibi subiectis voluisti quolibet Sabatho aliâ Festiuitate non præpedito, memoriam fieri tanti Mysterij, proprium Officium recitando, & Missam celebrando, in quibus expressè hæc Virginis docetur excellentia. Fideles omnes inuitasti ad hoc ipsum confitendum concessis Indulgentijs ijs, qui Antiphonam Orationemque eiusdem Officij recitauerit. Confirmasti tuis litteris, grauissimis superadditis pœnis, Sixtinas constitutiones huic parti maximè fauorabiles. Nec his contentus, taceri aliam iussisti, & è scholis, & suggestis tanquam minimè proficuum profigasti.

Hæc (Pater Sanctissime) continua Pontificij fauoris successio, hæc Pontificum in hanc partem propensio, hæc illa tua in immaculatam Virginis Conceptionem maxima deuotio.

Urbanus  
VII.  
Gregor.  
XIV.  
Innocent.  
IX.  
Clemens  
VIII.

Tract. 3.  
n. 13.

Leo II.  
Sanctiss.  
Domin.  
Paulus  
V.

*Nedus ali-  
quando  
Pontificis  
faut affir-  
mativa,*

*Supra  
n. 16.*

*Iam rele-  
gata est à  
publica  
confessione,*

*Multum  
dicitur, at sen-  
tentia indi-  
cium de ea  
salutatum.*

*Nazianz.  
orat. 46.  
ad fin.  
tom. 1.*

22 Quæ verò in affirmatiuam sententiam vllius, vel ex recentioribus, vel ex antiquioribus Pontificibus propèssio? quis fauor? quænam deuotio? quem vidimus, qui eam contra moderatas, & iustas aduersariorum impugnationes protelaret? quem audiuius, qui in sede, vel in Pontificatu constitutus illam doceret, sed vel leuiter insinueret? quod si aliquis eorum, quam à magistris hausit opinionem, postea scriptis commendarit, neutiquam hoc egit, postquam in Pontificem fuerit assumptus. Quas vel illi ipsi, qui assumpti sunt ex Dominicana familia, & qui in ea hanc tenuerunt sententiam, gratias vel indulgentias aliquando largiti sunt fidelibus, vt illam amplecterentur? quod Officium, quod Festum aut Missam pro eadem celebrandâ ordinarunt? quam Ecclesiam (vt superius percontabar) Virgini à peccato mundatæ dedicarunt? quam aram construxerunt? Prouidentiam iudico diuinam, vt quantumuis aliqui ex ijs, qui in Pontifices electi sunt, prius dum particularem egissent vitam, in minoribus constituti, affirmatiuæ tenaciter adhæserint, nullus eorum in Pontificatu, Petri cathedram possidens vllam erga eam ostenderit propensionem.

23 Imò Ecclesiæ Pastores ita paulatim negatiuam fovebant, & affirmatiuam gradatim destituerunt, vt ad illos deuentum sit terminos, quod negatiua pro sana, & probabilissima in Ecclesia publicè admittatur, & ex Ecclesiæ prædicetur suggestis; affirmatiua autem taceri iam iussa sit, & à publicis relegetur confessibus. Nec in scholis potest defendi, nec in cathedris doceri, nec in pulpitis prædicari, nec publicos licet de ea conuentus celebrari. At quantum hoc tribuerit probabilitatis & veritatis oppositæ sententiæ, & quàm exiguam huius esse ostenderit, quis non perpendet? Greg. Theologus de suâ verâ sententiâ actum esse putauit, eique Apollinistarum præferri figmenta, dum illis per Theodosium Imperatorem Nectariumque Constantinopolitanum Archiepiscopum permissum fuerit de suis falsis dogmatibus cætus habere. Vnde & quæribundus periculi latentis admonet Nectarium; *Siijs* (inquit) *qui talia sentiunt cætus habere licet, illud velim cogitet, atque expendat Tui in Christo illustris prudentia, quod cum nobis cum eorum dogmatibus non conueniat, cætus habendi potestatem illis factam esse, nil aliud est, quam eorum doctrinam nostrâ veriorē existimari. Nam si illis vt & pie sentientibus, ea quæ sentiunt docere, libereque promulgare permittitur, quis non videt Ecclesiæ doctrinam condemnari, perinde ac veritate ab illorum partibus stante?* Ex liber-

libertate opinionem quampiam prædicandi, & licentiâ Ecclesiæ de eadem conuentus habendi, deducit eius veritatem, & ex eo quod supprimatur, & non liceat aut permittatur in publicum prodire, falsam vel infirmam esse subinfert. Quod si hanc non velit, nec permittat Ecclesia in cœtu doceri, nec in Conuentu prædicari, liberrimamque concesserit alteri facultatem, vt vndeque, & vbi-que inculcetur, commendetur, prædicetur, & propagetur, quis illam probabilem, quis hanc infirmam esse contendet?

24 Quis demum ingenuæ conditionis vir, quis sinceræ in re Theologicâ veritatis indagator, non minùs tribuere velit propriæ & peculiari, quam communi fere omnium opinioni, & dum Ecclesiæ culmina in aliquam sententiam inclinare perpexerit, eam non sectetur spontaneus? Quis tot Pontifices nutu, indicijs, gestis, muneribus, voce itidem fideles vocantes audierit, vt Mariæ immaculatæ celebrent Conceptionem, protinus non accedat? quis exhortantibus, vt Mariæ præclara quæque tribuamus, non acquiescat? Cum ergo omnia Pontificum studia huc tendant, vt suauiter, & leniter fideles in hanc inducant sententiam, quis non tutum, non securum iudicet illam amplecti? *Nihil mihi* (inquit Bernardus) *securus iudico, quàm obedire Domini Pape voluntati.* Non dixit præcepto, vel imperio, sed voluntati. Hæc autem nostrorum Pontificum voluntas est tot signis manifestata, tot indicijs declarata, tot nutibus aperta, vt de ea dubitare non liceat. Vt ergo illi obediamus, & consentiamus, ingenuorû non est expectare præceptum, cui nec facile resistere possumus, nec tanto meritorum cumulo obedimus.

*Ingenus  
homines  
fac. de tot  
Pontificibus  
hortantibus  
acquiescunt.*

*Bernard.  
Epist. 52.  
ad Hai-  
mericum*

Quantum fundamentum ex communi nostri sæculi  
Doctorum attestatione.

#### §. VI.

25 Recentiores ferme omnes conspiciunt in piam sententiam.

26 Iussu queri poterunt Doctores & Ecclesiæ Prælati de Adversarijs.

27 Quare tam firmiter suæ adhærent sententiæ.

28 Affirmatiua fautores semper inconstantes & hesitabundi.

29 Præferenda est in hac sententiâ vniuersitas Doctorum inniorum paucis antiquioribus.

25 S Vnt etiam ad stabiliendam negatiuæ sententiæ veritatem expressa, & plura Sanctorum Patrum testimonia, antiquorum Doctorum contestationes & recentiorum, præter quosdam Patres Dominicanos, vniuersalis consensus. Quantam & qualem

qualem adhibuerint aliqui ex Aduersarijs solertiam pro conuocandis in suam partem sanctis Patribus speciali de hac re Tractatu Tunc Beatitudini ostendi, & quam parum eis faueant, multâ eorum lectione pleriq; manifestissime demonstrant. Solos habemus contrarios in verborum cortice. Duos vel ad summum tres, & hos ipsos cum præcipuis illis & primis Theologiæ magistris Alensi, Thomâ, Bonauentura, tam varios, tam inconstantes in affirmatiua sententia, vt non semel, sed pluries subscripserint negatiuæ. Aliquos fautor, & non paucos ex Scholasticis horum sententiam fuisse secutos (vt in principio aduerti) dum adhuc res hæc exactius non habuit examen, nec diligentiorẽ subijt disquisitionem. At vt in controuersiam deducta est, & veritas caput aperiri, nullus erat, qui grauius aut durius sentire voluerit de Virgine. Vnam iam omnes aciem construxerunt pro Virgine à maculâ defendendâ, omnes hanc volunt propellere labem, conuenerunt in vnum omnes Ecclesiæ Doctores, concordârunt vniuersi Magistri, consenserunt grauissimæ Academiæ, & se suosque alumnos in perpetuum pro Virgine sensuras emissio voto sponderunt. Ita etiam suis libris nostri æui firmârunt scriptores; communis est omnium propriâ sententiâ consensus. Vniuersalem autem & communem totius Ecclesiæ consensionem in aliqua doctrina, quæ ad credibilia possit pertinere sufficere docent Theologi, vt eandem irrefragabilem & fidei proximam constituat. Vnde & inferre, vel deducere licet, si qui nunc contradicunt, cum cæteris conuenirent, opinionem hanc pro irrefragabili vel fidei proximâ esse tenendam.

*Iuste quæ-  
runtur de  
aduersione  
Ecclesiæ  
Doctores  
Prælati.*

26 Magnas ergo habebit vel saltem debebit B. V. gratias ijs, per quos stat, vel impeditur ne irrefragabiliter, & indubitanter credatur illam tantum euasisse contagium, suas etiam agent Illustres omnes Episcopi, & doctissimi viri, quibus illi se opponunt, & præponunt, non secretò, sed palam, dum & se illis præferre non timent, nec totam Doctorum vniuersitatem errare, vereantur asserere. Grauius Iulianum reprehendit Augustinus dum suam, suorumq; paucitatem opponere, & præferre voluerit in negando peccato originali in infantibus, tot tantisque Doctoribus, qui illud à paruulis contrahi dicebant. Vnde & subiunxit; *Iterum te admoneo, iterum te rogo, aspice tot ac tales Ecclesiæ Catholice defensores atque rectores, & vide quibus tantæ grauitatis tamquam nefariæ irrogâris iniuriam.* A paruo numero, & paucis religiosi cæcus viris, proprio addictis magistro, non parua irrogatur in-

*August.  
l. 1. c. 1.  
l. 1. c. 4.  
tom. 7.*

tur iniuria reliquæ totius Ecclesiæ vniuersitati, dum & præceptoris, vel suam pluris faciendam esse auctoritatem, & se cæteris verius sentire, contendunt. Nihil tam contra hæreticorum dogmata sancti Patres urgebant, quam vnam Doctorem assertionem, quorum vniuersalem assensum, particularium dissensui præponendum semper iudicabant; *Vniuersum* (inquit Augustinus) *partibus semper iure optimo præponitur.*

27 Iniuste ergo & perperam, & vnica, nec tota pars, Ecclesiæ vniuersæ anteferebatur. Pars inquam, siue partis pars, quæ summâ in D. Thomam propensione, vehementi affectu adhæret sententiæ à suis magistris acceptæ. Propter habitus in intellectu acquisitos, & generatos ex consuetudine, & studio, quo adolescentibus à Præceptoribus hæc sententia inculcatur, ita mordicus & naturali inclinatione eam iuniores tuentur, & inflexibiliter apprehendunt; vt nullatenus ab ea ratione vlla quantumcunque fortissimâ dimoueri possint; *His etenim* (vt de alijs dixit Augult.) *irruerunt in oculos anime, verisimiles rationes, & intercluserunt iter perueniende veritatis.* A suis etenim magistris quotidie audiunt D. Thomam in omnibus veritatem attigisse, nihil falsum, aut reiiciendum scripsisse. Vident à plerisque, sed præcipue à nouissimo anni 1619. partium vel Summæ correctore eam vocari, *Bibliothecam fidei.* Ab alijs publicè prædicari quod quisquis à D. Thomæ sententia discesserit, hæresis suspiciones subibit. Apud alios legunt non sine magnorum Ecclesiæ Doctorem iniuriâ, post Petrum & Paulum, D. Thomam primum esse censendum. Quæ dum tyrones quotidie audiunt inculcari, & dici hanc opinionem indubitanter D. Thomæ esse, & in sacra Scriptura contineri, atque à Patribus edoceri, sine vltiori indagatione eam verissimam putant, ei assuescunt, & veluti certissimam coactè & necessario amplectuntur. *Acquiritur enim* (vt ait ipse D. Thom.) *habitus ad assentiendum eis quibus assueuimus, determinans intellectum ad modum naturæ.* Cum ergo soli huic sententiæ suos discipulos assuefaciant præceptores, eam quotidie ingerant iuuenibus, nec eis aliud audire, vel tenere permittant; ad modum naturæ, & sine libera electione in eam feruntur, contra vnam cæteræ vniuersitatis totius Ecclesiæ Doctorem consensum.

28 Quod si aliquando alij etiam multi, ex Theologis in centuria tertiadecima pro affirmatiua steterint; non adeo vnanimiter suæ sententiæ adhæserunt, & aliquos habuit semper negatiua fautores, vt in-

Item 2.  
contra  
Donat. c.  
9 in fine  
tem. 7.

Vnde pro.  
m. ut d.  
u. 1/2/3/4  
tant a. 10.  
m. 1/2/3/4.

Idem ibi  
dem c. 7.

D. Tho.  
in 2. me.  
taph. c. 14

Bona.  
in 3. d. 2.  
art. 1. q. 2.  
Affirmati-  
ne fua-  
res in con-  
flantes.

vt innuit D. Bonauentura, & hic ipse cum D. Thoma, Alberto Magno, Alensi, & alijs non semel eandem tutati sunt. Quamuis enim dum solius regulę & verborum vniuersalium Pauli rationem habuerint; Virginem maculatam dicerent, iterum tantam Virginis dignitatem & excellentiam considerantes, aliaque eius expedientes priuilegia, hoc præclarissima Heroïnę negare veriti sunt, ita vt fluctuare viderentur inter rigorosam Pauli sententiam, & summam Virginis dignitatem. Idcirco quamuis cum cæteris solum verba attendentes generalia, sub regula communi, & misera hominum conditione eam aliquando comprehenderent; cum postea tamen eis videretur id repugnare tantę Dei Genitrici, nec percipere possent, quomodo in eam peccatum possit inesse, retractabant sententias, ita vt sibi ipsi semet contrarios ostenderint. Cum D. Ambrosius aduerteret variare inter se Euangelistas, in modo referendi Petri negationem, diuersoque modo eam explicasse, hoc tribuens egregio, quem de Petro firmarunt conceptui, ait; *Ita novum fuit Petrum potuisse peccare, vt peccatum eius, nec ab Evangelistis potuerit comprehendi.* Idem his Doctoribus evenisse videtur, licet non eodem modo, consideratâ regulâ communi, Mariam ab illa excludere non audebant, sed ita difficile, & quasi repugnans erat, Virginem peccatum habuisse, vt peccatum in eam à summis his Theologis non potuerit comprehendi; nec illi valuerint in dura illa sententia persistere.

Ambros.  
l. 10. in  
Luc. c. 22  
tom. 3.

Presendi  
fuit in hoc  
sententia  
Doctores  
vniuersi  
pauca an-  
tiquiorib.  
Helych.  
Epist. 79  
inter epi-  
scolas Au-  
gust. ad  
hinc. 2.

Aug. 12. 1. 1.  
Dona.  
c. 2.

29 Cum ergo hi fuerint inter se inconstantes, & aliqui Doctores illius centurię his solum innixi, aliter censerint, quam modo sententia teneat communis, illis sine dubio hi posteriores sunt præferendi. Licet enim, vt ex Hieronymo ait Helychius ad Augustinũ, pericolosum sit de Magistrorum Ecclesiarum iudicare sententijs, & alterum alteri præferre, attamen cum posteriores, plures sint prioribus, nec in scientia plerisque antiquioribus inferiores, & maiorem adhibuerint in hac re indaganda sollicitudinem, atque vniuersalis & communis sit eorum cum Catholica Ecclesia sententia, sine ulla temeritatis formidine licebit hos illis præferre. Priorum enim Doctorum opiniones, imò & Conciliorum statuta (non fidei definitiones) per subsequentiũ Decreta licere ait Augustinus emendare, cum diligenti disquisitione; *ant aliquo experimento rerum aperitur, quod clausum erat, & cognoscitur, quod latebat, sine ulla typho sacrilegę superbie, sine ulla inflata ceruice arrogantię, sine ulla contentione luida invidia*

CUM



cum Sancta humilitate, cum pace Catholica, cum charitate Christiana. Non enim ex eo quod illi noitros præcefferint tempore, vel auctoritate aliquantulum superauerint, omnem sibi veritatem adscribi volunt, aut ita palmam sibi arrogare doctrinæ, vt posteriores, si cum illis comparentur, aut eis in aliquibus vel aliquando præferantur, irrogari sibi putent iniuriam; Nam nec Petrus (inquit egregie Cyprianus) quem primus Dominus elegit, & super quem edificauit Ecclesiam suam, cum se cum Paulus postmodum disceptaret, vindicauit sibi aliquid insolenter, aut arroganter assumpsit, vt diceret se primatū tenere, & obtemperari à nouellis & posteris sibi potius oportere. Nec despectit Paulum quod Ecclesia prius persecutor fuisset, sed Consilium veritatis admisit, & rationi legitime, quam Paulus vendicabat, facile consentit. Posterioribus etenim aliquādo & humilioribus multa clarius & sanius aperiuntur aut reuelantur, quæ prioribus & grauioribus erant incognita vel obscura. Quare non ex eo, quod priores hanc vel illam ita tradiderint sententiam, putandum est illam non aliter se posse habere. Quod priores loquuntur aut ex Scripturis interpretantur, examinari iubet Paulus, & si forte alij posteriori aliter reuelatum, aut apertum fuerit, hunc sequendum, illos ait tacere debere. Prophetæ (inquit) duo aut tres loquantur, & ceteri examinent. Si autem alij reuelatum fuerit sedenti, ille prior taceat, quia in parte (explicat Cyprianus) docuit & ostendit multa singulis in melius reuelari, & debere vnumquemque non pro eo, quod semel imbiberat, & tenebat, pertinaciter congrredi, sed si quid melius & utilius extiterit, libenter amplecti. non enim vincimur, quando offeruntur nobis meliora, sed instruimur, maxime in his quæ ad Ecclesiam vnitatem pertinent, & fidei & spei nostræ veritatem. Cum ergo non sine peculiari Dei prouidentia (vt credendum est) Mysterium hoc totius Ecclesiæ Doctōribus aliter apertum fuerit, quam priscis Scholasticis, non illorum sed communi huius sæculi & ætatis standum erit doctrinæ. nec certe quibusdam huius ætatis viris, quod semel imbiberant, aut apprehenderant adeo tenaciter erat retinendum, sed cum cæteris conueniendum, præcipue in hac re quæ tantopere conducit ad Ecclesiæ vnitatem, ad fidelium pacem & Christianorum concordiam; Per uulgatis sententijs atq; communibus (inquit Aristoteles) utendum est, si utiles sunt, nam quando communes sunt, quasi omnes ita concedunt, recte se habere videntur. Cum communi hominum & Ecclesiæ sententia non erit errandi periculum, non formido falsitatis, quod tot tantique per orbem sparsi sapientes magistri concorditer doceant, recte & vere se habere iudicatur.

Cyprian.  
Epist. 21.  
ad Quen-  
tum c. 2.  
tom. 1.

1. Cor. 14  
n. 29.

Cyprian.  
civ.

Aristot.  
1. 2. Rhet.  
ad Theo-  
dor. c. 21.  
tom. 21.

5. fundamentum ex vnanimi totius populi Christiani consensu.

§. VII.

30 *Quantum tribuas alicui sententia* *sus nō parui in hac controuersia faciendus.*  
*vnanimis populi Christiani consensus.* 32 *Omne genus hominum in hanc*

31 *Radix etiā populi vnanimis consen-* *opinionem consensit.*

10 **C**onsensum etiam populorum hanc vel aliam quamcunq;  
 sententiam non parum verificare vel stabilire, non erit, qui  
 neget, dummodo legere voluerit August. 18. de ciuit. Dei c. 41. & li-  
 bris contra Donatistas & Pelagiarum sectatores, in quibus pro ma-  
 gno ducit, & ponderat cunctos Christiani orbis populos contra il-  
 lorum errores sentire; magnamque sacri canonis auctoritatem &  
 certitudinem, Deumque per Canonicos scriptores loquutum inde  
 se probare putat efficaciter; *Quod cum scriberent non pauci in scholis atque*  
*gymnasijs, litigiosis disputationibus garrulis sed in agris atque vrbibus cum do-*  
*ctis atque indoctis tot tantique populi crediderunt. Quorum* (inquit inferius)  
*est miranda contentio*; nam vt optimè docet Scotus. *Iam rebus non eui-*  
*dentibus ex terminis, nec ex principijs euentiam habentibus non consonant fir-*  
*miter & infallibiliter multis diuersimode dispositi, nisi à causa superioris ipsorum in-*  
*tellektus inclinentur ad assensum.* Cum ergo tot tantique, atque vniuersi  
 populi in hanc veritatem seu sententiam, nec ex terminis, nec prin-  
 cipijs euentiam, conuenerint, & contra alteram conspirauerint, à  
 Deo licebit putare motos ad sic sentiendum, & hinc opinionem  
 hanc esse, vltra quam dici potest, probabilem.

*Non facile  
 d'opinedus  
 ralis popu-  
 li consensu.*

August.  
 l. de vit.  
 c. 1. c. 17  
 tom. 6.

Idem l. 1  
 cont. Iul.  
 c. 2. to 7.

31 Sed inane sibi effinxerunt effugium, imò & quotidie nobis ob-  
 iectant Aduersarij contra illos proferri à nobis solum populi mur-  
 mur, & imperiti vulgi applausum. Quibus liceat respondere, San-  
 ctos etiam Patres imperiti populi magni fecisse in rebus fidei con-  
 sensum, vt videre est apud August. l. de veritate credendi, vbi non  
 contemnendum sumit argumentum pro nostræ fidei veritate, ex  
 eo quod *imperitum vulgus marium sceminarumque in tam multis & diuer-*  
*sis gentibus idem credit, & predicat.* Et Iuliano hoc idem sibi obijcien-  
 ti, respondet; *Non tibi sicut calumniarijs solum, populi murmur opponimus,*  
*quamquam & ipse populus aduersum vos propterea murmuree, quia non est ta-*  
*lis questio, quæ possit etiam cognitionem populi effugere.* Sicut & Christia-  
 nus certè populus in hac trita quæstione, & omnibus peruia aduer-  
 sus immaculatæ Conceptionis Mariæ contradictores, quotidie  
 murmurat & obloquitur.

32 Sed

32 Sed dicunt, hos suos obrectatores, & qui eorum improbant Omne ge-  
nus horu-  
m uel hac  
epinomis  
causis.  
opinionem, ex infima coaluisse hominum facie, & de vilissima po-  
puli colluie, & sutores esse, sartores, laniones, coquos, aliosq; huius  
generis homunculos in illorum inuidiam concitatos; quæ conui-  
tia à Bandello mendicata eadem esse videntur quæ Iulianus effuri-  
uit in grauissimos quosque viros, quos contra eum Augustinus August.  
l. 2. cont.  
Iulian.  
ad fin.  
producebat. Quos ut retulit Sanctus Doctor, ipsis Iuliani verbis  
obrectatorijs eum interrogabat; *Numquid hi de plebeia face sellarar-  
rum? numquid milites? numquid in vestram inuidiam concitati? numquid  
scholastici auditoriales? numquid nauta tabernarij, cetarij, coqui, lanij?* Nec  
nos solum indoctum aut rude opponimus vulgus, sed ex doctissi-  
mis antiquis multos, ex neotericis omnes ostendimus in nostram  
se recepisse aciem, Ecclesiarum Pastores, Religionum Præsules,  
Prouinciarum Rectores, præcipuas Academias, ipsos deniq; Sum-  
mos Pontifices; vnde interrogare aliquantulum licebit hos nostros  
obloquutores, & qui adhuc Bandelli contumelijs nos lacerant.  
Numquid hi omnes de plebeia facie sutorum, aut sartorum? num-  
quid in vestram inuidiam concitati? numquid lanij, coqui, nau-  
tæ, cetarij, telarij? omnis conditionis viros vobis opponimus;  
cum indoctis doctos, cum discipulis magistros, cum infantibus vi-  
ros, cum iuuenibus senes, cum fœminis mares, cum plebeijs nobi-  
les, cum oppidanis ciuiles, cum subditis Principes, cum Principi-  
bus Reges, sæcularibus regulares, cum regularibus Prælatos, cum  
parochis Episcopos, cum cunctis ecclesiasticis Cardinales, & Sum-  
mos Pontifices, qui omnes contra paucos constantem proferunt  
de Mariæ innocentia, & originali puritate sententiam. Quomo-  
do tantorum iudicium despicere, & effugere poteritis. Hinc vel  
maximè ex consensu omnis generis populorū probauit Bernardus,  
Episcopis Aquitanix Innocentium I. verum extitisse Pontificē, Bernard.  
epist. 126  
post  
med.  
imò & ex eodem capite inferre voluit iudicio vel reuelatione Dei id  
constituisse; *Iam (inquit) Deus iudicauit: iudicauit autem operis euentia, non  
decretis sententiam, & velociter currit sermo eius in conueniendo populos in unum,  
& Reges ut Domino Papæ Innocentio seruiant, & obediant: Dei esse iudicium  
senferunt, & consenserunt multi.* Scilicet Archiepiscopi, & Episcopi quos  
ibi recenset, & postea transit ad nationes Quæ autem ibi prosequi-  
tur pro Innocentio, liceat mihi sub ipsis eius verbis pro immacula-  
ta Conceptione vsurpare, & huic nostræ cōtrouersix accommoda-  
re. *Hi (inquit) omnes unanimes non conducti pecunia, non seducti fallacia,*

non allecti priuato carnis vel cognitionis amore, non timore compulsi potentie secularis, sed Dei procul dubio, voluntatem, sicut non ignorantes, ita nec dissimulantes, affirmatiuam resutauerunt, ac sicurè negatiuam susceperunt, non autem debeo pratermittere Sanctos, qui mundo mortui, Deo melius uiuunt, quorum uita abscondita est cum Christo in gloria, ubi certè studiosè inquirunt, & non dubiè inueniunt beneplacitum Dei, qui solliciti sunt quomodo placeant ei. Itaq; Camandulenses, Vallambrosani, Chartusenses, Cluniacenses, Cisterienses, & cetera Monachorum omnium congregationes; (quibus ego addo Mendicantium omnium & aliarum, Religionum professores, aliquibus vnus, licet grauissimæ, religionis exceptis) Uniuersitas denique & Unanimitas fratrum tam Clericorum quam Monachorum Regularis uite, probataque conuersationis sequentes Episcopos tanquam greges Pastores suos, negatiuæ firmiter adhercant, sincere fauent, humiliter parent. Quid Reges & Principes terra? Nonne in eodem spiritu, una cum subiectis sibi plebibus negatiuam pariter amplectuntur? Quis postremo in quocunque ordine uite illustris & boni nominis homo id ipsum, non sapit? Et tamen adhuc hi nescio qua contentiosa importunitate, & importuna contentione reclamant, uocant in causam orbem, & cum sua paucitate Uniuersitatem flagitant iudicari. Hucusque Bernardus pro Innocentio, & nos adaptatim pro Maria. Si Bernardus dicit; Deum suum Iudicium monstrasse pro vera electione Innocentij, propterea quod tot nationes licet non uniuersæ, nec uniuersarum populi ei consenserint; quis eundem Deum voluntatem & mentem suam aperuisse pro Mariæ à peccato immunitate negabit, dum omnes undique nationes, & omnium nationum incolæ hoc vnum credunt, & amplectuntur? Dum una & unica est omnium vox, Mariam nullum habuisse aut contraxisse peccatum, quis illorum improbare vocem, quis consensum despiciere audebit? quis non illorum unanimum sententiam paucorum tenacitati non iudicet præferendam? quis etiam vel hinc solum ab hac uniuersali consensione negatiuam, & piam sententiam non iudicet magno probabilitatis excessu alteram superare, dum magna & firma sit alicuius sententiæ assertio & veritas, ut ait Augustinus; *In qua ipsa tota orbe diffusa non à se discrepat multitudo.*

August.  
l. 1. contr.  
Iul. c. 2.  
tom. 7.

Perora-

Peroratio ad Sanct<sup>um</sup> Dominum.

**H**Aec sunt ( Beatissime Pater ) piæ sententiæ , magna & valida fundamenta , non omnia , sed præcipua , quæ ad sententiam quamcunque stabiliendam , & indubitanter tenendam fortissima sunt , & efficacissima . Hæc sunt , quæ firmissimam reddiderunt negativam , & tanta soliditate firmarunt , ut iam è suo statu deturbari non timeat , & iam amplius moraliter ( ne dicam physicè ) falsa esse non possit . Hæc planè ostendunt quanta sit inæqualitas utriusque opinionis , & in quo statu & terminis modò consistat ( potius dicam languescat ) affirmativa . Tua Beatitudo in ultimo Decreto eam reliquisse declaravit in statu & terminis sub quibus tunc vigeat ; subtracto solum quod in publicum prodiret , illa assignata ratione quod ex publica eius assertionem multa & gravis scandala in populo Dei oriebantur ; quod ex Prædicatoribus ipsis quidam , & doctissimi , & gravissimi confitebantur . In eo ergo statu , & terminis solū illud habuit probabilitatis , quod à Summis Pontificibus fuerit tolerata , demus & patrocínio firmata , sed ideo ne gravibus censuris condemnaretur , in eo statu , & terminis , & prædicabatur , & tolerabatur . Nunc quia malum erat eam prædicari , hoc Tua prohibuit Beatitudo , quod exiguum eius probabilitatem non parum attenuavit , & adhuc demum toleratur in secreto , non quia ipsa in se sententia probabilis ( quod nec Pontificum ullus dixit expressè ) non quia utilis Ecclesiæ , non quia credulitati necessaria , non quia populo proficua , non ultro & spontaneè ; sed tacitis quibusdam de causis . At quod non ultro , permittitur , non approbatur , non laudatur , nec probabilis reputatur ; Imò ( cum Tertull. dicam ) *prohibetur , quod non ultro est permiffum* . Prohibetur tacitè , reprobatur implicitè , quod Ecclesiasticam turbat quietem , quod contentiones generat , quod lites fouet , quod tot tantasque perturbat nationes . Non ergo sola Pontificum permissio , quam solam habet , qua se tueatur , eam probabilem facit , aut interpretata concessio veram reddit ; *Nec enim* ( ut benè in alia materia dixit Bernardus ) *ideo aut malum esse desijt , aut vel minoratum est , quia Papa concessit aut permisit* . Si ergo ex se improbabilis est , ex sola permissione nihil ei evenit probabilitatis , nec plurimum ei aufertur occasionis quam præbet scandalorum .

Auth.  
Manual.  
Prædic.  
Scripsit  
Domin.  
Soro in  
cap. 5. ad  
Rom. Ca  
therinus  
passim in  
suis l. pro  
Concep.  
Vincent.  
Iustin.  
tract. de  
Concep.  
§. 14. &  
alii.

Tertull.  
l. de cor.  
mil. c. 2.

Bernard.  
Epist. 7.  
ad Adam  
Monach.

Detecta igitur & agnita vtriusque inæqualitate opinionis, supplex orat, & humiliter rogat potentissimus Hispaniarum Rex Philippus III. Tuae Beatitudinis, & Catholicæ Ecclesiæ humillimus, & obsequentissimus Filius, deprecantur etiam vniuersa eius Dominiæ, & amplissimæ Ditiones, sperantque & exoptant omnes in vniuersum Christiani, vt iam tandem iudicium ferat Tua Beatitudo pro negatiua sententia, tot tantisque rationibus probabilissima, tot tantisque fundamentis verissima, & certissima, tot tantisque lucris spiritualibus Christiano populo vtilissima, & maximè commodā; & contrariam è Regione minimè probabilem, maximè molestatam, & non modicum incommodam, pro bono Ecclesiæ, pro pace, & tranquillitate Christiani orbis explodat. Tantorum etenim motuum, & rumorum causā præferenda est pacis occasio, opinioni solum ab Ecclesia, licet non vltro, permissæ anteferenda est illa, quam approbar, quam laudat, quam fouet, quam spiritualibus confirmat Indulgentijs, quam cuncti in vniuersum desiderant & amplectuntur Christiani.

*Traclatus Noni Finis.*

## Continuatio Historiæ.

**A**D hunc Tractatum facile falsus est Sanctissimus Dominus multam, & magnam negatiuæ sententiæ probabilitatem, magno etiam excessu superare affirmatiuam, & potiores esse statum, & terminos piæ quàm contrariæ doctrinæ. Adhuc tamen Aduersarios contendisse dixit, suam è suo gradu non excidisse, nec omnem omnino probabilitatem exuisse; nec piam adeò indubiam; & irrefragabilem esse, vt propter eam contraria possit explodi. Imò addunt, inquit, quod si ad definitionem, quàm aliqui dicunt impossibilem, procedendum esset, pro sua, propter Scripturæ, Doctorem, & D. Thomæ auctoritatem necessario ferendam esse sententiam, nec posse, vel saltem non debere, ferri pro pia. Quippe per tot annos habuit non inuálidos Patronos, & Promotores, nec vnquam, vt definiretur, obtinuerunt ab vlllo Pontificum, nec à Sixto. IV. nec à Leone X. nec à Concil. Trident. sub quibus de ea acriter actum est; & si intentanda esset vtrius partis definitio, non ex abrupto, & priuatim, sed auditis partibus,

& con-

& conuocato Concilio fieri debere. Ad hæc breuiter respondit Orator, leuiter pro temporis modulo, cuncta perstringens, & quæ potuit dexteritate, dissoluens, plures, & accuratiores rationes promittens in scriptis.

Sub hoc tempore quidam conquesi sunt in Vrbe, quod socius Reuerendissimi Patris Magistri Sacri Palatii, ad quem attinet ex Officio, Librorum Censura, vel Approbatio, quadam Opuscula, vel libros ab eis editos, vel translatos, in quibus quidquam agebatur de pura Conceptione, noluerit approbare, nec permittere vt Typis darentur. Querelas has, & homines ipsos detulerunt illi Hispalenses viri solliciti huius negotij Curatores, ad Oratorem, vt iniurias conquerentium, & ipsius negotij, quod ille peragebat, repelli curaret. Vt eorum vidit supplices libellos, seu memorialia, quæ vocant Sanctissimo Domino tradenda, eo tantas huius immaculatæ Conceptionis assertiones abradi, deleri, & commutari iussas, admiratus est tanta grassari in Vrbe, & in oculis Sanctissimi Domini circa hoc Mysterium licentiam. Querebundus ergo egit cum Sanctissimo Domino, cui vt ostendit obsecrationes, correctiones, & vocum commutationes in pluribus libris factas, non parum admiratus, & commotus iussit, vt liberè libri illi in lucem dari permetterentur.

Ita sanè necesse fuit obuènire tantæ suppressendorum testimoniorum, & testium immaculatæ Conceptionis libidini. Aliter etenim, vt plurimi cordati, & circumspecti viri querebantur, & verebantur; nullum nobis relinqueretur infra paucos annos huius pietatis vestigium. Nam in codicibus nouiter edendis nullam huius puri Conceptus fieri permittebant mentionem, in alijs iam excusis, sed iterum excudendis, quod in vna Editione habebatur, volebant suppressi in altera, ita vt quo magis Sanctissimus Dominus piæ opinionij faucebat, illiusque profectum desiderabat, eo magis studebant aduersæ tutores, vt abiret in obliuionem, & interitum. His detinebatur, & distrahebatur per hebdomadas aliquot Orator, ita vt ante Kalendas Octobris sequentem non potuerit offerre Tractatum.

## ORATIO NONA

AD S.<sup>MM</sup> D.<sup>MM</sup>

## PAVLVM PAPAM V.

## TRACTATVS X.

Posse dirimi per diffinitiuam Ecclesiæ sententiam controuersiam de Conceptione B. Virginis Mariæ; non verò aliam, quam negatiuam, & piam opinionem posse de fide certam ab Ecclesia proponi, idque quantocius ut fiat, expedire, varijs probatur rationibus.

Sententia & fundamenta asserentium hanc controuersiam non posse ab Ecclesia definiri.

## S. I.

- |   |  |   |  |   |
|---|--|---|--|---|
| 1 <i>Negatiua fortius impugnata fortior euasit.</i> | 2 <i>Modo hoc solum in Academicis inquiriur, an sola negatiua valeat definiri?</i> | 3 <i>Quidam aiunt, hanc controuersiam non posse dirimi, alij solam affirmatiuam posse definiri.</i> | 4 <i>Vtriusque asserti fundamenta.</i> | 5 <i>Quid Canum compulsi, ut negaret hanc controuersiam posse definiri?</i> |
|---|--|---|--|---|

## BEATISSIME PATER,

*Negatiua  
fortius im-  
pugnata  
fortior  
euasit.*

1 **M**Irum, & magnum videbitur cuicumque qui rem attentius considerauerit, quomodo inter tam vastas contradictionis procellas, & magnas contentionum tempestates (quas, qui asserunt Virginem Mariam in peccato originali fuisse conceptam, excitauerunt in piam de Virginis puritate sententiam) potuerit illa per tot sæcula salua consistere, & inconcussa manere. Mille etenim (quos recensere foret longum) excogitauerunt modos, quibus eam oppugnant, mille adinuenerunt artes, quibus eam, ab hominum memoria & disciplina relegare studuerant. At tam longè abest, ut illa inter hos fluctus, aut tempestates obrueretur, vel leuiter fluctuaret, ut potius quotidie securior euaderet, & cuncta superaret pericula; *Sed hæc est illa* (inquit Tullius) *magna vis veritatis, que contra hominum ingenia, calliditatem solertiam contraque fides hominum insidias, facile se ipsam defendit.* Contra omnium machinas se veritas defendit, variè impugnata maiores

Cic. pro  
Marco  
Cælio.



maiores agit radices; *Talis est veritatis status* (ait Chrysostomus) *ut etiam multis impugnantibus suscitetur.* Multi acerrimè, & pro suis quique viribus hanc impugnârunt; sed dum expugnare non poterant, suosque frustrari labores perspexerant, aliqui causæ cesserunt; alij prioribus relictis impugnationibus, novas assumpserunt; alij in varias abierunt sententias. Tanta est inter illos in hac re diuersitas opinandi, & varietas in oppugnando, ut ipsis suis discordijs, huius sententiæ veritatem commendent. Quidam sapius dixerunt hæreticam, iam communiter alij fatentur Catholicam, quam aliqui improbabilem asseriebant, admittunt alij probabilem. Aliqui impiam dicebant, alij piam esse non diffitentur.

2 Sed iam censuras has omnes euasit, superiorem obtinuit gradû, ita ut iam Aduersarij, nec hanc condemnatam, nec suam definitam audeant asserere. Insuper tanto affirmatiuam superauit excessu, ut qui in Scholis vel Academijs de hac controuersia agunt, summam negatiuæ sententiæ probabilitatē agnoscunt, & affirmatiuæ infirmitatē perspicunt, solum illud modo disputant, an sola negatiua, quæ tantopere apud omnes fermè præualuit, possit vel debeat, aut expediat proponi ab Ecclesia, credenda de fide. Inter Aduersarios etenim inter quos iam conuenit non esse suam definitā, adhuc non constat de istius definibilitate. Quidam namq; affirmatiuam vsq; adeo veram esse, & certam sibi persuadent, ut si res ad supremū Ecclesiæ iudiciū referatur, & definitiua feratur sententia, nec ferri posse pro negatiua, nec affirmatiuam posse ab Ecclesia condemnari contendunt. Quod dum ceteri omnes ferè huius nostri æui Doctores, multis ijsque, apertissimis rationibus falsum esse demonstrant, aliam reassumunt alij cantilenā; & iam maximè cum apud Tuam Beatitudinem sollicitè instari vident à Catholico Hispaniarū Rege, omnibusq; sibi subiectis ac alijs Christiani orbis Principibus, varijs amplissimisque Regnis, præclaris, doctissimisque Academijs determinatim peti audiunt; ut pia sententia omnibus de fide credenda proponatur, & altera omnino reprobetur.

3 Docent etenim non posse definiri, vel dirimi hanc controuersiam, nec inter eas difficultates esse annumerandam, quæ Apostolicæ Sedis requirat Decisionem. Author huius asserti fuit quondam Melchior Canus, vir alioqui grauissimus, qui solus illud scripto firmavit. Modo verò sunt plurimi, qui, de sua causa fere actum esse, videntes, dictam assertionem, non libris exprimunt, sed surreptimè

Chrysost.  
homi. de  
laudib.  
Petri.

Iam solum  
dubitatur  
an sola pos-  
sit de iuri.

Quidam  
autem non  
posse hanc  
controuer-  
siam diri-  
mi.  
Can. l. 7.  
de locis  
c. 3. con-  
cl. 4.

furris

*Alij solam  
adjuvant  
non poss  
u juri.*

furris communicant, & multis in Vrbe viris, & heroibus insinuant. Quidam verò alij Aduersariorum cum illis prioribus sanius sentiunt, dum controuersia dirimenda potestaté verentur Tuæ Beatitudini denegare: solum tamen illud, quod illi asserunt, certo & firmiter dicunt, posse de fide diffiniri.

Vtriusque huius assertionis falsitatem promissi, & expedire iudicavi Tuæ Beatitudini monstrare; euidenterque ostendere, tam certum esse posse hanc controuersiam tuâ sententiâ dirimi, vt qui aliter contenderit, aut contrarium sciens & tenax asseruerit, nec bene de Ecclesiæ clauibus sentire, nec sane de tua potestate iudicare sit censendus. Et vltcrius probare intendo, tam sanam, certam, & veram esse opinionem, quæ Virginem Sanctissimam à peccato defendit, vt pro illa sola, diffinitiuâ possit dici sententia. Illud autem æquius & facilius præstabitur, si vtriusq; asserti fundamenta, cõsolubilia, quo infirmiora, breuiter, sed fideliter, præfigantur.

*Vtriusque  
offici- jun  
uallat  
ex Cano.*

4 Si quod potest esse apud neotericos prioris asserti fundamentum, quidquid qualeue illud sit, reduci faciliè poterit ad vnum ex tribus quæ leuiter attingit, & obscure insinuauit citatus Canus. Primum, quod neutra pars huius controuersia contineatur in sacra Scriptura, aut Ecclesiastica traditione firmeretur. Secundum, quia sunt parui momenti, & neque ad fidem, nec ad mores necessariae sunt hæ opinationes, ne dicat, inquit, factiones. Tertium, quod in duobus prioribus fundauit, videlicet, quia nec Sixtus IV. nec Concilium Lateranensium sub Leo X. nec Synodus Tridentina sub Paulo III. inchoata eam quæstionem definierint, non quia non voluerint, sed quia non potuerint, inquit, idem, sed inconsideratè, & liberius quàm par erat. Secundi asserti illa vel sola, vel potissima ratio est, quod affirmatiua sententia sit conformior (vt aiunt) sacrae Scripturae, & Sanctorum Patrum Doctrinae; contra quas deducunt non posse definiri.

*Quid Can  
uenerit illa  
elegit sua  
testiam.  
C. A. D.  
C. C. C. I.*

5 Sed tenui certè fundamento ductus est in illam sententiam Canus, quam acrius quidam Doctores impugnant, & alij asperius reprehendunt. Iam ipse præsentit æquo vel rigidos se habiturum viros, (inquit, planè doctos,) huius assertiones censores, quos placatū iri deliderat, humili & ingenua sua confessione, dum ait, nullam aliam sibi patuisse viam ad Erasmi argumentum eludendum, quo Sanctorum auctoritatem tentauit infirmare. Argumentum autem Erasmi erat, vt affirmat Canus; Sancti omnes, qui in eius rei men-

rei mentionem incidérunt, vno ore asseruerunt Beatam Virginem in peccato conceptam, & nihilominus piè & probabiliter creditur in Ecclesia eandem Virginem ab originali labe fuisse præseruatam; ergo Patrum, & sanctorum Doctorum communi consensione nihil certi in Theologia conficitur. Cuius argumenti vim vt effugeret Canus, statuit pro conclusione (per quam Erasmo respondet) omnium Sanctorum auctoritatem in eo genere quæstionum, quæ ad fidem non pertinent, probabilem quandam eis tribuere fidem, omnino tamen certam non communicare. E contrario verò in ijs, quæ ad fidem attinent, maximæ certitudinis esse, illorum vnanimem sensum. Cum autem controuersia de Conceptione Virginis Mariæ, nullam habeat connexionem cum rebus fidei: quamuis vnanimiter (inquit) Sancti Patres senserint eam in peccato conceptam, non exinde, illud reddat certum, vt non possit probabiliter & piè doceri contrarium. Hic citati Authoris discursus, hoc illud, quod excogitauit, effugium, quo se ab Erasmi argumenti molestia liberaret, quam dum declinare nesciuit, in peregrinas has, & minimè à Theologis probatas, prorupit assertiones. Quibus certè viam strauerunt, & adhuc sternunt, qui quotidie inaniter iactant, omnes vno ore Patres eorum docuisse sententiam. Vnde necesse profecto habent vel cum Erasmo dicere, nullum firmum posse sumi argumentum ab vnanimi Sanctorum Patrum consensu, nec alicuius esse in Ecclesia momenti, dum in eadem iam probabilius & communius teneatur Virginem nunquam aliquod in aliquo instanti contraxisse peccatum; vel si dignam & æquam Patrum sententijs tribuere velint auctoritatem, huiusmodi vel futiliora effugia cum Cano necesse est, adinueniant. Facilius certè esset veritatem confiteri, admittendo nullum esse Sanctorum, vel ad summum vnum vel alterum (vt in speciali Tractatu de mente orthodoxorum Patrum antea dixi) qui expressè, & in rigore controuersia dicat Virginem in peccato conceptam, per quod æque & facile se expedirent ab Erasmi molestia, quàm in sua persistentes sententia, in tot se conijcere angustias, è quibus prædicta erumpunt incommoda. Non parua certè sunt hæc huius Auctoris. Dum argumenti Erasmi pondus velit vitare, nullius esse ponderis ait controuersiam de Conceptione; dum Sanctorum Patrum defendere cupit auctoritatem, Summorum Pontificum in ea decidenda negat potestatem. Profecto incidit in Scyllam cupiens vitare Cha-

Cano 2.  
de lo. c.  
11. post  
med.  
rybdim,

rybdim, & ut ipse de Caietano dixit, volens leuiorem plagam repellere, grauiorem accepit.

Respondetur illorum fundamentis.

§ 11.

6 Respondetur ad primū Cani fundamentum, & ostenditur controuersiam hanc in sacra Scriptura fundari.

7 Contra secundum fundamentum probatur eam magni esse momenti.

8 Magnam habet cum fidei principi-

pijs connexionem.

9 Diffinitio huius controuersie non parum conducit ad populi & morum reformationem.

10 Eueritur tertium Cani fundamentum.

Ad primū  
Cani fun-  
damentū.

Quidam  
dicunt ef-  
formatiuā  
in Scriptu-  
ra fundari.

6 **Q**Uam verò falsa sint hæc, quibus Canus suam stabilire voluit conclusionem, & ex quibus deduxit non esse diffinibilem hanc quæstionem, non est qui non videat. Primum etenim illud fundamentum, ut singula percurramus, adeo falsum est, ut nihil communius inculcetur, vel acrius obijciatur in hac controuersia; quam Scripturæ auctoritas, in qua vtriusque partis fautores suam edoceri opinionem contendunt. Vnde qui affirmatiuam tuentur, suam sententiam potissimè defendere, vnde firmiter tueri conantur, quam è sacra Scriptura, in qua tam expressam esse olim iactabant, ut hæresis inculcarent eum, qui contrariæ subscriberet? vnde commoti sunt antiqui Doctores Scholastici, ut affirmatiuam amplecterentur, nisi ex vniuersalibus illis Pauli locis, quæ quotidie pro se citant Aduersarij, sub quibus illi iudicabant comprehendendi Mariam? vnde secundi asserti Auctores putant suam sententiam irrefragabilem, & condemnari non posse contendunt, nisi hinc, quod ita in sacra Scriptura illam doceri suspiciuntur, ut nequaquā ab Ecclesia pro hæresi reprobendam obiecent?

Alij nega-  
tiam.

Alterius è contra opinionis sectatores, ita suam exprimi in varijs locis sacre Scripturæ iudicāt, ut non pauca pro eadem vrgeant, ut in Tractatu ultimo de vtriusque opinionis inæqualitate monstrauimus. Nihil tam curant hi, quam negatiuam sententiam è pœnu sacre pagine depromere, & variè tam prophetice & mystice, quàm signaliter & litteraliter illam è sacris litteris eruere. Multa & illustra sunt magnorum Doctorum huius rei testimonia, dum fundatissimè & grauissimè de Virginis immunitate præclaras explicent sacre scripturæ auctoritates. Nullus fere est, ex omnibus qui de hac controuersia scripserint, & qui alterutram ex duabus defende-  
rint

rint opinionibus, qui suam sufficientem non putet, & dicat contineri in sacra Scriptura. Temere ergo solus Canus negauit vllam ex duabus inueniri in sacris libris, dum & affirmatiuæ fautores suam, contrarij verò alteram in sacris libris inueniri contendunt. Qualiter verò, & quanto cum fundamento id asserant negatiuæ sententiæ authores, præterquam quod in citato Tractatu id ostenderim, aliquanto largius in responsione ad vnicum illud fundamentum secundi asserti monstrabo; vbi & insuper ostendam deducta ab Apostolis traditione conseruatam semper in Ecclesia fuisse piam opinionem.

7 Non sat se dixisse putauit in primo fundamento, nisi & in secundo adijceret, non solum non spectare ad fidem, nec ad morum correctionem aut reformationem disputationem; hanc, sed nec vllius esse momenti. Vnde cum Pontifices solum ex scripturis vel ex Ecclesiæ recepta traditione, aut satis nota reuelatione res definiendas eruere debeant, nec res merè Philosophicas, Mathematicas, vel pueriles aut exigui momenti definiant, hinc planè colligit, non posse hanc definiri quæ nec ex Scripturis depro-mi, nec traditione aut reuelatione indubitata constare potest, vt in primo fundamento dixit, sed nec magni alicuius sit in Ecclesia Catholica emolumenti.

Mirum certè, hominem in scholis versatum, in disputationibus exercitatum, & florentissimæ totius orbis Academiae filium & magistrum, ita contemptibiliter iudicasse de controuersia, quàm quotidie se coram acriter agitari videbat, in qua decidenda per tot sæcula grauissimi orbis magistri deludarunt, de qua in plenarijs, & generalibus orbis Concilijs non leuiter aut futiliter disputatum vel actum est, pro cuius altera parte ad mortem vsque doctissimi homines decertandum approbant, circa quam tot ac tanta statuere, & ordinare dignata est mater Ecclesia, cuius non ignobilis sit mentio in tot Apostolicis magnorum Pontificum litteris, imò & quam ipse Canus *grauissimam* vocat. Quomodo non magni erit momenti, quæ licet momentaneum, tamen graue, & mortale, vel constituit, vel negat peccatum in B. Virgine? Paruæ molis erit, crimen inferre gloriæ nostræ, vel culpæ fœditatem ab ea procul relegare? Ita leue ducit tantam tamque insignem prædam tradi Sathanae, vel creaturarum nobilissimam ab eius vindicare seruitute?

*Ad secundum Cani fundamentum de potestate huius controuersia.*

*Offenditur magni esse momenti.*

*Can. cit. c. 4. concl. 4.*

Tantæ molis erat, eandem sacratissimam Virginem à peccato veniali, vel leuissimo defendere, vt non solum viriliter magni nominis Doctores, sed & Concilia contra hæreticos docuerint firmissime eam nullum quantumuis exiguum commisisse, & nullius ponderis erit si dicatur originale mortiferum contraxisse? Quot subierunt labores, quas sustinuerunt contradictiones, quid non impenderunt studij, & quas non exercuerunt vigilias sanctæ Ecclesiæ Patres in defendenda perpetua Virginei corporis pudicitia, & illibata Virginitate Mariæ, pro graui ducentes incommodo, si aliquid quod Virginis non esset, aliquando Virgo pateretur; aut foemineæ conditionis dedecus vel infirmitas, quæ sine crimine potuit inesse, sacratissimæ inureretur heroinæ. Et si singula singulis comparemus, pro leuiori iudicandum erit ignominiâ, si non illælam quis dicat in mente, quam si corruptam affirmet in claustro? At vero Virginale signaculum semper retinuisse insolutum de fide definitum est. Vt quid, ergo negabitur non tanti fieri animæ pudicitiam, & puritatis integritatem, vt nec fidei nec definitionis censeatur materia? Quando Virginem indubitatam canonizat Pontifex, definit aureolam Virginis habituram in gloria, quæ parui res est momenti, respectu præmij essentialis; & quod maximum est priuilegium Virginis, nulli alij homini concessum, à contrahendo liberari seu præseruari peccato, quod in eminentissimum tantæ Virginis redundat honorem, tanquam futile & inane quid, non poterit definiri? Quot sunt minoris momenti res in sacra Scriptura à Spiritu Sancto reuelatæ, & à cunctis pro definitis credendæ? Cum toties in sacra pagina peculiaria hominum facta definita sint, sanctorumque hominum innocentia, in culpis impositis ab Ecclesia declarata, quis sanæ mentis homo hanc controuersiam de Virginis omnimoda innocentia, vel nullius momenti esse dicat, vel tenaciter materiam non esse definitionis affirmet? Planè viros omnes doctes, vniuersasque Europæ Academias leuitatis & pueritiæ condemnabit: quippe qui de lana caprina contendant, dum ad eò acriter & continuis disputationibus, multisque editis codicibus huic controuersiæ aperiendæ incumbunt, omisis tot tantisque alijs difficultatibus, quibus decidendis potuissent intendere. Ecclesiam etiam inculcabit, quod tam serio se occupauerit toties

circa

circa hanc materiam, quod publicas in Vrbe, & in magnis Academicis haberi iusserit de ea disputationes, quod pro negatiua promouenda diuinum instituerit cultum, & speciale ordinauerit Officium, quod Indulgentias amplissimas pro eadem colenda, seu sectanda per externa diuini cultus indicia dispensauerit, quod tot Diplomata rem hanc concernentia, ediderit, quod tot dissensiones, rixas, discordias, & scandala, ex hac controuersia exortas, compescuerit. Multos & pene omnes Ecclesiarum Rectores, & Magistros de superstitione, necesse est vt accuset, dum rem, nec fidem nec mores concernentem, nulliusque vtilitatis aut momenti in suis Ecclesijs & Diocesisbus tantopere curant celebrari.

Nouum non est, nec insolitum; sed familiare nimis ijs, qui sententias aliquas adinueniunt, vel suscipiunt defendendas, eas totis viribus, & verbis, si opus est, propugnare, & contrarias impugnare; & si male in disputationibus succedit, vel ab Aduersarijs superantur, de suisque timent opinionibus, cum honore se velle retrahere, nouosque modos excogitare, quibus suis placitis possint cauere, ne pænitus explodantur, aut condemnentur. Dum contrarios possunt, aut licet cum aliqua spe victoriæ impetere, nihil non dicunt, in cælum vsque suam sententiam tollunt, & aduersam varijs afficiunt censuris. Quoties nostri Aduersarij dixerunt, & scriptis firmarunt tam grauem esse, hanc controuersiam, vt præcipua nostræ fidei Mysteria vel comprehenderet, vel concerneret, & nostram sententiam multis capitibus esse hæreticam, tum quia contra sacram Scripturam, & communem Patrum sensum, tum quia Christum vniuersalem negabat esse Redemptorem, tum quia Virginem Christo æquabat, vel ab eodem negabat redemptam; tum demum ex alijs multis titulis, quos videre est apud Bandelum in vtroque Tractatu, apud Spinam in editione libri Turrecremat., qui sexaginta ex eadem deducebat hæreses, vel manifestos errores, imo & apud D. Thomam varijs in locis suæ doctrinæ ex quibus deducebat. Ferrar. 4. secundum eius mentem hanc sententiam vel pænitus esse hæreticam, vel planè erroneam: quamuis ipse deductionem hanc propter litteras Apostolicas, eam condemnantes, non approbauerit. contra Gent. cap. 50. Nunc cum de sua actum opinione, xident, & periculum instare, vt condemnetur, vel totaliter reprobetur, tanquam canentes recepti,

X. ij

dicunt

dicunt non esse de ea amplius agendum, indignamque esse, propter quam inquietetur populus Christianus, vel recurratur ad Sanctissimum Dominum pro definitione, quippe quæ leuissimi sit ponderis, & nullius momenti: Admiror tantorum virorum in hac re Consilium.

*Ad fidem  
etiam per-  
tinet hæc  
controuer-  
sia.*

8 Quomodo etiam fidem non concernet controuersia, quæ non alijs fundamentis, quàm fidei principijs agitatur? Quomodo affirmantes suam vrgent sententiam? Vnde eam deducunt? Nonne ex illo fidei principio omnes naturales filios Adam proprium traducere peccatum? An non ex illo fidei articulo Christum vniuersalem esse omnium redemptorem? Nonne ex illo fidei dogmate omnes peccato mortuos, pro quibus vitæ restituendis Christus mortuus est? Nonne similiter negatiuæ assertores suam stabiliunt sententiam multis priuilegijs, quæ de fide constat Beatæ Virgini fuisse, concessa? Ex ipsa fide norunt multas vniuersales fidei regulas quasdam passas exceptiones. Dei domum docet fides decere sanctitudinem, Dei sacrarium omnimodam sanctitatem, patris filiam magnam excellentiam, filij matrem innocentiam, Spiritus Sancti sponfam puritatem. Quæ an ad originalem, seu primum originis instans extendi debeant, controuertunt & inquirunt Dei potentiam (quam infinitam esse fides docet, & ad hunc se effectum extendere posse) eiusque summam bonitatem (quibus & Angelos, & primos homines in gratiam creauit) non inaniter suæ opinionis fundamentum constituunt, easque non exerceri nec demonstrari potius debuisse in Angelis, Adamo, & eius consortio, quàm in ipsa Dei Matre Creaturarum omnium excellentissimâ, argumentantur. Christum etiam sed excellentiori modo Redemptorem eius affirmant, pro ea mortuam concedunt. An autem hic modus redimendi admitti debeat, vel an illæ vniuersales regulæ Scripturæ de originali contrahendo, sine vlla exceptione admittendæ sint, ita vt nullum, nec Virginem sacratissimam à contractione originalis eximere liceat, sicut iam exempta est ab alijs vniuersalibus & peccati & pœnarum; Vt hoc sciatur, vt hoc decidatur, tam leue, tam futile debet censerî? Tam alienum & peregrinum à fide? De fide licet neutra pars formaliter sit, ad fidem certe controuersia ipsa pertinere censetur, quæ tantam habet cum fidei principijs connexionem, & supernaturalia hæc habet fundamenta.

Num.



9 Numquid & ad morum reformationem, & magnum populo-  
rum in fide & deuotione profectum huius controuersiae decisione  
conducere æquè & sanè quis negabit, dum ex alterna concertan-  
tium contentione non leuibus afficiantur vndique Christiani per-  
turbationibus, magnis & grauibz feriantur scandalis, & ex dissi-  
dentium Doctorum & sibi inuicem obtestantium Predicatorum  
æmulationibus, verbis immodestè prolatis, & illatis iniurijs, nimis  
sibi sumpserint licentiam de eorum vita, & doctrina iudicandi, col-  
que in fabulis & prouerbijz habendi. Si tollantur huiusmodi scan-  
dalorum causæ, si præscindantur perturbationum occasiones, si  
extinguantur dissidia, si supprimantur molesti rumores, si & de-  
tractiones, & murmuraciones inter factiosos, & propriæ opinionis  
amicos, per definitionem compescantur; si per huius controuersiae  
vltimam decisionem, tot tantaque mala & incommoda è Repu-  
blica Christiana dimoueantur, tam exigui erit emolumenti, tam  
leniter conducet, ad populos intra Christianæ virtutis & charita-  
tis regulas continendos, tam ineffaciter conferre videbitur, ad  
eosdem à detractione, inueteratis dissidijs, ab intestinis bellis, ma-  
lis exemplis, & Ecclesiarum perturbationibus cohibendos? Pa-  
rum an nihil proficiet populus, si definiatur Beatissimam Virgi-  
nem à peccato præseruatam, per quod à superioribus retrahatur  
excessibus, & ad Maiorem Dei Genitricis accendatur deuotio-  
nem, in qua nulla displiceat macula, nulla deterreat iniquitas,  
nulla non deleat pulcritudo, & nullum vitæ eius consideretur  
tempus, aut instans, in quo pura non fuerit & sancta? Nonne  
ad fidem populi firmandam valebit, dum viderit, quod Ecclesia  
celebrat, ab eadem constanter doceri? Nonne ad maiorem reue-  
rentiam Ecclesiastici cultus excitabitur, si tunc ei certum esse con-  
fiterit, quod celebrat; quodque incertum esse, & improbabile à  
quibusdam audit inculcari? Fidem certe concernit res ista; ad mo-  
res attinet, quos, si definiatur, reformabit, & mutabit in melius,  
vnde magni plane controuersia hæc censenda est momenti & emo-  
lumentum.

10 Quod his subiunxit Canus, & quo prædicta confirmat, est,  
nec Sixtum I V. nec Concil. Lateran. aut Trident. controuersiam  
hanc diremisse quantumcunque sub illis, vel illorum tempore, agi-  
taretur. Verum refert, admittimus; sed adiiciet aliquis id præter-  
misisse Pontifices, & Concilia, vel quia tunc non expedierit, vel

quia non placuerit finem huic dare quæstioni. At non inquit Canus: *Sed quia neutram ex illis opinionibus poterant tanquam dogma Catholicum approbare.* Temerè certe dictum, & inconsulto, ne grauiorem notam adijciam. Quis enim Catholici nominis vir, Catholicæ Ecclesiæ Magistro, & summo Rectori datam sibi potestatem dignoscendi inter lepram & lepram, vera à falsâ doctrinâ discernendi & sacre Scripturæ sensum aperiendi, negare audebit. Rem certè grauem attigit Cano, magnum mouit lapidem & nimis liberè negauit, vel in dubium illud reuocauit, quod necesse est, vt in confesso sit apud omnes. Quod paulo fufius ex multis capitibus euidenter ostendam, vt Tua Beatitudo indubitanter agnoscat, & hanc quæstionem esse definibilem, & ad eius decisionem à Deo potestatem tibi desuper esse concessam, ac postea causam assignabo cur hucusque ab hac sententiâ definienda Summi se abstinuerint Pontifices.

Variè probatur huius controuersie diffinibilitas.

### §. III.

11 Omnes Scriptores etiam Aduersarij, admittunt hanc controuersiam esse definibilem.

12 Idem docetur manifeste à pluribus Summis Pontificibus.

13 Probatur hoc idem ex eo quod ad Pontificem spectat dubia loca Scriptura explicare.

14 Quia etiam ei conuenit dubia

Conciliarum Decreta declarare.

15 Maiores etiam Ecclesiæ causas decidere.

16 Quia Romana Ecclesia magistra est cæterarum, & Pontifex Doctor populorum.

17 Quia Romanus Pontifex legitimus est iudex in rebus dubijs, & controuersis.

Omnes  
Scriptores  
etiam ad-  
uersarij ad-  
mittunt  
controuer-  
siam hanc  
esse defini-  
bilem.

Tract. 3.  
n. 19.

11 **P**ostquam Canus de diffinibilitate huius quæstionis dubitauit, nullus fermè est, qui non fermè & expressè docuerit contrarium. Nec enim ex ipsis Aduersarijs (vt supra aduerti) ullus calamo Cani sententiam firmauit, licet aliqui sint qui vocetenus, vt definitionem remorentur, aut Pontificem ab ea edenda detineant, illam non cessant quibusdam sedulo inculcare. Concors est Scriptorum omnium in contrariū subscriptio. Imò & præclarissimos & præcipuos ex Aduersarijs iam proposui Tux Beatitudini in Tractatu de exacta consideratione huius rei, instantissime petijssè à Sede Apostolica vt definiretur. A Concilio æcumenico Basilien. & tunc legitimo sub Eugenio I V. definitionem petiuit Turrocremata, à Lateranen. sub Leone X. Caietanus, à Tridentino sub

sub Paulo tertio Catharinus, Bartholomeus de Spina, & Albertus de Duimia, omnes Prædicatorij ordinis, eandem obnixè efflagitarunt. Quod ergo Scriptorum nullus nec ex ipsis affirmatiuè assertoribus aut quilibet notum nominis vir scripto aliquando negauit, sed vel expresse asseruit, aut procerto euidentius supposuit, temere solus negauerat Canus, vel qui modò eius hanc disseminant doctrinam.

12 2. Controuersiam hanc esse definibilem ex tuamet ipsa (Pater Beatissime) sententia, tuorumque prædecessorum verbis efficacius ostendo. Sixtus etenim IV. cum prohibuisset in extrauag. *Grane nimis*, anno 1483. Pridie nonas Octobris editâ, ne sententia affirmatiua damnaretur, aut grauioribus censuris inureretur, rationem subdidit, dicens; *Cum nondum sit à Romana Ecclesia vel Apostolica Sede decissum*, prædictam uidelicet sententiam tenentes, hæresis, vel mortale crimen incurrere. Quam extrauagantem Alexand. VI. in extrauaganti, *illius qui se*, eisdem recitatis verbis ann. Dom. 1502. 10. Kalend. Martij, Concil. Trident. Sess. 5. de peccato originali anno Dom. 1546. die 17. Iunij, Pius V. & Tua Beatitudo litteris & annis statim citandis, confirmauerunt. Præcitatus etiam Pius V. in constitutione. *super speculam*, quâ ann Dom. 1570. Pridie Kalend. Decembr. prædictam Sixti stabiliiuit, postquam plura circa hanc controuersiam ordinauit, præcipue, ne coram promiscuo vulgo, aut populo, vulgari sermone quæstio, aut mentio de ea fieret, licentiam fecit uiris doctis in Academijs, & coram ijs, qui rem capere possent, de ea agere, & disputare; *Quandiu* (inquit) *per Apostolicam Sedem altera pars definita non fuerit, oppositaque sententia condemnata*. Vbi non qualicunque, sed rigorosa fidei definitione, qua vna pars approbaretur pro vera, & sana doctrina, altera pro falsa, & execranda reijceretur expresse; supponit tanquam indubitatum controuersiam hanc posse decidi. Hanc etiam constitutionem Tua Beatitudo relatis formaliter iisdem verbis reualidauit. Ac tandem Tua Sanctitas in Diplomate, *Regis pacifici*, anno Dom. 1616. die 6. Iulij supra nominatorum tuorum prædecessorum sælicis memoriæ Sixti IV. & Pij litteras multis adiectis censuris, & pœnis statuit inuiolabiliter obseruari. *Donec* (inquis) *à Romana Apostolica Sede huiusmodi controuersia fuerit definita*. Qua temporis restrictione, tempus offerri posse euidenter ostendis, in quo & hæc definiatur quæstio, & liceat fidelibus non stare supradictorum Pontificum ordinationibus,

X iiij

cum

cum & erronea, & temeraria, vel hæretica damnata sententia possit cenferi & proclamari. Quarto & ultimo in Decreto postremo de hac re coram te, & per te, seu tua autoritate edito anno 1617. 31. Augusti cautum est, ne in vllis publicis actibus aliqua mentio fieret sententiæ affirmatiuæ in posterum *dones articulus huiusmodi à sancta Sede Apostolica fuerit definitus*. Credendum ne est his verbis, vel in alijs aliorum Pontificum citatis eos voluisse fidelibus imponere, vel illudere, ac tam expressis suppositionibus decipere, vt putarent fieri posse ab Ecclesia, quod minimè est factibile, & crederent Apostolicam Sedem definituram aliquando, quod nequaquam definiri potest? Numquid nundinare voluerunt Pontifices suam potestatem, aut desiderarunt ab hominibus credi sibi inesse auctoritatem ad ea, quæ illorum superant vires, quasi suo cauentes honori, ne aliquod detrimentum inter homines pateretur, dum quidquam viderint in Ecclesia acriter controuerti, quod Ecclesiæ Pastor non possit definire? Indigna certè Christiano viro consideratio, & iniuriosa tam claræ formulæ loquendi, explicatio. Nullus est, Pater Beatissime, qui hæc verba vel legerit, vel audiuerit, & tantummodo intellexerit, qui vel leuiter dubitare audeat, an à Tua Sanctitate possit hæc controuersia definiri. Non est qui melius de tuis verbis queat indicare, quam tumetipse, Pater vere Sancte, qui eas protuleris; quid in illis intellexeris, tecum ipse considera.

*Idem probatur ex auctoritate Pontif. ad definienda loca Scriptura.*

13 3. Vt ex ipso Cano rem vltioribus rationibus probemus, animaduertendum in Concilijs œcumenicis tribus, Basil. Lateranen. etiam (si Cano & Caietano credamus) & Trident. actum esse de hac controuersia, & de vero & germano sensu quorundam locorū vniuersalium sacræ Scripturæ de peccato originali. an scilicet salua fidei veritate possit aliquis ab eisdem excipi? Quod euidenter patet in illo Decreto, sed debili & nullo Basilien. in quo dicitur, quod *inspectis auctoritatibus &c. que pro vtraque parte tot annis efferebantur &c. pars negatiua erat conformis sacræ Scripturæ*. De Lateranen. idem habetur ex Cano citato, & opusculo Caiet. ad Leonem X. de Tridentino ex eius Decreto, & Decreti declaratione, ex Doctore multis, qui testes interfuerunt oculati illi Concilio, & disputationibus eiusdem Synodi, quæ in tuta custodia Turris Sancti Angeli asseruantur; sed Canus docet, quod & Catholicus nullus negauit; *Si inter Patres Concilij est controuersia de intellectu sacrarum Scripturarum, solum Romanum Episcopum posse de ea indicare & licentia componere,*

*verum*

Cano l.6. c.7.8 Præterea si inter.

*verum & rigorosum sacri textus sensum definiendo.* Potuisset ergo Eugenius I V. in Concilio Basiliensi, si vellet; & sub eius maneret obedientia Concilium. Leo X. in Lateranen. & Paulus I II. alijve succedentes Pontifices in Trident. definire an Virgo comprehendatur sub generalis sacræ Scripturæ regulis, an vero à communi hominum maculâ & sorde venerit excipienda, per quod clarius nobis constaret de vero intellectu locorum, quæ ex sacra pagina vtrinque afferunt Doctores. Idemq; omnes alij Pontifices extra Concilia declarare & docere potuerant, dum ex Concilij illorum nequaquam pendet autoritas.

14 4. Similiter dubitatur de veta intelligentia quorundam Decretorum de necessaria & vniuersali contractione peccati originalis, in omnibus hominibus, factorum in varijs Concilijs, vt in Mileuit. autoritate Bonifacij primi coacto, in quo strenuum se gessit August. fidei athletam, cuius Decretum refertur in cap. Placuit de consecrat. dist. 4. & in Concilio Florentino sub Eugenio I V. pro Iacobitis aliud simile (qui quibusdam credamus) conditum est Decretum, vt vltimum illud Tridentini omittamus. At, inquam, dubitatur an sub eis Decretis contineantur omnes, nemine excepto, vel liceat ab eis eximere B. Virginem Mariam: sed in dubijs, quæ in huiusmodi rebus fidei oriuntur, Romanum Pontificem verum & legitimum esse iudicem ait Canus citatus, ad quem omnium Conciliorum conuocandorum, & continuandorū iura, & dubia referenda esse docet, multis collectis cap. 4. Summorum Pontificum sententijs. Cum igitur in hac controuersia graue sit dubium, circa supracitatorum, & aliorum Conciliorum verba & Decreta, consulendus erit Romanus Pontifex, qui iudicet an Maria sub illis comprehendatur, an vt immunem & liberam à graui iugo filiorum Adæ, vere & secundum fidem tenendum sit eam ab illis esse excipiendam.

15 5. Maiores Ecclesiæ causas esse referendas ad Roman. Pontificem, vt ab eo decendantur, docet idem Canus cap. 4. multis contestatis, tam Conciliorum, quam Summorum Pontificum & Patrum sententijs, quibus id egregie comprobat, Anacleri Epistol. 1. De oppressione Episcoporum, Euarasti ad Episcopum African. Alexandri primi ad omnes Orthodoxos. Zepher. ad Episcopos Sicilianos. Leonis primi Epistola Synodica ad Petrum Antiochenum Patriarcham, & definitur in Concil. Viennen. in alijsq; fidei Decre-

*Quia etiam  
pessus de-  
clarare De-  
creta Con-  
ciliorum.*

*Quia ma-  
iores Ecle-  
sia causa  
ad eos sunt  
referende.*

Decretis idem passim instituitur; sed modo in Ecclesia nulla maior hac causa adeo acriter agitur, tot tantasque molestias vniuersali præbet Ecclesiæ, aut particulares tantopere perturbat. Referenda ergo erit ad hanc sacratissimam Sedem, à qua tantæ disculsiōis salicem habeat exitum.

*Quia Romana Magistra est omnium Ecclesiarum.*

*Et Romana Pontifex omnium Doctorum.*

16 6. Romana data est tanquam Mater, & Magistra cæteris Ecclesijs à qua foueantur, & doceantur, vt habetur cap. omnes D. 22. in Concil. Lateranen. sub Innocentio III. in Lugdunen. sub Gregor. & altero Lugdunen. sub Innocentio IV. ac omninò tradit Trident. Sess. 7. Et Romanus Pontifex, Pater & Doctor est omnium Christianorum, vt expressè docuere Patres Concilij Florentini, & Synodus Romana sub Symacho, & refertur 96. D. c. Benè, & tenet author quæstion. vet. & nou. Test. apud August. quæst. 89. quod & multis vrget idem Canus proximè citatus. At particulares Ecclesiæ fluctuant, vel saltem laborant varia tantorum dissensionē, circa veritatem huius quæstionis, & Christiani ferè omnes quotidianis concutiuntur litigijs, difficultatibus, & scandalis ex eadem emergentibus. Ad Matrem ergo, & Magistrā; ad Patrem, & Doctorem, Romanam Ecclesiam eiusque Pontificem recurrendum, pro vera, & certa solutione, vt clauē scientiæ tantum dubium aperiatur. *Data est enim* (inquit ipse Canus cit. cap. 3. propositione 3.) *tam Petro quàm successoribus eius, clauis non minus ad tollendam ignorantiam, quàm ad tollenda peccata.*

*Quia Rom. Pontif. iudex est in rebus dubijs.*

*Turrecr. l. 2. sum. de Eccl. c. 7. Cyrill. Alexand. l. Theol.*

*Gregor. Epist. 52. ad Episc. Gallie.*

17 Vltimo tandem in rebus dubijs grauioribus solus Romanus Pontifex, Iudex constitutus est in Ecclesia, quem semper Patres omnes, ac aliarum Prælati Ecclesiarum consuluerant. Ita Leonem consuluit Theodoretus. Damasum Hieronymus. Concilij Carthaginensis Episcopi; Zozimum, Chalcedonense, Leonem, quod & reliqui obseruarunt Patres, & cætera fecerunt Concilia, docuitq; diserte, & catholice faciendum Cyrillus in lib. Thesaurorū, vt refert Turrecrem. libr. 2. suæ Summæ de Ecclesijs. c. 7. *A Romano* (inquit) *Pontifice nostrum est querere, quid credere, & quid tenere teneamus, ipsū rogantes, ipsū venerantes præ omnibus, quoniam ipsius solius est reprehendere, corrigere, statuere, disponere, soluere & ligare, loco illius qui ipsū edificauit, & elegit.* Sed & D. Gregor. omnium sententia humilissimus, qui nihil sibi credendus est arrogare voluisse, præter æquum & rectum, ad Episcopos Galliæ scribens, ait; *Si quam contentionem, quod longè faciat diuina potentia, de fidei causa euenire contigerit, aut negotium emergerit,*

*CHUIS*

cuius *vehemens* fortasse sit dubietas, & pro sui magnitudine iudicio Sedis Apostolica indigeat, examinata diligentius veritate, relatione sua studeat, ad nostram perducere rationem, quatenus à nobis valeat congrua sine dubio sententiam terminari. Nec inauditum certè, aut nouum tibi hoc priuilegium vlrpauit sanctus Pastor, eiusve prædecessores, cum & à tempore Petri ita vsitatum fuerit in Ecclesia, imo & in ipsa Synagoga ad Summum Sacerdotem deferri solitum erat causas omnes grauiiores, vt doctissimè docet Innocent. 3. cap. per Venerabilem, qui fil. sint legit. ex illo Deuteronomij 17. *Si difficile atque ambiguum* Deut. 17. 8. & 9. iudicium esse perspexeris inter causam & causam &c. surge & ascende ad locum quem elegerit Dominus Deus tuus, veniesque ad Sacerdotes &c. Et Bernardus lib. 2. ad Eugenium c. 6. ex alio simili loco Exodi. 18. optime auctoritatem hanc Romani Pontificis deducit. Cum etenim suos Iudices quorum sententiâ omnis dirimeretur controuersia, habuerit Synagoga, suis certè non carebit Ecclesia; *Quæ* (vt probe argumentatur Canus, & latius prosequitur Albertus Can. l. 6. c. 3. pro- Pighius lib. 2. de Eccles. hierarc. cap. 2.) *cum ex tam varijs nationibus* pos. 3. *linguis, ingenijs, institutis, emerferit, necesse est, vt plures grauiioresque habeat de Fide & Religione controuersias, quas nisi huius Reipublicæ Princeps valeat componere, Ecclesiæ profecto forma & species turpissima est, & fors multo quàm Synagoga deterior.* Hæc igitur controuersia, quæ tantopere ad fidem, & credibilia accedit, cum ijsque habet connexionem; & ad Religionem & Diuinum cultum expresse, & proprie attinet; ad Summum Sacerdotem, & supremum Iudicem, adducenda erat, vt illius valeat sententiâ terminari. Vnde parum consequenter ad vera & Catholica hæc sua principia, & à se posita fundamenta, Canus negauit posse à Summo Pontifice controuersiam hanc definiri.

- Quare alij Pontifices sub quibus de hac actum est controuersia, eam non definierint.

## §. IV.

18 *Cur Sixtus IV. quætionem hanc non dissoluit.*

19 *Nec Leo decimus.*

20 *Nec Concilium Tridentinum.*

18 **C**Ur vero nec Sixtus IV. nec Leo X. in Concilio Lateranen. aut Patres orthodoxi in Concilio Tridentino controuersiam hanc non definierint, quantumuis sub eis de ea actum sit, aliæ sunt causæ vrgentiores, & veriores illâ, quam assignauit Can. l. 6. c. 3. pro- Canus. nec enim ex defectu potestatis illud prætermiserunt, vt hanc non dissoluit. ostend-

ostendimus, sed quia pro tunc non expedierit, vel quia satis prouisum putauerint scandalis, per suas constitutiones, ex eisque satis colligi potuisse ab ingenuis viris, totius controuersiae sufficientem decisionem. Sufficiens remedium se adhibuisse putauit Sixtus IV. dum pro opinione pia sectanda, & propugnanda contra Aduersarios, Festum immaculatae Conceptionis, tot indulgentijs, & proprio assignato Officio, in quo clarè mens videretur Ecclesiae, commendauerit fidelium Vniuersitati. Nec consultum tunc putauit vltima sententia rem definire, aut pro pia opinione definitionis ferre iudicium quando adhuc multos, & egregios habuit affirmatiua fautores. Noluit immodicè, vel amplius Aduersarios exulcerare, qui tam indignè ferebant Pontificis propensionem in piam, vt multa audacter nimis in ipsum institutumque ab eo Festum dixerint, quae Sancto Pontifici tam absona, & temeraria visa sunt, vt propter illa compescenda, & condemnanda grauem illam ediderit extrauag. *Graue nimis* incipientem. Tunc etiam non adeo detecta erant huius sententiae firma ac sana fundamenta, sicut modo; nec tantum tunc superauit contrariae probabilitatem, vt æquum videretur affirmatiuam, quae tunc sua aliquali probabilitate vigeat, pænitus pro haeretica condemnare. Tempus putationis tunc non aduenerat, in aliud maturius differenda erat diffinitio. Sat se fecisse putauit Sixtus, dum (vt ait Ioan. Maior) iudicauerit præclaros Ecclesiae filios, sua sententia cessuros, quam ille contrario Ecclesiae cultu, & Pontificis iudicio latenter explosit, & occultè infirmavit.

Maior in  
c. 1. Lucae

Nec Leo  
Decim.  
Caietan.  
opus. de  
Conc. c. 1  
& c. 5. in  
fine.

19 Leonem autem circa hanc controuersiam aliquid intentasse, vel de ea agere voluisse, nobis non constat; solum habemus testem Caietanum, propositum fuisse Sancto Pontifici, vt eam dirimeret in Concilio Lateranensi. At nullum in eo factum est verbum de hac re. Nec placuisse opinor Pontifici, vt de ea ageretur, aut vt circa illam, vel alias quaestiones, quae fidem concernerent, quidquam definiretur. Solum videmus dubium illud de animae immortalitate, & in quouis homine vnitatem, determinatum in illo Concilio Sess. 8. sub Leone, propter tunc instantes & repullulantes de hac re errores. Synodus namque illa ob id maximè coacta est à Iulio II. ad extinguendum schisma conciliabuli Pisani, ad stabiliendam Ecclesiae pacem, ad Romanæ Curiae, Ecclesiaeque ministrorum reformationem, & publicum regimen in melius reducendum, vt in actis illius Concilij, in litteris etiam Indictionis ipsius



ipſius Iulij, & in notis Seuerini Binij ad verbum *Concilium* habetur, imò & ipſe Caietanus fatetur, & planè inſinuat in Oratione à ſe habita Seſſ. 2. in qua præcipuè vel ſolū ad pacem Eccleſiæ ſuperinducendam, & condemnandam congregationem illam Pſanam Patres hortatur. In eo ergo Concilio de his rebus ſolū vel maximè tractatum fuit, non de explicandis Myſterijs fidei, aut ſtatuendis Doctrinæ reuelatæ articulis. Noluit proinde Leo, qui ſub Seſſ. 5. illius Concilij creatus eſt Pontifex, immorari, in terminandis hac, vel alijs quæſtionibus, ne protractis in longum diſputationibus, in immenſum abiret Conciliū, & longius quam expediebat, differretur reformatio morum, & redintegratio pacis, hiſq; obinde panitus ſuperſedendum iudicauit. Si ergo ſub illo actum non ſit de ea, non eſt cur obijciatur aut iactetur eum illam non definiſſe quia non potuit: ſed quia non voluit; nec de ea vllatenus fuerat neceſſarium fieri tunc quæſtionem.

20 In Concilio verò Tridentino licet non fuerit definita, ſatis tamen fautum eſt piæ opinioni, dum & cautum, ne putaretur Virginē in decreto factō, de credendo in omnibus hominibus peccato originali, fuiſſe comprehenſam, & iuſſum eſt obſeruari Sixti Conſtitutiones, quas vehemèter fauere ſententiæ de præſeruatione Virginis ab originali, largius oſtendi Tuæ Beatitudini in Tractatu de ſenſu Feſti, & fatetur ipſe Caietanus, præterquam quod & ipſæ hoc manifeſtè declarant. Cur autem tunc omnino non fuerit liſ iſta ſoluta, rationem reddit Ambr. Catharinus, ſub his verbis ad Pontificis legatū, & Præſidentes eiufdem Concilij. *Cum ab hinc ſerè ſexennium iſtic Tridentini ageret ſancta Synodus, ad id potiffimum congregata, vt hæreſes, & zizania, quæ in agrum Domini irrepſerant, tollerentur, & eo iam peruenitum eſſet, vt de originali peccato tractaretur, pleriq; ex Patribus admonebant optimū eſſe, atq; opportunum ſpeciali decreto eam ſententiā de immacul. B. Virginis Conceptione, quæ dudum à cunctis prorsus Eccleſijs ſolemni ritu celebratur, & colitur, ita probari, ac ſtatui, vt iam vltius non liceret cuiquam ea de re ſecus vel aſſerere, vel opinari. Sed quibuſdam, licet admodum paucis, tunc non placuit (nec vt verū fatear) mihi quidem ipſi, non quod rem ipſam vehementer non optarem: vt potè ſanctam, & Chriſtiane fraternitati congruentē, quæ in primis eundem in dogmatibus ſenſum, eandemq; in cultu Dei obſeruantiam poſcit: ſed quod conſultius pro conditione temporum videbatur, prius aduerſus hæreſes manifeſtas intendere tum illa aggeredi, quæ inter Catholicos controuerſia digna viderentur deciſione.* Reſert Concilium congregatum fuiſſe potiffimum vt hæreſes dete-

Hoc Con-  
cil. Trid. tenet.

Caietan.  
opuſ. de  
conc. c. 3.  
& quæ-  
ſtionem.

Cathar.  
epiſt. de-  
dicat. ad  
Præſid.  
Concil.  
Trident.

Y

geren-

gerentur, & condemnarentur, & cum de ijs quæ circa peccati originalis materiam, statuenda erant, tractaretur ibi tunc voluisse orthodoxos illos Patres, opinionem, quæ negat Virginem peccatum contraxisse originale, probare, ac statuere pro certa, & indubitanter seu de fide tenenda. Non dixit eos admonuisse de ea tractare controuersia, vel de re dubia disputare, sed negatiuam ita tanquam indubiam, credendam proponere, vt aliter vel in contrariū, non liceret sentire. Ideoq; abstinuissent Patres dixit ab hac definitione, suggestu, & suasa paucorum (qui qualesve fuerint facile licet diuinare) non quod sanum, aut rectum non fuerit consilium, vel æque aut debite non potuerit fieri, sed quia pro tunc non expedierit. utpote quod *consultius, inquit, reputauerint, per conditionem temporum prius, aduersus manifestas hæreses intendere.* Ex quo tanquam ex occulto teste & vno ex huius causæ arbitris, liquet ita Patres illius Concilij opinionem negatiuam sentisse, & voluisse definiendam, vt si ad rem ventum esset, nec tot tantæq; hæreses, molestæ & quotidie exorientes, alio raperent Synodi examen, & iudicium, certe eam de fide credendam approbarent, & contrariam omnino hominum opinionibus interdicerent. Rem ergo alias tractandam distulerunt, & in hæreticorū infanias, qua potuit maturitate, & solentia intendentes, cautionem illam apposuerunt, non esse, vel leuiter imaginandum, se voluisse, sub illo Decreto, contra hæreticos edito, de peccato originali Virginem immaculatam subincludere. Hæ sunt potiores rationes quare à præcætitis Pontificibus non fuerit hæc determinata controuersia, non quia ad hoc eorum non se extenderit autoritas, vt perperam Canus voluerat.

An quia alij Pontifices hanc non absoluerint controuersiam, modo non liceat Sanctissimo Domino eam expedire?

## § V.

21 *Dubia multa & grauiora post multa sæcula definita recensentur.*

22 *Secundum temporum & rerum circumstantias varia varijs temporibus definiuntur.*

23 *Potest tolerari quapiam controuersia dum graue non faciscit negotium Ecclesie.*

24 *Temporū calamitas petit ut iam hac controuersia dirimatur.*

*Dubia multa post multa sæcula sunt definita.*

21 **A**N verò quia ob assignatas rationes, aliasve quas consulto, reticeo, siue ob plures nobis occultas, id non præstiterint prædicti Pontifices, modo debeat retardari Sanctitas Vestra, ab ea definienda, licet Aduersarij id persuasum velint, ego alijs similibus

libus euentibus, & in longum protractis definitionibus diffuadere conabor. Primum propono exemplū grauiſſimum de ſacris Scripturæ libris. Satis ab initio ex Orientis Eccleſiæ dubitatū eſt, quinam eſſent tanquā Canonici recipiendi, vel qui tanquam apocry-  
De libris  
Canonicis.  
phi reiſciendi, nec quantumcunq; in multis Concilijs, & Synodis, de eis actum ſit, multotiesque à Pontificibus, & Sanctis Patribus enumerati, vel recenſiti fuerint etiam per Clementem Apoſtolorū & coætaneum, & diſcipulum in canonibus illis Apoſtolorū, qui illi tribuitur, & quos Trullana Synodus approbauit, & poſtea in Laodicea. & alijs Concilijs fuent de eis controuerſum, nunquā ad certum hunc numerum indubitatum, quem modo veneramus, perueniunt. ita quod in fide non peccaret, qui quosdā ex eis dubios negaret: donec vltimō Tridentin. Concilium docuit, quinam pro veris & canonicis erant ſuſcipiendi. Plurimi erant grauiſſimi Doctores, qui plurimos ex eis negarent, vel in dubium reuocarent, & in multis Concilijs quamuis de eis ageretur, in nullo tamen exactè definitum eſt, an illi omnes, de quibus erat controuerſia, pro canonicis forent recipiendi. An vero proinde non potuit vel non debuit Tridentina Synodus, quod tot prætermiſere Pontifices & Concilia, infallibile de eis proferre iudicium, quos integros, & certos habemus pro canonicis enumerando & recipiendo?

Verſionem ſeu editionem vulgatam cæteris prætulit tranſlationibus idem Tridentinum; cum tamen apud quamplurimos Pontifices & Concilia ex alijs editionibus quædā non humilem habuerint commendationē, & ægrius duxerint magni viri præcipue Auguſtinus, Hieronymi (licet maximi apud eum honoris, & nominis) verſionem comparari 70. Interpretum editioni, quam ante Concil. Tridentinum cenſeri poſſet iniurioſum hanc vulgatæ præferri. qui videre voluerit ſummam, quam Auguſt. cenſuit tribuendam 70. Interpretibus, authoritatem, legat eum Epist. 8. 10. & 19. ad Hieron. l. 1. qua ſt. ſuper Exod. q. 169. & alibi paſſim, & præcipue l. 2. de doct. Chriſt. c. 15. & l. 18. de Ciuit. Dei c. 43. vbi contendit nullum vnum Interpretem his tot ac tantis eſſe præferendum. Paulatim tamen huiusmodi res graues aperiuntur, nec omnes ſimul libri Canonici, ab Eccleſia ſunt cōmuni vſu recepti, nec ſtatim vt prodijt vulgata editio, fuit cæteris prælata. Quod enim quibuſdā Patribus & Concilijs fuit obſcurum, poſtea eſt temporis decurſu patefactum.

Circa proceſſionem Spiritus Sancti magna fuit controuerſia, in-

De 722  
fune Spri-  
tus Sancti. ter Latinos & Græcos Doctores, & in Ephesino satis inter Theodoretum, & D. Cyrill. Alexandrinum de ea disputatum est, ut videre est in impugnatione Theodoret. ad 9. anathematismum Concil. Alexandr. apud Cyrillum, in lib. ad Euoptium, & in 3. parte eiusdē Concilij, ubi obiter de hoc controuersum est inter vtrumq; dum vnus altrueret, alter negaret personalem Christi diuinitatem. In alijsq; Concilijs de hoc ipso præcipuē tractatum est, & post quædā sæcula Ecclesia per additionem illius verbi, *Et illicque*, (quæ quando facta sit, & an ante Concil. Tolet. 3. ignoratur) modum proclationis explicauit. Quod recte à Pontificibus, factum esse postea in Concilio Florentino fuit declaratum.

De 231  
origi.

Per multa sæcula dubitatum est, de origine animæ, quibusdam contententibus ex traduce diuini; alijs immediate à Deo creati; alijs vero aliter opinantibus. Quæ controuersia inter maximos Eccles. Patres viguit, etiā ad tempus August. & post sub Greg. Magno, quæ satis dubios & suspensos tenuit præcipuos Eccles. Doctores, & præcipue August. (ut alias & in præcedenti Tractatu de inæqualitate vtriusq; opinionis ostendi) ac S. Gregorium, ut ipse falsus est, in Decretali ad Secundin. (quæ habetur to. 3. Concilior. sub Sixto V. editorum) dicens; *Sciat dulcissima mihi tua charitas, quia de origine anime inter S. Patres requisitio non parua versata est: sed vtrum ipsi ab Adam descendit, an certe singulis detur, incertū remansit, eamq; in hac vita insolubilem fassi sunt esse questionem. Grauis enim est questio nec valet ab homine comprehendendi.* Vnde liquet versatam, & agitatam satis à Patribus, & perpensam à Pontificibus fuisse, ab ijsq; iudicatam omnino insolubile, nec satis eis tunc constitisse, pro qua parte debuerit definiri, & tamē à Leone IX. in explicat. fidei Rom. ad Petrum Episcop. Antiochen. (quæ habetur to. 4. eorundem Concilior.) declaratum est, & decissum ex nihilo creati; quare & recte D. Tho. 1. p. q. 118. ar. 2. in c. ait hæreticum esse dicere quod anima intellectiua, traducatur cum semine. Quomodo ergo potuit tanta ac talis questio, quam ausi non sunt præcipui Eccles. Patres, & Pontifices renuerunt dissoluere a posteriori Pontifice enodari; si ex eo quod hæc nostra ab alijs, sub quibus tractata est, non fuerit de fide decisa (licet semper in negatiuam partem inclinauerint, eamque non parum commendauerint) iudicetur modo indefinibilis, & insolubilis?

Animas etiā iustorum non vltimas ante diem Iudicij diuinam essentia sub multis Pontificibus, & per multos Patres (quos interius

Gregor.  
1. Epist.  
ad Secundin.

inferius referam) grauissimè discussum est, & non leuiter inculcatum, ita quod non solum abstinerint à vera definienda, verum & Ioan. XXII. plus æquo in falsam inclinauerit partem, vt refert cum alijs multis Sanderus libro 7. de visib. Monar. postea tamen Benedictus XII. quam modo sequimur & credimus definiuit sententiam.

Dubitatum est olim an in Baptismo simul cum gratia infundebantur virtutes, vt colligere est ex cap. Maiores, & ex Concilio Viennen. & habetur in Clement. de Summa Trinit. licet in affirmatiuam magis inclinauerint Concilij Patres (abstrahendo à nominibus qualitatibus vel habitibus) vt videre est in illis verbis; *Non opinionem secundam, quæ dicit tam paruulis, quàm adultis conferri in Baptismo informantem gratiam, & virtutes tanquam probabiliorum &c. duximus eligendam.* Et tamen quod Concilium Viennen. non definiuit de fide, docuerunt Concil. Florent. sub Eugen. IV. & Trident. Sess. 7. can. 6. & 8. Cur ergo & Tua Beatitudo cuius & æqua est cum Concilio potestas, imò à quo habent Concilia auctoritatem, quam Tridentinum prætermisit in hac nostra controuersia definitionem, non possit adijcere, & quam probabilissimam ostendit sententiam, omnino veram & tenendam iudicare?

22 Innumera sunt mihi, eaque grauissima huiusmodi controuersiarum per multa tempora in Concilijs & sub Pontificibus, & maximis Doctoribus discussarum, & definitionum, quæ in posteriora sæcula differebantur, exempla; quibus ne nimium Tux Beatitudini tædium pariam, supersedeo, ad memoriam reducens, quod alias adnotaui, multa in posteriores ætates aperienda à Deo seruari, nec simul omnem, quam modo habet doctrinæ lucem sub eadem certitudine Ecclesiæ effulxisse. Nam sicut lumen (vt eleganter notauit Tertullianus) non statim splendore solis impleuit, & cælum non statim stellis syderibusque signauit, sic etiam religio sensim, & gradatim ad perfectionem in multis procedit: Gregorius Ecclesiam auroræ comparauit, quæ paulatim clarius effulget, & successiuis incrementis ad meridiei claritatem ascendit. Sic etenim Ecclesia non statim vel repente ab initio omnia documenta percepit. *Multa habuit ei dicere Christus, quæ tunc non potuit portare.* In ipsa aurora exorientis infantie, quæ nouæ plantationis teneritudini conueniebant, & quæ necessaria erant fidei, suauiter & paulatim ei reuelauit Mysteria. Quæ licet omnia fuerint vel in

De visione  
baptismi  
ante dñm  
Iuday.

De infu-  
sione vir-  
tutum in  
Baptismo.

Vide  
Suar. 10.  
3. in 3.  
part. disp.  
26. Sect.  
2.

Varij tem-  
poribus &  
varijs simi-  
tudinibus.

Tertull.  
contra  
Hermog.  
c. 27. to 3.  
Greg. ho.  
16. in E-  
zech. &  
1. 9. Mo-  
ral. c. 6.

Ioan. 16.  
12.

facris litteris, aut Apostolis vel eorum discipulis tradita, non tamen eadem claritate, ut de quibusdam non dubitetur, & de alijs non controuertatur. Quare Spiritus Sancti quotidiana dignatione, & supernaturali illustratione succedentibus sæculis, pro temporum exigentia, prouectorum captu, & cœlesti dispensatione, vel quæ sub obscuritatis velo latebant, diuino lumine sunt patefacta, vel nouis illuminationibus, & continuis incrementis, circa res fidei multa Deo inspirante, sunt vtiliter ab Ecclesia stabilita. Perpetuum habet motum quotidie proficiscens Ecclesia, donec ad perfectam venerit meridiei claritatem, in qua obscuritatis velo obducto cuncta patebunt. Nihil ergo mirum si posteriores Pontifices percipiant, & de fide definiant, quod priores vel latuit, vel illi definire noluerint, dum crescente vel clarescente, quotidie cœlesti disciplina, & diuino desuper clarius irradiante fulgore, exactius perspicitur quod antea sub obscurius apparuit. Rerum etiam circumstantiæ variæ, se offerunt, diuersæ ingruunt temporum calamitates, nouæ & molestiores sunt quandoque Ecclesiæ necessitates, quibus variè & diuersè est occurrendum, & temporum considerata varietate varia sunt applicanda remedia. Quod si noua quædam tempestas sub aliquo Pontifice vltimum non expostulet remedium, sed faciliori modo placari potuerit, faciliter & suauius eius fluctus compescit, & serenitatem inducit, si vero sub alio maiores offerat molestias, grauiusque immineat periculum, vltius, & vltimum si oportet adhibet remedium.

23. Si aliqua in Ecclesia controuersia non magnum, sed leue faciscit negotium, prudenter toleratur, aut vltius discuti facillime permittitur, donec veritas magis innotescat. Quod si post longam concertationem, periculum imminet, aut scandalum vrget, & dissensiones inter controuertentes, vel cæteros fideles ex concertationibus oriuntur, non est vltius differendum remedium, nec vel tantillum dissimulandum, sed diffinitiuâ sententiâ controuersia debet dissolui, & exorientes discordias decet sopiri. Dum molesta nimis vel scandalosa non fuerat vel lites aut discordias non generauerat illa, quam supra tetigimus controuersia, de iustorum beatitudine ante diem iudicij eam non diremit Ecclesia, sed in multa protrahi sæcula de hac re disputationem permisit. Et licet dum quæstio hæc discutebatur, septem vel octo celebrata sint generalia Concilia, aliaque innumera prouincialia, & nationalia in nullo

*rerum & temporum circumstantiæ quædam d'finitius exponant.*

*Tum molestia non est dissimulanda: potest controuersia.*

in nullo tamen definita est, licuitque cuiunque quam mallet, sè-  
tari opinionem. Quosdam habuit affirmatiua fautores, sed non  
paucos aut contemnendos (si authoribus infra citandis credamus)  
quæ falsa erat, negatiua. Per mille, & tercentum fermè annos de  
ea actum est in Ecclesia, incepit enim ferè ab Apostolorum tem-  
pore, & peruenit ad annum 1335. in quo definita est tanquam vera,  
& de fide credenda, sententia asserens animas iustorum nihil ha-  
bentes expiabile in purgatorio, statim clara, & facili frui Dei vi-  
sione. Quamuis enim grauilissimos, Patres, habuerit contraria opi-  
nio patronos (vt reitatur Castro verbo Beatitudo hæresi 6. & San-  
derus lib. 7. de visib. Monar. sub anno 1316. Bellarm. de Sanctis lib.  
1. cap. 9. Gabr. Vasquez tom. 1. in 1. 2. disput. 19. cap. 1.) quos re-  
fert Sixtus Senensis infra citandus & alij, videlicet Iacobum Apo-  
stolum in Liturgia (si eius tota dicenda sit) Iræneum in fine lib. 5.  
aduersus hæreses. Iustinum in libr. quæstionum à gentibus posi-  
tarum q. 60. & 76. Tertull. lib. 4. aduersus Marcion. & lib. de ani-  
ma c. antepenult. & ultimo. Clementem Roman. l. 2. Hypotipol.  
vt ex Cornelio Agrippa refert Sixtus Senen. Origin. hom. 7. in Le-  
uit. l. 2. in fine, & lib. 4. Periarchon prope finem. Lactant. lib. 7.  
Diuin. instit. c. 21. Victorinum Martyr. commentarijs in Apocal.  
ad illa verba; *Vidi sub altare Dei &c. animas occisorum.* Prudentium in  
poëmatibus & in hymno decem & octo Martyrum Cæsaraugu-  
stianorum. Ambrosi. lib. 2. de Cain & Abel cap. 2. & lib. de Bono  
mortis cap. 10. Ioan. Chrysost. hom. 39. in prior. ad Corinth. alijss-  
que multis in locis. Authorem operis imperf. homil. 34. in Matth.  
in illud; *Erunt nouissimi primi, & primi nouissimi.* August. in Psalm. 36.  
lib. 12. de Genesi ad litter. cap. 9. & alibi Theodoretum in cap. 11.  
ad Hebræos. Aretham. in comment. ad Apocal. sub illis verbis;  
*Vsquequo Domine non vindicas sanguinem nostrum.* Oecumerium in cap.  
11. ad Hebræos. Theophilac. in cap. 23. Lucæ ad illa verba; *Hodie  
mecum eris in Paradiso.* & in cap. 11. ad Hebræos. Euthym. in cap. etiam  
23. Lucæ. & Bernard. serm. 3. & 4. de omnibus Sanctis, quorum  
verba & sententias diserte refert Sixtus Senen. lib. 6. Bibliothecæ  
sanctæ annos 345. vt tamen rumores, eosque magnos in Ecclesia  
excitauit, grauium etiam viris doctis & plebeijs disceptatio hæc  
fuit occasio scandalorum, statim Benedictus XII. seu sub alia sup-  
putatione XI. immediatus Ioannis XXII. successor, sub quo  
Cardinalitia fullit dignitate, & bene perspectum habuit quam

*Sui sen-  
sunt san-  
ctos non vi-  
dit. Deum  
autem dum  
indag.*

acriter Ioannes suus prædecessor contrariam tuebatur partem, affirmatiuam tamen videlicet, ante diem Iudicij videri diuinam essentiam à Sanctis, pro Catholica & sana diffiniuit. Quod & factum est postea in Concil. Florent. Sess. vltim. in litteris vnionis, missis ab Eugenio & Concilio ad Episcopos, ibi congregatos; in Concil. etiam Francoford. in Epist. ad Episcopos Hispan. & habetur in cap. ad Apostolicam de Presbyt. non baptizat. Nec aliam præbet rationem Benedictus, vt quod tot Pontifices efficere noluere, & contra tot Sanctorum Patrum sententias ferret iudicium, quàm vt magna scandala & perturbationes, quæ ex illa controuersia oriebantur, sedaret. Verba eius sunt in extravag. *Benedictus Deus. Defuncto prædecessore prefato* (Ioan. videlicet XXI.) *nos diuina dignatione ad apicem summi Apostolatus assumpti, diligentius attendentes quanta ex præmissis eorum concertationibus non solutis, animarum imminet pericula, quanta exinde possunt scandala suboriri, vt ipsorum varietas pereat, & veritatis soliditas innotescat, habita prius super prædictis sollicita examinatione &c. definimus.*

*Temporum  
calamitas  
petit vt  
hic contro-  
uersia de-  
finiatur.*

24 Si ergo propter scandala sedanda fecit Benedictus quod vt alij non fecerunt Pontifices sub quibus eiusmodi, vel tam ampli non vigeant tumultus nec dissensiones, cur non & Tuæ Beatitudini liceat propter ingentem modo tot regnorum calamitatem, & tantorum quotidie suborientium scandalorum periculum, definire, quod alij Pontifices omiserunt, sub quibus tanta non erat definitionis necessitas? Si tantorum non habuit Benedictus Patrum rationem, si eorum tanta & tam magna non obstitit authoritas, vt pro Ecclesiastica quiete illam non dirimeret controuersia, non est cur Tua Beatitudo remoreatur ab hac nostra decidenda propter apparentem & falsam congeriem Doctorum quos Aduersarij sibi ad stipulari voluerunt. Quorum & si daremus aliquos cum illis sensisse, facilius eorum exponi possent benignè sententiæ, quàm illorum verba, qui perperam senserunt in hac alia controuersia, quos tamen & si difficilius, sanè & catholicè interpretantur sacræ pagine & Scholastici Doctores. Multa sunt ergo quæ quibusdam temporibus licet indefinita præterire, quibus, in alijs, sedula admo- uenda est manus, & maturo iudicio solertissima cura impenden- da. Pro temporum ratione & circumstantiarum aut necessitatum varietate dissimulare licet, vel diffinire oportet. Tanta est modo rerum calamitas, vt vltius non liceat dissimulare, nam vltimum iam exposcit remedium.

An



An possit condemnari affirmatiua opinio, & an conformior sit sacrae Scripturae, & Sanctorum Patrum doctrinae.

## §. VI.

25 *Affirmatiua non est conformior sacrae Scripturae, vs sola dicatur definitiua.*

26 *A regulis vniuersalibus originalis peccati sicut ab alijs Scriptura potest excipi Virgo.*

27 *Facillime illis regulis vniuersalibus adhiberi possunt explanationes.*

28 *Non modice ostendit qui adhuc tenacius asseruerit affirmatiuam in Scriptura contineri.*

29 *Contra heterodoxos multi Doctores probans non esse Scriptura conformiorem.*

30 *Non est conformior Sanctorum Patrum doctrinae.*

31 *Et si aliqui ex Patribus affirmatiuam docuissent, adhuc negatiua potest desiniri.*

32 *Contra vniuersum modo Doctorem sententiam Ecclesia nullatenus definitiua affirmatiuam.*

25 **H**ucusque largius, quam volebam, sed secundum quod *Affirmatiua non est conformior Scripturae.* rei granitas exigebat, sermonem protraxi de primi asserti eiusque fundamentorum falsitate: secundum breuius examinabitur. Dicunt Aduersarij non posse aliam, quam suam sententiam de fide doceri à Pontifice, quia & Scripturae & Sanctorum Patrum doctrinae existimant conformiorem. Sed decipiuntur sane; nullum namque pro se proferre possunt ex sacra Scriptura locum praeter illa generalia, quae in praecedenti Tractatu de inaequalitate vtriusque opinionis ostendi, parum aut nihil eis conducere ad suam opinionem stabiliendam, dum & liberrimam concessit Ecclesia licentiam Virginem ab eis eximendi, & cum illa rigorose, & secundum fidei tenorem, & necessitatem credendi, explicaret, noluerit eam sub eisdem comprehendere. Quam conformitatem habet cum regulis peccati, quae prorsus à peccato immunis ab omnibus proclamatur; *Quae libera seu (si mauis) liberata ab omni contagione corporis & animae*, in plenario Concilio praedicatur quae in alia vniuersali Synodo, dum de hac ipsa re agitur immaculata vocatur, quam aliud Oecumenicum, licet non legitimae authoritatis Concilium, ab hac originalis labis infamia liberare conformius ipsi iudicauit Scripturae, quam omnes in vniuersum populi Christiani nunquam peccato aliquo in vllò instanti foedatam firmitissime, & & deuotissime credunt? Nunquid, quod Scripturis est conformius, non amplecteretur Ecclesia? Nunquid, quod ab eis longius recedit suos fideles doceret, aut venerandum proponerent, ut fecisse

In Epist.  
Sophron.  
lecta in 6  
Synod.  
act. 11.  
Tident.  
Sess. 5.  
Basilien.  
Sess. 36.

cisse in superioribus Tractatibus ostendi. An demum tot ac tanti Catholici Doctores, & Orthodoxi Pastores spontaneo & irrevocabili voto se constringerent. Ut Virginem sine originali conceptam in perpetuum crederent & docerent, si contrarium magis ad sacram Scripturam accederet, & verosimilius in illa contineretur?

*Ab alijs re-  
gulis uni-  
versalibus  
excipitur  
Virgo.*

26 Si aliud est expressius ad eos Scripturæ testimonium præter illa generalia, quæ omnes homines comprehendunt, illud proferant in medium; vel si non est, cessent nobis illa obiectare, quæ nullum faciunt negotium. Nec enim firmiora sunt hæc aut strictius absque vlla exceptione sunt accipienda, quam alia pluraque eiusdem sacre Paginæ à quibus licuit, decuit, ac debuit Virginem eximi. Definitum est (ut quibusdam verius placet) eam peccato nullo veniali coinquinatam determinatum etiam perpetuam fuisse Virginem, non peperisse cum dolore, aut sordibus; creditur firmissimè in Ecclesia, corpus etiam nequaquam in cineres redactum, aut alia ex parte corruptum, sanctam natam, & per totam vitam inculpabilem. Si vniuersales sacre Scripturæ locutiones in his attendamus, eisque rigorosè adhæreamus, & nullam pati exceptionem pertinaciter asseramus, Ecclesiam dicemus errasse in sua fide & definitionibus. Quod si hoc horreamus, vel proferte, aut aliquantulum cum hæreticis affirmare; admittamus, necesse est, has, hisque similes sacre Paginæ regulas huiusmodi pati exceptiones, quod optimè docuerunt Hieronymus, Fulgentius, Photius Constantinopolitanus & alij, qui nullam ferme esse aiunt huiusmodi vniuersalium sententiarum, quæ aliquam non admittat restrictionem aut exceptionem. Quod si ab illis alijsque admittunt Aduersarij Virginem sanctissimam referuare licere, & debere, ut quid solum ab hac maledictione communi eam nolint excludi? Si non sit conforme sacre Scripturæ tories inculcanti; *Neminem esse qui non peccet* (Parolip. 6.) *Nec cuius vnus dies sit vita super terram*, Iob 14. *Omnes declinasse*, Psalm. 13. *Ipsam se seducere qui sine peccato se asserit esse*, 1. Ioan. 1. Nec secundum illam liceat dicere Virginem aliquid vel veniale fecisse peccatum, quare dicetur conforme sacre Scripturæ habuisse quod grauius est, originale? Nec grauius nec firmitus est fundamentum pro vno quàm pro alio, nec firmior Patrum consensus, ut statim dicetur.

*Hieron.  
passim in  
Psalmos.  
Fulgent.  
l. de in-  
car. &  
gratia  
Christi.  
cap. 31.  
Photius  
in respō.  
ad Am-  
philoch.  
Vidēdus  
Martini.  
Martini  
nez l. 6.  
hypoti-  
pos. c. 3.  
pag. 460.*

*Gemuna  
possunt ad  
huius locum*

27 Sed quia semel & facilius, re prius non diligentius perpenſa in principio controuersię in hanc sententiam abeuntes, eam rigorosiorum

harum vniuersalium locutione firmarunt, sub eaque comprehendendi Mariam asseruerunt, ne causæ cedant, aut aliter sententiæ labenti magis præiudicent, semper eam in Scriptura contendunt haberi, & Scripturæ sententiam esse affirmant. At certè cum, vt alias dicam, loca illa varias habere possint salua fide intelligentias, secundum diuersam Virginis ab alijs conditionem, & supereminentem cæteris hominibus excellentiam, de cæterisque possint intelligi secundum actualem contractionem, de Maria secundum debiti obligationem, (per quam distinctionem & fidei veritas, & Virginis privilegium possint saluari, & credi cum Ecclesia omnes homines originali labe fœdatis in sua Conceptione, & immaculatam mundissimumque fuisse Conceptum Virginis, saluaque fidei integritate cum cæteris Catholicis in hac sententia possit conueniri) aequius & consultius certè esset in sua illa rigorosa & nimis stricta interpretatione iam amplius non ita velle persistere. Magni certè facendum & libenter amplexandum illud Augustini consilium; *In rebus* (inquit) *obscuris, atque à nostris oculis remotissimis, si qua inde Scripta, etiam Diuina, legerimus, quæ possint salua fide, quæ imbuimur, alias atque alias parere sententias, in nulla earum nos præcipiti affirmatione ita præiudicamus, ut si forte diligentius discussa veritas, eam rectè labefactauerit, corruiamus: non pro sententia diuinatum Scripturarum, sed pro nostra ita dimicantes, ut eam velimus sacrarum Scripturarum esse, quæ nostra est; cum potius eam quæ sacrarum Scripturarum est, nostram esse velle debeamus.* Aduersarij ita pro sua dimicant sententia, vt omni conatu audeant inculcare eam in sacra Scriptura contineri, eam volentes Scripturæ esse, quæ sua est; cum potius quæ sacræ Scripturæ est, suam esse velle debuissent. Non vero suam, sed contrariam esse eam, quæ sacræ Scripturæ est in præcedenti Tractatu largius ostendi, ex alijs sacræ Scripturæ locis probaui, & ex Ecclesiæ intelligentia confirmaui. licet etenim in sacra Scriptura non dicatur expressis verbis Mariam ab originali fuisse præseruatam, inde tamen colligitur firmè, hoc vel latenter in eis contineri, quod illud iam vniuersæ ferè placuerit Ecclesiæ, dum Doctores pænè omnes in scriptis, & vniuersa Ecclesia in suo cultu, ita firmiter profiteantur & doceant; *Nam quamuis* (vt grauissimè docuit idem Augustinus in alia materia) *huius rei de Scripturis Canonici non proferatur exemplum, earundem tamen Scripturarum, etiam in hac re à nobis tenetur veritas, cum hoc facimus quod vniuersæ iam placuit Ecclesiæ, quam ipsarum Scripturarum commendat auctoritas, ut quoniam sancta*

*Scriptura  
in hac que  
sunt ex  
phantasiis.  
Itaque sic  
reuel. 4.  
14. 11. 36*

*August.  
1. de cen.  
ad liter.  
cap. 18. au-  
tine to. 3.*

*Aug. 1. 1.  
contra  
Crescon.  
Gramat.  
c. vi. to. 7.*

*Scriptura*

*Scriptura fallere non potest, quisquis falli meruit huius obscuritate quæstionis, eandem Ecclesiam de illa consulat, quam sine ulla ambiguitate sancta Scriptura demonstrat.* Vniuersæ iam placuit Ecclesiæ Mariam sine peccato conceptam fuisse, celebrare & docere, vnde cum non dicatur expressè in Scripturis Canonicis eam peccatum contraxisse, illaque vniuersalia loca noluerit Ecclesia de Maria promiscuè cum cæteris explicare, aliaque specialia de Mariæ Conceptionis sanctitate ei placuerit interpretari, vt sæpius adnotauimus, satis clarè credendum ostendit, negatiuam sacræ Scripturæ esse conformiorem. quicquid etenim Ecclesia colit, id tenet Scriptura sine ulla ambiguitate; quod Christianos populos docent Summi Pontifices, idem habent libri Canonici. Cum etenim ab eodem spiritu & illi dictentur, & ista regatur, in contrarios sensus non possunt protrahi, nec diuersos conatus possunt habere.

Graviter  
difficile  
qui ad hoc  
affertur  
nam con-  
firmatur  
in Scri-  
ptura.

Hier. l. 2.  
aduertus  
Ruff. pa-  
rum a  
pauca.

Didacus  
Payua l.  
1. c. de sen-  
tentiis  
Tud. fi-  
dei p. 3.  
sed quo-  
mani.

SIXT. IV.  
in extra-  
ua. Gra-  
ue hæc.

28 Graviter ergo errat, & iustè Doctorum animos in se concitat, qui affirmatiuam sententiam Scripturæ conformiorem pertinacius asseruerit, & nullam se scire vel posse his regulis explicationem adhibere dixerit, cum Ecclesia & Pontifices Summi manifestas insinuent, & in contrariam abierint opinionem. Rectè profectò aduersus Ruffinum Hieronymus. *Miraris immeritò* (inquit) *si aduersus te fratrum scandala concitentur, cum id nescire te iures, quod Christi Ecclesia se scire confitetur.* Planus est Ecclesiæ sensus, eam videtur offendere, qui contrarium illius, quod illa colit, dicit in Scriptura contineri, vel magis illi conformari. *Neque enim* (vt grauissimus vir Didacus à Payua, qui cum laude non modica floruit in Concil. Tridentino, de hac ipsa re loquens, & eandem obiectionem refellens ait) *nisi grauissima impietatis nota Romana Sedi iniusta, ea quis putabit cum sacris litteris, maiorumque placitis pugnare, que singulari illa honore prosequitur, & ab omni quàm longissimè impietatis suspitione abesse confirmat. Nam cum eorum voces falsas esse erroneas, & à veritate alienas Sixtus pronunciauit, qui impietatis condemnant existimantes Virginem Mariam sine peccato fuisse conceptam, quæstionisque iudicium integrum atque liberum reliquit, an non satis prodit Dei Genitricem non esse in aliorum mortalium ordinem necessario redigendam? & Pauli Sanctorumque Patrum sententias, quo sunt apertiores eo minus huic sententiæ offerre?* Graue certè testimonium Tridentini Concilij præclarissimi Theologi, qui dum in eo viderit Sixti Constitutiones, confirmari de sensuque locorum Scripturæ circa peccatum originale stricto examine agi, sub ijsque omnes Patres iudicauerint

cauerint non esse comprehendendam B. Virginem Mariam, facile sibi perſuaſit ſententiam affirmatiuam non eſſe ſacræ Scripturæ conformiorem; Aliter etenim viſum eſt ei, non dubitatuſus Sanctos illos Patres ſub eadem conditione cum cæteris mortalibus, Mariam recensere.

29 Prætereo modo largiorem mentionem illius iudicij Theolo-  
 gorum Baſilien. (inter quos magni erant, & ſancti nominis Viri) <sup>Doffores, reſellunt hæreticos conuictos affirmati- uam in ſcri- pturis con- ſtituta.</sup>  
 negatiuam ſacræ Scripturæ conformiorem eſſe dicentium; Taceo  
 inſuper præclariffima teſtimonia præcipuorū huius noſtræ, & an-  
 terioris ætatis Doctorem, qui idem doctiſſimè probant, & ſolertiſ-  
 ſimè deludant in liberanda pia ſententia ab impia calumnia hære-  
 ticornum, quā dicunt Eccleſiam & Patres ſequi & amplecti ſenten-  
 tiam Patribus & Scripturæ contrariam. Cum hæreticis etenim cir-  
 ca hanc obiectionem fuit iſdem acris concertatio. Pomeranum &  
 Heluſium ridiculos in hac re cenſores, ſuæ impudentiæ, & men-  
 dacijs, & falſi pro verbo Dei ſcripto zeli, conuincit Caniſius, Kem-  
 nitium, & Lutherum ſimiliter in hac re calumniatos & deceptos  
 oſtendunt alij. Vnde in hac aſſertione reſellenda, affirmatiuam ſci-  
 licet in Scriptura contineri, vel negatiuam certò Scripturæ contra-  
 ire, & conſequenter contra Scripturam doceri, & profiteri in Ec-  
 cleſia, contra heterodoxos homines arma ſumunt Doctores ortho-  
 doxi. Nec enim cum probis, & catholicis Viris ſibi in hac re con-  
 ſiſtendum iudicarunt, quos indubiè putarunt, nequicquam tale  
 dicturos. Vnde cum contra Martinum Kemnitium, (hoc idem in  
 hac re obiectantem, & Trident. Patres impietatis condemnantem,  
 quod à Sixto IV. editis conſtitutionibus (in quibus Kemnitius  
 planè fatetur Virginem ab originali liberari) inhærendū eſſe cen-  
 ſuerint, propterea quod ſacris litteris, & maiorum placitis neſariè  
 putat eas repugnare) ſupradictus Paya diſputationem præpara-  
 ret, ait; *Si cum pijs tantummodo, & Catholicis viris mihi reſeſſet qui Romane  
 Sedis prærogatiuas pro dignitate ſuſcipiunt, ſatis proſectò Sixti Pontificis Triden-  
 timq; Concilij eſſet authoritas, ut Virginem Deiparam generalibus illis Pauli ſan-  
 ctorumq; Patrum ſententijs, nequaquam contineri ſibi perſuaderent.* Nullum  
 ergo credo ex pijs, & Catholicis Viris eſſe, cui liberè iudicare liceat,  
 qui ita ſibi pænitus perſuadeat, vel qui tenaciter dicat eos qui Ma-  
 riam ſub communi ſcelere, hauſto ab Adamo, enumerant, propius  
 aut verius ad ſacram Scripturam accedere; proindeque illorum  
 potius quàm noſtram ſententiam eſſe definibilem.

Z

De

*Affirmati-  
ua non est  
conformior  
sanctorum  
doctrina.*

30 De Patrum verò sententijs in hac re præterquam quod particularem Tractatum Tuæ Beatitudini obtulerim, in quo, quod & in hoc iam tangere incæpi, adnotavi, nullum, aut ferè nullum contra Virginæ Conceptionis innocentiam expressè aliquid dixisse, modò breviter ostendam, falsam esse illam secundam rationem, propter quam dicunt Aduersarij solam affirmatiuam definiri posse, videlicet, quia conformior est SS. Patrum doctrinæ. Vellent omnes, qui quidquam in hoc negotio tractant, & cuncti ferè Viri docti, & præclaræ Academiæ, ut in hoc vno cardine tota controuersiæ moles versaretur, & Tua Beatitudo dignaretur iubere, ut sibi afferrentur vtrinq; omnes S. Patres, qui quidquam in hac re pro vna vel contraria sententia expressè pronunciarunt. Qua vel vna hac diligentia adhibita, experiretur Vestra Sanctitas, tam falsum esse, quod dicunt Aduersarij, quam verum esse quod in citato Tractatu ego animaduerti, ex apparenti & violenter congesta illa congerie Patrum apud Bandellum, Bandelloque similes reprobatos, aliosve Authores, paucissimos esse vel nullos, qui expressè ferant sententiam contra Virginem, ceterosque vel fermè omnes corruptos, & mutilatos esse in verbis, quæ ex eisdem proferuntur. Quod & candidus certè ille Auctor, nulli parti plus æquò fauens Payua, aduertit, dicens; *Minime verum est communi veteris Ecclesiæ sententiæ illam (nempe piam) repugnare cum præsertim à multis videam Sanctorum Patrum testimonijs à quibusdam oppugnari, quæ partim sunt deprauata, partim nihil ad rem faciunt.* Hoc idem deprehenderunt, qui seduliori cura, & diligentiori lectione Sanctorum Patrum libros euoluerunt; & duos vel ad summum tres affirmatiuæ adhæsisse sententiæ concedunt, hosque ipsos benignam, & suauem pati explicationem adnotarunt.

*Payua  
cit. 9. ne  
me vero  
putes.*

*Ultra fau-  
ori facit  
posse Eccle-  
siæ negati-  
uam assi-  
mere.*

*Cano 17.  
c. 3. con-  
clus. 5.*

31 Et licet demus, sed non concedamus, quosdam fuisse qui affirmatiuam expressè docerent, non ita securam in quindecim Doctorum (quos solos pro se citauit Caietanus, sed fallo, nec mirum, cum vel ipso Cano attestante; *Vetus hæ traditionis parum tenax fuerit, & in sanctorum lectione parum versatus*) gremio requiescere putandum est, ut nullatenus possit ab Ecclesia explodi, sed necessariò illam si his dirimeretur esse diffiniendam; cum, ut non semel adnotauerim, totidem & plures Doctores non ita potestatem Ecclesiæ coarctent, & ligent, ut si consultum, & rectum duxerit non possit contra eos cum alijs definire. Plures sunt & grauiores ij, quos

quos supra retuli, contra quos cum alijs definitum est circa animarum ante diem Iudicij beatitudinem. Plures & grauiores, contra quos docet Ecclesia Angelos esse spirituales. Plures & grauiores, contra quos, vel quibus dubitantibus de varijs libris & scripturis Canonice eorumque editionibus, plura sunt statuta ab Ecclesia. Multi & graues sunt, quos quidam citant & volunt sensisse ipsissimam hanc Virginem actualiter peccasse, contra quos tamen actualem eius innocentiam certò credit Ecclesia. Aliaque multa sunt huiusmodi, quæ refragantibus aut circa ea nutantibus multis Doctõribus, decisa sunt à Pontificibus. nec enim paruum Doctõrum aggerem, sed Dei sapientiam, & spiritum pro regula, & rectore veritatis habet sancta hæc nostra, quæ falli non potest, Mater Ecclesia. Quos tamen iusto honore veneratur, & contra quorum omnium vnanimem consensum nunquam aliquid statuit, vel leuiter senserat aliquando.

32 Cum igitur nulli sint Patres pro illorum opinione, vel ad summum velimus eos dare non concedere, quos Caietanus recenset, numquid ob illorum truncata verba, ambiguas locutiones, & facîle solubiles authoritates, eam definiendam sibi possunt persuadere Aduersarij, contra vnanimem recentiorum, & multiplicem, maximamq; vetustorum sententiam? Antiquiores vt modo præteream, an ne contra omnes modernos, & communem huius nostri sæculi sensum sententiam dicet Ecclesia? Contra eos, quos modo fidelium habet magistros, contra eos, quibus Academijs credidit, & animarum commendauit curam, proferet iudicium? Si interrogandi veniant orbis magistri, si animarum pastores, quid in hac re sentiant, nullus aut rarus erit, qui dicat Virginem peccato foedatam. Si ergo ad vltimum iudicium pertingat controuersia, credunt aut putant Aduersarij paucis eorundem votis, & non potius cæteræ Ecclesiæ firmo consensui esse adhærendum, & contra semetipsam suorumque fidelium deuotam & sanam credulitatem, Ecclesiam illorum definituram esse opinionem? Longe debet abesse à præclaris & religiosis Viris tanta præsumptio, vt plus sibi deferendum putent, quam cæteris totius orbis magistris.

*Contra vnanimem huius sæculi consensum affirmatiuam non dicitur Ecclesia.*



Solam negatiuam esse definibilem.

§. VII.

33 *Ut definiatur negatiua, non est lebritas huius Myſterij in Eccleſia Hieroſolymitana.*

34 *Quadam assignantur loca à Theologis, ex quibus negatiua poteſt deduci & deſiniri.*

35 *Non obſtant his alia loca vniuerſalia.*

36 *Firmiorem non adſtipulari alijs exceptionibus, quàm huic Eccleſiaſticam traditionem.*

37 *Peculiariter id oſtenditur in præſervatione Virginis ab actuali.*

38 *Ab Apoſtolis deducta eſt huius priuilegij traditio.*

39 *Immemorabilis eſt mentio, & ce-*

40 *In Eccleſijs Syria & Alexandria.*

41 *In Græciſ.*

42 *In Occidentalibus.*

43 *Ex conſenſu aliarum Eccleſiarum confirmatur in Patriarchalibus Eccleſijs traditio.*

44 *Ad Patriarchales Eccleſias recurrendum pro traditione Apoſtolica inueſtiganda.*

45 *Communis recentiorum conſenſus negatiuam ſolam diffinibilem eſſe confirmat.*

46 *Idem ſuadent alia rationes quæ breuiter perſtringuntur.*

*Ad h. finem  
dum n. g.  
tiam non  
requiritur  
expreſſum  
Scriptura  
locus.*

33 **E**X his iam probatum habetur, negatiuam partem ſolam eſſe definibilem. Si enim ad dirimendam hanc litem ſe applicuerit Eccleſia, vt eam poſſe, eiqueliceret & expedire ſupra probatum eſt, affirmatiuam non poſſit fidelibus credendam proponere vt proximè eſt inculcatum, reſtat vt ſolam negatiuam definiat. At ſtatim moleſtè inſtabunt Aduerſarij, vnde poſſit deſiniri? Vbinam habetur in ſacra Scriptura? Quisnam eſt ſacræ Paginæ locus, in quo doceatur? Quos tamen puto non ad eò ſe rigoroſos exactores exhibituros, vt expreſſa petant loca in quibus dicatur; *Maria non fuit in peccato originali concepta*, ne ſuæ etiam velint cauſæ præiudicare. Si enim vt definiatur negatiua, requirant, vt expreſſè habeatur in ſacra Scriptura eadem facilitate expoſtulabunt, & cæteri, vt illorum etiam ſententia ſtatuatur de fide, expreſſum debere aſſignari locum, vbi clarè & ſpeciatiim dicatur; *Maria in peccato concepta*. Nam vt acutè argumentatus eſt Tertullianus contra quorſdam dicentes: militibus Chriſtianis in exercitiis gentilium licere coronatos incedere, quia Scriptura non prohibebat, Tertulliano ipſo alijsque magis piè ſentientibus non debere eos illa ſorum ſerta, gentilitiæ vanitatis profeſſionem portare, quia Scriptura non iubebat, dicens; *Facile eſt ſtatim exigere vbi ſcriptum ſit, ne coronemur*;

*At*



*At enim ubi scriptum est ut coronemur? expostulantes enim Scripturae patrocinium in parte diversa, praeducant suae quoque parti, Scripturae patrocinium adesse debere. Nam si ideo dicitur coronari licere, quia non prohibeat sacra Scriptura; æque retorquebitur. Ideo coronari non licere, quia Scriptura non iubeat. Ita nobis licebit eorum expostulationem retundere, si enim dicant ideo Mariam debere comprehendere sub lege vniuersali peccati, quia Scriptura expressè non prohibet, æque retorquebitur; ab alijs humanæ & ignominiae peccati regulis exemptam sub hoc seuerissimo & graui peccati iugo comprehendere non licere, quia Scriptura expressè non iubet. Si contendant non posse definiri, in peccato non fuisse conceptam, quia Scriptura id expressè non dixit, eadem ratione dicemus in regula communi foeminam tot priuilegijs & gratijs singularem non comprehendere, quia id Scriptura non speciatim explicuit. Non tam seueros credo in hac re expostulatores ut hæc definiatur; præsertim cum si talis nobis Scripturae adesset authoritas, iam de controuersia actum esset, nec erat cur definitionem vltiorem expectaremus.*

34 Satis sibi factum admittent si aliqua offeramus, in quibus idem insinuetur, vel ex quibus, licet obscure, colligatur. Pluraque, & satis multa sunt, quæ vrgent, & recentiores & antiquiores Theologi pro hac parte, ut in præcedenti Tractatu obseruavi, & quædam afferunt ex quibus non obscure eam deducant aut inferant. Non est obscurum illud, ut alia omittam, testimonium Genes. 3. *Ipsa conteret caput tuum*, dum per caput peccatum originale, per contritionem Victoriâ illud euadendo, & per pronomen ipsa Virginem Mariam plurimi intelligent Doctores, & Scholastici. Non est leue illud fundamentum plenariæ seu totalis pulcritudinis quæ sponsæ Dei inesse dicitur. Cantic. 4. *Plenitudinis gratiæ*, quam Mariam habuisse ex Dei legatione dixit Angelus. Luc. 1. Benedictionis *illius quam super omnes mulieres* adeptam fuisse, Spiritu Sancto dictante, allerunt eius cognata, ibidem. Quæ de pulcritudine, plenitudine, & benedictione gratiæ primam illam Conceptionis includente, intelligere quid prohibet? Clariora an expressiora afferentur ex sacra Scriptura pro alijs Mysterijs fidei, quæ de eadem B. Virgine docuit Romana Ecclesia? Vbi expressius docetur perpetua eius Virginitas? Vbi eius partus sine dolore? Vbi sancta eius Natiuitas? Vbi vitæ inculpabilitas? Et tamen quædam ex his de fide, alia certo credimus, quæ nullatenus habentur in

tur in Scriptura, aut certè obscurius, quàm hæc doctrina, quam diffiniri postulamus.

*Non obstat  
his locis  
alia uni-  
uersalia.*

35 Sed facile noui dicturos, superiora loca verè & æquè benè posse de Virginis sanctæ conceptione explicari, nisi obstatet vniuersalis eiusdem Scripturæ sententia, omnes sub peccato comprehendens. Sed nonne & præseruationi ab actuali peccato, & vitæ transactæ absque minimo etiam veniali contradicunt illa loca Iob 14. *Nemo mundus à sorde.* 1. Ioan. 1. *Si dixerimus quoniam peccatum non habemus, &c.* & alia quæ supra retulimus, præter innumera quæ sunt in sacra Pagina huius rei testimonia? Quibus tamen non obstantibus à veniali liberatur à Doëtoribus, & immunis prædicatur ab Ecclesia. Nonne ab vniuersalibus legibus puerperij, corruptionis, post mortem, aliorumque incommodorum per vniuersos homines grassantium excipitur, cur non & ab hac vna, cæteris grauiori, referuabitur?

*Turnorem  
non esse tra-  
ditionem  
Apostolicam  
pro alijs pri-  
uilegijs,  
quàm pro  
no.*

36 Ab illis, inquiunt, eximitur propter vniuersalem & con-  
nuam Ecclesiæ traditionem, per quam sine legis iniuria, vel lex  
ipsa potest explicari, vel eius vniuersalitas restringi. At ego vellem  
scire, quænam ante Hieronymum vel Augustinum horumve sæ-  
culum, fuit de eius corpore non incinerando, & statim glorifican-  
do traditio; quis eam prius docuit corporis assumptionem? Per  
quos deducta est ab Apostolis? De eius partu sine dolore ante  
Nazianzenum nemo quicquam docuit, imò plures dixerunt con-  
trarium, vt patet apud Hieronymum contra Eluidium. Vbi ergo  
hæc perpetua traditio, per quam ab illis vniuersalibus regulis libe-  
retur virgo, tam de corpore in puluerem non resoluendo, quam  
ab incommodis puerperij non subeundis? Antequàm festum Na-  
tiuitatis Virginæ Ecclesia instituerit, non constitit certo cum san-  
ctitate fuisse natam. inde enim primus validè sanctam fuisse in Na-  
tiuitate probauit Ildefonsus (quod & ex eo desumpsit cum alijs  
D. Thom. 3. parte, quæst. 27. art. 1.) quia Natiuitatem ipsam ce-  
lebrabat Ecclesia, quod tamen Festum post Augustini ætatem in-  
troducendum est, cum ipse expresse fateatur solam Christi & Ioan-  
nis suo tempore in Ecclesia Natiuitatem fuisse solemniter obserua-  
tam, vel celebratam. Quis ergo expresse, & constanter docuit ante  
Augustinum Virginem ante Natiuitatem gratiam accepisse, con-  
tra commune & rigorosum illud edictum sæpius in Scriptura repe-  
titum, omnes nati in peccato? Quinam sunt ex prioribus illis  
Ecclesiæ

*August.  
serm. 1.  
de Io. Ba:  
qui est 76  
in appéd.  
to. 10. &  
serm. 2.  
de eodé  
qui est 20  
de Sanctis*

Ecclesiæ Patribus, qui clarè docuerint à peccato actuali præseruatam? Quando cæpit hoc Virginis priuilegium clarius innotescere? Nunquid liquidò per omnes ætates Ecclesiæ Pastoribus de his constitit prærogatiuis, vt potius illas tribuendas esse dicatur Beatisimæ Virgini cum exceptione legum, quàm hæc quæ dignitati eius, & excellentiæ plus cæteris conducit? Aequa est huius ac illarum ratio exceptionum, perpetua & constans, est huius etiam priuilegij apud Patres traditio.

37 Profecto illa traditio de præseruatione ab actuali (vt modo Nō firmo traditum est ab antiquis quàm ab originalibus fuisse Virginitatem præseruatam.) de cæteris priuilegijs longius non protraham sermonem) non liquidò deprehenditur obseruata in omni ætate, & nunquam non interrupta per aliquorum Patrum dissensum, quos sæpius adnotauimus contra Virginem sententiam in hac causa dixisse, & affirmasse eandem actuale peccatum, alij grauius, alij leuius commisisse. At nullus fuit ante Anselmi vel Bernardi sæculum, qui expressè dixisset Virginem originale in animatione vel secunda Conceptione (de qua nec ipsi Anselmus aut Bernardus veniunt intelligendi) contraxisse. Nec post illos fuit sancti & magni nominis vir, qui constanter idem assereret, ita quod aliter alibi non edocuerit, vno solum excepto, vt in opusculo de Sanctorum mente proposui, nec modo vllus fermè est, qui quidquam tale sentire vel audire velit de Virgine, si solos aliquos ex Patribus Dominicanis excipiamus. Cum ergo doctrina hæc de præseruatione Virginis ab originali, perpetua censeatur, & nunquam interrupta, quippe cum semper in omni sæculo fuerint aliqui qui eam vel docerent vel insinuarent, nunquamque traditionem hanc turbauerunt tot ex antiquis & magnis Patribus, quanti qualescunque hanc aliam interruperunt, non inaniter dicitur, quod si non firmior aut constantior, saltem æque valida ac perpetua censenda erit hæc atque illa de immunitate ab actuali Sanctorum traditio.

38 Atque vt fideliter compleam, quod superius promissi breuiter ostendam, traditionem hanc ab ipsis Apostolis descendisse, ab eisque hanc doctrinam exortam. Prætereo exactiorem discussionem illorum verborum B. Andreæ, quæ refert peruerustus Abdias ex presbyteris Achaïæ l. 4. & Iypom. in eius vita; & quæ tanquam pro hac sententia vel expressa vel maximè fauorabilia recitata sunt in Ecclesia per plures annos, & adhuc decantantur in Officio Conceptionis, in Læctione 6. die octauæ. Nec examinare volo verita-

tem eorum, quæ ex alijs Apostolis, Apostolorumque discipulis, non sine omni vel graui fundamento, referuntur expressa testimonia pro hac opinione. Solum obseruatum volo in Patriarchalibus ferè omnibus Apostolorum Ecclesijs, vel per quas illi docuerunt, aut quas illi sua prædicatione fundarunt, Conceptionis Festum institutum & celebratum ab ipsorum vel saltem immemorabilibus temporibus.

*Immemorabilis est memoria Festi Conceptionis in Hierosol. Ecclesijs.*

39 In Ecclesia Hierosolymitana illud docuisse Iacobum Minorem illius ciuitatis Antistitem, conijci potest ex illius sacra Lyturgia Synaca; & antiquissimo cultu monachorum montis Carmeli, ab Apostolis baptizatorum, & in fide instructorum, vt refert Ioan. Patriarcha 44. Hierosolymitanus, lib. de Instit. Monach. cap. 32. quos ibidem ait celebrasse Festum Conceptionis insinuatque titulus ille præfixus officijs Carmelitanorum impressis anno Domini 1574. inter quæ habetur Festum Conceptionis, in quo dicunt ea se ordinasse *iuxta vetustam, & approbatam Hierosolymitanæ Ecclesiæ consuetudinem.* Idemque Festum ibidem celebratum suo tempore scripsit Stephanus Ragusinus Episcopus Stagnen. libr. 1. de perenn. cultu terræ Sanctæ.

*In Ecclesijs Syria & Alexandriæ.*

40 Per Ecclesias Syriæ & Alexandriæ eandem doctrinam seminasse idque ipsum Festum instituisse B. Marcum Euangelistam, docent alij, vel deducunt ex illa precum dispositione, Euangeliorumque distributione, quæ in ijsdem Ecclesijs, præfixis illis titulis, qui in Syriaco textu à Guidone Fabritio Roderiano, doctè excuso, habentur, decantari solebant statutis festiuitatibus, inter quas Conceptionis Festum non omnino inefficacibus rationibus (vt nouissimè quidam, etsi non inimico studio, contendit) annumerandum esse, probatum volunt. Idemque confirmatur ex Calendario Alexandrino, in quo ad 8. Decembris habetur Festum Conceptionis, & ex confessione seu relatione cuiusdam Armeni Episcopi, qui in Angliam appulit ad annum 1128. constitit, illud idem Festum coli solitum per omnes Armeniæ Ecclesias, vt referunt Matth. Vvestmonasterien. in suis Chronicis ad prædictum annum, & Iodocus Coccius in Thesauro Cathol. lib. 3. art. 6.

*In Ecclesijs Græcæ.*

41 Per Ecclesias Græciæ, quibus multi ex Apostolis prædicauerunt, & quas præcipuè fundauerunt Petrus, Paulus, & Ioannes, ex antiquo latis tempore eadem colitur festiuitas, vt constat ex Lyturgia 10. Eucharlogijs Græcorum, Calendario Damasceni & alijs, eandem.

eandemque ibi viguisse sub annum 1143. patet ex constitutione Emanuel. Imperat, quam recitat. Theodor. in monoc. Photij tit. 7. c. 1. vt habet Baron. ad 8. Decembris.

42 In aliquibus Ecclesijs etiam occidentalibus circa Apostolorum tempora incepisse facillè inferre licet, dum non certo conslet ex eius origine, referatur verò inter cætera Romanæ Ecclesiæ Festa, tam in antiquissimo Martyrologio Romano, quàm in Hieronymiano, quod idem cum Romano fuisse contendit Baron. ad princip. sui Martyrol. vel ex quo, vt alij volunt, Romanum antiquum confectum est. Idem ex Martyrologijs insuper Bedæ; Vsfuardi, Adonis, alijsque antiquissimis monumentis colligitur, in quibus hæc festiuitas inter cæteras refertur. Vnde cum hæc Martyrologia tam in Romana Ecclesia quàm in cæteris Europæ habebantur in vsu, non inusitatum credendum erit apud eos hoc Festum fuisse. Patres Congregationis Basilien. ad annum 1439. Sess. 36. dixerunt antiqua & laudabili consuetudine celebratum fuisse in Ecclesia Romana. Idemque confirmatur ibidem in margine tam in editione Conciliorum sub Sixto V. quàm in nouiori & postrema Colonien. Et multis ante hos annis diuturnam hanc fuisse consuetudinem Romæ obseruatam, testatus est Ioan. Bacon. 4. sentent. d. 2. q. 9. art. 3. In Ecclesia grauißima Toletana antiquissimum fuisse colligitur ex Missali Moe arabico B. Isodori in Cæsaraugustana verò del Pilar, quam B. Iacobus Maior fundauit, & extruxit in honorem Virginis Mariæ, ab eius tempore ibidem, & per omnem Hispaniam celebrari cepisse scripserunt in omnimoda sua hystoria Flauius Dexter, & Paulus Orosius qui floruit ad annum 400. in Epistola ad Eustochium, quam citat Mauricius Villaprobata Dominican. in corona Mariæ serm. 16. expresseque testatur Marcus Maximus vir grauißimus de quo illustre exhibet testimonium D. Isidorus Hispalen. libro de Viris illustribus capite 46. in Hymno, qui obseruatur in eadem Ecclesia, quam specialiter in Conceptionis Mariæ honorem Apostolum dedicasse testatur, Hispanisque prædicasse hoc Mysterium, alijsque fidelibus cæteros Apostolos.

43 Hæc vetusta & constans Apostolorum traditio, hæc illa sua-  
rum Ecclesiarum instructio, antiquum hoc in illis tantæ festiuitatis principium. de quo non obstantibus tot, tantisque illustribus huius veritatis assertoribus, si quis ambigere velit, an in illis Eccle-  
sijs ita

*In Occid. n. talibus.*

*Ex consen-  
su aliarum  
ecclesiarum  
confirmatur  
traditio.*

sijs ita fuerit, aut instructum, aut institutum (ut cuidam, licet non inualido Marianæ puritatis defensori, sed infirmis de causis, ut aliquando monstrabo, placuit dubitare) videat modo & cultum & consensum omnium Ecclesiarum, ab illis propagatarum. *Ab illis* (ait egregiè certè Tertullian.) *traducem fidei, & semina doctrinæ, cetera exinde Ecclesia mutuata sunt, & quotidie mutantur, ut Ecclesia fiant, ac per hoc & ipse Apostolica deputantur, ut soboles Apostolicarum Ecclesiarum. omne genus ad originem suam censeatur, necesse est.* Cum igitur per vniuersas Ecclesias modo perspicere liceat hanc doctrinam, & festiuitatem, per particulares Europæ, per speciales Asiæ, per inferiores Græciæ, & Armeniæ, vnde eam aliter illis prouenisse credemus, quàm à superioribus, à matricibus, ab Apostolicis, & per Apostolos fundatis? Per harum fidem, & cultum, quid in illis docuerint Apostoli, indubitanter colligimus, quanquam aliunde non suppetat testi-

Tertull.  
l. de præ-  
script. c.  
20. to. 3.

August. l.  
5. contra  
Donat. c.  
23. to. 7.

Idem epi-  
stola 118.  
ad Ianua-  
rium c. 1.  
tom. 2.

Tertull.  
cit. c. 28.

In Patri-  
archibus  
Ecclesijs di-  
gnoscitur  
traditio.

monium. Ita docuit Augustinus, dicens; *Illæ quæ vniuersa tenet Ecclesia, ob hoc ab Apostolis præcepta bene creduntur, quamquam scripta non reperiuntur.* Quod & alijs pluribus in locis constantissime docet l. 10. de Genes. cap. 23. lib. de fide & operibus cap. 9. lib. 1. de nuptijs & concupisc. cap. 20. & lib. 6. contra Iulian. cap. 2. epist. 108. 174. & præcipuè in 118. ad Ianuar. *Illæ (inquit) quæ non scriptæ, sed traditæ custodimus, quæ quidem toto orbe terrarum obseruantur, dantur intelligi, vel ab ipsis Apostolis, vel plenarijs Concilijs (quorum est in Ecclesia saluberrima auctoritas) commendata atque statuta retineri, sicuti quod Domini passio, & resurrectio atque ascensio in cælum, & aduentus de cælo Spiritus Sancti anniuersaria solemnitate celebrantur, & si quod aliud tale occurrerit, quod seruetur ab vniuersa, quacunque se diffundit Ecclesia.* Et Tertull. *Quod apud multas vnum inuenitur, non est erratum, sed traditum.* Cum ergo per vniuersam quocunque se diffundit & extendit Ecclesia, hic sit eius cultus, hæc professio Virginem Mariam ab originali euasisse immunem, hæc certè ab Apostolis descendit festiuitas, ab eis hæc est administrata doctrina.

44 Cum moderniores, & primæ illæ Apostolicæ, vel ab Apostolis fundatæ Ecclesiæ, in hac vna conspirant disciplina, quid ultra de eius veritate dubitandum? Quid ambigendum an ab Apostolis tradita? Quid controuertendum, an possit definiri? Ut quid, verum sit in doctrina, perspiciatur, ut quid, Apostoli docuerint, inuestigetur, recurrendum ad Ecclesias, quas fundauerunt, & quod illas colere videbitur, id sine dubio Apostolos docuisse tenendum.

Nec

Nec potior est apud Neotericos, nec certior apud antiquos Apostolicæ traditionis indagandæ ratio. Hanc ostendit viam veritatis, & doctrinæ Apostolicæ inuestigandæ Lugdunen. ille grauissimus Præsul Irenæus; *Quidenim (inquit) etsi quibus de aliqua modica* Iren. l. 1. aduers. hæret. c. 4 *quæstione disceptatio esset, nome oporteret in antiquissimas recurrere Ecclesias, in quibus Apostoli conuersati sunt, & ab eis de præsentī quæstione sumere quod certum, & re liquidum est.* Eandem etiam semitam monitauit Tertullianus ad inquirendum quid Apostolis in doctrina aliqua con- Tertull. l. 1. suprà c. 21. *trouerſa, vitium fuerit. Quid Apostoli (ait) predicauerint, & quid illis Christus predicauerit hic præscribam, non aliter probari debere, nisi per easdem Ecclesias, quas ipsi Apostoli considerunt, ipsi eis predicando tan- tina (quod auiant) voce, quam per Epistolas postea. Si hæc ita sunt, constat proinde omnem doctrinam, quæ cum illis Ecclesijs Apostolicis, matricibus & originalibus fidei, conspiret, veritati deputandam, id sine dubio tenentem, quod Ecclesia ab Apostolis, Apostoli à Christo, Christus à Deo suscepit: reliquam verò omnem doctrinam, de mendacio præiudicandam, quæ sapiat contra veritatem Ecclesiarum, & Apostolorum, & Christi, & Dei. Si ergo hæc pia, & sancta doctrina quæ Virginem Mariam à communi scelere defendit, colitur & prædicatur in Orientalibus & Occidentalibus Ecclesijs, in matricibus & originalibus fidei; in Romana, quæ omnium magistra est, & ad quam propter potentiorē principalitatem (inquit peruectus Irenæus) *neceſſe est omnium conuenire Ecclesiam, hoc est, eos qui sunt* Iren. c. 1. l. c. 3. *Undique fideles, in qua semper ab his, qui sunt Undique, conseruata est ea quæ est ab Apostolis traditio.* Si in Romana (inquam) quocunque per orbem se diffundat, hæc prædicatur, & colitur doctrina: si antiquæ & nouiores Apostolicæ ab illis descendentes in hac vna concordant; quis dubitabit hanc doctrinam Ecclesijs ab Apostolis, Apostolis à Christo emanasse, eamque solam veram in qua, nulla ex Apostolicis illis Ecclesijs, & primis matricibus aliqua varietate dissentiat, nec dissonantia discordet? *Communicamus (ait Tertull.) cum* Tertull. proximè citatus. *Ecclesijs Apostolicis in quibus quod nulla doctrina diuersa, hoc est testimonium veritatis. Ecquid (ait idem cap. 28.) verisimile est, ut tot ac tamæ Ecclesie in unam fidem errauerint?**

45 Iam ergo pro nostra definienda sententia habemus & Scripturam applaudentem, & traditionem non ambiguam. Quid ultra desiderari poterit, ut hæc & sola hæc definiatur doctrina? Aliud addam fundamentum, quod sæpius inculcaui Doctorem omnium moderniorum communem consensum, & vniuersalem omnium Communicatio consensus Doctorem negatiuum solam doctrinam esse confirmat. *Christia-*

August.  
Epist. 7.  
ad Marc.  
in fine  
rom. 2.

Christianorum assensum. Quam, vt aliquid pro vero, & certo censeatur, sufficere, ait August. cum de grauissima illa quaestione de animæ origine altercaret, variasque in ea referret sententias, quarum quampiam, vt pro vera, & certa eam sibi persuaderent contrarij, vnum è duobus sibi efficacissimum exposulauit fundamentum, vel Scripturarum autoritatem, vel placitum commune; *Neq; enim* (inquit ille) *vt videamus quàm hoc sit verum, Scripturarum autoritas necessaria est, ac non sensus ipse communis, ita verum esse perspicua ratione proclamat, vt quisquis contradixerit, dementissimus habeatur.* Vbi ad veritatem & certitudinem cuiusque rei, non iudicauit necesse sacram sibi ad stipulari Scripturam, quod & post eum docuit cum multis alijs Melchior Canus lib. 3. de locis c. 3. fundam. 3. & lib. 12. cap. 7. præcep. 6. vbi multa ait definita esse, & posse decerni de fide, quamuis nec apertè nec obscurè in sacra Scriptura contineantur, quod in primo loco plurimis, ijsque manifestis probat exemplis, alijsque grauissimis docuit Franciscus Feuardent. annot. 1. in cap. 3. lib. 3. Diui Irenæi aduersus hæreses, & alij. Sensum solum communem sibi sufficere fatetur August. eoque se conuictum iri, cui contradicere dementissimum iudicauit. Plurimum certè ei tribuunt, multi graues authores. Doctorum etiam iuniorum Scholasticorum communi sententiæ refragari insanum & temerarium iudicauit Canus lib. 8. cap. 4. conclus. 2. & conclus. 3. ait illud Christi Domini; *Qui vos audit me audit, & qui vos spernit me spernit.* Non modo ad Apostolos, & Doctores vel Theologos Christo proximè succedentes, verum & ad iuniores dictum fuisse, & ex Chrysostomo, siue authore operis imperfecti homil. 42. probat eum, qui recentiores Theologos despuit, Christum ipsum despicere, illorumque communem opinionem non inualide probat sufficere, vt aliquid de fide definiatur. Satis hoc conatur ostendere ex Concil. Viennen. vt habetur ex Clementina vnâ. de summa Trinitate, & fide Catholica illiusque verbis à se ita citatis; *Opinionem illam quæ dicit tam parum, quam adultus conferri in baptismo informantem gratiam & virtutes tanquam probabiliorem, & Doctorum modernorum Theologie magis consonam, & concordem statuimus fore à Catholicis eligendam.* Si opinatio ipla (subnectit Cano) Theologorum recentiorum communis fidem facit Concilio, illudque inclinat vt definiat huiusmodi opinionem esse tenendam, quid si non ex opinione, sed ex certo & minimè circumductili animo, quicquam Theologi omnes præfuerint? Ita  
verò

Luce 10.  
16.



verò firmiter hanc nostram sententiam Theologi adhaerent, ut non probabilem solum, sed omnino certam & veram disiudicent. & plebique pro eius veniæ libenter se vitam, & caput exposituos publice, & in concionibus & scriptis promittunt. Communem etiam omnium esse sententiam testantur, qui de ea scribunt; nec enim ut non dicatur, aut definat esse communis, sufficit aliquos, eoque paucos, dissentire, qui nec in Cathedra, nec in iugellu aut è loco aliquo eminentiori, aut publico consensu possunt, aut valent suam promovere sententiam. Communis est illa, quæ omnium est Regnorum, omnium in unum Ecclesiarum, omnium Academicarum, quæ sola ex universis vestigiis docetur, ex omnibus prædicatur suggestis, nec eius generalitas potest officere, aut aliquanculum obitare, quæ paucis placet, & ad secretos deducta recessus in publicum prodire non potest.

46 Taceo modo alia, maximam videlicet eamque manifestam Pontificum omnium in hanc sententiam propensionem, Ecclesiasticum vultum, populi deuotionem, de quibus latius in alio egi opusculo, aliaque huius generis, quæ ita certam & sanam hanc reddunt doctrinam, ut nequaquam dubitari possit eam solam esse definiendam. Quando etenim Pontifices contra communem suorum Prædecessorum propensionem, vel contra sententiam in quam omnes abibant, dixerint sententiam? Quando contra id, quod Ecclesia per multa secula coluit, protulerit ipsa iudiciū? Quando contra eamque indicam totius orbis Christiani deuotionem statuit aliquid credendum? Quando vel quomodo contra omnes, quod cum omnibus sentit, distinguit damnauit? Restat certè, ut quod ipsa probabile, verum & prout iudicauit, in tot fundamentis, suaq; soliditate securum, de fide statuatur omnibus credendum, non secus ac alias fecit, de definiendo de Fide (ut superius inter cetera exempla adnotavi) in Concil. Florentin. & Tridentin. infundi virtutes cum gratia in baptismo, quod solum probabile iudicauit antea in Venerabili

*idem faci-  
dent alia  
rationes.*

*In nobili deumum D. Thomam aliquando contrarium sentisse.*

§ VIII

*47. Contra Arianos, & Arianos post  
deumum contra D. Thomam, & Arianos ad  
deumum probant.*

*48. Sanctorum Tridientem pro hominibus  
condemnatione potuisse errare.*

*49. Alios etiam ex eius discipulis à  
sancto*

Aa



*cere ostendant* ; Quibus eiusdem Augustini verbis de Cypriano ego Idem l. 1. c. 3. respondeo de Thoma ; *Non me terret autoritas Thome* ; *quem reficit hu-* Idem l. 2. cap. 1.  
*militas Thome*. Infra ; *Si potuit Petrus contra veritatis regulam ; quam po-*  
*stea Ecclesia tenuit , cogere gentes Iudaizare , cur non potuit Thomas contra sen-*  
*tentiam , quam postea tota Ecclesia tenuit , inducere gentem ut crederet Mariam*  
*in peccato conceptam* ? Puto quod sine vlla sui contumelia Thomas  
 Doctor Petro Apostolo comparatur.

49 Cur ergo à Thoma aberrante , non possit quisquam recede- Muli fuis-  
sancit. cura  
quarta ab  
eg. discre-  
p. tract.  
 re ? cur illud quod minus sanè dixerat , non possit quisquam vel  
 amice corrigere , vel acius impugnare ? Multi sunt , qui in eo plu-  
 ra refellerint , & plures sunt ex eius discipulis , qui ab eo in multis  
 discesserint . Scotus , Durandus , & post hos multi , sed religiosa ob-  
 servata modestia plurima ex eius scriptis , si non expugnarunt , sal-  
 tem impugnarunt . Caietanus fidelissimus ; & addictissimus eius  
 interpres , Canus cum suo magistro Victoria ab eo nò semel discre- Cano 12.  
de lo. in  
procem.  
 parunt ; *Admonebat magister meus Victoria* ( verba sunt Cani ) *non opor-*  
*tere S. Thomae verba sine delectu & examine accipere , imò vero , si quid aut*  
*durius , aut improbabilius dixerit , imitatuos nos eiusdem in simili re modestiam*  
*& industriam , qui nec autoribus antiquitatis suffragio comprobatis , fidem ab-*  
*rogat , nec in sententiam eorum , ratione iri contrariam vocante , transit . Quod*  
*ego præceptum diligentissimè tenui . Non enim vllam non Diui Thomae dico ,*  
*sed ne magistri mei opinionem quidem reuocaui ad arbitrium meum ; nec cordi*  
*tamen fuit iurare in verba magistri . Nam & vir erat ille natura sua modera-*  
*tus , & cum D. Thoma aliquando etiam dissensit .*

50 An vero Scotum suosque omnes sectatores à veritate aber- Nec prou-  
de à veri-  
tate ab-  
raturus.  
 rare , vel de veritate suspectos dicemus quod contra Diuum Tho-  
 mam senserint , cum Scoti doctrina nunquam vel aliquantulum  
 in iudicium , vel minimam suspicionem vocata fuerit ab Eccle-  
 sia , vel tantillum damnata in aliquo ex tot Concilijs Generalibus ,  
 quæ post eum fuerunt celebrata ? Nunquid ideo , quia à D. Tho-  
 ma discrepauerit , in ijs , in quibus cum eo non conuenerit , con-  
 demnatus sit Caietanus ? Non ob id toties damnatus , aut repro-  
 batus Caietanus , sed quia subtilius quam felicius suo fidit inge-  
 nio , & quibusdam erroribus doctrinam suam , quasi cuiusdam lepræ admix-  
 tione ( vt de illo ait Canus ) *scandauit* . An demum ob id ipse Ca- Cano 17.  
c. 3. con-  
clus. 5.  
 nus eiusque doctissimus magister Victoria aliquando erroris vel  
 falsitatis fuere accusati , quod à Diuo Thoma deflexerint ? Neu-  
 tiquam ?

*Qualiter  
intelligenda  
sint Pontifi-  
cium ap-  
probatio-  
nes.*

51 Vt quid ergo puerorum terculamenta nobis obijciunt Ad-  
uersarij, & approbationes nescimus quas, nec scimus quorum  
Pontificum (dum prima illa verba, quidam Innocentio I V. alij  
V. alij VI. & VII. attribuunt; nec quidquam authenticum in  
hac re facile sit inuenire) proferunt, vt ita approbatam probent  
Diui Thomæ doctrinam, vt non liceat contra illam sentire. Ma-  
ior ne est operum Diui Thomæ approbatio, quam illa quæ ha-  
betur 72. magistrorum claustrum Parisiensis, & Alexand. I V. sub  
plumbeo Diplomate confirmatio & approbatio doctrinæ Alexan-  
dri Alensis, quæ asseruatur in sacrario Minorum Parisiensium.  
Maior forsitan aut potior hæc approbatio codicum D. Thomæ illâ  
Gelasij Pontificis D. 15. c. Sancta Romana. Operum Augustini,  
Gregorij Nazianzeni aliorumque qui ibi recensentur, contra quo-  
rum aliquos, nonnulla sunt postea definita? Præcitati Pontifices  
nihil in hac re diffinierunt, nihil inuiolabiliter obseruandum sta-  
tuerunt, sed pro vniuersali doctrinæ excellentia & sua in S. Docto-  
rem propensione, vtpotè sub cuius doctrina, quidam ex illis fue-  
rant enutriti, & instructi præclaras & magnas quasque laudes in  
eum dixerunt, approbantes, & commendantes eius opera, in qui-  
bus omnibus communiter & vt in plurimum non errauit à verita-  
tis tramite, licet in aliquibus, ijsque paucis, potuerit aliquando ab  
eo deflexisse. Ita intelligenda venit illa approbatio Alexandri I V.  
de operibus Alexandri Alensis, quantumcunque ob tam insignis  
Pontificis & Illustrum Parisiensium commendationem irretra-  
gabilis dicatur. Ita approbationem illam Gelasij de operibus Au-  
gustini, & aliorum Ecclesiæ Doctorum explicauit grauissimus  
Præsul Abulensis cap. 28. sui defensorij, dum ait, non approbasse  
Ecclesiæ singula illorum opera, seu omnia in illis contenta, &  
vnamquamque propositionem sigillatim cuiuscunque illorum  
Doctorum, quos Gelasius Papa nominat, sed eorum opera in  
communi & vniuersaliter esse sana & Ecclesiæ vtilia, & hominum  
Catholicorum nequaquam de hæresi suspectorum, aut condem-  
natorum esse labores, laude dignos, & in Ecclesia legendos. Vnde  
quod præcipuum faciunt Pontifices (vt ait idem Abulensis) in  
his approbationibus est, tollere ab huiusmodi operibus suspicio-  
nem de hæresi voluntaria. Similiter hanc approbationem (si quæ  
est) Urbani vel aliorum Pontificum de operibus Diui Thomæ,  
intellexit facultas Theologica vniuersitatis Parisiensis in exceptis  
princi-

*Videndi  
Canus l.  
7. cap. 3.  
concl. 2.  
Lynnen.  
ab eo ci-  
tatus, &  
Valent.  
to. 3. q. 1.  
punc. 7.  
9. 41.*

principalium articulorum tractatus cuiusdam contra errores Fratris Ioannis de Montefono, ubi præpositis varijs modis approbationum, per primas tres conclusiones statuit, vel docuit D. Thomæ opera eo sensu esse ab illis Pontificibus approbata, ut pro utilibus & probabilibus sint divulganda, non tamen quod oporteat credere, quod ipsa in omni sui parte sint vera, & in nullo à vero tramite aberrant: quas conclusiones ibi plus satis multis argumentis & exemplis comprobatur, & ad finem tertiæ conclusionis prudenter addit; *Nam Ecclesia, sicut canonizando aliquem Sanctum, non per hoc approbat omnia eius facta, ita approbando eius doctrinam, non per hoc approbat omnia eius dicta vel scripta, sed solum illa, quæ per authorem ipsum non sunt retractata, nec per alium sunt correctæ, aut merito tanquam veritati contraria corrigenda, iuxta doctrinam Sancti Apostoli. Omnia probate, quod bonum est, tenete. Sic igitur per Sanctam Ecclesiam approbatur aliqua doctrina, non tamen quoad omnia, sed quoad illa, quæ sunt veritati consona; sicut patet de doctrina Origenis, de qua dicit Gelasius Papa 15. d. c. Sancta Romana, quod Origenis nonnulla opuscula quæ vir Beatissimus Hieronymus non repudiat legenda suscipimus, reliqua autem cum authore suo dicimus esse remuenda.*

Academia Parisien.

1. Theff. 13. 11.

Quod D. Thomæ impugnatores negant Summi Pontifices citant.

Quid sit D. Thomæ impugnare.

Ca. har. l. 2. disput. pro im. mac. Cōcept. 3. primo quod. ad finem.

52 Quare nec Innocentius (quisquis ille fuerit) aliud in illis verbis, quæ ex eo nobis obijciunt Aduersarij, voluit innuere, quam eos, qui impie doctrinam D. Thomæ pænitus tollendam, aut reijciendam putabant, vel qui in eam conuicijs, aut maledica lingua inuehantur (ut furentes, & peruerſi quidem Viri contra ipsum cæterosque Scholasticos plures euomuerunt calumnias) verè suspectos esse de veritate. Non vero eos vel in minima nota affecit Pontifex, qui catholicè, & sanè eius recipiebant opera, quamuis quidpiam, vel plures opiniones eius reſellerent. Plus æquo voluit D. Thomæ discipuli hoc Pontificis testimonium sibi patrocinari, ut tam securum & certum sit totum, quod scripsit, ut nec minimum possit impugnari, aut reijci vlla eius opinio à viro quopiam, qui statim non sit iudicandus de veritate suspectus. Non immerito (dixit Catharinus) certo se scire multos ignorare, quid sit impugnare doctrinam D. Thomæ. Ille enim (inquit) verè Thomæ doctrinam impugnat, qui in uniuersum aut bona ex parte quasi non valde utilem improbat, & contemnit aut (quod est horrendius) quasi minus Catholicam imò hereticam, & tanquam unam ex phralis iræ Dei fuisse blasphemant, id quod Martinus Lutherus non timuit pronunciare, ille impugnat D. Thomæ doctrinam,

qui non cum reuerentia & formidine, sed parum sobrie, & ut scilicet zelus, aut proprie arrogantie trahit impetus, de illa in uniuersum indicat, & obloquitur. At verò in uno aut altero, & oblatio postulat aut aliorum, præsertimque Ecclesie auctoritas mouet, saluis modestie finibus, ab eo dissentire, quod magni & gloriosi Viri fecerant, etiam qui de huius sancti fontibus hauserunt, tantum abest, ut hic impugnet doctrinam Thomæ, & etiam magis saluam illam velit, quando ea demum sit vera Doctrina, & ille verus Doctor, qui malit prebonorari veritatem. Hac modestia & discretione obijcienda sunt illa verba Pontificis, ut qui D. Thomæ operibus irreligiousè vel impiè in communi obloquuntur, seueriori censura notentur, & pro suspectis in fidei veritate habeantur; qui verò in opinionibus vel Theologicis placitis, de quibus salua fide licet aliter, atque aliter opinari, à D. Thoma discorderit, non statim in iudicium aut suspicionem vocentur. Aliter hoc iudicio iudicabuntur, & hac censura afficientur ipsi Summi Pontifices, qui quidquam statuerunt in aliquo contra D. Thomæ doctrinam de dispensando voto continentie in Monacho, de solemnitate voti, vel alijs, aut qui in quotidianis dispensationibus practicè ab eius opinionibus dissentiunt.

*Sanctus  
Doctor se  
retractauit.*

53 Præsertim cum in hac re nobis non obstat D. Thomæ auctoritas, quippe qui alias contrarium dixerit, & quod contra immaculatam Virginis Conceptionem posterius in 3. part. vel alibi scripserit, postremo retractauerit, ut testantur multi eruditi viri Ioannes à Carthagera homil. 19. de Virgin. Concept. §. 6. tom. 2. Ioannes Baptista Lezana in suo Apologet. c. 21. Bernard. à Buss. 1. p. Chanal. serm. 4. part. 3. & alij ex magistro Ioanne Vitali qui in Tractatu de Conceptione testatur se vidisse libellum quendam retractationum à D. Thoma concinnatum, in quo inter cætera, quæ in suis operibus iudicauit reuocanda, hanc de maculato Virginis conceptu retractauit sententiam. Et licet de hoc cachinentur Aduersarij, non omnino improbabile iudicandum est, cum nec facilè, & sine iniuria, falsitatis argui possit testis oculatus prædictus magister Vitalis, & alios ætate pares nec doctrina inferiores, Alensem, & Bonauent. illum speciali de hac re libello, hunc in serm. 2. de Beata Virgine, & alibi, viderit similiter Doctor sanctus fecisse, & reiecta affirmatiua, negatiuam amplexos fuisse; nec eius deroget doctrinæ aut auctoritati quidquam ex suis scriptis reuocasse, cum nec Augustini honori obfuerit, imò valdè profuerit tot in

tot in suis operibus correxisse. Non tot ac talia fundamenta habuit August. ut iudicaret Cyprianum suam de anabaptismo sententiam retractasse, tamen propter Viri auctoritatem, & egregiam quam de eo concepit opinionem, quod minimè in malè sana sententia cuius contrarium postea tota amplexa est Ecclesia, tenax ad mortem vique hærere potuisset, ausus est dicere; *Correxisse istam sententiam non inuenitur Cyprianus; non incongruenter tamen de tali viro existimandum est, quod correxerit, & fortasse suppressum sit ab eis, qui hoc errorum delectati sunt, & tanto velut patrocinio carere noluerunt.* Et libro 2. de Baptis. c. 4. de eodem ait; *Si enim Petrum laudat & predicat ab vtro posteriore Collega patienter concorditerque correctum, quanto citius ipse cum Concilio Provinciae suae uniuersi orbis auctoritati patefacta veritate cessisset, quia profectò & vni verum dicenti & demonstranti posset facillimè consentire tam sancta anima, tam pacata: & fortasse factum est, sed nescimus.* Quamuis Aduersarij negent S. Thomam se retractasse, & modo hic liber eius deliteat, nec facillè inueniatur, tamen talem Virum dictam contra Virginem sententiam reuocasse: existimare licebit, & prædictum libellum aliquando extitisse.

54 Dum igitur D. Thomas ita probabiliter censeatur se correxisse, vel si non correxerit hæsitandus inter vtranque opinionem fluctuauerit, nec firmiter affirmatiuam vbique docuerit, non obstabit eius auctoritas, quin negatiua possit definiri. Imò & si semper vnus & tenax in illa fuerit sententia, eamque nunquam reuocauerit, non molestè feret humilis & sanctus Doctor præponi sibi vnanimem totius ferè orbis Christiani & Ecclesiae (cui, non sibi adherendum dixit in morte) consensum, & eius doctrinae miram illam, quam tanti fecit, Ecclesiae in hac sententia concordiam, & antiquam in cultu consuetudinem. Grauius certè & egrius ferret hæc propter eius auctoritatem contemni, quo clarius modo videt in cælis, nullum in terris positum in omnibus veritatem attigisse. Neque enim ei placebit si eius ingenium facultatemque sermonis & doctrinae vbertatem cunctarum gentium consilio aut sensui præponere affectemus. Præsertim, iam in tali luce veritatis posito (verba ipsa sunt Augustini de Cypriano) ubi certissimè cernit quod hic pacatissimè requirebat. Ex illa enim vbertate hac nostra, quæ videntur eloquia, tanquam infantilia rudimenta deridet. Ibi videt quæ regula pietatis hic egerit, ut nihil esset ei in Ecclesia charius vnitatis; ibi etiam ineffabili delectatione conuictur quam prouida, & misericordissima disputatione Deus infirma mundi elegit, ut

August.  
Epist. 48.  
ad Vincer.  
parum  
post med.

Non d. p. s.  
abut Docto-  
ri dissent  
negatiuam.

August. l.  
s. contra  
Donat.  
c. 17.

*Ecce de-  
finiuntur  
res  
quæ  
antiquis  
non  
fuerant  
definitæ.*

tutores nostros curaret, stulta mundi elegit, ut confundat sapientes; atque in ordinibus membrorum Ecclesie sue tam salubriter omnia collocaret ne de ingenio vel litteris suis, quas adhuc ignorarent cuius munere haberent, electes se ad adiutorium Evangelicum homines dicerent, atque inde pestifera inflarentur superbia. O quam gaudet Cyprianus (liceat mihi dicere, ô quam gaudet Thomas) quanto serenius in illa luce contuetur pro quantâ salutis humani generis factum sit, ut inueniatur aliquid, quod merito reprehendi possit, quamvis in Christianis & pijs litteris Oratorum, & non inueniatur in litteris piscatorum. Non indignabitur certè in cælis ubi nulla bilis, nullus est liuor, hoc saltem in suis scriptis reprehendi, & negatiuam in terræ cælorumque Reginæ (quam sine macula aut labe venerabundus & deuotus coram adorat) non exiguum honorem definiri. Non ob hoc Thomæ minuitur authoritas, non ob hoc reliqua eius vacillabit doctrina; nec in hoc ipso eius damnabitur sententia, cum in rebus dubijs illa semper fuerit D. Thomæ opinio vel doctrina quam Ecclesia postea definierit, ut & ipse dixit in morte, & omnes pij & Catholici Doctores parati sunt id potius sequi, quod Ecclesia statuerit, quam quod aliquando ipsi docuerint; atque ita nihil vnquam contra illorum sententiam definitur, quicquid ante scriptum reliquerint, ut egregiè docuit August. 2. de Baptis. c. 3. 4. & 7. & ex illo mult. Medina de Fidel. 6. c. 2. Castro aduers. hæres. l. 1. c. 7. Cano l. 2. de Loc. cap. 2. Sixt. Senen. Bibliot. Bellar. l. 3. de Laic. c. 20. l. 3. de Verb. Dei c. 10. l. 2. de Christo c. 2. l. 4. de Eccl. c. 10. & alij.

An necesse sit cogi Concilium ut hæc quæstio definiatur.

### §. IX.

- |   |   |
|---|---|
| 55 Cogendum dicunt Aduersarij pro<br>definitione Concilium, sed quo fine? | cilio definierunt.                                    |
| 56 Pontificis definitio extra Con-<br>cilium irrefragabilis?              | 58 Nulla est Concilij cogendi ra-<br>tio.             |
| 57 Multi Pontifices plura sine Con-<br>cilio definierunt.                 | 59 Quantocius hanc expedit definire<br>controuersiam. |

*Cogendum  
dicunt ad-  
uersarij pro  
definitione  
Concilium.*

55 **N**ihil prorsus modo obstat, quo minus ad huius contro-  
uersiæ decisionem Tua Beatitudo possit procedere; nul-  
lum se offert sufficiens obstaculum, satis ingruentes & vrgentes ad-  
sunt rationes, ut illud celerius efficiat. Perturbatur Ecclesia Ca-  
tholica suorum Magistrorum, & Doctorum dissensionibus, acriter  
controuertitur, moleste dubitatur de vera sacræ scripturæ intel-  
ligen-



līgētia, perturbantur disīdijs regna, quæ vt placare velis vltima in hac re sententia ipso suo Iure, suorum Regum & Principum deprecantur instantia. Audiri & exaudiri debent à Sede Apostolica, qui tam iusta, tam rationi consona petunt concedi, qui à magistro veritatis obnixè rogant, vt eis reuelentur Scripturæ. Hoc vel ipsi, qui inter Aduersarios cordatè sentiunt, admittunt; sed statim submonent, esse ad rem hanc grauissimam, inquit, cogendum Concilium. Nihil magis huic causæ posset desiderari fauorabile, dum in omnium Prælatorum & Doctōrum votis, præter Prædicatores aliquos, securè repositam habemus victoriam. Nec hoc panitus illi ignorant, aut parum timent. Alio ergo eorum ten- *Sed quis  
fuit.* dit consilium, vt adhibeatur Concilium; non quod illud desiderēt, sed vt definitionem retardent. Normnt enim quanta de Concilio indicendo opus est consideratione, quantis sumptibus celebratur, quàm difficile conuocantur ab omnibus terræ angulis Prælati, quàm lentè accedunt Pastores, quàm egrè suas derelinquunt Ecclesiās, quàm tardè adueniant Doctōres, quanta pro crastinatio de Concilio incipiendo, quanta varietas votorum de sessione indicenda. His & alijs remorationibus res protrahitur in longum, & serò vel nunquam, optato potiemur effectu. Dum enim tot, tantaque Concilio necessaria præparantur, dum expectatur omnium confessus, succedentibus sibi sæculis, superueniunt, & succedunt aliæ res grauissimæ & causæ seriæ, quibus incumbere festinato necesse est, vtpote quæ moras forsan non admittant, & controuersia hæc in sua ambiguitate perseverat. Hoc eorum consilium, huc eorum tendit intentio. Nec enim de hominibus prudentibus credo alium sibi proposuisse in hac sua suggestionē finem, cum nec æquum sit de viris cordatis credere, cum toto orbe, eos velle in Concilio contendere. Ad quid namque cum cæteris illi in Concilio conuenirent? vt suam paucitatem & tenuem vnius & non totius familiæ numerum toti Christianorum vniuersitati opponerent, vt inaniter obstrepentes in vanum laborent suam alijs persuadere sententiam? Vt mundum vniuersum à sua firmiter concepta dimoueant doctrina? Vt desiderata sed desperata, forte fortuito possint potiri victoriam? Demus conuenisse, supponamus in Concilio apparuisse, suamque causam statuisse discutiendam. Nonne ab omnibus cauebunt? Nonne omnes timebunt? Nonne omnes habebunt pro suspectis cum omnes sibi nouerint in hac re contrarios?

Bernard.  
epist. 126  
ad Episc.  
Aquit.

trarios? *Quosnam queso* (vt de pauculis illis Petri Leonis adhæforibus interrogauit Bernardus) *dabunt Iudices sibi? omnes quippe in parte sunt, & partibus. de Iudicio haud facile conueniet, atque ita ad litem magis, quam ad pacem tantus Conuentus fatigabitur.* Sed dicent, Legatus Apostolicus, vel qui in eo Concilio præsidebit, Iudicem aget. At quisnam erit ille, quem non in sua causa habebunt suspectum, cum iam præter illos rarus vel nullus sit, quem non facile præsentiant, & diuinent contra eos sententiam dicturum? Satiùs & tutius causam suam soli confident Pontifici, consultius eius vnico se subijcient Iudicio.

Pontificis è  
Sede defini-  
tio irrefragabi-  
lis.

56 Sed fuere qui perfidè, & hostiliter Pontificis detraherent definitioni, fuit etiam, sed temerè, qui de Catholicorum numero, de infallibili Pontificiæ sententiæ veritate extra Concilium dubitaret. Non credam leuiter nec facile suspicabor de his Catholicis viris, quidquam tale præcipitanter, & non sine fidei iniuria, dixisse. Ne vero sit quispiam, qui adhuc in hoc luto hæreat, & de Pontificis absoluta authoritate vt hanc controuersiam possit per se definire, dubitet, quædam de hac re subnectam. Ita certum censendum est apud Catholicos Tuam Beatitudinem è Sede, & sine congregato Concilio posse hanc litem terminare, quàm certum est te esse Ecclesiæ caput, & magistrum, omniumque controuersiarum, quæ in illa suboriri possunt, Iudicem supremum. Pontifici etenim Summo, veroque Petri successori in verbis ad Petrum dictis promissa est indefectibilis fides, & stabilita est veritas ab eo tradendæ doctrinæ. Non est passa repulsam Christi oratio, quam pro fide Petri & successorum, ad Patrem se effudisse testatur, dicens; *Ego rogaui pro te Petre vt non deficiat fides tua.* Pro Petro & in fide Petri succedentibus, non pro Concilio orauit, & exorauit. Aduersus hos, & aduersus Ecclesiam in Petro, in illisque fundatam, non aduersus Concilium, dixit, infernum non præualiturum, cum & Concilia errasse viderimus, quando à suo capite, à quo omnis sanctitas & veritatis influentia, recesserant vel dissenserant. Non tribuit Concilium infallibilitatem Pontifici, sed à Pontifice habet Concilium, vt sit ratum ac firmum. Tu tuæque Sedis Pontifices illas accepistis clauas ligandi & soluendi, quibus dum clauditis, vel non referatis, nemo indefectibiliter aperit; si aperitis nemo potest obscuritatis aut falsitatis tenebris occludere. Quod veritatis luce, & definitionis lumine, subducto obscuritatis velo, aperitis, & credendum proponitis, nemo

Lucæ 22.  
num. 32





malo occurrendum; antequam spaciolius se virus diffundat cito obueniendum; periculum erit in mora damnum auget dilatio. Ex leuioribus principijs implacabiles vidimus (proh dolor) exortas dissentiones, ex minimis natam maximam seditionem: Tanta discordiæ tam inueterati odij miserabilis timeretur exitus, & di-  
*scordiarum fraternarum horrendi euentus.* Sacrum bellum vocauit Nazianzenus (vt eius explicat Scholiastes) aliam similem contro-  
 uersiam, quæ inter Episcopos & Sacerdotes Constantinopoli-  
 tanæ regionis erat de quibuldam rebus Diuinis, quod statim &  
 quam primum exoriri cepit; putauit extinguendum. Sed nec po-  
 tuit, donec multas peperit Ecclesiæ afflictiones. Gemens pro-  
 inde, & dolens, omnem admouens curam, vt tantis malis ad-  
 hiberet remedium, dixit; *Ecclesiæ afflictionibus sanandis, nisi hoc tem-*  
*pore cura aliqua adhibeatur, in omnimodum desperationem sensim res pro-*  
*uoluentur.* Solent certè multoties in tristissimum prorumpere exi-  
 tum huiusmodi dissidia, & quæ in principio sanari poterant,  
 neglecta, & dissimulata omnem respuunt medicinam. Pruden-  
 ter herclè, ait Tacitus; *Nihil in discordijs civilibus festinatione tutius.*  
 Sed non minus rectè alter ille Historiographus; *In tumultu fe-*  
*stinatio quoque tarda est.* Vbi ergo dissidia, vbi discordiæ ciuiles,  
 vbi sacer inter sacros tumultus, iam licet Tua Beaticudo festi-  
 net, tardare videtur; iam multa exorta sunt scandala, iam ma-  
 gna multis in locis præparantur dissidia.

Tit. Lili.  
de ad 4.  
l. 9.  
Nazianz.  
or. 31.  
num. 68.  
tom. 1.

Idem  
Orat. 46.

Tacit. l. 1.  
histor.

Quintus  
Curtius  
l. 9. de ge-  
ris Aic.  
xan.

## TRACTATUS DECIMI.

FINIS.

## Continuatio Historiæ.

**C**ompendiosius viua (vt aiunt) voce intimatis Sanctissimo Domino rationibus, & fundamentis, quæ diffusius in longiori hoc Tractatu expenduntur, manifestius esse dixit controuerliam hanc esse definibilem, quam vt tot, tantisque argumen-  
 tis probetur, & probe se scire quid, & quantum in hac re possit per-  
 ficere; nec de sua, vt definiat potestate, sed de definitionis conue-  
 nientia, aut necessitate, dubitari, præsertim cum vtraque pars te-  
 nax contendat suam, non aliam posse definiri sententiam. Pro sua

Bb

maturi-

mauritatem, & graui consideratione in rebus agendis addidit rem grauiorem esse, quam quæ sub paucis diebus faciliter absoluat, & repente vltimum expetat iudicium. Laudauit Orator ponderosam Pontificis hæsitacione, & lentum, ac lenem in re non leui gressum, & progressum, seque fateri dixit vltimam huius controuersie sententiam & præuium examen requirere grauium Virorum, & prouectorum Theologorum quos haberi adiunxit multos, & optimos in Vrbe, quibus rogauit (quod & sæpius fecit) vt hæc causa committeretur discutienda, & ad quorum iudicium, & consilium secundum superni Numinis spiramen possit, modo expediret terminari. Non esse illud tempus omnino opportunum huic examini, vel integrè, & exactè huius rei discussione respondit optimus Antistes, & iam præ foribus esse alium Regis Catholici Oratorem (iam enim Genuam appulerat Dux Albuquerqueius quem superius diximus destinatum fuisse Regis Legatum in urbem) quem expectandum dixit, si forsan Rex mutauerit consilium, & aliter se habeant, vel sopiti sint tum <sup>us</sup> ~~us~~ Hispaniæ, aut efficaciori indigeant remedio.

Sub mensem Octobris medium accepit Episcopus inexpectatas Regis litteras, datas Olyssipone sub Idus Sextiles, in quibus declarauit gratum, & placitum sibi fuisse Episcopi ministerium & sollicitum in hac fungenda Legatione studium quod vt prosequeretur iniunxit, adiungens se per eius diligentiam, & curam breuem expectare huius negotij exitum, & felicem successum. His litteris plurimum exhilaratis domesticis, & familiaribus Oratoris, ijsque negotij desiderabant profectum, ille grauius, & prudentius rem expendens, ad Regis litteras, & fauorem sibi gaudendum dixit, securam tamen non reddi, vt solus ille hanc obiret, vel absolueret Legationem. Considerauit etenim non reuocari in his, quem præscripsit Rex ordinem in ijs, quas deferabat nouus Orator, vt ei resignata Legatione remearet in Hispaniam. Dubius ergo, & hæsitabundus inter eam quam concipiebat de his litteris spem, & diffidentiam, quam ingerebant præscriptus, nec cassus à Rege ordo, & iam manifestus Ducis animus de non ferendo alio simultaneo Oratore, rei eventum prouidè Dei dispositioni commisit, elemosynis, quas semper maximas erogauit insistens, & omnia Virginis delubra in Vrbe inuisens, & muneribus, ac oblationibus cohonestans. Deprecabatur assidue hoc solum, vt quem Deus huic muneri

neri idoneum praeuidebat ministrum, hunc eligeret ex omnibus vnum, & suae matris causae praeficeret.

Exspectabat interim Ducis aduentum, quem ut ad Ciuitatis-  
 teris portum quem supra adnotavi, à quibusdam Centumcellen.  
 dici, triremes applicuisse, percepit; per internuncium, & litteras eius  
 congratulatus est aduentui, & postridie seiugo curru ipse ei obuiam  
 porrexit; Ingressus est Urbem nouus Orator 13. Kalend. Decem-  
 bris magno comitatu, & egregio fastu honorificè, ut decet à San-  
 ctissimo Domino, & omnibus Principibus exceptus.

Vide Le-  
 andrum  
 Alberti,  
 in descri-  
 ptione  
 Italiae sub  
 Region.  
 pag. 52.

Hoc ipso eodem die Magister Sacri Palatii omnes percurrit me-  
 tallorum incusores, seu celatores, quos vulgariter medallarios vo-  
 cant, & multa millia apud eos confiscauit Conceptionis toreuma-  
 ta, seu emblemata communiter medallia dicta, quae propter ma-  
 gnum quod reportabant lucrum, ferè omnes nouiter celabant li-  
 troglyphi, seu sculptores, & transfinitebant in Hispaniam in qua  
 deiderabantur & acruatim comparabantur propter feruentem  
 & communem in hoc mysterium deuotionem. Habebant ex vna  
 parte hi nummi Altaris hostiam viuifico calici superimposita, duos  
 Angelos vtrunque adorantes, circumscriptionem hanc Hispanam;  
*Alabado sea el Santissimo Sacramento*, quod Latine significat; *Lau-*  
*detur Santissimum Sacramentum*. Et sub calice hoc nomen *Roma*. Ex  
 altero vero latere effigiem Conceptionis Mariae his circumcuisis  
 verbis; *Concebida sin pecado original*, Latine sonat; *Concepta sine pec-*  
*cato originali*. Potuit autem licite, & iuste haec proscribere, vel con-  
 fiscare numismata Reuerendissimus Magister, quia saepius lege  
 lata cautum est, ut nullus ex his incusoribus, vel litoplyphis vllam  
 incudat, vel celer imaginem, effigiem, aut verba in quouis metallo,  
 non obtenta prius eius licentia, quam pro his cudendis non obti-  
 nuerunt. Potuit etiam, & sine conscientiae reatu factum hoc con-  
 donare; sed quandoque animi affectus eas praescribit leges exe-  
 quendas, quas alias liceret absque noxa dissimulare.

Dure, & molestè tulit Excellentissimus Dux propter ingentem  
 quam prae se ferebat immaculae Conceptionis deuotione ad eius  
 introitum hanc factam mulctam, & in Conceptionis iniuriam illa  
 sublata toreumata, & nisi quaedam Curialitatis, & officiosa pro more  
 nouiter aduentantium Oratorum obsequia praepedirent, se velle  
 ostendit, statim de his agere. Paucis etiam elapsis à suo aduentu die-  
 bus, intimauit alteri Oratori sibi iniunctam hanc etiam extraordi-

Bb ij

nariam

nariam Legationem, & Regis litteras eidem porrexerat, in quibus Orthodoxus Princeps significabat sibi videri controuersiam hanc in longum protrahi, eiusq; terminandæ curam se commendasse Oratori Duci, proinde consultum putasse, vt Orator extraordinarius in Ecclesiam suam, non sine incommodo pastore destitutam, reuerteretur. Vltimam Regis expandit Episcopus epistolam, per quam dixit sibi videri, non velle eundem orthodoxum Principem standum esse illis prioribus litteris, tot antea mensibus exaratis. Institit Dux sibi præscriptum, & ordinatum, vt illi negotio incumberet, & qua in illud vsq; tempus functus est Episcopus, Legationem prosequeretur. Vtrinq; ait Episcopus dubitandi emergere occasionem ex litteris Regis; Dubiumque hoc solum per ipsam Regem tolli posse, quem iudicauit de suo placito consulendum, eiusq; expectandum responsum, se verò donec illud obtinerent, à Legationis functionibus dixit destitutum. Quod & fecit, & scriptorum sibi traditorum, vel præscriptarum à Rege rerum, cum è Maiorito discessisset, Duci tradidit exemplaria sub mense Decembri. Oratoris verò nomen, aut authoritatem, ita leuiter, & absque clariori Regis præscripto, vel placiti insinuatione putauit nec licere, nec decere deponere. *Qui (etenim) mollitie præsentem gloriam amittunt, digni sunt accusatione.* Vtrique Oratori generosus, & laudabilis inerat appetitus de obeunda, vel prosequenda hac Legatione in Virginis, & Regis obsequium; Vtriq; per studium de comparando sibi de tanta, si quandoq; obtineretur, Victoria, triumphum. Bene peruetustus ille Græcus latine, & Romanæ antiquitatis obseruator. *In ijs (inquit) qui pro paribus præmijs certant, par studium; & gloriæ cupiditas ad ipsas res gerendas immasci solet.* Neuter tamen aliud tunc in hac causa peregit, nec propter ingruentes festiuitates Natiuitatis amplius aliquid potuit hoc anno fieri. Cætera ad discessum Episcopi tradam sub Sectione sequenti.

Thucyd. l. 2.

Dionys. Halicar. l. 3. antiqu. Roman.

## SECTIONIS SECVNDÆ

FINIS.

LEGA-



# LEGATIONIS PHILIPPI III. ET IV.

Hispaniarum, & Indiarum Gloriosissimorum Monarcharum

DE

Definienda Controuersia

IMMACVLATAE CONCEPTIONIS

B. VIRG. MARIÆ

SECTIO TERTIA.

TRACTATVS. III.



D Orthodoxum Principem iam vterque Orator suas dederat litteras, suumque dubium, ab eo absolui cupiens, expandit. Ordinarius vero, seu Excellentissimus Dux, cui cæteræ in Vrbe functiones commissæ, & qui Hispaniæ res oraturus, & curaturus erat apud Pontificem, impatiens in Legatione consortis, insticit quibus potuit rationibus, vt primis litteris standum esse declaretur, & omnino recederet Episcopus. Interim ad se attinere iudicauit excipere, & curare litoglyphon, vel incusorum querelas de sublati sibi, quæ supra sub fine secundæ Sectionis diximus numismatibus Conceptionis, & refarcire damnum, quod in suo ingressu accepisse hanc causam sibi visum est per illam confiscationem. Vt absoluta sunt præclariora festiuitatum solemnia, egit cum Sanctissimo Domino, vt liberè illa emblemata, seu medallia in posterum cuderentur, cum nihil continerent à fide absolum, imò omnia vltimo Sux Sanctitatis Decreto summè consona. Excellentissima & Nobilissima etiam Ducissa Oratoris consors cum primum, promere, Sanctissimi Domini exoscularetur pedes, indulgentias sibi concedi

Bb iij

petijt

petijt pro immaculatam Conceptionem celebrantibus, vel prædicta numismata deferentibus. Qua benignè dimissa respondit Sanctissimus Pater Oratori, relatum sibi à Magistro S. Palatij hanc factam confiscationem propter transgressas statutas leges de prius petenda licentia, vt huiusmodi cuderentur, & quia propterea applicatas illis medallijs clavis verbis immaculatam testantibus Conceptionem, indulgentias, erant, qui iactabant iam controuersiam definitam, vel qui verebantur, aut obijciebant definitum iri. Institit Orator longè abesse à definitione indulgentiarum concessiōnem, vel applicationem, nullamque subesse, quæ sibi videretur, causam, propter quam Ducissæ indulgentia, nec ei hæc neganda esset facultas. Insuper Sua Beatitudo informari Illustrissimum Dominum Scipionem Cobellutium tituli S. Susannæ Cardinalem, cui rem hanc discutiendam commisit.

His mihi continuo relatis, iniunctum simul est, quamuis reluctanti, vt pro informando Illustrissimo Cardinali sequentem conficerem Tractatulum, quem quamprimum absolui desiderabat, & dare intendebat Orator. In illo proposui, qua valui breuitate, & claritate rationes potiores, vt illa cudendorum numismatum daretur licentia, & inanem illum ex indulgentiarum concessione quorundam definitionis metum profligauit.

## OPVSCVLVM PRIMVM

*Ad Illustrissimum & Reuerendissimum*

## D. SCIPIONEM COBELLVTIVM

S.R.E. Tituli S. V S A N N Æ Cardinalem pro obtinenda facultate: vt numismata inscripta de immaculata Conceptione liberè cudi possint in Vrbe.

1 Narratur confiscatio facta numismatum.

2 Proponuntur rationes, vt permittatur hac cudi numismata.

3 Vtrique horum numismatum imago approbata est satis in Ecclesia.

4 Adiecta inscriptiones nihil prohibent, vt quæ desideratur, cudendi licentia concedatur.

5 Probatur in speciali de vtraque.

6 Effigies Conceptionis in numismate representat præseruationem Virginis ab originali.

7 Alia Aduersariorum ratio pro neganda hac licentia refellitur.

8 Assignatur definitio, & partitio Indulgentiarum.

9 Probatur indubie posse his torcularibus

matibus applicari Indulgentias.

runt Indulgentias intuitu immaculatæ

10 Indulgentijs commendata, non Conceptionis.

conferuntur definita.

12 Peroratio ad Illustrissimum Car-

11 Plures Pontifices multas concessit-  
dinalem.

### ILLVSTRISIME ET REVERENDISIME DOMINE,

1 **R** Euerendissimus Sacri Palatij Magister 17. Nouembris proxime elapsi omnibus metallorum incusoribus <sup>diuinitas</sup> vulgariter dictis *Medagliari*, abstulit quasunque apud eos inuenit, imagunculas, communiter nuncupatas <sup>facti.</sup> *Medallia*, quæ Conceptionis V. Mariæ imaginem, seu hyeropliphicum, hac circumducta inscriptione, *Concepta sine peccato originali*, ex altera parte habebant; & generali publicato edicto, statuit ne aliqua imago appositis litteris, vel sine illis, absque eius expressa licentia in posterum vlli generi metallorum incuderetur. Huius verò confiscationis & superadditæ prohibitionis rationem reddidit Beatissimo Patri, quia videbantur illæ imagunculæ absque licentia; quam nunc necessario negandam aiunt aliqui, nam si permittatur hæc imagines evulgari, & per varias nationes distribui, quæcunque obtinentur à Sanctissimo Domino indulgentiæ indiscriminim, imaginibus quibuscunque applicandæ, his in particulari à supplicibus applicari poterunt, per quod determinatum indicunt controuersiam de Conceptione, & definiri partem, quæ asserit absque originali Virginem fuisse conceptam, dum mylterium hoc adeo claro hyeroglyphico, clarioribus verbis adiectis expressum, indulgentijs celebratur, & commendatur.

2 Sed vt videat Tua Illustrissima Dominatio (cui hæc causa ex-<sup>Rationes</sup> aminanda, & discutienda commissa est) quanta se offerant funda-<sup>ut permi-</sup> menta ad huiusmodi licentiam concedendam, quantaque euenire<sup>tatur hæc</sup> possunt incommoda nisi concedatur; dignetur, obsecro, subiectas<sup>cuius summis</sup> percurrere & expendere rationes.

Nihil nouum, vel inauditum, nihil religioni Christianæ con-<sup>Nihil ha-</sup> trarium, aut quod in fide erroris suspicionem generet, in prohibi-<sup>bit nouum</sup> tis, & confiscatis medallijs continebatur. Ex vna enim parte ha-<sup>aut erro-</sup> bebant corporis & calicis Christi effigiem, Angelos adorantes, & verba hæc circumscripta; *Alabado sea el Sanctissimo Sacramento. Quæ* Latine reddita sonant; *Laudatum sit Sanctissimum Sacramentum.* Ex altera vero parte ferebant imaginem purissimæ Conceptionis Ma-

Bb iiii

riæ;

riæ, verbis his circumcirca inculptis; *Concepta sine peccato originali.* In quarum incusione tantum abfuit de nouitate timor, & malitiæ, vel noui figmenti periculum, vt incusores sub typo Sanctissimi Sacramenti hoc nomen *Rome* adiecerint, vt omnibus pateret, vbi & à quibus hæ piæ, & vnde quaque laudabiles imagines cudebantur. Cum ergo nec furtiua fuerit incusio, nec reprobari vel condemnari possint imagines, nec aliquid in eis reluceat quod sanctum, & pium non sit, facile condonari poterit incusorum delictum, qui huiusmodi imagines non prius petita licentia cuderunt; & quæ modo petitur, liberè & æquè potest concedi cudendi facultas.

*Vtraque  
hæc nu-  
mismata  
imago ap-  
probata est  
in Ecclesia.*

3 Nec enim licentia negari debet pro ijs rebus, vel cudendis, vel vsu habendis quæ iam approbatæ sunt in Ecclesia vel quæ longo, & continuo vsu frequentantur in eadem. Iam vero in Ecclesia Catholica, vtraque imago tam Sanctissimi Sacramenti, quam Conceptionis immaculatæ, satis approbatæ sunt, & longa annorum serie frequentata, licet in distinctis medallijs. Quod vero in vno medallio vel numismate vtraque modo coniungatur imago, nihil nouum, nec quod permitti non debeat, effectum est. Si enim D. Caroli, & Sanctæ Franciscæ à Sanctissimo Domino canonizatorum imagines, diuersis distinctæ medallijs, & distinctis approbatæ licentijs, ab incusore in vno cuderentur numismate, nec novum quid in lucem daret, nec quod noua egeret licentia. Cum igitur nihil sit noui, nec vlla sit in hoc medallio imago, quæ non satis approbata, commendata, & vsitata sit in Ecclesia; quod corporis Christi, & Conceptionis Mariæ effigies in vno coadunentur medallio, desiderata non est neganda licentia, vt edatur in lucem ad publicam fidelium deuotionem.

*Ad idem in-  
scriptionem  
nihil pro-  
hibet hanc  
concedi li-  
centiam.*

*In 7. Syn-  
od. 4. to. 3.  
p. 1. sect. 1.  
Concilio-  
rum edi-  
tionis no-  
ue Colo-  
niæ.*

4 Nec inscriptiones superadditæ huiusmodi licentiam debent impedire, dum nihil non religiosum, & pium aduertatur in litteris; nec quicquam distinctum exprimat in characteribus, quod antea non præcesserit in imaginibus. Quod adiectæ litteræ dicunt, id ipsum clarius inculcant imagines, vt rectè de alijs imaginibus Ioannes ille locum tenens Apostolicarum Sedium Orientis, dixit in septima Synodo; *Quidquid (inquit) Scriptura dicit, id imagines demon-  
strant, ita ut assertores sint eorum, quæ Scripta sunt.* Ita vt potius putan-  
dum sit imagines verbis, quam verba imaginibus aliquid addere, cum quod verba asserant, imago demonstret. Sanctissimum Sa-  
cramen-

cramentum ex vna parte adorant, & humili ac reuerenti genu flexione, manuumque eleuatione sub modo illud laudare, & ad laudandum inuitare apparent Angeli. Adiectis proinde illis verbis. *Laudatum sit Sanctissimum Sacramentum*; nihil noui, vel quod distinctam ferat pietatem, aut propter quod nouæ concedendæ sint indulgentiæ, vel antiquæ immutentur, aut diminuantur, adiungitur in illa parte numismatis. Nec ego credo Reuerendissimum Patrem Magistrum, hæc verba velle reprobare, aut propter illa, medallia hæc prohibere, cum ad præcipuum religionis actum inuitent, maximi nostræ fidei mylterij laudem nobis inculcent, & vſitatissima sint in vniuersa Sancta Ecclesia Catholica.

5 Nullam proinde hæc verba molestiam ingerunt, nullum negotium faciscunt. Sed illa alia ex altera parte durius fortasse feret aliquis, in quibus dicatur Virgo Maria sine originali concepta. Sed nec nouum hoc, nec insolitum est, nec quidquam ab ipsa imagine distinctum exprimunt, aut addunt nouiter apposita verba, eademque licentia, qua hucusque imago Conceptionis incusa est, accudi etiam possunt & characteres. Nam quotiescunq; licet imaginem aliquam clare aliquid repræsentantem depingere, nihil prohibet subiectis verbis idem repetere, & quod indubitanter effigies significat idem verbis exprimere; præcipue cum vt citatus Venerabilis Ioannes dixit; *Maïor sit imago sermone*, id est, plus & pluribus significet & repræsentet, quam verba. Quod ait, *diuina providentia factum propter idiotas homines*, quibus plus imagines, quas vident, significant, quam verba, quæ nec legunt, nec intelligunt, possunt exprimere. Vnde prudenter, & eleganter certe in eodem Concilio Theodosius Sanctissimus Episcopus Ammorij imagines vocauit, *Theodosius ibid.* *Materialem scriptionem*, quasi scriptura sint materialium, & rudium hominum, qui characteres vel litteras legere, vel intelligere nesciunt. Ad quem sensum quidam explicant illa verba Psalmi 86. *In scripturis populorum*, id est, in imaginibus. Cum ergo imago Conceptionis clarius & pluribus repræsentet idipsum, quam Hispana illa verba adiecta, eadem ipsa licentia, qua hucusque effigies & depicta, & incusa est, incudi videntur etiam & verba. Nam si per Reuerendissimum Patrem Magistrum Palatij Apostolici, vel potius per Sanctam Ecclesiæ consuetudinem, licet depingere Christi Domini Natiuitatem; vt quis subiiciat, vel circumscribat hæc verba. *Christus natus est*, egebitne noua licentia Reuerendissimi Magistri?

aut

aut effigiem propter hæc verba, sine noua licentia adiuncta, adorari, aut circumferri prohibebitur? Qui obtenta licentia à Reuerendissimo Magistro vt Natiuitatem Virginis in lamina ænea, vel alia quauis, inculpat, si postea adijciat hæc verba, *Sancta Natiuitas Mariæ*, prohibendæ nè venient omnes imagines, quæ hæc verba habent incusa? Pictor etiam qui sub tabula Assumptionis Mariæ, qua clarè, & manifestè omnibus repræsentetur eam in cælos assumptam fuisse, scripserit; *Assumpta est in cælum*, remerebitur subire filicem, aut mulctam? Nequaquam vt facile quisque fatebitur; nihil enim nouum, aut distinctum ab effigie continent verba, idemque quod effigies repræsentat, exprimunt & verba.

*Illustratio  
matæ effi-  
gies in  
culatam  
repræsentat  
Conceptionem.*

6 Sed & hæc litteræ Conceptionis exprimunt in his medallijs quod & imago, quam circumcingunt. Ita enim ex tempore quo reuifcere, & inualefcere capit opinio negatiua, applicata & accommodata est hæc figura mysteriosa Apocalypseos, quam numisma præfert, ad significandum sanctum, & purum pascium Virginis Conceptum in primo instanti, vt cuicumque eam videnti hoc itatim in vniuersa repræsentet Ecclesia; Nec frequentior aut familiarior est in tabulis Assumptionis vel Natiuitatis representatio illorum mysteriorum, quam in hac effigie, sanctæ Conceptionis expressio. Quod adeo vel ipsi Patres Dominicani agnoscunt, vt in nulla Ecclesia, vel domo Prædicatorij Ordinis, qui affirmatiuam tuetur opinionem, vllam habeant huiusmodi imaginem, aut figuram, qua Ecclesia utitur ad repræsentandum hoc mysterium, cum vtantur, & habeant, ac reueantur alias quasunque imagines, cætera Virginis mysteria repræsentantes. Imo nec inter cætera medallia, frequenter in eorum appensa Rosarijs, quæ deuotæ præmanibus & in cingulis portant, inuenire sit apud eos, nec videre vnum ex his medallijs Conceptionis, cum omnibus alijs medallijs hæc frequentiora, & plura sint à temporibus Iulij II. & Leonis X. qui plures, easque magnas indulgentias eis concesserant, vt inferius dicetur; nè per exteriorem huius effigiei venerationem, sententiam amplexari videantur contrariam, ei quam in scholis profitentur. Id ipsum plane demonstrat pia, & à Pontificibus approbata, & indulgentijs commendata consuetudo totius Ordinis Monialium Sanctissimæ Conceptionis, imaginem hanc, præpectore in scapularijs gestantium, vt emissam & expressam professionem in laudem immaculatæ Conceptionis Virginis, exteriori hoc signo propalent.

Idem.

Idem etiam insinuat, & effigiem hanc, Conceptionem sanctam sine macula representare docet chorda Beati Francisci imagini in huiusmodi medallijs hucusq; circumducta, clarè innuens idipsum significare imaginem, quod Fratres Minores semper docuerunt de Virginis Conceptione, nimirum sanctam fuisse, & immaculatam, & ideo effigiem Conceptionis hac chorda circumcingi, quia in illo ordine Conceptio Virginis semper est à peccato originali protelata. Dum ergo adeò manifestè imago illa hucusque per tot continuos annos representauerit Conceptionem sanctam, eaque semper & liberè sit incusa in medallijs nemine prohibente, nemine contradicente, ipso Reuerendissimo Magistro sciente, & consentiente, propter adiectam inscriptionem nihil aliud exprimentem, quam imago ipsa omnibus representat, non debent omnino prohiberi huiusmodi medallia nec licentia prænitus negari, vt in posterum eudantur.

7 Alia eaque grauior superesse potest fortassis occasio propter quam alicui videatur negandam esse hanc licentiam; nimirum quia, vt supra dictum est, his medallijs applicari possunt indulgentiæ, quæ conceduntur absolute à Sanctissimo Domino, per quas res expressis verbis declarata definitur, & sic affirmatiua sententia secreto, & latenter venit explodenda.

Inane certe quorundam hoc est commentum vt Sanctissimum Dominum ab hac concedenda licentia retardent. Nullus enim hucusque hoc aliquando asseruit, vel leuiter insinauit, rem quampiam indulgentijs quantumcunque magnis commendatam, eo ipso esse definitam. Quod si aliquantulum verum esset, iam de affirmatiua sententia actum esset, cum negatiua tot tantisque indulgentijs à Pontificibus commendata sit, vt non facile sit eas referre, quarum aliquas potiores, & notiores inferius recensebo.

8 Vt ergo perspiciat Tua Illustrissima Dominatio, quam parum Theologicè hoc dictum sit, & inaduertentè illud Sanctissimo Domino inculcare voluerint, definitionem ipsam indulgentiarum, earumque partitionem præmittam, & quantum licuerit, breuiter hoc dubium expediam. Indulgentia ergo, vt rectè definit Nanar. *est remissio pænæ temporariæ debitæ actuali peccato penitentis extra sacramentalem absolutionem facta, à Prelato Ecclesiæ ob rationabilem causam, eam de thesauro Ecclesiæ compensante.* Vel vt alij breuius. *Est actus quidam spiritua-* *Assignatur à sancto Con-  
paratio in-  
indulgentiarum.  
Nanar.  
Cōment.  
de indul-  
notab. 2.  
n. 12.  
Suar. to. 4  
in 3. part.  
dup. 49.  
art. 4. in  
princ. &  
alij.*  
*tra Sa-*

*tra Sacramentum.* Sub vtraque hac definitione comprehenditur triplex illa indulgentia, quam communiter Theologi morales assignant, personalis, quæ personæ conceditur, localis, quæ loco, & realis, quæ intuitu alicuius rei tribuitur. De hac vltima est nostra quaestio, an valeat concedi his medallijs? vel an ex eo quod concedatur, definita maneat controuersia; vel determinetur de fide quod litteræ affirmant in numismatibus.

*Probat  
indulgentia  
se applicari  
hæc. n.  
medallij in  
definitis.*

9. Posse concedi nulli dubium esse potest, dum eadem sit ratio quoad hoc, horum medalliorum, ac granorum benedictorum, Agnorum Dei, calculorum & globorum lignorum, quos se vidisse testatur Nauar. cit. not. 15. n. 6. à Pontificibus benedici, & magnis commendari indulgentijs, aliaque sint innumera medallia, quorum imagines his æquari non possunt, quæ tamen magno numero & cumulo indulgentiarum decorantur. Vel ergo omnia illa reuocanda sunt in dubium, vel sine dubio admittendum his applicari posse quascumque rationabiles, & alijs medallijs concessas indulgentias.

*An indulgentia commenda-  
tur definitis.*

10. An verò inconueniens, quod reputant Aduersarij, ex hac conceptione vel applicatione sequatur, facillimum est dictum; dum ex definitione indulgentiæ consideretur esse actum meræ spiritualis iurisdictionis, definitionem vero spectare solum ad potestatem clauis scientiæ; quæ pænes solum Papam remanet; iurisdicção vero multis committitur, eamque ex se, vel ex suo officio habent multi, vnde recte inferunt cum D. Thoma in 4. d. 20. q. 1. & 2. <sup>a</sup> Plerique, Episcopos de iure (siue humano, siue diuino, modo non disputo) posse indulgentias limitatas iuxta Viris dispositionem concedere; imò Diaconum ait author supplementi D. Thom. q. 26. art. 2. sed & quemlibet Ecclesiasticum etiam primæ tonsuræ, dummodo ei committatur iurisdicção, asserit Cordubal. 5. de Indulg. q. 12. propos. 10. ex commissione, vel delegatione posse easdem largiri; quam <sup>b</sup> communiter receptam sententiam ait Nauar. cit. not. 31. n. 4. Sed nec ex iure humano, vel diuino, nec ex officio, vel delegatione possunt priuatim per se Episcopi, nec eorum inferiores aliquid definire, nec statuere de fide. Alius ergo est, diuersusq; actus definiendi ab actu indulgentias largiendi. Non ergo dum quidpiam indulgentijs commendatur, definitum censetur.

<sup>a</sup> Rich. ibid. ar. 5. q. 3. Dicit q. 1. ad 2. Palud. q. 4. art. 2. Aug. de Auc. l. de potest. eccl. q. 29. ar. 5. & alij. Vide c. c. ex eo c. Nostro c. Indulg. de pan. l. 6. <sup>b</sup> Vide Suarez cit. dist. 53. sect. 6. n. 2 & 3. <sup>c</sup> Idem dist. 52. sect. 1. n. 10.

2. Indulgentiam realem ideo concedi imagini, vel simili rei sacræ doctæ docet <sup>a</sup> Suarez, non vt credatur de fide, quod representat, sed



tat, sed vt illa imago in maiori reuerentia, & veneratione habeatur, & consequenter vt deuotio fidelium erga ipsum prototypum vehementius excitetur (quem finem respexisse dicemus infra Pontifices, qui alijs rebus ad Virginis Conceptionem spectantibus plurimas indulgentias cōcesserunt) & paulo inferius subnectit; satis esse quod huiusmodi imagines & res, ex se, seculā indulgentia, sint veluti instrumenta quādam ad actum honestum, & religiosum, ad hoc vt earum vsui adiungantur indulgentiæ. Cum ergo hæc Conceptionis imago ex se instrumentum sit actus honesti, & religiosi, bene possunt ei applicari indulgentiæ, per quas vehementius excitentur fideles erga ipsum Mysterium, & imaginem in maiori reuerentia, & veneratione habeant, absque eo quod Controversia ipsa, per hanc concessione[m] definiatur.

3. Ex definitione indulgentiæ suprapositā res comprobatur; cum remissio dicatur pœnæ temporariæ, non definitio veritatis infallibilis; cum igitur Papa per indulgentiam, pœnam temporariam remittit, non abscondita Mytheria sacræ Scripturæ clauis scientiæ aperit, sed potestate iurisdictionis thesauros Ecclesiæ dispensat.

4. Præter alia duo quæ Theologi communiter requirunt, vt indulgentia concessa valeat, tertium adiungunt; causam scilicet rationabilem, vel piam; circa quam, & consequenter in concessione indulgentiarum posse errare Pontificem cum Nauar. not. 15. n. 1. & seq. & num. 18. aiunt plærique ab illo citati num. 3. & concessione[m] vel indulgentiam concessam posse esse nullam; at nunquam euenire poterit vt Papa erret in definiendo, nec quod eius definitio aliquando euadat irrita vel cassa. Satis ergo latum discrimen est inter indulgentiarum concessione[m] intuitu alicuius imaginis; ac inter decisionem, vel definitionem, qua statuatur credendum, quod quicquid in illa imagine depictum, vel scriptum est, sit omnimode verum.

II 5. Præterquam quod necessarium non sit post tot manifestas rationes, vltius res hæc ipso facto euidenter comprobatur; Plures easque maximas indulgentias concesserunt multi Summi Pontifices fidelibus intuitu Conceptionis sanctæ sine peccati originalis macula factæ, hoc fine vt vehementius eos excitarent ad eius venerationem. Sixtus etenim I V. Officium proprium, & expressum immaculatæ Conceptionis, in quo multoties apertis verbis dicitur

*Quis sit  
indulgentiarum  
largiendi  
terminus.*

*¶ D. Thomas in 4.  
d. 10. Bonau. ibid.  
q. vlt. Rich. ibi  
dē. Solh.  
d. 21. q. 2.  
2.2. Aug.  
de Anco.  
q. 30. de  
potest.  
Pape, &  
alii apud  
Bellarm.  
l. 1. c. 12.  
de Indul.  
Quæ re-  
quirantur  
ad valere  
indulgentia.*

*Pontifices  
multi multi  
concesserunt  
indulgentias  
intuitu  
immaculat.  
Conceptionis.*

Virginem sine peccato originali fuisse conceptam, recitantibus, & missam, in qua idem inculcatur celebrantibus, magnum cumulum indulgentiarum concessit, easque ipsas, quas lucrantur ex concessionibus Urbani I V. Clementis V. Martini V. & Eugenij I V. qui interfunt Officijs diuinis in Festo Sanctissimi Sacramenti, quæ qualesue sint, qui videre voluerit, legat præ cæteris Concil. I V. Mediolanen. vbi perspiciet quibus gratijs honestauerit Pontifex Officium hoc & Missam frequentantes, quas postea Leo X. in Bulla, *Supra gregem dominicum*, an. 1517. confirmauit. Illud etiam Officium concessit Sixtus V. recitari in perpetuum à fratribus Minoribus per octauas Conceptionis ad celebrandum (inquit) *purissimam Conceptionem* constit. *Ineffabilia beata*, an. 1588. & tamen quod adeo expresse habetur in illo Officio, per has concessiones non definierunt Pontifices.

Mediol.  
4. p. con-  
stit. §. de  
pertin ad  
Sacram:  
Euchar.  
to, 4. con.  
par. 2.

Vide Em  
man. Ro-  
der. to. 1.  
regul. qq.  
9. 17. ar. 3

Leo X. Fratribus Minoribus præfatam Missam dicentibus, alijsque tam Fratribus, quam Monialibus eam audientibus, indulgentiam concessit plenariam, & tamen non exinde Conceptionem definiuit fuisse absque macula.

Idem Leo his ipsis imaginibus, de quibus modo agitur, multas magnasque concessit indulgentias ad instantiam Oratoris Regis Catholici, declarata ipsa imagine quid significaret, ipsaq; Pontificis manifestata intentione, vt scilicet magis deuoti redderentur in dies fideles in immaculatâ Conceptionem Virginis, propter quod magno in pretio habita sunt in tota Hispania huiusmodi medallia, ita vt nulla his præferrentur, impressaque ferebatur præ omnium manibus concessionis relatio, & Pontificis intentio.

Iulius II. omnibus fidelibus in Castellæ Regno constitutis eandem imaginem, quam Moniales Conceptionis gestant in Scapulario, in pectore ferentibus, magnas concessit gratias; Cum vero eadem debuit esse lucrantium indulgentias imago, ac illa, quam Moniales, in Scapulario portant, nulli dubium esse potest Conceptionem repræsentasse sanctam, cum sanctimoniales illæ Deo se vouentes in honoré immaculatæ Concept. V. Mariæ, sicut expresse habetur in formula suæ professionis, per illam imaginem eandem professionē, suumq; famulatum, obsequium, & deuotionem in eandem sanctam Conceptionem patenter omnibus manifestent.

Iidem  
Roder.  
cit. ar. 4.

Idem Iulius alijsq; multi succedentes Pontifices magnas elargiti sunt indulgentias regulam, & vitam Monialium Conceptionis vouenti.

uentibus, seu profitentibus : sed in ipsa professione, vt iam dictum est & in Regula ipsa sæpius aduertitur, & declaratur, & in mystica habitus, quem gerunt, significatione, aperte docetur, Virginem fuisse absque peccato originali conceptam.

Harum Monialium Ecclesias communiter immaculatæ Conceptioni dedicatas, ingredientibus in ipsa Conceptionis die, & Monialium officio præsentibus, in quo expressis verbis idem profitentur, quod profitendo vouerunt, plenariâ indulgentiam, & remissionem peccatorum concessit Sixtus V. in constit. *expositum nobis*, 1586.

In eodem die Conceptionis, iubilæum à succedentibus Pontificibus & à Sanctissimo Domino qui hodie feliciter sedet, revalidatum, concessit Ecclesiæ Conceptionis Leo X. à se reedificatæ in Campo Sancto, alijsque in Vrbe Ecclesijs, aliæque multæ id obtinuerunt pro eodem die à pluribus Summis Pontificibus.

Adrian. VI. speciali diplomate *Romanus Pontifex* an. 1522. confirmauit confraternitatē Toletanam sanctæ Conceptionis Mariæ à Regibus Catholicis Ferdinando & Elisabetha fundatam, ab Imperatore Carolo V. renouatam, & à Cardinali Ximenio in meliorem formam redactam. Confraternitatis titulus est; *Confraternitas ad uocationem Sanctæ Conceptionis Virginis Mariæ*. In prologo, & varijs capitulis constitutionum eiusdem confraternitatis sæpiissime vocatur Virginis Conceptio, *Sancta, privilegiata, præseruata, mundissima*, & tamen ex indulgentijs Confraternitati concessis, & harum constitutionum approbatione, non constat de fide talem fuisse conceptionem, qualem illi confratres fuisse profitentur, & constitutiones declarant.

Greg. XIII. in Bulla *Ad augendum*, 1578. Confraternitatem, & sacellum, vel vt vocant Capellam Conceptionis sitam in Conuentu IESVS Ordinis Minorum in ciuitate Regum regni Limen. in India, & alias, si quæ sunt in toto illo Regno confraternitatis Conceptionis, sed apud Fratres Minores situatas, decorauit multis indulgentijs, & præcipuè in ipso die Conceptionis, indulgentia plenaria & remissione peccatorum. Quæ confraternitates cum apud Fratres Minores situatæ sint, facile intelligere est, quo sensu veniat Conceptio à confratribus celebranda, aut indulgentiæ per eisdem Fratres obtentæ, lucrandæ.

Alias præter has concesserunt Pontifices indulgentias, ritibus, officijs, & obsequijs factis in reuerentiam, & honorem sanctæ Con-

ceptionis Mariæ, & tamen quantumcumque expresse declararetur obsequia illa fieri in honorem immaculatæ Conceptionis, & ea intentione indulgentiæ à Pontificibus concederentur; nunquam licuit, nec audet quispiam dicere definitum esse Virginem non habuisse maculam originalem. Vnde ergo nouus hic timor? quo alio ducti sunt exemplo vt vereantur ne ad indulgentiarum largitionem res hæc pro definitâ habeatur?

Suspicionem generat æmulationis, quod hucusque licuit non velle vt à Sanctissimo Domino modo concedatur, quando acrius agitur, & sollicitius instatur de terminanda hac Controuersia. Vt quid enim modo interdicitur, quod elapsis sæculis haud vetitum est, dum in imaginibus, siue in falsiuis, siue depictis communiter hæc verba, *Concepta sine peccato originali*, publicè cunctis innotescant; & Clemens VII. in pecunia, & moneta primo & secundo anno sui Pontificatus excusa, eandem hanc imaginem Conceptionis apponi curauerit circumscriptis litteris, *tota formosa*, quæ figuræ, & hyeroglyphici, cui apponuntur, explicatio vel interpretatio sunt; & Conceptionem ipsam, quam imago repræsentat, significant esse sanctam; vndique & totaliter formolam.

*Peroratio  
ad Illustris-  
simum  
Cardina-  
lem.*

12 Cum ergo huiusmodi licentiam negare, redundare possit in magnum detrimentum causæ, quam in hac re agit coram Sanctissimo Domino Rex Catholicus Philippus, persuadere vel renuntiare dignetur Tua Illustrissima Dominatio Beatissimo Patri, liberam concedendam esse facultatem, vt eadem medallia possint in perpetuum incudi; Aliter enim grauißima sequentur incommoda, nam minuetur erga hoc Mylterium populi deuotio, dum viderit, vel iudicauerit in ipsa Vrbe, in oculis Sanctissimi Domini hæc numismata prohiberi, propterea quod dicebant Virginem absque peccato conceptam; & propterea solum, non propter aliud edictum prohibitionis superadditum, emanasse interpretabuntur, qui confiscationem antea factam horum medalliorum nouerint vel audiuerint. Hinc etiam sequentur, & exoriantur grauißimi tumultus in Hispania alijsque Regnis. Summe enim propensi sunt omnes in purissimam Virginis Conceptionem, & dure patientur, vt quod integra ferme Regna, & præclariore Academia adiectis solemnibus votis profitentur, ita facili ter prohibeatur per Reuerendissimum Magistrum, & deleatur ab imaginibus, quod firmiter impressum & fixum habent in cordibus.

Aegrè

Aegrè etiam, & molestè feret Hispaniarum Monarcha tantam fieri contradictionem piæ, & iustæ causæ, quam ille pro sua pietate, & deuotione in hoc Mysterium, sollicitius tractat. Durnum namque & grauiter ferendum est pientissimo Regi, & Amantissimo Ecclesiæ Filio, vt quando ille opinionem piam, & affectum in immaculatam Virginis Conceptionem adiuuari, foueri, ampliari humiliter rogat, & obsecrat, non solum non foueatur, non adiuuetur, non ampliatur; sed per huiusmodi actionem attenuetur, contradicatur, & reprobetur, & quod, illo non obstante, nec obsecrante, permittebatur in publicis locis, & imaginibus; dum nunc instat, dum nunc rogat, & obsecrat tam asperè prohibeatur, & interdicatur.

Contrario autem tripudiabunt, & gaudebunt hæretici, & nostras deridebunt festiuitates, nulliusque esse authoritatis calumniabuntur, nec Festorum institutiones Pontificias vllius esse momenti argute subinferent, dum negari, & prohiberi viderint in ipsa fidei arce, in Vrbe, coram Sanctissimo Domino, quod tantorum Pontificum institutione, & approbatione celebratur per vniuersam Ecclesiam.

Vltimo conquerentur iustissime idem Catholicus Rex, & cum eo omnes fideles sibi nuper subtrahi per Reuerendissimum Magistrum quod antea concessum est per Sanctissimū Dominum. Et hinc occasionem accipient contemnendi constitutiones Apostolicas dum quod Beatissimus Pater concessit & voluit, nimirum in publicis quibuscumque actibus dici Mariam sine peccato fuisse conceptam, inter quos hic videndi actus præcipue numeratur, viderint interdicti; & præcipuum fauorem factum per Sanctissimi Decretum fautoribus immaculatæ Conceptionis, perspexerint modo denegari. Affirmatiuam sententiam aduersariorum iussit Sanctissimus Dominus taceri, & publicis interdixit actibus: negatiuam vero & piam voluit doceri, prædicari, cudi, recudi, imprimi, & publicari. Ne ergo tanta hæc sequantur inconuenientia, & grauiora exoriantur incommoda, obsecramus Tuam Illustrissimam Dominationem vt fauorabiliter Sanctissimum Dominum informare dignetur, vt de salutari, & opportuno prouideat remedio. Quam &c.

*Opusculi primi ad Illustriss. Card. COBELLVTIVM finis.*

**O**pusculum hoc, aſſiſtente ſibi Petro Ribadeneira Theologiæ Profefſore ex ſacra Auguſtinen. Eremitarum familia, qui ei tunc aderat à ſtudio Theologico, dedit Orator Illuſtriſſimo Domino Cardinali, rogauitque vt fauorabiliter & amicè, informaret Suam Beatitudinem de cauſæ, & vtriuſque petitionis æquitate. Poſt paucos dies accepit ab Illuſtriſſimo Cardinale reſponſum ſibi videri iuſtum & æquum, vt tam indulgentiæ, quam licentia concederentur, & tam deuotioni præſtantiſſimæ heroinæ, quam deſiderio Oratoris ſatiſfieret; attamen ad obueniendum populi errori, & nimio aduerſariorum timori, ne forſan, aut facilè putaretur negatiua ſententia definiri, aut affirmatiua pænitus explodi, conſultum etiam ſibi videri, vt ad illam inſcriptionem, *Maria concepta ſine peccato originali*, (adiungerentur hæc verba) *piè creditur*.

Hæſit tantisper Orator, & conſilium Theologorum, vel Doctorum Virorum ſibi in hoc requirendum dixit, ne in cauſæ præiudiciuſ admitteret, quod alias pro fauore venditatur. Conuocauit ad ſe quosdam, quibus, in cœtu congregatis, rem propoſuit. Quorum vnum fuit votum, vt pro obtinendis, quam deſiderabat, licentia, & quas expetiit Domina Duciffa indulgentiis, verba illa adiungi conſentiret, nec enim ea cauſæ obſutura, ſed potius profutura dixerunt, adiectis quibuſdam rationibus, quas inferius & ſequenti dabimus Opusculo. Hominum obſecundauit conſilio Dux, iamque ſtatutum erat, prædictum conuenire Cardinalem, & quod obtulerat, eoque quo obtulerat modo, acceptare.

Hoc vt reſciuit Epiſcopus, ſecum anxius cogitare cœpit, quantum incommodum, & indeprehenſum periculum noſtræ latenter præparabatur ſententiæ. Cuius rei dum me participem fecit, damnum hoc eò magis graue, quò minus manifeſtum, dixi, & maturo obueniendum conſilio. Admonuit Epiſcopus latentis periculi eos, quos Dux adhibuit Conſiliarios, Quod vt faciliter perceperunt, ſuadebant Duci, vt non illam, ſed hanc aliam admitteret clauſulam: *Piè credit Eccleſia*. Nec hoc tutum videbatur Epiſcopo, & non parum laborauit vt eos ab hoc conſilio retraheret. Ipſum Ducem miſſis per me litteris rogauit, vt nullatenus vellet illa verba vel reſtriſtionem inſcriptionis numiſmatum admittere, niſi cauſæ ſuæ cuperet præiudicare, & vt me incommoda huius explicationis, vel reſtriſtionis proponentem dignaretur audire. Cordatè, & comiter gratias habuit Epiſcopo Dux ob præſcriptam cautionem, ſeu admoni-

admonitionem, adiungens, nihil tam se desiderare, quam huius causæ profectum, & quæ ad eundem conducebant audire. Diem præterea signauit, quo conuocatis prædictis Consulibus coram & in confesso damnum, coram & in confesso ego explicarem.

Præuenerunt Consules diem, & alibi congregationem, vel cœtum indixerunt, vt liberius, & absque Principis fastidio, & molestia possent & suas obijcere, & meas excipere rationes, ac diligenter omnes discutere, & fundamenta vel admittenda prædictæ clausulæ, seu restrictionis examinare. Ventum erat ad rei iudiciũ; doctè illi suas expanderunt dati Consilij causas, ne scilicet dum respicerentur verba, negarentur Indulgentiæ, & dum non admitteretur explicatio, non obtineretur cudendi licentia. Dixerunt etiam non parum commendari piam sententiam per illa, quæ adiungi volebant verba, quia & quæ irrefragabilia sunt, imò & de fide definiuntur, piè credi à quibusdam dicuntur. Alia his satisfaciens ego in contrarium opposui argumenta; sed illa duo inter cætera mage præcipua. Primum quod ambiguus, & latus sit sensus piæ credulitatis, & multa piè credi ab hominibus, & ab Ecclesia quæ irrefragabilia, & omnino certa non sunt; aduersariosque recentiores, & potioris inter eos notæ viros, quorum ego nuperrima pænes me habui scripta facillime admittere omnia negatiuæ fundamenta, videlicet clarũ, & expressum sensum præseruationis in festiuitate Conceptionis; cultum, ordinem, confraternitates, sacella, templa, et si quæ alia instituta sunt in Conceptionis immaculatæ commendationem; omnia tamen hæc habere pro fundamentopiam solam credulitatem, quàm cum falsitate speculatiua, & maiori probabilitate affirmatiuæ facillè connecti, vel conciliari posse subnectunt. Secundum ipsam eandem rationem, quæ mouebat, vt peteretur facultas cudendorum numismatum; ne videlicet videretur prohiberi illa inscriptio, *Maria concepta sine peccato originali*, virgere ne admittatur illa explicatio; Eâ etenim adiecta obtinebatur libera licentia vt cuderentur toreumata, qua non adiecta, negabatur, vnde confirmabatur suspicio quorundam, & iactantia aduersariorum, non velle Pontificem permittere absolutè dici Virginè absq; peccato conceptâ, propter quod magni orirentur in Hispania tumultus, & instarent affirmatiuæ fautores, vt abraderentur innumera illæ in portis, templis, domibus, foris & compitis Hispaniæ inscriptiones, & elogia Conceptionis, nisi adderentur, & illa verba, quæ adiungi

Cc iij voluit

voluit in Vrbe Pontifex ad ipsam negatiuæ fautorum instantiam.

Plures adnexui his rationes, quas sequenti assigno Tractatu, ob quas consultius duxerunt Consules, vt statuto à Duce concessus die, ei persuaderetur, hanc pænitus gratiam non admittere, nisi inculdi possit illa literatura absolutè, & absq; restrictione. Factum est ita, namque vt coram Excellentissimo Viro convenimus, & omnium nostrorum votum, & rationes audiuit, libentissimè Consilio acquieuit de instando vltius pro libera, & absoluta celandæ, vel cudendæ inscriptionis licentia, quam propter rei æquitatem facillimè obtenturum iudicabatur.

Episcopus verò vt aduersæ cuiuscumque opinioni satisfaceret, sequens voluit concinnari Opusculum, in quo tota rei difficultas, & controuersia expediretur, & constaret quantum potuit causæ officere, quod offerebatur admittere sub distinctis partitionibus, ex aduerso sentientium fundamenta proponuntur, circa vtramq; particulam, quibusdam prænotatis, duas statui conclusiones; & elusis aduersis argumētis quicquid tunc dubij se obrulerat ad Oratoris Episcopi præscriptum, absolui.

OPVSCVLVM SECVNDVM

DE INSCRIPTIONE

N V M I S M A T V M  
CONCEPTIONIS.

Considerato statu controuersię Conceptionis, dubitatur an concedat, vel expediat opinionis negatiuæ fautoribus, & promotoribus admittere indulgentias, quæ pro medallijs (vt dicunt) vel numismatibus imaginem conceptionis, & hanc inscriptionem, *Maria concepta sine peccato originali*, habentibus, offeruntur, dummodo adiungatur hæc clausula, & explicatio, *pæ creditur*.

Breuitè assignantur affirmatiuæ sententię fundamenta:

§. I.

Rationes  
pro opinio-  
ne affirmati-  
uæ.

**A** Liqui affirmant, quod pro fauore, & beneficio habenda sit hæc concessio, primo quia quidquid indulgentiarum concedatur, aut gratiarum fiat hanc opinionem celebrantibus, eo magis illa commendatur; & affirmatiuæ, cui nulla hætenus est concessa, præfertur; & quantumcunq; declaretur concessionem



cessionem hanc fieri ex eo solum, quod pia sit hæc opinio, saltem in hoc superat affirmatiuam, quæ nec pia esse declaratur, nec eius pietas ullis indulgentijs commendatur; & multa quæ irrefragabilia sunt, pie credi dicuntur.

2. Quia conducit potius profectui, & bono huius causæ has indulgentias concedi, & etiam illa apposita clausula, & insuper, vel consequenter dari licentiam, vt medallia cudantur; quam vt hæc indulgentiæ suspendantur, & medallia nullatenus ad publicam, & communem fidelium deuotionem vñiant in posterum, per quod & deuotioni obsistitur, & confiscatio facta à Magistro Sacri Palatii obfirmatur in magnum negatiuæ opinionis detrimentum, cum liceat cuique iudicare, vel opinari, ideo interdictas esse huiusmodi imagines, quia expressè immaculatam præferebant conceptionem, cui mysterio, vel deuotioni contradici putabunt à Sanctissimo Domino propterea, quod in Vrbe sciente, & consentiente eodem Beatissimo Patre, prohibita sunt huiusmodi medallia. Hæc sunt potiora, propter quæ æstimandam putant aliqui huiusmodi concessionem:

Præfertur sententia negatiua.

§. II.

3 Non expedit illam particulam aut indulgentias admittere.

4 Varia assignantur pia credulitatis acceptiones.

5 A multis retro annis piè credebatur opinio negatiua.

6 Quo gradu pietatis modo creditur.

7 Quomodo negatiua argumenta per hanc explicationem soluant Aduersarij.

8 Statuitur, & probatur conclusio.

3 Q Vi pænitiùs, & accuratius rem hanc voluerit considerare, & statum examinare huius controuersię, iudicabit, facileque admitter, non beneficium, sed iniuriam, non commodum, sed incommodum esse hanc concessionem appositâ illâ conditione opinionis negatiuæ. Dum enim viderit, & nouerit hanc sententiam non solum piam, verum, & adeo certam esse, vt moraliter iam falsa esse non possit, multum detrahi dicet eius optimo, in quo est, statui, per adiuncta illa verba; & per nouiter additam explicationem non parum suæ certitudinis amittere.

4 Quod vt clarius videatur, præpono, magnam esse latitudinem piæ credulitatis, ita quod aliquando versetur circa res, quæ habent solum

Turre-  
crem.  
Melch.  
Cano.

solum pro fundamento deuotam, & feruentem imaginationem, vt docuit, qui proponebat in Concil. Basil. pro parte negativa, vt testatur Turrecrem. in suo Concept. lib. par. 13. cap. 6. & cum alijs Melch. Cano lib. 12. de locis c. 11. qui prudenter ait, quod *Viri quidam pii in vita rebusque gestis Christi Domini magis comminiscuntur, quam contemplantur; quæ etiam scribunt non tam verè, & prudenter, quam deuotè, & feruenter, quorum est interdum cæca quidem, ac temeraria in assentiendo credulitas.* Aliquando etiam versatur circa res, quæ habent fundamentum, vt pro veris credantur, vel reputentur, tamen falsæ omnino esse possunt, vt docent Gerson. Alphab. 14. litteris E. I. L. Castro de iusta hæret. punit. lib. 1. c. 3. & alij, & communis est hæc acceptio piæ credulitatis, cum frequenter dicatur piè credi, hominem qui naturali, & non improuisa morte, sed acceptis Ecclesiæ Sacramentis discedit ex hac vita, fruiturum æternâ; & qui elemosinas porrigit pauperibus, aliaque exercet exteriora charitatis officia, piè credatur bonus, cum tamen, & ille possit aliquando stridere in inferno, & hic possit esse sceleratissimus.

3. Versatur pia credulitas circa ea quæ pietatem, & deuotionem fouent, quamuis nec sint de fide definita, nec ex definitis sequantur, vt credere quod Beata Virgo viderit in annunciatione, vel in filij resurrectione, vel Paulus in raptu, clare diuinam essentiam.

4. Circa res, quæ ex definitis eruuntur, vel communiter asseruntur à Doctoribus Ecclesiæ in materia fidei.

5. Circa ea quæ de fide sunt formaliter, vel quæ ad fidem accedunt, vt dixit D. Thom. piè credendum, errare non posse Pontificem in canonizatione Sanctorum, quod quidam de fide esse dicunt, alij proximum fidei. Quæ variæ piæ credulitatis acceptiones possunt videri apud Castrum citatum vsque ad c. x. apud Canum, & Gersonem, etiam citatos, & Aretin. tom. 2. in 3. Scoti d. 25. q. 2. art. 5. Duos latos modos pietatis, vel piæ credulitatis assignat Aegid. Lusit. lib. 3. q. 6. art. 1. §. x. sub quibus omnes istæ acceptiones à nobis assignatæ, comprehenduntur; Alias 4. strictiores pietatis acceptiones asserit Turrecremata 1. p. c. 9. sui Tract. de conceptione, quæ ferme coincidunt cum 4. & 5. modo supra à nobis relatis, & ad eosdem possunt reduci. Et tot, tantæque sunt piæ credulitatis acceptiones apud authores, vt in tanta varietate, & latitudine, nihil sit tam infimum, aut fallibile, nec tam excelsum, aut irrefragabile, ad quod non attingat pia credulitas.

Thom.  
quod l. 9.  
art. 16. in  
cor.  
Vide  
Valent.  
to. 3. d. 1.  
q. 1. punc.  
7. §. 41.  
Arag. 2. 2.  
q. 1. art. x.  
tract. de  
Summ.  
Pont. in-  
dub de ca  
non. Sæc.  
Bannes  
ibid. dub.  
7. cõclu. 3.  
Cordub.  
14. quest.  
q. 13. &c  
altus.

5 Notan-

5 Notandum præterea sententiam negatiuam statim in contro- *A multis*  
 uersæ Scholasticæ principijs, sub hoc titulo piæ, & deuotæ opinio- *retr. aa. in*  
 nis defendi, & publicari, & hoc Mysterium sub pia, & deuota cre- *piè crede-*  
 dulitate celebrari ab Ecclesijs particularibus capisse; vt colligere *batur hac*  
 est ex D. Bonauentur: in 3. d. 3. art. 1. q. 1. Ad 4. ex Scoti cœuis, ex *opinio.*  
 Decreto illo, licet inefficaci, Concilij Basilien. & ex c. *Cum præ excelsa*  
 (in quibus, & opinio pia dicitur, & Mysterij celebratio pietatis  
 commendatur, ipsaque Officij ordinatio per Leonardum Naga-  
 rolum, in quo tones Virgo à peccato originali vendicatur, pia, lau-  
 dabilis, & deuota à Sixto I V. prædicatur) ex omnibus denique il-  
 lius temporis scriptoribus, qui sub illo nomine eam celebrabant, ita  
 vt sub nullo alio tam publicaretur, aut commendaretur tunc, quã  
 sub piæ opinionis titulo, sub quo magis magisque inualescebat.  
 Vnde nihil tam sibi curandum putauit Vincent. Bandellus, quam  
 hoc nomen, & titulum piæ sententiæ, sub quo tantopere commen-  
 dabatur, & propagari caput, ab eadē auferre, vt nihil quo commen-  
 daretur, aut propugnaretur haberet, vt videre est ex utroque eius  
 Tractatu de hac re. Idemque ante eum desiderauit Turrecr. in illo  
 libro qui sub eius nomine prodijt, loco supracitato, & passim alibi.

6 Notandum tertio paulatim, & quotidie maiores acquisiuisse *Quo gra-*  
 vires hanc sententiam, dum à pluribus, & præcipuis Doctoribus *du pietati*  
 frequentius defendebatur, & docebatur, dum continuis Pontifi- *modo cre-*  
 cum fauoribus approbatur, dum solemniter instituto Conce- *datur.*  
 ptionis Festo, & Officio, Ecclesiastico celebrabatur cultu, dum  
 religionis approbatione, confraternitatum, Templorum, Xeno-  
 dochiorum, Altarium, Sacellorum erectione, alijsque fauoribus  
 Pontificijs tantopere inculcabatur, & iam demum statutum sit à  
 Sanctissimo Domino Paulo Papa V. vt illa, & sola illa doceatur  
 ex cathedris, prædicetur è rostris, & in alijs publicis proponatur  
 actibus. Ex qua tam multimoda Ecclesiæ approbatione, & com-  
 mendatione tantam certitudinem assequeuta est, vt iam falsa esse  
 non possit, & non solum piè credenda sit in primo, secundo, vel  
 tertio sensu piæ credulitatis, verum & alio superiori, & certo sit am-  
 plexanda certitudine, non fidei, sed alia minori, licet maxima sub  
 certitudine fidei, vt multi, & præcipui ex grauissimis huius æui *Agit. ci-*  
 Theologis docuerunt, & scripserunt, ducti, vel hac vrgenti ratione, *rat. 4. 9 &*  
 quod Ecclesia, quæ instituit Festum & Officium Conceptionis in, *seq. scati-*  
 primo instanti immaculatæ, vt iam ostensum est S<sup>mo</sup>. Domino, *bi passim*  
*Cathar.*  
*tribuslib.*  
*de Con-*  
*ception.*  
 errare

Granada  
d. 3. de ef-  
fen. pecc.  
& iust.  
orig. c. 3.  
concl. 1.  
& aliq ex  
recc. ior.

Aret. to.  
1. in 3.  
Scoti d. 3.  
q. 1. art. 6.  
ad fin.

Quomodo  
negativæ  
argumen-  
ta solvant  
Aduersa-  
rii.

Conclusio.

Probatur  
primo.

errare non possit in hoc tanto diuini cultus actu, & vniuersali propositione, nec in approbatione religionis sub titulo Conceptionis immaculatæ, sub quo in perpetuum famulatum, quotquot voluerint ex fidelibus se possint consecrare, vt alia huius certitudinis fundamenta modo omittam. Vnde recte Franciscus à Pitigianis Aretinus postquam tot, tamque præclara pro negatiua sententia statuit ar. 5. argumenta, subiunxit. *Ex his omnibus concludo sententiam negatiuam nedum esse magis piam, sed etiam magis consentaneam non solum rationi, sed etiam Sanctorum Patrum doctrine*, vbi non solum docet esse piam, vel piè credendam, sed pro vera, & certa tenendam, & gradum piæ credulitatis subindicat minorem, & inferiorem esse eo, quem modo habet. Quod etiam innuere videtur Decretum Basilien. & forma iuramenti Academicæ Compluten. & aliarum, in quibus non solum piam esse opinionem negatiuam, sed consonam sacræ Scripturæ, & doctrinæ Patrum, inculcatur.

7 Norandum 4. ita premi Aduersarios his rationibus argumentisque deductis à Festi institutione, religionis approbatione, & similibus, vt iam qui magis cordate inter eos loquuntur, non negent celebrari, & commendari in Ecclesia Conceptionem immaculatam, sed quodam effugio ab argumentorum pondere se expedire procurent, & respondeant, non celebrari Conceptionem immaculatam, aut opinionem hanc negatiuam, tanquam omnino certam, vel summe probabilem, sed sub pia credulitate, vel tanquam piam, & aliquantum probabilem. Vnde & inferunt posse omnino hanc sententiam falsam esse, cum quidquid pium sit credere non obinde sit verum, cum à diuersis fundamentis & veritas, & probabilis pietas circa sententiam aliquam oriantur. Quare & publicè docent suam esse veram, hanc esse piam; suam prodire ab intellectu, aliam à voluntate; suam esse Doctorum sapientum, aliam rudis, sed pij, & deuoti populi. Et in hoc sensu explicant illa verba constitutionis Pij V. liberam concedentis facultatem, vt quisquam pro suo captu eam sequatur opinionem quæ sibi, vel magis probabilis, vel magis pia apparebit, *magis probabilem* dicentes intellexisse Sanctum Pontificem, affirmatiuam, per *magis piam*, negatiuam.

8 Dico ergo. Nullatenus expedit bono, aut profectui opinionis negatiuæ admittere oblatas indulgentias cum illa restrictione, declaratione, aut clausula *piè creditur*. Probatur primo ex manifesto, & satis

& satis noto inconuenienti, quo maius huic opinioni accedere non potest, nam hac declaratione, vel clausula adiecta, res omnis ad principia à quibus incepit, facili explicatione reducetur, & controuersia ad statum in quo erat, antequam Mysterium hoc ab Ecclesia vniuersali Festo coleretur, reuocabitur ab Aduersarijs; quidquid tot annorum spatio acquisiuit certitudinis astricto Aduersariorum cogitatu in ictu oculi, & vno verbo pessundabitur, & euertetur.

Secundo quia particula hac adiecta, Aduersariorum effugium, *Secundo.* & tergiversatio ad fortissima argumenta, & fundamenta, quibus negatiua firmatur, manifesta explicatione Ecclesiæ confirmabitur, & consolidabitur; nec aliud per admissionem, vel approbationem prædictæ particulae assequi poterunt negatiuæ sententiæ fautores, quam suis Aduersarijs arma præbere, quibus & negatiuam validius impugnent, & affirmatiuam facilius defendant.

Præterea non desunt qui dicant, vel suspicentur Aduersario- *Tertio.* rum hanc esse suggestionem, & Sacri Palatii Magistrum libenter assensurum incusioni numismatum, dummodo addatur illa particula, sic enim dicunt omnem remoueri scrupulum, & formidinem definitionis, & libere posse concedi indulgentias absque suæ sententiæ præiudicio. At quod illorum suggestionem nobis offertur, & quod illi inculcant, vt nobis concedatur, licet pro gratia, & munere reputetur, vel offeratur, artificiosum tamen, & palliatum donum illud ego crediderim. Timeo certè Danaos, & dona ferentes. Caueant sibi fautores negatiuæ, profecto latet anguis in herba; admissa etenim hac clausula *pæ creditur* nullum extabit solidum fundamentum, nec firma restabit ratio, qua circa definitionem possint instare, nihil eis remanebit, quo Aduersarios expugnent, nihil aderit quo eorum repellant molestiam, dum ad quodcumque vel fortissimum argumentum desumptum ex cultu, & celebratione sanctæ Ecclesiæ, vel petitum ex institutione Ordinum, vel emendicatum ex erectione Templorum, Confraternitatum, Altarium, Sacellorum, &c. vel etiam ex Reuelationibus, & Miraculis, vel ex consensu Fidelium, aut communi Doctorum, & Academicarum doctrina, vel à plerisque maximisque Indulgentijs iam huic opinioni concessis, statim adsit, quod respondeant, nimirum ab omnibus celebrari, & tantopere fautoribus Pontificum commendari; à populis, & Doctoribus teneri, tanquam

D d

piam,

piam, vel quæ pie, & probabiliter tantum potest credi. Nec aliter posse intelligi, aut contrarium dici, adijcient; dum ita publico æctu, & inscriptione medalliorum, seu numismatum per vniuersum Orbem spargendorum, & distribuendorum hoc ita declaratum sit à Pontifice, & confirmatum Indulgentijs superadditis, ad ipsam negatiuæ fautorum instantiam. Vnde & quidquid pro negatiua eius fautores adduxerint, facile admittent Aduersarij, sed nihil exinde inferri statim obijcient, nisi quod piè credatur ita esse, quod non tollit, quin sententia ex se falsa sit.

His itaque Indulgentijs certè non indulgetur, nec fauetur negatiuæ sententiæ; fauor, & indulgentia profecto est affirmatiuæ. Arma se inscijs præbent negatiuæ fautores Aduersarij, credant mihi suo se gladio iugulant; & dum promouere suam student sententiam, retrogradi faciunt, dum confirmare putant, infirmant. Dum omnem, & maximam eius certitudinem ad piam tantum credulitatem, ipsis vocibus ambiguam, reducunt, quam, & ea quæ pænitus falsa sunt quotidie fortiuntur.

An conueniat indulgentias admittere apposita hac clausula,

*Piè credit Ecclesia.*

### §. III.

- |   |   |
|---|---|
| 9. Proponitur ratio propter quam dicantur admittenda.   | ab Ecclesia celebrari.  |
| 10. Concluditur non esse admittendas.   | 15. Non quicquid quouis modo piè credit Ecclesia, est omnino certum.                            |
| 11. Adnotatur Ecclesiam sine huiusmodi restrictione semper celebraſſe immaculatam Conceptionem. | 16. Multum differunt assensus piè credulitatis, & assensus fidei.                               |
| 12. Aduersarij satis ad suam mentem admittunt Ecclesiam piè credere negatiuam sententiam.       | 17. Ferme, vel aliquando coincidunt piè credere, & presumere.                                   |
| 13. Dicunt etiam quædam ab Ecclesia solemniter approbata, vel piè credita postea reprobari.     | 18. Ipsa ratio propter quam dicebatur hanc clausulam esse admittendam, persuadet ne admittatur. |
| 14. Et alia non omnino certa posse  | 19. Si clarè, & fauorabiliter à Pontifice explicetur, poterit admitti.                          |
| empla.  | 20. Tota res declaratur familiari exemplo.  |

*Proponitur ratio propter quam dicantur admittenda.*

9 **B** Onum forsan reputabitur consilium, & prudens iudicabitur dictamen, illas indulgentias non reijcere, & particulam admittere, non sub ijs nudis, & indeterminatis verbis, sed istis, *piè credit*

*credit Ecclesia*, quibus determinetur, cuius sit hæc pia credulitas, & ostendatur non esse hanc opinionem piam solum apud Plebeios, vt Aduersarij calumniantur, verum, & apud Doctos, & præcipuos vniuersaliter in Ecclesia viros.

Ita censendum, & fatendum affirmabunt aliqui, vel hoc solo ducti fundamento, quia magna erit negatiuæ sententiæ autoritas, & profectus, quod publicis, & claris verbis illa dicatur piè credi in Ecclesia Catholica, quod de ea hætenus præcedentes Pontifices non dixerunt, quare per illud honorificum verbum *Ecclesie* superadditum, magnam dicent conciliari negatiuæ auctoritatem. Præcipuam hanc affirmarunt huius consilij rationem, qui illud exco-gitarunt.

10 Verumtamen dico; etiamsi concedatur apponi hanc particu- *Conclusio.*  
lam *piè credit Ecclesia* nullo modo debent admitti; Probatum primo, quia nunquam tali phrasi, & stylo Ecclesia vsa est in celebratione istius Mysterij, sed superiori omnino, dum absoluta, & constanti affirmatione, sine vlla hæsitazione, sine vlla dubietate, aut tergiversatione, sed clarè, distinctè, & intrepidè Virginem Mariam ab originali peccato præseruatam fuisse affirmat, & hac intensione semper hoc Mysterium coluit, & exaltauit, nec illud vnquam ad solam pietatem, cui falsitas subiacere potest, reduxit.

11 Aperte namque in Ecclesia celebratur hoc Mysterium eisdem phrasibus, eodem genere loquendi, quo vtitur in celebrandis *Aperte sine huiusmodi explicatio- ne Ecclesia hoc celebrat Mysteriū.*  
ijs Mysterijs, & rebus, quas veras iudicat, & pro indubijs veneratur. Nec verbum vllum adiecit, vel intermiscuit officio Conceptionis, ex quo dubitandi ansa arripi possit, an tanquam rem sibi certam, & exploratam Virginis colat Conceptionem vt immaculatam, & à peccato originali omnimodè immunem. Imo rem omnem, & sanctum Mysterium ita disertis verbis proposuit fidelibus venerandum, ita clara, absoluta, & manifesta loquela illud profite-tur, & explicat, vt vel ipsa Officij, & Missæ verba legenti dimi-nutiua, & iniuriosa satis huius explicationis videatur additio. In Officio proprio, & speciali huius Festi à Sixto quarto fide-libus elargito, & commendato, absolutè, & sine addito sapius vocatur Beatæ Virginis Conceptio immaculata; dicitur Virgo ex Christi morte præuisâ, ab omni labe præseruata, docentur fi-deles vitam sibi postulare sempiternam, sub illo pacto, & con-ditione quod Deus Virginem ab originali peccato præseruauerit;

Dd ij

quam

quam certe præcandi formulam, aut conditionem minime assignaret, nec approbaret Ecclesia, nisi eam pro certa, & indubitata tene-  
ret, quare & ibidem absolute Christum Beatæ Virginis præserua-  
torem appellat. In eodem etiam Officio omni ablata tergiversatio-  
nis occasione dicitur clarissimis verbis; *Tota pulchra es Maria, & macu-  
la originalis non est in te*. In Missa cantatur, eam immunē in suæ Con-  
ceptionis die apparuisse, præueniente peccatū Dei gratiā. In officio  
communi, quod hodie recitat vniuersa Ecclesia, dicitur Conceptio  
absolute sancta, cultu dignissima; Nec aliquando quicquam ex his  
pie credi dixit Ecclesia, sed hæc, & alia his similia in eodem officio  
constāter sine diminutione, aut restrictione asseruit. cur ergo modo  
talis mutatio in Ecclesiæ phrasi, & stylo admittenda, & introdu-  
cenda iudicabitur, cum per tot annorum spatium nunquam talis  
vox, aut phrasis audita fuerit in Ecclesia.

*Hæc expli-  
catione v-  
tetur  
contra nos  
Aduersa-  
rij.*

12 2. Quia ex ipsis Aduersarijs viri præcipui, quorum scripta no-  
uiter edita videre licuit, admittunt Ecclesiam piè credere Virginem  
fuisse absque peccato conceptam: imo, & vltius ita proposuisse,  
& statuisse fidelibus credendum asserunt liberrime, nihil tamen  
aliud inde sequi, nec ex vniuersali Festi Conceptionis immaculatæ  
celebratione deduci subiungunt, quam opinionem hanc piè tene-  
ri, & credi in Ecclesiā vel tanquam deuotam, vel piam celebra-  
ri. Quod non vetat, inquit, quin contraria opinio sit probabi-  
lior & verior, & hæc pænitus sit falsa. Quod & adiectis exemplis,  
(quorum veritatem, aut accommodationem non est modo ani-  
mus examinare) confirmant. Nam recte, dicunt, potest celebrari  
opus bonum, & meritorium, & practice coli, vel piè credi in Eccle-  
sia, cui speculatiue possit error vel falsitas subesse. Piè etenim cre-  
dit qualdam reliquias, quæ in sancti Stephani, vel sancti Lau-  
rentij (verbi gratia) Ecclesijs seruantur, & eorum Sanctorum ossa  
dicuntur, tales esse, & eas vult ab omnibus frequentari, & ado-  
rari; & tamen non est infallibile illorum esse reliquias; Imo  
potest contingere, vt pro Martyrum, vel Sanctorum Reliquijs,  
ossa malefactorum, & sceleratorum hominum, vel ex ignorantia,  
vel ex malitia aliquando supponantur. Credit etiam Ecclesia, cui-  
cumque pauperi, propter Christum petenti eleemosinas largiri, &  
parentem venerari opus esse meritorium, & practice exercendum:  
attamen qui eleemosinam accipit, aliquando se pauperem fingit;  
& cui parentis honor defertur, parens aut consanguineus, vel affi-  
nis ali-



nis aliquando non est. Vnde & subiungunt, quod licet Ecclesia piè credit Virginem absq; originali conceptam, & eius Conceptionem tanquam immaculatam, piè credendam, & venerandam proponat fidelibus, adhuc subesse posse errorem speculatiuum; & in peccato conceptam fuisse, esse possibile. Cum ergo hæc, & his similia concedant ipsi Aduersarij, ijsque tanquam propugnaculis contra nos vtantur, cur illa verba petemus concedi, aut concessa admittamus? An vt auctoritate Pontificia commendatam, vel declaratam solutionem, & tergiuersationem Aduersarij vsurpent? & nos verba, quibus illi vtuntur, à Pontifice approbati, & illis concedi rogemus?

13 3. Piè credit Ecclesia, religiones, quas approbat, vtiles futuras, & esse, in eadem, vt tam eandem contra suos hostes defendant, & adiuuent, quam vt sub eisdem militantes facilius, & commodius gloriam consequantur cœlestē. Et tamen in his approbationibus falli, & in pia sua credulitate frustrari aliquando Ecclesiam cum Melchiore Cano docuerunt, licet perperam, aliqui ex Aduersarijs. Idque probant, & si, vt mihi videtur, inefficaciter, ex eo quod pleræque à quibusdam Pontificibus approbatæ, ab alijs reprobentur, & tanquam non solum inutiles; verum, & nociuæ in Ecclesia Catholica pænitus extinguantur. Et ex celebri textu c. A. nobis de sent. excomm. vbi Innocent. II. affirmat. *Iudicium Dei, veritati, quæ non fallit, neque fallitur, semper innititur; iudicium autem Ecclesie non nunquam opinionem hominum sequitur; quam & fallere sæpè contingit, & falli; propter quod contingit interdum, vt qui ligatus est apud Deum, apud Ecclesiam sit solutus, & qui liber est apud Deum, Ecclesie sit sententia innodatus.* Quod de iudicio probabili, vel pio, quod opinioni innititur, non de definitiuo fidei intelligendum aduertunt. Cum ergo sententiam negatiuam infimæ solum inferiorum hominum & deuotæ plebis opinioni inniti contendant, licet modo declararetur eam piè credi ab Ecclesia, nunquid obinde certam esse, aut sua veriore admittent Aduersarij? aut per hanc particulam aliquantulum causam nostram promouebimus?

14 4. Nos ex absoluta Felti institutione vniuersali fermè Ecclesiæ consensu, alijsq; similibus, deducimus sententiâ hanc omnino esse certam, ita vt nunquâ falsa esse possit. At Aduersarij victi, vel laborantes huius argumenti pondere, nihil tam procurant (vt sæpius dixi) quam probare Ecclesiâ non absolutè, sed sub pia credulitate,

*Quadam  
dicunt ab  
Ecclesia  
approbata,  
postea re-  
probati.*

*Et alia non  
omnino  
certa posse  
ab Ecclesia  
celebrari.*

vel probabilitate opinionem, vel Myſterium hoc celebrare. Poſſe vero Eccleſiam ita facere, & cum reſtrictione, vel probabilitatis vel pietatis Feſtum aliquod celebrare, vel permittere, multorum eſt ſententia; nec plus tribuendum eſſe certitudinis, aut infallibilitatis alicui Myſterio, vel ſententiæ, quæ ſolemni Feſto celebratur, quam ipſa Eccleſia, addita quamvis particula, declarauerit. Vnde & ſtatuerè poſſe dicunt ex ipſis Aduerſarijs quidam, Feſtum in quo ſolum piè credatur, vel colatur. Virginem ſanctiſſimam in Incarnatione Verbi, vel Paulum in raptu viſiſſe diuinam eſſentiam. Cum ergo à patronis & defenſoribus negatiuæ ſententiæ contendatur, & efficaciter probetur non ſub reſtrictione aut declaratione limitatiua piæ probabilitatis, aut credulitatis, ſed abſolutè, & tanquam certum, Myſterium Immaculatæ Conceptionis propoſitum fuiſſe fidelibus ab Eccleſia venerandum, & colendum, quare modo petent, vel expedire iudicabitur declarari ab eadem Eccleſia, omnia quæ reddunt fideles obſequia, ſe præſtare in honorem Conceptionis, eo quod tantum piè credant, fuiſſe ſine peccato originali factam.

An quis  
quid quo-  
uis modo  
credit Ec-  
cleſia ſi  
omnino  
certum.  
1. Tim. 4.

15 At dicis; quod, quidquid Eccleſia tenet, & ſe credere expreſſis verbis facetur, omnino certum, & infallibile eſt, & ab omnibus Chriſtianis tanquam veriſſimum admittitur; ne concuti, aut vacillare dicamus Eccleſiam, quam firmiſſimam veritatis columinam, & fundamentum Paulus vocauit. Dum ergo Pontifex adiunxerit illam particulam, *piè credit Eccleſia*, fidem Eccleſiæ in his verbis exprimit, cui nec Aduerſarij refragari, nec audebunt, nec volent, ſed nobiſcum negatiuam amplectentur ſententiam, & à ſua libenter recedent.

Adulterum  
diſſeruit  
aſſenſus piæ  
credulitati,  
& aſſen-  
ſus fidei.

16 Sed hæc apparens ratio facillimè eluditur, dum ampliſſima aſſignetur differentia inter fidei aſſenſum, & piam credulitatem. Nam fidei aſſenſus eſt omnino ſupernaturalis, & à ſupernaturali principio inclinante ſemper in verum; ita quod nec per diuinam potentiam habitus fidei infuſæ, aut auxilium aliquod ſupernaturale, habitus vicem ſupplens propendere, aut potentias inclinare poſſit ad aſſentiendum rei falſæ, nec aſſenſum elicere rei, cui poſſit falſum ſubefſe. Aſſenſus vero piè credulitatis, licet ex aliquo capite ſupernaturalis ſit, aut poſſit eſſe, & ab animi pietate (quam *diuini cultus religioſam deuotionem*, rectè definiuit Hugo Victor.) vel à deuotæ mentis affectu procedat, non proinde tamen neceſſe eſt, ve ſemper

Hugo  
Victor. l.  
de clau-  
ſtro ani-  
mæ.

semper versetur circa verum speculatiuè; sed circa deuotum, & pium, quod tamen multoties falsum esse comprehenditur, vt supradictum est notabili primo, & expressè docuit ille, qui partes agebat nostras in Concil. Basilien. dicens coram toto Concilio. *Communitè in Ecclesia quedam magis pia dicuntur ad inflammandum affectum, quam ad instruendum intellectum, ac inibi pietas deuota amplius inspicitur, quam veritas certa. Pia enim credulitas, non tam super veritate innititur, quam super apparentia, & probabilitate, dum falsitas seu veritas ignota est eius, quod pium est;* quod & exemplis, quæ apud Turrecr. p. 13. c. 6. videri possunt, corroborat: siue ergo pia credulitas sit huius vel illius, siue peculiarium personarum; siue Superiorum Ecclesiæ Prælatorum, ipsiusve Ecclesiæ esse dicatur, non accedit ad infallibilitatem fidei, nec omnem tollit errorem, vel falsitatis periculum, quod & manifestis constat exemplis. Nam præter ea, quæ supra attulimus, alia pleraque suppetunt, quibus facile ostenditur etiam ex ijs, quæ piè credit Ecclesia aliqua esse fallibilia. Piè credit Ecclesia Pontificem quemquam summum Sacramentis acceptis ex hac vita discedentem, in gratia defunctum esse, quod & se ita piè credere solemnibus exequijs, & precibus vniuersarum Ecclesiarum pro eodem orantium, confirmat; & nihilominus potuit euenire, vt in statu damnationis obierit. Accedentem deuotè ad Eucharistiam piè suscipit Ecclesia, eademque pietate credit fidelem esse, & benè dispositum ad dignam eiusdem Sacramenti sumptionem, cum forsitan multis sceleribus pollutus, damnabiliter, & fide ad ineffabile veniat conuiuium. Pia ergo credulitas Ecclesiæ vt sic, nihil statuit certum, aut infallibile, nec per illa verba suam exprimit fidem, sed deuotionem vel pietatem vniuersalem erga immaculatam Virginis Conceptionem.

17 Sed instabit aliquis Ecclesiam in illis casibus à nobis assignatis non credere, sed præsumere; in præsumptione vero facilius decipi posse, non autem in sua credulitate, aut fide.

Fateor libentissimè, & promptissimè, Ecclesiam in sua fide, vel credulitate diuina falli, aut errare non posse; in alia vero inferiori credulitate, vel humana, vel à deuotione, aut pietate tantum procedente, non tenere, nec sequi necessario infallibilem veritatis mensuram: vnde sicut in ijs, quæ vera præsumit, ita in alijs, quæ piè tantum credit in primo, secundo vel tertio modo assignatis in primo notabili, aliquando poterit ab eadem deflectere. Nam &

D d iij

hæc

*An coim-  
dant piè  
credere, &  
præsumere.*

Caiet. 2.  
2. q. 21.  
art. 1.

hæc verba *presumo*, & *credo*, aliquando coincidunt, cum vtrumque satis amplam, & ambiguam habeat significationem. Ita de verbo *presumo* docuit Caietanus, dicens; *Non solum in usu Iuristarum, & moralium, sed etiam in ipsa morali Theologia presumptionis vocabulum æquiuocum est.* Et verbum *credere* multoties idem significat, quod putare, opinari, æstimare, vero similibus argumentis coniecturare, quod idem est, atque præsumere; vt ex varijs Ciceronianis locis docent Calepinus, Berchorius, & alij in suis Dictionarijs, in eademque acceptione verbum *credo* inuenire, vel videre licet Deuteroni. 2. 21. Iob: 15. 22. art. q. 26. Præsumit ergo Ecclesia in illis casibus, & pro sua pietate credit, tam illum defunctum, in gratia decessisse, quam hunc ad Eucharistiam accedentem, cum eadem ad tremendam mensam recumbere, in quorum vtroque falli erit facillimum.

Aliud inconueniens  
si admittatur hæc  
particula.

18 Quinto & vltimo, vel hac vnica ratione efficaciter probatur  
2. Conclusio. Nihil tam mouet fautores, & promotores negatiuæ sententiæ, vt insistent de concedenda licentiâ, vt hæc medallia cudentur, quam ne dicatur in populo, & præcipuè in Hispaniarum Regnis inscriptionem illam, *Maria concepta sine originali peccato*, publice prohiberi, & ab imaginibus radi ac propter eam medallia interdici. Sed hoc ipsum inconueniens remanet, & vrget, licet admittatur illa particula, eaque appositâ confirmabitur deuotorum suspicio, ipsoque facto comprobabitur rumor, & fama, quæ percrebuit, dum iam viderint eadem ipsa medallia sub alia distincta inscriptione, vel noua declaratione circumferri, qua non adiecta non permetterentur cudi, aut in communem populi deuotionem distribui; vnde & nouus generabitur scrupulus, si liceat absolutè hæc verba tabulis inscribere, vel affirmare tanquam certa, *Maria fuit concepta sine peccato originali*, nisi & illa addatur explicatio, quam publica autoritate Pontifex adhibuit. Et hinc noua aderit perturbationum occasio, dum Aduersarij plurima, & frequentissima Conceptionis immaculatæ elogia vel literaturas parietibus, Ecclesijs, & locis publicis præfixas, radendas instabunt, & supremæ Inquisitionis fauore, vel auxilio implorato, eo facile hoc tempore obtinendo, vrgebunt, idem eodemque modo in his inscriptionibus, & titulis esse affirmandum in Hispania, quod Summus Pontifex dixit, & declarauit in Vrbe. Quod quantum qualevè inconueniens, aut incommodum sit, quasve occasiones simultatis, & perturbationis præbebit in Hispania facillè iudicabit, qui tumultus, &

tus, & turbulentos motus, qui propter hos ipsos titulos affligendos, vel tollendos iam vidit, vel audiuit in Hispania.

19 Fatebor tamen, quod si Beatissimus Pater declararet de qua pietate se intelligi & verba illa explicari, intendit, si diceret esse intelligenda de pietate, quæ fidei est consona, vel quæ ad fidem accedit si illa explicaret in 4. vel 5. sensu piæ credulitatis, in 1. notabili assignatis, non esse respuenda, sed libenter admittenda; quamvis nec multum propter hoc nostræ sententiæ conferretur, cum ex publico, & solemnî Ecclesiæ cultu hac ipsa pietate fidei consona, & quæ falsitatem, aut fallibilitatem secum non compatitur, iam negatiua opinio credenda, & tenenda sit, vt multis, & doctè probat citatus Aegid. ex eo præcipue, quod absolute Pontifex hanc Festiuitatem ordinauerit, sicut & aliæ institutæ sunt eiusdem Virginis celebritates in Ecclesia, quæ obinde Mysteria, quæ in eis celebrantur, omnino vera, & certa reddunt, vt alij quos citat Aegid. ibidem probant eruditè de hoc Mysterio Conceptionis; At si solum indifferenter, & ambigue dicat, ita piè credere Ecclesiam, & æquiuioca illa verba offerat adiungenda, nequaquam accipienda, vel addenda reputo, cum sub illa ambiguitate latus campus pateat Aduersarijs, vt per eum expatiantur, & sua, de pia, & probabili credulitate, sub qua potest esse falsitas, vtantur solutione aduersum nostra argumenta. Vnde erit perpetua ambiguitas, & æterna concertatio, dum nos illa verba nobis fauere, & Pontificem dixisse, vel voluisse sententiam negatiuam esse credendam pietate fidei consonâ, & infallibili, contenderimus; illi vero suæ fauere opinioni moleste nimis virgèrè voluerint, & Sanctissimum Dominum de pietate tantum probabili intelligendum esse affirmauerint. Per quod nihil aliud fiet, quam lites in longum producere, contentiones fouere, Aduersariorum tergiuersationes confirmare, & concertationes reddere acriores, donec iterum consulendus veniat Summus Pontifex de illorum verborum intelligentia.

20 Rem omnem vnico & familiari in hac materia exemplo declaro. Satis sibi fauisse, & indulgisse Sanctissimum Dominum forsân reputabunt negatiuæ sententiæ fautores, si definiat Virginem in vtero materno fuisse Sanctificatam. Noui responsuros nihil hoc illorum promouere sententiam, non ob aliam rationem nisi quia Sanctificationis nomen ambiguum est, & commune, tam ei quæ fit in primo instanti Conceptionis, quam ei, quæ post con-

*In suis ambiguitatibus non est admittenda hæc particula.*

*Declaratur sola res familiaris exemplo.*

D. Tho.  
quod l. 9.  
art. 16.

ceptionem, vel post primum instans, vel post diem, aut mensem fit. Imo potius putabunt, & dicent Aduersariorum indulgeri opinionioni, quam suæ, propterea quod illi crebrius hoc nomine Sanctificationis vtantur, licet & nos etiam infusionem gratiæ in primo instanti, Sanctificationem vocemus. Similiter dico, quod licet pietatis nomen, vel piæ credulitatis acceptio nobis etiam in uno sensu possit fauere, dum & piæ credatur aliquando etiam quod de fide est, vel quod ad fidem accedit, vt ex D. Thoma supra diximus, tamen dum illa verba, *piæ credi Ecclesia*, proferuntur absolutè, & in sua ambiguitate relinquuntur, possintque Aduersarij ea vsurpare in vno ex tribus primis acceptionibus à nobis supra assignatis; nobisque constet, quo modo, & quibus excogitatis interpretationibus vtantur, vel abutantur verbis, & vocibus contra nos, particulam illam nullatenus iudico esse adiungendam.

Satis fit argumentis vtrique resolutioni contrarijs.

#### §. IV.

21. *Respondetur argumentis suadentibus admittendam esse hanc clausulam, piæ creditur.*

22. *Fit satis unico fundamento dictum admittendam esse illam clausulam, piæ credit Ecclesia.*

*Fit satis  
argumentis  
suadentibus  
admittendam  
esse particulam,  
piæ creditur.*

21 **A**D argumenta eorum, qui verba *piæ creditur* esse admittenda absolutè affirmabant, facillimè ex dictis respondetur; debilia etenim sunt, & leuiora, quam quæ hominem cordatum, & in hac re expertum conuincere possint. Nam vt commentetur pro piâ hæc sententia nihil opus habet, cum olim ex suis inijs, hoc sibi nomen vendicauerit, & iam præter illam piam credulitatem, maximam adeptæ sit, & probabilitatem, & non exiguam certitudinem. Cum igitur illa pericula *piæ creditur* in ambiguo suo sensu, & inferiori, ab Aduersarijs explicando, plurimum diminuat, & probabilitatem hanc, ac certitudinem in dubium reuocet, & secundum illorum sensum solam illam piam credulitatem in prima acceptione assignatam, relinquat, vel concedat, nihil confertur negatiuæ, sed detrahitur. Nec illa ratio vrget, qua submonetur saltem in hoc præferri affirmatiuæ, dum quæ illi non tribuuntur indulgentiæ huic conceduntur; Nam adeo iam magno excessu, alijque sine hac restrictione, vel explicatione, concessis indulgentijs affirmatiuam superat, vt his, apposita hac clausula, non indigeat,

geat, nec nouum addat hæc concessio super affirmatiuam incrementum, sed multum negatiuæ excellentiam diminuat.

Ad secundum respondetur nihil conducere profectui huius causæ ut illa, vel quæuis alia medallia hac apposita particula cudentur, nam per illa, & in illis circumferuntur, & publicantur illa verba ambigua diminutiua, & restrictiua in explicatione aduersariorum, totius certitudinis huius sententiæ. Quare, nec causæ conducit, nec expedit deuotioni fidelium, qui propter Ecclesiasticum, quem vident exhiberi cultum in honorem Conceptionis immaculatæ, putant adeo verum esse, Virginem à peccato fuisse præseruatam, quam verum iudicatur Ecclesiam (quæ in Festorum institutione errare non potest) non celebrare, nisi quod certo sanctum est; nec solum pia illa, & infirma credulitate, quam prætendunt, & propinant Aduersarij, sed alia maiori, & firmiori, fidei consonâ, credunt, & adhærent negatiuæ sententiæ. Nec ex eo aliquod iminetur periculum, nec damnum imminet huic sententiæ, si ex non admisione harum indulgentiarum, negaretur licentia, illa medallia cudendi, & putaretur approbari, aut confirmari confiscationem à Magistro Sacri Palatii factam, nam adhuc alia circumferuntur à temporibus Iulij I. & Leonis X. medallia, quæ imagines habent Conceptionis idipsum, quod hæc repræsentantes, quibus quæ conceduntur indulgentiæ, possunt applicari. Confiscatio autem facta à Magistro nihil derogat sententiæ, nam qui causam norunt, ideoque hæc numismata confiscasse sciunt, quia incusores illa audenter nimis incudere attentarunt, eius non petita licentia, quam exostulare tenebantur, dicent; suo iure iustè vsum fuisse magistrum, & maioribus incommodis obuiare voluisse, ne alia, quæ superstitiosa, vel falsa esse potuerant, licentiosè, & surreptitice illi artifices excudere auderent, & obinde prouide à Sanctissimo Domino confiscationem hanc approbatam vel permissam. Qui verò in extraneis Regionibus hanc non percipiunt causam, amulationi potius hominis, huius opinionis Aduersarij, & contrariæ fautoris, quam dubietati, aut falsitati illius, quod imago repræsentabat, vel litteræ pronuntiabant, id actum tribuent.

72 Ad vnicum illud fundamentum dicentium admittendam esse aliam illam particulam *piè credit Ecclesia*. Respondetur, verum esse nullum alium Pontificem hoc dixisse de hac sententia, & ob idē dico esse adeo certam, & infallibilitatem sibi vendicasse ex ab-  
Respondetur argumēto adducto pro secunda ex-  
plicatione.

soluta

soluta Festi institutione. Nomen verò *Ecclesia* non diffiteor esse summæ authoritatis: sed non tribuere subiungo maiorem vim verbis, quam ex se habent. Si dicatur *Ecclesia credit aliquid de fide* significatur illud fide diuina teneri in Ecclesia, si, *Ecclesia certo tenet* illud pro certo haberi in eadem; si, *Ecclesia iubet teneri, vel reputat pro probabili*, ut dixit de habitibus virtutum infundendis cum gratia in Baptismo infantulis in Concilio Viennen. illud iudicat probabilis. Si dicatur denique, *Ecclesia piè credit*, nihil aliud innuit, quam illud teneri, vel credi in Ecclesia sub pia credulitate. In qua verò acceptione ex multis supra assignatis, illud intelligendum sit, in illis verbis non explicat, sed sub illa ambiguitate relinquit, sub qua acriter inter se digladiarent vtriusque sententiæ fautores.

## Opusculi resolutio.

**I**nstandum ergo iudico ut Sua Sanctitas medallia illa, quæ nihil superstitiosum, irreligiosum, vel planè falsum, aut non sanctum continent ( ut in præcedenti dictum est Opusculo ) liberè, & absolute approbare, & indulgentias absque illa addita diminutione, vel restrictiua particula concedere dignetur. Quod si obtineri non possit, potius retineri permittant huiusmodi medallia, quam illas sub ea conditione, & restrictione admittere indulgentias, cum ex primo parum, aut nihil sequatur incommodi, & infinita iam sit sparsa ex his imaginibus, vel medallijs per Hispaniam multitudo; atque ex hoc alio maximum sequatur detrimentum negatiuæ opinioni, dum affirmatiuæ fautores, quod per longos annos contenderunt in suis lectionibus, prædicationibus, & confabulationibus, nec tamen obtinuerunt; modo pro suo desiderio, & ad ipsam negatiuæ fautorum instantiam latenter adipiscantur, statim de suis Aduersarijs triumphaturi, eosque ex suo optimo statu deiecturi, dicentes; nullam aliam probabilitatem eorum habere sententiam, nec alio niti fundamento, nisi piæ credulitatis, in eo sensu, quo illi eam intelligunt, & ideo solum celebrari hoc Mysterium, frequentari, & doceri in Ecclesia, quia piè, & probabiliter tantum creditur, quod noua hæc adiuncta claulula non leuiter insinuabit.

*Opusculi secundi ad Illustriss. Card. COBELLVTIUM finis.*

OPVS.



## Continuatio Historiæ.

**S**ecundo & quam primum licuit, Excellentissimus Orator Illustrissimum Cardinalem convenit, ut denuò de obtinendis indulgentijs, & cudendi licentia cum eodem ageret. Oblato ergo sequenti opusculo per suum, quem supra dixi, Theologum, ostensum est breviter, & clarè non expedire, nec debere admitti indulgentias oblatas sub illa conditione, nec posse sine magno suæ causæ præiudicio adiungi inscriptioni numismatis illa verba, quæ novit ab Aduersarijs suggesta.

Plura in eo author non inerudite perstringit eorum quæ in proximo opusculo, & superiori tractatu de sensu Ecclesiæ in Festo Conceptionis diffusius à me prælibata sunt; idque præcipuè, quod oportebat, contendit Conceptionis immaculatæ Mysterium ab alijs Pontificibus indulgentijs non parum fuisse commendatum, nec esse hærendum in ijs, quas suæ nobilissimæ consorti concedi petebat Orator, elargiendis absolutè; & sine conditione, vel inscriptionis restrictione eas posse concedi. Ego ad instar aliorum Tractatum summarium præfixi opusculi, notas, & numeros addidi marginales.

## OPUSCULVM TERTIVM

AD ILLVSTRISS. CARDINALEM

## C O B E L L V T I V M

Pro cudendis numismatibus immutata inscriptione  
immaculatæ Conceptionis.

Opusculi Summarium.

- |  |  |
|--|--|
| 1. Opusculi argumentum.  | 4. Commendatur Nagaroli Officiū.                                   |
| 2. Non posse addi illa verba absque iniuria opinionis negativæ ostenditur.                             | 5. Abolitur dicunt Aduersarij.                                     |
| 3. Probatur Ecclesiam planè, & absque restrictione profiteri immaculatam fuisse Virginis Conceptionem. | 6. Prænotatur non posse Ecclesiam errare in institutione Festorum. |
|  | 7. Mutavit Ecclesiæ Officiū non sensum.                            |

Et

8. Resti-

8. *Restituit Minoribus ipsum idem Officium.*

9. *Per hac verba absolutus Festi sensus restringitur.*

10. *Rationes assignantur, propter quas non debeant admitti.*

11. *Ambiguum esse sensum pia credulitatis monstratur.*

12. *Ratio Aduersariorum, ut adiungatur illa particula, aperte refellitur.*

13. *Alia concessa sunt indulgentia intuitu immaculata Conceptionis.*

14. *Nullum periculum imminet si alia modo admittantur.*

15. *Peroratio ad Illustriss. Dominum Cardinalem.*

ILLVSTRISS. ET REVEREND. DOMINE,

*Opusculi  
argumentum.*

**E**X parte Illustriss. Dom. Vestrae relatum est ex<sup>mo</sup>. Oratori Regis Catholici tam in indulgentijs concedendis ex<sup>ma</sup>. D. Ducissae de Albuquerque in honorem Conceptionis Mariae sine peccato originali, quam pro cudendis imaginibus Conceptionis, eadem circumducta inscriptione, vtrumque concedi dummodo superaddantur haec verba, *pie creditur*. Quam additionem seu potius limitationem, & diminutionem non posse sine manifesto causae Virginis detrimento admitti, his rationibus suadeo, quas Illustriss. Dom. Vestra dignetur percurrere.

*Non posse  
addi illa  
verba sine  
inuria opi-  
nioni ne-  
gativae.*

2 Verba haec manifestissime defensores immunitatis Virginis à macula originali priuant iure à S. D. N. Paulo V. concessio in Decreto edito Feria 5. die 31. Augusti anno Domini 1617. Pontificatus anno 13. in quo Sanctissimus prohibet partem affirmantem in publicis concionibus, lectionibus, conclusionibus, & alijs quibuscumque actibus publicis defendi, promulgari, imo quod magis est, asseri, aut dici, & partem negantem propalari, & in omnibus actibus publicis affirmari posse, & debere. Si ergo huic parti liberum est in omnibus actibus publicis circumferri, defendi, imprimi, & in Ecclesijs inter Missarum solemnias publicè praedicari, cur artificibus instrumentorum incusionis, & medalliorum cuforibus in actu minus solemnitalis limitatio addenda praecipitur, & prohibentur gaudere pacifice, beneficio, gratia, & fauore quem Sanctissimus Dominus voluit hanc partem vbique publice habere. Nec solum id publicant Praedicatores in suis concionibus, sed, & Sancta Ecclesia id facit in Festiuitate, quam celebrat in Missae sacrificio, quod singulis diebus pluries repetit in sacris Choris, & diuinis Laudibus quas suo Domino redemptori, & praeservatori Beatae Mariae decantat.

• 3 Breui-

3 Breuiter hæc omnia, & per transennam attingam paratus plenissimam de his rebus probationem exhibere, à quo modo susperledeo, ne eam offeram tempore non suo: & exordiar ab eo quod initio proposui; Ecclesiam scilicet Conceptionem immaculatam sine peccato originali celebrare, & tanquam Mysterium dignum veneratione Sabbathizare. Quod hac ratione probō, ex extrauaganti *Graue nimis*, in qua Sixtus IV. sic dicit; *Sane cum Sancta Romana Ecclesia de intemerata semperque Virginis Beatae Mariae conceptione publice Festum solemniter celebret, & speciale ac proprium super hoc Officium ordinauerit.* Ex quo textu sic conficio irrefragabile argumentum. Ecclesia in hac extrauaganti duo facit; Primum Festum Conceptionis solemniter celebrandum instituere; Secundum super hoc Festum, speciale ac proprium Officium ordinare; ergo idem Festum celebrat, super quo Officium ordinauit, quod commune est in omnibus Officijs. Nam Officium Natiuitatis Domini, & Epiphaniæ decantat idem Mysterium manifestationis scilicet verbi incarnati mundo per eius natiuitatem, & gentibus per adorationem Magorum, quod Festa ipsa celebrant, & Officia nihil aliud sunt quam declarationes, & expressiones Mysteriorum celebratorum; sicut & ipse Pontifex aperte dicit, cum asserit; Ecclesiam Festum immaculatæ Conceptionis solemniter celebrare, & super hoc Festo Officium ordinare: sed in Officio quod Ecclesia Sancta speciale ac proprium de hoc Festo ordinauit, clarius luce constabit decantari purissimam Conceptionem à peccato originali; ergo idemmet Mysterium Sancta Ecclesia in suo Festo solemnizat. Hunc syllogismum esse demonstratiuum per se sè satis patet, si minorem eius ostenderimus, videlicet Officium proprium à Sancta Romana Ecclesia, super hoc Festo ordinatum, immunitatem à culpa originali palam, & aperte continere. Quod iam probō, & omitto multo quæ in tali Officio extabant, & iam correctæ sunt. Solum adducam quæ correctæ iam & approbata hæc ætate, qua omnia circa hanc materiam diligenti, & fideli trutina librantur, ponderosa maxime reperiuntur.

In Primis Vesperis vers. talis est. *Immaculata Conceptio est hodie S. Mariæ Virginis. Oratio. Deus qui per immaculatam Virginis Conceptionem dignum Filio tuo habitaculum præparasti, quesumus, ut sicut ex morte Filij sui præuisa, eam ab omni labe præseruasti; ita nos quoque mun-*

Ec ij

dos eius

*Ecclesia  
plane profi-  
tetur Ma-  
riam ab  
originali  
conceptam.*

*Probat  
ex verbis  
Sixti. IV.*

*Ex Officio  
Conceptionis  
nisi confir-  
matur.*

dos eius intercessione ad te peruenire concedas. Inuitator. *Immaculatam Conceptionem Virginis Marie celebremus; Christum eius praeservatorem adoremus Dominum.* In secunda lectione, secund. noct. ex D. Hieronymo dicitur. *Ideo immaculata quia in nullo corrupta.* In Responsorio secundo in sensu allegorico adducitur diluvium vniuersale tempore. Noë vt diluvium generale peccati originalis in omnem carnem obumbret. In quo diluvio, cum omnes submersi fuerint in peccato originali arca vero Deifera ferebatur super aquas ipsam peccati originalis illuviem transcendens, & superans. In septimo Responsorio allusione facta ad legem seueri Regis Affueri comminantem omnibus mortem, ex qua Regina Hester libera euasit. Sic dicitur, legem esse latam communem pro omnibus moriendi; quæ debet intelligi de morte animæ, alias non quadraret Virgini, quod subsequitur, *Omnes moriemini qui in Adam peccauistis.* Sola Regina Maria liberabitur, & sic illi concinitur *non morieris, non enim pro te, sed pro omnibus hæc lex constituta est.* Quam exemptionem à morte, necessario intelligere debemus à morte animæ per peccatum originale, nam de morte corporali non potest intelligi, cum illam non euaserit Maria, nec alia super sit lex communis mortis, nisi, vel mortis spiritualis per peccatum originale, vel corporalis in dissolutione compositi per separationem animæ à corpore. In secundis Vesperis secunda Antiphona; *Quæ nec serpentis persuasione decepta, nec eius venenosis afflatibus infecta.* Hæc circumloquutio subindicat peccatum originale. Est enim venenum à serpente emissum, & eius persuasione diffusum in omnem prolem naturali generatione propagandam ex Adam. Quinta Antiphona; *Hæc est virga, in qua nec nodus originalis, nec cortex actualis culpe fuit;* Quæ adeo sunt clara, & manifesta testimonia, vt soli veritatem Immaculatæ Conceptionis videre non possint, qui in lumine cæcutiunt.

Commen-  
datur No-  
garoli Offi-  
cium.

4 Sed vt magis appareat vis subductæ minoris probationis, quæ ex officio Leonardi Nogaroli confirmata est, aduertat obsecro Illustris. Dom. Vestra hoc Officium habere illa omnia quæ alia Officia pro sua auctoritate desiderant, & ultra ea, habere alia quæ mirum in modum eius grauitatem, & laudem commendant. Nam alia Officia non à Summis Pontificibus elaborantur, aut componuntur, sed ab homine perito, cui talis cura demandatur. Quæ delata Summo Pontifici approbantur, benedicuntur, &

cur, & Ecclesiæ Ministris recitanda proponuntur. Hoc totum in Officio Conceptionis Magistri Leonardi Nogarolis inuenietur. Compositum fuit ab illo eximio Magistro, prælentatum Sanctiss. Dom. approbatum & propositum Ecclesiæ decantandum, & ultra habet illam egregiam laudem, & commendationem Sixti IV. præ alijs Officijs, quod confectum fuerit *iuxta piam, sanctam, & laudabilem ordinationem eius*. Nec hoc solum, sed testatur Pontifex in constitutione, *Cum præ excelsa*, quod, *desuper à nobis emanauerit*, & insuper ipsa Sancta Romana Ecclesia in extrauaganti *Grave nimis*, se constituit authorem, & ordinatorem talis Officij, sic, *sane cum Sancta Romana Ecclesia speciale ac proprium super hoc Officium instituerit*. Desinant ergo dubitare, qui dicunt, nihil Summum Pontificem in hoc Officio ex se ipso posuisse, cum, & Ecclesiæ recitandum proposuerit, quod sufficiebat; supra quod, egregijs laudibus honorat authorem; à se ipso promanasse affirmat, & Ecclesiam illud ordinasse asseueret.

5 Nec neruos infringere credat argumento iam confecto ex ipso Officio, qui dixerit, Officium hoc esse antiquatum, seu sententiâ actâ in illud, à sacris Choris explosum per Pium V. Vereor ne dum aliquis hoc dicat, latenter, & pæsim in temerariam audaciam prosiliat, videlicet asserendo Ecclesiam mutasse sententiam, & in meliorem frugem reductam, palinodiam decantasse, & iam non celebrare Conceptionem eo modo, quo prius in illo Officio celebrabat, sed mutasse sententiam, & Conceptionem, quam sine peccato originali colebat, se reformasse, nec eam iam iudicare dignam Festiuitate.

6 Absit iste temerarius ausus à viro Catholico. Quod semel Ecclesia proposuit populo sanctum, & dignum Festiuitate, id vsque in sæculum proponet. Nam Ecclesia in instituendis Festiuitatibus gubernatur Spiritus Sancti ductu, & sic in illis errare non potest, vt Leo Papa Epist. 4. his verbis declarauit; *Verum quia Spiritus sapientie, & intellectus uia Apostolos, & totius Ecclesiæ erudit Magistros, vt in Christiana obseruantia nihil inordinatum, nihil pateretur esse confusum, discernenda sint cause Festiuitatum*; in quo testimonio pondera Ecclesiæ Pastores Spiritu Sancto instrui in his, que pertinent ad obseruantiam Christianam, qualia aduertit Leo esse, discernere causas, & Mysteria Festiuitatum. Secundo in his non posse errare, cum gubernentur spiritu sapientiæ Dei, ob quod nihil patitur esse in Ecclesia male dispositum, ac

E c iij

nihil

*Aboluitur  
dicens Ad-  
uersarij  
Officium  
Nogarolis.*

*Non potest  
Ecclesia er-  
rare in in-  
stitutione  
Festiuitatum.*

nihil confusum. Ob quod forsitan ductu eiusdem Spiritus Sancti Sixtus I V. præcepit tale Officium componi, & confitetur in extrauaganti *Graue nimis*, Romanam Ecclesiam ordinasse tale Officium, ne esset in Ecclesia confusio circa Mysterium, & causam Festiuitatis immaculatæ Conceptionis Mariæ, & vt pateret clare, & sine vlla confusione, quod Mysterium in eo sensu venerabatur Ecclesia. Quæ ratione D. Bernardus ad retractandam opinionem Conceptionis nihil desiderabat nisi auctoritatem Ecclesiæ Festum instituentis, paratus statim confiteri immaculatam Conceptionem, si eam Ecclesia celebrandam populo proponeret Epist. 174. ad Canon. Lugdun. Et S. Thom. hac ratione Natiuitatem Mariæ sanctam proficitur, quia vt sanctam colit Ecclesia. Et D. Bonauent. in 3. distinctione 3<sup>a</sup>. hæc refert pro coronide huius dicti. *Statuta etiam vniuersalis Ecclesiæ de Sanctorum celebritatibus omnia fundata sunt super Sanctitate, vt nullo die pro aliquo Sanctorum solemnizet, in quo, vel pro quo, persona Sancta non fuerit cui honor ille defertur.* Si vno die celebrata Festiuitas inducit Sanctitatem infallibilem, quid dicemus de Mysterio per 90. annos in tota Ecclesia celebrato? ergo non est timendum Ecclesiam sanctitatem Mysterij retractasse vel causam Festiuitatis mutasse etiam si Officium mutet.

*Mutauit  
Ecclesia  
Officium  
non sensum.*

7 Si ergo Pius V. anno 1560. Officium suspendit, non Mysterium mutauit, alias vel Sixtus I V. qui instituit, errauisset, vel Pius V. qui abstulit; quod de aliquo Pontifice suspicari in instituendis Festis, impium esset, & erroneum. Solum ergo ritum variauit, cum ea quæ pertinent ad ritus variabilia sint. Imo Festum Præsentationis, & Sanctitas Beatæ Annæ indubium vocarentur, cum ab illo Officia abolita sint. Et in Breuiario Romano à Pio V. edito multa mutata sunt. Illa ergo omnia quæ ex Breuiario abstulit suspecta manerent. Et si de nouo alia Officia ederentur dubitanda venirent Mysteria, & Festiuitates omnes antiquæ. Quod rogo longe absit à mente Catholicorum. Ergo ex mutatione Officij non Theologice infertur aliquid contra Mysterium celebratum per tot annos in Ecclesia, & contra causam solemnitatis, maxime quia idem Pius V. qui ab vniuersali Ecclesia tale Officium suspendit.

*Restituit  
Minoribus  
idem Offi-  
cium.*

8 Concessit licentiam Fratribus Franciscanis illudmet recitandi, correctum tamen iuxta Breuiarium Romanum, vt ex Officijs sui ordinis clare constat prima pagina editis Romæ anno 1615. in Typographia Cameræ Apostolicæ, & approbatis per Reuerendissimum

simum Magistrum Sacri Palatii Patrem Fratrem Iacintum Petronium. Et quod magis est, his temporibus à Sanctissimo D. N. Paulo V. viuae vocis oraculo Illustrissimo D. Cardinali Arigonio illius ordinis protectori die 19. Ianuarij anno 1609. concessum est vt in omnibus sabbatis Festo nouem lectionum non impeditis, Fratres Sancti Francisci possent tale Officiū recitare, vt constat ex viuae vocis oraculo ibi relato. Ex quo factum est, quod concedente Sanctissimo Paulo V. die 10. Iulij anno 1615. Pontificatus 11. remissionem centum dierum recitantibus quacumque Antiphonam & orationem Conceptionis, elegerint illam relatam, *Hæc est virga in qua nec nodus originalis, nec cortex actualis culpa fuit*, cum oratione dicta, quæ continetur in dicto Officio. ex quo conclusum manet non solum non mutatum Mysterium, sed nec damnatum Officiū, cum correctum, & emendatum, iuxta ritum nouum, restitutum sit dictis Fratribus ab ipso Pio, & S. D. N. Paulo V.

9 Accipiat ergo Illustrissima Dominatio Vestra breuissimis verbis ex toto hoc discursu apertissimam demonstrationem. Ecclesia idem Mysterium Conceptionis celebrat, in eius Festo, quod decantat in Officio, sed in Officio concinit, vt dixi, immaculatam Conceptionem immunem à culpa naturæ.

Hoc posito fundamento pergamus vltcrius. In Officio per totam Ecclesiam cantatum est 90. annis, & modo in tota familia Franciscanorum recitatur Maria concepta sine peccato originali sine vlllo addito diminuyente vt, *piè creditur*, cur ergo in inculsione medalliorum restringetur modo, quod libere in gloriam Dei, & laudem Deiparæ in templis, dulcissimis modulis personant Sacerdotes. Quod autem hæc sit restrictio ex se patet. Nam inculsoribus imaginum, cudentibus libere hæc verba, *concepta sine peccato originali*, intimatum est, ne eas amplius cudant, & modo permittitur cum illo addito, quasi posita nota ingloria Mariæ, & litura, in Conceptionis candore, vt luna non plena, sed cum aliqua suspitione maculæ, apparere timeat.

10 Insuper hanc diminutionem, vel explicationem iudico hac ratione admittendam non fore, quia hæc sunt verba Aduersariorum, quibus labefactare conantur soliditatem fundamentorum, quibus pars negatiua constabatur: scilicet fundatam esse supra quandam pietatem muliercularum, hominum imperitorum, & indocti vulgi, & cum videant modo post exortam litem, titulo

Ee iiii

huc

per hæc  
verba ab-  
soluitur  
Festi sen-  
sus restrin-  
gitur.

Rationes  
in aduersa-  
riorum.

huic addi, *ut piè creditur*, erit confirmare Aduersariorum parum piam loquutionem, ac quasi sententiâ datâ, à supremo Ecclesiæ Iudice hanc partem debere vocari piam, id est destitutam rationibus, desertam Sanctorum patrocinij, & orbatam autoritate Patrum. Et si vera est regula Theologiæ quæ dicit, cum Aduersarij non solum sensum debere esse diuersum, sed & verba, nos etiam fugere debemus ut in nostris imaginibus, cum asserimus Conceptionem sine peccato, audiantur verba ipsorum, quibus nostram partem dehonestare & infirmare laborant. Et in hac materia ipsi docent nos præcauere damnum formidinis, & præcautionis, quibus ipsi loquuntur, semper fugientes nostrum nomen *Conceptionis*, quia per illud intelligimus primum instans informationis animæ, & vnionis illius cum corpore, pro quo vbique vsurpant nomen *Sanctificationis*. Et licet iam præparatam habeant responsionem ad argumentum, quod Ecclesia Conceptionem sanctam appellat, quod ipsi declarant de Conceptione spiritali, semper tamen se abstinent à voce Conceptionis vtentes pro ea vocabulo Sanctificationis. Si ergo illi cauent & nolunt nominare Conceptionem, licet in sensu aliquo illam concedant sanctam, cur nos quasi sententiâ datâ à Pontifice, consentiemus ut addatur particula, *piè creditur*, quæ ab Aduersarij in nos contumeliose impropèratur.

*Ambiguus  
sensus pia  
creduntur  
tis.*

II Præterea hæc particula, *ut piè creditur*, in communi modo loquendi accipitur pro re, quæ euentibus rationibus condemnari non potest, vnde de insigni latrone, qui diem vltimum clausit acceptis Ecclesiæ Sacramentis, imò de eo qui copiam non habens confessoris, cognoscit tamen extremam vitæ periodum aduentare, piè creditur retractasse deprauatos vitæ mores, & in fauorem illius, quem condemnatum certo non scimus piè credere debemus fore saluandum; si ergo, *piè creditur*, habet aliquam tam abiectam significationem cur in hac causa iudicatur à supremo Mariæ Patrono Clementissimo D. Paulo deuotissimo Deiparæ honoratore, illam addi debere titulo honoris, & gloriæ matris Dei?

*Ratio Ad-  
uersario-  
rum ut ad  
immutetur  
hæc verba.*

12 Sed dices, quia si illa verba, concepta sine peccato originali, sola relinquantur in Imaginibus, cum illis applicantur indulgentiæ, videbitur iam causa definiri de fide.

Sed hanc rationem refutans obtuli iam longissimam informationē Illustrissimæ Dominationi Vestræ. Verum eam repeto quia audiui, duo; Primum quod licet non sit definitio, pertinet tamen aliquo



aliquo modo ad definitionem. Secundum me nondum probatum exhibuisse concessam esse indulgentiam alicui rei clare dicenti Virginem esse conceptam sine peccato originali, & hac ratione in hac informatione tam profundè ieci fundamenta, ut ex dictis appareat, quantum habeant robur ad id probandum præsentatæ iam & exhibitæ rationes.

Circa primum aduerto iam ab Ecclesia facta esse multa, quæ <sup>Aperit re-</sup> propius, & vicinius accedunt, & conducere possunt ad definitionem <sup>scilicet.</sup>, de quibus modo non dubitatur, quam concessio indulgentiarum. Nam institutio Festi, approbatio regulæ, & instituti in honorem immaculatæ Conceptionis propius accedit, & proximius disponit ad diffiniendum, cum in his duobus, quæ pertinent ad obseruantiam Christianam, ad cultum Dei, & mores fidelium, errare non possit Ecclesia; in concedendis verò indulgentijs, ut omnes concedunt, potest errare in causa; si ergo ea quæ proximiora sunt, & principia certiora ad definiendum Ecclesia approbavit, & instituta habet, cur ne causa definiatur, negandum est quod remotissime disponit ad definitionem, & forte non disponit cum ea concessione indulgentiarum non sumatur principium certum sed subiectum errori.

13 Secundum vero me probasse alicui rei clare dicenti esse conceptam sine peccato originali, esse concessas indulgentias, sic clare ostendo: Nam Sixtus IV. in extrauaganti, *Cum præ excelsa*, concessit easdem indulgentias recitantibus Officium Nogaroli, & inter essentibus Horis per totam Octauam, quas lucrantur, qui præsentibus sunt Officijs Sanctissimi Sacramenti, quæ indulgentiæ ab anno 1476. quo concessæ sunt à Sixto IV. durarunt ad minus usque ad annum 1568. quo Pius V. suspendit Officium, cui tales indulgentiæ concessæ erant. Imò addo, quod modo durant, quia cum non fuerint reuocatæ, ut clarissimè patet, sed suspensum Officium, quis negabit quando idem Pius V. Officium restituit Fratribus Franciscanis, & Sanctissimus D. Paulus V. eisdem concessit illud recitare, quando recitant, & præsentibus sunt tempore præscripto à Pontifice easdem lucrari indulgentias? Ergo, & concessæ sunt, & modo durant indulgentiæ rei clare concessæ dicenti Virginem esse conceptam sine peccato originali. Non ergo formidandum est concedere indulgentias imaginibus, in quibus sit iste titulus, *Concepta sine peccato originali*, cum tantorum Pontificum tot præcesse-

Immacu-  
latæ Con-  
ceptionem  
clare profe-  
ssionibus  
alijs suis  
concessa in-  
dulgencia.

rint exempla sequenda, & appareant clara vestigia, quibus antecessores Pontifices insequi licet.

*Nullum  
periculum  
imminet  
si alia mo-  
do conce-  
datur.*

14 Maxime quia in hac inscriptione si concedantur indulgentiæ licet per impossibile Summus Pontifex erraret, nullum aliud esset inconueniens, nisi indulgentiam esse nullam ob defectum validæ causæ, & sic Concil. Lateranense sub Innocentio III. vt habet extrauag. de pœnit. & remiss. c. Cum ex eo, concedit esse indulgentias indiscretas & superfluas quando sine causa vel sine magna causâ magna conceditur indulgentia, ob quod nulla est, vt retuli in primo opusculo ex grauissimis Theologiæ authoribus.

*Præparatio  
ad Illustris-  
sim. Card.  
inalium.*

15 His omnibus rationibus in fauorem causæ adductis, petimus Illustriss. Dom. Vestram in imaginum Virginis obsequium, in Regis Catholici fauorem, in totius Hispaniarum Regionis laticiam (nam sine dubio tota Hispania, & illius Monarcha contristaretur, si videret, hoc iam piæ causæ denegari) & in gratiam Oratoris Regis Catholici pro bono progressu, & exitu suæ Legationis; vt causam agat apud Sanctissimum, vt absolutè concedatur titulus, *concepta sine peccato originali*, sine eo quod addatur particula illa diminutiuâ vt *piæ creditur*, quam gratiam credimus Pijssimum, & Sanctissimum D. N. libentissime concessurum, cum nullum sequatur inconueniens, sed magna lucra deuotionis, pietatis, honoris Virginis, & obsequi filij sui IESU Christi, præcipue cum vñus Pontifex negare non soleat, quod alij iam, & ipsemet multoties concefferunt, quem Deus, &c.

*Opusculi tertij ad Illustriss. Card. COBELVTIVM finis.*

## Continuatio Historiæ.

**H**Is manifestis rationibus persuasus Illustrissimus Cardinalis se spondit amicè, & instantè acturum cum Sanctissimo Domino vt vellent Ducis votis satisfacere. Indubiâ concepit animo spem Orator se obtenturum quod petebat, tum propter causæ æquitatem, tum propter Pontificis æquanimitem & magnum in immaculatam Conceptionem affectum. Sed dum eius desideria propter quasdam rationes, protrahuntur, & differuntur in plures dies, dubitauit an Regi placeret, vt tempus absumeret in hoc peculiari, & incidenti litigio, vel instantia de numismatibus cudendis; an po-

an potius ut principalem, sibi; iniunctam definitionis curam adscilceret. Ne ergo Regis sibi conciliaret offensam, vel indignationē, & ut omnia ad eius imperium regularer, eum consulendum duxit, & informandum de causæ progressu iudicauit. Dedit proinde sub mense Februarij litteras ad Consilium, vel Consiliarios Camerae, quos vocant, & alias ad Consulares viros Consilij status, qui Regis placitum exposcerent, & rescriberent. Expectandum ei erat responsum, nec vllam licuit adhibere diligentiam, ne si qua fieret rescripto Regis, vel consiliariorum contraria, condemnaretur præcipitis celeritatis, quippe post initum cum Rege, vel postulatum ab eo consilium, oportet operiri oraculum, & agnitū obseruare præceptum.

Dum hæc agebantur à Duce, Episcopo feriandum esse non placuit, nec omnem suscepti oneris curam exuendam putauit. Nullū diem prætermisit sine studio, & in quo non quidquam vel ipse elaboraret, vel mihi præscriberet. Plures excogitauit magè necessarios, & opportunos tractatus concinnandos, quos haberet in promptu iam absolutos S. D. tradendos secundum rerum, & temporis circumstantias, & ordinem à Rege præscribendum, ut maneret, vel recederet. Ut vero tandem contigit ad Idus Aprilis de Regis placito per honorificas litteras, Oratoris titulo inscriptas, & insignitas, ei; commodo ad nauigandum veris tempore redeundū in suam Ecclesiā (quæ moleste ferebat tanto tempore suo destitui pastore) pius Princeps dixit, & triremes ad transtretandum ministrari præscripsit Duci Tursen. Classis Genuen. præfecto, vltimā solemnem suæ Legationis functionem obiuit Episcopus apud Pontificem, & tres sequētes ei tradidit tractatus, quos præ alijs habuit elaboratos.

Huic primo de reuelationibus conficiendo occasionem præbuit Aduersariorum renitentia de recudendo in Vrbe libro de gestis & reuelationibus Dei famulæ Ioannæ à Cruce Sanctimonialis Hispanæ Franciscani instituti: Tum quia quædam non omnino consona D. Thomæ doctrinæ; tum præcipuè quia reuelationem continebat de immaculata Conceptione cui Aduersarij aliam B. Catharinę Senensis huic contrariam opponebant. Ad hanc eludendā, & ad contestandam oppositæ veritatem, & piæ sententiæ certitudinem, & definibilitatem, contrariæ inter se hîc comparantur reuelationes, & quanta, præ illa singulari, tribuenda sit fides illis, quas habuit B. Brigitta, & cæteris, quæ cum ea conueniunt, ostenditur. Alijs duobus tractatibus sua præfigentur argumenta.

O R A -

## ORATIO DECIMA

AD S.<sup>MM</sup> D.<sup>MM</sup>

## PAVLVM PAPAM V.

## TRACTATVS XI.

De reuelationibus factis circa Myſterium Conceptionis V. Mariæ.  
 Quantum & quale argumentum ſumatur ex reuelationibus ad  
 probandum rectè definiri poſſe ab Eccleſia Virginem Mariam  
 non contraxiſſe in ſua conceptione originale peccatum?  
 Quænam ſit differentia inter reuelationes communes, & priuatas,  
 & quantam iſtæ mereantur fidem?

## §. I.

1. *Ex reuelationibus non leue de- munes reuelationes.*  
*ducitur propria ſententia argumentum.* 3. *Quam mereantur fidem reuelationes priuata, ſed approbata.*  
 2. *In quo differant priuata, & com-*

## BEATISSIME PATER,

*Ex reuelationibus non inferri debet argumentum.*

**P**Ræter alia, quæ congerunt tam moderni, quam antiqui Doctores pro immaculata Virginis Conceptione argumenta, illud nec leue nec inefficax eſt, quod à reuelationibus, ſanctis viris vel probatis ſæminis, factis, adducunt, per quas, & veritatem ſuæ conciliant ſententiæ, & viam ſtruunt definitioni. Verum namque neceſſe eſt vt ſit, & facile definitur quod vere reuelatur, cum nec Deus præbeat falſitati, nec Eccleſia neget reuelatæ veritati teſtimonium. Cum nouas addunt quotidie Pontifices definitiones, nihil aliud præſtant, quam clariùs explicare, & indubitanter proponere, quod ſub verbo Dei vel ſcripto, vel non ſcripto, vel in ſcripturis Canonicis, aut traditionibus Eccleſiaſticis obſcurius latitabat iam antea à Deo reuelatum. Illæ vero reuelationes, quæ primis noſtræ fidei proceribus, Apoſtolis, & Chriſti Diſcipulis factæ ſunt pro vniuerſa Eccleſia inſtruenda, ſufficit vt ab eiſdem ipſis referantur, vt teſtimonium omne, ſatiſq; locupletem accipiant authoritatem. Quæ vero priuatis fiunt hominibus, vltra particulare eorumdem teſtimonium, maiori indigent fide, vel commendatione.

2 Hæc

2 Hæc illa differentia inter communes, & priuatas reuelationes, seu inter eas quæ toti Ecclesiæ, vel priuatis personis fiunt, vt de illis nefas sit dubitare: hæc vero facillime reijciantur, & caute satis sint admittendæ; cum multoties *Satanas se transferat in Angelum lucis*, & sub specie veræ reuelationis, falsas subintroducatur doctrinas. Multas suo tempore reuelationū delusiones viguisse testatur Bern. Senen. de Antichristo iam nato, variosq; ait induxisse in errores: proindeq; cum cæteris Doctoribus admonet, non facile credendū cuicumq; reuelationi. Sanum & tutum est illud Ioannis Apostoli consilium. *Nolite omni spiritui credere, sed probate spiritus, si ex Deo sint.* In quo sicut nec omnes reuelationes indiscriminatim voluit sine delectu admitti, ita nec omnes censuit respuendas. Probari omnes iussit, & examinari, an ex Deo spiritus ille reuelans sit; quod facile dignoscitur, dum reuelationes ipsæ & personæ, quibus fiunt, discutiuntur; dum quod reuelatur, expenditur; dum ad sacræ Scripturæ statum, & regulas ab Ecclesiâ, & Doctoribus statutas, nouæ mensurantur apparitiones. His indigent diligentij, & hac opus habent cautela priuatæ reuelationes cum aliter non facile constare possit de veritate earumdem.

3 Vt tamen eas examinauerint vel Episcopi in suis Ecclesijs, vel publica auctoritate Doctores, easq; pro veris & pijs admiserit Ecclesiâ; postquam iam probauit, & approbauit spiritum, & reuelationes à Deo esse: nec licebit eas temere respuere, nec fidem facile eis denegare. Certitudinem vero infallibilem aut irrefragabile fidei diuinæ non sibi vendicant; sicut illæ communes, nisi vniuersæ Ecclesiæ proponantur pro infallibilibus & fide diuina credendis. Merentur tamen certitudinem moralem & veritatem prudentialem, ita vt duritiem cordis, & temeritatis notam digne patiat, qui eas contemnat. Vnde notant quidam Doctores, in sacra Scriptura aliquos iuste reprehensos fuisse, propterea quod quibusdam reuelationibus per ipsas earum circumstantias commendatis credere noluerint; vt Saram Genes. 18. Zachar. Luc. 1. qui Angelis adeo manifeste apparentibus, & futuram prolem pollicentibus ex prudentia infusa, & dono consilij tenebantur assentiri. Cum ergo res ex se noua, vel inaudita non fuerit in Ecclesiâ, sed inducit ad ea, que sunt secundum fidem, & secundum sacram Scripturam, & bonos mores, inquit D. Bernard. Senen. non despicienda est, ne forte despiciamus ea que Dei sunt. Quod si talis ab Ecclesiâ declaretur, aut admittatur, non in-

*In quo differant priuata, & communes reuelationes.*  
2. Corin. 11. 14.  
Bernard. Senen. tom. 3. serm. 3. art. 2. c. 2. & 4. in fine.  
1. Ioan. 4.

*Quamvis reuelatur secundum reuelationes priuatas: iam approbata.*

Gregor. de Valen. t. 3. d. 1. q. 1. punc. 1. §. 5. vers. Ex quo intelligitur & Doct. expositiui ad illa loca.

Bernard. Senen. citatus.

firmas tribuit vires cuicumque doctrinæ reuelatio, & magnum solidumque præbet fundamentum definitioni.

Quæ, & quales referantur pro Immaculata Virginis Conceptione reuelationes?

## §. II.

- |  |  |
|--|--|
| 4. <i>Quasdam refert pro hac sententia Anselmus.</i>                       | <i>adepta sunt approbationem.</i>                                |
| 5. <i>De ijs quidam dubitant.</i>  | 9. <i>Alia narratur reuelatio facta B. Norberto.</i>             |
| 6. <i>Non licere modo sicut antiquitus de eis ambigere.</i>                | 10. <i>Alia facta sunt antiquitus probis viris, fide dignis.</i> |
| 7. <i>Non immerito Bonauentura circa fidem huius præstandam hesitauit.</i> | 11. <i>Non sine temeritatis nota hæc omnes despiciantur.</i>     |
| 8. <i>Ex Officio Conceptionis magnam</i>                                   |  |

**M**ultas vero reuelationes, pro commendanda Virginis Immaculata Conceptione referunt Doctores, qui eam defendunt, quarum singulas nisi iam approbauit Sancta Ecclesia, nulla tamen est quæ cum alijs ab eadem approbatis non cohæreat. Quasdam referam, sed ijs tantundem inlittam, quas constat in Ecclesia publicè receptas.

*Quasdam refert pro hac opinione reuelationes Anselmus.*

4. Opinio de Immaculata Conceptione tunc cepit acius inualefcere, & solemnius crebriusque coli cum Beatus Anselmus tres illas reuelationes vna complexus Epistola recensuit suis coæuijs Episcopis in Anglia, quarum illa Abbati Helsingo facta crebrior, & solemnior à plerisque grauissimis Doctoribus refertur vt vera. Ab eadem initium accepisse apud Anglos Festum Conceptionis ait Baronius ad octauam diem Decembris in notis ad Martyrologium Romanum. Eius meminerunt ex antiquis pluri, Bauon. in 3. dif. 2. quæst. 4. artic. 2. & in quodl. quæst. 13. Henricus de Gandauo quodl. 25. quæst. 23. Paludanus. Capreol. Argentina in 3. dif. 3. Petrus de Natal. lib. 3. sui Cathal. cap. 52. & lib. 6. cap. 56. licet erret in persona. Gerson. serm. de Conceptione. Bozius lib. 4. de signis Eccles. cap. 8. Masseus cap. 16. lux Chron. Claudius à Rota, & Iacobus à Borrag<sup>e</sup> Dominici in legenda Sanctorum in Festo Conceptionis fo: 164. & omnes ferme antiqui, qui quidquam de Immaculata Conceptione scripserunt. Et quod maiorem conciliat fidem, Concilium Cantuarien. à Bauone quodl. 3. q. 13. citatum, non obscure reuelationem hanc admittit, dum ab Anselmo Conceptionis Festum emanasse in Anglia aperte testetur.

5 Sed illud circa hanc reuelationem scrupulum ingerit, quod <sup>Quidem de hoc r. me. latens dubitant.</sup> ne dum Aduersarij nostri eius fidem labefactare contendant; verum nec ei standum, nec facile credendum docuerint Bernard. Petrus Cellen. eius cœtaneus, cum alijs illius sæculi viris. Sed & ipse Bernard. ep. st. 174. ad Lugd. Petrus Celen. l. 6. Epistola. r. epist. 23. Bon. 3. D. 3. D. Bon. Turrec. tract. de Concept. part. 13. c. 10. & seq.

D. Bon. cæteris in hac re modestior, dixerit non esse authenticam, nec vllum compelli vt ei credat. Locutos autem hos fuisse Doctores de hoc ab Anselmo relata reuelatione, ex eo colligitur, quod nulla alia crebrior tunc erat huius Festi ratio; & de illa, quæ in Anglorum finibus facta est, ad Nicolaum Albaren. Abbatem sermonem habuerit citatus Cellensis. De ea in particulari plura subne-  
 Et capitula Albertus Duimius in libro, quem sub Turrecremaræ nomine edidit in lucem, in quibus totis viribus eius autoritatem attenuare laborat, quod, & se perfecisse opinatur; & multi etiam sunt hoc æuo qui de ipsa Epistola dubitent. Dum ergo tot de reuelatione, & Epistola, in qua referetur, dubitauerint, licebit cuique de eius fide ambigere.

6 His tamen non obstantibus censendum est ita hanc reuelationem certam esse & de duritie cordis increpandos, qui eam facile modo velint contemnere, vt illi, qui antiquitus, & circa Bernardi tempora de ea dubitauerint facillime veniant excusandi. Alia est enim horum temporum ratio, alia fuit tunc huius reuelationis negandæ occasio. Nam cordate hæsitauit Bernardus, eiusque cœtanei, in noua, & inaudita admittenda reuelatione cui nec tunc (inquit Bernardus) firma suppeditabat ratio, nec certa inueniebatur fauere autoritas. Illo namque tempore, præcipuè apud Gallos, nec frequens illa erat opinio, nec Conceptionis. Solemnis vigeat Festiuitas: vnde nec qua fundaretur ratione, nec qua firmaretur auctoritate prædicta reuelatio facile potuit dignosci, & nouam Festiuitatem sine magno fundamento, aut Ecclesiæ ordinatione, vel præcepto non esse admittendam timorati, & sanctè iudicarunt Bernardus eiusque amicus, & familiaris Petrus Cellen. vt ex vtriusque constat Epistola.

7 Bonauentura vero licet nullum compelli dixerit, vt ei fidem haberet, quia tunc non erat authentica, subiunxit tamen, nullum etiam teneri vt eandem negaret, cum nihil contra rectam fidem contineret. Durum namque, & periculosum duxit, quidquid offertur vel superne reuelatum, dicatur, statim negare, vel contemne-

Ff ij

re; &amp;

r. ad  
Theff. 3.

re; & licet authenticum non sit, omnino respuere. Quæ nihil manifeste contra fidem continent, toleranda, & pie credenda putauit, donec pleniori indagatione facta, & examine præmissio de earum veritate vel falsitate constaret. Consilium est Apostoli, *Prophetias nolite spernere: sed omnia probate, & quod bonum est, tenete.* Quod sequutus Bonauentura, maiorem, vel firmiorem huius reuelationis desiderabat probationem. Prudenter ergo iudicauit non esse cogendos vel compellendos fideles, vt Festum Conceptionis immaculatæ celebrarent, vel opinionem negatiuam amplexarentur propter reuelationem de cuius autoritate, non constabat, nec authenticam esse tunc innotuerat. Aequè etiam proinde hæsitauerunt illius sæculi viri circa reuelationem, quam sola tunc fama, & quorundam relatio notam fecit, & aduexit in Galliam, quin bene constiterit de eius certitudine, aut veritate, vel quo præmissio examine, aut addita probatione commendabatur.

Ex officio  
Conceptio-  
nis magni  
adipia sunt  
probatio-  
nem,

8 At dum longo temporum intervallo, & multis sibi succedentibus sæculis, reuelatio quæcumq; recipitur, & à Doëtoribus, & Ecclesiarum Prælatiis admittitur; dum, quod caput est, in ipso officio diuino à Summo Pontifice proponitur recitanda, & pro ratione alicuius Festi celebrandi autoritate Pontificia assignatur; grauerit erit reprehendendus, qui facile fictam vel falsam eiusmodi dicit reuelationem. Nam quid aliud sequitur, aut euidenter inferetur nisi leuiter, & inaniter moueri Pontificem ad festiuitates quascumque instituendas, & Romanam Ecclesiam facile decipi, eique illud ab impostoribus, & falsarum reuelationum inuentoribus, vt nouas introducat solemnitates? sed à tempore Anselmi ita hæc reuelatio: aliæque quæ in eius referuntur Epistola, contra primos refragatores, & contradictores inualuit, vt per omnia sæcula pro vera reuelatione, à præcipuis, & grauib; Viris referretur, ab Ecclesiarum, in quibus hoc Festum celebrabatur, Prælatiis admitteretur, in multarum Diocesium Angliæ, Galliæ, Hispaniæ, Italiæ, multarumque religionum Breuiarijs, in officio diuino recitaretur, vt ex ipsis quæ in promptu sunt, videre licet; & tum demum in vniuersa Ecclesia in Breuiario Romano, cuius varia sunt apud me exemplaria, pro vera, & pie credenda à Summo Pontifice, omnibus commendaretur fidelibus, & ab eisdem per centum ferme annorum spatium, publice, & caneretur, & frequentaretur in Ecclesia. Quod si adeo grauis, & solennis festiuitas ab hac reuelatione in Anglia



Anglia dicitur, nouum hoc vel nobis notius habere principium (licet antiquiorem in alijs Ecclesijs Græcis, & Latinis, in alio de diffinibilibus tractatu, eam esse monstrauerim) si tantam habet approbationem Doctorum, Prælatorum, Ecclesiarum, & Summorum Pontificum, qui eam circumferri, publicari, prædicari, & in officio diuino recitari probauerint; nescio quo spiritu ducetur, qui eam vel binas alias Anselmi eiusdem autoritatis reuelationes fictitias, vel falsas esse tenacius contenderit.

9 Circa Anselmi ferme tempora alia facta est B. Norberto Præmonstratentium præclarissimo fundatori, ex qua illius religionis accepit initium. Ei namque ipsa Dei genitrix apparuit, & huius Mysterij cultum & venerationem solícite commendauit. Vestem insuper candidam sancto viro donauit, qua & ipse & sub eo militaturi fratres vterentur in testimonium originalis Mariæ innocentiae, vt & vita, verbo & habitu eius conceptionem sine macula fuisse profiterentur. Locupleté habent apud se Præmonstratenses huius reuelationis autoritatem, & firmam traditionem ab Norber. & eius socijs ad nostram ætatem incessanter deductam. Imo sunt, qui contendant eam Bernardi tempore celebrem fuisse, & illam ipsam quam Bernardus dubiam, & incertam iudicauit, de quo ego dubito & ampliorem aliàs institui tractatum.

10 His accessére aliæ pleræque reuelationes Beatæ Gertrudis, & aliorum miraculis comprobata, stricto examine discussæ, & à plerisque viris doctis pro veris receptæ, & in eorum operibus relatæ. Quarundam meminerunt Gerlonius, & Baconius citati. Alias referunt Marsilius in 2. q. 10. art. 1. Bernard. de Buis in 1. p. sermonum ferm. 7. de conceptione in prima illius parte. Ludouic. à Turre tract. de conc. art. 2. & alij.

11 Quas omnes si nostra autoritate rejicere, & falsas iudicare velimus, temeritatis certe notâ non carebimus. Nec enim quæ tanti approbarunt viri docti, & timorati, sunt adeo floccipendenda & pænitus contemnenda, ne facile fauere videamur Erasmi impiorumque hæreticorum insaniæ, non immerito à Parisiensibus, & communi Doctorum calculo condemnato (Sanctorum videlicet narrationes, historias, aut miracula non esse magni faciendas) & ne ex nostra facilitate, & lenitate in his rejiciendis, exemplum aut ansam sibi sumant fidei Aduersarij, quidquid ad illos conuincendos Ecclesia protulerit ex Sanctorum dictis aut factis, præ-

*Abbas  
latus  
Norberti.*

*Alia facta  
sunt  
vires  
probi  
fide  
digne.*

*Non sine  
temeritate  
omnes rejiciuntur.*

nitus negandi, vel omnino despiciendi. Nec & si velimus ita facile mendacij aut figmenti nota, hæc affici poterunt, dum succedentibus sibi inuicem per varia sæcula, de hac re crebris reuelationibus, anteriores, vt veræ confirmantur, & maiorem indies fortiantur auctoritatem. His etenim, quas prædicti referunt aucthores, aliæ accessere non infimæ fidei reuelationes, vt omnino verum esse iudicetur, quod Sanctissimus ille Episcopus Amadeus dixit, *Creberrima miracula, & cælestes reuelationes almæ parentis Domini assidue orbi coruscatura*. Ferè enim nullum fuit post mille annos sæculum, in quo quibusdam notæ, vel obseruatæ sanctitatis viris, aut fæminis, quidquam circa hoc Mysterium Conceptionis Virginis non fuerit pro eius immunitate ab originali, reuelatum. Vt vero cæteras omnes, præter illas Anselmi, quarum locupletem satis auctoritatem ostendi, modo missas faciam, nec in comprobanda earum veritate sermonem protraham, contra eos, qui nullius eas esse contendunt; notissimas illas satis comprobatas, & nunquam satis laudatas B. Brigittæ solummodo referam, & prosequar, ex quibus sufficienter videbitur, quam iniuste agitur cum alijs pijs personis, qui his similes habuerunt reuelationes, dum quod in hac fæmina laudauit Ecclesia, in illis condemnare audent Aduersarij.

Referuntur reuelationes B. Brigittæ de immunitate B. Mariæ Virginis à peccato originali.

### §. III.

12. *Varia reuelationes facta B. Brigittæ de hac re.*

13. *Post Brigittanas alijs reuelationibus hæc sancta conceptio innotuit.*

2. Reuelatio facta B. Brigittæ.

12 **N**ON vnā aut duas habuit hæc Sancta Vidua de hac re reuelationes, sed plures. In primo etenim lib. suarum reuelationum c. 9. ab ipsa Dei genitrice (cuius res agitur, & quæ quid circa se factum est, cæteris nouit melius) reuelatum refert hoc Mysterium sub his verbis. *Facto corpore meo, Deus à diuinitate sua animam creatam, immisit corpori, & mox anima cum corpore sanctificata est, quam Angelicus custodiebant, & seruabant die ac nocte. Cum autem anima sanctificaretur, & corpori coniungeretur tanta matri meæ aduenit letitia, vt impossibile esset dictu. Ad quæ verba doctis notulis appositis tolli voluit Gonaluus Durantus omnem omnino scrupulum circa illa animam immisit corpori, & mox anima cum corpore sanctificata est, ne velit quis ex eisdem colligere post animæ infusionem in subsequenti tempore vel temporis instanti sanctificatam, quod nequaquam inferre licere docet*

docet citatus commentator, vt verba ipsa subsequētia, *Cum anima sanctificaretur, & corpori coniungeretur; & clarissimæ subsequētes reuelationes demonstrant.*

Lib. 5. in fine in declaratione reuelationis 13. ipse Pater æternus, II.  
quid circa filij sui matrem effectum sit, eidem Sanctæ Viduæ reuelauit, dicens; *De radice Adæ processit, & de peccatoribus nata est, licet sine peccato concepta, vt filius meus de ea sine peccato nasceretur.*

Lib. 6. c. 49. ipsa mater Dei ita eam alloquitur. *Veritas est, quod ego concepta fui sine peccato originali, & non in peccato.* III.

In eodem lib. c. 55. ipsa eadem Dei genitrix prædixit tam hanc IV.  
controuersiam protrahendam in longum, quam veritatem suo tempore manifestandam, quod modo huic tuo felicissimo credimus reseruatum. Ait ergo Virgo mater; *Scito quod conceptio mea non omnibus nota fuit, quia voluit Deus, quod sicut ante legem scriptam præcessit lex naturalis, & electio voluntaria boni, & mali, & postea veniret lex scripta, quæ cohiberet omnes inordinatos motus. Sic placuit Deo, quod amici sui pie dubitarent de conceptione mea, & quilibet ostenderet zelum suum, donec veritas claresceret in tempore præordinato.*

Lib. 8. c. 47. ait B. Viduæ eadem Virgo Maria; *Anima mea quando creata fuit, & coniuncta corpori replebatur ex decursu torrentis scilicet Spiritus Sancti, quo nunquam postea euacuata est.* V.  
Hæc sunt clariora verba, & expressiores reuelationes B. Brigittæ factæ, hanc Virginis immunitatem à peccato originali testantes, quam etiam alijs multis in locis suarum reuelationum non leuiter insinuari videbit, qui eius opera vel libros percurrerit.

Aliam habuit reuelationem sibi factam ab Angelo in suo cubiculo iuxta Ecclesiam Sancti Laurentij in Damaso circa Festi conceptionis celebrationem, & diem in quo Virginis conceptus mundissimus ab omnibus honoraretur. In capitulo namque 10. ad finem ita se accepisse refert, & Angeli verba enarrat.

13 Aliæ alijs factæ sunt postea reuelationes de hac eadem mundissima conceptione, quarum illæ non sunt obicure, quas sibi factas refert raptu 8. B. Amadeus præclarissimus congregationis Amadeorum fundator, cuius corpus magna cum veneratione colitur Mediolani, nec quas habuisse præclaram faminam, & notæ sanctitatis Virginem, cuius celebris est in Hispania memoria, Ioannam à Cruce, quas referunt, qui eius vitam scripserunt, non sine graui examine, & contradictione. Quo tamen acius eius acta, &

Ff iiij      historia

historia impugnata sunt , eo gloriosius postea prodierunt in lucem approbata , & satis commendata à grauiſſimis Viris , & Prælatiſ ex licentia , & indultis ſupremi tribunalis ſanctæ Inquiſitionis in Hiſpania , in quo ſupremus ſedebat Illuſtriſſimus & Reuerendiſſimus Dominus Bernardus de Roxas Archiepiſcopus Cardinalis Toletanus , & Inquiſitores D. Gabr. de Trejo , nunc S. R. E. Cardinalis , D. Alphonſus Marquez de Prado poſtea Epicoſpus Tertonen. Carthaginen. & Segouien. D. Franciſcus de Soſſa Epicoſpus Canarien. Oxomenſis ac poſtea electus Segouien. D. Ioannes Llano de Valdes poſtea Epicoſpus Legionen. quorum aliorumque iudicum voto , & ſubſcriptione , vt in publicum prodirent , ſatis ſuperque eas approbarunt , & pro approbatis haberi voluerunt.

His Beatæ Brigittæ reuelationibus, alia opponitur ab Aduerſarijs.

§. IV.

14 **H**Is omnibus opponitur ſolum ab aduerſæ partis fautori-  
bus vna tantum, nescio ſi reuelationem, ſi orationem dicam B. Catharinæ Senen. primo à B. Antonino i. p. ſuæ Summæ tom. 8. c. 2. circa finem , poſtea à Caietano & alijs , qui ei ſucceſſere, reuelatio dicta, & pro vera prætenſa. Quidquid vero ſit ſiue reuelatio ( vt illi volunt ) ſiue ſpirituale quoddam colloquium , vel oratio ab affirmatiuæ opinionis aſſertoribus ſuggeſta ( vt ego verius puto & inferius probabilius oſtendam ) habetur inter eius orationes n. 16. quæ incipit *Deitas æterna*. Verba quæ fideliter ex ipſo ſuarum orationum codice tranſcripti , & Aduerſarij pro hac ſententia citant , hæc ſunt. *Datum eſt nobis verbum æternum per manum Mariæ, & de ſubſtantia Mariæ induit naturam abſque peccati originalis macula, & hoc, quia non hominis, ſed Spiritus Sancti inſpiratione facta eſt illa conceptio. Quod quidem non fuit ſic in Maria , quia non preceſſit ex maſſa Adæ operatione Spiritus Sancti, ſed. hominis, & quia tota illa maſſa erat putrida , non poterat niſi in putridam naturam anima illa inſundi, nec poterat purgari, niſi per gratiam Spiritus Sancti, cuius quidem gratiæ non eſt ſubiectum ſuſceptibile corpus. ſed ſpiritus rationalis, aut intellectualis, & ideo non poterat Maria à macula illa purgari, niſi poſtquam anima inſuſa eſt corpori, quod quidem ſic factum eſt propter reuerentiam Theſauri Diuini, qui in illo caſe debebat reponi, nam ſicut for-  
nax conſumit guttam aquæ in modico tempore, ſic facit Spiritus Sanctus de macula peccati originalis; nam poſt conceptionem eius ſtatim fuit ab illo peccato  
munda-*

*mundata, & gratia magna data.* Et subiunxit: *Tu scis Domine quia ista est veritas.* Hæc sunt quæ ex D. Catharina Senen. opponunt maculatæ conceptionis assertores, reuelationibus B. Brigittæ, & propter quæ, tanquam veriora, has, & alias huiusmodi, reprobandas, & tanquam falsas, & Catholicæ doctrinæ vnitati præiudicantes, è medio tollendas tenaciter contendunt.

Ego horum Patrum studium (si hoc illud solum est) de vnitæte, & sinceritate Christiani dogmatis defendenda laudo, illorum exollo doctrinam de contrarijs non admittendis reuelationibus, & eorundem approbo sententiam de falsis rescindendis, & veris amplexis. Docte & Christiane iudicant non posse dari in Ecclesia Dei reuelationes contrarias, & de eadem re inter se pugnantes, dum vnā necesse sit esse mendacem, & à spiritu illulore, non à Deo (qui mendacijs author non potest esse) prodijisse. Quinam vero contrarietatem hanc in Ecclesiam introduxerint, & quænam ex ijs quæ circumferuntur, sint admitendæ, quæ vero pro falsis respiciendæ, hoc erit paulo fufius examinandum.

Statuuntur 4. regulæ ad veras dignoscendas reuelationes.

#### §. V.

15 **S**I regulas reuelationum suscipiendarum, aut reprobandarum à Theologis statutas expendamus, videbimus non has immaculatæ Conceptionis, sed illam Aduersariorum reiiciendam. Prima est, vt cohæreant cum ijs quæ in sacra Scriptura reuelata sunt, vel conformentur traditionibus vel ordinationibus Ecclesiasticis. Secunda, vt aliquam afferant Ecclesiæ vtilitatem spiritus, vel fidelium inferuiant ædificationi, seu deuotioni. Tertia, vt obseruetur, & discutatur persona cui fiunt. Quarta, vt probatissimorum, & Doctorem virorum testimonio approbentur, vel ab Ecclesia vt veræ recipiantur. Quæ omnes conditiones, si in quacumque reuelatione simul confluerint, vt indubitanter vera recipienda erit, & æquo gradu veneranda.

Reuelationes de immaculata Conceptione Virginis esse conformes  
Sacrae Scripturæ ostenditur.

#### §. VI.

16. *Quadam citantur Scriptura locis eiusdem.*  
17. *Non contradicunt locis vniuersæ.*  
18. *Mulsi Viri docti ita de eis iudicauerunt.*

6 Nullam

Quedam  
sunt  
loca Scri-  
pturae qui-  
bus hęc re-  
velationes  
confirman-  
tur.

<sup>16</sup> Nullam autem harum regularum desiderari aut deesse in reuelationibus, quæ pro Conceptione immaculata offeruntur, præcipuè in ijs, quas ex B. Brigitta retulimus; singulas percurrendo, facile erit ostendere. Etenim ut primam expendamus, licet hoc priuilegium Virginis, quod in prædictis reuelationibus eidem tribuitur, non constet clare, & expressè ex Sacra Scriptura, nec in sensu litterali sit in eodem locus aliquis, qui illud clare affirmet: plurima tamen sunt, quæ illud innuunt, & quæ vel in secundo sensu litterali (ut aliqui volunt) vel spiritali (ut communiter ab alijs recipitur) reconditum habent hoc Mysterium, & illud diserte videntur insinuare. Pauca ex multis, sed clariora breuiter repetere non pigebit ex superioribus Tractatibus, in quibus iam de

Gen. 3. his egimus. Primus sit ille locus Geneseos 3. *Inimicitias ponam inter te, & mulierem, ipsa conteret caput tuum.* Qui licet varias hinc inde habeat difficultates, & diuersas expositiones, nulla tam recepta, aut communis est modo apud Theologos, quam hæc de victoria Virginis obrenta contra Diabolum in euadendo peccatum originale: Doctores satis multos ita hunc locum explicantes videre licet apud Petrum Morales lib. 3. de Christo, & Virg. tract. 1. pag. 281. & Aegid. Lusit. lib. 3. de præser. Virg. q. 5. §. 4. cæteris disertius ex hoc loco veritatem hanc deduxit Dionysius Carthus. lib. 3. senten. D.

Pet. Mor.  
Aeg. Lus.  
Dionys.  
Carthus.

Cant. 2.  
Cant. 4.

3. q. 1. §. veruntamen, dicens. *Horremus mulierem quæ caput serpentis contritura erat, contritam ab eo aliquando fuisse matrem Domini fieri.* Cohæret etiam ille locus Cant. 2. dicens; *Sicut lilium inter spinas, sic amica mea inter filias.* Alius item Cant. 4. *Tota pulchra es amica mea, & macula non est in te.* Quæ loca præterquam, quod à multis sanctis Viris, & plerisque Doctoribus in hoc sensu explicantur, ita ea inseruit Officio Conceptionis Ecclesia, ijsque in eodem vsa est, pro hoc Mystério explicando, ut nequaquam possit quis negare ea in hunc sensum posse explicari; & consequenter his reuelationibus conformari. Sit vltimus, & vnitus è nouo Testamento locus, ut alia pleraque vtriusque tam veteris quam noui omittam: ille Lucæ 1. *Aue gratia plena, quem de omnimoda plenitudine gratiæ, tam per integrum vitæ cursum, quam in ipso in eandem introitu, & primo vitæ momento Doctores quam plurimi expositiui, qui in hunc locum, post centum annos scripserunt, intelligunt. Nec ex antiquioribus desunt, qui ad hanc explicationem accedant. Egregia satis habet huic interpretationi accomoda Greg. Neocæsarien. cognomento Thaum-*

Gregor.  
Thaum.

Thaumaturgus seu mirabilium operator, qui ad trecentessimum Christi annum floruit, per tres integros sermones, quos videre licet Tom. 3. Bibliot. magnæ Ver. Pat. nouiter à Colonien. editæ pag. 39. & seq. Ab hac expositione non abscedit illa authoris ferm. 11. De Natali Domini apud August. in appendice tom. 10. nu. 24. qui August. vel Seueriano vel Fulgentio tribuitur, ubi ex his verbis ait, ostendi *in Maria ex integro exclusam fuisse iram primæ sententiæ, & plenam benedictionis gratiam restitutam.* Clare vero, & expresse ad hunc sensum illa verba intelligunt D. Bonau. ferm. 2. de B. Virg. Idiota in contempt. in eadem c. penult. Ildefon. ferm. de part. & Virg. Mar. Petrus Comestor in ferm. de Concept. Petrus de Montes tract. de eadem, & alij ex antiquioribus. Alia loca his reuelationibus conformia additis multorum Sanctorum expositionibus in hanc sententiam congerit Franciscus Feu-ardentius lib. 10. suæ Theomachix cap. 2. per totum, Petrus Canisius l. 1. de Deip. c. 6. Ioan. de Carthagera de arcanis Deiparæ lib. 1. per multas homilias, & Aegidius Lusitanus lib. 3. de præseru. Virg. quæst. 5. art. 6. à §. 2. Ante hos exploratam habuerunt hanc sententiæ piæ (quæ in reuelationibus expanditur) conformitatem cum sacra Scriptura Concilij Basilien. Doctores, cum eam tanquam sacræ Scripturæ conformem amplectendam iudicarunt. Idem etiam iudicium de hac conformitate his annis proxime elapsis in solempni voti nuncupatione protulerunt Academiæ Compluten. Neapolitana, & aliæ, quæ ob hanc etiam rationem contrariam noluerunt suis propinari alumnis, quia negatiuum iure optimo censuerunt diuinis libris conformiorem. Similiter etiam censent omnes ferme nostri xui Doctores, vt nullus ferme sit præclari nominis præter Prædicatores qui rem hanc manifestam vocet in dubium.

17 Nec erit cur quis obijcere velit vniuersalia quædam eiusdem sacræ paginæ loca quæ omnes nemine dempto sub originali peccato includant, qualis est ille Pauli Rom. 5. *Omnes in Adam peccauisse,* & similia quibus hæ reuelationes videantur contrariæ. Nam Concil. Trident. Sess. 5. de peccato originali (vt supra dixi tract. 8. & hic iterum non iniuria repero) dum ex his locis, quæ sibi expressiora & strictiora visa sunt, omnes definierit mortales naturali propagatione à primo nostro parente descendentes, labem hanc originalem contrahere statim, & accurate sciendum admonuit se non voluisse sub iisdem regulis, & communi hominum alea Mariam comple-

D. Bona.  
Idiota.  
Ildefon.  
Petrus  
Comest.  
Petrus de  
Montes.

Franc.  
Feu ard.  
Petrus  
Canis.  
Ioan.  
Carthag.  
Æg. Luf.

Concil.  
Basil.

Academ.  
Complu.  
Neapoli-  
tana.

Nec con-  
tradictant  
loci vni-  
uersalibus  
Scriptura.

comprehendere. Ita vt sincere, catholice, & conformiter ad ipsam Scripturam, & Spiritus Sancti dictamen, ex ipsius Concilij declaratione, poterit quis Mariam sub illis communibus, cum cæteris, non inuoluere. Regulæ etenim illæ vniuersales sunt ab ipso Spiritu Sancto propositæ, & pro legibus infallibilibus datæ, ab ipso eodem legislatore Sanctæ Matri Ecclesiæ, cui manifestius, & specialius loquens & semet clarius explicans per Patres Concilij, ait non esse suæ intentionis comprehendere sub illis regulis charissimam suam sponsam Mariam semper Virginem. Quali dicat per eosdem Patres; licet statuam pro lege firmissime credenda, omnem hominem per maris, & fæminæ concubitum conceptum, peccato infici primi parentis Adami, nolo tamen intelligas me proinde Mariam Dei genitricem, sub hac lege comprehendere; declaro plane non esse hoc meæ intentionis.

18 Si ergo ex mente tantarum Academicarum, & Doctorum quos communiter, & fideliter citant recentiores, conforme sit, & consonum locis illis Sacræ Scripturæ, in quibus particulariter de Virgine Maria agitur, sub hoc vel illo sensu siue literali, siue mystico, & regulis vniuersalibus non contradicat ex mente Concilij Trident. & testimonio tantorum Virorum, qui post illud ac antea de hac re scripserunt; Mariam eximere, & defendere à peccati originalis contractione, quis audebit dicere reuelationes omnes pro hac parte factas non esse Sacræ Scripturæ consonas, & conformes. Præsertim cum omnes in vniuersum huius Sanctæ Viduæ reuelationes tot tantaque habeant pro se testimonia omnium Episcoporum, Regis & Regni Sueuiæ. Quæ videre licet in suis Epistolis in appen. Concil. Basilien. in noua edit. Conciliorum, & tam Doctorum Sacræ Theologiæ Professorum, quam Cardinalium Sanctæ Romanæ Ecclesiæ, quam etiam Summorum Pontificum, quæ pro approbatione prædictarum reuelationum B. Brigittæ data opera & expresso refert Cardin. Turrecremata in approbatione harum reuelationum, eisdem præfixa. Ipse vero, cui hæ reuelationes examinandæ commissæ sunt à Concilio Basilien. dum legitimum esset, & cui præ cæteris quidam articuli, de quibus tanquam de suspectis aliqui dubitabant, oblata sunt ab Illustrissimo Domino Cardinali S. Petri, fidei iudice in eodem Concilio, vt sensum suum circa illos proferret, respondit, & subscripsit, ipsos etiam illos articulos quos maleuoli quidam calumniabantur, esse Sacræ Scripturæ con-

*Adulsi Viri  
docti ita de  
hæreica  
vultu,*



re conformes, cuius formalia verba ex c. 6. Prologi ipsius § articulus primus, referenda operæpretium duxi. Plane (inquit) omnes, & singulos articulos accurato satis studio iuxta vires meas examinaui, & nullum eorum pie ac modeste intellectum, reperiens Sacra Scriptura, aut Sanctorum Patrum aduersum sententijs, sed consonum, & conformem: satius reputo vnumquemque, & omnes eos iuxta eorum modestiam ac piam intelligentiam esse admittendos, & posse legi in Ecclesia Sancta Dei. Quam etiam censuram iam antea adhibuerat cap. 4. in fine. In cuius initio non solum de illis articulis, qui magis peregrini inter cæteros totius libri, vel voluminis reuelationum videbantur, sed de omnibus, quas sibi factas refert Beatissima illa Vidua ex quarto signo, quod sibi proposuit ex communi Theologorum consensu, & nos hîc primum statui-mus, nimirum ex conformitate cum Sacra Scriptura, probat eas veras esse, & à Deo emanasse. Existo (inquit) signo videtur capif-  
ficax argumentum ad ostendendum reuelationes Beatæ Brigittæ factas in his libris contentas, à spiritu Dei processisse, quoniam ipse conformes esse videntur Sacra Scriptura, & reuelationibus diuinis, &c. Quod largius per totum illud caput quartum prosequitur, & probat tam ex genere visionis siue reuelationis, quam ex modo eiusdem, quam de-mum ex conformitate sententiarum.

Non minus illustre aut patulum de eisdem præbet testimoniū Illustrissimus Dominus Alfonsus Giennensis Episcopus, postea Eremita probatissimæ Sanctitatis; & eiusdem Beatæ Brigittæ fi-  
delis comes à Deo præordinatus in peregrinatione Hierosolimi-tica (cui etiam non semel reuelationes omnes eiusdem Diuæ commissæ sunt censurandæ) in epistola præfixa libro octouo earundem reuelationum, per quam fermè totam hoc idem probat, sed præcipue capite sexto, in quo per ipsam Sacram Scripturam luculenter probat, omnes has reuelationes Beatæ Brigittæ pro-cessisse à Spiritu Sancto. Quod accuratius prosequitur quarto & quinto signo, & ad finem capitis concludit. Nihil veritatis que in Christo est, subtrahunt, aut addunt, sed misericordia, & iustitia eius ad profectum salutis nostræ, tam in eis, quam in alijs libris Prophetarum diuinitus clarius ostenditur.

Alfonsus  
Giennen.  
Episco-  
pus.

Gg

Esse

Esse conformes traditioni Ecclesiasticæ has reuelationes.

## §. VII.

*Confirmatur tradi-  
tioni Ec-  
clesiæ Græcæ.*

Petrus  
Galat.  
Cæsar  
Baron.  
Emanuel.  
Imperat.  
Theod.  
Antioch.  
Kalend.  
Damasc.  
Leo Im-  
perator.

19 **T** Raditioni vero, & ordinationi Ecclesiasticæ (per quā aliās non parum, piam de immaculata Conceptione sententiā firmaui, & quæ secunda pars est primæ regulæ) eadem consentire, non erit qui neget, dummodo legere velit Pet. Galacinum lib. 7. de arc. Cathol. c. 5. Card. Baroniū in notis ad Fest. Concept. in Martyrolo. constitutionem Emanuelis Comeno Imperatoris, quam refert Theod. Patriarcha Antioch. coment. ad Nomocanon Photij tt. 7. c. 1. Kalend. Damasceni, Sermones Leonis Imperat. & Gregorij Episc. Nicomed. in quibus, vel apud quos, tanquam receptissimum in Eccl. Græca habetur Fest. Concept. immaculatæ, & Lyrurgias eorundem Græcorum, tam illam Ioan. Chrysostomi, quam alias, quæ extant, in quibus omnino sancta, & immaculata B. Virgo prædicatur, vnde & Fest. Conceptionis Marianæ apud eos Panagia dicitur, hoc est, tota vel totaliter sancta. Cum ergo ex Lyrurgijs & Kalend. constet, antiquissimam esse apud eos Festi Conceptionis immaculatæ ordinationē, tantæ vel maioris antiquitatis traditione de Mariæ Concept. sanctitate, fundatam; constabit etiam, Græcæ Eccl. tam ordinationi, quā traditioni, reuelationes has conformari.

*Traditioni  
etiam La-  
tinorum.*

*Romana  
Ecclesiæ  
ordinationi.*

A Latinorum vero traditione, aut institutione, qui eas discrepare contenderit, prius audacter nimis negabit præclarissimum illud Petri Barcinonen. vetustissimi scriptoris in omnimoda sua historia ad D. Hieronymum, & Pauli Orosij ad annum 400. testimonium; ipsam etiam Festi institutionem satis suo sensu manifestam, sed quoad propagationem per vniuersalem Ecclesiam, incertam, licet apud Hispanos à D. Iacobi Apostoli tempore successiuis sæculis continuatam, si prædictæ Dextri historiæ & Cæsaraugustanæ receptissimæ traditioni credere liceat, de quibus nouiter & leuiter euidam placuit dubitare. In Romana vero Ecclesia alijsq; per orbem eandem Festiuitatem celebrari solitam, antiqua, & laudabili consuetudine, iudicium est & euident testimonium Patrum in congregatione illa Basilien. collectorum, quibus sicuti definiendi potestatem concedere nolimus, ita nec testificandi auctoritatem negare debemus. Cum ergo S. Scripturæ loca concordent, & contraria communia non obtinent, cum etiam de antiqua traditione, & patula Ecclesiæ ordinatione, tam in festo, quam in litteris Ponti-

Pontificijs, tam expresse constare videatur, quibus hæ reuelationes tam clare, & ex iudicio tantorum Virorum conformantur, & consentiunt, non erit qui negare audeat, primam à nobis propositam regulam his Beatæ Brigittæ reuelationibus conuenire.

Reuelationes hæ conducunt ad spiritualement profectum Ecclesiæ,  
& ædificationem fidelium.

## §. VIII.

20 *Per easdem proficit Ecclesia.*

21 *Ædificantur etiam fideles.*

**S**ecunda Regula est, vt reuelationes admittendæ in aliquem conducant spiritualement profectum, & fidelium inseruiant ædificationi, & deuotioni. Ex qua facillimè licebit ostendere reuelationes illas Sanctæ Brigittæ, aliasque eis conformes non esse respuestas. Constantissima est D. Thomæ suorumque interpretum sententia prophetias siue reuelationes quæ vere tales sunt, aliasque gratias gratis datas, dari eis, quibus conferuntur, non propter seiplos, sed propter Ecclesiæ vtilitatem, quod probat ex illo Pauli, *Unicuique datur manifestatio spiritus ad vtilitatem*. Has autem huius Sanctæ fæminæ reuelationes vere tales esse, & Ecclesiæ Catholicæ vtilis non multa eget probatione, aut longa argumentorum ambage, dummodo rerum status, & conuenientia inter se tantarum reuelationum consideretur. Quis enim vel leuiter perpendens controuersiam hanc de Conceptione acrius exortam, & communem Festi Conceptionis propagationem ex reuelationibus prouenisse, negabit, magnum esse profectum, & non exiguam vtilitatem spiritualement Ecclesiæ, succedentibus sibi inuicè Sanctorum, ac probatorum hominum vel laudabilium fæminarum reuelationibus, quas illa pro veris suscepit, confirmari; & quod instituit colendum, cœlesti testimonio roborari? etenim per posteriores non leuiter probatas, aut parua indagine examinatas, si quæ circa priores erat dubitatio, omnino tollitur; & dum cum Ecclesiasticis conueniunt institutis, illorum certitudinem, & rectitudinem non parum cõmendant. Per nouas prophetias, & successiuas reuelationes Ecclesiam clariùs instrui, circa res vel doctrinam fidei, docet Diuus Thomas. Vnde & multa, quæ obscuriora sunt, manifestantur, quæ vel Mysteriorum inuolucris, aut ignorantie tenebris occluduntur, postea referantur, & quæ adhuc pro reuelatis, aut infallibilibus non tenentur, omnem suspitionis, & erroris

*Hæc reuelationibus  
proficit  
Ecclesia.*

D.Tho.  
2.2 q. 17.  
art. 4. in  
Cor. & in  
disp. q. 12  
de prophetia  
art. 3. in  
corpor.

D.Tho.  
2.2 q. 174  
art. 6. in  
Corpor.

Gg ij

notam

notam excutiunt. Gaudet ergo & proficit non modice Sancta Mater Ecclesia dum per huiusmodi reuelationes, alię similes sanctarũ personarum quas approbavit, confirmantur, & Festum Immaculatę Conceptionis quod vniuersaliter & solemniter instituit diuino probatur oraculo, in quo quod illa celebrat, clarius enodetur. Vberiores proinde prouenisse ex reuelationibus B. Brigittę profectus Ecclesię, testatur in suis litteris Henricus Dacię Rex ad Concil. Basilien.

*Aedificatur populi.*

21 Aedificationem autem esse populi fidelis, & deuotionem eiusdem augere has reuelationes, quis inficiabitur, dum in illis proferatur & clare docetur quod omnes late populos ædificat, & ad maiorem Dei Genitricis deuotionem incendit? Quis per orbem ignorat, quantę fuerit ædificationis per vniuersas Christianas Regiones, doctrina asserens Virginem Mariam Dei Genitricem ab originali labe præseruatam? & quantę ex aduerso destructionis spiritualis, & scandali occasio dogma contrarium? Quem effugit tanta & tam festiua solemnitas Conceptionis Immaculatę Marię, quę per vniuersas Hispanię ditiones his annis elapsis facta est, ad ipsos etiam vltiores Indos trans mare immensum peruolans, & apud illos tam grate recepta, vt solum in ciuitate Mexicana noui orbis ditissimo empirio multa millia aureorum libentissime, & liberalissime deuotissimi incolę in vnus diei Festum irrogauerint? Quis neget quotidie Catholicam gentem in hac doctrina spiritualibus proficere incrementis, interioribus affici gaudijs, quotidie extrui, & superextrui in magnam feruoris & amoris Dei Genitricis molem, donec in molestę se offerentem, & inuite se intrudentem contrariam doctrinam impingat?

*Henricus Rex Dacia.*

Ne autę superiora sine teste dixisse videat, quasi nullus subesset, qui vel Ecclesię vel populo vtilis esse iudicaret has reuelationes; Vnum vel alterum testem adhibebo de omnibus Brigittianis. Supracitatus Rex Dacię ait, *Indubie illas in salutem multorum in via fidei & morum titubantium in illo Regno & alibi per mundum publicatas, & solemniter predicatas fuisse.* Et inferius rogat Patres Concilij vt sicut in illud vsque tempus in Ecclesia Dei ad ipsius laudem, & gloriam, ad purgationem criminum, bonorumque morum introductionem prædicatę, & publicatę fuerunt, sic non obstantibus quibusdam contradictoribus, & calumniatoribus, eas impostum prædicari, publicari, & tenere liceret; Testatur etiam Card.

Turrecr.

Turrecrem. citat. cap. 1. Gregorium II. & postea Urbanum VI. Turrecrem  
 magna præmissa examinatione per grauissimos & diligentissimos Commissarios infra à nobis citandos comperisse reuelationes omnes Sanctæ Brigittæ ad utilitatem legentium seu audientium pro saluberrimo fidelium dogmate, in Sancta Ecclesia Dei in perpetuum cum deuotione & reuerentia studiosus esse obseruandas. Quamobrem, inquit, plures Principes & Nobiles Romam venientes, & alij suos Nuncios mittentes pro libris reuelationum habendis, quas postquam eos instanter petierant proprijs suis sumptibus cum exquisita diligentia scribifecerunt, inter quos isti notabiliter erant infra scripti; Dominus Episcopus Normaciensis fecit unum librum scribi Rome, quem deportauit ad Imperatorem; Frater Petrus de Aragonia Ord. Frat. Minorum consanguineus Regis Francie. 2<sup>m</sup> in quē detulit Franciam Nuncius Regine Castelle de Hispania. 3<sup>m</sup> Nuncius Regine Cypri. 4<sup>m</sup> Nuncius Regine Sicilia 5<sup>m</sup> Nuncius studij Pragen. 6<sup>m</sup> Petrus de Burgundia Ord. Minorū Theologus maximus. 7<sup>m</sup> Nuncius Cruciferorum de Petusia. 8<sup>m</sup> Romani, Ianuenses, Vratiflanenses, ac plurima alia Ciuitates & Regnorum Nobiles, libros istarum sanctarum reuelationum pro se scribifecerunt Rome. Et Solitarius in Epistola præfatoria ad lib. 8. reuelationum cap. 6. spondet se per 7. signa probaturum, Visiones illas non solum à Deo infusas, verum & datas fuisse præfate Domine ad informationem & utilitatem totius corporis Ecclesia, & directionem omnium Electorum. quod, & doctè, & theologicè complet. Alia sunt aliorum grauium Virorum testimonia, quibus superferendum breuitatis causa iudicauit. Solitarii.

Quam indubitatæ sanctitatis & præclari meriti fuerit B. Brigitta.

#### S. IX.

22 **T**ertia Regula vt ratio habeatur personæ, cui fit reuelatio. Præclarissima sunt encomia multorum, & magnorum scriptorum, & grauissimorum Præsulum de B. Brigittæ inculpabili vita, & manifesta sanctitate. De ea refert Ludonicus Blofius magnæ pietatis vir, Christum illi dixisse; Tu mihi sponsa eris, & te tanquam canalis utar per quod gratiam meam alijs communicabo, benefaciens illis videbis, & audies celestia, & spiritualia secreta, qui pluribus eius sanctitatem extollit. Decus omnium seminarum, eam vocat Episcopus Giennensis. Quæ (inquit) velut stella clarissima sanctitatis radios fulgentes diffudit per diuersa climata vasti orbis. Cuius prodigiosa vitæ exordia, cursum laudabiliter transactum, cuniculum feliciter consummatum, mortem omnibus desiderabilem,

Gg iij

sancti

Solitar. in  
Epist. ad  
Regesc. 1

sanctimoniam omnibus spectabilem, in conuersatione castimoniam, in cogitationibus puritatem, in actionibus humilitatem, in reuelationibus suscipiendis discussionem, in sequendis circumspeditionem, in publicandis sanctam obedientiam, refert tam praedictus Episcopus, quam citatus Cardinalis, vterque in suis prologis ad eiusdem Sanctae reuelationes, & post hos Laurentius Surius ad diem 23. Mensis Iulij, & in vita B. Catharinae eius filiae ad 23. Martij. Quos si quis consuluerit, & vitam eius abbreviatam eiusque filiae historiam, ad finem suarum reuelationum additas, perlegere placuerit, perspiciet, & plane iudicabit, heroidem fuisse omnibus numeris absolutam, ita ut nihil, quod ad generis splendorem, nec ad vitae sanctitatem conferat, in ea desiderari posse censebit. Nec Tuae Sanctitati velim rem hanc notissimam inculcare, aut in agnitae sanctitatis femina laudanda immorari, sed solum adnotare à tuis praedecessoribus Bonif. IX. & Martino V. pro Sancta proclamata, & solemniter canonizatam. Quod si de potestate, aut auctoritate Bonifacii dubitare voluerit Caietanus ad offuscandum sanctae feminae gloriam, reuocare non potuit in dubium eam legitime à Martino, albo sanctorum ascriptam, quippe pro indubitato Pontifice veneratus & habitus est, quod sibi tacendum, & omnino supprimendum censuit Caietanus, ne quod voluit tribuere D. Catharinae Senensi; huic etiam teneretur concedere. sed à Deo consultum nobis iudicamus, quod acta processus vitae eiusdem ac Martini canonizationis Bulla, quae habetur in principio libri reuelationum, non omnino perierint, ne aut nos tam patulo priuaremur testimonio, aut praecleara femina digna careret veneratione. Nil ergo ulterius examinandum in persona aliqua ut propter illius sanctimoniam, eius visiones, & reuelationes approbentur, dum sanctam esse praedicat, & pro sancta canonizat Ecclesia.

Caietan.  
tract. de  
Concep.  
c.

Quam approbatæ & commendatæ fuerint à summis Viris  
reuelationes B. Brigittæ.

#### §. X.

23. Quoties examinata & approbata omnes illius reuelationes.

24. Ipsa se innicem confirmant & approbant.

23. **A**ccedamus iam tandem ad quartam Regulam, sub qua tot probatissimorum Virorum approbationes, & subscriptiones de veritate reuelationum huius sanctae feminae subiungemus,

mus, vt nullus possit esse proceræ mentis, qui vel leuiter eas possit falsitatis insimulare. Omnes quas habuit, ipsa recte lib. 4. c. 78. & in regula Saluatoris, examinatz sunt à pluribus spiritualibus Viris, & sigillatim prout eas recipiebat, discutiebantur à suis Patribus confessorijs quibus eas detegebat, quas illi factis non modicis experientijs, & diligentijs, quas Turrecr. c. 1. refert, adhibitis, iudicarunt à Spiritu Sancto prouenisse. Præterea publicè vt refert Solitarius citat. c. 6. primo in Regno Suetiæ diligenter examinatz fuerunt per Prælatos ac Viros spirituales, & Magistros in Theologia, per quos determinatum fuit gratiam illam diuinam fuisse, & à Spiritu Sancto diuinitus concessam; vnde & Episcopi illius Regni ad Concilij Basilien. Patres testati sunt credi ab ipsis eas diuinitus Beatæ sæminæ ostensas fuisse.

*Examina-  
buntur hæ  
reuelatio-  
nes ab eim  
confessorij.*

*Publicè ex-  
aminata  
sunt in Rey-  
gno Suetiæ  
& appro-  
bata.*

Secundo, in ciuitate Neapoli coram Archiepiscopo tribus Magistris in Sacra Theologia, & alijs pluribus peritis Viris præsentè hoc ipso Domino Solitario; & ibidem denuo gratia ista fuit approbata, imo inquit Episcopus, *Quedam reuelatio, quam tunc ipsa Domina Brigitta habuit, & eis præsentauit per unum dictorum Magistrorum ex præcepto Domina Regine & Archiepiscopi coram toto populo ciuitatis, ad hoc specialiter vocato, fuit in Ecclesia Cathedrali publicata, & solemniter prædicata.*

*In Neapo-  
litano.*

*In Vrbe à  
quibusdam  
Prælati.*

Tertio, vt habet Turrecrem. citatus, ipsâ postulante Romæ ab Archiepiscopo Vspalensi, tribus Episcopis, Abbate quodam Religioso, & Domino Alphonso olim Episcopo Giennensi, *Qui (inquit, Cardinalis) super his matura deliberatione, & tractu habito eas non à deceptore spiritu, sed à Spiritu Sancto, procedere concorditer concluderunt.*

Quarto, anno Domini 1377. iam ipsâ defunctâ Gregorius I I. eas assignauit, & commisit examinandas circumspectissimis, & peritissimis Viris, Dominis Cardinalibus, & Magistris subsequen-  
tibus, videlicet Cardinali Montis Maioris, Cardinali de Agrifolio, & Cardinali de Luna, item Domino Martino de Salua V. I. D. & Archiepiscopo Pampilonensi, referendario Papæ, Magistro, Sac. Palatij, Ordin. Prædic. In Theologia etiam Magistro, Ioanni de Hispania Theologiæ item Magistro, qui fuit coram ipso Gregorio, in Consistorio generali præsentè Collegio Cardinalium, & vniuerso clero Curie Romanæ prima propositione super cano-  
nizatione B. Brigittæ, ac Domino Alphonso Episcopo quondam Giennensi; *Quibus inspectis (inquit Turrecrem.) & cum omni*

*Itorum Ro-  
ma à Car-  
dinalibus  
& Theolo-  
g.*

*diligentia sæpius transcurfis, attenteque intellectis, cum nihil in eis reperiri potuit reprobum, aut suspectum, aut orthodoxæ nostræ fidei dissonum vel aduersum, sed totum quicquid in eis continebatur Domini extitit veritate conspectum, & sanctitate præclarum, plenum, perlucidum atque perfectum.*

*Per Urbano VI.*

Quinto, anno Dom. 1379. ab Urbano VI. præcitati Gregorij immediato successore; iussæ fuerunt examinari, non quod inanem aut diminutam senserit discussionem illam à Gregorio factam, aut quæ fecerit, inania, aut irrita putauerit, sed, quia (vt inquit Turrecrem.) ex natura processus seu debitæ consecutionis Canonizationis, propter Commissarios, quibus ad integrum constare debuit, & decuit primordialiter de gestis & vita prænominatæ D. Brigittæ, rite sic exegit, vt fieret: *Commisit ergo eas, (ait Turrecrem.) valentissimis Viris, Magnis Mundi luminaribus Dominis & Magistris in Theologia Cardinali Corsiensi, Cardinali de Anglia, Cardinali de Vrsinis, Cardinali Ianuensi, & Cardinali de Manupelle. Item Episcopo Vibectano, qui fecit propositionem secundam de canonizatione huius Sanctæ coram Urbano in Consistorio publico, Domino Ioanni de Lignario Excellentissimo V. I. D. & alijs multis Theologis & Doctoribus, quos ibidem refert, & nominat citatus Turrecremata. A quibus (inquit) comperte sunt esse authenticæ veritate plene, & à Dei spiritu veraciter edoctæ.*

*Per Bonifacium IX.*

Sexto, Bonifacius IX. In Bulla, qua ipsam canonizauit, se alias probationes fecisse testatur easque veras esse comperisse, ac reuelationum multas effectum completos fuisse, ipse ibidem refert.

*Eius approbavit Martinus V.*

Hoc idem ipsidem Bonifacij verbis, litteris suis insertis, testatur Martinus V. & eam indubitanter pro Sancta tenendam iudicauit.

*Iudith. 8.*

Octauo, tandem in Concil. Basil. adhuc sub Eugenio IV. antequam ab eius obedientia omnino deflexerit examinata fuerunt ab ipso Turrecre. tunc Apostolici Palatij Magistro, alijsque Theologix Professoribus per ipsum Consilium ad hoc deputatis. Quam vero sententiam & approbationem dederit, quam bene senserit de eis, ipse Turrecrem. refert in fine sui Prologi; præclaræ fæminæ & reuelationibus eius per plura capita eiusdem Prologi, accommodans verba illa Iudith. 8. *Omnia, quæ locuta es, vera sunt, & non est in sermonibus tuis ulla reprehensio; Et c. 1. in fine illud 3. Regum. 17. Verbum quidem Domini in ore tuo verum est.*

Publicas has veridicas & authenticas Approbationes sigillatim, & suo ordine retuli, omittens aliorum particularium, sed egregiorum Virorum testimonia de veritate harum reuelationum, quorum

rum



rum quædam videre licet eisdem præfixâ & in varijs notulis Gon-  
salui Duranti ad eandem. Cum ergo tantorum Pontificum, imò  
& Generalis Concilij, tunc legitimi Basilien. & Constantien. etiam  
(si credamus Antonio Cordubæ & Alphonso Mendoza) autho-  
ritate hæ examinatæ fuerint & approbatæ, non parua caret teme-  
ritate, nec leui afficiendum est nota, quod Caietan. de his allerit,  
dum eas phantasias, figmenta, ac muliercularum deliria vocat,  
cuius verba vt temeraria, malè sonantia, alijsue adiectis censuris  
reijciunt plurimi qui post eum de hac materia scripserunt.

24 Præter hanc tantorum Virorum approbationem, non inva-  
lida aut inermis mihi est illa, qua ipsæ hæ reuelationes se inuicem  
approbant. Nam vt Bonifacius IX. & Martinus V. in Bullis Ca-  
nonizationis, & post illos Michaël de Medina, & Nicol. Sande-  
rus, sibi supposuerunt tanquam argumentum non infirmum ad  
cæteras seu omnes Brigittianas pro certis, & veris, reputandas, sci-  
licet, quasdam illarum euentu, vel effectu completas fuisse; ita si-  
militer mihi ego persuadeo veritatem istarum visionum, seu toties  
reuelati Mysterij Conceptionis Immaculatæ. Nihil enim tam ve-  
racem, aut verum mortalium quenquam apud homines reddit,  
quam quæ alias prædixerit ipso successu videre comperta. Rectè  
certe Tertull. Apolog. aduer. Gen. cap. 20. ex veritate reuelationis  
deducit esse diuinam, & ex adimplerione quarundam, rectè & certò  
probari dicit veritatem aliarum, quæ insimul vel etiam eidem per-  
sonæ factæ sunt. *Idoneum* (inquit) *opinor te testimonium diuinitatis, veri-  
tas diuinationis. Hinc igitur apud nos futurorum quoque fides tuta est, iam sci-  
licet probatorum, quia cum illis quæ quotidie probantur, prædicebantur. Eadem  
voces sonant, eadem litteræ notant, idem spiritus pulsât.* Hac ipsa tanquam  
fortissima ratione vsus est Augustinus ad probandum futurum  
diem iudicij. Postquam etenim alia plura, quæ reuelata ac prophe-  
tata, & opere impleta sunt recensuit, addidit; *Sic & dies iudicij non-  
dum est, sed quia prædictus est, implebitur. An fieri potest, vt qui in tantis  
verax apparuit de die iudicij mendax sit?* Nón dissimiliter dicam, si eo-  
dem modo inferam, hanc de qua dubitandum voluerunt Aduersa-  
rij, reuelationem veram esse. Nam quæ in alijs tot rebus prophe-  
tatis & reuelatis ipsarum euentu vera apparuit, nunquid in reuelato  
& prædicato exc<sup>mo</sup>. de Maria Virgine encomio mendax erit? Quæ  
in alijs reuelationibus verè, & sanctè profata est & prophetauit;  
Nunquid solum in ista falsò loquuta est, vel turpiter decepta, aut  
callide

Cordub.  
l. 1. q. 44.  
& Men-  
doz. q.  
quod. S.  
Caietan.  
de Con-  
cept. c. 5.

ipæ se in-  
uicem con-  
firmant.

Med. l. 2.  
de rect. in  
Deum  
fid. c. 2.  
Sander.  
l. 6. viliib.  
Monarc.  
n. 1046.

August.  
serm. 31.  
c. 4. l. 10.

callide voluit decipere? Rerum non paucarum aut inanium, quæ ab ipsa prophetatæ, & reuelatæ successerunt, vel euenerunt testis est vniuersus ferme orbis, ac præcipue sacrum illud Monasterium VVasthenen. quod acceptis à Christo institutis salubriter ac prudenter fundauerat. Conquirant ergo & vendicent illa monumentis obseruata, & successibus confirmata, vel huic vni reuelationi apud Aduersarios debitam credulitatem & fidem.

Quænam admittenda sit pro vera reuelatione, an illa D. Catharinæ Senen. an ista B. Brigittæ viduæ?

## §. XI.

25 **C**Um tot modis, rationibus, & grauissimorum Virorum calculo approbata sit hæc reuelatio, nescio vnde scrupulus de ea admittenda. Quasi minus sanam forsitan aut parum Catholicam, vel timide vel religiosè reijciunt, quam tot egregij Doctores, & Prælati fidei iudices, & Summi Pontifices libentissime admisertunt: sed hinc illa religiositas, hinc illa circumspectio in hac reuelatione admittenda, quod alteri contradicat, à Beata Catharina Senensi prolata. Hic iam totius difficultatis punctus, hæc controuersia mera, vt videatur, & exactè dignoscatur an propter hanc illæ, quas retulimus, vel propter illas hæc sit reprobanda? Dum de contraria reuelatione ageretur, reuelatumque opponeretur Mariam Virginem in peccato conceptam, satis ego intellexi, & faciliè suspicatus sum, non alij, hanc factam fuisse reuelationem, quam alicui Aduersariorum discipulo vel sequaci. Mirum est, & ponderandum iudico, quòd extra hanc religionem, nec à pluribus hæc admittatur opinio, nec Sanctis alijs quibuscumque hæc fiat reuelatio. Altera pars indiscriminatim, & sine vlla suspicionem falsitatis aut fictionis plerisque facta est tam Franciscani instituti, quam aliorum Ordinum, & communis vitæ Viris. Soli fæminæ Dominicanæ contrarium superne dicitur reuelatum. Quis non videat ipsam se in hac re ingerere supposititiæ ac fictæ reuelationis suspicionem?

Quod Aduersarij de B. Catharina obijciunt, reuelationem non esse:

## §. XII.

26 Nullus ex D. Catharina coanis huius reuelationis meminit.

27 Nec illa cuiquam eam aperuit.

28 Oratio potius, quam reuelatio dicenda est.

29 Volunt Aduersarij illa verba in extasi fuisse prolata.

30. Nec

30 Nec exinde sequitur fuisse reuelata.

31 Illa, ex propria sententia, à suis Magistris edocta, protulit.

26 **N**eutiquam credunt cordati Viri, nec credendum putant, humillimam hanc, & sanctissimam faminam, aliquando illam aperuisse, aut pro reuelatione venditasse confessario suo, aut alijs spiritualibus viris, quibus ceteras sibi coelitus factas expandebat, & proponebat examinandas. Vnde nec vllum inuenire, aut videre licuit illorum sibi coxuatorum, aut eorum, qui eius curam egerant, tam in religioso regimine, quam in confessionibus audiendis, qui vel verbum de huiusmodi fecerit reuelatione; qui tamen in vita eius describenda minutissimas res obseruauerunt, nec vllum sanctæ faminae, aut deuotionis eius actum videntur prætermisisse, B. certè Raymundus Capuanus eius facta gesta que diffusius conscripsit: eiusdem vitam historiamque largè contextuere Frater Thomàs Senen. & Frater Steph. Cartusien. è quibus eam decerpit Surius, apposuitque ad 29. Aprilis, & nihil huiusmodi in ea meminerunt. Reuelationes eius diligentissimè collegerunt prædictus Stephanus, dum eius esset amanuensis & alij; hanc vero non ad inuenerunt. Credendumne est hanc solam eis elapsam, hanc vnicam neglexisse, hanc quam modo tanti faciunt Aduersarij, vel tunc occultasse, vel pænitus ignorasse; erit qui dubitet, sollicite tunc publicaturos, & diligenter prædicaturos, si quid tale vel leuiter insinuaturn ab ipsa sanctissima famina percepissent?

27 In vnum conuenère, in vno sæculo floruere B. Brigitta, & hæc gloriosa Catharina, licet illi hæc aliquantisper superuixerit. Dum hæc Romæ degeret, familiaresque se ei præberent Gregor. I I. & Vrban. V I. per hos ipsos Pontifices discutiebantur, & liti-  
Nec illa cuiquam eam apertum.  
 ctis adhibitis examinibus, quæ supra retulimus, agebatur in Vrbe de veritate, & certitudine reuelationum B. Brigittæ, quas publicis & irrefragabilibus testimonijs iudicarunt pro veris, Catholicis, & sanis tenendas & legendas. Credendumne erit, dum inter illas toties dicitur reuelatum, Mariam Virginem à peccato originali fuisse præseruatam, quod pro sua sententia gloriosè iactabant Immaculatæ Conceptionis defensores, quorum quosdam supra retulimus, eas publicè Romæ transcribi fecisse, taciturnam hanc præclaram Virginem, quin humiliter vel secreto Sanctissimis Pontificibus exponeret contrarium sibi à Domino reuelatum, ne falsitatem pro veritate approbarent, vel sub specie verarum reuelationum, erro-  
 neum

neum quid, aut falsa hominum figmenta, vel mulierum deliria pro sana, & Catholica doctrina iudicarent admittenda. Per totum eius vitæ tempus continuis annis, & succedentibus sibi Pontificibus, semper rigorosè & diligenter de his Brigittianis actum est reuelationibus. Si hæc, quam Aduersarij prætendunt illi factam fuisse, non euenerit præfatorum Pontificum tempore (per quod ad hanc obiectionem responderi potuit) nunquam per contrariarum discussiones publicas, & dilquisitiones notorias, vel iam factas, vel quæ actualiter fiebant, ei defuit occasio & causa (quod sub graui conscientiae reatu tenebatur) eam vel Pontifici communicandi, vel hominibus peritis detegendi, aut suis Fratribus inculcandi. Nihil illa secundum Sanctorum consuetudinem, & Sanctorum faminarum, quæ sibi de spiritu illusore in huiusmodi visionibus & doctrina reuelata, prudenter timent, prætermisit vel admisit, quin statim illud stricto examini sui confessarij subijceret, nihil non suis Fratribus expandit. At si expandisset mirum esset, *Imo, & miraculum* (inquit Ambrosius Catharinus) *quod illi rem hanc prætermisissent ad sulciendam opinionem suam; qui & quæ sunt, & quæ non sunt, undique excavarunt, & collegerunt ad hoc ipsum: sed nec illi qui B. Catharinæ fuerunt familiares, nec qui cum ea vixerunt, nec qui ei successerunt vsque ad B. Antonini tempus talem nobis reuelationem obieccere, aut Ecclesiæ Magistris proposuerunt, vt Brigittianas non reciperent; sicut modo nouiores & tanto tempore B. Catharinæ posteriores insudant & laborant, vt propter illam contrariæ non admittantur.*

Cathar.  
lib. 1. de  
Concep.  
Virg. in  
expugna  
ti vlt. ar.  
ticuli.

Oratio po.  
tius quam  
reuelatio  
dicenda illa  
verba.

28 Iudicandum sanè vel credendum, illos tempori B. Catharinæ viciniores, æquius, rectius, & sine passione liberius iudicasse; verba sanctissimæ faminae, superius citata, non pro doctrina à Deo reuelata, sed pro sermocinatione simpliciter in oratione, secundum quod à suis audierat, prolata, indubitanter habenda. Præterquam enim quod plures habeantur huius assertionis vel iudicij fautores statim referendi, illud non inane subest fundamentum, verba illa non inueniri inter reuelationes eiusdem, quarum separatim per se extat libellus, sed solum inter orationes seponi, numero (vt dixi) sextamdecimam.

Volunt Ad  
uersary hoc  
verba in  
extasi fuisse  
prolata.

29 At si voluerint partis aduersæ sectatores obijcere orationes illas in extasi, & raptu recitatas, aut factas, vnde & ab intellectu Deo coniuncto, & in veritatis abyssu absorpto, efformatas, & hinc

hinc pro omnino veris, aut reuelatis habendas, sicut inter eos de hoc haberi dicitur traditio; plus æquo audacter hoc non negabo, nec dum de contrario mihi non constiterit, aliquid irreuerenter effundam, quod cælestibus, & inauditis tantæ Virginis detrahat gratijs, & singularibus obstat privilegijs.

30 Nectamen ex eo quod hanc concedam vel in raptu prolata, Non exinde sequitur fuisse reuelatam vel in extasi recitatam (quod, & indicare videtur Surius dum ait, Stephanum eius amanuensium, postea Carthusiæ Ticinen. priorem, librum operum huius præclaræ Virginis biennio ante eius mortem, ex eius ore accepisse, cum mens illius extasim pateretur) hinc statim compellar, vt reuelatam admittere, dum non in omni, sed solum in vehementissima extasi (vt mihi author est Diuus Thomas) ita intellectus Deo adhæreat, vt nequaquam circa alia speculari, & versari possit, aut operari. Vnde solum in Dei visione per essentiam, quæ est vehementissimus intellectus actus in extasi, vt idem habet author, oportet, vt omnimoda fiat abstractio à sensibus, in cæteris autem ad exteriora quantumlibet potest aduerte-  
re, & externos actus dirigere.

31 Potuit ergo (si demus hanc orationem seu collocutionem in extasi factam) gloriosa illa Virgo, quamuis aliquantum in Deum eleuata, interius de doctrina sibi à suis Magistris indita, & illis comuni, cogitare, & eam exterius proferre. Speculatiue vero in hoc errasse, non erat impossibile dum solum aut communiter cum ijs agebat, quibus hæc opinio valde placebat. quod nec illius detrahit Sanctitati, aut veris eius reuelationibus debitam subtrahit fidem. Ipse mihi Antoninus exemplum dedit & modum, ita peregrinas & duræ fidei reuelationes, quæ à communi discedunt doctrina, explicandi. Cum etenim ageret de reuelatione quadam facta B. Elizabethæ Hungariæ præclarissimæ Principi, & quam Gregorius IX. Sanctis adnumeravit; qua quidam volebant, illi cælicus dictum fuisse Virginis sanctissimæ corpus post eius mortem per quadraginta dies in terra remansisse, idque præclaro viro, & in Virginem propenso durius videretur, & magis nouum, quam quod contra multorum Doctorum sententiam de celeriori virginei corporis Assumptione fidem meretur, adiunxit; *Nec propterea detrahimus sanctitati eius, quia non semper quæ Sancti viderunt in spiritu, eadem ut Propheta viderunt, sed iuxta suas mente conceptas imaginationes.* Non ergo iniurijerimus nos in hanc præclaram Virginem,

D. Tho.  
in disput.  
q. 13. de  
rapt. art. 3  
ad 3.

*Ida, ex præ-  
fata senten-  
tia, à suis  
Magistris  
edocia, pro-  
tulit.*

Anton. 3.  
p. tit. 19.  
c. 11. in  
fin.

nec eius detrahemus Sanctitati si similiter deiciamus eam protulisse simpliciter in oratione opinionem suam, quam cum sui Ordinis viris omnino veram, & certam humanis tantum rationibus, & persuasionibus inducta putabat. Potuit facile hac in re, qua de Theologica quaestione naturali, non diuino lumine præeunte, differebat, errare, quod humanum est. Quod ita accidisse communiter iudicant multi ex his, qui data opera de his eius verbis pertrahant.

In oratione autem seu colloctione illam ex propria sententia verba illa effudisse, non cælestem reuelationem habuisse, sententia est multorum Sacrae Theologiae Doctorum, Martini del Rio Iesuitæ lib. 4. mag. disquis. q. 1. lect. 4. ad finem. Ambrosii Catharini Dominici supra citati. Aegidij Lusitani Augustiniani lib. 3. de præsequ. B. Virg. q. 6. art. 4. §. 2. n. 14. Ioannis Baptistæ Cecaenæ Carmelitani in suo Apologet. pro immaculata Conceptione c. 10. Antonij Cordubeni. Franciscani lib. 1. quæst. Theolog. q. 44. §. etiam quod ibidem, vers. vel fortè, & aliorum.

Quam leui inhiatur fundamento hæc prætenfa reuelatio.

### §. XIII.

32 *Tota huius reuelationis fides refertur in D. Antoninum, dubia auctoritatis historicum.*

*scilicet quidam reijciunt.*

34 *Voluerunt quidam per adiecta verba ei fidem conciliare.*

33 *Hanc reuelationem tanquam con-*

*Tota huius reuelationis veritas refertur in D. Antoninum.*

32 **S**ed nec colloctionem aut orationem istam Sanctæ Catharinæ tribuendam esse volunt alij, dum alio non conuincantur fundamento vel ratione, quam quod Caietanus, & alij per pauci eiusdem sodalitiij homines, id retulerint ex Diuo Antonino, qui solus & primus reuelationem hanc, nescio à quibus accepit, vel quibus ex angulis aut schedulis eruit, & post scriptam Diuæ Catharinæ vitam offendit, siue adinuenit. Omne ergo testimonium, & si quod est huius orationis credendæ fundamentum ad Antoninum est reducendum, cum hi alij qui hanc ex eo nobis obiectant, nullum aliud suppeditent; nec aliam mereantur relatores alienæ historiæ fidem, quā quæ illi, qui eam primus concinnauit, & quem posteriores citant, debetur. Quanta vero in hac, vel in alijs historijs tribuenda sit huic sancto historiographo, scire possumus ex tertia

ex tertia illarum regularum, quas statuit Melchior Canus quibus historici cuiusque fides, ac veritas exploretur. Illa autem hæc est; *Quod qui solo auditu vel per opiniones scribunt, nec tanquam primi recipiendi sunt, nisi ubi à publica fide non dissentiunt.* Quantum autem in multis præcipue in hoc à publica, & communi fide dissentiat Antoninus plerique scriptis signarunt. Illum vero solo auditu, vel per opiniones & leuiusculis ex fundamentis, coniecturisque multa scripsisse, seu historiam suam contexuisse, ipse idem testis est Cano, qui libere de eodem & Vincentio Bellouacen. hanc dedit censuram. *De Vincentio Bellouacensi & Diuo Antonino liberius iudico, quorum uterque non tam dedit operam, ut res veras certasque describeret, quam ne nihil omnino præteriret, quod scriptum in schedulis, quibuslibet reperiretur.* Ita ad historiam unamquamque existimandam, momentoque uno ponderandam, non artificum statuta, sed ne populari quidem trutina usi sunt. Quamobrem boni licet ac minime fallaces Viri, quia tamen, nec authores eos, à quibus suos scripsere libros, diligenter examinarunt; nec res iustis libratis ponderibus memoria prodiderunt, apud Criticos graves, atque seueros, auctoritate carent. Historicus autem, qui Theologia Decreto probandus erit, nec omnes schedas lectione etiam indignas excutiet, nec anilibus fabulis accommodabit operam, nec prius lecta auditaque describet, quam ea prudenti accuratoque iudicio expendat, ac seligat. Similiter ferme, de Antonini opere historico testatus est Antonius Posseuinus in suo appar. dum dixit; *Antoninus non pauca corrinnauerat in suis labores, que sine dubio si apud nos videret modo, elimaret, & cum in celis beatissima luce fruatur, haud dubium quin percipiat sua recognosci & puriora, quam olim erant, tractari.* Qui & plura de eius incuria de seligendis & examinandis authoribus adnotauit. Aliud subnecto de controuersa, & subiecta materia Antonij Corduben. iudicium, quo quantum Antoninus aliorum rumoribus & fabulis deferebat, quod in eo Canus carpebat, facile videatur; Dominus (inquit) Florentinus in suo historiali, dum eius (videlicet Diue Catharine) vitam perstringit, nihil eius rei meminit, nisi quod in vita Sanctæ Brigittæ, id quod ferebatur à Fratribus suis Dominicanis de Beata Catharina opposuit, contra illam reuelationem Sanctæ Brigittæ: nihil tamen producit certum, nisi rumorem quorundam qui id consinxerunt. Grauiore in tanti Viri historia errores & leuiorem, quam deceret, discussionem adnotauit Petrus Maturus Gallus in Epistola dedicatoria ad Magistrum Generalem Prædicatorum, & notis ad Sancti Doctoris opus. Nolim ego ex his

Cano l.  
11. de lo-  
cis cap. 6.  
parum  
post  
princ.

Idem ibi  
dem pau-  
lo ante  
finem §  
lex vero  
secunda.

Anton.  
Posseuin.  
in appar.

Cordub.  
citar.

tantium hominum testimonijs inferre, Antoninum quippe Sanctum, quippiam in hac re finxisse, vel imponendi libidine scripsisse. Eo tamen asserere licet vitio laborasse, quod in historiographo magnum sanè est, quod plus æquo, quorundam rumoribus deferebat, & res plurimas sine delectu, & seueriori examine, hinc inde ex quibusdam authoribus, qui non ita accuratè veriores historias delibauerant, collegerit, & ex schedis & chartis lectione indignis multa accumularit.

*Hanc reuelationem  
tanquam  
confictam  
quidam  
reijciunt.*

33 In hunc ergo adeo dubiæ authoritatis (Cano ipso Dominicano iudicante) Historicum, tota reuelationis præsentis authoritas & fides resoluitur. Quare nec tantopere admirer graues & doctos esse Viros qui præsentem hanc reuelationem nullo graui auctore vel firmo assertore dignam, nullo solido fundamento stabilitam, aut ratione commendatam prænit & libere reijciant, ac falsò confictam, excogitatamque dicant ab aliquibus maculatæ Conceptionis fautoribus, vt contrariarum reuelationum minuerent authoritatem, & reuelationem haberent, quam reuelationi opponerent. Ita præter alios Franciscus Suarez tom. 2. in 3. partem disputat. 3. sess. prima §. tertio augetur, Gabriel Vasquez tom. 2. in eandem partem disputatione 117. cap. 5. num. 80. Aegidius Lusit. supra citatus. Iacobus Granado disputat. 3. de essentia peccati, & iustit. orig. cap. 13. in fine. Antonius Cordubensis citatus; qui varios attingit modos hanc reuelationem refellendi, idemque habet supracitatus Ambrosius Catharinus dicens, se vidisse varios codices, variè super hac re se habentes; *Quare* (inquit) *mibi merito incesse suspicio quod zelator quidam paternarum traditionum caudam illam orationis, male superioribus coherentem, & variè etiam in varijs libris se habentem, (sic rectè memini) contulisse de suo. Quod & indicat friuola illius, & satis iam confutata rationis (de qua & nos statim) adiectio. Credo enim eut haberent nostri, quod contra Beatae Briggite reuelationes afferrent, vt eas saltem hac via obscurarent, interim eiusmodi confictè opposuerunt, & vt proprium est fama, que semper vires acquirit eundo, addiderunt. Quod tamen nusquam legitur ex eius ore testatum quod ipsa similiter habuit ex reuelatione; quibus parcat Deus. Hæc ait Ambrosius Catharinus, hocque eius iudicium de illa orationis calce; Tuscis Domine, quia ista est veritas, quam per illud verbum subiunxit adglutina-runt cæteræ orationis parti.*

Franc.  
Suarez.  
Gabriel  
Vasquez.  
Aegid.  
Lusit.  
Iacob.  
Gran.  
Anton.  
Cordub.  
Ambros.  
Cathar.



34 His vltimis verbis voluerunt fidem veritatis reuelatæ comparare eis, quæ Sanctam Virginem in oratione dixisse prætendunt. Nihil verò minus obtinuerunt, dum è contrario his superadditis, & orationi fidem subtrahant, & fictæ suspensionem ingerant. Quis enim vidit aliquando ita finiri orationem quampiam? Nec certè inter eas, quæ illius Beatæ Virginis circumferuntur aliquam ita terminare testantur, qui eas percurrerunt, nec per similia verba solet veritas doctrinæ reuelatæ declarari. Etenim qui alicuius Mysterij reuelationem accipit; ita de veritate rei reuelatæ diuino testimonio interne certificatur (vt rectè aduertit citatus Aegidius) vt non pendeat ab extrinseco Diuinæ scientiæ testimonio, vt illud ad confirmandam veritatem eius rei, de qua loquitur, imploret. Et lepidè sanè nec immerito, grauissimus & doctissimus quidam Præsul, de his verbis dixit (quod & post apud citatum Catharinum offendi) tantum abesse vt per illa videretur hæc doctrina à Domino Deo huic Sanctæ reuelata, vt potius illa videretur eam Domino reuelare, & vellet hoc eidem persuadere. Hoc tantorum hominum de hac re iudicium.

*Voluerunt quidam, sed vane, per adiecta verba ei fidem conuincere.*

Quantum discrepet hæc reuelatio à prima regula veræ reuelationis.

## §. XIV.

33 Obiectam reuelationem non commendat Scriptura.

36 Non sufficit pro illa adducere loca vniuersalia vt dicatur Script. conformis.

35 **S**ed adhuc contendentibus, & insistentibus Aduersarijs reuelationem esse; vel pro reuelatione orationem hanc habendam, videamus an cum illis Brigittianis sit comparanda, an propter illam hæc venerabilis Viduæ sint reiiciendæ? Percurramus breuiter singulas illas reuelationum admittendarum regulas, quas largitus ostendimus contrarijs conuenire. Quæ huius (vt à prima incipiamus) cum Sacra Scriptura conformitas? dum iam ostendimus contrariam locis Sacræ Scripturæ specialiter de Beata Virgine intellectis cohærere? Et si Oecumenicum Concilium Tridentinum vel Spiritus Sanctus per illius Concilij Patres noluerit eam sub regulis communibus, de peccato originali statutis, comprehendere; quis audebit deinceps dicere eam sub iisdem contineri? Non sufficit vt dicamus hanc reuelationem Scripturæ esse conformem, quod assignentur loci vniuersales, in quibus

*Obiectam reuelationem non commendat Scriptura.*

H h iij

omnes

omnes peccatum dicantur originale contraxisse. Necessè est, vt etiam non contradicat alijs particularibus locis, in quibus vel literaliter vel mysticè, sed secundum multorum Patrum, & Doctòrum expositionem, Virgo prædicatur ab eodem præseruata.

Non suffi-  
cis pro illa  
adducere  
loca illa  
vniuersa-  
lia.

August.  
li. de fide  
& opet.  
cap. 3.  
tom. 4.

36 Genuina est illa explicatio Scripturæ authoritatis quæ alijs eiusdem locis non contrarietur. Non est ille verus modus Sacram Scripturam explicandi, ità nudè & dure dictum aliquod aut sententiam explicare, eiusque literalis sensui ità icuine inhærere, vt nulla habeatur ratio cæteræ partis eiusdem Sacræ Paginæ, siue bene cohæreat cum ista expositione, siue manifestè illi contradicat. Vtrumque locum subtili, & docta explicatione concordare necesse est, ne dum nostris explicationibus tenaciter insistimus, in Sacra Scriptura contrarietatem, aut mendacium fateri cogamur. Errant *certè homines* (inquit doctissime Augustinus) *non seruantes in hac re modum, & cum in vnā partem procliuius ire ceperint non respiciunt diuinæ authoritatis alia testimonia, quibus possint ab illa intentione reuocari, & in ea quæ ex vtriusque temperata est veritate, ac moderatione consistere.* In explicatione locorum generalium de contractione communi peccati originalis loquentium, non est ità procliuius in vnā partem abeundem, vt non respiciantur alia diuinæ authoritatis testimonia: sed necessario ex istis, & particularibus illis de Virgine intellectis, quæ supra proposuimus, alijsque, quæ omisimus, (sed Doctores de eadem intelligunt) temperata ac moderata veritas est haurienda, ità vt illa de debito affirmatiue, hæc verò de contractione actuali negatiue explicentur. Qua ratione, & quæ contraria videbantur conciliantur, & tanto Virginis honori, secundum ipsius Scripturæ sensum, optimè cauetur. At qui reuelationem hanc solum cum illis generalibus regulare voluerit, nec alia loca conciliat, nec se Scripturæ, vel saltim Concilij Patribus conformare videtur, dum iam sub illis (vt dixi) noluerint Virginem Mariam comprehendere.

Quod si proteruierit, & durius institerit in dicendo Sacræ Scripturæ esse hanc reuelationem conformem, laboret quantum potuerit, & ad sudorem vsque, si placuerit, decertet; apud cordatos nostri sæculi Viros, Scripturæ interpretes, Theologiæ peritos, qui liuore aut passione non ducantur, oleum certe perdet, & operam. Putet demum se aliquid in hac re assequutum nunquid conformem dicet hanc reuelationem traditioni aut institutioni Ecclesiasticæ

sticæ quas manifestè, & certo videt, & fatebitur ex dictis, & ipsius Ecclesiæ declaratione aut cultu tendere in contrarium?

Quantum aberret à secunda regula.

§. XV.

37 **Q**uantum deuiet à secunda Regula iudicabunt omnes, qui nouerint aut iam audierint, quot excitauit tumultus, & scandala in diuersis Regnis contraria opinio. Vnde reuelatio, quæ hanc commendat doctrinam, nullam vtilitatem spiritualem Ecclesiæ potest conferre, aut conducere fidelium deuotioni. Quæ turbulentos motus toties excitauit in Gallia, quæ tot lites generauit in Hispania, quæ tot dissidia seminauit in Aragonia, quæ in sui commendationem horrenda excogitauit sacrilegia in Heluetia, quæ odium, & inimicitias inter multos peperit in Italia, quæ religiones arctissimo constrictas amoris vinculo dissociauit, quæ publico, & notorio per orbem scandalo, compulit te Dei Vicarium, vt eam ab Ecclesiæ pulpitis, Academiarum cathedris relegares; an hanc opinionem vel de hac opinione reuelationem putabimus aliquam secum Ecclesiæ allaturam vtilitatem, propter quam debeat admitti? Quæ populos horrore concutit, aures perterrit, nunquid eorum inseruiet spirituali ædificationi, aut iam firmiter fundatam deuotionem accendet? Quæ nihil modo habet roboris, aut vnde fermè commendetur vel firmitorem sui ipsius fidem nobis faciat, quam ex eo solum quod in secreto permittatur defendi, & eius voluerit fautoribus Tua Beatitudo prudenter conuiuere, vt maiorum malorum euitenter incommoda; cuius erit vtilitatis, Pater Sanctissime, aut quale hoc bonum erit (orare te liceat Tertulliani verbis) *quod mali comparatio commendat?* Propter maiora mala hoc bonum est; ad illa euitanda, hæc sententia permittitur. *Possunt dicere, quod permittitur non est bonum. Quod permittitur suspectam habet sue permissionis causam.* Demus ergo doctrinam hanc, aut reuelationem, eandem doctrinam continentem, vel bonam non esse, vel si tanquam bona permittitur, talem iudicari, maioris mali comparatione.

Tertull.  
lib. 1. ad  
Vxor.

C. 3.

Hh iij

Ex

Ex tertia Regula inferitur reuelationem non esse.

§. XVI.

38 **C**Irca tertiam regulam nihil velim dictum de persona, cuius reuelatio hæc esse asseritur, nisi præclarum, & magnum, exindeque negandum iudico hanc eius fuisse, vel eidem deluper à Domino factam. Cum etenim præclarissima fuerit inter fæminas Catharina, inter tertiarias sanctissima, inter Virgines notissima, inter Prophetissas laudatissima, inconsultum duxerim, & non sine magna eius iniuria hanc illi reuelationem adscribere. Aliter occasionem hinc sibi assument plerique, imo & assumpserunt, vt de qua aliunde nihil non laude dignum, & nihil non excellentissimum dici queat, asseratur eam in hac re deceptam fuisse, & ab Angelo impostore delusam. Cum etenim duas viderint inter se contrarias reuelationes, & illas in fauorem immaculatæ Conceptionis ab Ecclesia approbatas, reprobare non possint, necesse erit, vt hanc vel reuelationem esse negent (vt satius dicendum diximus supra) vel si reuelationem esse contendatur, firmiter asserant, quod in illa fuerit B. Catharina omnino decepta. Quod certè non poterit dici sine magno tantæ Virginis honoris dispendio, & fidei, veris ipsius reuelationibus debitæ, non parua iactura. Præclara certè Virgo, reuelatio vero vel dubia, vel falsa.

Petrus  
Celoy-  
herius l. 4  
de spectr.  
& alij.

Ex quarta Regula veræ reuelationis hæc venit reiicienda.

§. XVII.

39 *Nulla est legitima huius reuelationis approbatio.*

41 *Periculosum est Brigittianas re-*

40 *Nec aliunde est calitus confir-*

*probare.*

39 **S**Vb quarta regula satis laboraui, & inuestigauit vt aliquem offenderem vel inuenirem, qui vel modice hanc mihi approbaret reuelationem. Solos ex Aduersarijs quosdam inueni, eosque paucos, non qui eam approbauerint aliquo adhibito vel præmissio examine, sed qui simpliciter eam referant, & alteri contentiose opponant. Nulla publica facta est huius, qua tantundem opus habet, per tot annos discussio, aut publicum examen per quod cogeremur ei fidem quantumcunque infirmam adhibere? Nullus eam Pontifex, nullum Concilium, nullum graue tribunal examinandam doctis commisit Viris, quorum sententia pro vera iudicaretur? Nec vidi, nec sensi: Nullum miraculum vel cæleste euenit

Nulla est  
legitima  
huius re-  
uelationis  
approba-  
tio.

euenit prodigium, quo cælitus confirmaretur? Nullum, quantumuis contrariæ tam patentibus, & veris sint obſignatæ, & re validatæ prodigijs.

40 At ego ab ipſo Caietano, magno huius reuelationis præcone accipi nullam admittendam eſſe reuelationē grauē circa rem aliquam toti Eccleſiæ communem, vel in ea vniuerſaliter prædicandā, niſi ſpeciali Scripturæ testimonio, vel aliquo miraculo confirmetur. Sed nec ſpecialis Scripturæ locus, qui ſpecialiter de Maria (ab humanis ſæcibus, & culpis ſemper excipienda) intelligatur, hanc prætenſam reuelationem confirmat, nec miraculo aliquo cælitus eſt comprobata. Cum igitur nulla eſt, vel cæleſtis, vel humana, grauis approbatio, quis eam approbatis audeat præferre, aut dicere, propter illā, alias contrarias, quæ toties approbatæ ſunt, eſſe reſpondendas? Pro illa B. Catharinæ nec ſingulare aliquod hominis cuiuſpiam ſinceri, aut candidi à ſuſpicionē liberi circumfertur testimonium, quo eam vel leuiter approbet. Pro his alijs, eſt præter, iam recitata, totius Eccleſiæ approbatio, & communis omnium conſenſus, ita vt iuſte & grauiter ſit reprehendendus qui illas velit irreligiouse reprobare.

Hinc ergo manifeſtum eſt, ſingularem hanc, & ſuſpectam reiiciendam eſſe, & illas B. Brigittæ, & quæ cum illis cohærent eſſe admittendas. Quod dum fiat, nullus eſt error timendus, nullum erit errandi periculum, quod longe abeſſe ait Auguſtinus; *Cum hoc facimus quod vniuerſæ iam placuit Eccleſiæ.*

41 Illis non ſine fundamento & exemplo dixerim imminere periculum qui eas reprobandas vel condemnandas eſſe contendunt. Quanto ſuo malo eas quidam ex Aduerſarijs contempſerint, qui ſcire voluerit, legat octauum & vltimum miraculum, quod reſertur in fine vitæ abbreviatæ B. Brigittæ ad calcem ſuarum reuelationū, & vitam eius à Surio relatam. Circa alios plura & magna referuntur in vita eius præcitata, & lib. 6. Reuelat. c. 9. & 92. Diuinæ vltionis miracula, & non contemnenda cæleſtis animaduerſionis ſigna in eos qui has reuelationes ita facile floccipenderant. Vnde non inepte ſed fanè, conſuluit Episcopos Giennen. c. 6. ſui Prologi ad finem; *Vt circa has reuelationes cedat temeritas ſuſpicionis fallacis ſpiritus, ac detractio ſuperba, & inuidia ſtulti iudicij, & detur locus gloriæ, & gratiæ Dei, quæ tanto maior eſſe dignoſcitur, quanto ignorantia & modica fidei noſtræ videbitur incredibilior.*

Apoſtro-

Caiet. in  
2.2.q.184  
art.6. §.ad  
huius.  
Nec alium.  
de & cæli-  
tus conſer-  
mata.

Auguſt.  
l.4. contr.  
Crefcon.  
Gramat.  
c. vlt;

Periculo-  
ſum Brigi-  
tianiæ re-  
probare re-  
uelationes.

Apostrophe ad Sanct<sup>m</sup> Dominum.

*Reprehen-  
dendis Ad-  
versarij.  
quod con-  
trarius in-  
troduxerint  
revelatio-  
nes.*

42 **T**V ergo Pater Beatissime æquum in his, sicut in omnibus, te nobis præiudicem, iustum à te expectamus pro B. Brigitta iudicium, & debitum deprecamur exhiberi Dei Genitrici fauorem. Iam vidisti firma illarum reuelationum vt admittantur fundamenta; debilem, & confictam vides alterius oppositæ adinventionem. Eorum, ipsum in eos contorque argumentum, non esse videlicet admittendas, nec introducendas in Ecclesiam contrarias reuelationes. Hinc vel maxime prætensam hanc Catharinæ Senen. potes repellere, eosque arguere quod non timuerint illā superinducere probatissimis illis Brigittæ reuelationibus. Antequam illi tale quid somniauerint, iam illæ per vniuersam Ecclesiā longe lateque pro approbatis, & veris lectæ & receptæ erant: si ergo grande illi piaculum iustè ducant, & dicant, contrarias dari in Ecclesia Dei reuelationes: vt quid illi ipsi ausi sunt, vel religiose non timuerunt antiquioribus approbatis, & commendatis D. Brigittæ, illam prætensam Catharinæ Senen. superinducere, & omnino oppositam cominùs publicare? Si aliqua est in hac re culpa, illorum est, qui contrarietatem hanc superintroduxerunt. Pacatissime, & religiosa certitudine (non illa, quæ fidei articulis, vel declaratis mysterijs debetur, sed certitudine quadam morali, & prudentiæ, quæ particularibus huiusmodi reuelationibus conceditur) iam pro reuelato habuimus in Ecclesia Virginem fuisse sine peccato originali conceptam, donec illi contrariam suam opposuerunt, vt hoc fundamentum negatiuæ sententiæ à reuelationibus petitum, vel infringere vel labefactarent; quod tamen minime obtinuerunt. Nam, & reuelationes hæ, præcipuè Brigittianæ quo magis ab illis in dubium vocantur, eo maiorem assequuntur auctoritatem, & fidem; dum ex contradictione, & molestia Aduersariorum, occasionem sumunt grauissimi Viri eas validius defendendi, & firmitus comprobandi. Firmiter hucusque perseuerat, & fortius quotidie inualescit fides reuelationum, & doctrinæ huius in illis reuelatæ, ita vt iam tam certam hanc esse ducant sententiam Theologi, & grauissimi Viri, vt impossibile asserant ei posse falsum subesse.

43 Magnum ergo Pater Beatissime, & satis sufficiens habes fundamentum præter cætera, quæ in tractatu de diffinibilibitate huius  
contro-

controuersia<sup>Privata in-  
nixa reue-  
lationi Pius  
I controuer-  
sam gra-  
uissimam  
dixit.</sup> Tuae Beatitudini obtuli, ut iam licem istam termina-  
re, & quaestionem hanc in laudem & honorem Deiparae Virginis  
velis definire. Plures sunt ex tuis praedecessoribus, qui plures res  
statuerunt in Ecclesia priuatis partim innixi reuelationibus, qua-  
rum non maior fuit autoritas, quam istarum. Pius Papa I. gra-  
uissimam illam quaestionem de die quo celebrandum erat Domi-  
ni Pascha, de quo quaedam dubitabant Ecclesiae, terminauit, tunc  
non leuiter commotus reuelatione facta fratri suo Hermeti, sicut  
ipse his verbis testatur. *Nosse vos volumus, quod Pascha Domini die  
Dominica annuis solemnitatibus sit celebrandum. Istis ergo temporibus Her-  
mes Doctor fidei, & scripturarum effulsit inter nos. Et licet nos idem Pascha  
praedicta die celebremus, quia tamen quidam inde dubitauerunt, ad corroborandas  
animas eorum, eidem Hermi Angelus Domini in habitu pastoris apparuit, &  
praecipit ei, ut Pascha die Dominico ab omnibus celebraretur. Vnde, & vos  
Apostolica autoritate instruimus, omnes eadem seruare debere, quia & nos  
eadem seruamus, nec debetis à capite quoquo modo diffidere.* Quibus verbis  
ostendit se tunc praecipue ob reuelationem factam, statuisse, ut  
omnes eodem die Dominico Pascha celebrarent, & intimasse ut  
caeterae Ecclesiae cum Romana in cultu conuenirent. Sed alius An-  
gelus (ut iam dixi) apparuit B. Brigittae, qui Mariae Virginis con-  
ceptum debuisse per orbem vniuersum celebrari docuerat. Qualis  
verò hic fuerit conceptus, in alijs pluribus apparitionibus ei fuerat  
reuelatum. Nullam aliam vidimus huius Hermetis approbationem  
aut discussionem, quam quod ipse eam fratri suo Pontifici re-  
tulerit, & Sanctus Pontifex eam referendo in hoc Decreto, & fi-  
dem adhibendo, probauerit. Et tamen propter eam, & ut confor-  
marentur capiti & Apostolicae traditioni, de qua dubitabant, iussit  
caeteras Ecclesias omne dubium in illa controuersia remouere.  
Quid ergo tollit, quo minus Tua Beatitudo quaestionem satis dis-  
cussam, & consuetudine, & celebratione Ecclesiastica iam dudum  
firmatam contra quosdam dubitantes vel controuertentes velit  
dirimere, & in doctrina, & cultu non iubeat tecum & cum Aposto-  
lica Ecclesia conuenire?

44 Urbanus I V. Sanctissimi Corporis Christi celebritatem in-  
stituit ad haeresim contrariam verbo simul & facto impugnan-  
dam, quae sub illis temporibus augustissimo Sacramento cultum  
indebite adimebat. Commotum autem ad hanc celebritatem in-  
stituendam ait Molanus, imò & ipse Urbanus clare insinuat in suo

Diplo-

Per alios  
instituit  
Urbanus  
Festum  
Corporis  
Christi.

Molan.  
relatus à  
Seueri  
Bin. in  
vita Vr-  
bani to.  
4. conc.  
par. 1.  
Diestem.  
apud  
Ezou. to.  
13. Ana-  
nal. adan.  
1230.  
n. 16.

Per alia  
canonica-  
tus B. Pau-  
lus iheroni-  
ta.  
Hieron.  
tom. 1. in  
vita B.  
Pauli  
post epi-  
stolam  
199.

Diplomate de institutione huius Festi, quod incipit *Transcurram*, religioſa cuiusdam mulieris instinctu ac reuelatione. Totius rei principia referuntur à Ioanne Diestemio priore Sancti Iacobi Léodien. Alterius Tu habes Pater Beatissime religioſa, & sancta mulieris non vnam, sed plures reuelationes, à Pontificibus approbatas aliasque plerisque Viris sanctis factas, vt Virginem sine peccato conceptam definias, & vniformem immaculatæ Conceptionis Festum in vniuersa Ecclesia instituas.

45 Sanctū esse decreuit Ecclesia Paulum primum heremitam, eum in Sanctorum numerum referendo, vel pro Sancto colendo, quia D. Antonius Abbas retulit se vidisse eius animam in caelos euolasse, & sibi eius sanctitatem fuisse reuelatam. Nec hoc ipsum ab Antonio accepit Ecclesia, sed à D. Hieronymo rescivit, cui hoc constituisse verosimile est ex quibusdam Antonij discipulis, vt innuere videtur in B. Pauli vita. Totum autem testimonium sanctitatis Pauli in Antonium refundendum esse constat manifestè, cum nullus alius quidquā de eius vita potuerit testificari; quippè mortalium nemo eum à 16. anno suæ ætatis, sub quo eremum petijt, vsque ad 113. quo obiit, præter Antonium viderat. Si ergo reuelatio illa Antonio facta de Pauli beatitudine, ab eius discipulis Hieronymo, & ab hoc Ecclesiæ relata, suffecerit, vt Paulus pro Beato ab Ecclesiā decerneretur celebrandus; cur non & illa facta Helsingmo apparitio ab Anselmo, tantæ autoritatis viro relata, & reuelationes B. Brigittæ ab ipsa tanta fide digna, enarratæ, satis abundare videbuntur, vt Dei Genitricis conceptus pro sancto, & immaculato ab vniuersis statuatur colendus?

Becuiar.  
Rom. &  
Baron. in  
notis ad  
Martyro-  
log. Rom.  
Institutum  
etiam Fe-  
stum appa-  
ritions  
Michaelis  
Archang.

Non mino-  
ri fides esse  
hæc reuelat-  
iones ut  
hæc contri-  
nua di-  
rimatur.

46 Sipontinorum Episcopi, & rudium quorundam armentariorum testimonium de reuelatione vel apparitione Michaelis Archangeli in monte Gargano, in causa fuit, vt Festum Apparitionis eiusdem Archangeli fieret in Ecclesia; cur & Archiepiscopi illustres, aliorumque hominum, & præclaræ huius feminae testimonia, de factis sibi reuelationibus, non commouere Tuam Beatitudinem poterunt vt pro immaculato conceptu Virginis propter præclara quæ habes fundamenta vltimam feras sententiam, & ad solemnem eius solemnitatem non compellas vniuersos?

47 Nec Pium magis pium aut propensum in Dominicum Pascha, quam te deuotum, & inclinatum in Dominicam Matrem crediderim; nec Urbani affectum erga Christi Corpus, sua seruata propor-



proportione, tuum in Christi Genitricem amorem superare putarim; nec alios Pontifices, Sanctos quosque velle magis honorare, quam Tua Beatitudo affecter Sanctissimam venerari Virginem Mariam. Ne ergo te in hoc superari permittas, ut leuioribus innixi fundamentis, illi suum affectum propalent, & Sanctæ Ecclesiæ Controuersias dirimere, vel exortas hæreses sopire voluerint, dum Tua Beatitudo tot tantisque firmissimis argumentis quæ in citato sæpius Tractatu recitauimus, commoueri non possit, ut quod suo iam iure Virgini Deiparæ deberi videtur, velit concedere. Tantorum Pater Sanctissime miserere laborum, calamitates, & simultates populi Christiani inter se dissidentis tolle, Catholici regis de suis pacificandis regnis, iam tandem precibus te flecti permittas. Melius est ut in vnum coadunati cum hæreticis vndique insultantibus congredientur Orthodoxi, quam ut semetipsos inuicem lacerent, & expugnent. Molestum tolle vno verbo dubium, periculosam compone vltima sententia Controuersiam.

*Opusculi Decimi Finis.*

## Continuatio Historiæ.

**S**equentem hunc de scandalis Tractatum, ideo voluit Orator contexendum, quia erant qui negarent, quod negari non potuit, tanta tamque graui ex hac Controuersia, præcipuè ex assertionem affirmatiuæ, exorta esse scandala, & dissidia. Alij diligentiores historiarum, & antiquitatum obseruatores antiqua fatebantur, sed sopita dicebant; futuris etiam satis cautum esse per Apostolica Decreta, maximè vero per hoc nuperrimum: nec tanti momenti ea esse quæ modo obijciuntur, aut referuntur, ut propter illa opporтерet, aut expediret quidquam innouari. Addiderunt; multo plura, grauiora, & vniuersaliora fuisse verusta quam noua, nec tamen ob illa Pontificem quempiam partem vllam huius Controuersiæ explosisse. nec ob hæc, minoris ponderis, debere condemnari. Doluit certè vehementer Orator ministratam sibi occasionem, & se omninò coactum, ut referret quæ ex his concertationibus proruperunt damna, & tumultus. Maxi-

Ii

mo etenim

mo etenim in honore, sicut decuit, habuit semper, & obseruauit religiosos Viros Patres Prædicatores, optime de Sancta Ecclesia meritos, quos etiam dum hanc ageret causam, sæpius inuisebat, & dum nostro Sodalitio præflet, voluit à nostris tanquam veros Fratres amari. At dum ob scandala sedanda pro Catholico Rege orabat, vt hæc Controuersia decideretur, necesse habuit, quod alij negabant, euidenter probare, & clarè monstrare plurima euenisse in hac causa scandala, tumultus, & molestias hæc etiam exorta, ex assertionem affirmatiuæ, per continuæ sæcula durasse; modo grauissima, & antiquis maiora, vigere, nec per edita Decreta futuris sufficienter obuentionem. Præterijt quædam quæ magis ad risum, quam ad remedium excitant; multa ab infirmæ vel suspectæ fidei authoribus relata tacuit, silere voluit multa recentiora, quæ propalari nec decebat, nec expediebat. Quæ sola non potuit suppressere, & quæ ab alijs classicis authoribus, vel in grauioribus Tabularijs sunt ob signata, & quæ publico examine, & authentico processu sunt comprobata, iussit per suas quæque Regionem distribui. Voluit etiam, vt amplius comprobarem inanem esse quorundam solutionem, vel effugium dicentium scandala hæc pusillorum esse, vel Phariseorum, & qualiacumque, maturo remedio rescindenda.

ORATIO

## ORATIO VNDECIMA

AD S.<sup>MM</sup> D.<sup>NVM</sup>

## PAVLVM PAPAM V.

## TRACTATVS XII.

Quanta, & quam graua scandala euenerint, ex libertate sentiendi in controuersia de Conceptione Virginis Mariæ, & tolerantia opinionis affirmatiuæ; Sanctissimumque D. ex sui muneris ratione, alijs quotidie exorientibus opportuno remedio obuenire teneri, vel vltima huius controuersia decisione, tantorum malorum radicem pænitus euellere.

## §. I.

Quare præcipua scandala ex hac controuersia orta referantur.

1. *Protestatur orator se sincero animo hac scandala referre.* 2. *Nollet Aduersarios offendere.*

BEATISSIME PATER,

**R**Em certe molestam, mihiq; satis ingratam aggredior, dum tot tamque graua scandala, siue ab affirmatiuæ sententiæ fautoribus administrata, siue à populo fideli ab illis accepta, extenso ordine, sed fideli & vera narratione Tuæ Beatitudini inuitus recensere compellor. Vellem potius Aduersariorum, quos maxime veneror, & affectuosius obleruo, in scandalis per illos excitatis, excusandis, vel refarciendis, defensore amicum; quam in illis recensendis, quasi personam agere relatoris aduersarij. Non maleuolo, non liuido, non inuido animo, *testis est mihi Deus*, (vt in alia materia protestatus est Agatho Papa) *neque per elationem iactantia, neque per contentionis aduersitatem, neque inaniter eorum cupiens doctrinam reprehendere, neque quamlibet quis suspicetur humana delectationis arrogantiam, sed pro ipsius veritatis, aut causæ (quam pro Oratoris munere & fidelitate tractare teneor) iustitia, aut rectitudine, imo necessitate; quæ circa illam grauiora acciderunt; & iudicis apimum magis possunt commouere, narrare constringor.*

*Protestatur  
Orator se  
sincero ani-  
mo hac  
scandala  
referre.*

*Agatho  
in Epist.  
ad Const.  
Pogon.  
in princ.  
6. Synod.*

Ii ij

2 Non

*Kellat Ad-  
uersarios  
offendere.*

2 Non Aduersariorum offensam, sed negotij profectum; non contrariæ partis virorum, quos summe diligo, iniuriam, sed causæ & partis, quam ago, felicem contendo successum. Qui ob id præcipuè controuersia efflagitat decisionem, vt tot tantisq; malis, & scandalis obuenerit, necesse habet ostendere, quam verum sit ex eadem ista suboriri. Ius est litigantiû, hæc eis concessa licentia, vt quidquid pro illis facit, aut eorum adiuvat causam, illud pro se afferat; siue in Aduersarij tendat damnû, siue illud censeat iniuriam. Bene Plato,

*Plato de  
Legibus  
Dialog. 3*

*Lites ubi multa, ibi iniuria multa.* Nam quod pro suæ partis veritate probanda alteruter litigantium profert argumenta, tot sibi illatas Aduersarius reputat iniurias. Quod meæ petitionis præcipuû est fundamentum, in meum assero fauorem, illorum nollem offensam. Silere tamen non debeo, quod prætermittere non possum; nec omnino tacere licet, qui pro tot regnis à tâto Rege sum missus, vt loquar. Si citra notam silere (vt ad Cœlest. Papam in alia controuersia de hac

*Cyrillus  
Epist. ad  
Cœlesti-  
num, &  
habetur  
in 1. part.  
Concil.  
Ephesin.  
c. 14. ad  
initium  
tom. 1.  
Concil.  
Græco-  
lat.*

*eadem Virgine inquit Cyrillus) & cuncta que hætenus mota, agitataque sunt, citra morositatis vitium pietatem tuam celare licuisset, dixissem utiq; mihi.*

*Bona ac periculi expers res est silentium. Et illud rursum. Præstat quietam vitam agere, quam turbis operam dare. Quoniam vero Deus hisce in rebus prudentiam à nobis exigit, longaq; Ecclesiarum consuetudo suadet, vt eiusmodi res Sanctitati Tue communicentur, non possum equidem quod apertius est, nempe Satanam pessimamq; illam infrenem bestiam, que ab impietatis studio nunquam desistit, in præsentia omnia miscere, contraq; Dei Ecclesias magna vi insanire, ad pietatem tuam non expädere. Ecclesias omnes Hispan. & catholica regna tumultibus perturbat, dissidentium molestia non leuiter offendit, & scandalis, ijsq; magnis per multos annos & sæcula, rabidus infestat. At quia nunc (vt subnectit Cyrill.) ad extremû propemodum malorum deuenisse videmur, operapretiu existimauimus, rupto silentio, ordine omnia, que acciderunt, exponere. Regna catholica percurrâ, & quæ grauiora in illis euenêre, perstringâ.*

„ **A**B hoc s. vsque ad s. 9. vera & fidei narratione recensabantur potiora & notoria scandala, quæ ex affirmatiuæ sententia assertionem oriebantur, & obseruata temporis Chronologia ostendebatur fuisse continua in præcipuis Europæ regionibus. „ Omnia referebantur ex probatis & classicis authoribus ex notissimis archiujs & tabularijs, ex authenticis processibus publica „ autoritate compactis; ita vt nequaquam negari potuerit perpetua, & continua fuisse scandala quantumcumque ea sopire laborauerint Pontifices suis Constitutionibus, Reges suis Decretis, Academicis,

demia, & Prælati Ecclesiastici varijs edictis. Qui tumultus, & scandala in Gallia exorta quæ sub §. 2. referebantur scire voluerit, consulat Iacobum Christopolitanum in Canticum *Magnificat* ad illa verba. *Quia fecit mihi magna*; & Ambrosium Catharinum lib. 2. de Concept. persuas. 19. & quid circa annum Domini 1322. acciderit Auinione, percipiet. Quid Lutetia Parisiorum ad ann. Dom. 1380. euenerit, habetur in excerptis principalium articulorum Ioannis de Montefono, quæ circumferuntur in fine librorum Sententiarum Magistri Petri Lombardi Parisijs excusorum ann. Domin. 1358. Cuius etiam mentionem faciunt Gersonius Epist. ad studentes Collegij Nauarræ tom. 1. & Guaguinus lib. 9. de gest. Franc. à fol. 189. qui hoc ipsum reperit, aliaque adiungit in Epist. Dedicat. sui Tractatus aduersus Bandellum ad Collegium vel Academiam Theologorum Parisiensium.

Ad ann. Dom. 1389. dum Prælati ecclesiastici, & Iudices sæculares compescere non potuerint tumultus Gallia, quam seuerum interpoluerit Decretum contra assertores affirmatiuæ sententiæ Rex Carolus Quintus, refert Thomas V Valsinghamus monachus, Benedictinus circa eundem annum in sua Historia Anglicana.

Circa ann. Dom. 1497. quas turbas sopierit Deppe, Rhotomagi, & Parisijs facultas Theologica lata in Ioannem Veri sententia, refert verbatim ex authentico processu Antonius Corduben: in suis quaestionibus Theologicis q. 44. §. nouerint vniuersi, & summatim Aegidius de præsentatione, lib. 3. de præseruatione Virginis q. 6. art. 4. §. 2. num. 4.

Multa etiam sui temporis scandala insinuat Ioannes Maior in c. 1. Luca, & in 3. d. 3. q. 1. nec aliquando cessarunt donec per omnes Gallia regiones præualuit & sola inualuit pia de immaculata Conceptione opinio.

Scandala Italia, quæ referebantur §. 3. mouerunt Sixtum IV. vt publicam indiceret in Vrbe disputationem & vnam ac alteram ederet extrauagantem. Turbulentos motus ciuitatis Ferrariensis sub eodem Pontifice, vel ipse Vincentius Bandellus refert in Epistola, qua dedicauit suum librum de singulari puritate & prærogatiua Conceptionis Saluatoris Nostri Iesv Christi Excellentissimi Duci Herculi Estensi eiusdem ciuitatis & Domini Principi, circa quod tempus commotæ sunt, & alia ciuitates Lombardiae. Alias deinde turbas excitatas in prædicta ciuitate Ferrariæ ad an-

„ num 1512. Refert Petrus Rodolphus lib. 2. suæ historiæ Seraphicæ,  
 „ & Franciscus à Sofa Episcopus Oxomensis in defensorio Oratio-  
 „ nis Mexiæ de la Cerda habitæ Vallisoleti.

„ Contentiones & dissidia Ciuitatis Senarum ad annum 1530.  
 „ circa celebrandam ab omnibus puram & immaculatam Conce-  
 „ ptionem, largius narrat oculatus testis, ipsius vrbis ciuis & incola  
 „ Ambrosius Catharinus in Epistola ad generale Capitulum Ordini-  
 „ nis Prædicatorum, quæ habetur ad initium suorum librorum de  
 „ Conceptione Virginis Mariæ. Nec pacari potuit Ciuitas donec  
 „ ab omni hominum genere vnanimiter admissa est, Conceptionis  
 „ Festiuitas.

„ Sub §. 4. habebantur scandala Germaniæ, quæ partim refert  
 „ Trithemius in Chronico Spanhem. ad annum 1494. eiusque di-  
 „ scipulus Paulus Langius in Chronico Citizen. ad ann. 1509. quæ  
 „ compulerunt Alexandrum Sextum vt ederet illam constitutio-  
 „ nem *Illius quise* ad ann. 1502. quibus Sixtinas, additis pænis, con-  
 „ firmabat.

„ Scandalum graue Helueticorum sub §. 5. referebatur ex Lau-  
 „ rentio Surio in Supplem. Chronici Hæuel. & Nicolao Baselio in  
 „ additione ad eundem sub anno 1509. ex Paulo Langio citato, ex  
 „ Ambrosio Catharino lib. 3. disput. pro immacul. Concept. §. 1.  
 „ versic. octauum Testimonium; ex continuatione Chronicorum  
 „ Palmerij ad citatum annum; ex Martino del Rio lib. 4. magic. di-  
 „ squisit. q. 2. Sect. 4.

„ Recitabantur multa & magna scandala Hispaniæ sub §. 6. Pri-  
 „ mo, illa quæ euenerunt in ciuitate & regno Valentix ad ann. 1344.  
 „ ex libro priuilegiorum eiusdem Regni sub Ioanne I. Rege Arago-  
 „ num. Deinde scandala regni Aragonensis ad annum 1398. ex libro  
 „ viridi (ita cognominato) priuilegiorum regaliū; Comitatus Bar-  
 „ chinonensis, sub Martino primo Rege Aragoniæ, & ex libro litera-  
 „ rum regaliū, qui seruatur in regio Archiuio regni Balearici seu  
 „ Maioricarum ad annum 1408. sub eodem Rege. Tertio, scandala  
 „ Comitatus Barchinonen. in villa Podyceritanæ sub Alphonso IV.  
 „ & Maria Regina, ex regio Archiuio Barchinonen. ad ann. 1435. &  
 „ 1437. Item in vniuerso principatu Catoloniæ ad annum 1451. sub  
 „ Ioanne Rege Nauarre, Ferdinandi Quinti Regis Aragonū locum-  
 „ tenente ex eodem Archiuio, & postea ad annum 1461. sub eodem  
 „ Ioanne iam sui fratris Ferdinandi in regno successore, ex libro 13.

tropheo-

tropheorum regni Aragonum, & ex Marineo Siculo lib. 12. rerum Hispan. Neque ullus fuit ex his Regibus cui opus non esset, grauis-  
simis pænis & minis obuiare futuris grauioribus tumultibus, & omni solertia sopire quotidie exorientes.

Quarto, in regno Murciae graue euenisse scandalum ad annum 1507. probabatur ex originali processu extracto ex quodam illius ciuitatis Murcianae Archiuo. Demum, in regno Castellae alia ex-  
orta fuisse circa annum 1480. probatum est ex Petro de Montes libro conscripto de hac re ad Reginam Elisabetham Ferdinandi Catholici consortem; tandem in prouincia Bæthica multa fuisse etiam  
scandala circa ann. 1503. docet Ludouicus de las Casas in Tractatu de Conceptione, quem ad sedanda eadem scandala scripsit, & in defensorio eiusdem tractatus. Vltimo per varias Hispaniae Pro-  
uincias suo etiam tempore viguisse scandala indicat Abulen. Parad. l. c. 21. addens probabiliter non posse omnino rescindi nisi solo vltimo supremi Iudicis interposito iudicio.

Sub §. 7. recensebantur fideliter, & compendiose recentiores Hispaniarum tumultus, vltra quam credi potest turbulenti, & scandalosi, extracti ex authenticis processibus, qui ad Regem ex diuersis Ciuitatibus sunt destinati, & à Rege ad ipsum Pontificem transmissi, in quibus tot & talia continebantur qualia sola sufficerent ad commouendam Sanctam Sedem Apostolicam vt quantuis grauissimam modo aliunde non impediretur controuersiam diffiniret.

Sub §. 8. ex actis quam plurimis, solemni iuris obseruato ordine coram Iudicibus & Notarijs congestis, ostendebatur adhuc durasse hæc scandala etiam post Sanctiss. Dom. Pauli V. Decretum; neque vllum superesse continui & perpetui mali remedium nisi definitionem. Quæ omnia ad longum ad manifestam reiectionem ex ipsis probatis authoribus, notissimis Archiuis, & authenticis scripturis transcripta sunt, ita vt plene constiterit à trecentum annis semper scandala durasse. Seriam autem horum scandalorum narrationem ad suas classes clarius & diffusius redactam, quæ Pontifici oblata est, nunc prætermittere visum est, pacis & charitatis studio, sinceroque affectu erga contrariæ sententiæ tutelares, (quorum summa semper fuit apud Episcopum veneratio, & quos sæpius in suis ædibus visebat) ne quicquam in hac Historia occurrat, quo iuste possint offendi. Omnino autem necessarium

„apparuit, saltem insinuare breuiter, quanta fide & claritate perpetuitas hæc scandalorum est comprobata, & quam præ oculis Sanctissimi Domini positæ sunt res Hispaniæ, vt quàm pro suo munere & debito pro obtinenda rei definitione Rex Catholicus hucusque institerit, omnibus constaret.

Omnia hæc scandala aiunt Aduersarij esse pusillorum vel Phariseorum.

## §. IX.

43 *Quare non carens hac scandala Aduersarij.*

44 *Iniuria est multorum dici illa esse vel pusillorum vel Phariseorum.*

*Quare non carens hac scandala.*

43 **H**Aec & his grauiora scandala ex assertionem affirmatiuæ sententiæ quotidie oriuntur in populo. Quæ tamen se negligere asserunt Aduersarij, minimeque curaturos, vt per suæ opinionis silentium tollantur. Omnia enim aiunt provenire vel ex malitia Pharisæica vel ex ignorantia, & inscitia pusillorum, qui eam sententiam non rectè percipiunt; seque, facturos vt plene ab omnibus intelligatur, quod quantocius se præstituros pollicentur; statimque in pristinum statum sententiam suam reuocatuos, libereque prædicatuos. Quod si tunc post declaratam doctrinam aliqui scandalizentur ob illorum suæ opinionis prædicationem; vitium hoc hominum malitiæ, non opinionis assertioni tribuendum affirmant, scandalumque illud non cordatorum Christianorum, sed male affectorum Phariseorum esse dicendum. Ita in huiusmodi controuersijs consuluisse D. Thomam obiectant, dum ait. *Quando scandalum procedit ex infirmitate vel ignorantia, huiusmodi scandalum est pusillorum; propter quod sunt spiritualia bona, vel occultanda, vel etiam interdum differenda, ubi periculum non imminet, quo usque reddita ratione huiusmodi scandalum cesset. Si autem post redditam rationem huiusmodi scandalum duret, iam videtur ex malitia esse, & sic propter ipsum non sunt huiusmodi spiritualia bona dimittenda.*

D.Tho.  
2.2. q.43.  
art.3. in  
corp.

*Offendunt multos diuini autem scandala esse pusillorum vel Phariseorum.*

44 Ex hac ipsa Aduersariorum doctrinâ seu assertionem non leuiter scandalizantur, & excalescunt quorum pulsatur auditum, dum vniuersus ferè orbis ignorantie, & inscitie ab Aduersarijs arguitur. Qui si Doctores aut Viros sapientiores ab ignorantium sorte discriminent, non tamen à Pharisæica excusant malitia. Non est enim doctus ferme vel indoctus, qui ad prædicationem vel inculcationem affirmatiuæ non scandalizetur. Cum ergo omnes scandalizentur, Aduersarijque dicant, totum huius controuersiæ scandalum



lum vel ignorantium esse vel Phariseorum, omnes argui necesse est vel ignorantiae vel malitiae. Quod, praeterquam quod iniuriosum sit & falsum, ut breuiter perstringam; videndum paulo fufius an ob illa tollenda scandala, suam debeant Aduersarij omnino relegare sententiam.

Actiua, & data esse haec scandala.

§. X.

45 *Multifariam suadet non esse haec scandala Pharisaica.*

47 *Vnde potissime ei prouenit haec scandali ratio.*

46 *Licet non dicatur in se affirmatiua scandalosa, potest tamen talis esse ex circumstantijs.*

48 *Confirmatur ulterius scandala haec non esse Pharisaica.*

45 **S** Candala haec non esse accepta sed data non Pharisaica sed ministrata occasione pæne necessario exorta; non denique pusillorum & infirmorum, sed prouectorum, & Doctorem facillime admittet qui ea, quæ retuli superius diligentius considerauerit. Quomodo etenim accepta, & Pharisaica dicit quispiam, quæ omnium sunt Regnorum, & præcipuarum Academiarum? quomodo Pharisaicæ malitiæ adscribentur, dum & impingunt in hunc lapidem optimæ notæ & magnæ probitatis viri? quomodo non dari & præberi dicitur offendiculū, dum & circumspecti & timorati homines ferè inuiti commouentur, & spiritualiter ruunt? Datum certè & non acceptum declarauit Vniuersitas Parisien: semel ac iterum in duabus sententijs quas supra retulimus latas in Ioannem à Montefono & Ioannem Veri, Patres Ord. Prædicatorum. Datum certè non acceptum confirmat Academiarum consuetudo, nullas admittentium super hac controuersia disputationes, propter scandalum ut ait Cordub: ex affirmatiua procedens.

46 Datum profecto, non Pharisaica malitia acceptum est quod à prædicatione opinionis probabiliter scandalosæ (non dico in se nec ratione doctrinæ, quam continet, sed temporis & circumstantiarū) procedit. Verum fateor cum Corduba & alijs, quod quamuis ex parte veritatis vel falsitatis huius vel illius opinionis, fuerit hucusque licitum seu toleratum tenere & dicere hoc vel illud: tamen potuit fieri illicitum mortaliter vel venialiter ex circumstantia scandali, probabiliter imminētis, affirmatiuam docere. Quod etiam contingit in omni alio actu morali, ex suo genere licito, qui per

*Affirmatiua, sicut & alia res, ex circumstantijs potest esse scandalosa. Cordub. q. 44. & alijs.*

per circumstantiam scandali vitari potest; vt expressè docuit Apostolus, loquens de idolothytis, his verbis; *Omnia quidem sunt munda, sed malum est homini, qui per offendiculum manducat.* Et 1. Cor. 10. *Omnia mihi licent, sed non omnia edificant.* Hanc autem circumstantiam scandali, & piarum aurium offensionis, ita annexam esse huic opinioni (quam ex rei natura & ex suo genere non ausim, nec velim condemnare) docent cum eodem Corduba plures Doctores, vt iam nequaquam prædicari aut communicari possit, quin scandalum, & offendiculum præbeat, præcipuè in vniuersis Galliæ & Hispaniæ regionibus. Quod ita exploratum & certum habuit perdoctus sane vir Dominicus à Soto Ordin. Prædic. vt; cum otcalio ei incidit de hac controuersia tractandi, sui que Ordinis sententiam inculcandi, dum illa verba Pauli ad Rom. c. 5. *In quo omnes peccauerunt* explicaret, suisque commentarijs illustraret, noluerit de hac re disputationem instituere. *Abfit* (inquit) *vt vllum hic verbum faciam de Virgine Sacratissima Dei Genitrice Maria, vtrum videlicet hac sententia Pauli concludatur nec ne? nam etsi Concilium Tridentinum Decretum Sixti innotando, libertatem fecerit sentiendi in vtramque partem; est tamen exceptio V. ab hac vniuersali sententia Pauli vsque adeo celebris, non modo intra plebes, sed etiam intra bonos Doctores; quales præcipuè sunt Illustrissimi Parisien. vt si qui hanc sibi exceptionem persuadere non possunt, vt cui Paulus refragari videatur, haud tamen debeant publicitus talem prodere disputationem, adeo id absque odio & inuidia nequeunt facere.* Quod & alius eiusdem instituti vir omniû calculo doctus Melchior Cano l. 12. de locis c. 11. breuius & clarius pestrinxit dum dixit quod auditâ hac sententiâ vulgus sine dubio perstringitur, percutitur, torquetur.

*Vnde prout  
rit possi-  
me affirm-  
etur hac cir-  
cumstantia  
scandali.*

47 Inde autem opinionem istam, circumstantiam hanc scandali actiui, & odij induisse aduertunt qui accuratius hanc rem expendunt: quod non parum diminuat piorum in Virginem deuotionem. Quod occasionem præbeat populo, etsi bene instructo, de autoritate Ecclesiæ in celebrandorum propositione Festorum dubitandi, dum non sine fundamento ansam & non leue motiuum sumere possunt, vt credant Eccl. Rom. in celebratione Festorû errare, quando illa (vt in peculiari de hoc Tractatu ostendi) immacul. Conceptionem celebrat, Aduersarij autem maculatâ contendunt. Contra communem orbis Christiani, tam in scholis, quam in cathedris doctrinam, contra etiam ipsam parvulorum catechetica instructione Aduersarij suam opinionem ab omnibus ferme Academicis explorâ, velint persuadere.

Non

Non esse solum scandala pusillorum.

49 *Scandalizantur etiam cum indo-*  
*ctis docti.*

50 *Etiam post emisum postremum*  
*Decretum.*

49 **N**Ec esse scandala hæc solum pusillorum nec ex ignorantia prouenire, clarius est, quã vt probatione egeat, quam tamen propter quotidianum Aduersariorum murmur, iniustamque censuram, qua omnes negatiuæ adhærentes, vel ægre, & cum scandalo affirmatiuam audientes, afficiunt; breuiter, sed efficaciter subijcio. Non scandalizari solum indoctos & idiotas, sed & literatos, sapientesque viros testis, est primarius Theologiæ in Salmanticensi Academia Professor, qui in publico grauiq; Concilio doctissimorum Hispaniæ Virorum, super hac Controuersia à Catholico Rege coacto, omnes utique Doctos scandalizari dixit, seque semper vt alteram prædicari, doceriue audierat sententiam, non leuiter scandalo perculsum. Testes sunt alij plures, qui id ipsum testantur. Testesque celeberrimæ Academiæ, in quibus per multos annos, nunquam permissum fuit, vt eius vel minima fieret mentio. Testem etiã pro millibus vnã Tuam habemus Beatitudinem, dum non solum prohibuit eam populis prædicari è pulpitis, sed nec coram Theologis & in scientia prouectis voluit disputari in cathedris. Qua prohibitione non solum ostendit in concionibus rude vulgus, sed etiam doctos viros scandalizari in Academijs; idque constare potest ex eodem Tuæ Beatitudinis Decreto. Ad lectiones etenim atque alios actus scholasticos non concurrunt infirmi & idiotæ, qui specie pietatis propter ignorantiam facile decipi possunt; sed viri docti, aut iam introducti in Sacra Theologia, & scientijs, qui aut ipsi per se facile videre possunt, aut à doctioribus discere probabilitatem opinionis, & consequenter deposita ignorantia scandalum euadere. Sed quia in his, & in omnis generis viris vigere scandala hæc, cognouit Tua Beatitudo, prouide, & prudenter præcepit vt exularet scandalorum occasio tam à plebeiorum cætu, quam à Doctorum concessu.

50 Perseuerant tamen adhuc, vt superius ostendi, & grauius indies increscunt hæc scandala in magnam animarum ruinam, tam ex publica prædicatione, siue palliata, & artificiosa è suggestis insinuatione affirmatiuæ, contra Apostolicum Decretum, quam secreta communicatione & familiari confabulatione de eadem. Plura certe

*Doctos quos  
que scan-  
dalizari  
ostendunt.*

*Etiam post  
nouissimũ  
Decretum.*

certè & liberius effutiuntur in angulis, quàm liceret publicè prædicari è suggestis. Suam sententiam etiam sollicitius inculcant, & quidquid in alterius opinionis fauorem & Virginis deuotionem impenditur, acrius reprehendunt. Ad tot vero occasiones, si contrarij exasperantur, aut scandalizantur, totum esse fingunt scandalum pusillorum.

Dato quod pusilli tantum scandalizarentur ex assertione affirmatiuæ, esse tamen reticendam.

## §. XII.

51 *Quando debet taceri aliqua doctrina etsi ex se bona.*

52 *A licitis etiam abstinendum est propter infirmorum scandalum.*

Hieron.  
in c. 15.  
Matth.  
*Quando tacerenda aliqua doctrina.*  
Thom. in  
c. 14. ad  
Roman.  
lect. 13.

51 **D**emus ita esse sicut ferunt, an non etiam ob infirmorum scandalum omne remouendum est offendiculum, & cessandum ab opere quod scandalizat, dummodo (secundum Hieronymi cautionem) veritas non lædatur vitæ, doctrinæ, vel iustitiæ? In eo quod doctrinæ hæc vel sententia taceatur nec iustitia minuitur, nec vita deperditur, nec doctrina deprauatur. Tunc ut explicat D. Thom. peccatur in veritatem doctrinæ quando quæ per Ecclesiam definita est, & ad articulos fidei spectat negatur vel omnino reprimitur. In alijs vero veritatibus, quæ licet fidei obscure sint, siue ad fidem accedant, non tamen definitæ sunt, sed controuersæ (quales erant illæ, an Iudæi conuersi ad fidem tenerentur legalia obseruare in primitiua Ecclesia, & an anima erat ex traduce, ut Augustini tempore altercabatur) in his ait Angelicus Doctor, sufficere homini quod fidem habeat coram Deo, nec oportere quod fidem suam propalet, cum scandalo proximorum, nisi forte apud eos, qui habent de fide determinare. Vnde & ad illa verba D. Pauli (de sana fide illorum, qui iudicabant licere idolothyta manducare, per manducationem tamen infirmos & pusillos scandalizabant, loquentis) *Fidem habes? panes te ipsum habes* &c. ait. *Fidem habes rectam apud te ipsum, per quam constat licitum esse his cibis uti. Bona quidem & laudabilis est fides ista; sed habet eam in occulto. Coram Deo cui talis fides placet, Eccl. 1. Beneplacitum est Deo fides, & mansuetudo; quasi dicat. non oportet, quod fidem illam manifestes per operis executionem, ubi hoc fit cum scandalo proximorum.* Paucis verbis rem omnem comprehendit, sufficientemq; imo efficacem rationem interserit glossa interlinealis huius secretæ fidei retentionis, in huiusmodiue sententijs silentij. Hoc (inquit)

Rom. 14.  
22. Tho.  
citat.

Ecc. 1. 35

Gloss. interl. in c.  
14. ad  
Rom.

inquit) bene potes, quia de tuo bono nihil perdis, coram Deo hanc fidem habe, non coram abstimente, ne ei noceas.

52 Quod sine suo damno potest quis silere, & non nisi cum proximi detrimento propalare, vel extrinsecus efferre; ab illo certe debet abstinere. Quapropter (inquit Paulus) si esca scandalizat fratrem meum, non manducabo carnes in aeternum, ne fratrem meum scandalizem. Alia etiam abstinendum propter infirmorum scandalum. 1. Cor. 8. 13. Licet enim Paulus citum erat Paulo carnem illam manducare, suo iure utebatur in illo esu carniū, quibus vesci non erat peccatum ex ipsa comestitionis natura; attamen ab illis abstinere ne pusillos, & infirmos, ignorantes an legis caeremonialia adhuc obligabant, quibus idolāthyis vesci prohibebatur, scandalizaret. Cuius de salute proximorum, licet infirmorum, curam ex se summe laudabilem, maximopere extollit eius Encomiaster. Ioan. Chrysost. dicens. Paulus non disputat more nostro; non enim dicit; quare sunt tam infirmi? quare tam stupidi? quare affectiones illas admittunt? sed ea de causa ipsis potissimum parcat, quia ob rationis penuriam ita se habent, & ita infirmi sunt. Dic enim qualem excusationem ille habet, qui scandalizatur in comedente carnem & vinum bibente? an non hanc legem nobis Deus ipse permittit? Verumtamen si in his aliquis scandalizetur, abstinet Paulus. nunquam enim carnem comedam (inquit) ne scandalizem fratrem. Et non dixit, sicut nos; subiiciendus ne ego sum alienae insipientiae? num quia alicui simpliciori videtur esse scandalum, egone dignus supplicium tuam? Quamvis si etiam dixisset, multo tamen iustius dixisset, quam nos, & potuisset alias iustas causas dicere, si voluisset. At non dixit, sed ad unum solum spectauit, proximi scilicet salutem. Non enim dixit, semel aut bis, vel tanto ac tanto tempore, sed in aeternum ait, non comedam, si scandalizatur alius. Haecenus Chrysostomus, qui praeclaris suis verbis, & Pauli zelum de proximorum aedificatione, & sententiam hanc nostram de pusillorum remouendo scandalo, satis dilucidauit.

Chrysostomus. contra cohab. puell. parum post princ. tom. 5.

Licet etiam Pharisaica essent haec scandala, esse tamen curanda.

### §. XIII.

53 Quando curanda scandala Pharisaeica.

54 Cauenda esse confirmatur Christi exemplo.

53 **N**Odum ulterius stringamus, admittamusque scandalum non solum pusillorum esse, sed & Phariseorum virorumque; prouectorum qui bene norint, doctrinam illam non esse damnata, sed permissam & toleratam in Ecclesia, & patrocinate a Pontificibus.

Quando curanda scandala Pharisaeica.

Kk

cibus

cibus ne graui censura afficeretur, qui obinde iniuste, & malitiose scandalizentur. Etiam si talia cum Aduersarijs scandala hæc esse diceremus, adhuc tollenda esse multorum est doctrina, quando nec detrimentum sequitur ex omissione operis, quod fit, vel doctrinæ, quæ prædicatur; nec de profectu illius qui scandalizatur, omnino desperatur. Quam limitationem adhibent ad verba quæ supra §. 9. retuli ex D. Thoma, iuxta quæ dixi absolute §. 10. non esse curandū de scandalis Pharisaicis, nec Sanctitatem Tuam teneri ad illa curanda. Quod intelligendum volunt hi Doctores, dum ex facti omissione periculum aliquod sequitur, nec spes aliqua sit, eum qui scandalizatur à suo cessaturum peccato: Ita expressè docuit grauissimus vir Petrus Lorca Ord. S. Bernardi olim doctiss. Theologiæ Professor in Vniuersitate Complutensi, dum illam regulā D. Tho-

Thom. 2.  
2. q. 43.  
art. 7. in  
corp.  
Lorca ibi  
dem in  
summa  
questio-  
nis.

Valencia  
to. 3. di. 3.  
quest 18.  
punct. 4.  
§. exult.  
mo etia.

Cauenda  
esse contra  
natur  
Christi  
exempl.  
Matth.  
17. 25.

ma, videlicet, non teneri quempiam ad dimittenda bona spiritalia ad vitandum scandalum Phariseorum, explicaret. *Limbo* (inquit) *hanc regulam, ut non habeat locum, quando spirituale aut temporale quod omittitur, non est magne utilitatis, & sperari potest eum, qui ex malitia scandalum sumit, cessaturum à peccato. Tunc enim abstinendum est, quia quilibet tenetur impedire peccatum alterius, quamunque ratione peccet, si id potest commode, & sine aliquo detrimento, & cum spe fructus præstare.* Et Gregorius de Valencia ad eundem locum & regulam Diui Thomæ. *Existimo* (inquit) *si quis cum nullo suo, vel penè nullo detrimento posset impedire scandalum proximi Pharisaicum, aliquid faciendo vel omitendo, illud debere facere.*

54 Explicationem hanc confirmant alij ex illo Christi Domini factō, qui cum nouerat eos, qui didrachma tributi accipiebāt, apud Petrum conuestos quod magister eius non soluebat quantocius tributum, præueniens Petrum, dixit; *Quid tibi uidetur Simon? Reges terre à quibus accipiunt tributum vel censum? à filiis suis an ab alienis? & ille dixit: Ab alienis. Dixit illi I E S V S: ergo liberi sunt filij. ut autem non scandalizemus eos, vade ad mare &c. inuenies staterē illum sumens da eis pro me & te.* Qua interrogatione Christi & ex responsione Petri, nobis declarauit se nullatenus obligatū ad soluenda illa didrachmata; soluisse tamen, ut scandalo obuiaret. Illud autem Pharisaicum esse quis non iudicabit, dum non ex ignorantia, sed ex malitia scandalizarentur, qui per tot patrata miracula, & cœlestem reuelatam doctrinā potuerunt cognoscere eum Filium Dei, & immunem à solutione tributi, ut cum glossa ordinaria colligunt quidam, ex eo quod mali-

tiosè

tiosè de hoc tributo dando non ipsum Christum, sed Petrum conuenienter census exactores? vel si cum Lyra, & alijs placet dicere exactores hos ex gentilibus fuisse, vel etiam ex Iudæis, qui adhuc non credebant Christum, vel à Patre æterno, vel David Rege progenitū, & ex utroq; patre libertate gauisum; vnde & iustè posse scandalizari ad tributi negationem. Potuit tamen Christus tunc, sicut & Petrum instruxit eos docere, & erudire se ex duplici capite libertate potitum, nec ad census solutionem teneri. Noluit tamen, præcauens illorum scandalum, probabiliter ex illorum malitia oriturū; quantumcunque eorum releuatur ignorantia, per eius doctrinam. Rectè ad hunc sensum concordat Episcopus Iansenius hunc locum cum alio illo Matth. 15. Vbi Christus docuit contemnendum esse Phariseorum scandalum, infertq; *Docemur itaq; ex hac diuersitate, obseruare tempora, & loca secundum quæ oportet non contemnere eos, qui scandalizantur, & secundum quæ oportet contemnere. Docemur in hoc Domini factō quiduis & facere & pati pro vitando ac subtrahendo scandalo proximorū, quod salua iustitia, & veritate licet, idq; etiam aliquando quando non esset alioqui scandalum datum, sed acceptum.* Argumentum etiam hoc latius prosequitur Chrysost. serm. contra concub. tom. 5. Cum igitur nullum sit periculum tacendæ affirmatiuæ sententiæ, nullumq; exinde adueniat Ecclesiæ detrimentum, nec magnæ, imo nullæ utilitatis sit eam populo aut prædicari publice, aut communicari secreto; magna; sit spes, imo certa, scandala hæc multa & magna in populo Christiano cessatura; debet certe eius fautores se cohibere, vel ab alijs cohiberi, ab illa inculcanda.

Lyra in  
cap. 17.  
Matthæi.

Iansen.  
c. 69 in  
concor.  
Euang.

Tres potiores rationes propter quas affirmatiuæ fautores insinuant nequaquam se debere cessare ab illa inculcanda.

#### §. XIV.

55 **V**ERUM tres communiter assignant Aduersarij rationes ob quas à suâ inculcanda sententia non debeant desistere. Primam, quia aiunt sibi ex silentio imminere honoris detrimentum, dum facilius, qui tacet, vincitur. Secundam, doctrinam etiam quā veram, vel saltem probabilem dicunt, dispendium ex taciturnitate passuram, dum contraria prædicatione continua Christianorum cordibus altius infigitur. Tertiam, damna hæc non esse sibi contemnenda ob ignari vulgi & ignobilis turbæ, sutorum, sartorum, textorumque, &c. (quos solos scandalizari dicunt) tumultus aut scandala, quæ nihili facienda affirmant.

Kk ij

Expen-

Expenditur prima Ratio.

## §. XV.

56 *Non est tanti faciendus proprius honor, ut ob illum conservandum scandalizetur alij.* *fermè casu fidelium sentire.*  
 58 *illa vera est scientia qua proximos adificat.*

57 *Honorabilius est cum uniuerso*

*Pro honore  
conseruan-  
do non est  
contemnen-  
dum scan-  
dalum.*  
1. Corin.  
8. 12.  
August.  
serm. 26.  
de Verb.  
Dom.  
D.Tho.

56 **A**D primam ego responderim rationem, non tanti faciendam inanem hominum opinionem, propriamue reputationem, ut propter eam tot hominum conscientiarum percutiantur infirmæ: *Percutientes conscientiam infirmam hominū in Christum peccare*, dixit Paulus. *Quomodo enim* (interrogat. August.) *non peccat in Christum, qui peccat in membrum Christi?* Aequius, & magis hominum infirmitati compatiens, D. Thom. censuit, multa alias iniusta, & iniqua toleranda propter scandalum vitandum & cedendum esse iuri proprio, legelq; iniustas in conscientia hominem obligare, quando ex illarum contemptu offenditur in conscientia proximus; ita habet 1. 2. q. 96. a. 4. in corp. ubi in huius rei comprobationem adducit illud Christi Domini. *Qui angariauerit te mille passus, vade cum eo, alia duo, & qui abstulerit tibi tunicam, da & pallium.* Quicquid tolerandum, vel alpernendum iudicat Sanctus Doctor, ne proximus scandalizetur, & debere hominem iuri suo vel honoris, vel alterius boni cedere, ne alter offendantur. Nequaquā licet, propter honorem, aut aliud, quodcunq; lucrum temporarium, in calum, aut ruinam hominem quemquā pellere, aut prouocare ad scandalum peccatum. *Scandalum enim passuum* (ut docet D. Thom.) *semper est peccatum in eo, qui scandalizatur. Non enim scandalizatur, nisi in quantum aliquantulum ruit spiritali ruina.* Vnde conlequenter ad hanc metaphoram destructionis, aut ruinæ spiritalis Paulus. *Noli propter escam destruere opus Dei.* In quæ verba Chrysostomus. *Nam si sacram aliquam ædem subueris, graue & nefarium existimatur: quanto magis spirituale hoc templum, si ruinam patiat, cum & homines constet. sanctitate sacris ædibus longè præstare: quippe non parietum gratia sed nostri huius templi mortem Christus appetit.* Tot ergo templa totque ædes spirituales pro quibus ædificandis & reparandis Christus mortem subiuit, tanta facilitate propter contemptibilem conseruandum honorem, veniunt diruenda?

Thom. 2.  
2. q. 43. 2.  
2. in corp.

Rom. 19.  
20.  
Chryso.  
de non  
scand.  
fratr. to. 5  
& refer-  
tur in  
Glos. ord.

*Honorabi-  
lius erat cū  
vniuersali  
Ecclesia  
sentire.*

57 Maiorem certè sibi quis conciliat honorè si cum multis ijsq; doctis intrepidè sentiat, quam si singularem, cæterisq; ingratham doctrinam non plena securitate defendat. Laudabilius Academicos classi-



classicoſq; viros ſuæ ſententię habere aſſenſores, quam oppugnatores. Honorificentius adoleſcentē, in melius quotidiano augmento proficiſcentem amplecti diſciplinam, quam deſcendentem, ſenſcentemq; opinationē, quæ tandem marceſcat, nolle deſerere. Non erit inglorioſum à ſingulari vnus, nec integræ, familiæ aſſertione ad communioſiorem Eccleſiæ tranſire: laudabiliter deſeritur, quod propter verum, dicam etiam probabilē Eccleſiæ aſſenſum deſtituitur. In alijs certaminibus laureas referunt qui victores redeunt; at in diſputationibus diuinis, ſolis debetur corona, qui ſe rei magnitudine victos, ingenuē fatetur, nec quidpiā iam vltro defendunt, quā, quod quantumlibet placuiſſe videt Eccleſiæ. Verē ita licitū eſt Aduerſarijs per Eccleſiam ſentire, ſed cum Eccleſia aliter ſentire religioſius.

58 Neq; hinc putent ſuam ſe commendare ſcientiam, quod vulgaris minimē ſit, ſed à communiore diſcrepet hominum opinione; nam quantum à Doctōrum fermē omnium, Catholicarumque Academiarum recedit ſententia, tantum aliena eſt à verā ſcientia, & quod ſine ſcandalo non poteſt obtrudi, modum neſcit veræ doctri-næ. Cum D. Paulus cum ijs ageret, qui rectē ſciebant ſe potuiſſe manducare, quæ idolis ſacrificabantur, & obinde idolothytis cum proximorum & infirmorū ſcandalo veſcebantur, inſufficientem, & planē imperfectam illorum ſcientiam dixit, his verbis. *Si quis autem ſe exiſtimat ſcire aliquid, nondum cognouit quemadmodum oporteat eum ſcire.* In quem locum D. Thom. Hic oſtendit Paulus à quibus hæc ſcientia habetur inſufficienter: quia ab illis qui ea vtuntur in nocumentum proximi, eſt & ſua ratio talis. Quicumq; habet ſcientiam & non modum vtendi ea, habet ſcientiam inſufficienter, ſed qui habet ſcientiam ſine charitate eſt huiusmodi, ergo. Inferius ſubiungit gloſſam hanc Bernardi. Hic non approbat Apoſtolus multa ſcientem, ſi modum ſciendi neſciat. Modus enim ſciendi eſt, vt ſcias quo ordine, quo ſtudio, quo ſine, ſcire quæq; oporteat. Quo ordine, vt id prius quod maturius ad ſalutem: quo ſtudio, vt id ardentius, quod efficacius eſt ad amorem; quo ſine, vt non ad inanem gloriam, vel curioſitatem velle aliquid, ſed ad edificationem tui & proximi. Sunt namq; qui ſcire volunt eo ſine tantum, vt ſciant, & curioſitas eſt; quidam vt ſciantur & vanitas eſt; quidam vt ſcientiam vendant & turpis queſtus eſt; quidam vt edificentur & prudentia eſt, quidam vt edificent & charitas eſt. Ille commendandus à doctri-na, ille laudandus in populo, qui ſcientiæ charitatem adiungit; ille vero nec ſuſpiciendus nec reſpiciendus, qui quantumuis ſe doctum oſtendet, ſuā doctri-nā etiam pupillos ex infima plebe, ſciens & lubens ſcandalizat.

illa vera  
eſt ſcientia  
que adifi-  
cat.

1. Corin.  
8. 2.  
S. Thom.  
lect. 1. in  
c. 8. Epist.  
1. ad Cor.

Bernard.  
ſerm. 36.  
in Cant.  
ante med

Examinatur secunda Aduersariorum ratio.

## §. XVI.

- 59 *Ob defendendas proprias sententias non debent Doctores populos scandalizare.* cum scandalo proximorum.  
 61 *Nunquam ut offerunt poterunt Aduersarij hanc sententiam populis persuadere.*

59 **I**llud vero quo secundo hanc suam tenacitatem defendunt, nimirum sententiam illam suam sui taciturnitate & silentio obscurandam, quod innoxie consentire non posse putant, ob idq; semper eis incumbere ut acrius eam reijcientibus Aduersarijs, eo sollicitius studeant eius veritatem defendere aut probabilitatem monstrare; hoc (inquam) facillime refellitur, & inane esse probatur, grauissima illa instantia, & Doctrina Christi Domini; qui ne exactores tributi tribunum vel Rectores illius Prouinciæ scandalizaret passus est obscurari gloriam suam, seq; tacuit esse Filium Dei; cum tamen tunc se obtulerit magna occasio semetipsum manifestandi, ne per solutionem tributi testimonium videretur perhibere falsitati, & se nec Filium Dei esse, nec à David vere & legitime descendere, insinuaret. Omnia tamen hæc neglexit, ut scandalum auerteret. *Vides* (inquit Chrysost.) *quo modo scandalis curam habet. si enim non soluiisset tributum nata fuissent mala. nam ut tyrannum, & oblectamentum, & ciuitatis vniuersæ inimicum, & in extrema pericula iniicientem, utique auersati fuissent.* Veritatem illam certissimam, omnium maximam, & lumme in fide nostra necessariam obscurari permisit Christus, eamque altè tacuit, ne maligni scandalizarentur. Et religiosi viri, Christi sectatores, sententiam minimè necessariam, nullius utilitatis, non permittent filere, ne Christiani tantopere offendantur, & spiritualiter ruant? Iterum & ob eandem rationem ipse Christus Dominus non solum permisit gloriam suam obscurari, sed studuit eam adumbrare, præcepitque multis, ne cui dicerent, quod ipse esset Christus, ac propterea ipsos, qui eum rapere volebant, & facere Regem (ait Chrysost.) *longius fugit, eamque opinionem à multis, qui circa ipsum erant, re-* pulis. Nedum se Christum dici, & prædicari permetteret, vel tumultus orirentur in Hierusalem, vel seditiones fierent in Iudæa iubet veritatè taceri, & iuste oblatum Regnum respuit noster legislator. Ut tot, tantæque simultates florentissimorum Regnorum auerterentur; ut tot tantiq; tumultus amplissimarum ciuitatum iam cessent, ut seditiones è medijs populis tollantur, opinionè quam docti ferè

Ob defendendas proprias sententias non debent Doctores populos scandalizare.

Chryso. serm. contra cohab. pnel. tom. 5.

Chryso. citatus aliquanto post initium.

ferè omnes silentio perpetuo, & totali dignam dicunt, quam Academiae suos magistros non permittunt docere, nec discipulos audire, non tacebunt, & silentio honorifice inuoluent, qui Christianorum salutis destinati sunt Prædicatores, & qui secundum magni illius Prædicatoris Pauli exemplum, Per omnia omnibus placere debent, non quærentes quod sibi conducit, sed quod multis, vt saluentur?

1. Cor. 10  
33.

60 Potuisse hucusque eam prædicare, & modo adhuc eis tolerari de ea loqui, & confabulari non diffiteor, attamen non vtendum esse hac potestate, qui cordatè sentiunt, dijudicant. Egregiè magnus notat Basilius licuisse Paulo & Barnabæ non operari, vt ipse gentiū prædicator expressit ita interrogando. *An ego solus, & Barnabas non habemus potestatem non operandi?* & tamen aduertit propter scandalum euitandum, eos hac potestate vti noluisse, vt & ipse Paulus dicit. *Sed non vsi sumus hac potestate, sed omnia sustinemus, ne quod offendiculum de- mus Euangelio Christi.* Subiungit Basilius. *Rem formidabilem esse in ijs que in nostra potestate posita sunt, fratrem scandalizare.* Tolerantur adhuc Aduersarij de maculatq; loqui conceptu, hac vero tolerantia seu potestate vti in certam proximorum offensionem, nequaquam licet. In illorum potestate est, hanc tacere doctrinam, quam nulla fidei veritas exposcit, nulla salutis expostulat necessitas. Circa doctrinam duo sunt consideranda (inquit S. Thomas) *veritas scilicet que docetur, & ipse actus docendi; quorum primum est de necessitate salutis, vt scilicet contrarium veritati non doceat; sed veritatem secundum congruentiam temporis & personarum proponat ille, cui incumbit docendi officium.* Licet sententiam suam certissimam esse, summamq; veritatis doctrinam sibi persuaderent, secundū tamen calamitosi, & turbulēti huius temporis necessitatē, & populorum infirmitatem, vel pronitatem ad impingendum in hoc offendiculum, ab ea proponenda & docenda debent abstinere.

Nec licitū est potestate cum scandalo proximi.

Basyl. in reg. breuior in resp. ad in terrog. 69  
1. Cor. 9. 6.  
1. Cor. 9. 12.

S. Thom. 2. 2. q. 43. ar. 7. ad 2.

61 Nec quod supra §. 9. secundum D. Thomæ doctrinam dixi eos polliceri vel intentare velle per quotidianam suæ sententiæ inculcationem, exposituros scilicet vel declaraturos ignorantibus, & infirmis suæ sententiæ veritatem, de qua cum rationem reddiderint liberari se à culpa scandalorum, quæ tunc ex malitia procedent. Nec hoc (inquam) eos ab hoc tacendi debito absoluit, cum iam pro comperto habeant, neminem hanc eorum velle acceptare doctrinam, iamque sua spe frustrentur per continuam tercentum annorum prædicationem, lectionem, & inculcationem eiusdem sententiæ, quam vel hucusque noluerunt populi percipere, vel si per-

Nunquam ut offensus poterimus hanc sententiam populi per suadere.

perunt non tamen acceperunt; nec vniuersitates admittere voluerunt. Post tria integra elapsa sæcula volunt suæ doctrinæ reddere rationem. Vel certe illa inintelligibilis est, quæ per trecentos annos non potuit intelligi; vel minus vera est, quæ iam intellecta, & post redditam rationem, à doctis exploditur, ab Academijs relegatur, à pulpitis exulat, à populo repellitur, à nullo admittitur, & omnes scandalizat.

Tertiæ rationi Aduersariorum satisficit.

§. XVII.

62 *Charitas Christiana ad omnes se fillorum & ignobilium. extendis neminem scandalizans.*

64 *Tacenda iam tandè hac opinio quæ*

63 *Non despiciendum scandalum pauperum vel mala est, vel mali speciem habet.*

*Charitas  
Christiana  
ad omnes  
se extendit,  
neminem  
scandalizans.*

Rom. 14.  
15.

62 **Q**Uod vltimo loco dicunt, damnum proprium, non esse contemnendum, propter sutorum, & sartorum tumultus, aut scandala, imo istorum (quos solos scandalizari asserunt) scandalum esse contemnendum; præterquam quod falsò supponat, solos pusillos, vel plebeios scandalizari, vt supra ostendi, non adeò accedit ad Christianam charitatem, quæ in diuites, & pauperes, in heroes, & plebeios, in doctos, & indoctos, in nobiles, & ignobiles, opifices, siue sutores, siue sutores, siue lanuarij, sint &c. se extendit. Charitas Christiana ad omnes se diffundit; non est exceptio nec exceptio personæ. Omnes voluit Christus saluos fieri, pro omnibus dedit semetipsum in pretium. *Si propter cibum tuum* (inquit Paulus, loquens de eo qui bonus & licitus erat) *frater tuus contristatur iam non secundum charitatem ambulas. Noli cibo tuo illum perdere, pro quo Christus mortuus est.* In quem locum Gloss. interl. nomine Pauli aduertit. *Non dico scandalizatur, sed quod minus est; caue ne contristes cibo tuo; plus autem caue, ne perdas; quia debes confirmare, non scandalizare. Ex Christi morte cognoscitur quantum valeat salus fratris.* Apud Christum non fuit exceptio personarum, nec vllum excepit, nec secluserat à suæ passionis pretio. Sanguinem saluificum pro omnibus fudit. Tam huius particeps est lauacri famelicus pauper, quam heluo diues, tam miser egenus, quam locuples heros, tam qui iacet in stramine, quam qui dormit in serico. Mortuus est Christus, vt vitam daret tam sutori, quam Principi.

*Non despiciendum  
scandalum  
pusillorum  
& ignobilium.*

63 **E**t si pusilli & miseri, non propterea despiciendi. Magnis adiectionis minis horum prohibuit scandalum ipse legislator Christus.

*Videte*

*Videte (inquit) ne contemnatis unum ex pusillis istis. Qui scandalizauerit unum de pusillis istis, qui in me credunt, expedit ei, ut suspendatur mola asinaria in collo eius & demergatur, &c.* In quæ verba Ioannes Maior vetustus & versatus in omni Theologia Doctor. Diligenter (inquit) animaduerte, ne contemnatis unum ex his pusillis, dicendo parum est de multis fratribus; imopes & parui momenti sunt. est ignobilis idiora, sutor, aut faber: quod tamen quotidie nostris dicunt Aduersarij à tempore Vincentij Bandelli, à quo huiusmodi Phrasès loquendi, & despicabilia verba acceperunt. In Glossa ord. egregius est ille locus Ioan. Chrysof. in illa verba Pauli. *Non manducabo carnes in æternum, ne fratrem meum scandalizem.* Præter alia præclara hæc in nostrum intentum singularia habet verba. *Etenim vltima amentie est, quæ Christo pretiosissima sunt, & talia ut eorum gratia mortem obire non recusauerit, ita nos despicatissima arbitrari, ut ab eis propter ea non abstineamus.* Hæc autem non ad illos tantum, sed ad nos, tempus esset ut dicerentur, qui proximi salutem despicimus, & illa Sathana verba proferimus. Dicere enim quid mihi curandum est, si ille scandalizatur, & ille perit? crudelitatis istius & inhumanitatis est. Neque mihi dixeris illum calceorum sutores esse, alterum coriarium, statuarium vero alium; sed considera fidelem illum esse, & fratrem. Illorum namque sumus discipuli piscatorum, publicanorum, tentoriorum, opificum. Christus autem in fabrilis domo educatus est, & fabri sponsam matrem habere non est dedignatus. Animam habet, & sutor; & lartor, quam vel ædificatus saluet; vel scandalizatus perdat. Non est gratis præbendum offendiculum ut spiritaliter cadat, vel quod moueat ad ruinam.

64 Dimittenda iam tandem, hæc opinio, quæ licet admittatur in se mala non esse, mali speciem tamen habet, dum ad eam hi pusilli cum cæteris offenduntur. Quod omnes scandalizat, vndeque bonum non videtur. Ex bono & perfecto tot Christianorum millia tanquam varia hominum genera offendi non possunt. Bonum non videtur, quod tam vniuersale generat scandalum. Scandalum (ni fallor inquit Tertull.) *non bonæ rei sed malæ exemplum est, edificans ad delictum. Bonæ res neminem scandalizant nisi malam mentem.* At quis audebit dicere vniuersum populum doctum & indoctum, omnes vndique, malas habere mentes? nemo utique. At, ut optime D. Thom. dixit, non solum à rebus, quæ vere malæ sunt, abstinendum est, ut scandalum euitetur, sed ab eis etiam quæ habent speciem mali respectu infirmorum & pusillorum, licet in se bona sint. Ideoque Apostolum dixisse ait. *Ab omni specie mali abstinete vos.*

Et pro-

Matth. 18. 6.

Maior in cap. 18. Matth.

1. Corin. 8. 13.

Chryso. in Glos.

Tacenda iam hæc opinio.

Tertull. li. de vel. Virg. c. 3. ton. 3.

1. Thess. 5. 22.

s. Thom. Et propterea conuenienter positum fuisse in definitione scandalī,  
 ciat. ar. 1. *dictum vel factum*, non solum, *sed minus rectum*, *ut comprehendatur*  
 ad 2. & *(inquit) tam illa que sunt secundum se peccata, quam illa, que habent speciem*  
 lect. 2. in *mali*. Cum ergo sententia hæc affirmatiua, etsi in se mala non sit,  
 cap. 1. *malis*. Cum ergo sententia hæc affirmatiua, etsi in se mala non sit,  
 1. ad Co. mali tamen speciem præ se ferat, per quam omnes scandalizat, ab-  
 tinth. stinendum certe erat ab ea, & qui eam nollent tacere, vel inuiti  
 erant cogendi vltima & diffinitiuā eius explosione; cum nulla ex  
 ea resulset Ecclesiæ vitilitas, sed innumera dissidia, iurgia quotidiana,  
 scandala perpetua.

Humilis ad Tuam Beatitudinem supplicatio, vt pro tui muneris debito  
 his tantis malis digneris obuenire.

## §. XVIII.

65 Nunquam à sua sententia incul-  
 canda desissent Aduersarij, donec definitur  
 controuersia.

66 Debere Sanctissimum Dominum  
 hanc difficultatem tandem aperire.

67 Ad consolidandum, & consolandum  
 populum Christianum.

68 Ad pacem comparandam.

69 Ad scandala remouenda.

70 Ad varia denique emolumenta.

Nunquam  
 à sua sen-  
 tentia in-  
 culcanda  
 desissent  
 Aduersarij  
 nisi controuersia  
 definitur.

65 **A**D te ergo (Pater Sanctissime) à quo tantæ cladis pendet  
 remedium, orationem & vultus conuertimus, ad tuum  
 solium confugimus, rogantes & deprecantes, vt tantis malis obue-  
 nire dignetur declarando clarè & apertè quid in tam longa concer-  
 tatione, certo tenendum sit, & in tam molesta controuersia, ab om-  
 nibus sit credendum. Vltimum hoc solum est efficax tantorum  
 malorum remedium. Quanta enim, & quam grauiā adhibuerint  
 consilia Pontifices Tui Prædecessores, quam varias statuerint leges  
 Christiani Principes in suis Regnis, quibus pœnis terruerint Aduer-  
 sarios multi ex orthodoxis Regibus, vt grassantibus, & quotidie  
 exorientibus scandalis prouideretur, ex superioribus liquet perspi-  
 cere, & quam parum profecerint licet iudicare. Nec Pontificum  
 fulmina censurarum, nec Regum edicta, nec Principum minæ, nec  
 à Prælatis pœnæ statutz ab Aduersarijs potuit extorquere silentiū,  
 dum per Pontificiam tolerantiam eis loqui licuit, varias & sinistras  
 literis Apostolicis adhibere explicationes, & sinuosis interpretatio-  
 nibus ad suam mentem adducere. Ita omnia testantur sæcula, ex  
 quo hæc cepit controuersia. Ita monstrant interpretationes Vin-  
 centij Bandelli aliorumque ad extrauag. Sixti I V. ita confirmant  
 aliorum explicationes ad motum proprium Alexandri V I. ita pa-  
 lam

Iam docent glossæ modernæ, quas in primo Tractatu dixi<sup>7</sup> Tuæ Beatitudini omnes fermè Aduersarios adhibuisse tuis de hac re constitutionibus. Dum ad huiusmodi interpretationes & effugia, vel minima patet rimula, nunquam à sua opinione inculcanda desistent. Eadem est omnium vox, eadem sèmita, & modus loquendi priorum ac posteriorum, præteritorum ac præsentium huius sententiæ fautorum; vno ore tenaciter dicunt suam sententiam veriolem, saniolem & tutiolem, alteram è regione falsam, erroneam, imo & hæreticam plurimi dixerunt, aliaque adiungunt per quæ tantos tumultus excitarunt vt verè eis accommodem illud Iuuenalis:

*Nil erit ulterius quod eorum moribus addat*

Iuuen.

*Posteritas: eadem facient sciantque minores.*

Savir. 1.

Sola ergo tantorum malorum medela est, vt Tua Beatitudo libertatem hanc sentiendi pænitus auferat, & etiam quæ Spiritu Sancto dictante verior apparuerit sententia, populo fideli dignetur proponere credendam. Iam tempus est, vt non fluctuet amplius Christianus populus inter has vndas variarum opinionum, & in tot scopulos dissidentium collisi fideles quotidie non pereant.

66 Tu verus naui Petri naucerus quassatæ puppis membra cõsolidato, nostri maris fidelis Neptunus, motos compone fluctus, electus Dominici gregis pastor salutifero & sano pastu pascue oves tibi commissas. Inferiores pastores dubitant quæ sint salutifera pascua, nesciunt quidã an lateat anguis in herba, ferme hæsitabundi dubitant quo suos greges ducant, si hanc doctrinam propinent, si contrariam subtrahant. Nesciunt quomodo vniuersalia Decreta Conciliorum, & loca Sacræ Scripturæ de peccato originali explacent, nesciunt indubitanter quid in hac re fideles doceant.

*Debere Sanctissimam Dom. hanc difficultatè tanquam aperire.*

67 Tuum ergo est, te decet pastorem supremum alios instruere, & quid doceant, ostendere. Tuo prædecessori, & in illo cæteris Pontificibus præcepit Christus, vt salutari doctrina fideles pascere, dicens; *Pace oves meas*, quod cum præceptum sit affirmatiuum, & in re graui, obligat oblata occasione. Sed magna prorsus nunc offertur, cum multi fideles in re tam graui vacillent, alij fluctuent, alij asserant, alij negent; nihilque certum in tanta putent controuersia. Cum cogeretur Constantinopoli 7. Synodus, vt de veneratione sacrarum imaginum tractaretur, in variasque opiniones distraherentur fideles, Imperator Constantinus, eiusque mater Irene Adrianum Pontificem per literas satis in Ecclesia laudatas rogarunt, vt adesse

*A consilio ducuntur consilium ducuntur. Ioan. 21. 18.*

Constât.  
& Iren.  
epist. ad  
Adrian.  
in princ.  
7. Synod.  
tom. 3. p.  
1. Conc.  
edit. Co-  
lon.  
Iſaïæ 40.  
1.  
Malach.  
2. 7.

adeſſe vellet Concilio, vt ſua præſentia, & ſententia in re incertâ, certa doctrina proponeretur Chriſtianis; debitumque eius in hac difficultate aperienda, modeſtè propoſuerunt Pontifici. *Debitum enim* (inquiunt) *eſt Tuae paternæ Beatitudini hoc facere. Agnoſcit vero quia ſcriptum eſt, Conſolamini, conſolamini populum meum ſacerdotes, dicit Dominus. Et labia ſacerdotum cuſtodiunt ſcientiâ, & de ore eius egreditur lex, quoniâ Angelus Domini exercituum eſt. Et iterum diuiniſ & veritatis prædicator Apoſtolus, qui ab Hieruſalem, & circuitu uſque Illicum prædicauit Euangelium, ſic mandauit. Paſcite gregem Domini, cum diſciplina.* In tanta neceſſitate per Sacræ Scripturæ auctoriſes Pontificem ad ſuum debitum exequendum adhortatur, in illa controuerſia de cultu venerabilium imaginum meminerunt Pontifici debiti ſui, eſſe conſolari populum contentionibus afflicto, ex labijs eius promendam ſententiam, ex ore eius egredi debere legem, per quam paſcendus eſſet grex dominicus verâ diſciplinâ. Hoc ipſo nunc indigemus nos in controuerſia graui, peruetuſta, & moleſtiori, cultus, imaginum, feſti, & myſterij Conceptionis Dei Genitricis. Conſolari debes Pater Sanctiſſime populum fidelem, aperire digneris labia tua ad eruſtandam ſcientiam, quam cuſtodiunt; fac nos audire vocem tuam, ſonet vox tua in auribus noſtris, quia eloquium tuum ſalutiferum, & certum, per quod certa diſciplina paſcentur greges fidelium, & certo cognoscent quod teneant.

Ad pacem  
comparan-  
dam.

68 Ad Tuam etiam Beatitudinem ſpectat pacem Eccleſiæ procurare, quæ tam neceſſaria eſt his calamitoſis temporibus, quibus cum hæreticis vndique conſiſtatur, vt in vnum coadunati filij Eccleſiæ, eius inimicis ſe valeant opponere. Aliter namque timeri poteſt, quod & B. Gregor. ſuo tempore timuit, *Ne detrimentum aliquod (quod abſit) ſacerdotibus inter ſe diſcrepantibus ſentiat.* Vnde Pontifices dixit vehementer Eccleſiæ paci debere incumbere. *In eius* (inquit alibi) *dilectione nos decet perſiſtere, vt locum præbere diſcordiæ nullo modo debeat.* Cum tanta ergo vigeat diſcordia in Eccleſia, & tantopere ſancta pax perturbetur, tuum eſt (Pater Sanctiſſime) collapſam reparare, in vnum membra Eccleſiæ coadunare, vt vna & firma in eâdem ſit compago concordiæ.

Ad ſcan-  
dala remo-  
uenda.

69 Scandala etiam tanta tamque varia ad hoc Tuæ Beatitudinis animum inclinare debent, ad quæ reſarcienda, vel ab Eccleſia tollenda ipſimet Summi Pontifices ſe teneri falſi ſunt. Ita dixerunt in ſuis Diplomatibus plures Tui prædeceſſores in alijs materijs, ſed præcipue



præcipuè in hac nostra Alexander VI. dum pro sui temporis sedâ-  
dis scandalis, ex hac controuersia orientibus constitutione, *illius qui* Alexan.  
VI. in  
Bulla  
illius qui  
se, ederet, suamq; obligationem ita fassus sit. Nos (inquit) *ad quos ex*  
*debito pastoralis officij pertinet à S. Dei Ecclesia quantum nobis ex alto concedi-*  
*tur, scandala remouere, & volentes scandalis huiusmodi (vt tenemur) opportunis*  
*remedijs occurrere.* Nec obligationem hanc Tua negauit Beatitudo,  
sed in vtrâq; Tua constitutione ex debito Tui Pastoralis officij, &  
muneris, scandalis huiusmodi Te prouidere voluisse affirmas. Sed,  
proh dolor, Beatissime Pater, adhuc durant, vt experienciâ ipsâ ma-  
nifestat, & sine dubio perseverabunt, & grauiora in dies exorientur,  
nisi vltiori remedio rescindantur, & discordiarum radices penitus  
euellantur, quam Deus inspirat, sententiam definiendo, & liberta-  
tem sentiendi vel loquendi vni ex duabus partibus auferendo.

70 Quod vt Tua Beatitudo faciat, commouere debent secreta & Ad alia  
varia esse  
lamenta.  
intestina Ecclesiæ exoriētia & pullulantia pericula. nam vt Concil.  
Trid. ait; *Rom. Pontifex sollicitudinem vniuersæ Ecclesiæ ex muneris sui ratione* Trid. scil.  
24. c. 1.  
*habere debet, & sollicitè eius dissentionibus & periculis obuenire, Pa-*  
*cis & discordiæ remedijs necessitatem patientibus, Pontificale conuenit adesse sub-*  
*sidium.* Hæretici etiâ in Beatiss. Virginem temerarij, vt eius honori  
in omnibus detrahant hanc illi, non solum opinatiuè, vt Catholici  
aduersarij, sed & assertiuè & diffinitiuè negât, vt superius retuli, qui-  
bus iusta & laudabilis fiet oppositio, si secundû communē Cathol.  
Ecclesiæ mentem, contrariû Tua Beatitudo diffinierit, & Dei spon-  
sam à tanta liberet maculæ ignominia. *Tu amice sponsi, providebis quo-* Bernard.  
Epi. 189.  
ad Inno-  
cent.  
*modo liberes sponsam à labijs iniquis, & à lingua dolosa.* Periculum auertes  
etiâ in varijs, circa hanc materiam, erroneas, temerariasq; proposi-  
tiones incidendi circa cultum eiusdem Virginis per quam pax Dei  
facta est in terris. Regem Cathol. Philippum humilem tuum filiû,  
optimè de Ecclesia meritû summopere consolaberis, & ingenti affi-  
cies gaudio, si in honorē Virginis, quod orat, obtineat, & confiden-  
tiam adijcias vt pro Ecclesiarum sui Regni necessitatibus ad hanc  
Sedem semper recurrat. Satis per tot sæcula in hac controuersia pu-  
gnatum, satis hinc inde perperillum est laborum, & molestiarû, quin  
ad desideratum exitum in hac re possit perueniri. *Ego pro tantis malis* Bernard.  
Epi. 236.  
ad Euge-  
num.  
*( vt verbis Bernardi iam tandem prolixam orationem claudâ ) tan-*  
*quam Christianus & fidelis, meliora sperabo, & omne gaudium aestimabo quod in*  
*varias tentationes incidimus. Reuera panem doloris comedimus, & potati sumus*  
*vinum compunctionis. quid dissidis amice sponsi, quasi non more suo vinum bonum*

*seruauerit vsq; adhuc benignus & sapiens sponsus? quando magna bona mortali-  
bus prouenerunt, que non magna prouenerunt mala? nam vt cetera taceā, nonne  
Ioan. 21. illud vnicum & singulare beneficium nostre salutis precessit mors Saluatoris? Tu  
ergo amice sponsi, amicum te in necessitate probato; si triplici illo amore, de quo in-  
terrogatus es predecessor, tu quoq; toto corde, tota anima, tota virtute Christi  
diligis, vt oportet. nihil seruabis, nihil dissimulabis in tanto periculo sponsæ eius, sed  
quicquid habes viriū, quicquid zeli, quicquid sollicitudinis, quicquid auctoritatis,  
quicquid potestatis impendes. singulare periculum singularem exigit operam.  
Consideret, oro, Tua Beatitudo qualis & quam magna sit præsens  
necessitas, cuius sit negotium secum contempletur, & iam tandem  
per Te amice Sponsæ (Pater Beatissime) Maria Dei Genitrix de-  
bito, & digno post tot sæcula gaudeat honore.*

*Tractatus Doudecimi Finis.*

#### Continuatio Historiæ.

**P**ROPTER crebra, & solemnia vota ac iuramēta quibus se obstrin-  
gebant illustr. Hispaniarum Academiæ, opulentæ & populosæ  
Ciuitates, Catholica atq; integra Regna ad tenendam, & tuendam  
opinionem de immacul. Concept. Mariæ quidam ex affirmatiuæ  
sententiæ fautoribus dolētes eam ita publice, & irremocabiliter à tot  
Communitatibus & populis relegari, statim voluerunt in dubium  
vocare horum votorum valorē, & qua potuerunt arte irrita redde-  
re, demum & nulla esse persuadere. His adfuit dentata charta, sed  
anonyma, & absque liminari pagina vespertilio quidam Aescopicus  
Cæsaraugustanus, qui neq; in muribus plane, neque in volucris  
erat aperte, qui ita se fingeat immaculatam probare Virginis con-  
ceptionem, vt tamen secreto quicquid in eius commendationē, &  
obsequium præstaretur ab Hispanis, improbareret, & tam alienum à  
sua sententia scriptum ediderit, vt merito dixeris Γεγραφετε Ἐλ-  
καὶ τῶν quod Scriptura & Leucæus non sint idem; & ho-  
minem modo palliatū, modo togatum in vtraq; nutare sententia.  
Sed agnito ex vngue leone è fimbria detecto, iudicarunt, qui eden-  
tulis scriptis, & temperatis calamo & atramento, quicquid asperius in  
hominem scripserunt. Commota est Ciuitas, vt supra dictum est  
inter nuperiora scandala, & contendentibus inter se Gubernarchis  
ad quodnam spectabat tribunal, lites componere, & de egregio ho-  
minis opusculo sententiam dicere, consuluntur supremi Iudices  
Maiores, & de votis non nuncupandis in Aragoniæ Ecclesijs (qui-  
bus

Vide Va-  
ron in A  
gathone  
apud  
Nonium

Vide  
Manut.  
aialogia.

bus edendis fermè omnes, earumque Rectores præcipuè Cæsarau-  
gustanus inhiabant) egerunt quidam per internuncios apud San-  
ctissimum Dominum. Alij contra iam præstita obloquebantur in  
Urbe, & an obligabant ventilare, imò & audentius intentare cæ-  
perunt vt Sanctissimus Dominus, & promenda vetaret, & nuncu-  
para annullaret. Quibus sequenti Tractatu obuénit Episcopus, &  
inanes illorum rationes cogitatusque dissoluit.

## ORATIO DVODECIMA

AD S.<sup>MM</sup> D.<sup>MM</sup>

## P A V L V M P A P A M V.

## TRACTATVS XIII.

Pia iuramenta, & vota, quæ hoc nostro sæculo sunt de tuenda, &  
tenenda immunitate V. Mariæ ob originali peccato, licita esse, &  
laudabilia, & à S. R. Eccl. debere omnino approbari, & stabiliri.

BEATISSIME PATER,

**R**Em claram, & manifestam amplius probare non erat  
necesse, nisi quidam nuperrimè eam vellent in dubium  
vocare. Hi sibi firmiter proposuerunt nihil admittere,  
per quod vel à propria deijciantur sententia, vel contra-  
ria aliquantulum commendetur doctrina. Vident grauissimorum  
Doctorum assensum, illustrium Academiarum conspirationem,  
amplorum Regnorum subscriptionem, & totius ferme Christiani  
orbis consensum, plurimum tribuere authoritatis, & firmitatis opi-  
nioni neganti Virginem originale aliquando contraxisse peccatum:  
quod dum impedire non possunt, saltem obuiare conantur, ne ge-  
neralis hæc omnium sententia iuramento firmetur, aut emisso voto  
in sempiternum stabilatur; vana spe ducti, fieri aliquando posse,  
vt populus Christianus à pio, & vero hoc sensu discedat, & illi con-  
trariam publicis locis interdictam, introducant doctrinam. Quare  
sibi instandum, & laborandum censuerunt, vt emissa vota irriten-  
tur, & emittenda præpediantur, ne vniuersus orbis in tantam iuret  
sententiam, & illorum ab omni terræ angulo exulet opinio.

Sed vt videat Tua Beatitudo, quam iniusta sit hæc eorum sugge-  
stio, quam inania, & nulla illorum fundamenta, quibus piam, &  
laudabilem hanc fidelium in Virginem suæ deuotionis demon-

L l ij

stratio-

*Secundum  
Aduersar.  
in hoc vo-  
to irritum  
est.*

strationem è medio tollere, vel calumniari contendunt, rem omnem vetustate laudatam, pietate commendatam, multarum communitalum exemplis probatam, & ritui, regulisque Ecclesiasticis conformem esse ostendam, & quod in contrarium obijci potest, clarè dissoluam.

Antiquam esse consuetudinem in plurimis Regnis, & Communitatibus hæc vota emittendi.

## §. I.

- |   |  |   |   |
|---|--|---|---|
| 2 | <i>Antiquam esse consuetudinē hac<br/>vota emittendi in Academia Parisien.</i> | 6 | <i>In Moguntina.</i>  |
| 3 | <i>In Colonien.</i>  | 7 | <i>Idem voverunt ciuitas Senarum<br/>&amp; Reges Catholici.</i>                               |
| 4 | <i>In Valentina, &amp; Vrsanen.</i>  | 8 | <i>Alia pleraque Communitates,<br/>Religionesque integra Fratrum, &amp; Mo-<br/>nachorum.</i> |
| 5 | <i>In Catalonia, &amp; Aragonia Vni-<br/>uersitatibus.</i>                     |   |   |

*Academia  
Parisien.  
votum hoc  
emisse.  
Et exigit  
à promou-  
enda.*

2 **M**agna est rei cuiuspiam, velfacti commendatio, à maioribus, vel priscis temporibus in vsu, vel obseruatione fuisse; nec vllus restat iunioribus scrupuli locus, dum maiores, seu prisci Doctores, ac præclariiores Academiae omne errandi periculum suo exemplo remouerunt. Circa annum 1388. vt putant quidem Chronographi Gallorum, quibus subscribit Iacobus Bordanus tom. 2. suæ Chronologiae, vel circa ann. 1383. vt habent Ioan. à Lapide Carthusien. in præmonition. ad serm. Messrer. & Bernard. de Buisis serm. 8. de Concept. p. 2. siue quod verius iudicant alij. ad annum Dom. 1330. siue paulo ante, & propius ad Scoti tempora, vt subindicat Ioann. Baccon. in 4. disp. 2. quæst. 4. art. 3. qui circa idem tempus floruit, quod & alij volunt, præclarissima Academia Parisiensium voto publico, & solemni emisso de sectanda semper, & docenda hac opinione, statuit ne in posterum contraria suis propinaretur alumnis, & ad annum Dom. 1388. vt habet citatus Bordanus, ob coercendam nimiam quorundam Prædicatorum, & Magistrorum licentiam in docenda, & inculcanda affirmatiua, & condemnandâ negatiuâ, legem tulit, ne vllus ad Magisterij, aut Doctoratus, vel alios quoscumque Litterariæ dignitatis gradus admitteretur, nisi prius publicè voueat, se nullo vnquam tempore docturum Mariam in peccato fuisse conceptam. Quod infallibiliter ad vsque hæc nostra tempora obseruatur, per quod euenit, vt molestè, & grauiter feratur per florentissimum Galliarum Regnum, rem hanc in controuersiam deduci.

3 Paulo

3 Paulo post publicam illam disputationem Lutetiæ Parisiorum habitam, aliam habuit Ioannes Scotus Colonia Agrippinæ cum discipulis Alberti Magni congressionem de Virginis Conceptione, in qua tanta dexteritate, & laude se gessit, vt ibidem subtilis Doctoris cognomen assequutus sit, vt Petrus Rodulphus testatur lib. 2. suæ histor. & obinde, vel circa illud tempus crediderim apud Colonienſes inualuisse hanc opinionem, circa quam postea fecerant illud suum de hac re statutum, idem cum Parisiens. vt de eisdē referunt, & indicant Trithem. in suo Chron. Spanhem. ad ann. Dom. 1494. & ad ann. Dom. 1501. Lauren. Surius in suis Comment. & constat ex actis siue statutis ipsius Vniuersitatis ad ann. Dom. 1496. & 1469.

4 Vniuersitas Valentina in Hispania idem votum à multis retro annis à suis exigit alumnis, dummodo ad Doctoratus apicem velint conscendere; vt testantur præ cæteris Franciscus Suarez. tom. 2. in 3. par. disp. 3. sect. 5. §. secundum fundamentum. Gabr. Vasq. in 3. par. disp. 117. cap. 6. §. Dico autem, & alij; quod etiam vt obseruaretur in Academia Vrsanen. Statuerunt ante centum annos eiusdem Duces & Patroni.

5 Sub annum Dom. 1394. in Catalonia Principatu, & Regno Aragoniæ, (vt in alio Tractatu relatum est) sub Ioanne primo Rege, & sæpius postea sub succedentibus Principibus, statutum est Immaculatæ Conceptionis refragantes, non solum cathedris, vel officijs, sed & ipso Regni incolatu indignos esse censendos. Et specialiter Academiam Barchinonensem priscis illis temporibus votum hoc emisisse, & in futura sæcula obstrinxisse, vt sui Doctores, Cathedratici & Magistri idem emitterent (quamuis aliquorum incuria, vel aliorum industria, consuetudo hæc per aliquot anteriores annos exciderit) testis est publica relatio de iuramento facto anno Domini 1618. ad Regem Catholicum missa, & typis data, in qua Regij Consules, & Ministri; & Academiae Doctores admonent, se non nouum, nec apud se inauditum edere votum, sed antiquum, & multis ante actis annis emissum renouare, & reiterare. Idem etiam prænotatur in authentico testimonio Apostolici, & Regij Notarij, & Barchinonens. Archiuarij de vetusta, & memorabili tabella, in antiquæ deuotionis illius Ciuitatis commendationem ex illius Archiuo extracta, anno proxime citato.

*Academia  
Moguntina.*

6 Academiam etiam Moguntinā anno 1501. idem vouisse, testis est illustris Chronologus Lauren. Surius supra citatus, quam ait, *imitatam Parisienses, & Colonienſes Theologos, omnino decreuiſſe, & ſtatuiſſe ſentiendum Beatiffimam Dei Genitricem ſemperque Virginem Mariam, quam ex omni eternitate ſibi matrem delegit filius Dei, ſine labe originalis peccati conceptam, idque ſingulari quodam privilegio.* Et quibuſdam interiectis rationibus, addit. *His atque alijs permoſa facultas Theologica Moguntina Vniuerſitatis, grauiter ſanciuſ, deinceps neminem in ea Academia promoueri debere in Sacra Theologia, niſi iuramento interpoſito, prius fidem dederit, ſe diuerſam opinionem, neque animo retenturum, neque quouis modo approbaturum.* Hæc Surius; cuius verba placuit referre, vt ex eis pateret vis & forma iuramenti præſtandi à promouendis in illa Academia Doctõribus, de, non ſolum in publico, non docenda opinione affirmatiua, ſed nec in ſecreto mentis arcano credenda, vel tenenda.

*Ciuitas  
Senarum.*

7 Circa ann. 1520. Ciues Senatumque Senarum in Italia in magna duraq; hoſtium obſidione Sanctiſſimam Dei Genitricem ſub Immaculatæ Conceptionis honore inuocaſſe, votumque emiſſiſſe de celebrando feſtiuius eius immaculatum conceptum; teſtis eſt Ambroſ. Cathar. Ordin. Prædic. Senen. vt in Tract. de ſcandalis Tuæ Beatitudini retuli.

Idem ſub voto promiſiſſe in expugnatione Granaten. Catholicos Reges Ferdinandum, & Elizabetham commemorant quidam, qui eorum res geſtas poſteris tradiderunt. Ita præ cæteris refert Bernard. à Buſt. ſerm. 9. de conc. par. 3.

*Alia Academia  
& Ciuitas.*

8 Alias præter iam relatas Vniuerſitates ſerunt antiquitus idem iureiurando obfirmatæ, de quibus nihil certo affirmandum duxi, dum firmum, aut graue claſſici auctoris non ſuppetat teſtimoniũ, ob quam etiam cauſam, pleraque non refero de alijs Regnis, & Ciuitatibus: quamuis prætereundum non cenſeam ſanctam, & laudabilem in quibuſdam Religionibus morem, in ipſa ſolemni profeſſione vouendi, de immaculata Conceptione Virginis ſeſtanda, & tenenda. Exprefſe hoc promittunt Sanctimoniales Ordinis Conceptionis, dum ex approbatione Eccleſiæ vouent ſemet ſub eo victuras, & vitam illam obſeruaturas ob amorem, & ſeruitium Sanctæ Conceptionis abſque vlla macula, Dei Genitricis. Fratres etiam Præmonſtraten. id ſuo habitu, & vitæ genere ſpondent, quæ in huius veritatis atteſtationem in Eccleſiam ſunt introducta, & ab eadem admiſſa, vt latius aliàs Tuæ Beatitudini oſenſum eſt.

*Fratres  
Præmon-  
ſtraten.*

Aliæ

Aliæ sunt etiam Religiones, in quibus eadem opinio speciali voto, seu statuto cauetur firmiter tenenda.

Hinc colligere licet, & manifeste videre, quam antiqua consuetudine sit hæc norma votorum commendata, quanto grauiſſimarum Academiarum, & religionum exemplo firmata, & priscorum statutis corroborata, vt nulla modò adesse possit præſumptuoſæ nouitatis suspicio, nec indiscretæ, aut superſtitioſæ deuotionis formido.

Quantum expedierit Chriſtianæ deuotioni, pietati, & paci prificis illis temporibus hæc vota emiſſiſſe.

## §. II.

9 *Vota hæc deuotionem auxerunt.*

10 *Pietatem aluerunt.*

11 *Pacem ſtabilierunt.*

(ſater.

12 *Quales ante vota antiqua ſimul-*

**I**N Tractatu de ſcandalis plura grauiſſima hoc vnico remedio ſedata fuiſſe oſtendi Tuæ Beatitudini, eaque per longos annos viguiſſe ante facta ab Academijs ſtatuta. Experientia ipſa poſtea comprobatum eſt, & compertum in ijs regionibus, in quibus ex data fide ſola opinio negatiua docebatur, nec tot exorta ſcandala, nec excitatos tumultus, nec paululum in Virginis Deiparæ deuotione populos profeciſſe.

9 Non parum profecto iuuat cuiuſque populi, ciuitatis, vel regni deuotionem in re quapiam celebranda, aut Sancto quouis colendo, quod videat à doctiſſimis Academiarum Viris, vel à primoribus Regnorum monarchis, aut ſpectatis Ciuitatum proceribus, præſtito iuramento firmiter credi, & tenendum mandari, quod eo uſque ſub pietate quadam, probabiliter tantum, abſque omnimoda, de non errando, ſecuritate vel certitudine ſunt amplexati. Libentius celebrant; quod ſecurius iudicant; dum ad ſapientum, & Doctorem hominum ſponſionem publico iuramento firmatam metum omnè excutiunt erroris. Ante prima illa vota Pariſienſiū, & Colonien. ſub magno dubio res verſabatur, & ſub ancipiti iudice erat controuerſia, tot hinc inde obloquentibus immunitati Virginis, alijs è regione ſuffragantibus, & in multis Eccleſijs eandem colentibus. Non quieſcebant animi, nec tam certi reddebantur de Myſterio colendo, vt intrepidi abſq; deceptionis formidine ad eius cultum accederent fideles, donec facultatis Theologicæ proceres nuncupato iuramento ſponponderunt pro veritate, ſequæ ei firmiter

*Vota hæc  
deuotionem  
auxerunt.*

Ll iij

adhæ-

adhæsisse, suosq; in æuum posteros indubitanter adhæsurus. Idemque euenit in cæteris locis, ac oppidis, in quibus primitus hæc vota effundebantur, per quæ in Virginem affecti, iam non sibi videbantur fluctuare inter res vnde quaque dubias, sed quam sapientiores, & primores in republica certo, & indubitanter sectabantur sententiam, iudicarunt esse intrepide amplexandam, & deuotius colendam. Euenitq; ita vt tanto feruore, & deuotione hoc Mysterium frequentaretur in illis regionibus, vt breui aliæ nationes illarum allecti exemplis, idem sibi statuerint celebrandum. Tantus fuit deuotionis cumulus, vt altaria, templa, delubra extruerentur in Conceptionis Immaculatæ testimonium, donec in ipsa Romana arce, & Ecclesiæ vertice eadem admitteretur festiuitas. Magnum & præcipuum huius deuotionis, si non principium, saltem incrementum in hæc vota referendum est, per quæ populus de veritate reddebatur securior, & in cultum fiebat propensior.

Pietatem  
nascuntur  
Nyssen. in  
exposit.  
Ora. Dom.  
orat. 2. in  
prim.

10 Pietatem etiam aluisse hæc iuramenta, & vota ex ipsa eorum natura, & essentia facile est ostendere, quàm hac definitione exprimit Gregor. Nyssen. *Votum est promissio alicuius rei, quæ pietatis nomine dedicetur, & sacris destinetur.* Qui vouent ergo, se semper de Virginis Mariæ conceptione piè, & benè sensuros, & absq; originalis culpæ feoditate factam esse credituros, eoque sensu eius festum solemnitus celebraturos, pietatem in se fouent, suum sensum & assensum sub pietatis nomine, & incremento Deo dedicant, & sacris destinant. Certè familiaritatem quandam cum Deo sibi conciliare, eos qui sua vota ei nuncupabant, docuit Chrysost. Qui obinde asserit Prophetam Dei nomine hominibus dixisse. *Redde altissimo vota tua, & inuoca me, &c. Volens, inquit, in nobis efficere maiorem familiaritatem, & vehementiorem, quæ cum eo intercedat amicitiam, dando, inuocando, & accipiendo.* Hinc collegit D. Thom. illius sui articuli solutionem. *An expediat aliquid vouere?* cui respondit affirmatiuè, quia promissionem, inquit, Deo facimus non propter eius utilitatem, sed propter nostrâ, quod probat ex Augustino, dicente; *Benignus exactor, & non egenus est Deus & qui non crescat ex redditis, sed in se crescere faciat redditores.* Et subiungit; *Sicut id quod damus Deo, non est ei utile, sed nobis, quia quod ei redditur, reddenti additur:* (quod item confirmari ex Augustino citato docet) ita & promissio, inquit, qua Deo aliquid vouemus non cedit in eius utilitatem, qui à nobis certificari non indiget, sed ad utilitatem nostram, utilitatem ergo magnam, & non exiguum pietatis incrementum eos, qui hæc tam pia vota in Virginis hono-

Chryso.  
hom. in  
Psalm. 49.  
tom. 1.  
Pl. 49. 14.

S. Thom.  
2. 2. q. 88.  
art. 4. in  
cor.

August.  
epist. 45.  
post.  
med. to. 2.



honorem, & cultum emiserunt, accepisse credendum est, dum suam pietatem in Dei matrem ostendentibus, & piè sua vota reddentibus, magnum pietatis cumulum reddere, & addere soleat Deus, qui in se crescere votorum facit redditores. Dando Deo vota sua, & spirituales accipiendo pietatis profectum in retributionem, cum Deo contrahunt familiaritatem maiorem, & vehementiorem amicitiam.

11 Pacem etiam hæc vota stabilierunt in illis Regnis, nam dum libere cuiq; siue Doctori, siue Magistro, aut Magistratui quamlibet opinionem sectari licebat, inter diuersa opinantes, variæoriebantur contentiones & rixæ. Vicia hæc esse disputantium, & inter se de aliqua re concertantium, docuit August. ad Paulinam, scribens se propter illa tunc abstinuisset ab exactiori discussione, de modo quo Deus videatur à Beatis, vel ea conditione disputationem aggressurum; *Si de hac re (inquit) disputantes illis vitijs carere possumus, que plerumque studijs humanis, & concertationibus excutantur, dum supra quam scriptum est, unus pro altero infletur aduersus alterum, ne dum altercando querimus vestigare quomodo possit videri Deus, ipsam pacem Sanctificationemque perdamus, sine qua nemo poterit videre Deum.* Et Epist. 174. ad Pascatiū, & l. de Agone Christia. c. 17. repetit in disputationibus vitium illud commune esse; sed in disciplina Christiana maxime fugiendum, quod & D. Ambr. l. 1. de offic. c. 22. tom. 4. inculcat.

*Pacem stabilierunt.*

*Vitia disputantium.*

August. Epistol. 112. ad Paul. tom. 2.

12 In Parisien. vero Academia, in Aragoniæ Regno in alijs etiam plerisque Regionibus quot fuerint simultates, & efferbuerint contentiones, & rixæ in magnum animarum scandalum & iacturam, ante vota emissæ, & statutas leges de non defendenda, aut inculcanda affirmatiua sententia, in Tractatu de Scandalo Tuæ Beatitudini ostendi, experientia etiam ipsa comprobauit, & illorum temporum referunt historix. Vt autem nuncupato voto de tuenda semper sola negatiua, Decretum emiserunt vel Academiæ, vel Regna, ne ad cuiusvis dignitatis, vel facultatis gradum conscendere cuiquam liceret, qui præmissio iuramento fidem non daret de affirmatiua deinceps non defendenda; & in vnam sententiam præcipui Magistri, & omnes Laureati, & consequenter eorum discipuli abierunt, sublata est omnis discordiæ causa. Quo optimo & facili remedio inter orthodoxos Magistros, & Doctores firmata est pax, & stabilita concordia, quod & quotidie ex votis, quæ nunc emittuntur, cernimus euenire, vt amplius ostendam inferius. His certè votis accreuit deuotio,

*Quales autem vota antiqua simulauer.*

deuotio, incrementum accepit pietas, & augmentum non modicum sortita est Christiana concordia.

Quot & quales Academiae, Prouinciæ, Ciuitates, & Communitates his annis proximè elapsis prudenter, & piè hæc vota emisserunt.

## §. III.

13 *Tumulus Hispania aliquantum Ciuitates.  
sopiri per hæc vota.*

14 *Vouent Lusitania Regnum, Principatus Catalonia, & multa integra*

15 *Ecclesia etiam cathedrales mult.  
aliaque inferiores.*

16 *Præclariiores demum Academia.*

*Tumulus  
Hispania  
aliquantum  
sopiri per  
hæc vota.*

13 **Q**uinque ab hinc annis noui illi & molesti tumultus à malo genio excitati sunt in Hispania de hac controuersia, qui indies excrecentes, & per plurima Regna ad remotissimos Indos usque periculosè grassantes aliter sopiri, vel tantillum leniri non poterant quam per huiusmodi votorum emissionem. Multi ergo considerantes infelicem, & durum illorum Regnorum statum, & turbulentos dissidij euentus, propriamque calamitatem comparantes cum Gallorum aliorumque tranquillitate, qui eam adepti sunt non aliter, quam per vota, & statuta relata, secum & cum suorum locorum Prælati, & Doctoribus consilium inierunt de iisdem votis edendis, & legibus ferendis, ut infirmiori, minus piâ, & improbabiliiori reiecta sententia, omnes abirent in vnam, circa quam omnis cessaret controuersia, & populorum tollerentur dissidia. Bonum visum est in oculis cordatorum hominum consilium hoc, & quantocius opere exequendum. Cæperunt quidam ex tempore, tam propter ingruentem necessitatē, quam propter laudabilem in Virginem affectum sua vota depromere, quos breui imitati sunt alij, donec præcipuè Ciuitates, Academiae, & Regna hoc idem suorum malorum remedium assumpserant, per quod, & suis cauebant alumnis, & pia sua obsequia expandebant in Virginem.

*Vouet Lusitania: Regnum.*

*Reuocet Catalonia ann. 1618.*

14 Regnum integrum Lusitanicæ, amplum & pium, præsentē Catholico Rege in generalibus comitijs illud iurauit anno proximè elapso. Principatus Cataloniae adstante Prorege, Proceribus, Prælati, & Clero idem votum antiquitus emissum redintegravit. Castellæ Regna Regem Catholicum in Lusitania degentem, per litteras rogarunt, ut suis plenīs Comitij vellet interesse, in quibus idem statuerant vouere pro se suisque longè lateque patentibus ditionibus. Quo fiet, ut iam in Hispania hic erit vnus omnium sensus, & consen-

consensus in regimine, & statu sæculari. Iam multæ integræ iuraverunt Ciuitates, nec earum deuotionis feruor permittebat, vt votum ab vniuerso Regno nuncupandum expectarent.

15 In multis etiam grauissimis Ecclesijs cathedralibus sancitum est, negatiuam sententiam teneri, & defendi. Anno 1617. ita statuit, & vouit Hispalen. cum suo Archiepiscopo, & toto Clero Beneficiorum. Anno 1618. Barcinonen. præsentibus Archiepiscopo, & omnibus ferme Episcopis tractus Tarraconen. Anno 1619. Compostellana in plena totius Archiepiscopatus Synodo. Cæsaraugustæ Ecclesia Sanctæ Mariæ del Pilar, sua vetustate, & fundatione satis commendata Olmedo totum grauissimæ Ecclesiæ præbyterium eandem sententiam se defensurum iureiurando promisit. Eandem dederunt fidem sub illis annis plurimæ Ecclesiæ particulares oppidorum, villarum, præsidiorum, Parochiarum, monasteriorum, tam monachorum, tam sanctimonialium: multæ etiam confraternitates, & congregationes quorum nomina, & votorum forma, & tempus in promptu sunt, quæ in tanta multitudine non licet speciatim referre.

*Ecclesia Cathedralis, & alie Insuper.*

16 Academiæ demum, quarum sententia in re Scholastica, & Theologica pluris est facienda, idem vouerunt. hoc omniū ferme grauissimarum, & præclariorum Vniuersitatum est votum de Maria ab originali labe vendicanda, & de suis imbuendis alumnis hac pia, & grata doctrina. Ita statuerunt sub an. 1617. Hispalen. Compluten. Ebores. Baësn. an. 1618. Salmanticens. Granaten. Vallisoleana, Neapolitana, Panormitana, Barcinonen. cum annexis suis Collegijs, & 1619. Seriden. cum alijs plerisque intra, & extra Hispaniam, in Insulis, & apud utrosque Indos occidentales, & orientales, ita vt iam omnium ferme Vniuersitatum, quæ Hispaniarum subiacent Imperio hæc vna sit sententia, de qua defendenda, tenenda, & docenda, qui prius præstito iuramento fidem non dederint, in ijs ad gradus quoscumque facultatum non poterunt ascendere. Quibus si annumeremus Vniuersitates Galliæ, & Germaniæ, paucæ supererunt, quæ simile non ediderint statutum, saltem nulla ferme erit in qua affirmatiua doceatur, dum omnes teste ipso Barthol. Medina Ordin. Præd. ad 3. p. q. 27. huic sententiæ suffragentur, in ijsque Viri docti, & magni eam sequantur.

*Præclarior Academiæ.*

Sæculares ergo Principes conuenerunt in vnum cum Ecclesiasticis, & Ecclesiæ cum Academijs in voto hoc nuncupando, vt iam dubitari

dubitari non possit, Deo beneplacitum esse, & acceptum, & vndeque licitum, & quod iuratur à tantis orthodoxæ fidei Doëtoribus, & Magistris, esse omnino verum, & certum. Vota quæ distinxerunt labia tantorum, tanta tamque matura consideratione præmissa, non veniunt facile irritanda.

Quam ægrè tulerint hæc vota Aduersarij, & quanto conatu quibusq; argumentis ea studuerint irritare.

## §. IIII.

- 17 *Infringere curant hæc vota Aduersarij.* eos, qui hoc sæculo voverunt.  
 18 *Inuehuntur in Academijs, & in* 19 *Quanta industria, & quibus variationibus studuerunt hæc vota irritare.*

Refragan-  
tur his vo-  
tis Aduer-  
sarij.

Videnda  
præfatio  
Cathar.  
ad capit.  
generale  
Prædica-  
torum ad  
med.  
Referun-  
tur à Ca-  
thar. in  
explan.  
controu.  
exortæ  
inter Se-  
nen. &  
Præd. §.  
defens. 3.

17 **F**Acilè perspexerunt affirmatiuæ sententiæ fautores nihil sibi tunc deterius potuisse euenire, nec alia quapiam arte magis suæ opinioni præiudicari, quam per illa vota & statuta Academicarum, quæ dum impedire non poterant ne fierent, iam facta calumniari & irritare studiosius intenterunt. Prima illa Parisiensis sæpè sæpius irrita reddere, & floxipendere voluerunt, contra leges latas ab Academia, & præstita à semet iuramenta prædicantes, & inculcantes abiuratam sententiam, vt ex actis, & sententijs latis in votifragos Ioannem à Montefono, & Ioannem Veri, & seuerissimo Regis Galliarum edicto in Conceptionis Immaculatæ refragatores, quorum ampliorem feci mentionem in Tractatu de scandalis, clarè constat. Fidem etiam datam Parisiensibus de colenda, & celebranda Immaculata Conceptione in ipso ritu, celebrationeque tanti Mysterij non semel fregerunt, vt Ambrosio Catharino suos ex ipso eorum cultu in Gallia conuincere conanti, obiecit ille, qui pro Magistro generali Prouinciam sibi arrogauit ad rationes Catharini respondendi. Verba eius sunt; *De rebus Parisinis nemo est, qui melius loquisciat, quam ego, & scio vobis dicere, quod in tali solemnitate aliqui non celebrant; Aliqui, quando non est qui videat, id est, quando nullus adstat, celebrant sub titulo Sanctificationis; Alij tussunt, & loquuntur intradentes, ac nihil exprimunt; Alij pro meliori affectione, qua ad illud gymnasium tenentur, quod decoxit ad facem, celebrant secundum intentionem illorum capitoliorum. Et hæc satis ad illa, que dicitis de more Parisino. In quibus verbis quid magis notandum aduertam nescio, si varium, & periculosum modum celebrandi, si incompressa, & iniuriola verba referentis.*

18 Alijs

18 Alijs similibus loquelis, & duris verbis inuecti sunt in Academias, quæ vota hæc emiserunt, vel admiserunt: Vinc. Bandelus Parisienses temerarios, & præsumptuosos appellat, & Caietan. cæteras Vniuersitates (quas multas esse fatetur) quæ aliquid contra suam sententiam statuerunt, dicit *contra Sanctorum, & communem præscorum Doctorem doctrinam in his, quæ sunt fidei præsumptuosas esse*. Alij alias his addiderunt calumnias, quas doctè, & christianè multi refellunt ex recentioribus, & quam longe recedat à mente Sanctorum sententia affirmatiua, contra Caiet. ostendunt. Grauiora passi sunt, qui his proximis annis pro negatiua iurarunt. Multa in eos dixerunt Aduersarij, Caietani aliorumque iam satis notam, sed falsam, cantilenam reallumentes, asseuerabant temerariè, & præsumptuosè, imo & erroneè rem hanc aggressos, fuisse contra Sanctos Patres, & Doctorem torrentem, contra Scripturas, & Concilia. Plurimos Episcopos, Prælatos, & alios quoscumque qui his votis emittendis fauebant vel astabant, iniuste carpentes. Ex suo penu quidquid latebat, extraxerunt, vt his votis opponerent, & populos à sua deuotione retraherent.

19 Cum verò nihil se profecisse intellexerint, & iam vltima manus in hoc negotio edendorum votorum videretur apponi in generali Castellæ regnorum voto, in Comitij plenissimis emittendo, omnem mouendum lapidem iudicarunt, & laborem omnem impendendum, ne nuncuparetur, nec in Ciuitatibus, aut Academijs, quæ supersunt statueretur, quod in supralatis. Rationes satis debiles, aut futes hinc inde collegerunt, ex quibus, quas ab ipsis, vel ab illorum fautoribus, & à quodam Cæsaraugustano qui nostrom castrorum se fingit, audire, vel excipere licuit, subiungo.

Vota emissa inualida dicunt, & nulla de nouo taliter nuncupanda; quia votum vt obliget, & veri voti rationem sortiatur, necesse requirit, vt sit spontaneum, & voluntariū, vt communiter docent Theologi, sed vota hæc de tuenda Concept. Immaculata, violenta aiunt, & extorta, tum nimia quorundam diligentia, tum Episcoporum, vel Prælatorum industria, qui Regi Catholico in Virginis Conceptionem Immacul. summe propensio gratiā, vel obsequium velint præstare, vt illius sibi animum conciliant; ipsumq; Regis desiderium de his votis nuncupandis vim plurimis intulisse, animosque nolentium flexisse ferunt, dum nullus sibi velit offensum monarcham, Regisq; voluntatis insinuationem subditi reputent pro præcepto.

M m

Secun-

*Intenduntur in Academia.*

Bandel. tract. 2. contra Concept. Immac. Virgin. part. 2. rat. 12. Caietan. tract. de Conc. c. 5 §. quia scandalosa.

*Et in eis qui hoc faculo veniunt.*

*Quibus rationibus hæc vota irritare studeant.*

1. Arguunt.

Theologi ad dist. 38. libr. 4. sent. & ad 2. 2. D. Tho. q. 88.

2. Argument.

Secundo, Contrairi dicunt Tuæ Beatitudinis Decretis in quibus liberam relinquis cuique facultatem, vt quam velit sc̃ctetur sententiam; in Academijs verò, & multis Ecclesijs, & Congregationibus sancitum est, vt nullus ad earum gradus, vel dignitates admittatur, qui prius non iurauerit se defensorum Virginem fuisse ab originali reatu præseruatam, per quod libertatem tollunt sentiendi, & contrariam sententiam, quam Tua Beatitudo noluit reprobare, videntur penitus condemnare.

3. Argument.  
S. Thom.

cu. art. 2.

Tertio, Votum semper debet fieri de re meliori, vt cum cæteris Theologis docet D. Thomas, sed non est melius voto se obstringere ad credendum opinioni negatiuæ, quæ forsitan est falsâ (nec enim infallibiliter omnino est vera, cum non sit determinata de fide) sed satius est ei adhærere assensu probabili, & opinatiuo, paratumque semper esse & liberum, vt Ecclesiæ proponenti quamcumque ex duabus opinionibus libenter credat.

4. Argument.

Quarto, Qui vouent se semper credituros Virginis præseruationem magnis se exponunt periculis, & scrupulorum causis: ex voto etenim tenentur eam credere quotiescumque se occasio obtulerit. Cùm autem hic actus credendi eliciendus, sit circa mysterium supernaturale, auxilio indiget supernaturali, vt eliciatur. Hoc autem non semper habet homo certum, nec enim ex præcipiti hominis voto in re dubia, & quæ potest non esse vera, tenetur Deus illud ei semper quoties voluerit largiri. Nec habitus fidei supernaturalis ad hos actus concurrit, cum sint de re incipiti, & forsitan falsâ; ille autem non potest intellectum inclinare, nec coadiuuare ad assensum rei falsæ; quo fiet vt dum ex defectu auxilij supernaturalis credere non possit, facile, & sæpè euadat votifragus, & mendax.

5. Argument.

Quinto, In rebus credendis, & doctrinis fidei, regna, & gymnasia Catholica se debent conformare cum Ecclesia, & Vrbe Romana, vbi fidei sedes est, & magister; nec terminos à Rom. Pontifice constitutos in doctrina quapiam, licet transilire: sed nec Romæ, nec in eius ditione hæc iuramenta, aut vota præstantur, nec Tua Beatitudo expressam dedit licentiam, aut facultatem, vt præstarentur. Quare temerè sine exemplo, aut licentia Romanæ sunt Ecclesiæ.

6. Argument.

Sexto, & vltimo. Votum est actus personalis, & eam personam obligat, quæ illud emittit; sed in multis Ecclesijs, & Communitatibus non solum obstrinxerunt se præsentibus, sed obstrictos volunt futuros, & succedentes in iisdem congregationibus, pro præsentibus, &

bus, & futuris vota reddentes, & volentes, nolentes cogent adhærere negatiuæ tanquam certæ, & infallibili, tanquam si Tua Beatitudo non reliquerit affirmatiuam in statu, & terminis; in quibus ante vltimum Decretum vigeat, exceptis ijs, quæ in eodem sunt obseruata.

Hæ sunt potiores rationes, quibus retrahere conabantur fideles ab horum votorum nuncupatione, & Tuæ Beatitudini persuadere volebant, vt vota hæc nulla esse declaret, & præcipiat, ne alia fiant in posterum. Sed adhibitis responsionibus, videbit Tua Beatitudo quam inanes sint iudicandæ, & leuiore esse, quam vt propter eas aliquid vel minimum in tanta re sit innouandum.

Hanc vouendi consuetudinem iam olim ab Ecclesia approbatam fuisse ostenditur, & satis fit Aduersariorum rationibus.

## §. V.

20 *Plures Pontifices hac vota patrocinati sunt.*

21 *Respondetur obiectionibus Aduersariorum.*

20 **Q**ui tot, actantas diligentias adhibuerant ne opinio negatiua tantopere præualeret, & tam acriter instant, ne hæc huius temporis vota fiant, illaque tot modis præpedire curarunt, credibile est laborasse cum Romanis Pontificibus cum prima illa vota emitterentur, vt prohiberentur, vel annullarentur; nihil tamen profecisse constat, quum eodem rigore, & integritate, qua facta sunt, in hunc diem obseruantur, & perseverant. Præterea iudicandum est sincere, Academias illas, vel tunc Romanos consuluisse Pontifices de his votis promendis, vel saltem facta esse illis scientibus, & consentientibus; nec enim vllum ex ipsis ea reuocasse, vel irrita declarasse, aut commotum vel offensum, quia emissæ sunt, aliquando dixit quispiam etiam ex ipsis Aduersarijs.

*Vota hæc à Pontificibus patrocinata.*

Nouimus etiam Innocentium VII. ad annum 1360. approbasse sententiam Academix Parisiensis latam in supra nominatum Ioannem Montesonum de retractando quod perperam de B. Virginis Conceptione prædicauerat, aduersus votum, & fidem datam in eadem Vniuersitate ex illius statuto. Eum ex Vrbe Parisios redire, & quæ contra Beatæ Virginis Conceptionem prædicauerat, reuocare compulsi Pontifex, vt auctor est

*Vide Ges-  
son Epist.  
ad studen-  
tes Colle-  
gij Na-  
uar. to. 4.*

Mm ij

Rob.

Salazar  
c. 42. sub  
fine fecu  
li 15.

Rob. Guagninus lib. 9. de Francor. Regum gestis. Ioannes etiam Veri ad Summum Pontificem appellauit in alia simili lite cum eadem vniuersitate, vt referunt alij cum Corduba l. 1. q. 44. §. Nouerint vniuersi, & mihi ex processu authentico, quem apud me habeo in Vrbe constat, nec tamen à Pontifice exauditum, aut protectum contra Academia votum legitur, aut auditur. Cum Senenses votum illud superius relatum emisserunt de celebranda festiua Concept. Virginis in omni sua iurisdictione, & Dominio, ab omnibus in eo commorantibus, annuit, & consensit Summus Pontifex per Diploma Apostolicum, vt & ipsi Prædicatores votum hoc obseruarent, & vnanimiter cum Ciuitate celebrarent. Quod & fecerunt, vt refert oculatus testis Ambros. Cathar. in Præfatione ad Capitulum Generale sui Ordinis, & in explanatione controuersie exortæ inter Senen. & Prædicatores ad finem defensionis rationis secundæ; votum etiam Sanctimonialium de credenda, & tenenda semper Virginis præseruatione in ipsa publica, & solemnii professione quatuor approbarunt Pontifices, vt sæpius Tuæ Beatitudini adnotati, ex quibus patet Summos Pontifices hæc vota semper approbasse, & quoties occasio se offerebat iussisse vt nullatenus violarentur.

Respondetur  
argu-  
mentis Ad  
uersario-  
rum.  
Ad 1. Ar-  
gument.

21. Iniuste ergo maculati Conceptus assertores apud Tuam Beatitudinem instant de ijs modo reuocandis, vel prohibendis, sed & rationes, quas afferunt infirmæ sunt, & inanes. Ad primam ergo respondetur vota illa omnia quantum sciri, vel videri potuit, fuisse maxime spontanea, & voluntaria; nec vllum compulisse communitates illas ad ea emittenda. Quod manifestè patuit ex summa hilaritate, iubilo, & alacritate vouentium, libentissime ad vota sua nuncupanda accedentium: nec fuit notæ litteraturæ, aut prohibitatis Vir, qui reclamaret, aut vim sibi, vel suæ communitati inferri protestaretur. Nec facile certè erat tot, ac tantas communitates, & adeo varias in diuersis Prouincijs hominum ætate, ac litteris prouectorum condiciones induci ad vouendum inuitos. Potuit verò fieri (quod non negabo) aliquos locorum Prælatos suos subditos ad hoc persuasisse, & leniter hortatos esse, vt in vnâ sententiam piâ, rationabilem, veram, ab Ecclesia tot modis, signis, voce, & cultu approbatam, omnes abirent, & iurarent; vt vel hoc remedio, & remouendo offendiculâ, scandala tolerentur, pacarentur populi, & sedarentur diffidia.

Libera hæc  
vota fuisse.



sidia. Quod non est vota violenta, sed rationabilia, & iusta reddere. Quippe præmissa consideratione, & ex rationabili, imo pænè necessaria causa, discussis, & agnitis commodis, & bonis exinde emergendis, facta sunt, vel condita statuta.

Ob Regis autem propensionem, & affectum in Immaculatam Conceptionē impulsos, vel coactos fuisse Academicos eius timentes offensionem, calumnia est in Regem & Academijs. Nec enim Rex circumspēctissimus, & in fidei, & Ecclesiasticis rebus moderatissimus, vllum in hac materia cogendum censuit, nec quicquam per literas vel per suos ministros præcepit, imo quando controuersia hæc in Hispania cœpit acrius agitari, consuluit omnes Vniuersitates quid in hac materia faciendum iudicarent, quorū arbitria ad Tuam Beatitudinem transmisit; nec postea præceptiue, si suaſorie, cum Academijs quidquam de votis vel iuramentis præstandis egit. Eius licentiam postulantibus, vel voluntatem explorantibus facile annuebat, & rem sibi gratam præstituros respondebat. Sed nec grauiſimæ Academiæ tam facile se duci permittunt, vt contra rationem, vel suam sententiam aut sensum, quippiam promittant sub iuramento, aut lege lata statuunt irrefragabiliter docendum. Plus quam centum anni elapsi sunt, in quibus permittere noluerunt omnes ferè, quæ modo vouerunt, Academiæ, vt vocetur in dubium Virginis ab originali præseruatio. Et generalem, seu communem omnium Vniuersitatum hanc fuisse sententiam ab hinc 200. annis, publice & priuatim ex omnibus nostri temporis scriptoribus asserit Eegid. Lusit. l. 3. de præseru. Virg. q. 6. ar. 4. §. 2. Quæ ergo coactio aut violentia necessaria fuit, vt quod tam firmiter, & indubitanter per tot annos credunt, iubeant doceri, & voueant se credituros?

Sed dato, quod tamen verum nullatenus est, Rectorum, vel Prælatorum persuasiones, & Regis desiderium, aut tacitum, vel interpretatum præceptum vota hæc extorſisse, non aliter emittenda, nisi Regis timeretur displicentia, an obinde dicenda sunt inuoluntaria omnino, & inualida? Nequaquam, cum plena libertas, & deliberatio, saltem ea, quæ ad voti valorem requiritur, in ijs votis non defuerit; nec coactio, quæ nulla fuit, fuerit magna, aut merus grauis cadens in constantes Viros. Imo plures sunt grauiſſimi Doctores, qui vota tali metu extorta, quamuis adhuc ipsum finē timor incutiat, valida, & rata esse dicant iure naturæ, & diuino.

Mm iij

Ita.

*Rex nulli  
cōpulis ad  
votum nulli.*

*Ex defectu  
libertatis  
non sunt  
hæc vota  
inualida.*

Ita Silueſter ver. Metus. q. 8. Sot. in 4. d. 29. q. 1. ar. 3. Medina 1. 2. q. 6. ar. 6. Aragon. de iuſt. & iure q. 88. ar. 3. & alij plures ex Theologis & Iuriſperitis quos refert, & ſequitur Franciſcus Suarez tom. 1. de relig. lib. de eſſentia, & honeſtate voti c. 7. §. Nihil. & c. 8. conſul. 2. probaturque vel ſumitur ex Aug. Epiſt. 48. & 50.

Ad 1. Ar-  
gument.  
Nem aduer-  
ſantur De-  
cretu Apo-  
ſtolicu.

Ad ſecundum, de obſervantia Tuæ Beatitudinis Decretorum facile reſpondetur, vota hæc plurimum conducere, vt illa obſerventur; nec aliquid in illis contineri, quod Apoſtolicis ſanctionibus aduerſetur. Duo Tua Beatitudo decrevit, vnum ne opinio affirmatiua in publicis proponatur actibus: alterum ne impugnetur, aut vllum de ea verbum fiat. vtrumque in his votis ſtriſtiſſimè obſervatur. Nulla fit mentio affirmatiuæ; & negatiua, quàm publicè iubes doceri, promittitur teneri, & iuratur, quod nullo vnquam tempore affirmatiua, quam Decretum à publicis relegauit actibus, in illis Academijs, aut Communitatibus docebitur. Quod ſi ad illud, quod in Decreto iubetur, additur; nec etiam priuatim ſe de affirmatiua acturos, aut eam ſecreto amplexuros; ſupererogationis opus eſt & laudabile: ſi enim doctrinam quampiam, quam Eccleſia Romana interdicit publicis actibus, noluerit aliquis ob promptum, & magnum affectum obedientiæ erga eandem Eccleſiam admittere vel amplexari in priuatis, laudandus certè venit, quia plus aliquid erogat obedientiæ, quam ex præcepto, vel prohibitione tenebatur; & ſi doctrinam, vel ſententiam, in quam Eccleſia vehementer inclinât, & quam à fidelibus teneri, & coli, multis adhibitis indiſijs, peroptat, & ſolam iuſſerit in publico doceri; vouerit ſemper in publico, & in ſecreto tenere, & credere, quid non conforme, & conſonum ad mentem, & intentionem Eccleſiæ promittit? Præterea licitum erat, & pium in ſecreto, & priuatim credere Beatiſſimam Virginem à peccatō originali fuiſſe præſeruatam, nihil ergo prohibet quo minus poſſim illud quod licitè & pie in obſequium, & cultum eiufdem Virginis ſemper credidi, in poſterum me crediturum voto firmare. In nullo proinde obuiat hoc votum vltimo Decreto, dum liberè eligitur ſequenda opinio negatiua, & affirmatiua non condemnatur, ſed ſub ſuo bono omine, & in illis qualibuſcumque ſuis terminis, & ſtatu in quibus eam permittit Decretum, relinquitur. Imo potius addiderim ferme neceſſariam eſſe hanc vouendi formulam ad Decreti obſervantiam; ſi enim in priuatis colloctionibus aſſueſcat quis affirmatiuæ, eiq; adhereat, facile

facile in publicis interdictis actibus, quod ex consuetudine in secretis familiare nimis factum est, excidet verbum, vel laudabitur sententia in aperto, quam frequentius approbavit in occulto.

Quod autem Academia, vel Ecclesiæ obligent in se promouendos hoc etiam vouere, vtuntur iure suo, dum nolunt sua beneficia, vel honores conferre nisi secum sentientibus, & suam doctrinam admittentibus; sicut & religio sanctimonialium Conceptionis, & aliæ in se non admittunt nisi sub hac etiam conditione. Quod ob eam præcipuè rationem faciunt Academia, quia suam doctrinam volunt esse in Virginis obsequium piam, & vnanimem, & omnem tollere cupiunt antiquarum, & molestarum rixarum occasionem. Nullum violenter cogunt, vt abiuret alteram opinionem, cuius sequendæ potestatem facit Decretum; sed sponte, & vltro accedentibus, & ad honores aspirantibus hanc apponunt conditionem, quam si spontanee admiserint, votis potiuntur. Licita autem esse in Ecclesia huiusmodi vota conditionata, vel honores, aut dignitates Ecclesiasticas sub tali, vel tali conditione, vel onere conferre, probant latè Theologi, præcipuè de sacris ordinibus, de quo Scot. in 4. d. 28. q. vnic. in corp. latè Michaël de Medina lib. 1. de Continentia a. c. 49. in finem libri, & l. 4. Controu. 11. c. 1. Illustr. Card. Bellarm. to. 1. lib. 1. de Cleric. c. 18. Clichtoux in propugnaculo de continentia Sacerdotum c. 6. 7. 21. & 22. Gabr. Valq. tom. 3. in 3. p. disp. 247. & 248. per totas.

Ad tertium dicitur, vota hæc de re meliori fieri, dum in illis promittitur teneri & credi illud, quod secundum communem Doctorum & Academiarū opinionem magis cedit in laudem, & honorem Dei Genitricis, quod magis pietatem, & deuotionem fouet, in quod tam manifestè propendunt Pontifices, & inclinatur Ecclesia; quod sufficit vt maius bonum reputetur, quam non ita credere, vel contrarium tenere. Vt etenim bonitatis excessus percipiatur, vel melius bonum aliquod esse dicatur, comparandum non est cum alio quocumq; opere, vel cum alia quauis re meliori, sed cum suo contrario, quod si in bonitate excedat, melius bonum reputandum est, & sufficiens erit voti materia, vt docuerunt D. Bon. in 4. d. 38. ar. 1. q. 2. Ioan. Gerson in Tract. de Consil. Euang. alphab. 67. lib. 5. & ex illis recentiores. Sed præter Aduersarios non erit qui non concedat melius esse adhærere sententiæ negatiuæ, & in ea credenda, & colenda conformari Ecclesiæ Romanæ, & vniuersis ferme Docto-

*Possunt  
Academia  
hec vota à  
suis alum-  
nis exigere.*

*Ad 3. Ar-  
gument.  
Sunt hæc  
vota de re  
meliori.*

*Videndi  
Tolet. l. 4  
sum. c. 17  
n. 6. Su-  
rez l. 2. de  
materia  
voti c. 7.  
& Valq.  
cit.*

ribus quam paucorum ex aduerso sequi sententiam. Omitto plura esse bona, quæ ex vniuersali hoc consensu, & in hanc vnam sententiam conspiratione proueniunt, quæ supra leuiter delibata sunt, & cultum huius opinionis, vel mysterij ad perfectissimam virtutem pertinere Religionis, vt longe melius bonum censeatur, quam contrariam sectari, ex qua nihil horum sequi speratur.

*Quo sensu  
nuncupatur  
votum.*

Quando verò votum emittitur de hac opinione credenda, non promittitur, aut iuratur, quod pro infallibili omnino & de fide terminata credatur, sed quod tenebitur in eo gradu certitudinis, & veritatis quam modo habet, & obtinuit ex tot fundamentis & capitibus, quæ Tuæ Beatitudini obtuli in Tractatibus de statu, & definibilitate huius opinionis. Nec absolutè absque omni conditione vouet quisquam semper, & pro omni tempore se hanc opinionem amplecturum in quocumque euentu, sed sub conditione hac implicita, *nisi Tua Beatitudo, vel Ecclesia Catholica aliter dignetur statuere, vel declarare.* Quod licet nouerint omnes, & certo præsentiant te non facturum, tamen ex promptitudine obedientiæ, quam Ecclesiæ debent, & præstant, hanc conditionem velint semper subintellectam, per quam semper parati erunt ad sequendum, quod Ecclesia ordinauerit, nec per votum præstitum, quod in eo euentu non obligat, impediuntur à maiori bono sectando. Conditionem hanc, licet eam illi non exprimerent vel inter vouendum apponerent, ita votis annexam docent Doctores, vt in illis intrinsecè inclusam esse affirmant, & votum quodcumque sub hac distinctione vel declaratione proferri, *faciam hoc nisi aliud melius occurrerit faciendum*, vnde si impossibilis daretur euentus, in quo Ecclesia reprobareret, quod tantopere approbavit, & credi iuberet quod à suis suggestis, & cathedris explosit, cum melius sit credere quod Pontifex iubet, ex propria voluntate vouentis absque alia dispensatione, cum ei de hoc bonitatis excessu constiterit, poterit libere, & inculpabiliter negatiuæ valedicere, & contrariæ adhærere.

Viden.  
Suarez  
cit. §. ad-  
uertendū  
autem.

Ad 4. Ar-  
gument.  
Non sunt  
periculosa.

Ad quantum, satis fit dicendo non esse necesse ex parte obiecti formalis fidei, vt actus credendi præseruationem Virginis sit formaliter, & secundum substantiam supernaturalis, cum non habeat obiectum formale supernaturale, nec innitatur reuelationi diuinæ, dum adhuc controuersia non sit determinata, nec definita ab Ecclesia, & proinde ex hac parte non timetur illud periculum, quod indicit, vel suggerit argumentum. Nec si supernaturalis omnino esset

esset illa credulitas, & licet aliunde censeatur necessarium auxilium supernaturale ex motiuo supernaturali, & ex virtute Religionis, ex qua hoc votum, & eius actus eliciuntur, ad huc tamen non immineret illud discrimen, vel timor, ne Deus velit auxilium conferre; cum omnibus sane vouentibus auxilium præstet, vt quod promiserunt soluere possint & exequi. Doctrina hæc est inconcussa Augustini, qui multoties hortatur fideles, vt confidenter, & absque huiusmodi timore voueant. *Non sitis (inquit) pigri ad vouendum, non enim viribus vestris implebitis.* Et subnectit; *Deficietis, si de vobis presumitis, si autem de illo, cui vouetis, vouete secure reddite.* Et in Psalm. 131. non longe ab initio. *Nemo presumat viribus suis reddere, quod vouerit: qui te hortatur vt voueas, ipse te adiuvat, vt reddas.* Et in Psal. 132. prope initium. *Debet esse impiger animus vt & voueat & reddat, ne cum se minus idoneum putat ad reddendum, piger sit ad vouendum. Plane nunquam reddet, si de suo se putauerit redditurum.* Et serm. 7. de temp. qui est tertius in Nat. Dom. an. med. tom. 10. *Nos dulciter, & confidenter voueamus, ille dabit possibilitatem, vt reddere possimus.* Alia habet in hanc sententiam præclara l. 17. de ciuit. Dei c. 4. post med. & in pluribus locis suæ doctrinæ. Quantumcumq; ergo vt votum hoc eliciatur, supernaturale desideretur auxilium, vt de omnibus ad pietatem conducentibus docet August. loco proximè citato, & Conc. Aulic. 2. c. 4. can. 1. & actus ex illo eliciendi idem requirant Dei iuamen, non est cur proinde dicatur se periculo, & occasione scrupulorum exponere, qui illud determinauit emitte. *Non enim (inquit August.) Domino quisquam quicquam rectum voueret, nisi qui ab illo acciperet, quod voueret.* Quod quisquam vouit facere, à Domino accipiet illud quo indiget vt faciat.

Ad illud vero quod in argumeto dicitur inde certius instare hoc periculum, quia Deus licet ad vera, & certa credenda conferat auxilium, non vero vt credantur dubia & falsa, respondetur; adeo veram, & certam esse opinionem de præseruatione Virginis, vt iam falsa esse non possit, vt sæpius in alijs Tractatibus probatum est, & supposito vel dato casu impossibili, quod contrarium post hac definiretur, non proinde actus quo modò creditur negatiua opinio esset præctice falsus, cum iuxta fundamenta, quibus fulcitur, & à tota ferme creditur Ecclesia, indicetur summe probabilis; nec falsa præctice vllò vnquam tempore poterit esse, dum tantis non destituatur fundamentis. Appositum est illud exemplum de adora-

Ad as com  
plenis  
Deus ne-  
cessarium  
prestat  
auxilium.

August.  
in Psalm.  
75. to. 8.

Opinio.

adoratione hostiæ non consecratæ, quam prudenter quis credit consecratam; qui actus adorandi vel credendi, licet speculative falsus sit, non tamen practice, sed est meritorius, & supernaturalis, & per Dei auxilium elicitus. Et potest quispiam vouere quotidie se illam hostiam in quacumque Ecclesia repositam visitaturum, & adoraturum, nec vnquam ex hoc capite ei deerit diuinum auxilium. Et licet postea sacerdos declaret nullam se habuisse intentionem consecrandi, vel ex alio defectu non esse consecratam illam hostiam, non erant proinde præteriti actus orationis practice falsi, vel idololatriæ, sed meritorij, & ex Dei gratia elicti.

*Vnde periculum in voto.*  
S. Thom.  
2. 2. q. 88.  
ar. 4. ad 2.

Nullum ergo periculum est in voto propter quod debeat homo ab illo reddendo abstinere, vt docet D. Thom. quodcumque enim periculum imminet, non provenit ex voto, sed ex culpa hominis, qui voluntatem mutat, transgrediens votum, propter quod non definit ipsum votum esse expediens. Alioquin oportet ab omnibus bonis cessare, quæ etiam per accidens ex aliquo euentu possunt esse periculosa; vel recte certe nobis obijcietur, quod S. Ambrosius in hac re intulit; *Ergo nemo militet, ne aliquando vincatur, nec pedis utatur obsequio, qui gradiendi periculum reformidat, nec oculi intendat officio, qui concupiscentiæ timet lapsum.* Nec si ad hoc attendatur periculum, erit, qui religionis votis se velit obstringere, nec virtutem aliquam, aut opus quodcumque morale sub iuramento promittere. Recte profecto ad hanc rem accommodauit D. Thom. illud Ecclesiast. *Qui obseruat ventum, non seminat, & qui considerat nubes, nunquam metet*, qui enim plus de sua fragilitate timet, quam de diuino adiutorio confidit, nihil vnquam boni promittet.

Ambrosius.  
lib. de vi-  
duis ad  
fin. to. 4.

Ecclef.  
11. 4.

Ad 5. Ar-  
gument.  
Conformā-  
tur hæc  
vota doctri-  
na Rom.  
Ecclesia.

Ad 5. dico in substantia, & materia voti, conformari illa Regna & Academias cum Romana Ecclesia, quæ idem profitetur, & celebrat quod illæ vouent se credituras. Si vero Romæ non præstantur hæc vota, & in Vniuersitatibus eliciuntur, non provenit ex difformitate, aut disconuenientia fidei; sed quia hîc non se offerunt, quas illæ habent votorum rationes. Non est passa Roma, nec Romanæ ditionis amplitudo, tumultus, rixas, discordias, scandala, & calamitates, quas sensimus (proh dolor) in Hispania, quas si Tua Beatitudo præ oculis videret, & præsens in tumultuanti populo sentiret, non dubium quin definitionis vltimum, vel aliud efficax adhiberet remedium; vel si differetur, credibile satis est populum ipsum, & Academias ad hoc votorum refugium declinaturum; quod

ut & modo fieret in ipsa Vrbe satis expediret, & laudaretur; per quod forsitan tumultus quidam, & similitates in aliquibus partibus Italiae exortæ, & quæ Tuam Beatitudinem non latent, sopiuntur. Differtur nimis calamitati, & tumultibus Hispaniæ, iam tribus annis desideratum, & expectatum efficax definitionis remedium; confugiunt ad illud quod penes se habent & licet, quod tamen non sufficit. Vltiori adhuc non indigent licentia, cum votum circa res, quæ ad pietatem fidei spectant, liberis quibuscumque hominibus, & communitatibus semper sit licitum, si ex fine, vel alio quopiam capite non vitietur. Licentiam etiam Apostolicæ Sedis supposuerunt ad pietatem hanc in Virginem sectandâ, & tacitam sibi concedi viderunt, dum referentibus, & scribentibus Tuæ Beatitudini prælatis Hispaniæ, hæc vota à multis emissâ, nec minimum commouerent, aut aliquantulum contradiceres.

Multa sunt quæ laudantur in alijs Regnis deuotionis & pietatis indicia, quæ Romæ non habentur in vsu, aut recipiuntur publica auctoritate, vel vniuersaliter in Ecclesia. Multos habent Regionēs variæ particulares Sanctos, quibus varia offeruntur vota, & deuotiones, qui tamen Romæ non honorantur; multas celebrant alia Regna festiuitates, quæ Romanum non agnouit Kalendarium. Apud Gallos celebra erant Trinitatis, & Transfigurationis festa antequam Romæ colerentur, ut innuit vetustus Presbyter Porho. S<sup>m</sup>i Sacramenti apud Leodien. in Germania antiquior erat sollemnitas, quam apud Romanos, ut author est Iacobus Diestemius, & alij. Expectationis partus Virginis apud Hispanos solū, sollemnis est cultus, ut ex Sanctorum Hispaniæ Kalendario, & officijs constat. Nonne licitum erat pro his mysterijs venerandis, vota effundere, & vouere, credere Sanctos illos tales esse, quantumcumque Romæ non venerarentur, nec similia vota nuncuparentur? Nullus negabit. Nonne ergo multo magis licitum erit vouere, credere id quod Romæ, & vbicumque celebratur? Suum etiam votū quodammodo solemne, & vniuersale Rom. visa est Ecclesia emisisse, quando hoc festum, vel mysterium celebrandum proposuit. Quid enim tunc aliud egit, quam statuere, & firmiter promittere in æternum illud se veneraturam, & credituram? Rectè ergo in his votis edendis conformantur cum Romanâ ceteræ Ecclesiæ & Academiæ.

Ad sextum & vltimum occurritur dicendo Communitates, & Respublicas posse tam præsentēs, quam futuros obligare sub voto à se

*Adulæ co-  
luntur ex-  
tra Româ,  
quæ in ea-  
dem non  
honoran-  
tur.*

*Porho. l.  
3. de statu  
domus  
Dei sub  
finem, &  
habetur  
t. 12. p. 1.  
edit. Co-  
lon. Bi-  
blior. vet.  
Patrum.  
Diestem.  
apud  
Bzou. ad  
an. 1230.  
n. 16.*

*Ad 6 Ar-  
gument.*

*Possunt  
Communi-  
tates  
sues com-  
pellere ad  
voti obser-  
uantiam.*

à se emissio, vt aliquid obseruent, vt exactè docèt recentiores Theologi. Quia penes communitates potestas est ad obligandum singulos præsentes, & futuros successores ex vi præcepti humani, vt vel acceptent tale votum quoad voti obligationem, vel saltem obseruent actum promissum. Vnde eo ipso quod populorum Rectores in tale votum sufficienter consentiant, consequenter imponunt alijs præceptum obseruandi illud, & ideo grauiter peccabunt, illi non obediendo. Quando verò vota fiunt circa res spirituales, vel de pertinentibus ad cultum diuinum, doctrinam, aut bonos mores, interueniente auctoritate, vel approbatione, & præcepto Episcopi, aut Prælari; obligabuntur illius Communitatis membra præsentia, & futura ad acceptandum votum emissum à tota, vel maiori parte Communitatis vel ad obseruandū actum in eo promissum, ex vi præcepti Ecclesiastici. Cum igitur vota hæc facta sunt consentientibus, volentibus, & præsentibus Episcopis, vel Communitatum Rectoribus, poterunt cogi futuri, & si qui essent pauci præsentes, qui contradicant; vt vota emissa de Virginis præseruatione tenenda, & colenda, obseruent. Dum proinde vouent licite populi se ex duabus, quas sequi permittuntur, opinionibus, vnā piam, in quam vehementer se flectit Ecclesia, semper tenere & defendere; & libertati illi sentiendi, à Sua Beatitudine concessæ, vel toleratæ, velint renuntiare propter instantes necessitates, & varia incommoda ad pacatiorem Reipublicæ gubernationem; iuste poterunt omnes eiusdem Communitatis subditos, etiam inuitos, si qui nollent, compellere ad obseruantiam rei vel actus promissi. Quamuis ego faciliè credam nullum expectaturum, vt compellatur, & sponsores me libenter exhibebo, omnes alacriter tam præsentes, quam futuros, vota in hac materia præstita à suis Communitatibus, accepturos, & seruatueros, in tantum Virginis obsequium.

Vota hæc non posse irritari, & deberi indulgentijs, & gratijs  
Apostolicis commendari.

#### §. VI.

- |   |  |
|---|--|
| 22 Non possunt hac vota irritari.                                     | <i>legitima.</i>   |
| 23 Nihil in his votis interuenit per quod reddantur inualida.         | 25 Non facile possunt irritari vota tot modis stabilita.             |
| 24 Circumstantiæ omnes, quæ in his votis edendis occurrerunt, fuerunt | 26 Debent à Sanctissimo Domino indulgentijs superadditis commendari. |



22 Cum tam leuia sint fundamenta hæc vota calumniantium, <sup>Næ passim hæc vota vitari.</sup> non est cur Tua Beatitudo commoueat ut aliquid in hac re innouet. Bonum est, & meritorium quod sit, promittitur firmiter Deo, coli quod colit Ecclesia, & semper credi, quod illa veneratur. Nemo malū dicit, cum Ecclesia in cultu conuenire; nec id ipsum, quod homo colit, religiosè amplexari. Primum ad veram Religionem, & debitam erga Romanam Ecclesiam reuerentiam spectat, ut capite *Nosse nos*, & cap. *Celebritatem*, de consecr. disput. 3. docent Pius & Victor Pontifices, & passim inculcatur in iure, & apud sacros authores. Secundum; ad fidelitatem, & veracitatem spectat; & nihil turpius est quam Deo mentiri in ipsa oratione, & cultu. Si verò vtrumque bonum est & laudabile, & bene facit homo, dum ita credit, & colit; quod nec ipsi Aduersarij inficiabuntur: melius faciet, si vtrumque fecerit ex voto. Magis enim laudabile, & meritorium, cum D. Thom. citato docent Theologi, esse facere aliquid ex voto, quam sine voto, quod varijs, & præclaris probant rationibus.

23 Nihil præterea occurrit in hoc actu, per quod vitietur. Ipsa <sup>Nihil in eis interueniens illicitum.</sup> namque forma, & substantia voti, licet varia fuerit in varijs Communitatibus, quam proinde non subnectimus, semper moderata fuit, & rectè perpenſa, & hoc vnum sub modica varietate verborum continebat, Virginis Mariæ præseruationem à peccato originali esse celandam, & tenendam, tanquam Sacræ Scripturæ, Ecclesiastico ritui Sanctorum Patrum doctrinæ, & pietati conformiorem. In quo nihil potest esse, quod reprobetur. Dubium namque aut scrupulum parere non potest cultus, nec sententia, cum tam receptum & commendatum sit vtrumque inter fideles: nec ipsum votum defeſtando vtroque; ut huc vique ostensum est: sed nec ratio assignata de conformitate cum Scriptura, ritu Ecclesiæ, doctrina Sanctorum Patrum, & pietate; ut in varijs Tractatibus Tuæ Beatitudini probaui, neque vllus sit qui hanc sequatur sententiam, cui non liceat idem opinari. Reddimus per hoc rationabile obsequium nostrum in Virginem, cum illud de ea sentire, & celebrare dicimus Ecclesiam, quod magis cohæret cum Sacra Scriptura, & Patribus. Qui defendit, quod patulum est, & manifestum (sicut speciali de hac re Tractatu Tuæ Beatitudini ostendi) Ecclesiam ita celebrare, & suo cultu profiteri de Virgine, necesse habet consequenter asserere conformius hoc esse Canonorum

Nn

Scripto-

Scriptorum, & Sanctorum doctrinæ, ne fateri cogamur contra Scripturam, & Patres, Romanos Pontifices aliquid statuere, vel quod minus conforme est illis, populo proponere. Non tamen ex hoc inferri potest, contrariam damnari; cum nec ex eo quod Aduersarij idem vel similiter asserant de suâ, sequatur nostram esse hæreticam.

*Circum-*  
*stanti-*  
*om-*  
*nes vo-*  
*lunt.*  
Concil.  
Mediol.  
5. par. 5.  
tit. de vo-  
tis tom. 4.  
par. 2. cō-  
ciliorum  
nouioris  
edit. Co-  
lon.

24 Circumstantiæ etiam, quæ in edendis votis occurrerant, erant legitimæ, & laudabiles, ex quæ ipsæ, quæ in Concilio Mediolanensi sub D. Carolo Borromæo statutæ sunt obseruari. In Ecclesijs maioribus vel principalioribus ad altaria maiora, vel celebriora consentientibus, imo & volentibus, & præsentibus Episcopis, & Communitatum Rectoribus, processione, & longa consideratione antea præmissis, in missarum solemnibus, adstantibus Clero, & Reipubl. Proceribus, sua vota nuncupauerunt, magnis postea superadditis in Virginis honorem festis, & iubilationibus. Omnia iuxta statutas regulas Ecclesiæ, & Conciliorum facta sunt in Virginei obsequij incrementum, in magnam populorum ædificationem, & spirituales lætitiæ. Iniuste ergo talibus votis contradicitur, periculosumque est eis detrahere vel ne reddantur

Aug. l. 17.  
de Ciuit.  
c. 4. Post  
med. to. 5

impedire: *Dominus enim* (inquit Augustinus) *infirmum faciet aduersarium eius, illum scilicet, qui homini vouenti inuidet, & resistit, ne valeat implere quod vouit.*

*Non irri-*  
*tantur vo-*  
*ta tantop-*  
*re stabilia.*

25 Nescio certè, quomodo apud Tuam Beatitudinem de hac re condemnanda instent. Velle videntur, quod Ecclesia in votis irritandis condemnet, quod in publicis, & ecclesiasticis actibus commendat; quod Tua Beatitudo reprobet; quod hucusque voluit; quod impediatur affectus erga sententiam, quam Vestra Sanctitas tanto prosequitur affectu; quod à tantis Communitatibus fieri his annis elapsis permisisti sciens, & lubens, vellent à te modo prohiberi; quod antiquitus Romani Pontifices approbauerunt, & tot sæculis licuit, cupiunt vt modo ad paucorum instantiam contra Christiani orbis iudicium, & sententiam annulletur. Non possunt irritari vota à tot tantisque nuncupata, ab innumeris Episcopis approbata & à grauioribus Doctoribus commendata, à florentissimis mundi Academijs stabilita. Non potest ita facile floccipendi tantorum autoritas, & reijci communis Orbis consensus, & sententia. Non ita leuiter potest euelli, quod tam longâ annorum serie altas egit radices.



26 Restat proinde, vt Tua Beatitudo contra iniustam Aduersa-  
 riorum contradictionē, te benignum, & placidum præbeas in his  
 votis patrocinandis; in quibus & tuis fauebis Decretis, & in ijs  
 laudandis, & commendandis Christianorum deuotionē, & spon-  
 taneam fidelium voluntatum consecrationem in tantæ Dei Ma-  
 tris obsequium adiuuabis; populos ad maiora inuitabis, & excita-  
 bis. Digni sunt, qui ita se obstringunt Deiparæ Virgini, vt à te  
 laudentur; & superadditis præmijs remunerentur. Iurant, quod  
 Tua Beatitudo cupit teneri, & credi in Mariæ honorem, captiua-  
 runt suum intellectum in obsequium Dei Genitricis. Humilem  
 Mariæ seruum se prædicat Tua Beatitudo, gloriosè hoc elogio la-  
 pidibus quadratis in publico loco, inculpto: qui seruos se profi-  
 tentur, & captiuos suos reddunt intellectus, vt nihil non pium de  
 illa tuâ, & nostra præclarissima Domina sentiant; in his laudabi-  
 libus actibus à te laudentur, & larga Indulgentiarum concessione  
 præmientur, atque ad illorum exemplar alij inuitentur. Inter cæ-  
 teras rationes quibus D. Thom. probauit, laudabilius esse, & ma-  
 gis meritorium aliquid facere ex voto, quam sine voto; illam assi-  
 gnauit, quod promittentibus gratiæ aguntur, & art. 5. ad secundum  
 ait, non solum danti, sed & promittenti gratiæ aguntur. Tua ergo  
 Beatitudo nomine Beatissimæ Dei Genitricis, cuius tam laudabi-  
 liter & gloriosè te seruum gloriaris, gratias da, & spirituales con-  
 cede Indulgentias promittentibus eius Immaculatam Conceptio-  
 nem, & à peccato originali præseruationem semper celebraturos,  
 & defensuros. Gratificare spontanee vouentibus quod doces, &  
 defendentibus quod cupis. Considera omnium hoc vnum esse  
 votum: & quod illi non possunt, tibi soli reservatam tantæ rei,  
 & inueteratæ Controuersiæ vltimam adijcere digneris determina-  
 tionem, vt & hi suorum votorum fine potiantur, & tanta tandem  
 pacificè claudatur Controuersia.

*Merentur  
à Sanctis-  
simo Domi-  
no commo-  
dari Indul-  
gentijs.*

*S. Thom.  
2. 2. q. 6.  
in corpo-  
re.*

*Tractatus Decimitercij Finit.*

## Continuatio Historiæ.

**H**is exhibitis Tractatibus Sanctissimo Domino significauit  
 Episcopus qualiter ad Regis præscriptum sibi remeandum  
 erat in Hispaniam dum hoc negotium protendebatur in lon-

Nn ij

gum,

gum, nec breui dierum momento optato successu potiri poterat Orthodoxus Princeps vt pio suo desiderio hæc grauis Controversia tandem dirimeretur. Se vero dixit licita omnia, & quæ necessaria iudicauit, adhibuisse media, nullamque curam subterfugisse, aut diligentiam præterijisse, vt quod pro Oratoris munere flagitabat, obtineret. Et licet eorum non abiret compos, quorum nomine Legatus aduenerat, non proinde parum se debere Sux Sanctitati falsus est ob beneuolentiam & benignitatem, qua eum aduentantem excepit, & quæ Legationis erant, proponentem audiuit. Se etiam ad plenum nosse adiunxit, rem hanc non adeo leuem esse, nec Controversiam tam inanem, vt intra vnius anni curriculum, eius vel alterius cuiuspiam solitudine possit terminari, & secum ab initio statuisset plures, modo opus esset, & Regi placeret, Romæ transigere, donec susceptam clauderet Legationem. Deum autem immortalem, qui res nostras provide gubernat, fidei materias sua sapientia disponit, & cuius providentia in sua dispoitione non fallitur, statuisset apud se tempora, personas, & modum, quibus hanc suæ Matris innocentiam reuelaret, & profligatæ maculæ erigeret trophæum. Homines vero secundum suum caprum, temporum exigentiam, & debitum in Virginem obsequium, instare, interpellare, & rogare; vt pro pace & concordia inter Ecclesiasticos conciliandâ, & perpetuis scandalis amouendis, hoc vltimum & efficax, quod putant, definitionis adhibeatur remedium. Attamen expectanda & desideranda esse tempora, & momenta, quæ Pater posuit in sua potestate, quæ nostrum non est nosse, ac proinde se libenter & hilari animo regredi, vt quæ obiit suæ Legationis munia, renuntiaret.

Placide & grauitè respondit Sanctissimus Dominus, sibi displicere, non posse se in his quæ proposita sunt, regijs votis & pietati adesse, eiusq; Oratorem re interminata redire. Verumtamen quod postulabatur, ex illorum genere non esse, quæ diligentia humana clauduntur, vel quæ ob necessitudinē aut mundanas instantias aut Regum potentias liceat illico concedi; donec Spiritus ex alto infuderit, quid in controversia graui & diuturna, grauitè & mature debeat deliberari. Nec indignari aut commoueri debere Oratorē admonuit, quod non perfecta legatione, aut re infecta regrederetur ad suos; nam quod suū erat, perfecit; causam dixit, solerter insticit, in  
re tamen,

re tamen, cuius difficultatē nec ille suis viribus vel solertia poterat superare, nec Suae Sanctitati licuit pro tunc definitiua sentētia aperire.

His alijsq; ponderosis comiter & benigne vtrinq; dictis, honorificē Apostolicis indultis, & sacrorū Martyrum Diuorumq; reliquijs, quod solum voluit & expetiit sibi in hac Legatione beneficiū, amplissime donatus, sacra pontificia benedictione sibi suisq; obtentā, vtramq; precatus Suae Sanctitati felicitatē, vltimum dixit vale Notis Maij, & salutatis Cardinalibus Principibusq; Romanis ab iisdem vicissim resalutatus ab Vrbe recessit 14. Kalen. Iunias.

Neminem admirari velim quomodo in tanta Episcopi solitudine & sedula suae Legationis functione, ad quā destinatus est Orator, non impetrauerit seu exorauerit controuersiae decisionē. Nam dum hanc oraret, perturbata res Germanici & Rom. Imperij pietissimū & prouidum Suae Sanctitatis animum totum sibi vendicant. Hispaniae vicissitudines, gubernarcharum, & curiae mutationes inturbant aliquantulū huius mysterij feruorem. Demum, quod caput est, & sepius Sua Beatitudo respondit, Spiritus ille Paracliticus, qui in omnē inducit veritatem, per quē loquuti sunt S. Dei homines, & cuius indefectibili suggestionē Summi Pontifices depromūt arcana sancta mysteriorum fidei, in aliud cōmodius tempus distulit hanc quāstionem reuelandam. Curam agit & tutelam Ecclesiae Spiritus omniscius, cui & quae opus habet, pandit arcana; & quando opus est, secreta reuelat. Nouit quibus indigeat sponsa, nouit & diem quando alloquenda est, suo tempore eam aureis co-honestat murenulis; & in auribus lenis susurri perornat; commodo tempore, quae sunt credenda, proponit.

Multa sunt, quorum nomine plures aduenerant Legati, & pro quibus aperiendis vel Ecclesiae vel saeculi Principes interpellauerāt; nec tamen statim, sed temporis decursu ea dignatus est Spiritus S. docere. Ad S. Pontificem Iulium I. Sancti etiam Marci I. successore, in controuersia Athanasij cum Eusebianis & Arrianis destinati sunt vtrinq; Legati ex remotissimis terrae plagis, Aegypto, Tyro & Alexandria, nec tamen per integrum illum annum, aut plures subsequentes menses litigij decisionem obtinuerunt. Ad Ioannem I. delegarunt Iustinian. Imperator, & Epiphan. Constantinopolitanus Antistes, Hipatium Ephesiorum, & Demetrium Caesariensem Episcopos, vt de aperienda grauissima illa quāstione, an catholice dici posset, vnū de Trinitate passum esse in carne, & consequenter,

N n iij

an posset

*Orator honorificē apostolicis indultis, reliquijs, missus re-  
cedit ab Vrbe.*

*Quomodo Legationē non absol-  
uerit.*

*Ioan. I. 13.  
2. Petr. I. 21.*

*Cant. 8. 8  
Cant. I. 11.*

*Legati non statim im-  
petrauerunt  
quod orāt.*

*Vide Ba-  
ron. ann.  
339. 340.  
341.*

*Vid. eūd.  
an. 519.  
333. 334.  
Ep. I. Io.  
Pap. ad  
Iust. &  
Seuer.  
Bon. in  
not. ad  
Cōc. Ro.  
sub eod.  
Ioan.*

an affirmari natum in carne, & Mariam propriè Deum genuisse, quæ omnia negabant Pseudo-monachi Scythiæ, Aquimiti & Acametæ Nestoriani, & Origenistæ. Rem grauem & difficilem agnouit Pontifex, quæ diuturniorem inquisitionem & indaginem requirebat. Non ergo nisi præposito longo & serio eius examine, & exploratis Ferrandi aliorumque Transmarinorum sententijs, post longum elapsum tempus professionem fidei Iustiniani, & sententiam Epiphanijs approbavit. Inter Cyrum Monothelitasque ac

Vide Ba-  
ron. ann.  
633. 649.  
& 681.  
Bellar. de  
Rom.  
Pontif.  
c. 11. &  
secret. 1.  
Conc.  
Lat. sub.  
Mart. I.

Sanctum Antistitem Hierosolymitanum Sophronium, magna illa orta est difficultas, de dicenda vna vel duabus operationibus in Christo; & quamuis per Sergium Constantinopolitanum, & tunc Catholicum, Archiepiscopum, Honorius Primus huius contro- uersie admoneretur, timereturque inter Episcopos Orientis sedition, quæ postea subsequuta est; nihilominus post plures annos & alijs sibi succedentibus Pontificibus definita est planè difficultas sub Martino Primo in Synod. Lateran. secret. siue consult. 5.

Disser-  
tatio Lega-  
tionum de  
rebus secu-  
laribus, ac  
de statu na-  
turali.

Belag.  
apud Pro  
cop. l. 1.  
de bello  
Goth.

Plura sunt huius generis, quæ non repente & vt primum pro-  
posita sunt Pontificibus, ab eisdem statuta vel decisa leguntur.  
Nouum non est remorari Legatos apud Pontifices per plures an-  
nos pro terminandis fidei arcanis, vel eis interminatis recedere, &  
re infecta ad suos reuerti. Illud approbarim in sæcularibus, vel mi-  
litaribus aut politicis legationibus Belagij Legati dictum. *Princi-  
pem quempiam ad se missum Oratorem, non solum afficere contumelia, si vel illi  
caput percusserit, vel in eum quomodo desaniat, sed qui vel re infecta, dimise-  
rit ad se delegatum. Non enim homines Oratoris munere idcirco funguntur, ut  
honorem ab his consequantur, qui suscepturi se sint: quod vsui Reip. in posterum  
sit, peragendo, ad eos qui se legauerunt, mox redeant. Unde fit ut vel affectis  
iniuria longe magis conducat eorum aliquid effecisse, quorum ob causam vene-  
rint: quam Principum verbis benignioribus auditis, nihil pro se consequutos ad  
suos redire.* Attamen in ijs, quæ solum diuino spiramine, & non nisi  
ad Dei nutum & motum sunt peragenda, longe aliter philosophan-  
dum iudicari. In primis illis Ecclesiæ definitionibus ab Aposto-  
lis editis; placuit, vel *visum est*, inquit Petrus, *Spiritui Sancto, & nobis.*  
Prius expetenda & expectanda est Dei voluntas: ad hanc mouen-  
tem & internè spirantem, vel per Scripturas & Patres docentem,  
subsequetur humana. Prius videbitur Spiritui Sancto, deinde Pon-  
tifici, expedire vt quidpiam terminetur de fide. Hinc euenit vt  
plures Pontifices plerosque Legatos non obtentis definitionibus,  
pro

A. 10. 15.  
28.

pro quibus impetrandis missi erant dimitterent, dum à Spiritu Sancto non statim edocebantur quid alios docerent. Cor Pontificis in manu Dei est, & linguae eius in proponendis fidei mysterijs calamus est, & organum Spiritus Sancti; dum hic non mouerit & loquelam infuderit, nemo poterit exposulare Pontificis cuiuspiam in rebus fidei dicendis diuturniorem taciturnitatem.

Non obinde tamen omnem deponendam iudicauerim sollicitudinem, & instantiam circa hanc definitionem, vel huius controversiae decisionem; sed secundum tumultuum varietatem & scandalorum molestiam vrgeri debere, & vltimum malorum exposcendum esse remedium, non ab alio quàm à Summis Pontificibus, quorum est Ecclesiarum vlcerum medicari, & malis obueneri. Christiani etenim populi, & orthodoxorum Principum precibus flecti & superari se permittit, *qui ambulat super pennas ventorum*, & cui nomen *accelera*, vt festinet & acceleret; & citius præbeat remedium, qui in aliam ætatem differebat solatium. Sacramentum illud maximum dispensationis Incarnationis Dominicae, mundi miserrimè peccatis obruti singulare solamen, & vnicum remediũ, quod nullum exegerat meritum, accelerauit tamen Sanctorum Patrum precamen. Quæ mereri non possumus, accelerare aliquando valeamus. Festinabit certè consolator ille optimus, dulce calamitatum refrigerium, & placida Ecclesiae in labore requies, sponsam suam liberare à tot calamitatibus à tantis tumultibus, à grauibz scandalis, dummodo debite interpelletur, dummodo sincere ad Ecclesiae pacem, ad Christianorum concordiam, & non ad contentionem, vel victoriam de Aduersarijs reportandæ emulationem, fidelium precibus contendatur, & apud Christi Vicarium debito, & quo decet modo, pro malorum aut temporum conditione instare non desinant.

Magna illa confidentia, & laudabilis perseverantia Catholici Principis Philippi in deprecando, orat, instat, flagitat, tam in suorum Regnorum leuamen, quàm in Deiparae Virginis tutelam. Instigat ad supplicem hanc flagitationem, & conitanti supplicationem Regnorum calamitas: sed ighem submouet, & ardentes faces subijcit feruenti Principis desiderio de Mariae honore tuendo ardor, & studium de profliganda à tanta innocentia & puritate, sceda illa communis maculae spurcitiæ. Perseueranti victoria non deerit, securè repositum tantæ deuotionis tandem eriget trophæum. Spi-

N n iij

ritus

*vlcerum  
instandum  
in hac con-  
uersa.*

*Pf. 103.3  
Ista. 83.*

*Laudabilis  
Regis in  
deprecando  
perseuerantia.*



Rom. 8.  
16.

ritus Sanctus suæ sponſæ maculas deterget; Pontifex in Dei Matrem propensus cito & libenter eructabit verbum bonum; Ecclesia præcipuum suum, & optimum sub Christo capite membrum dignâ donabit laude, cuius arrhas iam obtulit, & sponſionem dedit expresso & communi suo cultu, vt Mariam semper sanctam testetur. Aderunt Regi & eius subscribent petitioni vniuersæ Ecclesiæ, illustres Academiae, selectissimi Reges, incliti Principes, Ecclesiæ, Religiones, integra Regna, florentissimæ Respublicæ; totus ferme vndique mundus, quorum pium votum & laudabiles preces non rejiciet, qui pro cœtu Christianorum, gemitibus postulat inenarrabilibus. Oret semper, dum non exorat pius Princeps, & donec exaudiatur precari non desinat per suos Oratores, qui nouas etiam nunc (vt audio) parat instantias.

Eius zelus  
& verba.

Tam ingens eius est in hac re desiderium, vt si hæc non sufficiant adijciat maiora, & licita quæque adhibere velit media, vt pro Maria vincat. Illud eius zeli magnum & laudabile argumentum; illa eius vox tanta pietate digna; *Quod si per Oratores obtinere se non posse putaret pro Maria dici sententiam, & eius causa conuenire vel omnino necessarium iudicaret vt ipse Romam peteret, ad pedesque Sanctissimi Domini supplicis Oratoris partem ageret, vt adhibita hac diligentia & exhibita supplicatione Pontifex litem terminaret; se confestim in Urbem venturum; nec ullam esse adeo grauem difficultatem, aut suarum rerum molestiam, quæ ab hoc itinere aggreduendo eum valeat detertere.* Verba certe magnis & prisca illis Imperatoribus Ecclesiæ tutoribus & defensoribus vel inuidenda, vel eorum in res fidei affectibus paria. Philippi pro Maria zelus præcipuis antefereendus, vel cum omnibus non iniuste comparandus. Tantum orthodoxi Principis desiderium non peribit, votis tandem potietur, egregio studio Deipara Virgo fidelis remuneratrix, quæ sibi impenduntur, obsequiorum egregium parabit triumphum, inuictæ labori sublime eriget monumentum, Catholicum conatum desiderato claudet successu, & immortalem immortali laude digno adijciat huius facti memoriam.

#### SECTIONIS TERTIÆ FINIS.

LEGA-



LEGATIONIS  
 PHILIPPI III. ET IV.  
 Hispaniarum, & Indiarum Glorio-  
 sissimorum Monarcharum  
 DE  
 Definienda Controuersia  
 IMMACVLATAE CONCEPTIONIS  
 B. VIRG. MARIÆ,  
 SECTIO QVARTA.

**S** TATIM post Episcopi recessum, accepit *Rescriptis*  
 Dux Alburquerqueus ab intimis Regis Co- *Rex non*  
 siliarijs, quod opperiebat, responsum, de non *esse vltimus*  
 instando vltius circa celandas, vel libere *instandum*  
 publicandas Imagines, seu sacra numisma- *circa ima-*  
 ta, (de quibus in præcedenti Sectione lo- *giori.*  
 cupletior factus est sermo) neque enim tanti  
 ponderis hæc res iudicabatur, vt propter eam non procederetur ad  
 primum, & præcipuum, quod erat in votis, definitionis negotium;  
 licet enim toties postulata obtineretur, parum prodesse; & omnino  
 negata, minùs obesse potuit huiusmodi sacras imagines cudendi,  
 & publicandi facultas. Non hærendum proinde in tricis, neque  
 exigui momenti rebus statutum est, neque obuias quasque qua-  
 stiunculas huius controuersię ventilandas, & vincendas esse: sed  
 ad rei medullam constanter pergendum; quippè huiusmodi pugæ,  
 & inanes lites, sæpius prorumpunt, vel consulto offeruntur, vt cir-  
 cumducant & suspendant hominem, ne quem sibi principalem  
 statuit, aliquando pertingat ad finem.

2 Circa hæc etiam tempora Augustinianus ille Theologus ad  
 suæ Prouinciæ regimen euocatus abcessit, iamque alius Statutus  
 erat

*Commen-  
datur O-  
ratori His-  
palensi  
Viri, &  
Theologus  
Minorita.*

erat à Rege Vir doctus, Iosephus Vazquez Minorita, litteris, & præcipuis sui sodalitiij munijs latis vndique notus, quique tunc suorum sodalium res curabat Commissarius in Curia, cuius doctrina, & litterario studio vteretur Orator. Virorum etiam Hispalensium, sæpius supra nominatorum, Consilium audiendum, & affectum fouendum in hac re ordinauerat Rex, scriptis de hac ipsa re litteris, in quibus ait se nihil, quod ad felicem huius Legationis exitum conducebat, velle omittere, nec quoquam necessario Oratorem velle carere. Ipsas litteras subijcio.

## R E X.

3 **D**Vx Consanguineæ. Iam intellexeris D. Matheum Vasquez de Leua & Bernardum de Toro Hispalensis Ecclesiæ viros in illa Romana Curia residere, vt purissimæ Conceptionis Dominæ Nostræ negotium promoueat. Dum autem recedente Episcopo Carthaginensi, tui erit muneris hoc idem curare, expedit, vt his te familiarem exhibeas, quæ huius rei sunt communicando, vicissimque ab eis libenter accipias, quæ ad eandem conducunt, & toto, quò illic permanserint tempore, eorum votis adsis, sedulam tuam adhibens operam in ijs, quæ tractant. Similiter tibi aderit Frater Iosephus Vasquez instituti Sancti Francisci, quem secum detulit in Urbem Episcopus Carthaginensis, vt pro sua doctrina & secundum accuratum, quod in hac Controuersia adhibuit studium, te moneat, & suis scriptis iuuet in rebus litterarijs. Pro magno namque meo desiderio de felicità huius rei exitu, vellem, vt nihil tibi deesset, quod possit esse auxilio, vt maiori constantia & grauiori cum fundamento prosequi possis, quod tanto perè tibi commendaui. Ex S. Laurentij Regij 16. April. 1620.

## E G O R E X.

*De mandato Domini nostri Regis,*

GEORGIUS DE TOVAR.

*Nominat  
inflatur Ora-  
tor coron  
definitio-  
nem.*

4 Stimulos addiderunt Oratori hæ litteræ, & exploratus varijs indicijs Regius feruor. Quare inito sæpius Consilio cum prædictis Viris, meque, omnium humillimo, cum eisdem accersito, instantius iterum, repetitisque precibus egit apud Pontificem de Controuersia definienda. Semper tamen eandem fermè, quam Episcopus, accepit negandi formulam, videlicet non licuisse tunc per tempus,

nec

nec per ipsam Controuersæ gravitatem, ad definitionem procedere, expectandamque esse potiore[m] oportunitatem. Nihil non rescribebat Orator ad Consiliarios Regis, vt cum eodem agerent de modo, quo tanti negotij superaretur difficultas.

5 Verum enimuerò infirma Regis valetudo, qua grauiter laborabat penè integro illo anno, & ex eo tempore quo è Lusitania regressus est, præpediebat nouos superaddendos huic rei feruores, nec enim commodè Rex suum exequi, nec aliorum excipere potuit consilium. Siluit proinde Orator, nec absque recentibus ad Pontificem destinatis à Regelitteris importunè, & infructuosè instandum iudicauit, donec sexto Kal. Ianuarij, Ioanni Euangelistæ sacro, præceptum accepit sub ipso Regis Chyrogapho vt vlterius pergeret, in deprecando Pontifice, nec desisteret, donec perficeret. Rerum quippe status, populi deuotio, & Prouinciarum scandalis commotarum necessitas, instantem hanc exposcebat sollicitudinem. Sub festiuiis tamen tunc occurrentibus diebus nihil licuit Oratori peragere; verumtamen his elapsis, secum cogitabat in primis suæ Legationis functionibus renouare preces, & instantiam apud Sanctissimum Dominum, quando infausto omine & magno Ecclesiæ malo, repentino correptus est Sanctus Pontifex Lethargo, sensibusque sopitis, post integram hebdomadam ad meliorem vitam, vt piè credimus, plenus dierum & meritorum transmigravit 4. Kalen. Februarias, anno 1621.

6 Expectandus ergo erat tanti Pontificis Successor, quem vnanimi electorum suffragio, summa pace, & vniuersali omnium lætitia accepit Sancta Mater Ecclesia 4. Idus Februar. duodenis dumtaxat diebus summo orbata Pastore. Alexander is erat Ludouisius, Archiepiscopus & ciuis Bononiensis, quem sua merita per varios honorum gradus ad purpuram euexit, in solio renunciatus Gregorius XV. Peracta sunt sub illo mense sacri huiusmodi inaugurationis ritus, & gratulati sunt nouo Pontifici vicini populi, & respublicæ, debitam ex more præstantes obedientiam.

7 Ad sequentis mensis Martij finem supranominato secum vocato Theologo, negotium hoc nouo proposuit Pontifici Orator, quod benignè & libenter audiuit, Regis laudans pietatem, cui se subscripturum, quando per tempus, & rerum circumstantias graui præmisso examinaret, fidem fecit. Approbavit etiam Theologi studium, qui Regi, & consequenter Deo (à quo nihil alienum, Regem

*Intercepit controuersiam Regum infirmam valetudinem.*

*Scriptis vti illorum instat Orator.*

*Mortuus Paulus V.*

*Creatus Greg. XV.*

*Instat Orator apud Pontificem.*

Regem petiturum fidenter sibi promittebat) in re adeo grati inserviret. Ad Idus vero Aprilis dum Orator denuò de hac re loqueretur, nihilque aliud tunc petiisse diceret Regem, quam ut pro pleniori totius negotij informatione, quosdam signaret Sua Sanctitas, qui rerum statum, & Provinciarum necessitatem exciperent; Aequum & iustum respondit Pontifex Regem postulasse, neq; enim, inquit, insolens aut iniustum petit, qui hoc solum rogat, ut audiat: seque curaturum dixit, ut tam rationabiliter petenti, quantum liceret, latisfieret. Dedit Orator de his omnibus ad Regem litteras 6. Idus Martias & sub mense Aprili, plenè recensens quantum comperit, & secreto intellexerit, adhuc superasse in hac re consequenda difficultatis.

Philippus  
111.

8 Paucis postea diebus innotuit in Curia, pijsimum & verè Catholicum Principem Philippum tercianula febris à nono Kalendas Ianuarias laborantem, & extremo sermone suum dolorem explicantem, quod maiorem non posuerit in hac re conatum, nec meruerit suo tempore puritatem Virgineam videre omnino stabilitam, è viuis excessisse pridie Kalendas Aprileis, transmissio amplissimo regnorum dominio, quo maius nullus hominum possedit, ad Philippum IV. suum primogenitum, quem pio & salutari documento, scriptis sua manu notulis, ad pietatem & regiminis iustitiam adhortantibus, moribundus instruxit. Sed illa adolescentuli Principis ad augustissimum imperium euehendi eo potior institutio, quo altius infiguntur exempla, quam verba, quod pius pater contempta regia purpura & Principum fastu, vocato ad se ordinis Minorum Generali ministro, leucopheæ aut murina Franciscanorum donari veste petierit, eaque super inducta mundanas pompas spernandas esse, religioso docuerit exemplo. An non hic confiderare liceat, quam tenui clauduntur exitu amplissimi Regum splendores, quam sub paupere evanescit sago, tanta rerum magnitudo? Qui paulo ante adorabatur sub ostro, splendebat in purpura, cuius potestas pertingebat à mari usque ad mare, & tendebatur ad ultimos fines terræ, iam exiguo clauditur sarcophago pauperculi monachi humili lacerna contectus? Ita supera inferis, grandia parvis mutat mors; imperium nescit, Principes non agnoscit adæquatrix optima.

Ante Mortem summi habitum Minorum.

Quid. 3.  
Amor. 8.

*Scilicet omne sacrum mors importuna profanat;  
Omnibus obscuras inijcit illa manus.*

Omnes



9 Omnes in ea sunt conditione, in qua nemo non est. *Vnus est introitus omnibus ad vitam & similis exitus.* Rectè Seneca; *Mors par est, per quæ venit, diuersa sunt; in quod desinit. vnum est; Mors nulli maior, nulli minor.* Nec minus rectè Alphonsus Rex interrogatus, quæ res Reges ac priuatos, diuites ac pauperes, claros & obscuros, deniq; prorsus omnes exæquaret? Respondit, mors: indicans pari apparatu omnes ab hac vita auocari, mortemq; æquo pulsare pede pauperum tabernas, regumq; turre. Aeterna lex est, vt qui nascitur quamuis sublimes, humiles denascantur; qui oriuntur quamuis locupletes, pauperes aboriantur, nec quicquā stabile aut firmum arbiter ille rerum esse voluit præter ipsum; nec tamen de Numine conquerendum, quod immortalitatem suam nobiscum partiri noluerit; demerenti abstulit; benemerenti demum exuta mortalitate non negabit.

10 Sperabatur, vt euenit, ad tanti Principis mortem magna in Hispanico dominatu, & Regni administris vicissitudo. *Vsitatissimum quippe est, vt ab interitu Summorum Principum magnæ fiant rerum conuersiones, dum alij crescunt & locupletantur, alij vero detrimentum accipiunt, & in varias acerbitates incidunt.* Porro neque id mirum, quoniam Regum voluntas, vt vehementes, vt mobiles, saepe sibi aduersa

— sic omnia verti  
Cernimus, atque alias assumere pondera gentes  
Concidere has.

Ad nutum regnantium aulici surgunt, cadunt; imperant, seruiunt; occultantur, emergunt; reuera ad similes abacorum calculis qui vt secundum voluntatem calculatoris modo obolum æreum, modo talentum valent; ita Aulici ad nutum Principis, modo beati, modo miseri sunt. Illorum solet esse in his vicissitudinibus potior conditio, & diuturnior fælicitas, qui procul Regibus adlaborant, quam qui propè administrant; nam proinde spectatissimus quisq; regum consuetudinem, flammæ naturæ bene comparat; que sicut paululum à se remota illuminant; ita satis admota sibi, comburunt. Ita lenere qui coram in aula, & qui longe ab aula in exteris Prouincijs erant Regni administris; illi repedarunt, hi cursum continuarunt.

11 Inter cæteros vero, quibus regio chyrographo Principis innouit voluntas, vt acceptis à patre honoribus fruerentur, iniunctisq; fungerentur Legationibus, vnus fuit præ cæteris Alburquerqueus, cui peculiari schedula intimatum est, vt eadem regni causas prosequeretur; & iustas pij prædecessoris, & desideratissimi parentis preces apud S. Dominum amplius vrgeret. Præcipuas intellexit Ora-

O o

tor,

Sap. 7. 1.

Seneca  
Epist. 67.Athena  
omnibus  
mors.Vicissitudo  
administratio  
tunc in  
Aula His-  
panica.  
Plutar in  
Moral.  
Salust. in  
Tugur.Ouid. 13  
Metam.Polyb.  
lib. 3.Claudia.  
lib. 3.  
Epist. 3.Confirmatur in Le-  
gatione Ro-  
mana Al-  
burquerqueus.

tor, quas eousq; effudit pro definienda hac Controuersia, nec quippiam nouo Regi potius esse in votis, quam vt hæc obtineretur definitio. Proinde inito consilio, & secum introducto ad Pontificæ supranominato Theologo inficit tertio, sed nunc primum Philippi IV. nomine de hac re terminanda. Plenū distulit responsū Pontifex, donec in negotio adeo graui, quid adhuc cogitaretur in Hispania, quoniam vltra processere tumultus, quantū ac quale expeterent remediū, & quam insitum Regi de claudendo hoc negotio desideriū clarius expressiusq; specialibus de hoc destinatis litteris constaret.

*Inleitur  
Orator ut  
ab instanti  
desistat.*

12 Scribit hoc ipsū Albuquerqueius nouo Regi, largiorem subtexens rei status & suæ, eousq; præstitæ curæ, relationē. Sub mense autem Iunio rescriptū accepit non harum, sed illarum quas 6. Idus Martias dedit ad Philippū III. cuius mors & filij inauguratio celebriorem impedire expeditionem, in quo propter expensas secum & intimis Consiliarijs rationes, dicebat Rex pro illo tempore desistendum esse paululū ab vltiori in hac re instantia. Epistolæ tenor est.

## R E X.

13 **D**Vx Albuquerquei Consanguinee, mihi à Consilijs & Romæ Legate. Vidi tuas litteras datas 10. Martij quibus respondes ad ea, quæ Dominus meus & Pater (cuius anima in gloria requiescat) tibi scripsit circa purissimam Conceptionem Dominae Nostræ. Attamen quamuis ego non minori ferar deuotionis affectu in hoc sanctum mysterium, volui tibi intimare, hic iudicari, quod modò expedit suspendere vltiores diligentias & instantias in hac re; Interim dum rerum status & conditio permiserit, stabitur vltimo & fauorabili Decreto Sanctissimi D. Pauli V. dum turbatis rebus necessario efficacius adhibendum sit remedium, certior fies. Madriti 12. Maij 1621.

## E G O R E X.

*De mandato Domini Regis*

ANT. DE AROSTIGVI.

*Idē domino  
statuatur.*

14 Hoc idem repetitis litteris datis Madriti 17. Kalen. Iulias respondit Rex ad alias Oratoris litteras scriptas ad eundē Philippum III. sub mense Aprilis. Priores prodierunt ex Consilio supremi status regij, posteriores ex alio Consilio, quod vocāt Camera, scriptæ per Regium Symmistam Georgium Touarium. Ad vtrasque sigilla-

sigillatim rescripsit Orator se nihil amplius peracturum in hac causa absq; nouo præcepto; desiderasse tamen vt sibi liceret Hispalensibus & Franciscani sodalitij viris, qui indefesso & continuo sibi eousque solerti in Curia cura adlaborarunt, & causæ profectui inhiabant, quotidianasque adhibebant in ea promouenda diligentias, expandere has litteras, ne suspicarentur in tam pio, & laudabili negotio se tepuisse, eiusque ignauix aut tepori, non regis præscripto, tribuerent, rem vnde quaque esse neglectam. Horum etiam pietas fouenda, solertiaque iuuandane, an interim præpedienda esset; orauit vt scriberetur; nec enim quippiam se tentare ausum in re adeo graui, dixit, absque peculiari instituto.

15 Neque inane profecto fuit viri Consilium, aut temeraria suspicio, etenim vt Domini Hispalenses Minoritici instituti Patres, & qui id ipsum nobiscum cooptabant, viderunt repescentem in precibus, & omnino desistentem ab vltiori instantia apud Sanctissimum Dominum, velut ipse ante opinatus est, iudicarunt, fueruntque qui innocentem taxarēt, & apud plures optimates in Pontificia & Regia Curia verbis, & scriptis de eius incuria conquererentur. Ille tamen sæpius apud se congregatorum demulcebat animos, longaminitatem & sufferentiam commendabat; sacro etiam sæpius interposito iuramento, suum de perficiendo hoc opere desiderium, nullo minus esse spondebat, neque quicquam huic muneri opportunum se omisisse, omisssurumue, quod Regi placeret. Neque vero inter varias opiniones, diuersaque de eius taciturnitate efformata iudicia fluctuantibus quicquam sibi à Rege interdictum planè deprompsit; quod omnes tenuit suspensos, donec hanc, quam subijcio, Orator accepit Epistolam.

## R E X.

16 **D**Vx Alburquerquei, Consanguinee, mihi à Consilijs & Legationibus Romanis. Percepi quæ in tuis litteris 20. mensis Iunij respondes ad ea, quæ statui circa suspendendam sollicitudinem in causa purissimæ Conceptionis Sanctiss. Virg. Mariæ. Retulit etiam mihi Antonius de Arostegui, quæ ipso eodem tempore circa eandem materiam ipsi scripsisti. Nihil vero occurrit, quod modo tibi præscribam, quam quod illorum, qui in Vrbe huic muneri alsistunt, diligentias seu sollicitudines non interrompas, aut præpedias, constitutū tamen in nuperioribus meis litteris ipsemet

Oo ij

obser-

obserues. Quale tamen ego tibi præscripserim, si illi ad tuam in hac causa taciturnitatem explorare, vel scire instanter cupierint, reuelare poteris, meliori quo iudicaueris modo. Madriti 3. Augusti 1621.

Ego REX

*Ex mandato Domini Regis*

ANT. DE AROSTEGNI.

*Salutem  
spem et  
fidem  
Orator.*

17 Vt hanc recepit epistolam Orator sub mense Septembri, licet ipse suam ad Regis præceptum intermiserit de hac re curam, non destitit tamen nostrum omnium laudare, & probare votum, & sollicitudinem. Vt tamen ipse ulterius pergeret, expectandum sibi esse dixit Regis præceptum; nec mirandum, addidit, inter tot Regni & belli Germanici, exorientesque Belgicos tumultus, regem quantisper turbulento hoc tempore grauissimis curis circumseptum, animum huic occupationi quantumvis sacræ, non applicuisse, eamque in commodius & liberius tempus distulisse tractandam, imo voluisse, quæ moras non patiebantur, expedire, rem deinde hanc à curis solutum solicius perficere.

18 Alijs hoc genus rationibus languentes excitabat animos Illustris Vir D. Aug. Daza oratorius in rebus Legationis Symmista, Canonicus & Decanus Ecclesiæ Segobienfis, necnon eius Secretarius, Vir pius, & in hoc Mysterium summe propensus, qui nulli aliquando pepercit labori, qui causæ nostræ promouendæ conduceret, sæpissime missus ab Alburquerqueo ut suo & Regis nomine de eadem ageret cum Pontifice & Illustrissimis Cardinalibus. Admouit viro, licet minime pigro, calcaria Antonius Daza Minorita germanus frater, qui hoc tempore peruenit in Urbem, coaptatus in Comitijs generalibus intermedijs Segouiæ à sui instituti viris celebratis, in huius Curix Commissarium.

*Iterum re-  
feruiscit  
Conceptio-  
nis tormen-  
tum, deus  
in His-  
pania.*

19 Conciderunt nihilominus animo, qui olfecerunt interdictâ à Rege ulteriorem suo nomine instantiam apud Summ. Pontificem, donec iam denuo nouis scâdalis commoueri aliquas Hispaniæ vrbes acceperunt, & referuiscere fortiusq; ebullire in Hispanorû cordibus puritatis Marianæ declarandæ desiderium: egisse etiam viros Principes apud Regem sibi liberius vacantem, ut quod pijsimi sui progenitores aggressi sunt, feliciter clauderet, optatumq; & vnicum malorû sui regni remediû efficaciter, & humiliter à Sum. Pontifice postularet. Opportunam deinde admonuerat oblatam fuisse occa-



occasionem huius gratiæ deprecandæ, dum tunc Romam mitebatur Comes Montis-regij extraordinarius Legatus, vt quanta erat & Regis & sibi ſubditorum regnorum erga Sanctam Sedem filialis obedientia nouo Pontifici præſens ſignificaret. Iniungendum ergo conſuluerunt Comiti hoc munus, vt pro primo & omnium maximo, hoc donum à Sanctiſſimo peteret Antiltite, vt vel vltima definitione Controuerſiam clauderet, vel illud adhiberet temperamentum, vt iam amplius non ageretur de contraria ſententia, ad quam omnes conturbabantur.

20 Acquieuit horum conſilijs Rex, & pijs efficacibusque verbis commiſſa hac cura Comiti ad iter aëcineto, ſcribi iuſſit ad Alburquerque ſequentes litteras, vt noua interpoſita prece melius diſponeretur & facilius obtineretur quod erat in votis, accedente nouo Legato.

*Commendatur nouo Legato etiam rei ſollicitudo. Inducitur Alburq. ut preceat orando.*

## R E X.

**D**Vx Alburquerquij, Conſanguinee, mihi à Conſilijs & à Legationibus Romanis. Quantumuis ſtatim vt in horum regnorum dominatu ſucceſſi meis progenitoribus, iuſſi tibi ſcribi, quæ accepſti circa puriſſimam Conceptionem Virginis Mariæ, nihilominus quia modo aliter res poſtulat, & quia ſingulari feror deuotione in hoc ſanctum Myſterium, decreui deſtinare Sux Sanctitati hanc, quam mitto, Epistolam, cuius etiam exemplar ad te mitto. Eam præſens dabis ipſe, & conformiter ad ea, quæ ſcribo loquæris Sux Beatitudini ſignificabilique quanto me afficiet conſolatione & gaudio, ſi tandem hoc opus perfecit, quod ex ſanctis ſuis manibus me accepturum conſido. quicquid fiat, ſtatim reſcribe. Madridi 10. Nouembris anno 1621.

E G O R E X.

*De mandato Domini Regis*

ANT. DE AROSTEGNI.

21 Communi omnium noſtrum, & ſuo gaudio accepit has litteras Orator ad nonas Decembris, reſumptoque animo, & conce-  
pta meliori ſpe cœpit ſolicitus ſecum cogitare, congregatiſque ſæ-  
pius in vnum viris Hiſpalenſibus, ſupranominato Theologo, Antonio Daza ſui ordinis Commiſſario, Bernardino de Arcualo, ſibi

*Inducitur Alburq. ſapientia in hac re conſilium.*

O o iij

à ſecre-

à secretis conscientiae, eiusdem instituti viris Theologis, cum omnium minimo, anxius tractare quomodo, & quibus rationibus possit hoc opus ad perfectum deduci. Ponderatis, praevidentibusque proponenda erant Sanctissimo Domino, iniunctam de hac re Legationem obiit ad Idus Decembris, praemissis de more officiosis, & humilibus Regis salutationibus, piis eius, & feruens expandit de terminanda hac Controversia desiderium, vel de quouis adhibendo scandalis remedio necessitatem. Largum de his produxit sermonem, & benignè exauditus, quas subiungo Regis litteras Sanctissimo Domino porrexit.

*Regis Pontifici porrexit litteras.*

### SANCTISSIME PATER.

22 **H**orum Hispaniae Regnorum Reges, mei Praedecessores magno colebant affectu purissimam Conceptionem Dominae Nostreae Virginis Mariae, sed praeter ceteris Rex Pater, & Dominus meus magno fervore eandem veneratus est. Instillata etiam mihi à progenitoribus peculiaris huius sacri Misterij, & sanctae festivitatis deuotio, quam Vestrae Sanctitati propalam duxi, humiliter deprecans, ut in felici tuo Pontificatu id curare digneris, ut exaltetur, & extendatur in populo Christiano haec pietas in Virginem, ijs apposis remedij, quae sancto tuo zelo, mira eruditioni, & rerum experientiae potius expedire, & magis ad obsequium, & honorem Dei, & Domini Nostri, suaeque benedictae Genitricis conducere videbuntur. Deus Sanctam Tuam Beatitudinis personam custodiat incolumem. Datum Madriti 10. Nouembris anni 1621.

### SANCTITATIS VESTRAE.

*Deuotus admodum & Humilis filius, PHILIPPVS Dei gratia Rex Castelle, Legionis, Aragoniae, utriusque Siciliae, Hierusalem, Portugalliae, Nauarriae, Indiarum &c. qui sanctos tuos pedes, & manus osculatur.*

### R E X.

*De mandato Domini nostri Regis,*  
ANT. DE AROSTEGNI, Secretarius.

23 Congratulatus est Sanctus Pontifex Adolescentis Regis laudabili pietati, quippe qui inter bellorum strepitus, & amplissimi Dominij curas, de pio erga Sacratissimam Virginem cultu tanto-  
pere

pere cogitaret. Porro se etiam cogitaturum dixit, quatenus pijs deuoti Principis votis possit satisfieri. Rescripsit omnia Orator ad Regem animaduertens negotij grauitatem, vincendasque difficultates piorum orationibus, & diuino adiutorio, quod vt Religiosis supplicationibus imploraretur, orauit; interea egit cum principibus expurpuratis Patribus, qui auxilio poterant esse, & fauori, vt suam etiam opem vellent prestare; aliaq; exercuit munia, quæ allequendæ huic rei videbantur opportuna.

24 Sua etiam tunc putarunt interesse Isabella Regina, Ferdinandus Cardinalis, germanus Regis frater, & Margarita Austriaca Maximiliani Imperatoris filia, eiusdem Regis Amita, strictius Clarissarum institutum professa, Regijs precibus suas adiungere, multiplicatisque intercessionibus ostendere omnium, & singulorum vnum esse in hac re affectum, atque vnanimi tot Principum subscriptione sacrum præbere testimonium (cui plenam fidem denegare ipsa regibus debita prohibet religio) de magna rescindendorum scandalorum necessitate; & huius Controuersiae felicem exitum, summam, & vniuersalem pariturum in fidelium cordibus exultationem. Subiunxerunt & suas preces alij Dynastæ, & ex Silentarijs, qui à latere Regis, alij, sed præ exteris orauit instantius propter emissum votum de recuperata extemporaneè valetudine ad inuocationem B. Virginis sub huius Misterij veneratione, Comes Oliuarensis Regis fauoritus, datis ad Sanctissimum Dominum, eiusque Nepotem Illustrissimum Cardinalem Ludouisum epistolis. Principum litteras subijcio.

## BEATISSIME PATER.

25 **A**ntiqua deuotio, qua vniuersa nostri dominij regna semper prosequuta sunt Angelorum Reginam, & Dominam nostram, excitarunt in eisdem & in me feruida desideria, vt foueatur Apostolica determinatione, pia, & secunda veritas, de pura, & munda eiusdem Virginis Conceptione. Et quantumuis iam pridem feruenter de hoc ipso institutum est, gloriosum hoc facinus referuatum iudico fausto, & felici Vestra Beatitudinis tempori, quæ tot signis deuotissimum se exhibuit erga Immaculatam Conceptionem; proinde summa securitate & confidentia, omni quo possum affectu (vt aliqualis ex hac parte meriti particeps fiam) humiliter obsecro Vestram Beatitudinem vt dignetur vniuersa hæc Regna



consolari per vltimam determinationem in causa adeò rationabili. Porro si propter rei grauitatem longiori mora opus fuerit, affectuosiùs, & supplex oro, vt Vestræ Beatitudini complaceat statuere, quod dum non peruenitur ad vltimam definitionem, non liceat nec disputando, nec altercando contrariam defendere sententiam in publico, nec in secreto. Adeò etenim aduersa est vniuersali deuotioni harum Prouinciarum, vt iam in illis euaserit scandalosa. Magnum induo confidentiam de consequenda hac gratia à Vestra Beatitudine cuius sanctissimam personam Deus custodiat incolumem ad felix & prosperum vniuersæ Ecclesiæ regimen. Madriti 5. Nouembris anno 1621.

VESTRÆ BEATITVDINIS

*Humilis admodum & deuota filia D. ISABELLA  
Dei gratia Regina Hispaniarum, vtriusque Citiæ,  
Hierusalem, Nauarra &c. quæ Beatitudinis Vestræ  
sanctos pedes, & manus exosculatur.*

REGINA.

SANCTISSIME PATER.

*Cardinalis  
Infantis  
supplex  
Epistola.*

26 **A** Deò antiqua, & recepta est in his Regnis pia deuotio erga mundam, & puram Virginis Mariæ Dominæ Nostræ Conceptionem, vt quicumque velit contrarium etiam per modum disputationis tueri, notorium excitet scandalum. Propterea toties & tam instanter supplicatum est vt vellet Sedes Apostolica infallibili sua determinatione tollere omnem libertatem contra Immaculatam Conceptionem sentiendi. Quod vero hucusque factum non sit, ego tribuendum puto diuinæ voluntati, quæ ita disposuit vt gloriosum hoc facinus felicissimo Vestræ Sanctitatis Pontificatui seruarietur; quæ alias tot signis suam in Immaculatæ Conceptionis Mysterium deuotionem ostendit, eadem etiam ego commotus, necnon feruidis desiderijs omnium incolarum horum Regnorum, securus, & supplex oro Vestram Beatitudinem vt dignetur totaliter resolvere negotium, quod in omnium votis est, & magni censetur momenti. Si vero rei grauitas moram exegerit, deprecor vt interim prohibeat Vestra Beatitudo defendi contrariam sententiam tam in publico quam in secreto; adeo etenim aduersatur communi hominum deuotioni, vt in omnibus scanda-

VIRG. MARIAE, SECTIO IIII. 441

scandalum generet. Dominus nolter Sanctissimam personam Vestrae Beatitudinis custodiat incolumem ad multas, & felices annos pro Christianae Reipublicae emolumento. Madriti quinta Nouembris anno 1622.

SANCTISSIME PATER.

*Osculatur Sanctos Tue Beatitudinis pedes suis  
Humillimus filius*

CARDINALIS INFANS.

SANCTISSIME PATER.

27 **M**Ei officij, & obligationis esse iudicaui intercedentibus Rege & Regina pro definienda B. Mariae Virginis Con-  
ceptione cuius decisionem distulit Deus ad Vestrae Beatitudinis tempus, vt & ego humiles meas intermisceram supplicationes. Supplex ergo deprecor, quo possum affectu, vt iam tandem determinare dignetur Vestra Beatitudo pro omnium desiderio, quid in hoc sancto Mysterio tenendum, & credendum sit, per quod scandalorum causae tollentur & omnium summa, & vniuersalis erit exultatio. Hoc mecum deprecantur omnes huius religiosae ædis pia Sanctimonialia, quibus & mihi vt Vestra Beatitudo suam impartiri dignetur benedictionem humiliter obsecramus. Sanctissimam Vestrae Beatitudinis personam ad prosperum vniuersae Ecclesiae regimen Deus Opt. Max. ad felices annos custodiat. Madriti 10. Nouembris anno 1621.

*Margareta  
Austriaca  
Epistola.*

SANCTISSIME PATER.

*Osculatur Vestrae Beatitudinis pedes Humilis &  
obediens filia, soror*

MARGARETA A CRUCE.

28 Ad tot tantorumq; Principum intercessionem animum applicuit Sanctissimus Dominus ad cogitandum serius de tollendis scandalis fidelium, quod ex hac Controuersia oriri Principes contestabantur: distulit tamen ad aduentum Oratoris extraordinarij, cui etiam mandatam huius rei pertractandae Prouinciã esse cognouit, voluit etenim plenius informari ab oculato & aurito teste de rerum statu, & Prouinciæ necessitate, & experiri an forte longiori dissimulatione, & protracta mora, rerum status mutaretur.

29 Doluit

*Ductu se-  
cundum  
ritu servu  
instat Al-  
burquerque.*

29 Doluit Dux Alburquerqueus non iam tractari, aut saltem inchoari, quod ulterius differri non posse iudicavit, tum ob rerum exigentiam, tum ob continuam & multiplicem Principum instantiam. Quare peractis Natalis Dominici solemnibus Pontificem adiit, conuocatis, & secum introductis præfatis Commissario & Theologo, meaque humilitate, vt simul omnes comprecaremur, & deinde quisque sigillatim eas promeret rationes, quibus efficacius rem obtinendâ esse videretur. Prostratos se coram, Sanctus Pontifex benigne complexus, piè & leniter nostras preces excepit, suas præmittente & opportune interponente Alburquerqueo, qui è regione ad Pontificis lænam in scamno confidebat. Oraculum eructavit Sanctissimus Pater sat fauorabile, se videlicet, iam nihil tam animo reuoluere, quam vt scandalis occurreretur, adeo continuis & efficacibus deprecationibus, quantum æquitas permetteret, scriberetur, & religionum molestijs diuturnisque perturbationibus possit subueniri. Hilari deinde fronte Pontificiam addidit benedictionem, & multam spem de quantocius componenda Controuersia.

*Notus ap-  
pellus Le-  
gatus.*

30 Magno omni gaudio affectit affabilis Pontificis responsio, & pia dirimendi huius dubij resolutio: expectaturum tamen facile iudicauimus aduentum Comitris Montis-regij, quem iam Barchinone soluisse, breuique adfuturum in Vrbe personuit. Interim priuatim & absque strepitu versabant quæstionem pij, & docti viri in Curia, & vtriusque partis fautores sua denudabant fundamenta & præparabant responsa. Superuenit deinde notus Legatus, post longiorem Genue moram protractam, ipso profesto Sancti Gregorij Papæ, præcipuis, & frequentibus Romanæ Nobilitatis & Hispanicæ confederationis stipatus optimatibus, præsalutatus per internuncios in ipso itinere, vt Romanis moris est, ab Illustrissimis Cardinalibus alijsq; Dominis Ecclesiasticis, missis ad Comitum suis amicis & seiugis vehiculis. Sequenti die insigne & sacrum ingressus Theatrum, ad Vericis Apostolorum confessionem erectum, myste- riosas illas vidit cæremonias, quibus Pontifex Sanctis adnumerauit Isidorum Madritensem, Ignatium Loyolensem, Franciscum Xanerium, Tereciam à Iesu Hispanos, & Philippum Nerium Florentinum.

*Assiste  
Caraciza  
tions San-  
Geronimo.*

*Magnif.  
cuius causa ap-  
paruit.*

31 Idibus deinde Martijs Specimen dedit, (vti inoleuit consuetudo) magni apparatus ampli & splendidi Comitatus, quibus hanc aggressus



aggressus est Legationem à Porta Flaminia, vulgariter *Del Popolo* dicta, & numerosa serie Equitum & vniuersorum optimatum Romanorum medius inter Pontificis fratrem & nepotē, multo auro, gemmis, serico splendescens ad Alburquerquij ædes, sui Hospitij sedem, deductus. Postridie simili fastu & magnificentia Pontificium in Vaticano conscendit Palatium, causam dicturus, obedientiam præstiturus. Deinde vndecimo Kalendas Aprilis à Sanctissimo Domino illum dumtaxat pro Regis instructione petijt sibi exhiberi fauorem, vt quam primum fieri possit pro malorum quotidie exorientium remedio, pro summa Regis pietate, & communi regnorum prece vltimam apponat manum molestæ, & iam satis discussæ quæstioni, vel dum differenda sic definitio, sopienda sint scandala, & præuenienda imminencia mala illius opinionis silentio, quæ peccatum statuit in Virgine Deipara. Retulit etiam rei statum in Hispania, & grauiorum euentuum narratione, suam postulationem æquam & Pontificis assensum necessarium esse, verbis, & scripto probauit.

*Petit huius  
negotij re-  
solutiorem.*

32. Iam tandem Regijs precibus, publico subditorum extortis periculo, & ab altero, imo iam tertio & quarto Oratore propositis, annuendum iudicauit sacer Antistes, & ante Comitum recessum aliquid in hac re statuendum promissit. Illis ipsis diebus Paschalibus intellexit Orator rem hanc tractandam coram Illustriss. Dominis Cardinalibus fidei speculatoribus in Sacrosanctæ inquisitionis summo Senatu, & hunc conuocandum proximo die Iouis post lapsa Paschalia; misitq; die Mercurij nobilem sibi à Secretis virum, qui suo nomine dato libello supplici deprecaretur, vt hæc res proponeretur in crastino. Ita factum est, sanctum & summè venerandum illum cætum grauitè, ea, qua Pontificem decet, Maiestate, ipso Sanctiss. Domino alloquente, & explicante Regis Principumque deuotas & continuas instantias, Prouinciarum commotionem, remedij necessitatem. Qua ratione in tanta re procedendū sit, quidue faciendum vt malis obueniatur, & satisfiat Regi iustè petenti, vt turbatis suis regnis prouideatur, iussit vt vnusquisque secum meditaretur, & octiduo post, eodem ipso in loco referret.

*Subscribere  
intendit  
Pontifex  
Regis pro-  
cium.*

*Proponit  
rem Sanct.  
Domini  
Illustriss.  
Cardinali-  
bus.*

33. Non latuit Comitum, quam bene secum actum sit, quod optimis iudicibus & candidis viris iam commissa sit, saltem discutienda, vel præmeditanda, quam desiderabat, negotij resolutio. Vt autem festiua esset, & festina omnes & singulos alloquendos & plenè

plenè instruendos duxit de commendata sibi Prouincia, & deprecandi necessitate. Adhibuit sibi comites Gondisaluum Albernozium Societatis I E S V virum doctum & gravem, sibi à confessio- nibus, & prænominatum Franciscanorum Commissarium. Ille quod politicum & Regium, hi Ecclesiasticum & Theologicum proponebant; si Controuersia diffiniri possit, hoc consultius ad- diderunt, sin autem, ob temporis angustias à confabulationibus, & cultu in quibuscumque actibus tam publicis, quam secretis inte- rim relegandum esse, quod immaculatæ videretur contraire Con- ceptioni, neque enim aliter pacari posse res Hispanicas, neque Re- gem posse à prece desistere, plenam faciebant fidem. Copiosum de his porrexerunt vnicuique scriptum, ex quo illud collegerunt vniuersi purpurati hi Patres, illud dumtaxat peti, vt dum non pro- cederetur ad definitionem, neque defendi villo modo publico, aut secreto, posset affirmatiua sententia, neque in cultu diuino amplius liceret vti voce aut ritu Sanctificationis.

*Aquam  
moliant  
Regis pre-  
tensionem.*

34 Collatis inuicem Prouinciarum commotione, scandalorum multitudine, populi deuotione, & Principum instantia, cum mo- dica, imò nulla vtilitate, aut necessitate vt affirmatiua doceretur opinio, Christianumque, & religiosum iudicantes, vt sub vnanimi voce idem esset in solemnii cultu ritus Ecclesiæ, indicto Conuentu, vt moris est, die proximo Mercurij, omnes qui interfuerunt, ratio- nabile & iustum dixerunt quod postulabatur, atque vt concedere- tur, consulendum esse Pontifici. Sperabatur solemnii Pontificis in crastina congregatione confessus, vt auditis Cardinalium senten- tijs, suam ederet, quando illa nocte grauioris sequelas ætatis, varios sensit dolores; his per aliquot laborauit dies, sub quibus Comes Neapolim contendit, tum vt insigne illud emporium conspicaretur, tum vt quæ habuit in mandatis à Rege, perficeret.

*Agrotat  
Pontifex.*

*It Neapo-  
lim Comes.*

*Commo-  
nentur con-  
sarij ad  
vnam  
Cardina-  
lium sen-  
tentiam.*

35 Sed ante discessum sensit strepere aduersæ opinionis tutores, qui dum olfecerunt Illustrissimorum Cardinalium consensum sibi aduersum, nullum non mouebant lapidem, vt concordēs dissolue- rent, & præcipuos eò ducerent, vt aliter sentirent. Id aggressi sunt diuersis, sed vt plurimum exsoletis iam rationibus, tum in Illu- strissimorum domibus, dictis, tum in varijs opusculis porrectis, sæpiusque repetitis. Ad has illorum commotiones adesse debere iudicauit Comes, qui suo nomine faciliorem haberent accessum ad Illustrissimos Dominos, & plene satisfacerent contrarijs obiectionibus.



nibus. Prouinciam hanc demandauit supranominato Franciscano Theologo, & mihi prorsus indigno: cuidamque suo palatino iniunxit, vt præsens nobis, & socius adesset, suumque adhiberet officium in ijs, quæ nobis viderentur opportuna.

36 Post abscessum Comitis, plures in contrarium adhibitæ diligentia, vrgentiores acrioresque in suo sensu, qui affirmatiue cauebant. Sed & diuulgatum scriptum quoddam anonymum Pontifici, & Regi insensum, in quo omnes etiam ipsi, qui ex aduerso sentiebant, modestiâ, & pietatem, ne quid amplius dicam, requirebant. Sibi incumbere iudicauit Dux Alburquerqueius contrarijs his conatibus, & huiusmodi ausibus semet opponere, nobisque præsentem adesse. Quare conuocatis etiam viris Hispalensibus, Minorum Commissario, singulos inuisit Cardinales, quibus nostræ iterato patefactæ sunt rationes, & pro virili satisfactum eis, quæ propositæ erant ex aduerso. Scripta etiam opposuimus scriptis, eadem ipsas ferme continentibus obiectiones, quas sæpius elutimus, & largius refellunt Tractatus, qui in secunda offeruntur Sectione. Nihil fermè non plene à contrarijs dictum, & pro arbitrio obiectum, per integrum mensem, & amplius, dum non redijt Legatus, nec conualuit Sanctis. Dominus, ita vt rectè perceperint Illustr. Cardinales constituti in causâ Iudices, quibus nitebatur fundamentis vtriusque partis sententia, & quam sine veritatis iniuria ad populorum quietem, & ædificationem taceri possit affirmatiua.

37 Interim vt ad Dei gloriâ, & veritatis manifestationem sanctû haberet hæc Controuersia exitum, indictis publicis precibus à suo primicerio, oblati solemnibus missarum sacrificijs, & quotidianis Processionibus in suis templis orabant Minoritæ, donec regresso Comite sub Idibus Maij, & recuperata iam valetudine, rei curam reassumpserit Sanctis. Dominus, & serius de ea iterum egit. Nono deinde Kalèdas Iunias, in Monte Quirinali, in plena Sacrosanctæ Inquisitionis Congregatione, Purpuratorum Patrum vnanimem sententiam de interdicenda in quibuscumq; actibus illa opinione, ad quam populi commouebantur, & de tollendo è cultu Ecclesiastico nomine *Sanctificationis*, Apostolica auctorita plene approbanit, & firmiter stabiliiuit. Qua tamen forma, vel quibus clausulis Decretum hoc esset edendum Illustris. Dominis Cardinalibus determinandum commisit. Hic exorta noua dubia, & controuersia, quibus fauorabiliter terminandis iterum serio nobis

*Alburquerqueius  
qui hæc con-  
trarijs ob-  
iicit dilige-  
nti.*

*Serius iterum agi-  
tur de hæc  
Controuer-  
sia.*

laborandum fuit, & sigillatim alloquendi Illustrissimi Domini, ne à quibusdam inculcatæ admitterentur, aut aliæ apponerentur clausulæ, quæ dubiam redderent Decreti intelligentiam, aut noua præberent scandalis fomenta.

38 Aduertere semper in his, & in cæteris omnibus suo consilio & adiutorio duo Illustrissimi Cardinales Hispani D. Gaspar tituli Sanctæ Crucis in Hierusalem de Borja, & D. Gabriel tituli Sancti Bartholomæi in Insula de Trejo, quorum sæpius per suum Confessarium desiderabat Comes in agendis sententiam, & quos Domini Hispalenses, & Minores habuimus semper in hac causa fautores præcipuos. Interuenerunt etiam Patres Societatis IESU (qui multam præstiterunt operam doctis editis scriptis, & pijs exhortationibus ad populum, in hoc promouendo negotio) apud Cardinales beneuolos & amicos, ut fauorabiliter, & absque ambiguis exceptionibus conderetur Decretum. Egerunt non semel de hac re Illustrissimi Iudices, & tandem 3. Kalendas Iunias bonam & ratam hanc quæ sequitur habuerunt Decreti dispositionem, dummodo Sanctissimo Domino placeret. Paucis antea diebus secessit in ciuitatem Tusculanam Sanctissimus Pater animi refocillandi gratia, ad quem transmiserunt compacti à se Decreti exemplar Illustrissimi Cardinales, ut pro supremo suo iudicio, additis vel subtractis, quæ placerent, in omnium ederetur conspectum. Approbatam remittit postridie Sua Sanctitas Constitutione ad Illustrissimum Dominum Cardinalem Bandinum Sanctæ Congregationis primicerium, diuulgarique iussit ritu solito typis excusam. Prodiit ex typographia Camerali ultimo nonas Iunias, & eodem die affixa est ad valuas Basilicæ Apostolorum, & in acie Campi-floræ, summo nostro desiderio, & magna omnium exultatione.

## Forma Constitutionis hæc est.

39 **F**ERIA III. die XXIV. Maij, Anno à Natiuitate Domini Nostri IESU Christi M. DC. LXXII. In Generali Congregatione Sanctæ Romanæ, & vniuersalis Inquisitionis habita in Palatio Apostolico in Monte Quirinali coram S. D. N. GREGORIO diuina providentia Papa XV. ac Illustrissimis, & Reuerendissimis DD. S. R. E. Cardd. aduersus hæreticam prauitatem Inquisitoribus à Sancta Sede Apostolica specialiter deputatis.

SANC TIS-

**S**ANCTISSIMVS D. N. auditis votis Illustrissimorum & Reuerendissimorum DD. Cardinalium contra hæreticam prauitatem Generalium Inquisitorum Decretum alias editum à sæl. rec. Paulo V. eius Prædecessore tenoris sequentis, videlicet.

Sanctissimus Dominus postea post longam & maturam discussionem auditis votis Illustrissimorum, & Reuerendissimorū DD. Cardinalium contra hæreticam prauitatem Generalium Inquisitorum, re accurate & diligenter perpensa, provide considerans, quod quamuis in constitutione sæl. rec. SIXTI IIII. super CONCEPTIONE Beatæ Virginis MARIE, pro submouendis inter Christi fideles scandalis, rixis & contentionibus edita, à Sancta Tridentina Synodo innouata, & deinde in alia constitutione sancte PII V. super eadem re, quas similiter Sanctitas Sua innouauit cum quibuldam prouisionibus & adiectionibus pœnarum pro efficaciori earum obseruatione, relinquatur vnique libera facultas tenendi, & etiam asserendi vtramque partem, quod scilicet fuerit, vel non fuerit concepta cum peccato originali, dum tamen neutra veluti erronea, aut hæretica damnetur, nihilominus ex occasione assertionis affirmatiuę in publicis concionibus, lectionibus, conclusionibus, & actibus publicis, quod eadem Beatissima Virgo fuerit cum peccato originali concepta, oriuntur in populo Christiano cum magna Dei offensa, scandala, iurgia & dissentiones. Propterea volens huiusmodi scandalis ex debito sui muneris providere, decreuit & præcepit, ac præsentis Decreti virtute mandat, & præcipit omnibus, & singulis cuiusuis ordinis, & instituti Regularibus, & alijs quibuscumque tam Ecclesiasticis, quam Sæcularibus personis cuiusuis conditionis, status, gradus, ordinis, aut dignitatis, tam Ecclesiasticæ, quam Sæcularis, etiam si specialis, specifica, & indiuidua earum esset necessariò mentio facienda, vt in posterum, donec articulus huiusmodi à Sancta Sede Apostolica fuerit definitus, aut per Sanctitatem Suam, & Sedem Apostolicam fuerit aliter ordinatum, non audeant in publicis concionibus, lectionibus, conclusionibus, & alijs quibuscumque actibus publicis asserere, quod eadem Beatissima Virgo fuerit concepta cum peccato originali. Contra facientes autem, eadem Sanctitas Sua voluit, & declarauit, subiacere debere, & subiecit Censuris, & pœnis contentis in supradictis Constitutionibus suorum Prædecessorum, & sua, ipso facto incurrendis. Per

huiusmodi tamen prouisionem Sanctitas Sua non intendit reprobare alteram opinionem, nec illi vllum prorsus præiudicium inferre eam relinquens in eisdem statu & terminis in quibus de præfenti reperitur, præterquam quoad supradisposita. Vterius iub eisdem censuris & pænis mandans, quod negatiuam opinionem, videlicet, quod non fuerit concepta cum peccato originali, in prædictis publicis actibus asserentes, aliam opinionem non impugnent, nec de ea aliquo modo agant, seu tractent. Insuper voluit & expresse mandauit, vt extra hos casus expressos publicorum actuum in reliquis omnibus supradictæ Constitutiones firmæ, & illæ remaneant, & exactè obseruentur, perinde ac si præfens Decretum non emanasset, & ita decreuit, & mandauit vbique inuiolabiliter obseruari, non obstantibus in hac parte supradictis Constitutionibus & alijs omnibus in contrarium facientibus, &c.

Hoc suo præfenti DECRETO ex eiusdè causis euitandi scandala, dissentiones, atque discordias in populo Christiano, quæ pari ratione oriri possunt, & vt accepit, in aliquibus Regionibus iam ortæ sunt, ex sermonibus priuatis occasione assertionis affirmatiuæ, extendit & ampliauit etiam ad priuata colloquia & scripta, *Mandans & præcipiens omnibus & singulis supradictis, ne de casu ro, donec articulus huiusmodi à Sede Apostolica diffinitus & per Sanctitatem Suam & Sedem Apostolicam fuerit aliter ordinatum, neq; etiam in sermonibus & scriptis priuatis audeant asserere, quod eadem Beatissima Virgo fuerit concepta cum peccato originali, nec de hac opinione affirmatiua aliquo modo agere seu tractare, exceptis tamen, quibus à Sancta Sede Apostolica fuerit super hoc simpliciter indultum.* Per hoc tamen Sanctitas Sua non intendit reprobare hanc opinionem, nec ei vllum prorsus præiudicium inferre, eam relinquens in eisdem statu & terminis, in quibus reperitur, præterquam quoad in supradicto fæl. record. Pauli V. & hoc suo Decreto disposita. Eademque Sanctitas Sua voluit & expresse mandauit vt in reliquis omnibus, vbi huiusmodi Decretis non aduersantur, Constitutiones Sixti I V. Alexandri VI. & Pij V. ac Pauli V. eius Prædecessorum super Conceptione Beatissimæ Virginis Mariæ firmæ & illibatæ remaneant, ac exactè obseruentur, perinde ac si huiusmodi Decretum non emanasset. Et insuper eadem Sanctitas Sua cum Sancta Ro-

sta Romana Ecclesia de Beatissima & intemerata Virginis Mariae Conceptione festum solemniter, & officium celebret, omnibus & singulis personis Ecclesiasticis, tam secularibus, quam cuiusvis ordinis & instituti Regularibus, *Mandat ac precipit, ut in Sacrosancto Missa Sacrificio ac diuino officio celebrandus, tam publicè, quam priuatim non alio quam Conceptionis nomine uti debeant.* Contrauenientes autem Sanctitas Sua voluit & declarauit subiacere debere, & subiecit censuris & pœnis contentis in supradictis Constitutionibus, ac præfato Decreto suorum Prædecessorum ipso facto incurrendis. Et ita decreuit & mandauit vbique inuiolabiliter obseruari; non obstantibus in hac parte constitutionibus superscriptis, Decreto præfato Pauli V. consuetudinibus etiam immemorabilibus, nec non omnibus & singulis, quæ Prædecessores prædicti voluerunt non obstat, ac alijs quibuscumque in contrarium facientibus. Volens & decernens pro obseruatione & executione præsentis Decreti, & omnium in eo contentorum, quod contra huiusmodi transgressores etiam Regulares cuiusvis ordinis & instituti, etiam quomodolibet exemptos, & alias quascumque Ecclesiasticas & Sæculares personas, cuiuscumque status, conditionis, gradus, ordinis, aut dignitatis, tam Ecclesiasticæ, quam Sæcularis, tam Episcopi & Prælati Superiores, alijque ordinarij locorum, quam hæreticæ prauitatis vbique locorum deputati Inquisitores procedant, & in eos seuerè animaduertant, tribuens eis & eorum cuilibet liberam facultatem, & auctoritatem contra eosdem Transgressores procedendi, ac pœnis coercendi & puniendi. Voluit demum, ne præmissorum ignorantia à quoquam prætendi possit, quod præsens Decretum, seu illius exempla ad Valuas Basilicæ Principis Apostolorum de Vrbe, & in Acie Campi-floræ affixa, omnes ita arceant, & afficiant, perinde ac si yniciuique personaliter intimata fuissent, quodque præsentium transumptis etiam impressis manu Notarij publici subscriptis, & sigillo alicuius personæ in dignitate Ecclesiastica constitutæ munitis, eadem prorsus fides adhibeatur, quæ præsentibus adhiberetur, si forent exhibitæ vel ostensæ.

ANDREAS DE PETTINIS *Sanctæ Romanæ  
& Vniuersalis Inquisitionis Notarius.*

Pp iij

Anno

„ Anno à Natiuitate Domini Nostri I E S V Christi millesimo sex-  
 „ centesimo vigesimo secundo, Indictione V. die verò secunda men-  
 „ sis Iunij, Pontificatus Sanctissimi in Christo Patris & D.N: G R E-  
 „ G O R I I. diuina prouidencia Papæ X V. anno eius secundo, supra-  
 „ dictum Decretum affixum, & publicatum fuit ad Valuas Basilicæ  
 „ Principis Apostolorum de Vrbe & in Acie Campi. floræ, vt moris  
 „ est per me Brandimartem Latinum S. D. N. Papæ Cursi.

OCTAVIUS SPADA *Mag. Cursi.*

*Vniuersale  
 gendum  
 ad publica-  
 tionem De-  
 creti.*

40 Ipso eodem die gratulati sumus omnes, qui causæ ad labora-  
bamus, Excellentissimis Oratoribus, ad quorum preces tot nostri  
labores, & vota opatissimum sortita sunt exitum, & nobis ipsis  
inuicem gaudebamus, quod adeo feliciter in tantam Dei Genitri-  
cis laudem nostra cesserint continua studia, & longanimis tot an-  
norum inter varias contradictiones sufferentia. Oratores vero  
 Sanctissimo Domino & Illustrissimis DD. Cardinalibus, quas  
 potuerunt, habuerunt gratias, tum Regis, tum peculiari suo nomi-  
 ne, propter auditas suas preces & vniuersale beneficium in vniuersa  
 Hispaniæ, imò & Christiani orbis dominia concessum. Non po-  
 tuit non lætari Sanctissimus Antistes ad communem omnium læ-  
 titiam, quam vel hoc ipso facto testati sunt, quod sudantia adhuc  
 sub prelo Decreti expectabant exemplaria, & pretio non vulgari  
 omnia ab ipso ferè torculari pia auditate redemerint, & in vniuer-  
 sas miserint nationes. Minores, quorum præ omnibus intererat,  
 dum tercentum annorum vota & indefessa studia hac solemnī con-  
 stitutione viderant completa, peculiarem suam lætitiā pio ausu,  
 licet in huiusmodi euentibus in vrbe in solito, condonando tamen  
 magno in Virginem Illibatissimam affectui, significarunt in præ-  
 cipua sua aede Arææli in ipso Capitolii vertice, & in alijs grauiori-  
 bus tam Fratrum, quam Monialium Cœnobijs, accensis lumina-  
ribus innumeris, varia struæ exstructis focis, alijsque in tenebrarum  
caligine splendentibus signis, per tres continuas noctes ab edito  
Decreto. Ad aras etiam solemnes intonarunt hymnos, ordinatis  
 etiam processionibus, & grauiori ritu sacris celebratis in gratiarum  
 actionem, & immaculatæ Mariæ publicum honorem ob stabili-  
 tam ab vniuerso peccatorum genere immunitatem. Similiter vt  
 factum personuit, fecere in circumuicinis ciuitatibus Tyburtin.,  
 Viterbien., Parthenopæa, in ditionibus Ducis Vrbinate, & Pisani,  
 alijsque

alijsque Sabinæ, Romanæ, Marchiæ urbibus, quorum statim peruenerunt relationes in Urbem. Quid autem facturi sint in omnibus Hispaniæ Prouincijs, & angulis, necnon cæteræ religiones, imò & quæuis hominum communitates, prædiuinare poterit, qui ea vidit spectacula & immensa trophæa, solemnelq; ludos, quæ ad primum edidère Decretum, in quibus pauperum inopia certabat cum diuitum opulentia, dum hi omnia in Virginis obsequium profundebant, illi dolentes, quod diuitias erogare non poterant, affectum consecrabant.

41 Ex tempore, vt beneficium hoc impensum, destinauit Comes tabellarium ad Regem, qui Decretum ferret, & omnem reieuentum referret, neq; quicquam amplius sibi expectandum iudicauit, iam perfuncta Legatione, & obtento, quod præ omnibus Rex sibi commendauit & ipse habebat in votis. Quare acceptis Sux Sanctitatis benedictione sacrilque diuorum reliquijs, licentiam & placitum Sanctissimi Domini petijt vt regrederetur; vt qua functus est, Legationem renunciaret. Non prætereundam absque Sanctæ Sedis Apostolicæ laude pij Regis in Virginem deuotione, & cordatam humilemque eius apud Summos Pontifices intercessionem, Pontificijs etiam encomijs celebrandam, iudicauit Sanctissimus Dominus; quare per eundem Oratorem graue & honorificum nomini Hispano, Breue Apostolicum, quod sequitur, remisit.

*Remittitur  
Regi Decretum.*

## PHILIPPO REGI

HISPANIARVM.

## GREGORIUS PP. XV.

**C**harissime in Christo fili noster salutem. Catholicæ Religionis decus & Austriacæ pietatis argumentum est, Regem potentissimum, Cui vtriusque orbis Prouinciæ amplissimæ famulantur, tanto studio Sanctorum laudibus, & Beatissimæ Virginis dignitati inservire. Benedicimus Maiestati Tux charissime fili, dignamque tibi à Dominantium Domino Regia pietate felicitatem precamur. Sane tibi & populorum fidem, & hostium oppressionem polliceri haud temere possumus, cum eius tibi Virginis patrocinium conciliare studias, quam terribilem esse, vt castro-

Pp iij

rum

rum aciem ordinatam, diuina oracula testantur. Vix dici potest, quanto nos gaudio cumularint nuperæ litteræ Maiestatis Tuæ de Immaculatæ Deiparæ Conceptione differentes. O curam Catholico Rege dignam, & Christi Vicario gratissimam! ne quid tamen noui tanta in re decernatur in præsentia, moneo tum negotij magnitudo, tum Romanorum Pontificum Prædecessorum nostrorum exemplum. Spiritus Sancti enim voci auscultare; non humanarum rationum ponderibus rem examinare debemus, qui in diuinæ sapientiæ cathedra Christiano orbi à Deo præfæcti sumus. Quare cum nondum æterna sapientia Ecclesiæ suæ tanti Mysterij penetralia patefecerit, in Dei Romanorumque Pontificum auctoritate debent fideles populi conuiuiscere. Magni tamen apud nos ponderis fuerunt preces Maiestatis Tuæ, tantumque negotium iterum accuratiusque pensauimus, aliquod tibi Regnisque tuis solatium afferre cupientes. Tum autem valdè timuimus ne veterator ille serpens, qui boni malique scientiam proprijs parentibus pollicens, maximis humanum genus miserijs cumulauit, ipsius pietatis armis abutatur ad Christianæ plebis pacem dirimendam. Quæ enim opinionum dissensio est, fieri potest animorum contentio, dum magnificum victoriæ genus plerisque videtur, vbi quid in controuersiam venit, de aliorum ingenijs triumphare. Quare diffidiorum semina extinguere cupientes, antequam asperior in istis Prouincijs pullulet zizanij prouentus, ingeniorum peruicaciam, libertatemque differendi Pontificio Decreto coercendam censuimus. Ex eo, & ex dilectis filijs nobilibus viris Oratoribus tuis Comite Montis-regij, & Duce Alburquerque mentem nostram vberius cognoscet Maiestas Tua. Cum enim nobis Regiam petitionem elegantissimè exponerent, luculenter intelligere potuerunt, quam inuiti refragemur, & quam alacriter semper gratificaturi sumus tanto Regi, quem Europæ ornamentum & Catholicæ Ecclesiæ gaudium esse arbitramur, ac Maiestati Tuæ Apostolicam benedictionem amantissime impartimur. Datum Romæ apud Sanctam Mariam Maiorem sub annulo Piscatoris die 4. Iunij 1622. Pontificatus nostri anno secundo.

*Peruenit  
Nuntium  
ad Regem.*

42 Ante Kalendas Iulias summa omnium lætitia peruenit bonum Nuntium Madritum, ad quod summe exhilaratis, rege, regina principibus & Curix dynastis, ad omnes Hispaniæ Prouincias transuolarent cursores, quid Decreti exempla perferrent.

Confe-



Confestim gratias habendas Sanctissimo Domino, tanti beneficii auctori, duxit pijsimus Rex, proinde paucis à recepto Decreto diebus, quæ sequuntur dedit ad Oratorem litteras, vt porrectis alijs Beatissimo Patri, coram, quas posset maximas; redderet gratias, adderetque adhuc magnam de definienda hac Controuersia spem & desiderium Regi superesse.

*Gratias  
habet Pater  
familias.*

## R E X.

**D**Vx Alburquerque cognate, mihi à Consilij & Legatione Romana. Per vestras datas 4. mensis præteriti, vidi Decretum Sux Sanctitatis circa mysterium puræ Conceptionis Domine nostræ, & summè lætatus sum, vt fauorabilem hanc resolutionem intellexi, in qua obtinenda bene vestrum eluxit studium & diligentia. Inclusas scribo Sux Beatitudini debitas soluens gratias, vt in earum conspicias exemplari. Expediet vt confestim exhibeatur epistola, & quam feruenter significes magnum quod ego & regina ex hoc successu concepimus gaudium propter singularem nostram in hoc sacrum mysterium deuotionem; ceteraque adiunges, quæ tibi videbuntur opportuna ad explicandam eam, quam fouemus, spem, quod Sua Sanctitas tandem definiet questionem, vt firmetur hæc doctrina in Dei & Genitricis eiusdem obsequium. Dabis etiam alias super hac eadem re Cardinalibus iuxta authographum quod mitto, meoque dices nomine, quod convenientius iudicaueris, vt intelligant, quanti fecerim illorum in hoc euentu adiutorium. Deum relesibes quidquid in hac causa occurrerit. Madridi 14. Iulij anno 1622.

E G O R E X.

*De mandato Domini Regis*

ANT. DE AROSTEGUI.

43 Illicò vt has accepit Orator litteras, iuxta præscriptum Regis Sanctissimo Domino & Illustrissimis Dominis Cardinalibus Inquisitoribus, quæ sequuntur, tradidit epistolas.

BEATISSIME PATER.

**D**Vx Alburquerquius & Comes Montis-regij me monuerunt Decreti, quod à Sanctitate Vestra emanauit in fauorem purissimæ Conceptionis Domine Nostræ, ad quod peculiari affectus sum

sum læticia, dum confidero, quàm sancta & Vestra Beatitudine digna fuerit hæc resolutio, quantaque glosia hinc resultabit Deo, Sanctissimæque Dei Genitrici, & fidelibus populis consolatio, qui tanto feruore & fiducia expectarūt successum hunc in felici Vestræ Beatitudinis pontificatu. Porro propter consolationem & exultationem, quam concepimus ego, Regina, & Fratres mei ad bonum hoc nuncium Sanctas Vestræ Beatitudinis exosculor manus, sanctè asseuerās inter summe grata, hoc vnum me computare, & ultra quam dici potest magni me æstimare, quod mea intercessio aliqualem habuerit in hac re partem, sicut largius significabit Vestræ Beatitudini Dux Alburquerqueus, cuius relationi me remitto. Dominus noster Sanctam Vestræ Beatitudinis personam seruet incolumem ad bonum & prosperum totius regimen Ecclesiæ. Madriti 14. Iulij. Anno 1622.

# VESTRÆ SANCTITATIS

*Per quam deuotus & humilis Filius PHILIPPVS  
Dei Gratia Rex Castelle, Legionis, Aragonie, &c.*

REX.

*Ex mandato Domini Regis*

ANT. DE AROSTEGVI.

*Exemplar Epistole ad omnes Cardinales Inquisitores repetita.*

44 **P**HILIPPVS Dei Gratia Rex Castellæ, Legionis, Aragoniæ, &c. Per quam Reuerende in Christo Pater N. Cardinal. admodum chare & dilecte amice. Peculiare habui gaudium, propter Decretum, quod à Sua Sanctitate nuper emanauit in fauorem purissimæ Conceptionis Domine Nostræ, cuius nec non Vestræ in hac re præstitæ operæ me monuerunt Dux Alburquerqueus & Comes Montis-regij. Ego proindè cuius tantopere hoc interest, singulares vobis reddo gratias, quia adiunxistis & defendistis causam adeo iustam & piam. Et deinde effectuosissime vos rogo, vt eandem adhibeatis operam in eo quod superest, donec Sua Beatitudo tandem dignetur Controuersiam definire, in quo singulariter mihi complacebitis, sicut particularius intelligetis ex Duce Alburquerqueij, ad quem me remitto. Madriti. 14. Iulij. Anno 1622.

EGO REX

ANT. DE AROSTEGVI.

Comes

45 Comes Oliuarenſis Regius fauoritus, qui ſuas etiam ante interpoſuit preces, modo addidit & gratias, datis literis ad Sanctiſſimum Dominum, & Illuſtriſſ. D. Cardinalem Ludouiſum; ſimiliterque alij fecerunt Dynaſtæ. Interim perſonuit vniuerſa Hiſpania in iubilos & gaudium, ita vt fere nullus fuerit, qui conceptam læticiam potuerit continere, quin exterioribus illud proderet ſignis. Ciuitates & Communitates publicis ediſtis, & ſtatutis præmijs, omnes excitauit incolas ad feſta & trophæa, & ex publicis ærarijs veluti profuſis theſauris, ingentem vim pecuniarum quàm libentiſſimè in feſtiuis diſtraxerunt ſpectaculis. Præ omnibus palam tulit Hiſpalis vrbs celeberrima, Bethicæ prouinciæ emporium, ciuitatum omnium anteſignana in celebrâdo hoc myſterio, vrbiũ regina in ſummo erga Immaculatam Virginem affectu, eidemq; proinde peculiariter dicata, & *Virginis Ciuitas* dicta. Primos ſuos indixit iubilos cum Archiepiſcopo clerus, deinde ciuitas ipſa, demum, omnes omnium ſtatuum ordines, nobilium, mercatorum, omnia artificum collegia; hinc Religiones omnes ſuis quæq; diebus, Communitates tandem aliæ Eccleſiaſticae, ita vt per integros meſes nihil ſonaret nec videretur, niſi iubilus, lætitia, triumphus, gratiarum actiones, nec eſſet qui inopiam, vel cauſam vllam prætenderet, quin afluenter & pia prodigalitate facultates ſuas quaſcumque ſummo erogaret affectu, vt in ſignis & trophæis exterioribus appareret, quanti fecerint Virginis puritatem à ſummo Eccleſiæ pallore commendatam.

*Litantur omnes Pro-  
uinciae pro-  
pter miſ-  
ſum Deum  
ſum.*

*Era cæteria  
Bethica, &  
vrbs Hi-  
ſpalis.*

46 Magna tamen hæc frequentia, & ſolemnitas gaudiorũ tranſuſa per cæteras ciuitates interturbata eſt Barchinone, Cæſarauguſtæ, & in alijs partibus, propter publice affixam quandam conſeſſionem rationabilibus de cauſis factam à Sanctiſſimo Domino, per quam iuxta clauſulam illam præteritæ conſtitutionis; *Exceptis tamen quibus à Sancta Sede Apoſtolica fuerit ſuper hoc ſpecialiter indultum*; indulgit Sua Sanctitas, Sanctiſſimi Dominicanĩ inſtituti viris, vt inter ſe dumtaxat, & non inter alios, aut cum alijs in priuatis colloquijs, & conferentijs, poſint diſſerere, & tractare de materia Conceptionis Beatæ Mariæ Virginis, quod in primo Decreto omnibus affirmatiuæ ſententiæ tutoribus erat interdictum. Forma conſtitutionis hæc eſt.

*Indulgetur  
Predicato-  
rib. ut in-  
ter ſe hanc  
materiam  
tractent.*

GREGO-

## GREGORIUS PP. XV.

Ad futuram rei memoriam.

„ 47 **E**Ximij, atque singulares fructus, quos dilecti filij Fratres  
 „ Ordinis Prædicatorum in militanti Ecclesia, cuius regi-  
 „ mini, diuina disponente clementia, præsidemus, attulerunt, & in  
 „ dies afferunt, promerentur vt eisdem Fratres, specialibus fauoribus  
 „ & gratijs, quantum cum Domino possumus, libenter prosequamur.  
 „ Alias siquidem fælicis recordationis Paulus Papa V. prædecessor  
 „ noster, post longam & maturam discussionem auditis votis Ven.  
 „ Fratrum nostrorum, tunc suorum S.R.E. Cardinalium, contra hæ-  
 „ reticam prauitatem Generalium Inquisitorum, re accurate & dili-  
 „ genter perpensa, prouide considerans, quod quamuis in constit. sæl.  
 „ rec. Sixti Papæ I V. etiam prædecessoris nostri super CONCEPTIO-  
 „ NE Beatæ Virginis MARIÆ, pro submouendis inter Christi fideles  
 „ scandalis, rixis, & contentionibus, edita, à Sancta Tridentina Syno-  
 „ do innouata, & deinde in alia constitutione san. me. Pij Papæ V.  
 „ similiter prædecessoris nostri, super eadem re, quas idem Paulus  
 „ prædecessor innouauit, cum quibusdam prouisionibus & adiectio-  
 „ nibus pœnarum, pro efficaciori earum obseruatione; relinquebatur  
 „ vniciq; libera facultas tenendi, & etiam asserendi vtramq; partem,  
 „ quod scilicet fuerit, vel non fuerit concepta cum peccato originali,  
 „ dū tamen neutra veluti erronea, aut hæretica damnaretur. Nihilo-  
 „ minus ex occasione assertionis affirmatiuę in publicis concionibus,  
 „ lectionibus, conclusionibus, & actibus publicis, quod eadem Bea-  
 „ tissima Virgo fuerit cum peccato originali concepta, oriebantur in  
 „ populo Christiano cum magna Dei offensa, scandala, iurgia, & dis-  
 „ sentiones. Propterea volens huiusmodi scandalis ex debito sui mu-  
 „ neris prouidere, decreuit, & præcepit, omnibus & singulis cuiusuis  
 „ ordinis, & instituti Regularibus, & alijs quibuscumque tam Eccle-  
 „ siasticis, quam Sæcularibus personis, cuiusuis conditionis, status,  
 „ gradus, ordinis, aut dignitatis, tam Ecclesiasticæ, quam Sæcularis,  
 „ etiam si specialis, specifica, & indiuidua earum esset necessariò men-  
 „ tio facienda, vt in posterum, donec articulus huiusmodi à Sancta  
 „ Sede Apostolica fuerit diffinitus, vel per eundem Paulum præde-  
 „ cessorem, & Sedem Apostolicam fuisset aliter ordinatum, non au-  
 „ deant in publicis concionibus, lectionibus, conclusionibus, & alijs  
 quibus-

quibuscumque actibus publicis asserere, quod eadem B. Virgo fuerit concepta cum peccato originali. Contra facientes autem, dictus Paulus prædecessor voluit, & declarauit, subiacere debere, & subiecit Censuris, & pænis cõtentis in supradictis Constitutionibus suorum Prædecessorum, & sua, ipso facto incurrendis. Per huiusmodi tamen prouisionem idem Paulus prædecessor non intendit probare alteram opinionem, nec ei vllum prorsus præiudicium inferre, eam relinquens in eisdem statu & terminis, in quibus tunc reperiatur, præterquam quoad supradisposita. Vterius sub eisdem censuris & pænis mandauit, quod negatiuam opinionem, videlicet, quod non fuerit concepta cum peccato originali, in præfatis actibus asserentes, aliam opinionem non impugnarent, nec de ea aliquo modo agerent, seu tractarent. Insuper voluit & expressè mandauit, vt extra hos casus expressos publicorum actuum in reliquis omnibus supradictæ Constitutiones firmæ, & illæ remaneant, & exactè obseruentur, perinde ac si Decretum huiusmodi non emanasset. Nuper vero nos sub die videlicet 24. Maij, 1622. in generali congregatione Sanctæ Romanæ, & vniuersalis Inquisitionis, habita in Palatio Apostolico in Monte Quirinali coram nobis, & Cardinalibus præfatis, ex eiusdè causis euitandi scandala, dissensiones, atq; discordias in populo Christiano, quæ pari ratione oriri possunt, & vt accepimus, in aliquibus Regionibus iam ortæ sunt, ex sermonibus priuatis occasione assertionis affirmatiuæ, supradictum Pauli prædecessoris Decretum extendimus, & ampliauius etiam ad priuata colloquia & scripta, mandantes, & præcipientes omnibus & singulis supradictis, ne de cætero donec articulus huiusmodi à Sede Apostolica fuerit super hoc specialiter indultum. Per hoc tamen non intendimus reprobare hanc opinionem, nec ei vllum prorsus præiudicium inferre, eam relinquentes, in eisdem statu & terminis, in quibus reperitur, præterquam quoad in supradicto dicti Pauli prædecessoris Decreto disposita. Voluimusque & expressè mandauimus, vt in reliquis omnibus, vbi huiusmodi Decretis non aduersantur, Constitutiones Sixti ac Pij & Pauli præfatorum, necnon rec. mem. Alexandri Papæ VI. Prædecessorum nostrorum super Conceptione Beatissimæ Virginis, Mariæ, firmæ & illibatæ remaneant, ac exactè obseruentur, perinde ac si huiusmodi Decretum non emanasset. Et insuper cum, Sancta Romana Ecclesia de Beatissimæ & intemeratæ Virginis,

„ Mariæ Conceptione Festum solemniter, & officium celebrent, o-  
 „ mnibus & singulis personis Ecclesiasticis, tam Sæcularibus, quam  
 „ cuiusvis Ordinis & instituti Regularibus, mandauimus ac præci-  
 „ pimus, vt in Sanctofancto Missæ Sacrificio ac Diuino Officio ce-  
 „ lebrandis, tam publicè, quam priuatim, non alio quam Conce-  
 „ ptionis nomine vti debeant. Contrauenientes autem voluimus,  
 „ & declarauimus subiacere debere, & subiecimus, censuris & pænis  
 „ contentis in supradictis Constitutionibus, ac præfato Decreto  
 „ nostrorum Prædecessorum, ipso facto incurrendis. Et ita decreui-  
 „ mus, & mandauimus vbique inuiolabiliter obseruari. Non ob-  
 „ stantibus in hac parte Constitutionibus supradictis, Decreto præ-  
 „ fato Pauli Prædecessoris, consuetudinibus etiam immemorabili-  
 „ bus, necnon omnibus, & singulis, quæ Prædecessores præfati vo-  
 „ luerunt non ob stare, ac alijs quibuscumque in contrarium facien-  
 „ tibus. Volentes, & decernentes pro obseruatione, & exequutio-  
 „ ne nostri huiusmodi Decreti, & omnium in eo contentorum,  
 „ quod contra huiusmodi transgressores, etiam Regulares, cuiusvis  
 „ Ordinis, & instituti, etiam quomodolibet exemptos, & alias quas-  
 „ cumque Ecclesiasticas & Sæculares personas, cuiuscumque sta-  
 „ tus, conditionis, gradus, ordinis, aut dignitatis, tam Ecclesiasti-  
 „ cæ, quam Sæcularis, tam Episcopi & Prælati Superiores, alijque  
 „ Ordinarij locorum, quam hæreticæ prauitatis vbique locorum de-  
 „ putati Inquisitores procedant, & in eos seuerè animaduertant.  
 „ Tribuentes eis, & eorum cuilibet, liberam facultatem & auctorita-  
 „ tem, contra eosdem transgressores procedendi, ac pænis coercen-  
 „ di, & puniendi. Nunc autem nos eosdem Fratres Ordinis Prædi-  
 „ catorum, quos in visceribus gerimus charitatis, specialibus fauo-  
 „ ribus, & gratijs prosequi volentes, & eorum singulares personas à  
 „ quibusvis excommunicationis, suspensionis, & interdicti, alijs-  
 „ que Ecclesiasticis sententijs, censuris, & pænis à iure vel ab homine  
 „ quauis occasione, vel causâ latis, si quibus quomodolibet innoda-  
 „ tæ existunt, ad effectum præsentium dumtaxat consequendum,  
 „ harum serie absoluentes, & absolutas fore censentes. Motu pro-  
 „ prio, & ex certa scientia, ac matura deliberatione, nostris omni-  
 „ bus & singulis dicti Ordinis Prædicatorum Fratribus, vt de cætero  
 „ in quibuscumque priuatis eorum colloquijs seu conferentijs, inter  
 „ se dumtaxat, & non inter alios, aut cum alijs, de materia eiusdem  
 „ Conceptionis Beatissimæ Mariæ Virginis differere & tractare,  
 „ absque

absque villo penarum in dictis Decretis contentarum incurfu, liberè & licitè possint, & valeant. Apostolica auctoritate, tenore, presentium, licentiam concedimus & impartimur. Decernentes, Fratres prefatos à quoquam, quavis auctoritate desuper molesta-  
 ri, perturbari, aut inquietari nullatenus posse, aut debere, sicque  
 & non aliter per quoscumque Iudices ordinarios, & Delegatos, etiam causarum Palatij Apostolici Auditores, vbique iudicari &  
 diffiniri debere, ac irritum & inane si secus super his, à quoquam  
 quavis auctoritate, scienter vel ignoranter contigerit attentari.  
 Non obstantibus singulis premisis, ac Constitutionibus & ordinationibus Apostolicis, ceterisque contrariis quibuscumque.  
 Datum Romę apud Sanctam Mariam Maiorem, sub Annulo, Piscatoris, die 28. Iulij, Anno 1622. Pontificatus nostri Anno  
 secundo.

*S. Card. S. Susanna.*

48 Contristauit multos hoc indultum, qui desiderabant saram & rectam piam opinionem, & extra opinionem fieri, ne in affirmatiue, etiam clancula confutatione foueretur aliqua scandalorum occasio. Sed tantorum Virorum credendum est prudentiæ, speciali Apostolicæ Sedis gratia non abusuros, neque facile timerelicet, in exteriora prorupturum scandala, quod interioribus & priuatis dumtaxat permissum est colloquijs.

49 Non sat se fecisse suæ exultationis indicijs iudicauit pissima, quam supra memorauimus, ciuitas Hispalensis, nisi Senatus, totius Ciuitatis nomine destinatis ad Sanctissimum Dominum litteris gratias haberet maximas pro superiori beneficio, tantquam si sibi specialiter esset impensum; ita enim peculiari fertur in Virginem affectu, vt quod commune erat donum, veluti proprium sibi vendicaret. Quas Hispanas dedit iuxta proprium idiotismum, subijcio Latinas.

*Hispalens.  
 gratias ha-  
 bens San-  
 ctissimo  
 Domino.*

## BEATISSIME PATER.

50 **V** Rbs hæc, & vniuersa adhærens Prouincia, ita se locupletatam agnoscit, magno illo bono & fauore, quem relul-  
tasse ex Sacro Decreto Vestræ Beatitudinis circa Myſterium Im-  
maculatæ Conceptionis Virginis Sanctiſſimæ Dei Genitricis, &  
Dominæ Noſtræ cognoscit, vt prostrata ad Sanctiſſimos Vestræ  
Beatitudinis pedes, per quam affectuosas reddat gratias, quales de-  
bentur immortalī huic, & veluti diuino beneficio. Quod fausto  
hoc Vestræ Beatitudinis Pontificatu, cælitus impulſa adeo concu-  
pitam hanc gratiam præſtiterit Veſtra Sanctitas, fæliciſſimis  
Suz Maiestatis regnis, (per quam æternum ſuum reddidit nomen,  
nullo vnquam æuo à cordibus fidelium abolendum) Ciuitas hæc  
peculiari conatu, nulli ſecundo, iuxta debitæ gratitudinis, & per-  
petuæ obligationis meſuram, ſemper Dominum orabit, vt Ve-  
ſtram Beatitudinem plurimis & fæliciſſimis annis tueatur incolu-  
mem, iuxta Chriſtiani orbis neceſſitatem. Datum Hiſpali, Iulij  
12. Anno 1622.

## BEATISSIME PATER.

*Oſculantur Veſtræ Beatitudinis pedes*  
*Humiliſſimi ſui filij*

## HISPALENSES.

31 Litteras has porrexerunt Sanctiſſimo Domino Viri Hiſpa-  
lenſes, ſæpius ſupra nominati, coram agente, & præclariſſimam  
Metropolim laudante à pietate, à diuitijs, & maiestate, & magni-  
tudine, Excellentiſſimo Duce Alburquerqueio. Nobiliſſimę &  
piſſimę Vrbis deuotionem, ſingularemque erga Virginem Sacra-  
tiſſimam affectum ſua paterna benedictione, & grata reſponſio-  
ne fouendam iudicauit Sua Beatitudo: quare Apoſtolicum, quod  
ſequitur breue, magnę Vrbis conſolationi & authoritati tranſ-  
miſit.

Dilectis



Dilectis filiis Senatui Ciuitatis Hispalensis

## GREGORIVS PP. XV.

**D**ilecti filij salutem & Apostolicam benedictionem. Opulentæ Indiarum classes, non tantum Vrbi vestræ decus atterre possunt, quantum Catholicæ religionis cultus, & Christianæ pietatis studium. Magnum quidem est alterius orbis diuitias in vestrum portum conuehi; sed profecto longe præclarior thesauris diuinæ gratiæ animas vestras locupletari, præterquam quod ea opulentia multas exterarum nationum homines ad Hispalensia littora conuocat, at enim pietas militiam cœlestis exercitus in vestras arces introducit, & Angelorum opem consuetudinemque pijs fidelium cordibus conciliat. Beati profecto estis, dilecti filij, cum intelligatis quanto periculis diuitijs præstantiora sint eloquia Domini, desiderabilia super aurum & lapidem pretiosum. Proinde nos, quorum fœlicitas Christianarum nationû salute continetur, paterno solatio literæ vestræ cumularunt, quas nobis non ita pridem reddiderunt dilecti filij Matthæus Vasquez, & Bernardus de Toro. Ex illarum enim sententia, & ex horum sermone intelleximus, quo studio Beatissimæ Virginis gloriæ inserviat. Ita sentire, ita loqui par est Ciuitatem à dominantium Domino custoditam, & solidæ pietatis fundamentis innixam. Neque enim vera mortalium laus, atque gratulatio à cœlestis aulæ gloria seiungitur. Vos autem scientiam salutis præclare didicisse ostenditis, cum beneficium vobis tributum esse profitemini, eo Apostolico Decreto, quo altercantium Theologorum dissidia tollere, & cœlestis Reginæ dignitati consulere nuper volumus. Non deerit vobis remuneratio ab eo, qui diues est in misericordia, & beneficentia illius Virginis perfruemini, quæ causa est nostræ lætitiæ, & diuinæ vltionis flagella tam sæpe à Catholicæ plebis capite auerruncat. Nos autem paterna vos charitate in visceribus Iesv Christi complectimur, ac super urbem istam non minus virtutibus, quam diuitijs abundantem Apostolicæ benedictionis thesauros liberaliter effundimus, Deum Beatissimamque Deiparam orantes, vt Hispalensem Ciuitatem illustrioribus semper locupletent diuinæ beneuolentiæ documentis. Datum Romę apud S. Mariam maiorem die 4. Nouembris, 1622, Pontificatus secundo.

Qq iij

Huc-

Huc vsque deducta est series historiarum, & ad hos devenit terminos Controversia. An hic hærendum, vel ulterius pergendum ad irrefragabilem doctrinae definitionem, rerum status docebit. Nichilo magis crevit pietas negatiuae sententiae, quam ipsa contradictione, & scandalorum frequentia. Si hæc cessant, definitionis fientissimos à cursu reuocabunt: si denuo prorumpant, calcaria addent currentibus, qui illam iam conceperunt spem, quod *Taurum tollent, qui vitulum sustulerint*. Si iterum prouocentur ad bellum, ab illo iam reuocari non timent, quod per vniuersum orbem doceri voluit Ecclesia. Multa sæpius iactatum est esse fundamenta, vt aduersa stabiliiri possit de fide sententia, *Sed etiam Alaudæ in nido latet gramen*; & tam firmas contendit sibi subesse rationes pia opinio, vt propter eas vna, & sola permessa sit fidelibus, iamque in sinu Ecclesiae secura, & in omnium Academiarum præsidio certam habeat de vltima victoria fiduciam. Illud certe apud me habet authoritatis ponderosa, & summa rectitudo Ecclesiae in discernendis doctrinis, vt nullatenus induci possim vt credam, quod aliquando ablegauerit, quod verum sit, vel vbique doceri voluerit, quod falsum. Multis iam retro annis definiuit errorem esse, hæresis condemnare piam sententiam: nullo ergo tempore poterit ista condemnari. *Extraneus. Graue nimis.* Vt autem periculum fieret, modesto, & graui conatu, non æmulatoria contentione, aut irritatorio tumultu, nulli poterit displicere. Ego profecto, si id quod sentiam, dixerim, id summis votis contendendo, & iudicauerim sola definitione perfectè rescindi posse vltima germina scandalorum. Si quid autem hætenus retuli quod Sacrosanctæ Matri Ecclesiae, imò cuicumque docto & sincero Lectori displiceat, mihi etiam displicet, & indictum volo, 8. Kalend. Iulij, Anno 1622.

## SECTIONIS QUARTAE

## FINIS.

# QVAE HOC VOLVMINE CONTINENTVR.

## SËCTIO PRIMA.

### TRACTATVS I.

**H**istoria facti sub anno 1618. Pag. 1  
Prima Constitutio S. D. N. Pauli V.  
innouans alias Constitutiones, editas de  
Immaculata Concept. B. V. p. 7

Alia Constitutio eiusdem Pauli V. p. 14  
Regis littera ad Sum. Pontificem & Cardi-  
nales. p. 29. & seq.

## SECTIO SECVNDA.

**T**raclatus II. Oratio prima ichetica ad  
Pontificem, de motiuis nouae instan-  
tia. p. 44  
Apologia pro Rege Catholico. p. 56  
Traclatus III. Quam iusta sit Regis peti-  
tio de definienda hac Controuersia. Ora-  
tio II. Parantica ad Pontificem. p. 79  
Traclatus IV. Oratio III. De exactu huius  
rei consideratione. p. 92  
Traclatus V. Oratio IV. De mente SS. Pa-  
trum. p. 117  
Traclatus VI. Oratio V. De Vincentij Ban-

delli libris. p. 131  
Traclatus VII. Oratio VI. De uniformi-  
ter celebrando hoc Feslo p. 149  
Leonardi Nogaroli supplex libellus ad Six-  
tum IV. p. 165  
Traclatus VIII. Oratio VII. De sensu  
Fesli. p. 172  
Traclatus IX. Oratio VIII. De statu huius  
Controuersiae. p. 201  
Traclatus X. Oratio IX. De definibilitate  
huius Controuersiae. p. 236

## SECTIO TERTIA.

**O**pusculum I. Ad Illustrissimum Car-  
dinal. Cobell. de cudendis Numis-  
matibus Conceptionis. p. 294  
Opusculum II. De inscriptione Numisma-  
tum Conceptionis. p. 308  
Opusculum III. De absolute cudendis sacris  
Numismatibus. p. 325

Traclatus II. Oratio X. Ad S. Pontificem  
de reuelationibus. p. 339  
Traclatus XII. Oratio XI. De scanda-  
lis. p. 375  
Traclatus XIII. Oratio XII. De votis  
suenda Conceptionis. p. 399

## SECTIO QVARTA.

**E**pistola Philippi III. ad Ducem Al-  
burquerquum. p. 430.  
Epistola Philippi IV. ad S. D. Grego-  
rium XV. p. 438  
Epistola Reginae ad eundem. p. 439  
Epist. Cardinalis Infantis ad eund. p. 440  
Epist. Margaritae Austriacae ad eund. p. 441  
Decretum S. D. N. Gregorij XV. precipiens

omnibus ne in sermonibus aut scriptis,  
etiā priuatis, asserant B. V. fuisse con-  
ceptam in peccato originali; & ut in  
Avisa & Diuino Officio, publice & pri-  
uatum, omnes, CONCEPTIONIS no-  
mine utantur. p. 447  
Epistola S. D. N. Gregorij XV. ad Re-  
gem. p. 451

2q iij Epist.

Quæ hoc Volumine continentur.

<i>Epistola Regis ad Pontificem.</i>	p. 453
<i>Epistola Regis ad Cardinales Inquisitores.</i>	p. 454
<i>Decretum quo sua Sanctitas indulget Fratribus Prædicatoribus inter se tantum in colloquijs priuatis differere de Conce-</i>	

<i>pione B. V.</i>	p. 456
<i>Epistola Senatus Hispanensis ad Summum Pontificem.</i>	p. 460
<i>Epistola Summi Pontificis ad Senatum Hispanensem.</i>	p. 461

PARTITIONES TRACTATVVM.

<b>T</b> raçtatus I. Oratio I. De motiuis nouæ instantiæ. -	p. 44
<i>Apologia in qua ostenditur Regem Catholice se gessisse in ijs quæ pro hac Cõtrouerfia dirimenda fieri curauit.</i>	p. 56
<i>Hoc idem probatur Pontificum Decretis.</i>	p. 60
<i>Ex Concilij, Oecumenicis.</i>	p. 62
<i>Ex Sançtorum Patrum Doctrina.</i>	p. 65
<i>Ex utriusq; Iuris contextu.</i>	p. 69
<i>Multis &amp; Varijs rationibus.</i>	p. 73
<i>Tractatus III. Oratio II. Parænetica in qua hortatoriè interpellatur Pontifex ut hanc Controuerfiam definiat.</i>	p. 79
<i>Tractatus IV. Oratio III. In qua exacta huius rei cõsideratio proponitur.</i>	p. 92
§ 1. In quo expeditur rei granitas.	p. 95
§ 2. De rei periculo.	p. 100
§ 3. De definitionis necessitate.	p. 102
§ 4. De definitionis utilitate.	p. 112
<i>Tractatus V. Oratio IV. De mente Sançtorum Patrum.</i>	p. 117
<i>Tractatus VI. Oratio V. De libris Vincenrij Bandelli.</i>	p. 131
<i>Tractatus VII. Oratio VI. De celebrando uniformiter Festo Concept.</i>	p. 149
§ 1. Grauius ferri tantam in celebranda Virginis Conceptione dissonantiam.	ibid.
§ 2. Inter Prædicatores antiquum fuisse Conceptionis Festum, & Sanctificationis noniter introductum.	p. 150
§ 3. Nunquam in Rom. Ecclesia Sanctificationis Festum fuisse in sensu Aduersariorum.	p. 154
§ 4. Non debuisse affirmatiua factores propter Pontificum tollerantiam in	

<i>Festinitate celebranda à cæteris discrepare.</i>	p. 154
§ 5. Maximam haberi debere rationem consuetudinis Ecclesiasticæ in cultu diuino & Sançtorum.	p. 159
<i>Tract. VIII. Orat. VII. De sensu sub quo celebratur Fest. Concept. in Eccles.</i>	p. 172
§ 1. Varia recensentur aduersariorum ad varias obiectiones effugia.	ibid.
§ 2. Probat in festis omnibus Sanctitatem coli ab Ecclesia.	p. 174
§ 3. Celebrari in Ecclesia veram & naturalem Conceptionem in Sanctitate factam.	p. 175
§ 4. idem Festi sensus comprobatur ex Sixti IV. Constitutionibus.	p. 179
§ 5. idem confirmatur ex Concilio Tridentini declaratione.	p. 186
§ 6. idem habetur Festi insensum ex officio Monialium Conceptionis.	p. 180
§ 7. Non ebsse huic aperto sensui Festi, Ium V. mutasse Officium.	p. 191
§ 8. Festum sub hoc sensu intelligi in Ecclesia, & à Doçtoribus præcipue à quibusdam ex Dominicanijs.	p. 199
<i>Tractatus IX. Oratio VIII. De statu huius Controuerfiae.</i>	p. 201
§ 1. Ostenditur sententiam uno tempore probabilem alio reddi posse omnino improbabilem.	p. ibid.
§ 2. Quinq; præcipua fundamenta quibus summa probabilis negatiua sententia & exigua vel nulla affirmatiua comprobatur.	p. 207
§ 3. Primum fundamentum ex Sacra Scriptura.	p. 208
§ 4. Secundum fundamentum ex auctoritate Ecclesiæ.	p. 211
§ 5. Ter-	

Quæ hoc Volumine continentur.

- § 5. Tertium fundamentum ex approbatione tantorum Pontificum. p. 217
- § 6. Quartum fundamentum ex communi nostri seculi Doctorum attestatione. p. 225
- § 7. Quintum fundamentum ex unanimi totius populi Christiani consensu. p. 250
- Tractatus X. Oratio I. X. De definibilitate huius Mysterij.* p. 236
- § 1. Sententia & fundamenta asserentium hanc Controuersiam non posse ab Ecclesia definiri. Ibid.
- § 2. Respondetur illorum fundamentis. p. 240
- § 3. Variè probatur huius Controuersia definibilitas. p. 246
- § 4. Quare alij Pontifices sub quibus de hac actum est Controuersia, eam non definierint. p. 251
- § 5. An quia alij Pontifices hanc non absoluerint Controuersiam, modo non liceat Sanctissimo Domino eam expedire. p. 254
- § 6. An possit condemnari affirmatiua opinio, & an conformior sit Sacra Scriptura, & Sanctorum Patrum doctrina. p. 261
- § 7. Probatur solam negatiuam esse definibilem. p. 268
- § 8. An obiter definitioni Diuum Thomam aliquando contrarium sensisse. p. 277
- § 9. An necesse sit cogi Concilium, ut hac questio definatur. p. 284
- Opusculum I. ad Card. Cobel. de cudendis Numismatibus Conceptionis.* 294
- Opusculum II. De inscriptione Numismatum.* p. 308
- § 1. Fundamenta asserentium, expedire, ut addatur inscriptioni particula, piè creditur. p. 308
- § 2. Prasertur sententia negatiua. p. 309
- § 3. An conueniat addere hanc particulam, piè credit Ecclesia. p. 314
- § 4. Satisfit argumentis dicentium, debere has particulas admitti. p. 322
- Opusculum III. De absolute cudendis Nu-*

- mismatibus.* p. 325
- Tractatus XI. Oratio X. De reuelationibus circa hoc Mysterium Concepti.* p. 336
- § 1. Quanam sit differentia inter reuelationes communes, & priuatas, & quantum ista mereantur. Ibid.
- § 2. Qua & quales referantur pro Immaculata Virginis Conceptione reuelationes. p. 338
- § 3. Referuntur reuelationes B. Brigittæ de Immunitate B. Mariæ à peccato originali. p. 342
- § 4. His B. Brigittæ reuelationibus, alia opponitur ab Aduersarijs. p. 344
- § 5. Statuntur quatuor regulæ ad veras dignoscendas reuelationes. p. 345
- § 6. Reuelationes de Immacul. Conceptione esse conformes S. Scriptura. Ibid.
- § 7. Esse conformes traditioni ecclesiastica. p. 350
- § 8. Reuelationes hæc conducent ad spirituale profectum Ecclesiæ. p. 351
- § 9. Quam indubitata sanctitatis, & præclari meriti fuerit Beata Brigitta. p. 353
- § 10. Quam approbata, & commendata fuerint à Summis Pontificibus reuelationes B. Brigittæ. p. 354
- § 11. Quanam admittenda sit pro vera reuelatione; an illa D. Catherina, an alia B. Brigittæ uidua. p. 358
- § 12. Quod Aduersarij de Beata Catharina obijciunt, reuelationem non esse. Ibid.
- § 13. Quam leui innitatur fundamento hac prætensa reuelatio. p. 352
- § 14. Quantum discrepet hac reuelatio à prima regulâ veræ reuelationis. p. 365
- § 15. Quantum aberret à secundâ regulâ. p. 367
- § 16. Ex tertiâ regulâ infertur, reuelationem non esse. p. 368
- § 17. Ex quartâ regulâ venit reijcienda. Ibid.
- Tractatus XII. Oratio XI. De scandalis exortis ex hac Controuersia.* p. 375
- § 1. Quare præcipua scandala ex hac Contro-

Quæ hoc Volumine continentur.

- Controuersia exortareferantur. Ibid.*
- § 2. Et sequentibus usque ad § 9. citantur authores, qui referunt scandala exorta in diuersis Regnis. p. 376
- § 9. Omnia hæc scandala aiunt Aduersarij esse pusillorum vel Pharisæorum. p. 380
- § 10. Probatur ætina, & data esse hæc scandala. p. 381
- § 11. Non esse solum scandala pusillorum. p. 383
- § 12. Dato quod essent scandala pusillorum, esse tamen rescindenda. p. 384
- § 13. Licet etiam Pharisæica essent, esse tamen curanda. p. 385
- § 14. Tres rationes potiores, propter quas Aduersarij insinuant, se nequaquam debere cessare à sua sententia inculcanda. p. 387
- § 15. Expenditur prima ratio. p. 388
- § 16. Examinatur secunda ratio. p. 390
- § 17. Tertia rationi satisfi. p. 392
- § 18. Humilis ad Sanctissimum Dominum supplicatio vs pro sui muneris debito his malis dignetur obueni-

- re. p. 394
- Tractatus XIII. Oratio XII. De votis nuncupatis de defendenda Conceptione Immaculata. p. 399*
- § 1. Antiquam esse consuetudinem in pluribus Regnis, & Communitatibus hæc vota emittendi. p. 400
- § 2. Quantum expedierit Christianæ deuotioni, pietati, & paci, priscis illis temporibus hæc vota emisisse. p. 403
- § 3. Quos & quales Academia, Prouincia, Ciuitates, & Communitates his annis proximè elapsis prudenter & piè hæc vota emisierint. p. 406
- § 4. Quam agre hæc vota tulerint Aduersarij, & quanto conatu, quibusque argumentis ea studuerint irritare. p. 408
- § 5. Hanc vouendi consuetudinem iam olim ab Ecclesia approbatam fuisse ostenditur, & satisfi Aduersariorum rationibus. p. 411
- § 6. Vota hæc non posse irritari, & debere Indulgentijs & gratijs Apostolicis commendari. p. 420

F I N I S.



# ERRATA.

**P** *Ag. 2. Lin. 7. timeo ne, addi, non. p. 3. l. 5. inductum, corr. inductam. p. end. l. 25. iure, corr. vix. p. 22. l. 20. adderat, corr. adderet. p. 27. l. 18. rationis, corr. rationes. p. 99. l. 8. delectus ma. p. 107. l. 25. cogitatioibus, corr. cogitationibus. p. 157. pontius, corr. potius. p. 169. l. 9. in corr. tu. p. 187. l. 11. eosq; corr. easq; p. 189. l. 28. eadem, corr. eodem. p. 199. l. 35. Conceptiones, corr. Conceptionis. p. 240. suspicientur, corr. suspicentur. p. 246. l. 5. dele, sibi. Ibid. l. 6. vera, corr. veram. p. 251. l. 4. sententiam, corr. sententia. p. 249. l. 17. Qui, corr. Si. p. 253. l. pen. controuerfia, corr. controuersa. p. 254. potuit, corr. potuerunt. Ibid. solentia, corr. solertia. p. 261. l. 11. ostendit, corr. offendit. p. 264. l. 35. officie, corr. officere. p. 269. & ponatur post ignominiz. p. 278. l. 7. præscribam, corr. præteribam. Ibid. l. 17. Alii, corr. Alijs. Ibid. omnis eius, corr. omniscius. p. 282. discorderit, corr. discordauerit. p. 280. l. ult. exceptis, corr. excerptis. p. 281. phralis, corr. phialis. p. 285. l. 35. victoriam, corr. victoria. p. 290. l. 1. maturitatem, corr. maturitate. Ibid. l. 26. post istq; addi, qui. p. 293. in titulo deleatur Tractatus 3. Ibid. l. pen. promere, corr. pro more. p. 295. l. 11. videbatur, corr. cudebantur. Ibid. l. 16. indicunt, corr. ut dicunt. p. 300. l. 19. conceptione, corr. concessione. p. 313. l. pen. fautoribus, corr. fauoribus. p. 321. l. 1. affligendos corr. affligendos. p. 327. l. 30. multo, corr. multa. Ibid. l. 35. ratio, corr. oratio. p. 330. l. 34. sine aliqua distinctione debet continuari cum sequenti. p. 341. l. 14. condemnato, corr. condemnatz. p. 353. l. 12. in ponatur post detulit. p. 356. l. 23. completos, corr. completas. p. 376. l. 7. afferat, corr. afferant. p. 393. l. 29. tanquam, corr. tamque. p. 442. l. 18. omni, corr. omnes. p. 451. l. ult. studias, corr. studas.*







